

(باب القاف - * - فصل الالف الخ.)

1-3489-5

قاب

نوبه-ده دنقله-نك غرب جهتنده و ساحل نييلدن قرق اللي كيلومتره-لك مسافه-ده چول اورته-سنده بر صره واحلردر، كه شمالدن جنوبه 170 كيلومتره-لك مسافه-ده ممتد اولور. موقعلى نيك حذاسندن آچق اولمغله، جدوللر واسطه-سييله اروا اولندقلرندن، معمور و مسكوندرلر. وقتيله عمرانلرى و اهالييسى دها زياده ايدى. *- بونلرك غربنده و 240 كيلومتره-لك مسافه-ده %قاب الكبير\$ اسميله ديكر بر صره واحلر دخى واردر. ايكي طاقمى ده %كبابيش\$ دينلن نوبه قبيله-سييله مسكوندر.

2-3489-5

قاب

صعيد مصرده نيك ساحل يسارنده و %اسنه\$نك 29 كيلومتره جنوب شرقيسنده بر قريه اولوب، قبطيلرجه %نخب\$ و يونانييلرجه %التيه\$ اسميله معروف مدينه قديمه-نك خرابه-لرى اوزرنده واقع اولمغله، بر خيلى آثار عتيقه-سى و بعض اسكى مزارلرى حاوى مغاره-لرى واردر.

3-3489-5

قابرال

#1

پورتكيز مشاهير بحريونندن اولوب، 1500 تاريخنده قرال امانوئل طرفندن هند شرقى كشفياتنه مأمور اولمغله، نامساعد هوالردن سوق اولنه-رق، برازيليا ساحلنه دوشمش؛ و بو مملكتى كشف ايتدكن صكره، هند چينبيه كيدوب، %قوشين\$ و %قتانور\$ حكمدارلريله عقد اتقاق ايد-رك، 1501ده اموال كثيره ايله پورتكيزه عودت ايتمش ايدى.

4-3489-5

قابرره

#1

اسپانیه-نك بالئار جزائرندن اولوب، مایورقه-نك جنوبنده واقعدر. بوی 13 و اکی 4 کیلومتره اولوب، اهالیسی آذر. بر استحکامله محفوظ صاغلام بر لیمانی واردر. وقتیله کچیلری چوق بولنمش اولدیغندن، بو حیوانه دلالت ایدن بو اسمله تسمیه اولنمشدر.

5-3489-5

قابه

#1

اسپانیه-نك قرطبه ایالتنده و قرطبه-نك 75 کیلومتره جنوب شرقیسنده قضا مرکزی بر قصبه اولوب، 11000 اهالیسی و جامعدن مبدل مصنع بر کلیساسی واردر. صولری غرناطه-نك مشهور شنیل نهرینه دوکیلور کوزل بر وادیده واقع اولوب، اطرافنده باغلی چوق و شرابی مشهوردر.

6-3489-5

قابه

#1

اسپانیاده بادایوز ایالتنك %قاستورده\$ قضاسنده و 37 کیلومتره شرقنده اوله-رق بادایوزدن چودادر آله-کیدن دمیر یول خطی اوزرنده بر قصبه اولوب، 6000 اهالیسی واردر.

7-3489-5

قابس

#1

تونسك جنوب شرقی جهنده تونس شهرینك 300 کیلومتره جنوبنده و قابس کورفزینك ایچنده اوله-رق %وادی قابس\$ اوزرنده و منصبندن بر آز یوقاریده قضا مرکزی بر قصبه اولوب، 20000 اهالیسی، باغ و باغچه-لری، طوت، زیتون، پورتقال، لیمون و موز اشجاریله شکر قامشی و ایشلك تجارتی واردر. مذکور نهرک صویی کوزل و صوئوق اولوب، باغچه-لرینی اروا ایدر. پك اسکی بر قصبه اولوب، اسم قدیمی %تاقاپه\$در. دور اسلامدن صکره دخی پك معمور اولوب، سوری و حین حاجتده صو ایله طولار خندگی و بیوک بر فناری وار ایدی.

8-3489-5

قابس برزخی

#1

قابس كورفزیله تونسك جنوبنده بولنان و سطحلی حذای بحدن آلچق اولان شط فچیج و شط جرید آره-سندھ قوملق بر مسافه اولوب، 45 متره قدر ارتفاعی واردر. بو برزجك كشادی تقدیرنده مذکور كوللرك دكیزه تحویلله تا جزایرك ایچ طرفلرینه قدر سفاینله سیر ایتمك ممكن اوله-جقدر.

1-3490-5

قابس كورفزی

#1

تونسك جنوب شرقی ساحلنده آچیقه بر كورفز اولوب، ایچنده بولنان قصبه-نك اسمیله مسمی و %كوكچ سرت\$ دینمكله دخی معروفدر. شمال جهتنده قرقنه و جنوب جهتنده جربه آطه-لری بولنیور.

2-3490-5

قابل

#1

حضرت آدم ایله حضرت حوانك اولاندن اولوب، حضرت حوا هر بطننده بری اركك و دیکری قیز اولمق اوزره، ایکی ایکیز طوغورمغله، بر بطندن طوغان قیزی دیکر بطندن متولد ارككه ویردكلی حالده، قابل ایله برلكده طوغان قیز پك كوزل اولدیغندن، قابل بونك دیکر بطندن متولد برادری هابله ویرلمسنه قیصقاندیغندن، و بر روایتده هابل چوبان اولوب، اك ایی قیونلری قربان ایتمکی حالده، قابل چفتجی اولوب، محصولاتنك آنجق فضلہ-سنی رضای الهیبه حصر ایتمكله، هابلك تقدمه-لرینك دها مقبوله كچدیكنه حسد ایتمدیكندن، هابلی قتل ایتمش؛ و یر یوزنده برنجی دفعه اوله-رق وقوع بولان بو جنایتدن طولایی پدرینك بد دعاسنه و لعنة اللهه اوغرایوب، یر یوزنده سرسری كزمكله محكوم اولمش؛ و نسلی عبادت اوئانه صاپمشدر.

3-3490-5

قابل

هندستان شعراسندن و عبد القادر بیدل شاکرداندن اولوب، ابتدا %صنعت\$ تخلص ایدردی. 1140 تاریخنده وفات ایتمشدر. شو بیت اونکدر:

@@@

من از ساقی نه می نه شیشه و نی جام میخو اهم

كزك و اری ز چشم مست او بادام میخو اهم

\$

4-3490-5

قابله

یمنده صنعانك شرق جهتنده بر ناحیه اولدیغنی یاقوت حموی بیان ایدیور.

5-3490-5

قابلی

اونجی قرن هجری عثمانلی شعراسندن و ارباب تصوفدن اولوب، استانبولده ملا کورانی محله-سندندر. شو بیت اونکدر:

@@@

دون کیجه خال رخك شو قینه کرم اولوب چراغ

یاقدی ای مهپاره ایشقلر کبی باشنه داغ

\$

6-3490-5

قابنده

#1

آفریقانك ساحل غربیسنده قونغو ایرماغی منصبك 65 کیلومتره شمالنده و 40° 5' عرض جنوبیده بر قصبه و اسکله اولوب، سکز اون بیك اهالیسی و بونلر بیننده خیلی کمیجیسیله صنعتکاری واردر.

7-3490-5

قابوت، قابوتو

#1

وندیک مشاهیر بحریونندن اولوب، یدنجی هنری زماننده بریستولده پرلشمش؛ و بو حکمداری آمریقانك شمال غربی جهتندن هندك اقطار شرقیه-سنه کیتمک ممکن اوله-جغنه قانديره-رق، 1497 تاریخنده بر قاچ کمی ایله او طرفه سیاحت ایتمش؛ و بوزلرک ممانعتیله مأمول ایتدیکی طریقی بوله-مامش ایسه-ده، %ترنو\$ آطه-سنی و قناده و لابرادوری کشف ایتمشدر. *- اوغلی سباستیان غابوت دخی مشاهیر بحریونندن اولوب، برازیلیا و لاپلاته

جهتلرنده بر خیلی کشفیاته موفق اولمش؛ و بو دخی قطب شمالینک غرب جهتنه کوندریلن بر هیئت سیاحینه داخل بولنمشدر.

8-3490-5

قابوس، امیر شمس المعالی ابو الحسن بن ابی طاهر و شمکیر الجیلی

جرجان وری و طبرستان جهتلرنده حکومت سورن و شکمیر ملوکندن اولوب، نسبی کیخسرو زماننده کیلان حاکمی بولنمش اولان ارغشه منتهی اولدیغی مرویدر. جامع سیف و قلم اولوب، کرک سطوت و شکیمه-ده کرک کرم و احسانده و کرک ادبیات عربیه و فارسیه-ده و حسن خطده زماننک فریدی ایدی. 388 تاریخنده پدرینه خلف اولوب، 15 سنه حکومت سوردکن صکره، مجازانده کوستردیکی شدتن طولایی امراسی اتفاق ایده-رک، اوغلی منوچهری موقع حکومت کتیرمک ایستملریله، مومی الیه منوچهر کندیسنی استعفا ایتمکه قاندرمش؛ و بو وجهله امیر قابوس بر قلعه-ده اختیار عزلت ایده-رک، 403 تاریخنده اوراده وفات ایتمش، و جرجانده دفن اولنمشدر. اوغلی منوچهر زماننده مملکت سلطان محمود سبکتکینک الینه کچمش ایسه-ده، ینه والیکی کندیسنده و بعده نسلنده قالمشدر. امیر قابوس عالم و ادیب بر ذات اولوب، عربی و فارسی اشعاری و بر خیلی تألیفاتی واردر. ((کمال البلاغه)) عنوانلی رساله جمله تألیفاتنددر. مشهور صاحب بن عبادک صاحب ترجمه-نک خطنی کوردکجه: ((هذا خط قابوس ام جناح طاوس)) دیمک عادتلی اولدیغی مشهوردر. شو بر ایکی بیت اشعار عربیه-سندندر:

@@@

قل للذی بصروف الدهر عیرنا
هل حارب الدهر الا من له خطر
اما ترى البحر یعلو فوقه جیف
و تستقر باقصى قعره الدرر

\$

شور باعنده اشعار فارسیه-سی جمله-سندندر:

@@@

شمش چیز در آن زلف تو دارد مسکن
بیچ و کره و تاب و خم و بند و شکن
شمش چیز دگر در دل من کرده وطن
عشق و غم و محنت و الم و رنج و حزن

\$

1-3491-5

قاپ

#1

2-3491-5

قاپادوکیه، یاخود قپادوقیه

#1

آسیای صغیر یعنی آناتولی قطعه-سنگ تقسیمات قدیمه-سنده بر بیوک خطه اولوب، سیواس ولایتیله مرعش، قیصریه، نیکده، قیرشهر و یوزغاد سنجاقلردن عبارت ایدی. بو وجهله نفس اناتولینک قسم غربیسنک جهت وسطیه-سندن عبارت اولوب، جنوباً سوریه و کیلیکیا، غرب جنوبی جهتدن لیکاؤنیه، غرباً فریجیا، غرب شمالی طرفندن غالاتیه، شمالاً پونت خطه-لریله، شرقاً دخی فرات و ادیسپله محاط ایدی. مرکزی قدیماً %مازاقه\$ دینان قیصریه شهری ایدی. اسکندردن اول پونت خطه-سی یعنی طربزون ولایتی دخی قپادوکیه-دن معدود اولوب، شمالاً قره دکیزه قدر ممتد اولوردی. ذاتاً اراضیسی قزیل ایرماق و یشیل ایرماق حوضه-لردن عبارت اولمغله، تامیله قره دکیز مائله-سنده ایدی. اقوام آریانیه-دن اولدقلری ملحوظ اولان اهالی قدیمه-سی بدناً و عقلاً قبا و آغر و بر طاقم اعتقادات باطله-یه تابع متعصب آدملر اولمغله مشهور ایدیلر. مذهبلی صابئین مذهبیه شبیه اولوب، اجرام سمائییه عبادت ایتمکله برابر، آتسه دخی مقدس نظریله باقوب، ایچنده دائمی صورته آتیش یانار (قومانه) اسمیله مشهور بر معبدلی وار ایدی. بوندن آکلاشلدیغنه کوره مذهبجه دخی ایرانیلرله مناسبتلی وار ایدی. سوری و خرکه-لری چوق و آتلی مشهور ایدی. ابتدا مستقل و یانیم مستقل یرلی حاکملرک تحت اداره-سنده بولنوب، کیخسرو طرفندن ایران دولتنه الحاق، و بعده بیوک اسکندر طرفندن ضبط اولنمش ایدی. قبل المیلاد 312 تاریخنده قپادوکیه-لیلر استقلاللرینی استرداد ایدوب، اوچ یوز سنه قدر مستقل اداره اولنمش؛ و بو آره-ده (آریارات) اسمیله اون و (آریوبارزان) اسمیله-ده اوچ حکمدار حکم سورمشلردر. سکرنجی آریاراتک پونت حکمداری مهرداد طرفندن مغلوب اولمسیله، قپادوکیه مهردادک ضبطنه کچوب، بونک رومالیلر طرفندن مغلوب اولمسی قپادوکیه-نک دخی روما دولتنه الحاقنی انتاج ایتمش ایسه-ده، بو خطه ینه مختاریت اداره-سنی محافظه ایتمش؛ و نهایت تیبرک زماننده و 17نجی سال میلادیده (آرخاؤس)ک وفاتی اوزرینه بسبتون بر روما ایالتنه قلب اولنمشدی. روما دولتنک انقسامنده بالطبع شرق ایمپراطورلغنه دوشوب، 1017 تاریخ میلادیسنده سلجوقیلرک ید ضبطنه کچمکله، هجرت ایدن ترک و تاتار عشایری اهالی اصیله ایله برلشه-رک، و بونلر دخی دین اسلامی قبول ایده-رک، جمله-سی ترکلشمش؛ و لسان قدیملرینی اونودوب، ترکجه لسانله تکلمه باشلامشلردر. اهالی حاضره-نک عرق قافقاسییه منسوب سیمالری اهالی قدیمه-نک ترکلرله اختلاط ایده-رک ترکلشمش احفادندن بولندقلرینه دلالت ایتدیکی کبی، مسلمانلرله خرسیتیانلرک دخی بر جنسه منسوب بولندقلری سیما و لسان و سائر احوالردن آکلاشلدیغی حالد، خرسیتیانلری مجرد مذهبلی سائقه-سیله ارمنی جماعتنه التحاق ایتمشلردر. سلجوقیلرک انقراضنده اورالرده دخی بر طاقم حکومت صغیره تشکل ایدوب، نهایت 800 تاریخلرنده یلدرم سلطان بایزید خان دورنده ممالک عثمانیه-یه ضم و الحاق اولنمشدر. عرب جغرافیونی %قباق\$ صورتنده ضبط ایتشلردر.

3-3491-5

قاپاۋنىق

#1

صربىيە-نك اسكى حدودىدە و موراوۋ نەرىنى تىركىب ايدىن صىرب موراوۋ-سىلە بلغار موراوۋ-سى وادىلىرى
آرە-سندە قورو و چىلاق بر طاغ اولوب، دزوۋ-سنىك 1892 متره ارتقاعى و اطرافه واسع و كوزل منظره-سى
واردىر.

4-3491-5

قاپ برتون

#1

آمىرقاى شىمالىنىك انكلترە-يە تابع دومىنيون قىطعە-سنىك يىكى اسقوچىيە خىطە-سنىە ملحق و سنت لوران كورفىزى
داخلىدە واقع بىوك بر آطە اولوب، يىكى اسقوچىيە ساحلىدىن طار بر بوغازلە آيرلمشدر. شىمالدىن جنوبە بويى 160 و
اك كنىش يىرنە اكى 135 كىلومىتره اولوب، منتهى جنوب شىرقىسندە واقع اولان و آطە-يە بو اسىمى
قزاندىران %بىرتون\$ برونى

"14' 57' 45° عرض شىمالى ايله "12' 7' 62° طول غربىدە واقعدر. جنوب جەتتە اىكى طار بوغازدىن دكىز
آطە-نىك اىچنە كىروب، بربرى آرقە-سندە اىكى واسع و درىن قوى تىشكىل ايدىر، و بونك شىمال طرفدىن دى بر
مدخلى واردىر. بو جەلە آطە اىكنىيە منقسم اولوب، اك كوچكى اولان قىسم شىرقىسنىك اراضىسى آچق و هواسى دى
معدلى اولدىغى كىبى، واسع كمور معدلىرىنى دى حاوى اولمغله، اك معمور يىرىدىر، و مركزى
اولان %سىدىنى\$ قىبە-جغندە اورادە-دىر. قىسم غربىسى دى مرتفع و صوئوق اولوب، اىچ طرفلىرى ھنوز
مجهولدىر. اطرافندە-كى كوچك آطە-لرلە برابر مساحۋ سطحىيە-سى 11200 مربع كىلومىتره اولوب، اھالىسى ھنوز
100000 كىشنىيە باىغ اولمامشدر. كموردىن بشقە دىمىر و آلتون معدلىرىلە آچى، يازى طاشى، مرمىر و سائىرە
اوجاقلرى، سفان كر استە-سنىە يارار آچاقلرى حاوى واسع اورمانلىرى، مملحە-لرى و پك چوق باىغى واردىر.
ھواسى سرت، بلوطلى و سرىع التحول اىسە-دە، قرە-نىك كىدىن اھوندىر. آنجق طوپراغى پك سرت و غىر منبىت
اولمغله، اھالىسىنىك معىشتەنى كافى ذخائر حاصل اىدە-مىز. اھالىسىنىك قىسم اعظمى اسقوچىيە-لى و غائلىق جنسىتتە
منسوب اولوب، قىصورى اىرلاندىە-لى، انكلىز و فرانسزدىر.

1-3492-5

قاپت

#1

فرانسە حكمدارلردىن اوچنى سىلالە-نىك مؤسسى و برنجى حكمدارى اولان (ھوغ)ك مخلصى اولوب، بوكا نىسبتلە
سىلالۋ مذكورە-يە (قاپتىان) اسىمى وىرلمشدر. [(ھوغ قاپت)) مادە-سنىە مارجعت.]

2-3492-5

قاپتون

#1

[[امیدبرونی]] شهری ماده-سنه مراجعت.]

3-3492-5

قاپتیا

#1

فرانسه-ده حکومت سورن حکمدارلرک اوچنجی سلاله-سی اولوب، برنجیلری اولان هوغ قابته نسبتله بو اسمله تسمیه اولنمشلردر. بونلر (قارلوونجیان) سلاله-سندن صکره حکومت سوروب، اوچ شعبه-یه منقسمدرلر: برنجی شعبه-سی اصل قاپتیا سلاله-سیدر، که هوغ قاپندن آلتنجی فیلییه قدر 987دن 1328 تاریخنه-دک 341 سنه حکومت سورن 15 قرالدن عبارتدر. بو اون بش قرال: هوغ قاپت، روبرت، سنت لویی، برنجی هنری، برنجی فیلیپ، شیشمان لویی، یدنجی لویی، فیلیپ اوکست، سکزنجی لویی، سنت لویی، جری فیلیپ، کوزل فیلیپ لویی هوتن، برنجی ژان، اوزون فیلیپ و کوزل شارلدر. ایکنجی شعبه-سی (والوا) و اوچنجیسی (بوربون) شعبه-لریدر. [[والوا]] و [[بوربون]] ایله (فرانسه) ماده-لرینه مراجعت بیوریه.]

4-3492-5

قاپرایه

#1

ایتالیانک جنوه ایالتنه ملحق بر کوچک آطه-سیدر، که قورسیقه-نک منتهای شمالیسند-کی برونک 28 کیلومتره شرقنده و طوسقانه ساحلنک 50 کیلومتره آچیغنده واقع اولوب، محیط دائره-سی 22 کیلومتره و اهالیسی 800 کشیدن عبارتدر. اراضیسی برکانی و صرب اولوب، یالکز شرق جهتنده بر آز دوز یری و همنامی اولان بر اسکله-سیله لیمان و قلعه-سی واردر. طوپراغی آز منبت اولوب، اهالیسی کمجیلک و بالیقجیلقله یاشار.

5-3492-5

قاپرونجه

#1

آوستريا و مجارستان دولتنك خرواتستان مع اسلاوونيه اياالتنده و پشتهدن فيومهميه كيدن دمير يول خطى اوزرنده اوله-رق همنامى اولان چايك كنارنده واقع بر قصبه اولوب، 6030 اهاليسى واردر.

6-3492-5

قاپرى، ياخود قاپرى

#1

ايتاليانك ناپولى كورفزينك منتهاي جنوبنده واقع بر جزيره-سى اولوب، مركزى "35' 31' 40° عرض شمالى ايله "20' 54' 11° طول شرقيه واقدر. محيط دائره-سى 15 كيلومتره اولوب، باشليجه كميجى و باليقجى اوله-رق 2400 اهاليسى واردر. ناپولى اياالتنك قاستلاماره قواسنه ملحقدر. ايسكيا آطه-سييله برابر ناپولى كورفزينى جنوبدن قپار. سواحلى قياالقدر. اك يوكسك نقطه-سى 585 متره ارتفاعنده-در. محصولات زرعيه-سى اهاليسنه كفايت ايتمزسه-ده، طوت، فرنك انجيري، پورتقال، ليمون، زيتون و سائر ميوه-دار آعاجلريله باغلى چوقدر. بيديرجيني پك چوق اولوب، آغله طوتارلر. هواسى قيشين پك ملايم و لطيفدر. قاپرى و آنا قاپرى اسملريله ايكي كوچك قصبه-سى واردر. آوغستوس و تيبير زمانلردن قالمه جسيم سرايلر خرابه-لريله سائر آثار عتيقه-سى و بر غريب مغاره-سى دخى واردر.

1-3493-5

قاپقوست

#1

آفريقاى غربينك كينه كورفزنده واقع آلتون ساحل دينلن انكليز مهجرينك سابق مركزى بر قصبه اولوب، فانتى جنسيته منسوب 16000 قدر زنجى اهاليسى، آوروپاليلره مخصوص باغچه-لرله محاط بعض كوزل خانه-لرى و بر قلعه-سى واردر. هواسى پك و خيم اولديغندن، انكليزلر اخيراً مركزيتى %آقره\$يه نقل ايتمشلردر.

2-3493-5

قاپل

#1

آمريقاى شماليده دومينيونك قناده مملكتنه تابع %آسينيويه\$ اياالتنده بر نهردر، كه اياتل مذكوره-نك قسم شرقيسنده بر چوق چاپلرك اجتماعندن تحصل ايله، شرقه طوغرى جريان ايده-رك، مانيتوبه اياالته كيردكن صكره، %آسينيوانه\$ نهرينه، بوده %وينيپك\$ كولنه و اورادن خروجنده نلسون ايرماغنى بالتشكيل، هودسون كورفزينه دوكيور. مجراسى 435 كيلومتره اوزون اولوب، واديسى چاپلرله محاطدر.

3-3493-5

قاپو، ياخود قاپوآ

#1

ايتالياده %0تره-دى لاپور \$ ايلتنك قازرته قزاسنده و قازرته-نك 11 كيلومتره غرب شماليسنده اوله-رق رومادن ناپوليه كيدن دمير يول خطى اوزرنده مشهور بر قصبه اولوب، 11200 اهاليسى، استحکاماتى، ايچندن كچن %0ولتورنه \$ نهري اوزرنده كوزل بر كوپريسي، مصنع كليسالريه سائر كوزل اينييه-سى، ايكي كوزل ميدانى، بر قاچ چشمه-سى و صنايع و تجارتي واردر. اطرافنده-كى اراضى پك منبت و محصولداردر. *- قديمأ بيوك و مشهور اولان %0قاپوآ \$ شهري شمديكى قصبه-نك 4 كيلومتره جنوب شرقيسنده بولنمش اولمغله، اوراده بعض خرابه-لري موجوددر. اكثر انقاضى يكي قصبه-نك تاسيسنه قوللانمشدر.

4-3493-5

قاپوآس

#1

بورنو جزيره كبيره-سنده بر بيوك ايرماقدر، كه جزيره-نك وسطلرنده بولنان يوكسك طاغلردن نبعانله، غربه طوغرى آقه-رق و بر چوق چايلرك صولرينى طولايه-رق، خط مستقيم حسابيله تقريبأ 600 كيلومتره-لك مسافه قطع ايتكدن صكره، بر قاچ آغزدن دكيزه منصب اولور.

5-3493-5

قاپوديستريه

#1

اوستريا و مجارستان دولتنك ايستريه ايلتنده و تريسته-نك 18 كيلومتره جنوب غربيسنده اوله-رق تريسته كورفى داخلنده واقع و قره-يه بر كوپرى ايله مربوط بر آطه-نك اوزرنده قضا مركزى بر قصبه اولوب، 7540 اهاليسى، مصنع بر كليساسى، كوزل تياتروسى، مكتب اعداديسى، ديكر بر قاچ مكتبيله سائر مؤسسات خيريه-سى، قربنده مملحه-سى و زيتون ياغيله شراب، باليق و سائره تجارتي واردر.

6-3493-5

قاپوديستريه قونتي

#1

سیاسیوندن اولوب، عن اصل قابودیستریه-لی بر عائله-یه منسوب اولدیغی حالده، 1776 تاریخده قورفه آطه-سنده طوغمش؛ و کنج ایکن روسیه-نک خدمتته کیروب، ایمپراطور آکساندر طرفندن جزایر سبغه-نک اداره-سنی تنظیمه مأمور اولمش ایدی. 1802دن 1807 تاریخنه-دک بو ایشده بولنوب، 1815ده پارس معاهده-سنی امضا ایتمک اوزره، روسیه طرفندن مرخص تعیین اولنمش؛ و 1816دن 1822 تاریخنه-دک روسیه-نک خارجیه ناظری بولنمشدر. یونان اختلالنده یونانیلیری زیاده التزام ایتمکله، بونلر 1827ده بر حکومت موقته تأسیسنه مقتدر اولنجه، ریاست حکومتی کندیسنه تکلیف ایتمشدر؛ و صاحب ترجمه درت سنه بو حکومتله اوغراشدقن صکره، روسیه طرفدار لغیله اتهام اولنه-رق، حسب الایجاب حبس ایبتدیرمش اولدیغی پترو ماورو میخالینک برادريله اوغلی طرفندن 1831ده قتل اولنمشدر.

7-3493-5

قاپ ور

#1

[[یشیل برون]] ماده-سنه مراجعت بیوريله.]

8-3493-5

قاپوش

#1

مجارستان %سوموکی\$ و %تولنه\$ ایالتلرنده جنوب غربیدن شمال شرقیه طوغری جریان ایدر بر چای اولوب، 150 کیلومتره-لک جریانله، %قاپوشوار\$ قصبه-سی ایچندن کچدکن صکره، طونه-نک صاغ قول تابعلرندن %سارویچ\$ نهرینه دوکیلور.

1-3494-5

قاپوشوار

#1

مجارستانک جنوب غربی جهتنده و پشته-نک 160 کیلومتره جنوب غربیسنده اوله-رق قاپوش چایی اوزرنده %سوموکی\$ ایالتنک مرکزی بر قصبه اولوب، 9570 اهالیسی و اطرافنده کوزل باغلی و واردر.

2-3494-5

قاپ هایتین

#1

آنتیل جزایرندن %هایتی\$ جزیره کبیره-سنگ ساحل شمالیسنده کنیش و منبت بر اووه-نک مدخلنده بر قصبه و اسکله اولوب، 12000 اهالیسی و بعض بیوک ابنیه-سیله کوزل لیمانی وارد. فرانسزلر طرفندن تأسیس اولنه-رق، ابتدا %قاپ فرانسز\$ تسمیه اولنمش؛ و بعده عصیان ایدن زنجیلرک الینه کچوب، %قاپ هنری\$ اسمنی آلمش ایدی.

3-3494-5

قاپتاناته

#1

ایتالیانک ایالات جنوبیه-سندن اولوب، ملغا ناپولی قرالغنده و آدریاتیق دکیزی ساحلنده واقع اولدیغی حالده، شمالاً بحر مذکورله، شرقاً باری و بازلیقاته، جنوباً پرنجیباتو اولتریوره، غرباً دخی مولیزه و بنونت ایالتلریله محاط و محدوددر. مساحه سطحیه-سی 7652 مربع کیلومتره اولوب، 322758 اهالی ایله مسکوندر. اراضیسی دوز و آز عارضه-لی اولوب، یالکز %غارغانو\$ اسمیله 1650 متره ارتفاعی اولان بر طاغی وارد. آپنین سلسله-سی اتکلرندن اینن بر قاچ نهر ایالتی شق ایله آدریاتیق دکیزیله دوکیلور.

بونلردن %فورتوره\$ ایله %اوفانتو\$ حدودینی تحدید، وقاندلارو، سرواپو و قاراپلو ایچندن جریان ایدر. سواحلی دوز و آلق اولوب، بعض بطاقلقاری و مملحه-لری وارد. ساحلک قریبنده آطه-لری اولمیوب، اون آلتی اون سکز کیلومتره آچیققلنده بولنان %پیانوزه\$ و %تریستی\$ آطه-لری بو ایالته ملحقدر. اووه-لری قوملق اولوب، مرعی کی قوللانیلیر، و ایالات متجاوره-دن کلینتی قیون سوریلری اورالره سوق و رعی اولنور. طاغلرینک طوپراغی کلسی ایسه-ده منبت اولوب، اشجار مختلفه-یی حاوی اورمانلری وارد. باشلیجه محصولاتی حیوبات، میوه، اوزوم، توتون، میان اوتی و سائره اولوب، شرابلری مشهوردر. هیچ بر بیوک لیمانی و ایشلک اسکله-سی اولمیوب، باشلیجه ذخیره، بیاغی و پینیردن عبارت اولان تجارتی فوجه-ده اجرا اولنور. ایالت اوچ قضایه منقسم اولوب، 53 ناحیه-یی حاویدر. مرکزی %فوجه\$ قصبه-سیدر.

4-3494-5

قاپیتول

#1

اسکی روما شهرینک اورته-سنده واقع بر تپه-نک اوزرنده بر قلعه و ایچنده ابوالالهه زعم ایتدکلری مشترینک عبادتنه مخصوص بیوک بر معبد ایله بر چوق خزائن و سائره وار ایدی. *- دیکر بعض بیوک شهرلرک ده بوکا مشابه محل و قلعه-لرینه بو اسم ویرلمشدر.

5-3494-5

قاپيلا

#1

هند حكماسندن (سانكيا) تعبير اولنان و ماديون مذهبندن عبارت اولان بر مذهب فلسفينك موجديدر. بو مذهبنى مابين 72 بيتى حاوى بر منظومه-سى موجوددر. ترجمه حالنه دائر صاغلام بر شئ بيلنميوب، بر شخص موهوم اولمسده ملحوظدر. طقوزنجى ويا اون برنجى قرن ميلاديه ياشامش اولديغده مظنوندر.

6-3494-5

قاتارو

اسلاوجه قوتور #1 دالماچيه-نك قسم جنوبيسنده راغوزه-نك 70 كيلومتره جنوب شرقيسنده و قره طاغك ساحل طبيعيسنده متشكل كورفك ايچنده قضا مركزى بر قصبه و اسكله اولوب، جسيم و محكم استحكاماتى واردر. اهاليلى خروات ايسه-ده، لسان تجارتى ايتاليانجه-در.

7-3494-5

قاتارو كورفى

#1

آرياتيى دكيزينك ساحل شرقيسنده و دالماچيه-نك منتهى جنوبنده اوله-رق قره طاغك اوكنده قره-لرك ايچنه زياده كيرمش طولاشيقلى بر كوچك كورف اولوب، مدخلى راغوزه-نك 45 كيلومتره جنوب شرقيسنده و مركزى 27' 42° عرض شماليه واقعدر. ايچدن ايچه و بربرندن طار بوغازلرله كچيلير درت حوضدن مركب اولوب، مدخلندن منتهاسنده-كى قاتارو قصبه-سنه-دك طولى 31 كيلومتره-در. مدخلنده اولان برنجى بوغازى 2800، ايكنجيسى 800 متره كنيشلكنده و اوچنجيسى دها طاردر. بو بوغازلرمتين استحكاملرله تحكيم اولنمشدر. بوغازلرك و كورفك سواحلى و اطرافى اورمانلرله مستور اولوب، شايان تصوير بر منظره ابراز ايدر.

1-3495-5

قاتالونيه

ياخود قاتالونيه #1 اسپانيه-نك شرق شمالى كوشه-سنده بيوك بر خطه اولوب، مثلث الشكل اولديغى حالده، شمالاً بيرنه سلسله جبالنك قسم شرقيسيله فرانسه-دن آيرلمشدر؛ شرقاً و شرق جنوبى جهتندن 400 كيلومتره-لك مسافه-ده بحر سفيدله محاطدر. غرباً آراغون خطه-سيلاه محدود اولوب، بو جهتدن حدودينك قسم اعظمى %البه\$ ايرماغنه تابع %سكره\$ نهرينه دوكلين %نوكر اريباغورازان\$ چاييله آيرلمشدر؛ جنوباً دخى و

النسه خطه-سیله محدوددر. مساحه سطحیه-سی 32330 مربع کیلومتره اولوب، 1750000 اهالیسی واردر. بارسلونه، تاراغونه، لریده و جیرونه اسملریله درت ایالتیه منقسم اولوب، برنجیسنک 763000 اهالیسی واردر؛ و مقدار عمومیسنک متباقیسی اولان بر ملیونه قریب اهالیسی دیگر اوج ولایتیه همان متساویاً منقسمدر. قسم غربیسی تشکیل ایدن لریده ایالتی جمله-سندن واسع ایسه-ده، بارسلونه جمله-سندن زیاده معمور و مسکوندر. اراضیسی عمومیت اوزره طاغلق و عارضه-لی اولوب، یالکز درت کنیش اووه-سی واردر. حدود شمالیه-سنی تشکیل ایدن پیرنه سلسله-سنک بو جهته-کی قسمی مرتفع و صرب اولوب، ارتفاعی 2000 ایله 3400 متره آره-سنده-در، و بوغاز و کچیدلری سیرک و پک صعب المروردر. وسطلرنده-کی %مونترات\$ طاغی مشهور ایسه-ده، ارتفاعی 1231 متره-دن عبارتدر. بو خطه 30° 40' ایله 30° 42' عرض شمالی آره-سنده ممتد اولوب، ایالتیانک وسطلریله هم اقلیم اولدیغی حالده مجرد اراضیسنک ارتفاعدن طولایی هواسی عرضنک اقتضاسندن چوق دها صونوقدر. یالکز سواحلیله آچق وادیلرنده بحر سفید هواسی حکم سوروب، اورالرده زیتون، پورتقال، لیمون آغاجلری مثمر اولور، و خرما آغاجی دخی یتیشوب آنجق میوه ویرمز. پرنچ دخی حاصل اولور. اقلیم معتدله-نک کافه اشجار و محصولاتی یتیشوب، منطار میشه-لریده چوقدر. طوپراغی خیلی منبت اولوب، سقی و اروا اصولی مکمل و اهالیسی پک چالیشقان اولدیغندن، حبوبات متنوعه ایله میوه-لرک اعلاالر و سیزه-لرک انواعی حاصل اولور. حیوانات اهلیه-سی و علی الخصوص قیونلری دخی چوقدر. یالکز اورمانلرک سؤ استعماله اوغرابوب تلف اولمسی و اکثر جبالنک چبلاق قالمسی بو مملکت ایچون بر آفتدر. هر نه قدر %ابره\$ ایرماغی قاتالونیه-نک یالکز جنوبی گوشه-سنی شق ایدرسه-ده، بو خطه-نک نصفندن زیاده-سی بو ایرماغک حوضه-سی داخلنده بولنوب، اکثر میاه جاریه-سی سکره، نوکره، پالارزه و ریباغورزانه نهرلری واسطه-سیله بو ایرماغه دوکلیور؛ و بو انهارک جمله-سی پیرنه سلسله-سندن اینمکله، صولری بول اولوب، مجرالری اطرافنده-کی اراضیسی سقی و احیا ایدرلر. طوغریدن طوغری-یه بحر سفیده دوکلین انهارده شمالدن باشلایه-رق: موغه، فلوییه، تر، درو، ریوتوردره، بزوسی، لوبرغات، غایه، فرانقولی و سنبه نهرلری اولوب، بونلر دخی سقی اراضیه یارایورلر. قاتالان دینمکله معروف اولان قاتالونیه اهالیسی جسور، فعال و چالیشقان آدملر اولوب، وقتیه، معاش مقابلنده عسکرلک ایتمک اوزره، دنیانک هر طرفنه کیدرلردی. شمدی دخی تجارت و صنعتله مادریده و اسپانیه-نک سائر طرفلریله آمریقایه و سائر طرفلره غربت و هجرت ایدنلری چوقدر. اکثریت اوزره اورته بویلی، اسمرجه چهره-لی، قره ویا کستانه صاچ و کوزلی آدملردر. طورو افاده-لری سرتجه اولوب، آنجق تربیه ایله تعدیل اولنور. سویلدکلری (قاتالان) لسانی اسپانیه-نک لسان عمومی و ادیبیسی اولان (قاستیلان) لسانندن چوق فرقلی اولوب، لاتینجه-دن متولد السنه-دن اولمق اوزره، آیریجه و باشلی باشنه بر لسان عد اولنه-بیلیر. حتی اسپانیولجه-دن زیاده فرانسه-نک جنوب جهتنده سویلنیلان (پروونسال) لساننه مشابهدر. قاتالونیه-دن بشقه %والنسه\$ خطه-سنده، بالئار جزایرنده و فرانسه-نک شرقی پیرنه ایالتنک بعض طرفلرنده تکلم اولنان و وقتیه آراغون خطه-سنده دخی سویلنمکده بولنمش اولان بو لسان الیوم اوج ملیون نفوس طرفندن تکلم اولنمقده اولوب، هر نه قدر کیتدکجه دائره-سی طارلاشمقده و رسمیتی حائز اولان قاستیلان لسانی تعمم ایتمکده ایسه-ده، قاتالان لسانی دخی ادبیات مخصوصه-یه مالک اولوب، هله بو صوک زمانلرده قاتالانلر کندی لسانلرینی محافظه و ادبیات ملیه-لرینی ارقا ایتمک، و عادتاً دیگر اسپانیوللره بیانجی نظرلیه باقوب، کندی جنسیت و لسانلرینی آیرمق آرزو و تشبثاتی پک ایلری کوتورمشلردر. حتی صرف ادبی صورتنده باشلایان بو تشبثات تدریجاً بر سیاسی رنگ آله-رق، بونلر دخی پورتکیز کبی آیریجه بر هیئت تشکیلی هوسنه دوشمشلردر. لسانلرنده اشعار و کتب ادبیه-لری و غزته و رسائل موقوته-لری اولوب، بونلری کیتدکجه چو غالمقده-درلر. ذاتا قاتالانلر اسکیدن بری استقلال و مختاریت اداره-یه آیشمش اولدقلرندن، تابعیت و محکومیت کندیلرینه آغر و طبیعتلرینه ناملایم کلیور.

قاتالونیه رومالیلر زماننده %تاراقونزه\$ یه ملحق اولوب، بشنجی قرن میلادی اوائلنده جرمانیه اقوام وحشیه-سی طرفندن ? اولمغله، سکرنجی قرن میلادی اوائلنده-دک، اسپانیه-نک سائر طرفلریله برابر و یسیغوتلرک تحت حکمنده قالمش؛ و 712 تاریخ میلادیسنده اهل اسلام طرفندن فتح اولنه-رق، اندلسه الحاق اولنمشدی. 780 تاریخلرنده بارسلونه شهرینه قدر اولان قسم شمالیسی شارلمان طرفندن ضبط اولنه-رق، فرانق دولتتک بر ایالتی حکمنه قونمش ایسه-ده، اصل اداره مملکت بر طاقم دره-بکلرینک الینه کچوب، بونلرک اک قوتلیسی بارسلونه قونتلری اولمش ایدی. مرور زمانله کسب استقلال ایدن بو قونتلردن بشنجی (رایموند) آراغون قراللغنک وارثه-سنی تزوج ایتمکله، 1137ده آراغون قرالی اولمش؛ و او تاریخندن اعتباراً قاتالونیه آراغون قراللغنه ملحق اولوب، 1474ده آراغون قرالی فردیناند قاستیله قرالیچه-سی ایزابله ایله عقد ازدواج ایتمکدن صکره، غرناطه حکومت اسلامیه-سنه-ده ختام ویرمکله، بتون اسپانیه بر قراللق صورتته کیردیکنده، قاتالونیه بر ایالت حالنده قالمش ایسه-ده، بر خیلی امتیازات و بر نوع مختاریت اداره محافظه ایتمشدی. نهایت بوربون خاندانی اسپانیه تختته کچنجه، قاتالانلر عصیان ایتمکله، مغلوبیتلرنده امتیازات قدیمه-لرینی غائب ایدوب، اسپانیه-نک سائر طرفلری کبی اداره اولنمق اوزره، بر وجه مذکور 4 ایالته تقسیم اولنمشدر.

1-3496-5

قاتامارقه

#1

آمریقای جنوبیه آرچنتین جمهوریتتک غرب شمالی جهتنده-کی ایالاتندن اولوب، غرباً و غرب شمالی طرفندن شیلی حدودینی ایران قوردیلره سلسله جبالیه، شمالاً سالته، شرقاً توقومان و سانتیاگو، جنوباً دخی قوردوبه و ریئویه ایالتلریله محدوددر. مساحه سطحیه-سی 109247 مربع کیلومتره اولوب، اهالیسی 110000 نفوسدن عبارتدر. مرکزی قاتامارقه ویا %سان فرناندو ده قاتامارقه\$ قصبه-سی اولوب، 9 سنجاق ویا قضایه منقسمدر. اراضی طاغلق و مرتفع اولوب، غرب جهتنده %آند\$ و شرق طرفنده %آفونکیا\$ سلسله-لرینک اتک و قوللری ممتد اولور. یالکز منتهای شرقیسنده %سالادو\$ نهرینه دوکیلور بر چایی اولوب، سائر میاه جاریه-سی سقی اراضیده صرف و استهلاک اولنور کوچک چایلردن عبارتدر. جهت وسطیه و جنوبیه-سنده واسع طوزلی چوللریده واردر. معادنی پک چوق ایسه-ده، الآن یالکز بر باقیر معدنی ایشلمکده اولوب، بوندن پک چوق استفاده اولنیور. باغلی چوق اولوب، کوزل شرابلر اعمال، و کلینتی قوری انجیر اخراج اولنور. تجارتی اک زیاده شیلی و بولیویه ایله اولوب، اخراجاتی قیون، صیغیر، یوک حیواناتی، انجیر، شراب و سائر-دن عبارتدر. اهالیسی اسپانیوللرله بریلردن متولد ملز اولوب، اسپانیول لسانیه متکلمدرلر. کیشوا لسان اصلیی آرتق ایشیدلمز اولمشدر. مرکزی %بوننوس آیرس\$ شهرینه بر دمیر یول خطیله مربوطدر.

2-3496-5

قاتانجارو

#1

ایتالیانک جهت جنوبیہ-سندھ ایکنجی %۹۰ فالابره اولتریورہ\$ ایالتنک مرکزی بر قصبہ اولوب، ناپولینک 370 کیلومترہ جنوب شرقیہ-سندھ و %۱۰ اسکیلاچہ\$ کورفزندن 9 کیلومترہ ایچریدہ بر تپہ-نک اوزرندہ واقعدر. 16700 اہالیسی، فنون آقادمیاسی، داخلی مکتب اعدادیسی، رہبانہ مخصوص مدرسہ-سی، ایپک قماشلرلہ قطفہ و چوخہ فابریقہ-لری، شراب و زیتون یاغی تجارتی و بر اسکی سرایی واردر.

3-3496-5

قاتانیہ

یاخود قتانیہ #1 ایتالیادہ سیچلیہ جزیرہ-سنک ساحل شرقیہ-سندھ و مسینہ-نک 84 کیلومترہ جنوب غربیہ-سندھ اولہ-رق مشہور %۱۰ اتنا\$ برکاننک اتکندہ ایالت مرکزی بر شہر اولوب، 109687 اہالیسی، دار الفنونی، صنایع نفیسہ مکتبی، موزہ-سی، بیوک کتبخانہ-سی، پاموق و کتن و ایپک منسوجات فابریقہ-لری، کھربا معمولاتی، مرمر، کراستہ، زیتون یاغی، بال مومی، دری، پیاغی، ذخیرہ، شراب و سائرہ تجارتی واردر. لیمانی کوچکدر. موقعی بر سطح مانلدن عبارت اولوب، ساحلدن اتتہ تپہ-سنہ طوغری بر ساعت سورر کنیش و طوغری بر جادہ-سی واردر. پک اسکی بر شہر اولوب، میلاد عیسی (عم)دن 700 سنہ اول یونان مهاجرلری طرفندن تأسیس اولنمشدر. بر آرہ-لق قرتاگیلیرک ضبطنہ کچمشیدی. سیچلیہ جزیرہ-سیلہ برابر بنی اغلب طرفندن فتح اولنہ-رق، عصرلرجه ممالک اسلامیہ-دن معدود بولنمشدر. عربلر عندندہ قتانیہ ویا قطالیہ اسمیلہ معروفدر. اتنا مناسبتیلہ دفعاتلہ حرکت ارضدن خراب اولمشدر.

1-3497-5

قاتاوبہ

#1

آمریقای شمالیہ ممالک مجتمعہ-نک شمالی و جنوبی قارولینہ جمہوریتلرندہ بر نہردر، کہ %۱۰ آلقانی\$ سلسلہ جبالنک اک یوکسی اولان %۱۰ بلاق دومہ\$ طاغندن نبعانلہ، شرقہ و بعدہ جنوبہ طوغری 400 کیلومترہ-لک جریاندن صکرہ، %۱۰ سالودہ\$ نہریلہ برلشہ-رک، %۱۰ سانتی\$ ایرماغنی تشکیل ایدر. *- اسکیدن اورالردہ بو اسملہ بر قوم بولنوب، بعدہ محو اولمشدر.

2-3497-5

قاتاؤنیہ

#1

آسیای صغیر یعنی آناتولی قطعاً سنک تقسیمات قدیمه-سندہ بر کوچک خطہ اولوب، کیلیکیا ایله قاپادوکیه آرہ-سندہ واقع و اکثریا قاپادوکیه-یہ ملحق ایدی. قوزان و مرعش جهتلرندن عبارت اولوب، مرکزی %قومانه\$ یعنی البستان قصبه-سی ایدی.

3-3497-5

قاترینبورغ

[((قاترینبورغ)) ماده-سنه مراجعت بیوریلہ.]

4-3497-5

قاترینه

#1

بو اسمله روسیه-ده ایکی ایمپراطوریچه کلمشدر:

برنجیسی فقیر بر عائله-یه منسوب اولوب، 1682ده لیوونیه-ده طوغمش؛ و اسوجلی بر نفره وارمش اولدیغی حالده، 1702ده ماریتنبورغک ضبطنده روس عسکری الینه اسپر دوشوب، حسن و جمالیله پرنس منجیقوفک و بعده ایمپراطور بیوک پترونک نظر دقت و محبتتی جلب ایتمش؛ و 1711ده دولت عثمانیه-یه قارشی محاربه-یه کیریشن بیوک پترونک رفاقتنده بولنوب، روسیه اردوسی بروت وادیسندہ محصور بر حالده قالمش ایکن، قاترینه کافه مجوهراتی فدا ایدہ-رک، کندیسنی بولندیغی مخاطره-دن قورتارمشیدی. بیوک پترونک صورت غیر مشروعه-ده بر قاچ اولادی اولدقن صکره، رسماً تزوج اولنہ-رق، 1724ده ایمپراطوریچه-لغی اعلان اولنمش؛ و بر سنه صکره بیوک پترونک وقوع وفاتی اوزرینه، روسیه تختنه قعود ایدوب، زوجک باشلامش اولدیغی اصلاحات و ترقیاتی دوام ایتمش ایسه-ده، سفاهته طالبوب، دوستی اولان منجیقوفه بیوک بر نفوذ و اقتدار قزاندرمش ایدی. بالکز ایکی سنه حکم سوروب، 1727 تاریخنده وفات ایتمشدر.

*- ایکنجیسی (آنهالت زربت) پرنسک قیزی اولوب، 1729ده %استتین\$ده طوغمش؛ و 1745ده، آرزوسی خلافنه اولہ-رق، خاله-سی بولنان روسیه ایمپراطوریچه-سی الیزابتک ولی عهد اتخاذ ایتمش اولدیغی (هولستاین غوتورپ) دوقوسنه وارمش ایدی. مومی الیه اوچنجی پترو نامیله روسیه ایمپراطوری اولدقن صکره، قاترینه-یی تطلیق و حبس ایله تهدید ایتدیکندن، روسلرک توجه و محبتتی قزانمش اولان صاحبه ترجمه 1762ده مومی الیهی اسقاط ایله، کندیسنی موسقوه-ده کمال طنطنه ایله تخته قعود، و دوستی بولنمش اولان (استانیسلاس پویناتووسکی)یی لهستان تختنه اعقاد ایتمش ایدی. متعاقباً قریمی و آزاق قلاعیله اسماعیلی ضبط ایتمش؛ و 1772ده پروسیه و اوستریا ایله لهستانک مقاسمه-سنی قرار لاشدیروب، پولوچق و موهیلف ایالتلرینی اخذ ایلمش؛ و 1774ده قاینارجه معاهده-سنی عقد ایله، جنوبه طوغری توسیع حدود ایدہ-رک، قره دکیزه حاکم اولمش ایدی. داخلاً بر طاقم اصلاحات اساسیه اجراییله زراعت و صنایع و علوم و فنونک ترقیاتنه بیوک خدمتار ایتمش؛ و وولتر و دالمبر کی مشاهیر حکما ایله مخابراتده بولنہ-رق، (دیدرو)یی سراینه جلب ایلمش ایدی. 1793 و 95ده لهستانده یکیدن مقاسمه-ده بولنوب، بو دولتک قالان برلرینی دخی ضبط ایتمش؛ و دیگر بر طاقم فتوحاته

حاضر لائمهده ايكن، 1796ده فجاة وفات ايتمشدر. عالمه و ادبيه بر قادين اولوب، و ولتره و المانيه حكماسنندن (غريم)ه اولان مکتوبلری جمع و نشر اولنديغی کبی، بر طاقم تذاکری و بر ایکی تیاترو رساله-سیله سائر بعض آثاری دخی وارد.

1-3498-5

قاترینه، سننه -*.

#1

بو اسمله خرسٹیانلرک ایکی عزیزه-لری وارد:

برنجیسی درنجی قرن میلادی اوائلنده اسکندریه-ده یاشایوب، عالمه بر قیز اولمغله، کندیسینی قبول ایتمش اولدیغی دین عیسانن چویرمک ایچون پدیری طرفندن مأمور اولان حکمدان بر قاج ذاتی ادله ایله اقتناع ایده-رک، بو دینه ادخال ایتمش، و نهایت قتل ایلمش اولدیغی مرویدر. تشرین ثانینک 25نده یورطیسی اجرا اولنور. -*. ایکنجیسی ایتالیانک سینه شهرندن اولوب، 1347ده طوغمش؛ و 20 یاشنده ایکن راهبه اولوب، بر طاقم کرامات و کشفیات و الهامات ادعاسنده بولنه-رق، تصوفه دائر بعض کتابلر دخی یازمش؛ و 1380ده وفات ایتمشدر. نیسانک 30نده یورطیسی اجرا اولنور.

2-3498-5

فاترینه، مدیچیسلی -*.

#1

فرانسه قرالیچه-لرندن اولوب، اورین دوقه-سی ایکنجی لوران دو مدیچیسک قیزی و فرانسه قرالی ایکنجی هنرینک زوجه-سه ایدی. زوجی و بیوک اوغلی وفات ایتدکن صکره، ایکنجی اوغلی طقوزنجی شارلک صباوتی حسبیله وصیه و نائبه حکومت اولمش؛ و حیل و دسایسه میلانی اولمغله، قتلولیک و پروتستان تبعه-سنک آره-سنه نفاق صوقوب، 1572ده مشهور سنت بارتلمی قتل عامنه سببیت ویرمش؛ و بعده اوغلیله بوزیشوب، اوچنجی هنری زماننده دخی هیچ بر نفوذ و اهمیتی اولمامشدی. آنجق صنایعه مراقی اولوب، ایتالیانن جلب ایتدیکی معمارلر و رساملر معرفتیه بر چوق ابنیة مصنعه و از آن جمله %تویری\$ سراینی بنا ایتمش ایدی. 1589ده وفات ایتمشدر.

3-3498-5

قاترینه

#1

بو اسمله انکلتره-ده دخی اوچ قرالیچه کلمشدر:

برنجیسی فرانسه قرالی آلتنجی شارلك قیزی و انكلتره قرالی بشنجی هنرینك زوجه-سی ایدی. 1401ده طوغوب، 1438ده وفات ایتمشدر.

-* - ایکنجیسی آراغون قرالی فر دیناند ایله قستیلله قرالیچه-سی ایزابله-نك قیزی اولوب، 1501ده انكلتره قرالی یدنجی هنرینك اوغلی آرتوره، و بونك وفاتی اوزرینه، 1509ده برادری سکزنجی هنرییه وارمش؛ 18 سنه برلكده یاشادقن صكره، تطلق اولنه-رق، %كیمیولتون\$ قلعه-سنه حبس اولنمش؛ و 1536ده اوراده وفات ایتمشدر. پاپا تطلبقنه مساعده ایتمدیكیچون، صاحبه ترجمه-نك تطلقی انكلتره-ده پروستستانلغك قبولنه سبب اولمشدر.

-* - اوچنجیسی پورتکیز قرالی دردنجی ژانك قیزی اولوب، انكلتره قرالردنن ایکنجی شارله وارمش؛ و بونك وفاتندن صكره پورتکیزه عودت ایدوب، 1704ده برادری دون پدرونك خسته-لغنده نائبه حکومت اولمش ایدی.

4-3498-5

قاترمر، اتیان مارق-*

#1

فرانسه مشاهیر شرقیونندن اولوب، 1782ده طوغمش، و 1857ده وفات ایتمشدر. فرانسه مکتبنده عبرانی و سریانی لسانلری معلمی اولوب، استادی مشهور سیلویستر دو ساسینك وفاتنده السنه شرقیه مکتبنده دخی فارسی معلمی اولمشدی. لسان قبیطی ایله مصرك احوال جغرافییه و تاریخیه-سنه دائر بر چوق تحریات و کشفیات استادانه-سی و السنه شرقیه-ده بعض لغتلیله سائر آثاری وارد. رشید الدینك مغول تاریخی فارسیدن و مقریزینك مصر تاریخی و ابن خلدونك مقدمه-سنی عربیدن فرانسزجه-یه ترجمه ایتمشدر. نبطیلر حقتده دخی بر طاقم تحقیقات و تتبعاتی وارد.

5-3498-5

قاتغات

#1

شرقاً اسوج ایله غرباً دانیمارقه-نك قره قسمی اولان پوتلاند آره-سندده بر دکیز اولوب، شمالاً اسفاکران بوغازندن شمال دکیزیله و جنوباً دانیمارقه آله-لرینك تشکیل ایندکلی سوند، بیوک بلت و کوچك بلت بوغازلردنن بالطیق-یه دکیزیله اختلاط ایدر. ایچنده دانیمارقه-یه عائد %لسو\$، آنهولت و %سامسو\$ اسملریله اوچ آطه وارد. شمالدن جنوبه بویی 240 و اک کنیش یرنده اکی 140 کیلومتره اولوب، درینلکی 60 متره-یی تجاوز ایتمز، دانیمارقه جهتده-کی سواحلی دوز و آلچق و اسوج طرفنده-کیلر یوکسك قیالق و پك کیرینتیلی چیقتیلی اولوب، اورادن بر چوق نهرلر دوکیلور.

1-3499-5

قاتله

#1

ایسلانده-نك اك جنوبی برکانی اولوب، هقله برکاننك 60 کیلومتره جنوب شرقیسنده واقعدر. فورانلری صیق اولوب، اکثریا کول و صو پوسکورور.

2-3499-5

قاتور شه

#1

مکسیقه-نك %سان لویی پوتوزی\$ ایالتنده و 230 کیلومتره شمالنده بر قصبه اولوب، پک زنکین اولان کموش معدنیله مشهوردر. بو معدن وقتیله سنوی یکر می ملیون فرانق قیمتنده کولچه ویرمشر.

3-3599-5

قاتوقامبرزی

#1

فرانسه-ده نور ایالتنك %قامیره\$ قضااسنده و قامیره-نك 25 کیلومتره شرق جنوبیسنده اوله-رق پارسدن بروکسله کیدن دمیر یول خطی اوزرنده ناحیه مرکزی بر قصبه اولوب، 9500 اهالیسی، داخلی مکتبی، کتبخانه-سی، باقر دوکمخانه-سی و سائر فابریقه-لری واردر.

4-3499-5

قاتولیه

#1

سیلچیه-نك جرجنتی ایالتنده و جرجنتینك 27 کیلومتره شمال غربیسنده اوله-رق %پلاتانی\$ نهری اوزرنده و ساحلدن 8 کیلومتره ایچریده بر قصبه اولوب، 6380 اهالیسی و کوکرد معدنی واردر.

5-3499-5

قاتون

#1

بو اسمله اسكى روما مشاهيرندن ايكي ذات كلمشدر:

برنجيسى ((قديم)) لقبيله تفريق اولنه-رق، مكارم اخلاقيه و ممانت طبع و راييله مشهوردر. ميلاد عيسى (عم)دن 234 سنه اول دنيايه كلوب، ايكنجى قارتاج محاربه-سنده (قاببوس ماقسيموس)ك معينته بولنمش؛ و بعده ساردنيه-يه والى تعيين اولنه-رق، بو جزيره-نك هنوز روماليله تابع اولميا اطفافنى دخى ضبط ايتمش؛ و قبل الميلا 195 تاريخنده اسپانيه و متعاقباً يونان قونسولوسى نصب اولنه-رق، مأموريتنده موفق اولمغله، رومايه عودتنده پارلاق بر استقباله نائل اولمش ايدى. سكر سنه صكره (سانسور) تعبير اولنان مسنده نصب اولنه-رق، التزام عدل و حقانيتده ضرب مثل حكمنه كچن بر غيرت فوق العاده كوسترمش؛ و بونك اوزرينه روماليلر كنديسنك هيكلنى ياپديروب، آلتته ((اخلاق عموميه-يى اصلاح ايدن قاتون)) مآلى يازديرمشدر. قارتاجيلرك رومايه غلبه-سندن پك زياده قورقديغندن، اواخر عمرنده ايراد ايتديكى نطفارك صوكنده ((قارتاجى مو ايتملى)) عباره-سنى تكرار ايتكى عادت ايدنمشيدى. كافه علوم فنونه واقف اولوب، آنجق بعض فنون يونانيه-نك رومايه ادخالنى مضر عد ايدرمش. عمرينى تحصيل ايله كچيروب، حتى 80 ياشنده ايكن لسان يونانيى اوكرنديكى مروير. قبل الميلا 149 تاريخنده 85 ياشنده وفات ايتمشدر. آثارندن يالكز بر رساله ايله بعض فقره-لر باقيدر. *- ايكنجيسى برنجينك حفيد زاده-سى اولوب، ((اوتيقه-لى)) لقبيله ملقيدر. قبل الميلا 93 تاريخنده طوغوب، هنوز چوجق ايكن بيوك بر جسارت آثارينى ابرازله، غصب حقوق حكمرانى تشبئاتنده بولنانلره قارشى وطننك استقلالنى مدافعه-يه چالشمش، و يوليوس قيصره قارشى پومپيوس ايله برلشه-رك، دراجده قيصرك عسكرينه بر قاچ دفعه غلبه-چالمش؛ و چتالجه مغلوبيتيله پومپيوسك هلاكنى خبر آنجه، بونك عسكرينك بقية السيوفنى جمع ايله، آفريقايه كچه-رك، اوراده قيصره قارشى مقاومت ايدن %متلوس اسكيپيون\$ ايله برلشمش؛ و متعاقباً بونك دخى مغلوبيتتى كورنجه، تحت اسارنده ياشامقدين ايسه اولومى اختيارله، اوتيقه قصبه-سنه قپانه-رق، اوراده افلاطونك بقاى روح حقتده-كى تأليفنى تكرار على التكرار او قودقدين صكره، اتلاف نفس ايتمشدر. *- بو اسمله رومالى ايكي شاعر دخى اولوب، برى (والريوس قاتون) سيلا زماننده و ديكرى (ديونيوسيوس قاتون) اوچنجى قرن ميلاديه ياشامشدر. برر اثرلرى موجوددر.

6-3499-5

قاتون

ياخود خاتون ويا قادين #1 چينك غرب شمالى جهننده تركستان شرقى ايله جونغارويه آره-سنده واقع %تبان شان\$ سلسله جبالنك قسم شرقيسى اولوب، °82 ايله °84 طول شرقى آره-سنده ممتد اولور. ارتفاعى 5000 متره راده-لرنده اولوب، كچيله-جك بوغازى اولديغى بيلنميور. دزوه-لرى سردى قارلرله مستور اولوب، بوزدره-لرى و اتكلرنده بر طاقم كوللرى واردر.

1-3500-5

قاتون

ياخود خاتون يعنى قادين #1 سيبريه-ده %اوبى\$ ايرماغنى تشكيل ايدن ايكي نهر ك برى اولوب، چين حدودده %بيالوخه\$نك جنوبده آلتون طاغدن نبعانله، ابتدا غربه طوغرى آقه-رق، %آرغوت\$ چاينى آلدقن صكره، شمال غربيه طوغرى دونر. مجراسى 670 كيلومتره طولنده اولوب، بر چوق تابعلى واردر، كه اك بيوكلى حوضه-سنگ شرق جنوبى جهتدن كلن %چويه\$ چاييدر.

2-3500-5

قاتونغه

#1

سودان وسطينك %غاندو\$ مملكتنده و نيجر ايرماغنك ساحل يمينى قرينده بر قصبه اولوب، 15000 اهاليسى واردر.

3-3500-5

قاتويچ

#1

پروسيه-ده سيليزيه ايلتنك %اوپلن\$ سناغنده و اوپلنك 95 كيلومتره جنوب شرقيسنده اوله-رق بر قاج دمير يول خطنك نقطه تقاطعنده قضا مركزى بر قصبه اولوب، 12625 اهاليسى، چنقو و آنتراسيت معدنلى، دمير خانه-لى و واغون و سائر دمير يول لوازمى فابريقه-لى واردر.

4-3500-5

قاتى كوركان

روسيه-يه تابع تركستان ايلتنك زرافشان سناغنده و سمرقندك 160 كيلومتره غرب جنوبيسنده اوله-رق زرافشان نهرينك ساحل يسارنده قضا مركزى مستحكم بر قصبه اولوب، 4425 اهاليسى واردر.

5-3500-5

قاتيلينا

#1

روما مشاهيرندن شرير بر آدم اولوب، سيلانك مظالمنه آلت و معين اولمش؛ و بعده قونسلوس اولمق هوسنه دوشوب، موفق اوله-مديغندن، كنديسنه ترجيح اولنان رقبيلرينى قتل ايتمكه قالقيشمش؛ و مشهور چيچرون بو نيات

و تشبثاتی حضور محکمه-ده علناً اثبات ایتمکله، رومادن اتزوریه-یه قاچه-رق، باشنه طویلا دیغی طرفکیرانیله وطنی علیهنه سلاحه صارلمش ایسه-ده، مغلوب اولوب، قبل المیلاد 62 سنه-سنده قتل اولنمشدر.

6-3500-5

قاجار

ایرانک شمال جهتنده استرآباد ایله ری و طبرستان نواحیسنده بولنور بر ترکمن یعنی بیوک عشیرتی اولوب، الیوم ایرانده حکم سورن سلاله شاهان بو عشیرته منسوب اولمغله، بو اسمله یاد اولنمقده-در. عشیرت مذکورہ رؤساسندن محمد حسن نادر شاهدن صکره ایرانده ظهور ایدن قارغاشقلر صره-سنده خیلی نفوذ و اقتدار قزانوب، حکومتی الده ایتمکه چالیشانلرک بری اولمش ایدی. بونک اوغلی آغا محمد زند خاندانیله بر چوق وقت اوغراشمش، و نهایت غالب کلمکله، تدریجاً بتون ایرانی اله کتیره-رک، عشیرتنه و طرفدارلرینه قریب اولمق ملاحظه-سیله، او وقت کوچک بر قصبه حالنده بولنان طهرانی پایتخت اتخاذا ایتمش؛ و فتنه و شورشه ختام ویره-رک، یکی بر دولت تأسیس ایتمشدر. قاجار دولتی 1210 تاریخنده تأسس ایدوب، یوز بش سنه-دن بری دوام ایتمکده-در. بو سلاله زمانده ایران یالکز روسیه ایله بر قاچ دفعه حرب ایدوب، قافقاس جهتنده بعض یرلر غائب ایتمش؛ و خراسانک بر قسمی اولان هرات جهتنک التحاقنه چوق غیرت اولنه-رق، بر آره-لق ضبط اولنمش ایسه-ده، اجنبیلرک مداخله-سیله ترک اولنمشدر. آوروپا اصول اداره-سنه تقلیداً بعض تشکیلات و اصلاحات دخی اجرا اولنه-رق، بر مقدار منتظم عسکر ترتیب اولنمش؛ و آوروپا دولیله مناسبات سیاسییه-یه کیریشلمشدر. قاجار سلاله-سنه منسوب ایران شاهلرینک اسملریله تاریخ جلوسلری بروجہ آتیدر:

@@@

آقا محمد خان

1210

یکنی فتح علی شاه

1212

محمد شاه بن عباس میرزا بن فتح علی

1248

ناصر الدین شاه بن محمد

1264

مظفر الدین شاه بن ناصر الدین

1314

\$

*- قاجار عشیرتی پک بیوک و یدی قوله منقسم بر اولوس اولوب، چنکیز خانک خروجنده وطن اصلیسینی ترکله، غربه طوغری ایلریلیه-رک، شام و آناتولییه قدر یایلمشدردی. بعده شاه اسماعیل صفوینک تأسسنه خدمت و معاونت ایتدکلرندن، شاه مشار الیهک بونلرک بر طاقمنی بلاد قافقاسده کنجه جهتنده، بر طاقملرینی مرو طرفنده و بر طاقمنده استرآباد جوارلرنده یرلشدیره-رک، اورالردن تجاویزی ملحوظ اولان دشمنلره قارشی کندیلرینی سپر

اتخاذ ایتمشدی. بونلردن کنجه و مرو جهتلر نده-کیلر اهالی محلیه ایله اختلاط ایده-رک قاریشمشلسه-ده، اک کلیتلی اوله-رق استر اباد جهتنده بولنانلری هیئت اصلیه-لرنده قالوب، آقا محمد خان دخی بونلرده ظهور ایتمشر.

1-3501-5

قاجامارقه

#1

پرونک شمال جهتنده %اند\$ سلسله جبالنک شرقی اتکنده 2860 متره ارتفاعنده و "38' 8' 7° عرض جنوبی ایله "37' 55' 80° طول غربیده ایالت مرکزی بر شهر اولوب، 24000 اهالیسی، بحر محیط معتدله و 182 کیلومتره-لک مسافه-ده بولنان اسکله-سی %پاقاسما یو\$یه قدر دمیر یولی، یوک و پاموق منسوجاتله حصیر شایقه-دن عبارت معمولاتی، جوارنده مشهور قاپلیجه-لریله غریب بر مغاره-سی و اسکی اینقه-لردن قالمه بعض آثاری واردر. اینقه-لرک حکمدار اخیری اولان (آتاهو آله) بو شهرده اسپانیولر طرفندن وحشیانه قتل اولنوب، سراینک خرابه-لری و حتی اوزرنده اعدام اولندیغی بیوک بر طاش دخی موجوددر. منتظم و سور قاقلری کنیش اولوب، هواسی صوئوق و صاغلام اولمغله، اهالیسندن یوز یاشلرینه قدر یاشایانلری چوقدر. اهالیسی شولو قوم اصلیسینه منسوب و بونلرله اسپانیولرک ازدواجندن متولد ملزلردر. *- ایالتی یوز بیکی متجاوز اهالیسی جامع اولوب، آلتون و کومش معدنلری و پاموق محصولاتی واردر.

2-3501-5

قاجیاس

یاخود قاشیاس #1 بر ازلیا ممالک مجتمعه-سنگ %ماراناؤ\$ حکومتنده و %ایتاپیقورو\$ نهرینک ساحل یمینده اوله-رق بو نهرک منصبندن 360 کیلومتره یوقاریده بر قصبه اولوب، 15000 اهالیسی و %ترزینه\$یه قدر دمیر یولی واردر. جوارلرینک اهالیسی پاموق زراعیله و حیوانات یتیشدیرمکله مشغولدرلر.

3-3501-5

قاجینز

#1

سیبرییه-نک جهت جنوبیه-سنده %ینیسی\$ ایالتنک %مینوچینسک\$ سناغنده و %ینیسی\$ ایرماغنک یوقاری قسمنک صاغ طرفنده بولنور بر تاتار اولوسی اولوب، تقریباً 7000 نفوسدن عبارتدر. هر نه قدر صورتاً خرستیانلغی قبول ایتمشلسه-ده، اسکی اعتقادلرندن ده واز کچه-میوب، غریب اعتقادلری واردر.

4-3501-5

قاداموستو

#1

ونديك مشاهير بحريونندن اولوب، پورتکيز قرالنك خدمتنه دخول ايله، 1455 و 1456 تاريخلرنده آفريقانك سواحل غربيه-سنه سياحت ايده-رك، سنغال و غامبيه واديلريني تعقيب و تحقيق، و يشيل برون آله-لرنندن بر قاچني كشف ايتمش؛ و عودتنده سياحتنامه-سني يازمشدر.

5-3501-5

قادر

فرس شعراسندن بر وجه آتي ايكي ذاتك مخلصيدر:

برنجيسي (وزير خان بن محمد طاهر خان) عن اصل مشهدلي اولوب، جد اعلاسي چنكيز خانك كاتب ديواني بولنمش؛ و كنديسي دهلي ملوك تيموريه-سندن عالمكبر و بهادر شاهك خدمتنده بولنوب، فرخ سيرك زمانه دخي يتيشمش؛ و اختيارلغنده اكبر آبادده-كي باغنه چكيلوب، 1135ده وفات ايتمشدر. شو بيت اونكدر:

@@@

دل را چه دهی بيهوده قادر بنكويان

زين چشم سياهان نبود چشم وفات

\$

-* - ايكنجيسي (ميرزا عبد القادر) تون قصبه-سندن اولوب، مثنوي نظمنده مهارتي وار ايدى. ((محاربه قندهار و ايران)) عنوانيله بر منظومه-سي واردر. شو بيت بر مثنويسنك مبدأندندر:

@@@

ستايش سزاوار آن سرورست

كه فردست و دستور اين دفترست

\$

6-3501-5

قادر بالله، احمد بن اسحق بن المقتدر بالله جعفر

خلفاء عباسيه-نك يكرمي بشنجيسي اولوب، 336 تاريخنده طوغمش؛ و پدری خلافته نائل اوله-مديغي حالده، كنديسي 381 تاريخنده عم زاده-سي طابع بالله عبد الكريمك اسقاطي اوزرينه، بغدادده تخت خلافته جلوسله، 44 سنه و 8 آي اجراي خلافتدن صكره، 422 تاريخنده وفات ايدوب، بغدادده مدفوندر. سلطان محمود غزنويك بتون مدت سلطنتنده مقام خلافته بو ذات بولنمشدر. اوغلي قائم بامر الله عبد الله خلفي اولوب، اونك دخي مدت خلافتي چوق سورمشدر.

7-3501-5

قادری، عبد القادر

اونجی قرن هجری علما و شعرا سندن اولوب، صاحب تذکره قنالی زاده-نک جد مادریسی اولمغله، عربی و فارسی ادبیاتنده-کی معلوماتنک وصفنده اطرا ایتمشدر. بعض قاضیلقلرده بولنوب، 940ده وفات ایتمشدر. شو بیت اونکدر:

@@@

نیجه بر صبر ایده-یم تیر بلا زحمنه من
برج ایسه دخی یقلمالی اولوبدر بدنم
\$

1-3502-5

قادری

سالف الترجمه (شیخ عبد القادر بداؤنی)نک شعرده قوللانیدیگی مخلصدر. شو بیت اونکدر:

@@@

بصد امید قاصد میفرستم سوی آن بدخو
معاذ الله از آن ساعت کزو نومید بر کرد
\$

-* - هندستانک %پانی بیت \$ قصبه-سندن دیگر بر شاعرک دخی مخلصی اولوب، شو رباعی اونکدر:

@@@

جهان چیست ماتم سرایی درد
نشسته دوسه ماتمی رو برو
جگر پاره چند بر خوان او
جگر خورده چند مهمان او
\$

2-3502-5

قاس

#1

اسپانيه-نك قسم جنوبيسندن عبارت اولان %اندالوسيه\$ خطه-سنده و بحر محيط اطلاسنيك قانس كورفي ذاخلنده اوله-رق قره-دن طار بر بوغازله آبرلمش %لئون\$ جزيره-سنيك ساحل شماليسنده ايالت مركزي بر شهر اولوب، 71915 اهالي سي، سربست ليما ني، كنيش و منتظم ريختمي، ترسانه-سي، بحريه-يه مخصوص رصد خانه-سي، رسم آقادمياسي، فن جراحي مكنبيله سائر مكاتي، عسكري خسته خانه-سي، بيوك بر دار العجزه-سي، مصنع كليسالري، تياتروسي، بوغا كورشنه مخصوص جانبا ز خانه-سي، ايشلك تجارتي و جسيم استحكاماتي واردر. جزيره-نك بر بروني اوزرنده مؤسس اولمغله، همان هر طرفدن دكي زله محاط اولوب، منظره-سي پك كوزل و سوقاقلري كنيش و تميزدر. فابريقه-لرنده چوق اولوب، يو ك و ابيك و كتن و پاموقدن منسوجات مختلفه ايله طاشانلغله و قيومجبلغه متعلق مواد متنوعه و غايت و سائر اعمال اولنور. صويي اولميوب، صهرنج صولرندن و قارشيسنده بولنان %سانته ماريه\$ اسكله-سندن فوجيلرله نقل اولنان صودن ايچيلير. جغرافيون عربك تعريفنه كوره، اندلس حكومت اسلاميه-سي زماننده تحت البحر بر صويي اولوب، قره-دن كلن كوزل بر صو شهرك هر طرفنه آقارمش. او وقتلرده كافه اهالي سي مسلم اولمغله مسلمانلرك اندلسدن اخراجنده بو شهر خالي قالوب، بعده قستيله مهاجرلرله اسكان اولنمشدر. پك اسكي بر شهر اولوب، ميلاد عيسي (عم)دن 1100 سنه اول فنيكه-ليلر طرفندن تاسيس اولنديغي مرويدر. هواسي پك صاغلام و لطيف اولوب، يازين 22 درجه-دن زياده صيچاق اولمديغي كبي، قيشين ده 6 درجه-دن آشاغي اينمز. عربلر زماننده بر چوق مشاهير اسلامك وطني اولوب، اديب و سياح شهير ابن بشكوال دخي بورالي ايدى.

*- قانس ايالتي اسپانيه-نك اك جنوبي يري اولوب، سبته بوغازي اوزرنده واقع اولمغله، شرقاً مالفه، شمالاً سويله %يعني اشبيليه\$ ايالتلرله، غرباً بحر محيط اطلاسي ايله، جنوباً سبته بوغازيله، جنوب شرقى طرفندن دخي آق دكي زله محاطدر. قارشيسنده آفريقا ساحلنده واقع سبته قصبه-سي و جوارلرله برابر مساحه سطحيه-سي 7276 مربع كيلومتره اولوب، 429872 اهالي سي واردر. اراضيسي طاغلق اولوب، على الخصوص شرق شمالي جهتنده بوكسك طاغلى واردر. مياه جاريه-سي دخي چوق اولوب، غواد الكيوير %الوادى الكبير\$ ايرماغنك قسم اسفلى غرب شمالي حدوديني و %غواديارو\$ نهري حدود شرقيه-سنيك بر قسمنى تشكيل ايتديكي كبي، %غوادلته\$ ايله %بارباته\$ ايرماقلرنده ايالت داخلنده نبعان ايله، بر چوق چايلرك صولريني جمع ايده-رك بحر محيطه دو كيلورلر. بونلرك ايكنجيسي %لاگونه دلاجانده\$ اسميله بيوجك بر كول دخي تشكيل ايدر. طوپراغي منبت ايسه-ده، عارضه-لى اولمسي سقى اراضيه مساعد اولمديغندن، محصولات زرعيه-سي چوق دكلدر. سبزه و ميوه-لري چوق و پك لذيق اولوب، زيتون آعاجلري پك زياده-در. قيون و صيغير و سائر حيوانات اهليه-سي چوق اولوب، خيلى مقدار بال و بال مومنده چيقار. معادنى چوق ايسه-ده، اخراج اولنانلري پك آزدر. اورمانلري بيهوده اتلاف اولنمشدر. صنايعي پك ايلري اولميوب، قبا منسوجاتله سختيان و سائر اعمالندن عبارتدر. هواسي ملايم و صاغلام اولوب، آنجق بطاقلري بولنان بعض طرفلري صيتمه-دن سالم دكلدر. ايالت 12 قضايه منقسمدر.

3-3502-5

قانس

عراق عربده كوفه-نك 15 فرسخ جنوب غربيسنده مستحكم اسكي بر قصبه اولوب، اليوم خرابدر. بو قصبه عمر بن الخطاب (رضه) زماننده 16نجى سال هجريده سعد ابن و قاص (رضه)ك تحت قيادتنده بولنان عساكر مسلمينك

ایران عسکرینه قارشی قزاندقلى غالیبت قطعیه ایله مشهوردر. موقع مذکورده درت کون محاربه اولوب، برنجیسنه (یوم ارمان)، ایکنجیسنه (یوم اغوات)، اوچنجیسنه (یوم عماس)، درنجیسنه-ده (یوم قادسیه) دینور. بو درنجی محاربه-ده عساکر ایرانیه-نک قاندى رستم قتل، و عسکری پریشان اولمغله، آرتق ایرانیلر مقاومت ایده-میوب، او کون ایرانیه فتح اولنمش نظریله باقلمشدر. قادسیه چوق وقت معمور قالمیوب، تا درنجی قرن هجریده خراب بولندیغی مسعودینک تعریفندن آکلاشیلور. مع هذا بعض مشاهیر علما و محدثینک مسقط رأسی بولنمشدر.

-* - دجله-نک ساحل یسارنده سامرانک 10 کیلومتره جنوب شرقیسنده و بغدادک 140 کیلومتره شمال غربیسنده دخی بو اسمله بر کوچک قصبه بولنمش، و بو دخی وقتیه خراب اولمشدر. بعض مورخین بونی فتح عظیم مذکورک محلی ظن ایده-رک، یا کلمشدر.

1-3503-5

قادموس

#1

یونانیلرک اساطیرله ممزوج تاریخ قدیمه کوره، فنیکه حکمداری (آجنور)ک اوغلی اولوب، کویا ابو الالهه زعم اولنان مشتری طرفندن قاچیر یلان همشیره-سی آروپایی بولمق ایچون، پدری طرفندن آق دکیزه چیقاریلوب، بولمغه موفق اوله-مینجه، یونان ساحلنه تقریبله، بئوتیه-ده توطن ایده-رک، میلاد عیسی (عم)دن 1580 سنه اول %قادمیه\$ قصبه-سنی تأسیس ایتمش، که بو قصبه بعده توسیع اولمغله %تبه\$ تسمیه اولنمشدر. فنیکه-دن یونانه خطی نقل و یونانیلره او قویوب یازمق صنعتنی تعلیم ایتمشدر. روش حالدن آکلاشلیغنه کوره او تاریخلرده فنیکه-لیلر آق دکیزک هر طرفنه و تا اسپانیه و فرانسه سواحلنه قدر کیدوب، مهجرلر و تجارتکاهلر تأسیس ایندکلی صره-ده، بر قرقلری-ده یونانه یناشه-رق، اوراده بر و بلکه بر قاچ مهجر تأسیس ایتمش؛ و آنجق بورانک اهالیسی چکیلوب یری بوش براقه-جقلرینه بو یکی اهالی ایله قاریشه-رق، مدنیتده کندیلرندن چوق ایلری بولنان فنیکه-لیلرندن خطی و دها بر چوق شیلر اوکرنمشلدر. قادموس اشبو فنیکه مهاجرلرینک رئیسی اوله-بیلیردی. یونان لساننده، سائر السنه آریانیه-نک خلافنده اوله-رق، السنه سامیه-دن مأخوذ و عربیه مشابه بر چوق کلمه-لر بولنمسی یونانیلرک او وقتلرده فنیکه-لیلرله اولان بو اختلاطلرینه شاهددر. هله حروف یونانیه-نک خط فنیکیدن مأخوذ اولدیغی کرک اسملرندن و کرک شکالمردن آشکار اولوب، ذاتاً ابتدای امرده یونانیلر دخی صاغدن صوله یازارلردی.

2-3503-5

قادموس، میلتنلی -* -

#1

یونان قدیم مورخ لرندن اولوب، میلاددن آلتی قرن اول یونانیلرک آناتولی ساحلنده-کی مهجرلرندن %میلت\$ شهر قدیمده یاشامش؛ و شهر مذکور ایله او جهنتده-کی یونان مهجرلرینک تاریخی یازمشدر. بو تاریخک یالکز بعض فقره-لری بولنه-بیلمشدر. اک اول نثراً تاریخ یازان بو ذاتدر.

3-3503-5

قادمیه

#1

یونان قدیمک بئوتیه خطه-سنده کائن %تبه\$ شهر شهیرینک اک اسکى اسمى اولوب، بانیسى اولان فنیکه-لی قادموسک اسمنه نسبتله وضع اولنمشدر. قادمیه قلعه دروننده بولنوب، بعده اطرافنده واروشلر تشکیليله، شهر توسیع و %تبه\$ تسمیه اولندقده، قادمیه قلعه دروننده-کی قسمندن عبارت قالمشیدی.

4-3503-5

قادن

#1

اوستریا و مجارستان دولتنگ چهستان خطه-سنده %ساز\$ ایالتنده و سازک 20 کیلومتره غرب شمالیسنده اوله-رق %البه\$ ایرماغنه تابع %اکر\$ نهری اوزرنده قضا مرکزی بر قصبه اولوب، 6330 اهالیسی و کمور معدنی واردر.

5-3503-5

قادوسی

#1

و نام دیکرله کیل #2 بحر خزرک جنوب غربی ساحلنده و شمدیکی کیلان خطه-سنده بر قوم اولدیغى اسکى یونان کتابلرنده محرر اولوب، ایکنجی اسملرینک %کیلان\$ اسم حاضريله مناسبتی عیاندر. ذاتاً اورانک اهالیسی کندی باشنه بر قوم اولوب، شمدی دخی لسان مخصوصلری واردر.

1-3504-5

قادوم

#1

روسیه-نک و سطرلنده تامیوف ایالتنک %تمنیقوف\$ قضااسنده و تمنیقوفک 47 کیلومتره غربنده بر قصبه اولوب،
7105 اهالیسی واردر. تاتارلر طرفندن بنا اولنمشدر. روسلر 1209 تاریخ میلادیسنده بو قصبه-ده اسکی
بلغارلری مغلوب ایتمشلردر.

2-3504-5

قادینجق آنا

طریقت بکتاشیه منتسبینک اعتقاد و روایتنه کوره، حاجی بکتاش ولی حضرتلرینک کراماتنی کورمکله، حضرت
مشار الیهک خدمتنه حصر وجود ایتمش صالحه بر قادین اولوب، مشار الیهک برونندن آقان قانی ایچمکله حامل
قالمش؛ و

قیرشهرینه تابع حاجی بکتاشده-کی چلبیلر بوندن تسلسل ایتمش. صاحبه ترجمه-نک ولی مشار الیهک نکاحلی
زوجه-سی اولمسی احتمالی عقله دهها ملایمدر.

3-3504-5

قار، آفونس -*.

#1

فرانسه مشاهیر ادبا و حکایه نویسندن اولوب، 1808 تاریخنده پارسده طوغمشدر. بر بیانوجینک اوغلیدر.
بوربون مکتبده پارلاق بر صورتده تحصیل ایندکدن صکره، بر قاچ سنه پارس جوارنده والده-سیله مجهول بر
حالده یاشامش؛ بر آره-لق مذکور مکتبده معلمک ایتمش؛ و بعده فیغارو غزته-سنه یازی یازمغه باشلابوب، تدریجاً
بو غزته-نک باش محرری اولمشیدی. غزته-جیلق ایتمکله برابر روماننسیسم اصولنده بر قاچ حکایه کتابی نشر
ایده-رک، آثاری فوق العاده مقبوله کچمکله، کسب شهرت ایتمش؛ و فیغارو و سائر غزته-لرده (کپ) عنوانیله
تنقیداتی حاوی و اکلنجه-لی بر طاقم تفرقه-لر نشر ایده-رک، بونکله شهرتی تضاعف ایتمشیدی. بر خیلی وقت
پارسی ترکیله، %نسیسه\$یه چکلمش؛ و اوراده مراقی اولان باغچوانلغه سلوکه، فدان و چیچک یتیشدیره-رک،
تجارتیه قویلمش ایدی. مع هذا حکایه کتابلری تحریرندن هیچ بر وقت واز کچمیوب، بو قبیلدن پک چوق کتابلری
واردر.

4-3504-5

قارابوبو

#1

آمریقای جنوبیده و نزوئلا ممالک مجتمعه-سنی ترکیب ایدن حکومت متفقه-نک بری اولوب، شمالاً آنتیل جزایریله،
شرقاً %قاراقاس\$، جنوباً %وارنیاس\$، غرباً دخی % بارکیسیمتو\$ و %قورو\$ جمهوریتلریله محدوددر. مساحه

سطحیہ-سی 21528 مربع کلومیٹر اولوب، 198021 اہالیسی وارد۔ مرکزی % والنسیہ \$ قصبہ-سیدر۔ *- اصل بو اسم مذکور والنسیہ قصبہ-سنگ 13 کلومیٹر جنوب غربیسنده واقع بر تپہ و قریہ-نک اسمیدر، کہ اور الرینہ استقلالی قزاندیران (بولیوار) 1821 تاریخندہ بو موقعہ اسپانیہ جنرالترینی بیوک بر مغلوبیتہ دوچار ایتمشدر۔

5-3504-5

قارچف

#1

روسیہ-نک وسطرنده واقع % اورل \$ ایالتندہ و اورلک 75 کلومیٹرہ غربندہ قضا مرکزی بر قصبہ اولوب، 11320 اہالیسی و کنویر و یاغ اخراجاتی وارد۔

6-3504-5

قارارہ

#1

ایتالیانک طوسفانہ خطہ-سندہ % ماسہ \$ ایالت و قضاوندہ و ماسہ-نک 5 کلومیٹرہ شمال غربیسنده اولہ-رق ساحلن آز مسافہ ایچریدہ بر قصبہ اولوب، 10850 اہالیسی، اطرافندہ غایتلہ نفیس و بتون عالمہ مشہور مرمی، ہیکلتر اشلغہ مخصوص مکتبی و مصنع کلیسالریلہ سائر ابنیہ-سی وارد۔ شرق طرفندہ 700 مترہ یوکسک و 8 کلومیٹرہ اوزون بر طاغ بولنوب، تکمیل مرمردن عبارتدر۔ بو طاغہ 70 مرمر اوچاگی ایشلنمکدہ اولوب، بونلرک 7 سندن ہیکل اعمالنہ یارار انفس مرمر جیقار۔ قارارہ-نک مرمرلری آمریقایہ و ہندستانہ قدر کیدوب، سنوی آشاگی یوقای درت ملیون فرانقلق مرمر اخراج اولنور۔ بو قصبہ بر جوق ہیکلتر اشلر یتیشدیرمشدر۔

7-3504-5

قاراقاس

#1

آمریقای جنوبیہ % ونزونلا \$ ممالک مجتمہ-سنگ مرکز عمومیسی بر شہر اولوب، ساحلہ قدر ممتد بر بایردہ و اسکلہ-سی اولان % غوآیرہ \$ دن 20 کلومیٹرہ یوقاریدہ اولہ-رق " 50' 30' 10° عرض شمالی ایلہ 25' 69° طول غربیہہ واقعدر۔ 72429 اہالیسی، کنیش و دوز سوقاقلری، دار الفنونی و قہوہ و قاقاؤ اخراجاتی وارد۔ مشہور بولیوارک وطنیدر۔ *- قاراقاس جمہوریتی آنتیل دکیزی ساحلندہ ممتد اولوب، شمالاً مذکور دکیزلہ، شرقاً بارسلونہ، جنوباً غوآریقو، غرباً دخی قارابوبو جمہورتلریلہ محاط اولدیگی حالده، مساحہ سطحیہ-سی 87000 مربع کلومیٹرہ و اہالیسی 365000 کشیدر۔

1-3505-5

قاراقالا

#1

روما ایمپراطور لرندن اولوب، (سپتیم سور)ك او غلیدر. 188 تاریخ میلادیسنده لیونده طوغوب، 211ده برادری (جتا) ایله برابر تخته قعود ایتمش ایسه-ده، متعاقباً برادرینی والده-سنگ قوجاغنده اتلاف، و بتون طرفدارلرینی اعدام ایتمش؛ و جزئی بر سبیله اسکندریه شهرینی یغما ایندیروب، پک چوق مظالم اجرا ایندکدن صکره، 217 تاریخنده (ماقرن) یدیله قتل اولنمشدر. بیوک اسکندری تقلیده چالیشوب، کولنج حرکاتده بولنمش؛ و جرمانیه و ایران قارشی ایندیکی محاربه-لرده مغلوب اولدیغی حالده، جرمانیه و ایران فاتحی عنوان کاذبیله افتخار ایدرمش.

2-3505-5

قاراقه

#1

اسپانیه-نک جنوبنده قادیس کور فزینک ساحل شرقیسی قرینده بر کوچك آطه اولوب، 6000 اهالیسی، ترسانه-سی و یلکن بزى فابریقه-سی واردر.

3-3505-5

قارواجو

#1

ایتالیانک لومباردییه خطه-سنده %برغامه\$ ایالتنک ترویلویو قضااسنده و ترویلویونک 5 کیلومتره جنوب شرقیسنده بر قصبه اولوب، 5880 اهالیسی واردر. بو لقبه ملقب بر قاچ، مشهور شاعرک مسقط رأسیدر.

4-3505-5

قارواساره

#1

[((کروانسرائی)) ماده-سنه مراجعت.]

5-3505-5

قار اواقه

#1

اسپانيه-نك %مورسيه\$ اياتتنده و مورسيه-نك 85 كيلومتره غرينده اوله-رق سفوره ايرماغنه تابع همنامي اولان نهرك اوزرنده قضا مركزى بر قصبه اولوب، 7000 اهاليسى و كاغد، صابون، زيتون ياغى، اسپرتو و يوك منسوجات فابريقه-لريله دباغانه و بوي خانه-لرى واردر.

6-3505-5

قارائب، ياخود قريپ

#1

آمريكانك اثنای كشفنده آنتيل جزايريله آمريقای جنوبيك سواحل شماليه-سنده بولنمش بر بيوك قوم اولوب، انسان اتى يمك عادت مكر وه-لريله مشهوردرلر. بعده اورالره هجرت ايدن اسپانيوللر و سائر آوروپاليلر طرفندن اتلاف اولنه-رق، شمديكى حالده مذكور آطه-لرده افرادلر قالماش كيبدر. آمريقای جنوبيك سواحل شماليه-سنده و %اورنوق\$ ايرماغى واديلرنده ايسه بو قومه منسوب بعض قبائلك بقية السيوفى بولنوب، مختلف اسملرله ياد اولنورلر. قرائلر اوزون بويلى، باقير رنكنه چالار اسمرجه چهره-لى، خفيف صورتده غاغا برونلى، متناسب الاعضا، توانا و جسور آدملر ايدى. بعده زنجيلرله اختلاطلرندن ملز بر قوم دخى ظهور ايتمشدى. انكليز لر آنتيل جزايريله دكزينه دخى بعضاً قارائب آطه-لرى و قارائب دكيزى ديرلر.

7-3505-5

قارپات

#1

آوروپاي شرقيده بر بيوك سلسله جبالدر، كه مجارستان ايله ترانسيلوانيه اطرافنده بيوك بر نصف دائره تشكيل ايدوب، شمال غربى ايله شمال و شرق ايله جنوب شرقى طرفلرندن مجارستان قرالغنك حدودىنى تشكيل ايدهرك، بونى موراويه، سيلزیه، گاليچيا، بوقووين، بغداد و افلاقدن آيربور؛ و دمير قپو اوكنده طونه ساحلنه منتهى اوليور. ويانه-نك شمال شرقى جهتنده اولان مبدانندن منتهاسنه-دك بويى 1450 كيلومتره اولوب، '30 44° ايله '30 49° عرض شمالي و '40 14° ايله 24° طول شرقى آره-لرنده ممتد اولور، و 220000 مربع كيلومتره-لك ير طوتار. تشكيل ايتديكى نصف دائره-نك ايچ طرفنه طوغرى آقان صولرينك جمله-سيله جنوب و شرق جهتلرينك مائله خارجيه-سندن آقان صولرى كاملاً طونه-يه دوكيلور. شرق شمالي جهتنندن آقانلرى %دنيستر\$ ايرماغى واسطه-سيله ينه قره دكيزه، و شمال جهتنك مائله خارجيه-سندن آقانلرى ايسه %ويستوله\$ و %اودر\$ ايرماقلى واسطه-سيله بالطبق دكيزينه دوكيلور. قارپات سلسله جبالى ايكى قسمندن عبارتدر: برنجيسى منتهاي شمال غربيسنده واقع %تاتره\$ طاغلريدر، يوكسك، صرب و تپه-لرى قارله مستور

اولوب، اك يوكسك ذروه-سى 2659 متره ارتفاعنده-در. ايكنجيسى شرق جنوبى جهتته ترانسيلوانيه خطه-سنى احاطه ايدن اصل %قارپات\$ طاغلردير، كه بغدان حدودنده 2720 و افلاق حدودنده 2650 متره-يه قدر ارتفاعلى واردر. قارپات سلسله-سنىك ايكى اوجنده بولنان بو ايكى يوكسك طاغلك آره-سندى مجارستان ايله سيلزىه بيننده قوس شكلنده بر صره طاغلى ممتد اولوب، بو ايكى طاقم طاغلى بربرينه ربط ايدر. بو رابطه بر قوس شكلنده اولوب، 200 كيلومتره-لك محله ممتد اولور، و ارتفاعى نهايت 750 متره-يى تجاوز ايتميوب، همان هر طرفى اورمانلرله مستوردر. مذكور ايكى طاقم يوكسك طاغلى ايجريه يعنى مجارستانه طوغرى بر چوق قوللر و اتكلر اوزاده-رق، ترانسيلوانيه-يى و مجارستانك شمال غربى قسمنى طاغلق يرلر حالنه قويبورلر؛ و بونلر ك صوك اتكلريله مذكور قوس آره-سندى طونه مجراسنه قدر ممتد اولان و بر چوق انهارك يتاقرينى حاوى بولنان مجارستان صحراى واسعى بولنيور. قارپات سلسله-سنىك ايكى اوجنده بولنان مذكور يوكسك طاغلى غرانييت و پورفير كبي تشكيلات قديمه احجارندن و آره-لرنده-كى قوس ايسه اراضى كلسيه-دن عبارتدر.

1-3506-5

قارپاتوس

#1

[((كرپه)) ماده-سنىه مراجعت.]

2-3506-5

قارپاس

#1

قيريسك ساحل شماليسنده صور و بعده قيريس حكمدارى بيكماليون طرفندن تاسيس اولنمش قديم بر قصبه اولوب، شمديكى حالده بر قريه حالنده-در.

3-3506-5

قارپاسوس

#1

قيريس جزيره-سنىك شمال شرقى گوشه-سندى اوزون و طار شبه جزيره-نىك اسمى اولوب، وقتيله %اوليمپ\$ تسميه اولنان بر طاغدى عبارتدر. بويى 75 كيلومتره اولوب، اك يوكسك محلى 634 متره ارتفاعنده-در.

4-3506-5

قارپنتاريه

#1

آوستراليا قطعہ-سنگ اک بيوك كور فزی اولوب، قطعہ مذکورہ-نك شمالندہ %یورق\$ شبه جزیرہ-سیله %آرنهم\$ خطہ-سی آرہ-سندہ بولنیور. شمالدن جنوبہ بویی 780 و شرقدن غربہ اکی 675 کیلومترہ-در. ساحل غربیسی قریبندہ %غروت\$ اسمیلہ بر بیوک و بر قاچ کوچک آطہ بولندیغی کی، دها ایچریده %سیرادوار دیلو جزایری\$ اسمیلہ بر طاقم جزایر مجتمعه و اک ایچریده %ولسلی\$ اسمیلہ بر بیوک و بر ایکی کوچک آطہ بولنیور. ساحل غربیسی قوملق و سواحل شرقیہ-سی پک منبتدر. بو کورفزه شرق و جنوب شرقی جھتندن بر چوق انہار دوکیلوب، اک بیوکری: فلندرس، وون دیمن، میچل و سائرہ-در. سواحل شرقیہ و جنوبیہ-سی %قویینسلاند\$ حکومتہ تابع و سواحل غربیہ-سی جنوبی آوسترالیہ-دن معدود اولان اراضی شمالیہ-دندر. قسم شرقیسی دها معمور اولوب، انہارک منصب و مچرالر تأسیس اولنمشدر.

5-3506-5

قارپنٹرا

#1

فرانسہ-نك %ووقلوزہ\$ ایالتندہ و %اوینیون\$ك 24 کیلومترہ شرق شمالیسنده قضا مرکزی بر قصبہ اولوب، 10524 اھالیسی، بر قاچ فابریقہ-سی، ایشلک تجارتي، اسکی بر صو بندی، اطرافندہ منبت اراضیسی و کوزل صیفیہ-لریلہ تفرجکاھلری و بعض آثار عتیقہ و ابنیہ مصنعه-سی واردر.

6-3506-5

قارپنشی

#1

یونانك %اتولیماع آقارنانیا\$ ایالتندہ و کروانسرایک تقریباً 50 کیلومترہ شرقندہ اولہ-رق %آسپروپوتامو\$ ایرماغنہ تابع ہمنامی اولان چایک اوزرندہ واقع قضا مرکزی بر قصبہ اولوب، مشهور (مارقو بوچاری)نك قتل اولندیغی محلدر.

7-3506-5

قارپو

#1

فرانسه مشاهیر هیکتراشانندن اولوب، 1827ده طوغمش، و 1875ده وفات ایتمشدر. بر چوق آثار براقمشدر.

1-3507-5

قارپوزچایی

آناتولیده قونیه ولایتک آنطالیه سناغنده بر نهردر، که کوك طاغندن نبعانله جنوبه طوغری جریان ایدهرک، علائیه-نک غرب طرفنده آنطالیه کورفزینه دوکیلور.

2-3507-5

قارپوزلی

آبدین ولایت و سناغنک چینه قضااسنده و چینه-نک تقریباً 20 کیلومتره غربنده و چینه-نک نهرینه دوکیلور بر چایک اوزرنده ناحیه مرکزی بر کوچک قصبه-در. *- ناحیه-سی قضانک قسم غربیسندن عبارت اولوب، 22 قریه-دن مرکب و 5485 اهالییی جامعدر.

3-3507-5

قارپوقرات

#1

خرستیانلقده بر مذهب مخصوص صاحبی اولوب، ایکنجی قرن میلادیده اسکندریه-ده ظهور ایتمشدر. حضرت عیسیایه اسناد ایتدکلری الوهیتی انکار ایله، لذا یذ جسمانیه-نک روحه و آخرته تعلق ایتدیکنی التزام ایدر، و سحره-ده اینانیر ایدی.

4-3507-5

قارپی

#1

ایتالیاده امیلیه خطه-سنگ %مودنه\$ ایالت و قضااسنده و مودنه-نک 13 کیلومتره شمالنده بر قصبه اولوب، 5110 اهالیسی واردر.

5-3507-5

اسكى يونانيلىر عندندە قارخدون #1 و عربلرجه %قرطاجنه\$ فنيكه-ليلرك ازمنه قديمه-ده آق دكيز سواحلنده تاسيس ايندكلرى مهجرلرك اك بيوكى اولوب، ابتدا بر شهردن عبارت ايكن، بعده توسيع دائره نفوذ و حكومت ايده-رك، بيوك بر خطه و قوتلى بر دولت اولمش ايدي.

قارتاج شهرى آفريقانك ساحل شماليينده اليوم تونس و او وقت قارتاج كورفزي دينلن كورفرك ايچنده و تونسك اسكله-سى اولان %حلق الوادى\$ قصبه-سنگ شمالنده اوله-رق سبحة الروان ايله تونس كولى آر-سندە واقع ايدي. شهر اوچ قسمندن عبارت اولوب، برى قلعه دروننده اولمغله بورسە %وياخود برج\$ و برى %مغاره\$ تسميه اولنوردى. اوچنجيسى اسكله-سندن عبارت اولوب، اصل تجارت محلى اوراسى ايدي. برى سفائن تجاريه و ديكرى سفائن حربيه-يه مخصوص اولمق اوزره، ايكي ليمانى وار ايدي. ايكنجيسى %قوطن\$ اسميله معروف ايدي. بو شهر ميلاد عيسادن 860 ويا 880 سنه اول (صور) رؤساسندن (ديدون) طرفندن تاسيس، و فنيكه مهاجرلريله اسكان اولنه-رق، بونلرك تجارت بحريه-ده-كى مهارت و قوتلرى سايه-سندە آز زمان ظرفنده دنياك اك بيوك شهرلرى صره-سنة كچمش؛ و مرمردن جسيم و مصنع ابنيه و سائر آثارله تزيين اولنمش؛ و ايچنده علوم و معارف و صنايع و تجارت پك چوق ترقى ايتمش ايدي. روماليلرله قارتاجليلر آر-سندە وقوع بولان محاربات عظيمه نتيجه-سندە و قبل الميلاذ 146 تاريخنده قارتاج شهرى روما سردارلردن (اسكيبيون) طرفندن يغما و احراق اولنه-رق، بعده قيصر طرفندن اسكى شهرك قريبنده يكيدين بو اسمله بر شهر تاسيس اولنوب، اشبو يكي قارتاج دخى آز وقت ظرفنده آفريقانك اك بيوك شهرى حكمنه كچمش ايسه-ده، بعده واندارلرك اليه كچنجه خرابه يوز طوتمشدى. نهايت عبد الملك بن مروانك زمان حكومتنده افريقيه واليسى بولنان حسان بن النعمان الازدى شهرى ضبط ايندكدن صكره، اهاليلى عصيان ايندكلرى جهتله، 70نجى سال هجريده قارتاجى بسبتون تخريب ايتمش؛ و او وقتدن برى بو شهر بر دها اعمار اولنه-ميوب، انقاضى تونس شهرينك و اوندن اول مسلمانلر طرفندن افريقيه-ده تاسيس اولنان شهر و قصبه-لرك ابنيه-سندە استعمال اولنمشدر. جغرافيون عرب قارتاج شهر قديمك صوبى تاقيروان جهتلردن كتيريله-رك، طاغلا آر-لرنده يوكسك قنطره-لرله كچيرلمش اولديغنى و بو عظيم صوبولونك اكثر طرفلرى باقى اولوب انظار ناظرينه حيرت و يرديكنى بيان ايديورلر. قارتاجك خرابه-لرى تونسك 16 كيلومتره شمال غربيسندە موجوددر.

6-3507-5

قارتاج، جمهوريتى

#1

فنيكه-ليلرك زمان قديمده تاسيس ايندكلرى مهجرلرك اك بيوكى اولوب، قارتاجليلر كيه-رك آق دكيز سواحلنده كنديلرينه مخصوص مهجرلر تاسيس، و دائره حكومت و تجارتلرينى توسيع ايده-رك، اصل فنيكه-ليلره غلبه چالمش؛ و على الخصوص فنيكه-ليلر استقلاللرينى غائب ايدوب، قوتدن دوشدكدن صكره، قارتاجليلر تجارت بحريه-ده اونلرك يرينى طوتمشدر. مركزلرى ماده آفنه-ده بيان اولنان %قارتاج\$ شهرى اولوب، اورادن شرقاً طرابلس غربك سواحلى بويىجه برقه قريبنه و غرباً دخى سبتو بوغازينك خارجنه-دك توسيع حدودله، بحر محيط

آطلاسيده جزاير خالادات يعنى قاناريه آطه-لريله آق دكيزه-ده بالئار جزايرينى و سيجليه و ساردنيه و قورسيقه جزيره-لرينك برر قسيميله اسپانيه-نك سواحل جنوبيه-سنى ضبط ايتمشلر ايدى. بو وجهله بحراً او وقتك اك قوتلى دولتى حكمنه كچمش اولان قارتاج جمهوريتى سيجليه-ده روما دولتيه مناسباته كيريشوب، روماليلر بو قوتلى رقيبلك آروپايه تجاوزه نظر بيقيدى ايله باقه-مدقلىرندن، قبل الميلاذ 264 تاريخندن اعتباراً قارتاج ايله روما جمهوريتلى آره-سندده مخصصاته بدأ اولنه-رق، بينلرنده فنيكه-دن مشتق اوله-رق (پون) دخى دينلن قارتاجليلره نسبتله (پونيق) دينمكله مشهور اوچ بيوك محاربه وقوع بولنمشدر. بو محارباتك برنجيسى تاريخ مذكوردن 242 تاريخنه-دك 22 سنه سوروب، بونك نتيجه-سندده قارتاجليلر سيجليه-دن كف يد ايتمكه مجبور اولمش؛ ينه قبل الميلاذ 219دن 202 تاريخنه-دك 17 سنه دوام ايدن ايكنجى پونيق محاربه-سى، قارتاج سردارى آنيبالك مظفريتليله و ايتاليايه تجاوزه يله برابر، قارتاجليلره اسپانياده-كى ممالكى فوت ايتديرمش؛ و نهايت 149دن 146يه قدر 3 سنه سورن اوچنجى پونيق محاربه-سى آفريقا طوپراغنده وقوع بولوب، قارتاج جمهوريتنك محوبنى انتاج ايتمشدر.

قارتاجليلر قوم حاكم اولوب، حكم سورديكلرى يرلك اصل اهايسى بربر و سائره-دن عبارت اولمغله، مغلوب اولدقن صكره بر ده ناملرى ايشيدلميوب، روماليلرك حكومتى زمانلرنده بو قومك قالان افرادى قوم حاكم ايله و يرلى بربرلرله خلط اولنه-رق، عربلر اوراللى فتحلرنده قارتاجليلردن اثر بولمامشلردر. لسان و دين و مذهبه فنيكه-ليلردن فرقلرى اولميوب، بونلر دخى بعله و مولوخ، استارته، ملقارت (ملك الارض) اسمليله سيارتدن كنايه بر طاقم آلهه كاذبه-يه عبادت، و مصائب زماننده بونلرك صنملرى اوكنده چوجقلرينى ذبح و احراق ايدرلردى. كميجيلكده و تجارته-كى مهارت و ملكه-لرى و سعى و غيرتلى سايه-سندده بيوك ثروتلره و خيلى مدنيتيه نائل اولمشلردى. علوم و فنون و صنايعده دخى خيلى ترقى ايتمش اولدقلى آكلاشيليبورسه-ده، موجود اثرلى بر طاقم مداليه-لر و آثار معماريه-ده محكوك بعض پايلردن عبارتدر. بونلر دخى فنيكه خطنى استعمال ايدرلردى. حكومتلى اشرف و اغنيانك نفوذى آلتنده بولنور بر نوع جمهوريت اولوب، ايكي رئيس ايله اوچبوزى متجاوز اعضادن مركب بر هيئت اعيان طرفندن اداره اولنور، و يالكز رئيسلرله مجلس آره-سندده اتفاق حاصل اوله-مدىغى تقديرده و مهم ايشلرده عوام اهايلنك دخى رآينه مراجعت ايديليردى. قوم حاكم افرادينك قلى حسيله عسكرلى معاشله يازلمش اجناس مختلفه-دن مركب ايدى. ايجلرنده خيلى بيوك آملر يتيشوب، كميجيلكده (هانون) و سردارلقده آميلقار بارقه، آسدروبعل و آنيبعل كسب اشتهار ايتمشدر.

1-3508-5

قارتاجنه

و عربلرجه قرطاجنه 1# اسپانيه-نك مورسيه اياالتنده و مورسيه-نك 65 كيلومتره جنوب شرقيسنده اوله-رق آق دكيز ساحلنده قضا مركزى بر شهر و اسكله اولوب، 54315 اهايسى، واسع استحكامات جسيمه ايله محفوظ عسكرى ليمانى، نباتات باغچه-سى، ترسانه و طوپخانه-سى و بعض معادنك اذابه-سنه مخصوص فابريقه-لرى واردر. صنايع و تجارتي كريدر. قارتاج جنراللردن آسدروبعل طرفندن بنا اولنوب، روماليلرجه %قارتاغو نووه\$ يعنى ((يكى قارتاج)) تسميه اولنوردى.

2-3508-5

قارتاجنه

#1

آمریقای جنوبینک قولومییه جمهوریتنده %بولیوار\$ ایالتنک مرکزی بر قصبه اولوب، بو غوته-نک 1100 کیلومتره شمالنده و قره-یه بر کویری ایله مربوط بر آطه-نک اوزرنده واقعدر. وقتیلہ خیلی بیوک ایکن، هواسنک و خامتندن ناشی اهمیتدن دوشوب شمديکی حالدہ 8600 اهالیسی، صاغلان لیمانی، جسیم استحکاماتی و خراب معابدیلہ سائر اینیة جسیمه-سی واردر.

1-3509-5

قارتاجو

#1

پورتکیزک %سانتارم\$ ایالتنده و سانتارمک 12 کیلومتره جنوب غربیسنده بر قصبه اولوب، 5180 اهالیسی و مشهور شرابی واردر.

2-3509-5

قرتاغو

#1

آمریقای وسطی جماہیر متفقہ-سندن %قوستہ-ریقہ\$ جمهوریتنده و %سان جوزہ\$نک 22 کیلومتره جنوب شرقیسنده ایالت مرکزی بر قصبه اولوب، 10000 اهالیسی واردر. آمریقایہ کورہ اسکی بر قصبه اولوب، وقتیلہ قوستہ-ریقہ-نک مرکزی اولمغله، 30000 اهالیسی وار ایدی.

3-3509-5

قارتایہ

#1

اسپانیہ-نک آندالوسیه خطہ-سندہ هونلوه ایالت و قضاسنده و هونلوه-نک 20 کیلومتره شمال غربیسنده بر قصبه و اسکله اولوب، 5000 اهالیسی و کوچک لیمانی واردر.

4-3509-5

قارتره

#1

انكلتره مشاهير بحريونندن اولوب، 1766 تاريخندن 1769 تاريخنه-دك قبودان واليس معيئته كره ارضك قسم جنوبيسنده اجراي سياحتله، بر خيلي آطه-لر كشف ايتمشدر.

5-3509-5

قارتليه

#1

فرانسه مشاهير هيكلتراشانندن اولوب، 1757 تاريخنده پارسده طوغمش، 1831ده وفات ايتمشدر. صنايع نفيسه آقادمياسی اعضاسندن و فن معماري مکتبی معلملرندن ايدي. بر خيلي آثاري واردر.

6-3509-5

قارتنه

#1

مغريده جزاير قربنده واقع %تتس\$ قصبه-سنگ اسم قديمي اولوب، آغوستوس زماننده روما مهاجرلريله اسكان اولنمشدي.

7-3509-5

قارتوريغت

#1

انكلتره مشاهير ميخانيكيونندن اولوب، 1743ده طوغمش، و 1824ده وفات ايتمشدر. بري طوقومغه و ديكری يوك اكريمكه مخصوص اوله-رق ايكي ماكنه ايجاد ايتمكله، پارلمنتو طرفندن كنديسنه اون بيك انگليز ليراسي مكافاة

ويرلمشدر. بعض اشعاريله سائر آثار ادبيه-سنده واردر.

8-3509-5

قاتيا

#1

اسپانیہ-نک ساحل جنوبیسنده قارتاجیلیرك تأسیس ایندکلی اسکی قصبه-لردن اولوب، بر روایتده جزیره الخضراء و بر احتمالده جبل طارق قصبه-سنگ یرنده ایدی.

9-3509-5

قارتیه

#1

فرانسه مشاهیر بحرینندن اولوب، 1494ده سنت مالوده طوغمش، و 1554ده وفات ایتمشدر. اون التنجی قرن میلادی اواسطنده آمریقانک اقطار شمالیه-سنه اوچ سیاحت ایدوب، بر چوق کشفیات جغرافییه-یه موفق اولمشدر.

10-3509-5

قاردوق

#1

اسکی یونان مورخلرینک (کرد) قومنه ویردکلی اسمدر. اسکندرین اول او جهتلری کزمش اولان اکسنوفون وان، بتلیس، موش و درس طرفلرینی بو قومه مسکون کوردیکنی بیان ایدیور.

11-3509-5

قاردون

#1

فرانسه مشاهیر مستشرقینندن اولوب، 1720 تاریخنده پارسده طوغمش، و 1783ده وفات ایتمشدر. یکریمی سنه شرقده طوروب، عودتنده ترکی و فارسی معلمی و بعده قرالک السنه شرقیه ترجمانی اولمشیدی. آفریقا ایله اسپانیه-نک عربلر زماننده-کی تاریخی و ادبیات شرقیسه-یه دائر بعض مطالعات نشر ایتمشدر.

12-3509-5

قاردیچه

#1

تسالیه-ده ترحاله-نک 25 کیلومتره جنوب شرقیسنده و کوستمه تابع قالبخی چایی اوزرنده قضا مرکزی بر قصبه اولوب، 4505 اهالیسی واردر.

13-3509-5

قارديف

#1

انكلتره-ده %والس\$ خطه-سنگ %غلامورغان\$ ايلاننده و %تاف\$ نهرينك منصبندن آز يوقا ريده اوله-رق صول كنارنده و لوندره-نك 241 كيلومتره غربنده بر شهر اولوب، 130000 اهالي سي، مشهور و واسع كمور معدنلري، اسكله-سيله دمير يول ايله و بر جدول ايله اختلاطي و پك ايشلك تجارتي واردر. مذكور كمور اخراجاتي سنوي بر قاچ مليون طونيلا تهييه بالغ اولوب، كيتدكجه دخي آرتمقده و شهر ك اهميت تجاريه-سي چو غالمقده-در.

1-3510-5

قارديه

#1

كليبولي شبه جزيره-سنگ ساحل خار جيسنده ساروز كور فزنده و بولاير قربنده و بقله برونك ياننده اسكي بر قصبه اولوب، شمديكي حالده كوچك بر قريه حالنده-در. آتته-ايلير طرفندن ضبط و توسيع و اعمار اولندقدن صكره، مكدونيه حكمداري فيليبيك يد ضبطنه كچمش؛ و اسكندردن صكره-كي هرج و مرج اثناسنده خراب اولمشدر.

2-3510-5

قارست، ياخود قارسو

#1

اوستريا و مجارستان دولتلك قارنيوله ايله ايستريه خطه-لري آره-سنده بر طاغدر، كه شمال غربيدن جنوب شرقيه طوغري ممتد اوله-رق، تريسته و فيومه-نك اوستندن كچدكدن صكره، ساحل بحر بوينجه اوزانوب، دالماچيه طاغلرينه اولاشير. شمال غربي جهتندن آلپ سلاسلندن %تريغلاو\$ سلسله-سنة مربوطدر. وقتيله اورمانلرله مستور ايكن، شمدي اكثر جهتلري چبلاق و طاشلقدر.

3-3510-5

قارشديران

ادرنه ولايتنده قرق كليسا سنجاغنك لوله بر غوس قضا سنده و لوله بر غوسك 20 كيلومتره شرق جنوبي سنده ناحيه مركزي بر قصبه اولوب، ناحيه-سي 9 قريه-دن مركبدر.

4-3510-5

قارشی

بخارا خانلغنگ بخارادن صكره اك بيوك و معمور شهري اولوب، كتب اسلاميه-ده %نسف\$ و %نخشب\$ اسملريله معروفدر. بخارانك 150 كيلومتره جنوب شرقيسنده و جيحونه واصل اولمه-دن چوله نابديد اولان قارشی نهرينى تشكيل ايدن ايكي چايك محل اجتماعى قرينده واقعدر. بيوجك و كوزل بر شهر اولوب، 25000 اهاليسى، قالديرمله دوشنمش تميز سوقاقلرى، نهرك ايكي كنارنده باغچه و تفرجگاهلرى، اطرافنده سورى، قلعه-سى، ايشلك تجارتي، قما، بيچاق، قليج و سائر اسلحه ايله ظريف ابريقلر و كوش قاقمه آوائى نحاسيه و سائر معمولاتى، جوارلرنده كلينلى توتون و سائر محصولات يتيشديبرر اراضى منبته-سى، اوزيك خانلرنندن برى طرفندن تاسيس اولنمش كوزل بر سرايى و اون كيلومتره غربنده تيمورلنكك اك سوديكي اقامتگاهلرنندن بولنمش اولان %زنجى سراي\$ك خرابه-لرى واردر. بخارا خانلغنگ ايكنجى پايتختى حكمنده اولوب، خان بعضاً بو شهرده اقامت ايدر.

5-3510-5

قارص

روسيه-يه تابع بلاد قافقاسده آلكساندروپولك 70 كيلومتره غرب جنوبيسنده و ارضرومك 200 كيلومتره شرق شماليسنده اوله-رق آرپه چاينه تابع قارص صويى اوزرنده و 1905 متره ارتفاعى اولان قبالق و صرب بر بوغازده واقع ايالت مركزى مستحكم بر قصبه اولوب، 3670 اهاليسى، موقعنك اهميت عسكريه-سى، جسيم استحكاماتى و محلك صربلغى و قيشلرينك شدت و امتداديله برابر خيلى ايشلك تجارتي واردر. پك اسكى بر قصبه اولوب، بطلميوسك كتابنده %خورسه\$ اسميله ياد اولنور. جغرافيون عرب آثارنده %قرص\$ املاسيله محرردر. اك اول سلجوقيلر طرفندن ممالك اسلاميه-يه الحاق اولنه-رق، بعده مغوللرك و صكره ايرانيلرك اليه كچوب، چالديران مظفريتنده ضميمه ممالك عثمانيه اولمش؛ و قرن حاضر ميلادى طرفنده وقوع بولان روسيه محاربه-لرنده عثمانيلرك قارصده-كى مقاومتلى شهرت بولمشدر. مسئله اخيره-ده روسلرك ضبطنه كچمشدر. *- قارص ايالتى غرب شمالى طرفندن قوتاييس، شمالاً تغليس، شرقاً اريوان ايالتريله، جنوباً و جنوب غربى جهتندن دخى حدود عثمانيه ايله محدود اولوب، مساحه سطحيه-سى 18586 مربع كيلومتره و اهاليسى 145410 كشيدير. اهالى اسلاميه-سنگ كلينته ممالك عثمانيه-يه هجرت ايتلمريله برابر شمديكى اهاليسنگ يوزده 62 سى مسلم اولوب، ترك، تركمان، قره قاليق، كرد و سائر-دن عبارتندر. يوزده 38 ي ده خرسنتيان اولوب، ارمنى، روس، روم و سائر-دن مركيدر. روسيه-يه التحاقتدن برى 60870 اهالى اسلاميه مملكتى تركله ممالك عثمانيه-يه هجرت ايتدكلرى حالده، يرلرينه يالكز 27100 خرسنتيان كلمشدر. بو وجهله مملكتك اهاليسى كيتدكجه آزمقده-در. ايالت: قارص، اردهان، اولتى و طاشتيناك اسملريله 4 قضايه منقسدر.

1-3511-5

قارغوان

خلاط ايله قارص آره-سنده بر قصبه اولديغنى ياقوت حموى بيان ايديور.

2-3511-5

قارغهلق

چينه تابع تركستان شرفينك يارقند قضااسنده و يارقندك 60 كيلومتره جنوبنده اوله-رق 1470 متره-لك ارتفاعده و بر چايك اوزرنده بر قصبه اولوب، 10000 اهاليسى، خيلى ايشلك تجارتي، اهميت عسكريه-سى و اوراجه خام دينمكله معروف اقمشه و البسه معمولاتى وارد.

3-3511-5

قارقاجنته

#1

اسپانيه-ده والنسه %يعنى بلنسيه\$ ايلتتك السيره قضااسنده و السيره-نك 3 كيلومتره جنوبنده و بلنسيه-نك 40 كيلومتره جنوب غربيينده بر قصبه اولوب، 8500 اهاليسى، عربلردن قالمه چينلرله مزين ابنيه-سى، چوخه اييك قماش دستكاهلرى و اطرافنده جوللرله اروا اولنور منبت اراضيسى وارد.

4-3511-5

قارقاسونه

#1

فرانسه-نك ايالات جنوبيه-سندن %اوده\$ ايلتتك مركزي بر شهر اولوب، تولوزه-نك 91 كيلومتره جنوب شرفيسنده و %اوده\$ نهري اوزرنده واقعدر. يك اسكى بر شهر اولوب، اسكى و يكي اوله-رق ايكي قسمدن مركب اولديغى حالده، 23600 اهاليسى، اسكيدن برى اعمال اولنمقده اولان چوخه دستكاهلرى، كتبخانه-سى، موزه-سى، شراب و قونياق و ميوه اخراجاتى و جوارلرنده مرمر اوجاقلرى وارد. اندلس فاتحي موسى بن نصير بو شهري ضبط ايديوب، 723 تاريخ ميلاديسندن 752 تاريخه-دك 28 سنه ممالك اسلاميه-دن معدود بولنمش؛ و بعده قصير پيين طرفندن استرداد اولنمشدر. عربلرجه %قرقشونه\$ اسميله معروفدر.

5-3511-5

قارلسباد

#1

چھستان خطہ-سندھ و پراغہ-نک 112 کیلومترہ غرب شمالیسنده قضا مرکزی بر قصبہ اولوب، 7275 اہالیسی
وارد۔ کوکوردلی و پک نافع قابلجہ-لریلہ مشهور اولوب، دنیانک ہر طرفندن خستہ-لر مراجعت ایدر۔

6-3511-5

قارلسبورغ

#1

و مجارجہ %قارولی فہروار \$ مجارستانک ترانسیلوانیہ یعنی اردل خطہ-سندھ %اونٹرویسنبورغ \$ ایالتنک مرکزی
بر قصبہ اولوب، %تیسہ\$یہ تابع %ماروس \$ نہری اوزرنده واقع و 7955 اہالیسی جامعدر۔ باروتخانہ و
کاغذخانہ-سی وارد۔

7-3511-5

قارلستاد

#1

اسوجک وسطلرنده و استوقھولمک 300 کیلومترہ غربندہ اولہ-رق %ورنن \$ کولی کنارندہ و %قلارالف \$ نہرینک
منصبندہ ایالت مرکزی بر قصبہ اولوب، 5433 اہالیسی، رصدخانہ-سی، تاریخ طبیعی نمونہ خانہ-سی و نہرک
اوزرنده پک مصنع بر کارکیر کوپریسی وارد۔ *۔ ایالتی 16886 مربع کیلومترہ وسعتندہ اولوب، 266400
اہالیسی وارد۔ اراضیسی طاغلق اولوب، اورمانلری و دمیر معدنلری چوقدر۔

8-3511-5

قارلستاد

#1

یاخود قارلووچ #2 آوسٹریا و مجارستان دولتتک خرواتستان ایالتندہ و آگرامک 50 کیلومترہ جنوب غربیسنده قضا
مرکزی بر قصبہ اولوب، 5175 اہالیسی، استحکاماتی و ایشلک تجارتی وارد۔

9-3511-5

قارلسروہ

#1

آلمانیای جنوبی باده بیوک دوقه-لغنگ مرکزی بر شهر اولوب، "50' 0" 49° عرض شمالی ایله "21' 4" 6° طول شرقی باده واقعدر. منتظم و کوزل بر شهر اولوب، 73470 اهالیسی، دار الفونوی، صنایع نفیسه مکتبی، وسطنده پرنسه مخصوص ساده و لکن پک کوزل بر سرایی، کوزل باغچه-لری، جوارنده واسع اورمانی، غایتله کوزل منظره-سی، نباتات باغچه-سی، موزه-سی، تاریخ طبیعی نمونه-خانه-سی، یوز بیکنن زیاده جلدی حاوی کتبخانه-سی، تیاتروسی، دمیر و سائر معادن دوکخانه-لری، توتون، منسوجات، اجزاء کیمیویه و سائره فابریقه-لری و پک ایشلک تجارتي وارددر. یکی بر شهر اولوب، 1715 تاریخنده پک دلنشین بر صورتده بنا اولنمشدر. سوقاقلری واسع و دوز اولوب، جمله-سی پرنسک سرایی اطرافنده-کی میدانته منتهی اولیور.

1-3512-5

قارلسقرونه

#1

اسوجک قسم جنوبیسنده %غوته-لاند\$ خطه-سنده و استوقهولمک 305 کیلومتره جنوب غربیسنده ایالت مرکزی بر قصبه و اسکله اولوب، 16880 اهالیسی، واسع و پک صاغلام عسکری لیمانی، ترسانه-سی، سفاین اعمالیچون مکمل حوض و دستکاهلری، ایشلک تجارتي و مصنع ابنیه عمومیه و خصوصیه-سی وارددر. قصبه بش کوچک آله ایله بر طاقم قیالرك اوزرینه مؤسس اولوب، بونلر کرک بینلرنده و کرک قره-یه کوپریلرله مربوطدر. اسوجه کارکیر ابنیه-لی اولمغله مستثنی بر حالده اولوب، منظره-سی پک کوزلدر. *- قارلسقرونه ایالتی 3014 مربع کیلومتره وسعتنده اولوب، 130921 اهالیسی وارددر. اراضیسی دوز و آلق اولوب، 119 کوچک کولی وارددر. اکثر اراضیسی مرعالق اولوب، آتلاز ییتیشدیریلیر. اورمانلرنده چوقدر.

2-3512-5

قارلق طاغ

روم ایلنده ادرنه ایالتنده کوملجنه سناغنده و کوملجنه-نک شمال غربیسنده بر طاغ اولوب، شرقدن غربه تقریباً 25 کیلومتره-لک محله ممتد اولور. دسپوط طاغی سلسله-سنگ مابعدی حکمنده ایسه-ده، غرباً و شمالاً قره چای ایله تابعلرینک مجرالیله و شرقاً و جنوباً قره-جه صو مجراسیله سائر طاغلردن آپرلمش منفرد صورتنده کورینور. اک یوکسک ذروه-سی 1900 متره ارتفاعنده-در.

3-3512-5

قارلق طاغ

مغولستانك قسم غربيسنده %تتيان شان\$ سلسله جبالنك منتهاي شريقيسندن عبارت بر طاغ اولوب، %قوشتي دابان\$ بوغازينك اوتة-سنده غرب شماليدين شرق جنوبيه طوغري '30 91° ايله 93° طول شرقي آره-سنده ممتد اولور. اسمندن دخي آكلاشليديغي اوزره، ذروه-لري سرمدى قارلرله مستورددر. منتهاي شرق جنوبيسنده %اوميرواندور\$ ذروه-سى چوله ناظر اولوب، اوتة-سنده يوز كيلومتره-لك محله دخي بوطاغك مابعدى حكمنده بر طاقم تپه-لر بولنيور. مذكور %قوشتي دابان\$ بوغازندن 20 كيلومتره قدر ايلريده %بلو\$ اسميله بر ديكر بوغاز بولنيور.

4-3512-5

قارلو

#1

[(شارل)] ماده-لرينه مراجعت.

5-3512-5

قارلو

#1

بوتتبه كورفرزنده و فينلانده ساحلى قارشيسنده اوله-رق اوليابورغك ليمانى قارشيسنده بر اطه اولوب، مساحه سطحيه-سى 164 مربع كيلومتره-در. ينه بو اسمله بر قريه-سيه ديكر بر قاچ كويلرى وارددر.

6-3512-5

قارلوته

#1

اسپانياده قوردويه %يعنى قرطبه\$نك 25 كيلومتره جنوب غربيسنده و %سيرا مورنه\$ سلسله جبالنده اجنبى مهاجرلرله مسكون بر قصبه اولوب، اكثرى فرانسز و ساووالى اولمق اوزره، 4000 اهاليسى وارددر.

7-3512-5

قارلوس، دون -*-

#1

اسپانیه-ده بو اسمله خاندان حکمداری-یه منسوب درت کشی کلوب، دردی دخی حکومت دعواسنده بولنه-رق، بر چوق وقوعاته سببیت ویردکلری حالده، هیچ بری حکومت نائل اوله-مامشدر:

برنجیسی آراغون پرنسی ژان ایله ناواره قرالیه-سی بلانشه-نک اوغلی اولوب، 1420 تاریخده طوغمش؛ و 1441 تاریخده، والده-سنگ وفاتی اوزرینه، تخته چیمسی اقتضا ایدرکن، پدری حقتی غصب ایتدیکندن، سلاحه صارلمش ایسه-ده، مغلوب اولوب، حقوقندن واز کچمکه، حبسدن قورتله-بیلمش؛ و آنجق 1455ده یکیدن قیام ایتمکه، تکرار مغلوب اولدیغنده، طاییسی بولنان ناپولی قرالی آلفونسه التجا ایتمش؛ و متعاقباً بونک وقوع وفاتیه حامیسز قالب، ایکنجی زوجه-سی (ژانه) طرفندن تشویق اولنان پدری طرفندن 1460ده خائنانه توقیف اولنمش ایسه-ده، بو توقیف اهالینک قیامی دعوت ایتدیکندن، پدری کندیسینی ولی عهد طانیمغه، و قاریسنگ کندی اوغله آلمق ایستدیکی قستیه وارثه-سی (ایزابله) ایله ازدواجنه رضا ویرمه مجبور اولمش ایسه-ده، زوجه-سی هم تختی هم قیزی کندی اوغله تأمین ایچون، 1461ده صاحب ترجمه-یی تسمیم ایتمشدر. دون قارلوس مقتدر و عالم بر آدم اولوب، آرسطونک اخلاق کتابینی ترجمه و ناواره حکمدارلرینک تاریخی تحریر ایتمشدر.

*- ایکنجیسی اسپانیه قرالی ایکنجی فیلیپ ایله پورتگیزلی ماریه-نک اوغلی اولوب، 1544ده طوغمش؛ و فرانسه قرالی ایکنجی هنرینک قیزی (الیزابته)یی تزوج ایده-جک ایکن، ایکنجی قاریسندن طول قالان پدری مومی البهایی کندیسینی تزوج ایتمش؛ و بعده ایمپراطور ماقسیمیلیانک قیزی تزوج ایتمسی تقرر ایتدیکی حالده، پدری بوکاده مانع اولمش؛ و 1564ده یکنلری رودولف ایله ارنستی اسپانیه-یه جلب ایدوب، اوغلی صاحب ترجمه-نک عدم اهلیتی ادعاسیله، بونلری وارث ایتمک ایستدیکندن، دون قارلوس بوندن دلگیر اولوب، پدرینه قارشی عصیان ایتمش اولان فلمنکلیرله مخابره-یه کیریشمش ایسه-ده، پدری خبر آلوب، کندیسینی بالتوقیف، انکیزیسیونک پنجه مجازاتنه تسلیم ایتمش؛ و 1586ده اشکنجه آلتنده ویا مسموماً وفات ایتمشدر. ادبا و شعرادن بر قاچ ذات بونک ترجمه حالی فاجعه صورتنده یازمشلردر.

*- اوچنجیسی اسپانیه-ده حکومت سورن بوربون خاندانه منسوب اولوب، دردنجی شارلک اوغلی و یدنجی فردیناندک برادریدر. 1788ده طوغوب، 1855ده وفات ایتمشدر. 1808ده بیوک ناپولیون اسپانیه-یی ضبط ایتدیکنده، پدر و برادریه برابر حقوق حکومتدن کف ید ایتمکه اجبار اولنمش؛ و 1814ده، ناپولیونک سقوطی اوزرینه، مادریده کیروب، تجدداته مخالف بولنان فرقه-نک رئیسینی اولمش ایدی. برادری فردیناندک بربرینی متعاقب تزوج ایتدیکی اوچ قاریدن اولادی اولمدیغندن، وراثت کندیسینه عائد ایکن، اونک دردنجی قاریسندن ایکی قیزی اولمغه، بونلرک بیوکی اولان (ایزابله)یی قانون وراثتک خلافتنه اوله-رق 1830ده ولیه العهد اتخاذ ایتدیکندن، دون قارلوس پروتستو ایده-رک، اسپانیه-دن چیقمش؛ و 1834ده، برادرینک وفاتی اوزرینه، اسپانیه-یه قرالی عنوانی آلوب، سلاح بدست اوله-رق، اسپانیه-یه کیرمش؛ و بر چوق وقت محاربه-دن صکره 1839ده مغلوب اولوب، فرانسه-یه قاچمش؛ و اوراده بر مدت %بورژه قلعه-سنده موقوف قالدندن صکره، 1855ده تریسته-ده وفات ایتمشدر. اوغلی قونت (مونتمولن) دخی حکومت ادعاسنده بولنمشدر.

*- دردنجیسی بونک تورونی اولوب، ایزابله-نک سقوطندن صکره 1872 و 1873ده قرال آمده-یه و جمهوریتیه قارشی طرفدارلریله خیلی محاربه-لر ایده-رک، سنه-لرجه اسپانیه-نک اسایشنی اخلال ایتمش؛ و نهایت موفق اوله-میه-جغنی آکلیوب، کوشه سکوته چکلمشدر.

#1

فرانق حکمدارلری سلاله-سندن درت کشینک اسمیدر:

برنجیسی شارل مارتلک اوغلی و قصیر پینک برادری اولوب، 741 تاریخنده حصه-سنه اوستراسیا، سوآبه و تورینگه دوشمکله، بو برلری مستقلاً اداره ایتمش ایسه-ده، قرال عنوانی آلامش؛ و متمادیا آلمانلره، باویره-لیلره، صاقسونلره و آکیتانه-لیلره قارشی حرب ایدوب، جمله-سنه غالب کلمش ایسه-ده، فتور کتیرمکله، 747 تاریخنده ملکنی برادرینه ترک ایده-رک، %مونت قوسن\$ مناسترینه چکلمش؛ و 756ده وفات ایتمشدر.

*- ایکنجیسی قصیر (پین)ک اوغلی و مشهور شارلمانک برادری اولوب، 751ده طوغمش؛ و 768ده اوستراسیا ایله بور غونیه-یه و اکیتانه-نک بر قسمنسه قرال اولوب، 771ده وفات ایتمش؛ و ملکی برادرینه قالمش ایدی.

*- اوچنجیسی (لویبغ)ک اوغلی و اوچجی لویبغ برادری اولوب، 879ده اکیتانه ایله بور غونیه-نک بر قسمنه قرال و اولمش؛ و 882ده، طوموز آونده قضاء آدیغی جریحه-دن متأثراً وفات ایتمشدر.

*- درنجیسی (لوی جرمانیق)ک اوغلی اولوب، 876ده پدرینک ملک موروثی برادرلری لوی و شارل ایله مقاسمه ایده-رک، باویره و بر آره-لق ایتالیا قرالی اولمش؛ و 880ده وفات ایدوب، یدی سنه صکره آمانیه ایمپراطورلغنه انتخاب اولنان (آرنول) اسمنده بر ولد نامشروع براقمشدر.

1-3514-5

قارلوو

#1

ایرلانده-نک %لینستر\$ ایالتنده و %دوبلین\$ک 90 کیلومتره جنوب غربیسنده اوله-رق %باروو\$ نهری اوزرنده سنجاق مرکزی بر قصبه اولوب، 7265 اهالیسی و خراب بر قلعه-سیله تیمارخانه-سی و بر آز تجارتی واردر.

2-3514-5

قارلووه

#1

شرق روم ایلینک فلبه سنجاغنده و فلبه-نک 52 کیلومتره شمالنده و ماریچه-یه تابع %سوشیچه\$ چایی اوزرنده اوله-رق زمرد آسا بر وادی ایچنده بر قصبه اولوب، 9000 قدر اهالیسی، 7 جامع شریفی، 2 کلیسای، بلغارلره مخصوص مکتب رشدیسی، شیاق فابریقه و دستکاهلری و جوارنده درت کورددلی قاپلیجه-سی واردر.

3-3514-5

قارلوویچ

#1

آوستريا و مجارستان دولتنك %اسلاوونيه\$ ايلتنده و %پتروارادين\$ك 15 كيلومتره جنوب شرقيسنده اوله-رق طونه-ك ساحل يمينده بر قصبه اولوب، 4420 اهالي سي، واپور اسكله-سي و مشهور باغلى و اردر. آوسترياده-كى اورتودوقس صربليارك پطريقى بو قصبه-ده اقامت ايدر. 1699 تاريخ ميلاديسنده مجارستانك آوستريايه تركنى تصديق ايدن معاهده بوراده امضا اولنمشدر.

4-3514-5

قارلووينجيان

#1

فرانك حكمدارلرينك ايكنجى سلاله-سى اولوب، مرووينجيان سلاله-سندن صكره سكرنجى و طقوزنجى و اونجى قرن ميلاديه فرانسه-ده و آلمانيه و ايتاليه-ده حكم سورمشلدر. بو سلاله-نك رئيسى (شارل مارتل) اولوب، بونك اسمنه نسبتله (چونكه قارلو ايله شارل بردر) تسميه اولنمشلدر. مرقوم ارثاً مرووينجيان سلاله-سنه منسوب فرانك حكمدارلرينك %مردوپاله\$ عنوانيله مدير امورى اولوب، سلاله مذكوره-نك ضعف و تسبيه دوچار اولمى اوزرينه، امور حكومتى بسبتون يد استقلالنه آلمش؛ و فرانسه-نك جنوب جهنده فتوحات ايتمكه اولان غزاة اسلامه بر سد مقاومت چمكه مقتدر اولديغندن، نفوذ و اقتدارى زياده اولمغله، حكومتى بسبتون ضبط ايدره-رك، مرووينجيان سلاله-سنه ختام ويرمشدر. بو سلاله-دن ممالك مذكوره-ده حكم سورنلرك اساميسيله تاريخ قعودلرى بروجه آتدر:

####

فرانسه قرالغنده

شارل مارتل

715

قصير پيپين

752

شارلمان

768

لويى دبونر

814

طاسلاق شارل

840

لويى بگ

877

اوچنجى لويى و قارلومان

879

شيشمان شارل

884
ساده شارل
893
دکیز آشیریلی لویی
936
لوتر
954
خیلاز بشنجی لویی
986
الی
987
آلمانیه ایمپراطور لغنده
شارلمان
800
لویی دیونر
814
لوتر
817
ایکنجی لویی
849
طاسلاق شارل
876
شیشمان شارل
880
کوی دوسپولت
889
لامبرت
894
قارینتییه-لی آرنول
896
لویی بن بوزون
901
برنجر
906
الی
934

آلمانيه قر اللغنده

شارلمان

800

لويى دبونر

841

ايكنجى لويى

840

كنج لويى

876

شيشمان شارل

882

قارينتيه-لى آرنول

887

چوجق لويى

899

الى

911

ايتاليا قر اللغنده

شارلمان

774

پيين

781

برنارد

812

لويى دبونر

818

لوتر

820

ايكنجى لويى

855

طاسلاق شارل

875

شيشمان شارل

879

كوى

881

برنجر	
888	
لامبرت	
894	
لویی بن بوزون	
900	
ثانیاً برنجر	
905	
پرووانسه-لی هوغ	
936	
لوتر	
945	
ایکنجی برنجر و آدالبرت	
950	
الی	
961	
\$	

بو جدولن آکلاشلدیغی اوزره، قارلووینجیان سلاله-سی حکمدارلرندن بعضلری عین زمانده ویا مختلف وقتلرده مذکور مملکتلرک بر قاچنده ویا جمله-سندده حکم سورمشلردر. جمله-سنگ اک بیوکی اولان شارلمان فرانسه و آلمانیه و ایتالیه قرالی اولوب، آلمانیه ایمپراطورلغی عنواننی دخی کندیسی ایجاد و اخذ ایتمکله، بتون آروپای وسطینک حکمداری اولمشیدی. فرانسه-ده بو سلاله-دن صکره حکومت (قاپتیان) سلاله-سنه کچمشدر. آلمانیه ایمپراطورلغی بونلردن صکره صاقسه و فرانقوینه خاندانلرینه کچمش. و اک صکره انقراض بولان ایتالیه قرالغی ایمپراطور بیوک اوتون طرفندن آلمانیه ایمپراطورلغنه الحاق اولمشدر.

1-3515-5

قارلیسه

#1

انکلتره-نک قسم شمالیسنده و لوندره-نک 484 کیلومتره شمال غربیسنده و %ادن\$ نهری اوزرنده واقع %کومبرلاند\$ ایالتنک مرکزی بر شهر اولوب، 31050 اهالیسی، پاموق، کتن، یوک و اییک منسوجات فابریقه-لری، اسکی قلعه-سی و مصنع کلیساسی واردر. پک اسکی بر شهر اولوب، رومالیر زمانندن اول موجود ایدی.

2-3515-5

قارلیسله

#1

آمریقای شمالیده ممالک مجتمعه-نک %پانسیلو انیه\$ جمهوریتنده و% هاریسبورغ\$ک 29 کیلومتره غرب جنوبیسنده %لومیرلاند\$ سناغنک مرکزی بر قصبه اولوب، 6650 اهالیسی و (دیکینسون مکتبی) دینمکله مشهور اسکی بر مکتبی واردر.

3-3515-5

قارلیه

#1

روسیه-ده فیلانده-نک جنوب شرقی قسمنه ویریلن اسم اولوب، قارلیان دینلن اهالیسی فیلانده-لیلردن آز فرقلیدر. بونلر وقتیله آرخانکله و شمالی آق دکیزه قدر منتشر اولوب، پترسبورغک مؤسس اولدیغی محل ایله جوارلری دخی بونلرله مسکون ایدی. قرون سالفه-ده بر چوق افرادلری روسیه-نک سائر طرفلرینه هجرت ایدوب، مرور زمانله روسلاشمشلردر. فیلانده-ده-کی قارلیانلر 830000 مقدارنده اولوب، خطه ممتازه مذکوره خارجنده-کیلرله برابر بر ملیونه بالغ اولورلر. [(فیلانده)) ماده-سنه دخی مراجعت.]

4-3515-5

قارمانیوله

#1

ایتالیانک پیامونته خطه-سنده و تورینونک 26 کیلومتره جنوب شرقیسنده بر قصبه اولوب، 12000 اهالیسی و کتن و کنویردن منسوجات دستکاهلری واردر. اون بشنجی قرن میلادیده میلان دوقه-سی و ونديک جمهوریتی خدمت عسکریه-لرنده شهرت قزانان (فرانچسکو قارامانیوله)نک وطنیدر.

5-3515-5

قارمن

#1

مکسیقه-ده %یوقاتان\$ک جنوب غربی ساحلی قارشیسنده بر آطه اولوب، ینه بو اسمله بر کوچک قصبه-سی و 3000 اهالیسی واردر. *- قالیفورنیه کورفزنده دخی بو اسمله بر آطه بولنوب، اورته-سنده بر کول واردر.

6-3515-5

قارمو

#1

فرانسه-نك %تارن\$ اباتنده %آلبی\$ قزاسنك %مونستیه\$ ناحیه-سنده و مونستیه-نك 7 كيلومتره جنوب شرقیسنده بیوك بر قریه اولوب، 5000 اهالیسی و پك واسع كمور معدنلری وارد.

7-3515-5

قارن، یاخود قاریان

#1

هند چینیک قسم غربیسنده یعنی سیام و برمان و آراقان مملکتلرنده و تانتاسر بم و آسامه قدر اولان ممالکک طاغلق یرلرنده مستقل و نیم وحشی صورتده یاشار بر قوم اولوب، افرادی بر ملیونی متجاوز اولدیگی تخمین اولنور ایسه-ده، یالکز انکلتزه-یه تابع اولان یرلرده-کیلر یاریم ملیونی متجاوز اولدقلرینه باقیلیرسه، دهها زیاده اولملری محتملدر.

8-3515-5

قارنرو

#1

آدیاتیق دکیزینک قسم شمالیسنده بر کورفز اولوب، ایستریه شبه جزیره-سیله دالماچیبه ساحلی آره-سنده واقعدر. جنوبدن شماله بویی 86 و مدخلنده اکی 76 كيلومتره اولوب، منتهای شمالنده %فیومه\$ لیمانی بولنیور. ایچنده بر قاچ اطه بولنوب، بولردن %خرسو\$ ایله %ولیا\$ خیلی بیوکدر، و آره-لرنده بر طاقم بوغازلر تشکل ایدر، که بولنرک اک مهمی مذکور ایکی جزیره ایله دیکر بعض جزائر صغیره آره-سنده اولان %قارنرولو\$ بوغازی اولوب، 180 متره عمقی وارد. فیومه لیماننه کیدوب کلن سفائن بو بوغازدن کچرلر. سواحلیله جزایرینک اهالیسی پك ماهر کمیچی و بالقجیدرلر.

1-3516-5

قارنو، لازار نیقوله مارکریت-*

#1

فرانسه مشاهیر رجالندن اولوب، 1753 تاریخنده %قوت دور\$ اباتنک %نولی\$ قصبه-سنده طوغمش، و 1823ده وفات ایتمشد. فرانسه اختلال کبیرنده استحکام آلابی یوز باشیلردن اولدیگی حالده، افکار جدیدیه تابع

اولوب، 1791ده تنظيم قوانين مجلسى منتخبى و 1792ده مقاوله عموميه مجلس اعضالغنه انتخاب اولنمش؛ و
عسكرى قوميسيونى اعضاسندن بولنوب، بر چوق تنسيقات و ترتيبات عسكريه-يه خدمت و معاونتى اولمشدى.
1793ده ((سلامت عموميه)) قوميسيونى اعضالغنه نصب اولنه-رق، ينه صرف اصلاحات عسكريه ايله
اوغراشمش؛ و 1795ده مديران حكومت هيئتنه داخل اولوب، (باراس)ه مخالف رايده بولنمغله، متهمين دفترينه
قيد اولنه-رق، آلمانيه-يه قاچه-بيلمش ايدى. ناپوليون قونسولوس عنوانيله ايلك دفعه رئيس حكومت اولدقده، پارسه
دعوت اولنه-رق، حربيه نظارتنه تعيين اولنمشدى. 1802ده مبعوث اولوب، قيد حيات شرطيله قونسولوس نصبنه و
بعده ايمپراطورلغك تاسسنه قارشى راي و يرمش؛ و روسيه سفرينه-دك امور حكومتدن اوزاق طوردقن صكره،
او ائناده ينه خدمت عسكريه-يه دخول ايله %انور\$ شهرى محافظه-سنه مأمور اولوب، امر قطعى آلمدقجه بو
موقعى ترك و تسليم ائتمه-مشدى. يوز كونلك حكومت ائناسنده داخليه ناظرى اولوب، ناپوليونك ايكنجى فراغتنده
حكومت موقته هيئتنه داخل اولمش، و بوربون خانداننك عودتنده فرانسه-دن نفى اولنه-رق، و ارسويه-يه و بعده
ماغدبورغه چكلمش؛ و اوراده بقيه عمرينى مطالعه و تحريرله كچيرمشدر. علوم رياضيه و عسكريه-يه و جر
اقتال و اخلاق و سياسياته دائر بر قاچ تاليفى واردر.

2-3516-5

قارنو، لازار هيپوليتا-*

#1

فرانسه مشاهير سياسيونندن اولوب، آنف الترجمه-نك اوغليدر. 1801ده طوغوب، پدى معيئنده لهستان و آلمانيا
منفالرنده بولنه-رق، پك چوق استفاده ائتمش؛ و پدرينك وفاتندن صكره پارسه عودتله، ابتدا آوقاتلغله سلوك ائتمش
ايسه-ده، بعده فلسفه و علوم سياسيه-يه ميل ائتمكله، غزته-لره و رسائل موقوته-يه يازديغى مقالات مهمه ايله
كسب شهرت ائده-رك، 1839 و 42 و 46 تاريخلرنده مبعوث انتخاب اولنوب، صول جناجه انتساب ائتمشدى.
بعده معارف ناظرى اولوب، تحصيلك مجبورى و مجاناً اولمسيله مكاتب ابتدائيه-ده زراعت درسلى و يرلمسى و
معلملرك تامين استقبالى و عمومى درسلك كئشادى كى بر چوق اصلاحات ترقى پرورانه-يه موق موفق اولمش؛ و
بوندن طولايى عزل اولنه-رق، ينه مجلس مبعوثانده جمهوريت طرفنى التزام ائتمش؛ و اوچنجى ناپوليونك
ايمپراطورلغى زماننده بر قاچ دفعه مبعوث انتخاب اولنمش ايسه-ده، طلب اولنان يولده يمين ائتمديكيچون، مجلس
مبعوثانده بولنه-مامش؛ و ناپوليونك سقوطندن صكره سناتو اعضالغنه انتخاب اولنه-رق، ينه صول طرفى التزامده
ثبات ائتمشدر.

3-3516-5

قارنو، سعدى-*

#1

فرانسه رئيس جمهور اسبقى اولوب، آنف الترجمه-نك اوغليدر. 1837 تاريخنده %لئموژه\$ده طوغوب،
(پوليتكنيك) دينلان فنون مكتبنده و بعده مهندسخانه-ده تحصيل ايله، مهندس چيقوب، امور نافع نظارتنده طرق و

معابر مجلسنده ایکنجی کاتب، صکره %انس\$ده مهندس اولمش ایدی. 1871ده %آشاغی سینه\$ والیکنه و ایالت مذکوره ایله %اوره\$ و %قالوادو\$ ایالتلرنده مدافعه ملیه اسبابنک تهیه-سی قومیسرلکنه نصب اولنه-رق، ابراز غیرت و رویت ایتمش؛ و ینه او سنه %قوت دور\$ ایالتی طرفندن مبعوث انتخاب اولنه-رق، جمهورینک تأسسنه خدمت ایده-جک هر نوع تدابیر و تشیئاته یارديم ایتمش ایدی. 1887 تاریخنده موسیو غروینک عزلی اوزرینه رئیس جمهور انتخاب اولنه-رق، فرانسه-نک هر وجهله ترقیاتنه بیوک خدمت لر ایتمش؛ و عمومک محبتنی قزانمش ایکن، 1894 تاریخنده بر سرسری ایالتیان طرفندن قتل اولنمشدر. ترجمه و تألیف اوله-رق بر قاچ اثری واردر.

1-3517-5

قارنیاد

#1

یونان قدیم حکماسندن اولوب، کندینه مخصوص بر فلسفه-سی وار ایدی. میلاددن 215 سنه اول برقه-نک قیروان قدیم شهرنده طوغوب، آتته-ده اوچنجی آقادیامیا نامیله بر مدرسه آچمشیدی. قبل المیلاد 155 تاریخنده آتته-لیلر طرفندن بر هیئتله برابر مبعوثاً رومیله کوندلرلمشدی.

2-3517-5

قاروره

#1

و نزولاً ممالک مجتمعه-سنک %بارکیزیمتو\$ جمهوریتنده و بارکیزیمتونک 92 کیلومتره غرب جنوبیسنده اوله-رق %توقویو\$ ایرماغنه تابع %مورره\$ نهری اوزرنده بر قصبه اولوب، 6000 اهالیسی و ضمغ ایله دری تجارتی واردر.

3-3517-5

قاروژ، یاخود قاروجو

#1

اسویچره-نک جنو ناحیه-سنده و جنوک بر کیلومتره جنوبنده اوله-رق %آروه\$ نهری اوزرنده بر قصبه اولوب، 5870 اهالیسی واردر. جنوک بر محله-سی حکمنده-در.

4-3517-5

قاروس

#1

روما ایمپراطور لرنندن اولوب، 281 تاریخ میلادیسنده (پروپوس)ک وفاتی اوزرینه، عسکر طرفندن ایمپراطورلغہ انتخاب اولنمش؛ و ایلیر یاده سارماتلری مغلوب ایتمش؛ و جزیره خطه-سیله سلفکیه و مداینی ضبط ایتمش؛ و بو صرک محاربه-ده وفات ایدوب، قیصر عنواننی ویرمش اولدیغی اوغللری (قارین) و (نومریان) خلفلری اولمشدر.

5-3517-5

قارولی

#1

مجارستانک شرق جهتنده %ساتمار \$ سنجاغنده و %ساتمار نمتی \$ نک 36 کیلومتره غرب جنوبسندہ قضا مرکزی بر قصبه اولوب، 12525 اھالیسی و کوزل باغلری واردر.

6-3517-5

قارولی فھر وار

#1

[[قارلسبورغ)) ماده-سنه مراجعت.]

7-3517-5

قارولینہ

آطہ-لری %1 # \$ بحر محیط کبیرک میقرونسیا قسمندہ بر چوق جزایر صغیرہ ہیئت مجموعہ-سی اولوب، اسپانیہ مستعمراتندن معدوددر. جزایر مذکورہ °135 ایله °161 طول شرقی آرہ-لرنندہ 26 درجہ جغرافیہ-ده و °5 ایله °10 عرض شمالی آرہ-سندہ ممتد اولور. اک غربی جزیرہ-سی اولان %نغولی \$ و نام دیگرلہ %ماتلوتاس \$ جزیرہ-سی %فیلیپنہ \$ جزایرینک 1300 کیلومترہ شرقندہ-در. بونلرک غرب جهتنده واقع %پالاواس \$ و شمال طرفندہ بولنان %ماریانہ \$ جزایر مجتمعه-لرینی دخی بعضاً قارولینہ جزایرندن عد ایدرلر. اصل قارولینہ آطہ-لری بشیوزی متجاوز اولوب، اک بیوکلری اولان %پوناپی \$ جزیرہ-سی دائرہ-وی شکل اولدیغی حالده قطری 20 کیلومترہ-یی تجاوز ایتمز. دیگر بر قاچندہ بوکا قریب اولوب، قصوری بسبتون کوچک و اکثری خالیدر. یالکز مذکور پوناپی ایله %والان \$ و %هوغلو \$ آطہ-لرینک اراضیسی یوکسکجه اولوب، سائرلری آلچق و حدای بحرہ قریب قیالرلہ محاط اراضی مرجانیہ-دن عبارتدر. بر قاچ طاقمہ منقسم اولوب، بھر طاقمنک بر رئیس و واردر؛ و اسپانیہ-یہ تابع اولدقلری حالده، یالکز غربی و وسطی طاقملری اون حکومت قدر تشکیل ایدوب، بونلر کندیلرینی مستقل طانیرلر. هواجه جزایر مذکورہ-نک جملہ-سی پک لطیف

اولوب، اقليمك حرارتى دائمى صورتده اسن ملتملر و موسم روزكارلريله تعديل اولنور. آنجق يازين ياغمورلرى چوق اولوب، بعضاً كونلرجه متمادياً ياغمور ياغار؛ و سائر موسملرده دخی ياغمورسز نادراً بر هفته كچر. بو جزايرك جمله-سى و هله اراضيلرى يوكسكجه اولانلرى اشجار و نباتات كوناكون ايله مستور اولوب، ساحلندن تيه-لرينه-دك منتظم بر باغچه صورتتى ابراز ايدرلر؛ و آعاجلرى حقیقەً يالكز بر عددی بر باغچه-يه زينت و رونق ويره-بيله-جك شكل و صورتده-در. اھالينك معيشتى موس و اكملك آعاجى و قوقه كى خدایى نابت اشجارك ميوه-لرندن عبارتدر.

قارولینه جزايرينك مجموعاً مساحه سطحه-لرى 1450 مربع كيلومتره اولوب، 36000 اهالى ايله مسكوندرلر. بو اهالى پولينسيا جنسيتنه منسوب اولوب، رنكلرى زياده-جه اسمر دينله-جك صورتده، سيمالرى منتظم، كوزلرى ابرى و سياه، برونلرى دوز، آغزلرى اوفق، ديشلرى بياض، قدوقامتلى موزون، صاچ و صقاللرى دوز و چوقدر. الحاصل متناسب الاعضا، لطيف، ذكى و مونس آدملى اولوب، آروپا لسانلرينى چابق اوكرنيرلر. اقليم و هوانك اقتضاسنجه كنديلرى همان چبلاق كزوب، اركللى اويلمش آعاج كوتوكندن عبارت قابقريله دكيزلرده كزملك و حرب و باليقچىلق و قادينلرى حصير و بعض الياقندن بر طاقم منسوجات ياپمق كى ايشارله مشغول اولورلر.

1-3518-5

قارولینه

#1

آمريقاي شماليده ممالك مجتمعه-نك قسم شرقيسنك آغانى سلسله جباليله بحر محيط آطلاسى ساحلى آره-سنده بيوك بر خطه اولوب، بروجه آتى شمالي و جنوبى قارولینه اسملريله ايكى جمهوريته منقسمدر:

2-3518-5

قارولینه، شمالي -*

#1

آمريقاي شماليده ممالك مجتمعه-يى تركيب ايدن جمهوريتلر كبرى اولوب، شمالاً و بروجينيه، غرباً تنسه، جنوباً جنوبى قارولینه جمهوريتلريله، شرقاً دخی بحر محيط آطلاسى ايله محدود اولديغى حالده، مساحه سطحه-سى 135320 مربع كيلومتره و اهاليسى 1617947 كشيدير. قسم غربيلى طاغلق و مرتفع اولوب، آغانى سلسله جبالنك ذروه و اتك و قوللرى اوزانير، و اك يوكسك محللرى 1974 متره-يه بالغ اولور. بو منطقه-نك شرق جهتنده تيه-لر و معتدل ارتفاعلر منطقه-سى بولنور، كه خطه-نك اك منبت و اك ابي اروا اولنور اراضيسنى حاويدر. بونك شرقنده چام اورمانلرينى حاوى اووه منطقه-سى و بونك شرقنده بطاقللرى و كورفز و خليجلىرى حاوى اولان ساحل منطقه-سى بولنور. سواحلى قوملق و انهارك دوكدللى قوملردن بر طاقم قوم سھملىريله انكيدن آيرلمش اولوب، سفاينك تقرينه الويريشلى دكلدر. بو حال و ساحل ايله چاملق منطقه-لرينك زراعته عدم استعدادى بو جمهوريتك ترقياتنه مانع اولمشدر. مع هذا طاغلرنده آلتون، باقير، دمير و سائر معدنلى چوق

اولوب، قالیفورنیه-نک کشفندن اول دنیانک زنکین آلتون معدنلری بونلر ایدی. انهارینک همان جمله-سی غرب شمالیدن شرق جنوبیه طوغری آقه-رق انکیندن طار قوم سدلریله ایرلمش اولان مذکور کوللره دوکیلور. بونلرک باشلیجه-لری: چووان، روانوکه، پامپلیقو، نوزه قابو فیئرریور و قاناویه نهرلریدر. بونلردن صوک ایکی نهرک مجرالینک یالکز قسم اعلاسی شمالی قارولینه داخلنده-در. هواسی قیشین معتدل اولوب، آز قار یاغار؛ صوک بهارلری پک کوزلدر؛ یالکز یازین صیجاق زیاده-جه-در. تحولات هوائیه-سی پک صیقدر. مع هذا هواسی پک صاغلام اولوب، یالکز سواحله قریب بعض یرلری صیتمه-لیدر. محصولات ارضیه-سی حبوبات متنوعه ایله توتون، کنویر، پاموق، پرنج، چیویت و سائره-دن عبارتدر. حیوانات اهلیه-سی چوق اولوب، بیاغیسی مرینوسک کندن اینجه و دها صیق بر جنس قویون یتیشدیریلیر. طاغلرنده کیک، بیان اوکوزی، آیی، قورت و سائر حیوانات وحشیه واردر. چینغراقلی بیلانلرده چوقدر. انهارک منصبلرنده و کوللرده آمریکا تمساحی بونلور. روانوکه نهرنده پک لذیذ بر جنس بالیق کلینتله صید اولنور. صنایعی پک ایلری اولمیوب، یالکز دمیرخانه-لری چوقجه-در. تجارتی خیلی ایلری اولوب، دمیر یوللری و سیر سفائنه صالح انهاریله جدوللری متعدددر. باشلیجه اسکله-لری: ادنتون، قامدن، و اشینغتون، نیوبرنه، و یلمینغتون و پلیموتدر. اخراجاتی: حیوانات، قطران، کراسه، مصر، پاموق، توتون، پرنج، بال مومی و سائره-دن عبارتدر. اکثر اهالیسی ایرلانده-لی و انکلیز، مجموعنک بر ثلثی زنجی، 1250 قدری اصل یرلی و 3500 قدری سائر آروپا اقوامنه منسوبدر. مرکزی اولان %بالیغ\$ کوچک بر قصبه اولوب، اک بیوک معموره-سی %ویلمینغتون\$در. بر مجلس مبعوثانیله بر هیئت اعیانی اولوب، بونلر برلکده بالانغقاد بر سنه مدتله بر رئیس ویا والی و مجلس اداره-نک اعضالرینی انتخاب ایدرلر.

3-3518-5

قارولینه، جنوبی-*

#1

آمریقای شمالیده-کی ممالک مجتمعه دولت عظیمه-سنی ترکیب ایدن جمهوریتلرک بری اولوب، مثلث الشكل اولدیغی حالده، رأس زاویه-سی آغانی سلسله-سنک قسم جنوبیسنده و اساسی بحر محیط اطلاسی ساحلنده-در. شمالاً شمالی قارولینه، غرب جنوبی جهتندن جورجیا جمهوریتلریله، شرق جنوبی جهتندن دخی بحر محیط مذکورله محاطدر. مساحه سطحیه-سی 79170 مربع کیلومتره اولوب، 1151150 اهالیسی واردر. تقریباً 32° ایله 35° عرض شمالی آره-لرنده ممتد اولوب، همان اورته-سنده بولنان مرکزی %قولومیه\$ 15' 38° طول غربیده واقعدر. آغانی جبالنه یالکز بر گوشه-سی تماس ایتمکله، چوق طاغلری اولمیوب، قسم غربیسی مثبت تپه-لردن، قسم وسطیسی چاملق اورمانلردن و ساحل طرفی بطاقلق اووه-لردن عبارتدر. سواحلی قارشیسنده بر چوق آطه-لر بولنیور، که پک مقبول بر جنس پاموق حاصل ایتمکله مشهوردرلر. پرنج محصولاتی پک چوق اولوب، ممالک مجتمعه-دن چیقان پرنجک نصفندن زیاده-سی بو جمهوریتده حاصل اولور. اهالیسنک نصفنه قریب مقداری زنجی اولوب، آروپا مهاجرلرینک بر قسمی فرانسدر. انهارینک جمله-سی غرب شمالیدن شرق جنوبیه طوغری آقوب، بر قاچی شمالی قارولینه-دن کلیر. بونلرک باشلیجه-لری: غریت بدی، بلاق ریور، سانتی، ادیستو و سادانه نهرلریدر. اک بیوک شهری و اک ایشلک اسکله-سی %چارلستون\$در. هواسی قیشین معتدل و ایلک و صوک بهارلرده پک کوزل ایسه-ده، یازین زیاده صیجاقدر، و تحولاتی پک صیقدر. یاغومور موسمی حزیراندن ایلوله قدر دوام ایدوب، ایلوله خسته-لقری زیاده-در. ساحله قریب طرفلری صیتمه-لی اولوب، صاری صیتمه

دخی بعضاً ظهور ایدر. دمیر معدنلری چوق و جنسی پک ایی اولدیغی کبی، باقیر، قورشون و سائر معدنلریله احجارك انواعی بولنور. اورمانلری چوق اولوب، باشلیجه چام آغاجلرینی حاویدر. کیك، قورت، آیی، تیلکی و سائر حیوانات وحشیه-سیله یبانی حالنده هندی و کوکرجینلری چوقدر. آمریقایه مخصوص تمساح و بیلانلرک انواعیله مضر حشراتنده زیاده-در. انهاری بالیقله طولودر. یوکسک محللرنده بغدادیله توتون و کنویر، اورته طرفلرنده مصر ایله سائر بعض حیوبات و آچق طرفلرنده پرنج و پاموق زرع اولنور. چیویت و شکر قامشی دخی بعض محللرنده حاصل اولور. قویونلری پک چوقدر. معمولات صنایعه-سی دمیر و چلیکه متعلق شیلرله یوکدن قبا منسوجات، ایپ و خلاط، کاغد، باروت و سائر-در. اخراجاتی باشلیجه پرنج، پاموق و توتوندر. مملکتک کشفنده اقوام اصلیه-دن 28 قوم ایله مسکون اولوب، بونلرک چوغی آغانی سلسله-سنگ اوته-سنه کچه-رک طاغلمش ویا محو اولمش، و یالکز (قاتاوايه) قومی مملکتده قالمشدر. بر مجلس مبعوثانیله بر هیئت اعیانی اولوب، ایکیسی بالاجتماع بر سنه مدتله بر رئیس انتخاب ایدرلر، که بر مجلس اداره ایله بالاستشاره اداره مملکت ایدر.

1-3519-5

قارون

کثرت مال و ثروتیله و خستیه مشهور بر شخص اولوب، حضرت موسی (عم)ک معاصری و بر روایتده خصمی ایدی. ابتدای حالنده پک فقیر اولوب، نبی مشار الیهک دلالتیله کیمیایه آشنا اوله-رق، کلیتیله ثروته نائل اولدیغی حالده، اعطاسی حضرت موسی (عم) طرفندن تکلیف اولنان عشری ویرمک ایستمدیکندن، مشار الیهک بد دعاسیله کندیسسی و اموال و ثروتی یرک ایچنه باتمش. تورانده %قوره\$ اسمیله مذکوردر.

2-3518-5

قارون

#1

اسقوجیه-نک %استرلینغ\$ ایالتنده و %فالکیرق\$ک 3 کیلومتره شمال شرقیسنده بر قریه اولوب، 3000 عمله قوللانان بیوک بر دمیرخانه-سیله مشهوردر.

3-3519-5

قارون اپینای

#1

فرانسه-نک شمالنده پادوقاله ایالتنک بتونه قضااسنده و بتونه-نک 30 کیلومتره شرق جنوبیسنده ناحیه مرکزی بر قصبه اولوب، 7025 اهالیسی، کمور معدنی، دمیر دوکمانه-سی، شکر، اسپرتو، کتن ایپلک و تول فابریقه-لری واردر.

4-3519-5

قارونی

#1

آمریقای جنوبینک و نزوئله جمهوریتنده بر بیوک نهر اولوب، %اورتوق\$ ایرماغنک اک بیوک تابعلر ننددر. %پاقارائیمما\$ سلسله جبالندن نیغانله، جنوبدن شماله طوغری آه-رق، ترقیباً 600 کیلومتره-لك جریاندن صکره، %چوداد بولیوار\$ قصبه-سندن 130 کیلومتره آشاغیده مذکور ایرماغه دوکیلور. جریانی پک سرعتلی اولوب، بیتاغنده بر چوق آطه-لر و قیالر بولنیور. اوچ شلاله-سی و بش یرده پک اینیلشی و سرعتلی آفتیلاری اولمغله، سیر سفائنه صالح دکلدن. تابعلرینک اک بیوکی %پاغوا\$ نهریدر.

1-3520-5

قاره

#1

آفریقانک منتهای جنوبنده امید برونی مهجرنده بر سلسله جبالدر، که شرقدن غربه 300 کیلومتره-لك محلده ممتد اولوب، ذروه-لری 1680 و 1970 متره-یه قدر چیقیورسه-ده، بولندیغی موقع مرتفع اولدیغندن، او قدر یوکسک کورینمیور. شمالی اتکلرندن آقان صولر وادیلرده قوریوب، شمال ایرماغنه واصل اولماز. *- مهجر مذکورک غرب جهتده دخی بو اسمله بر طاغ بولنوب، شمال غربیدن جنوب شرقیه طوغری 80 کیلومتره-لك محلده اوزانیر.

2-3520-5

قاری، ابو محمد جعفر بن احمد السراج البغدادی

مشاهیر ادبا و شعرادن اولوب، حدیث و سائر علومده دخی ید طولی صاحبی ایدی. 417 تاریخنده بغدادده طوغوب، 500ده وفات ایتمشدن. ((مصارع العشاق)) عنوانیله بر کتابی و سائر تألیفات غربیه-سی و خیلی اشعاری واردن. شو بر ایکی بیت جمله اشعار ننددر:

@@@

بان الخلیط فادمعی و جدأ علیهم تستهل
وحدابهم حادی الفراق عن المنازل فاستقلو
قل للذین ترحلوا عن ناظری و القلب حلوا
ما ضرهم لو انهلوا من ماء و صلبهم و علوا
\$

3-3520-5

قاری

[[علی قاری]] ماده-سنه مراجعت بیوریله.]

4-3520-5

قاریانده

#1

آناتولیده منتشا سناغندن عبارت بولنمش اولان %قاریه\$ خطه قدیمه-سی ساحلنده قدیمی بر قصبه اولوب، الیوم خرابدر.

5-3520-5

قاریزال

#1

آمریکای جنوبیده شیلی جمهوریتک قسم شمالیسنده واقع آتاقامه خطه-سنده و %قویپاپو\$ک 110 کیلومتره جنوب غربیسنده %تریوینه\$ ایالتنک مرکزی بر قصبه و اسکله اولوب، 7000 اهالیسی و جوارنده پک زنکین باقیر معدنی وارد.

6-3520-5

قاریق

#1

ایرلانده-ده مونستر ایالتنک %تییراری\$ سناغنده و %تلومل\$ک 20 کیلومتره شرقنده اوله-رق %باروو\$ ایرماغنه تابع %سویرر\$ نهری اوزرنده بر قصبه اولوب، 8450 اهالیسی، یوک منسوجاتی، دباغخانه-لری و حبوباتله ساده یاغ تجارتی وارد.
*- بو اسمله ینه ایرلانده-ده دیگر بر کوچک قصبه و بر ناحیه و اسقوچیه-ده-ده بر ناحیه بولندیغندن، برنجیسی نهرینه اضافتله تفریق اولنور.

7-3520-5

قاریقال

#1

هندستانك قسم جنوبیسنك ساحل شرقیسنده یعنی %قوروماندل\$ خطه-سنده فرانسه-یه تابع بر قصبه و كوچك مهجر اولوب، %پوندیشری\$نك 114 کیلومتره جنوبنده و دكنك اك بیوك انهارندن %كاوری\$نك قوللرندن برینك منصبنده 55' 10° عرض شمالی ایله 46' 32' 77° طول شرقیده واقعدر. قصبه وقتبله خیلی بیوك و سورله محاط ایکن، شمدی اهمیتسز و سوری خرابدر. مهجر 135 مربع کیلومتره وسعتنده اولوب، 92445 اهالیسی واردر. 5 قضایه منقسم اولوب، 100 قریه-یی حاویدر. برلیلر پاموق و اییكدن بعض منسوجات اعمال ایدرلر. اخراجات و ادخالات سنویه-سی برلكده 7 ملیون فرانق راده-لرنده-در.

8-3520-5

قاریماته

#1

آسیایه ملحق جزایر بحر محیطدن بورنی جزیره کبیره-سنك غرب جنوبی ساحلی قارشیسنده و چین دکیزیله جاوه دکیزی آره-سنده-کی بو غازده بر طاقم كوچك آطه-لر اولوب، مجموعنك مساحه سطحیه-سی 149 مربع کیلومتره و اهالیسی آنجق 500 کشیدر. اك بیوکلری اولان %قاریماته\$ جزیره-سی 36' 1° عرض جنوبی ایله 40' 106° طول شرقیده واقعدر. آطه-لر 100 قدر اولوب شایان تماشا منظره-لریله و هوالرینك پك لطیف و صاغلام اولمسيله مشهوردرلر. دمیر، قلائی آنتییمون معدنلری، کوزل قوقولی مختلف آغاجلری بال موميله مرجان و صدف کبی اخراجاتلری واردر. *- بولندقلری بو غازه دخی %قاریماته و غازی\$ نامی ویریلیر.

1-3521-5

قاریمون

#1

سوماتره جزیره کبیره-سنك ساحل شرقیسنده و مالاقه بو غازینك مدخل جنوبیسنده بیوك و كوچك قاریمون اسملریله ایکی آطه اولوب، برلكده مساحه سطحیه-لری 121 مربع کیلومتره-در.

2-3521-5

قاریمون جاوه

#1

جاوه جزیره کبیرہ-سنک ساحل شمالیسنده واقع %جاپاره\$ قصبہ-سنک 50 کیلومتره قدر آچققلرنده اوچ بیوجک و بر قاچ کوچک آطه اولوب، برلکده مساحه سطحیه-لری 55 مربع کیلومتره-در. وقتیلہ قورسانلر ملجی ایدیلر.

3-3521-5

قارینتیه

#1

اوستریا و مجارستان دولتک غرب جنوبی جهتنده بر خطه و ایالت اولوب، غرباً تیروول، شمالاً سالسبورغ، شمال شرقی جهتندن و شرقاً استیریہ، جنوباً قارنیوله خطه-لریله، جنوب غربی جهتندن ده ایتالیا حدودیلہ محدوددر. مستطیل الشكل بر بر اولوب، شرقدن غربه بوی 170 و اکی 50 ایله 60 کیلومتره آرہ-سنده-در. $10^{\circ} 20'$ ایله $40^{\circ} 12'$ طول شرقی و $25^{\circ} 46'$ ایله 47° عرض شمالی آرہ-لرنده ممتد اولوب، مساحه سطحیه-سی 10333 مربع کیلومتره و اھالیسی 361008 کشیدر. آلپ جبالنک %قارنیق\$ تعبیر اولنان سلسله-سی شمال غربی طرفندن بو خطه-یه داخل اولوب، شرقه طوغری اوزانہ-رق، ایالتک ایچنده بر چوق قوللر و شعبہ-لر اوزاتمغله، خطه-نک اراضیسی طاغلقدر. طونہ-نک اک بیوک تابعلرندن اولان %دراوہ\$ نہری قارینتیه-یی غربدن شرقه بوینه یاروب، صولدن مذکور سلسله-دن اینن بر چوق چایلر و صاغدن %غایل\$ نہرینی آلیر. برچوق کوللرنده اولوب، باشلیجه-لری: مولستد، اوسباخ و %وورت\$ کوللریدر. هواسی صاغلان ایسه-ده، صوتوتی و سریع النولدر. اراضیسنک قوه انباتیه-سی آز اولوب، آنجق ییدیه بری قابل زراعت و اقسام سائرہ-سی اراضی خالیہ ایله اورمان و مرعادن عبارتدر. واسعه وادیلرنده بغدادی، داری، مصر و طاغلرده آرپه و چاودار حاصل اولوب، بعض جهتلرنده اوزوم و سائر میوه-لر دخی حاصل اولورسه-ده، بو محصولاتک جمله-سی احتیاجات محلیه-یه غیر کافیدر. بر مقدار کتن و کنویر دخی حاصل اولور. حیوانات اھلیہ-سی چوق اولوب، قیونلرینک بیاغیسی مقبولدر. اھالیسی آری و ایپک بوجکی دخی یتیشدیروب، خیلی مقدار بال و قوزه آلیرلر. اورمانلری چوق و صیق اولوب، ایچلرنده آبی و قرہ-جه ایله سائر حیوانات وحشیه بولنور. معادنی چوق اولوب، کلینتی دمیر، کومش، سیملی قورشون و پک مقبول خالص قورشون ایله باقیر، بیسموت و سائر معدنلر اخراج اولنور. مرمر اوجاقلرنده چوقدر. صنایع محلیه دمیرجیلکله اسلحه، تنکہ-دن معمول شیلر و مواد دباغیه-دن عبارت اولوب، تجارتي دخی باشلیجه محصولات ارضیه ایله معادن و حیواناته متعلقدر. اھالیسنک بشده اوچی آلمان و قصوری اسلاو اولوب، بونلر استیریہ اسلاولرینک لسانیلہ متکلمدرلر. ایچلرنده یالکز 20000 پروتستان بولنوب، قصوری کاملاً قتولیکدر. ایالت 8 قضایه و 281 ناحیه-یه منقسم اولوب، مرکزی %قلاکنفورت\$ قصبہ-سیدر. ایالت داخلنده 11 قصبه و 25 بازارلی و چارشیلی بیوک قریه ایله 2783 کوی بولنیور. ویانہ-دن تریسته-یه کیدن دمیر یول خطی قارینتیه-یی عرضا و دیگر بر خط طولاً شق ایدوب، بعض شعبہ-لری دخی واردر. بو خطه ازمه قدیمہ-ده (قارینت) دینلن بر اسلاو قومیلہ مسکون اولوب، بعدہ آلمانلر داخل اولمشلردر. اوننجی قرن میلادیده بر آرہ-ق مستقل بر دوقه-لق صورتنده اداره اولندقدن صکره، اوستریایه تابع اولمشدر.

4-3521-5

قارینوس

#1

روما ایمپراطورلرندن اولوب، 283 تاریخ میلادیسندہ کوچک برادری (نومریان) ایله مشترکاً پدری (قاروس)ه خلف اولمش؛ و حصه-سنه ایتالیا، ایلیریا، غالیا، اسپانیه و آفریقا دوشمش ایدی. سفیه بر آدم اولوب، آنجق جسور اولمغله، حکومت دعواسنه قالقیشان پولیانوسی ورونه-ده کلیاً مغلوب ایتدیکی کبی، دیگر مدعی حکومت دیوقلتیانہ دخی غالب کلمش ایسه-ده، بعده بونک طرفندن مسیاده مغلوب، و 285ده مقتول اولمشدر.

1-3522-5

قارینی

#1

سیچلیه-نک پالمو ایالتنده و پالمونک 17 کیلومتره شمال غربیسندہ بر قصبه اولوب، 7000 اهالیسی و قلعه-سی وارد.

2-3522-5

قارینیان

#1

ایتالیاده پیامننه خطه-سنک %تورینو\$ ایالتنده و تورینونک 20 کیلومتره جنوبنده اوله-رق %پو\$ ایرماغنک ساحل جنوبیسده بر قصبه اولوب، 7250 اهالیسی، اسکی سوری و کوزل بر میدانی وارد. ابر شمی و لیمون قبوغندن رچلی مشهوردر. الیوم ایتالیاده حکم سورن ساووا خاندان حکمداریسنک اجدادی ابتدا بو قصبه-نک پرنسلیری بولنمشلردر.

3-3522-5

قاریه

#1

آسیای صغیرک تقسیمات قدیمه-سندہ شبه جزیره-نک غرب جنوبی گوشه-سندہ واقع بر خطه اولوب، الیوم منتشا سنجاغنی تشکیل ایدن یردن عبارت اولدیغی حالده، غرباً و جنوباً دکیزله، شرقاً %پیسیدییه\$ و %کیلیکیه\$، شمالاً دخی %لیدییه\$ خطه-لریله محدود ایدی. باشلیجه معموره-لری: هالیقارناسه %بودروم\$، میلنت، قنیده، قاونه، آلابانده و آینده ایدی. اسکیدن یونانیلر قاریه اهالیسنه باربار یعنی یونانینک غیرى و اجنبی نظریله باقارلردی. فنیکه-لیلر قاریه سواحلنده بر طاقم مهجرلر تأسیس ایتمشلردی، که بهری بر بیوک قوه بحریه-یه مالک اولمشدی. بعده یونانک یونیان و دوریان جنسلرندن بعض مهاجرلر قاریه-یه کلوب، سواحلنده یرلشمشلردی. کیخسرو بو

مملکتی ضبطله ایران دولتنه الحاقده مشهور (ماوسول) ایله ملکه (آرتمیسه) کی بعض یرلی حکمدارلری تحت اطاعتنه آملغه قناعت ایتمشدی. بعده اسکندر طرفندن ضبط اولنه-رق، ملوک طوائف کش مکشلرندن صکره رومالیرک، بر آره-لق عربلرک، دها صکره سلجوقیلرک الینه کچمش؛ و دولت سلجوقیه-نک انقراضنده منتشا بکلرینک تحت اداره-سنده قالوب، متعاقباً ممالک عثمانیه-یه الحاق اولندقدن صکره دخی منتشا اسمنی محافظه ایتمشدر. قاریه اسمی ایسه قرون اولادن بری اونودلمشدر. [(منتشا)) ماده-سنه-ده مراجعت بیوریله].

4-3522-5

قازال ماجوره

#1

ایتالیاده پیامونته خطه-سنک %قرمونه\$ ایالتنده و قرمونه-نک 39 کیلومتره شرق جنوبیسنده اوله-رق %پو\$ ایرماغنک ساحل شمالیسنده بر قصبه اولوب، 4265 اهالیسی، صاقسی، جام، اجزاء کیمیویه و سائر فابریقه-لریله دباغخانه-لری و اطرافنده-کی باغلردن یاپیلان کلینتی شراب اخراجاتی وارد.

5-3522-5

قازال مونقراآتو

#1

ایتالیه-ده پیامونته خطه-سنک %آکساندریه\$ ایالتنده و آکساندریه-نک 33 کیلومتره شمال غربیسنده اوله-رق %پو\$ ایرماغنک ساحل یسارنده قضا مرکزی بر قصبه اولوب، 17100 اهالیسی، واسع سوقاق و میدانلری، مصنع بر کلیساسی، بر چوق مشهور رسملری حاوی بر سراپی، یوکسک بر ساعت قله-سی، عمومی باغچه-سی، تیاتروسی، ایکی خسته-خانه-سی، یتیمخانه-سی، مکتبی، کتبخانه-سی و سائر مؤسسات علمییه و خیرییه-سیله بر قاچ فابریقه-سی و ایشلک تجارتی وارد.

6-3522-5

قاز امانسه

#1

آفریقای غربیده فرانسه-نک سنغامبیا مهجرنده "2° 35' 12° عرض شمالی ایله "10' 8' 19° طول غربیده بحر محیط آتلاسییه منصب اولور بر ایرماق اولوب، منصبندن یوقاری سیر سفاننه صالح اولان 300 کیلومتره-لک مجراسی کشف اولنمش، و اوست طرفی مجهول قالمش ایسه-ده، فوته جالون طاغلرندن نبعان ایتدیکی مظنوندر. مجراسی اوزرنده پور تکیز لیلرله فرانسزلرک بر ایکیشر تجارتخانه-لری وارد.

1-3523-5

قازرتە

#1

ایتالیانك جنوب جەتتەدە ناپولینك 24 كیلومترە شەمال شەرقیە سەندە %ترادی لابور\$ ایالتنك مرکزی بر قصبه اولوب، 15000 اهالیسی، اییک منسوجات دستکاهلری، زراعت و صنایع مکتبلری و بیوک بر سرايیله بوکا مربوط واسع باغچه-سی وارد.

2-3523-5

قاز طاغی

آناتولینك غرب شەمالی كوشه-سەندە ادرمید كورفزینك شەمالەندە منفرد بر طاغ اولوب، اتكلری اورمانلرله مستورد. غرب شەمالی اتكلەدە مشهور تروآ شەر قەدیمنك خرابه-لری بولنوب، جبل مذكورك اسم قەدیمی %ایدا\$در.

3-3523-5

قازورله

#1

اسپانیە-ده جانك 55 كیلومترە شەمال شەرقیە سەندە هەنامی بر طاغك اتكلریله محاط بر قصبه اولوب، 7000 اهالیسی وارد.

4-3523-5

قازیر

#1

سیریە-نك %ینیسیسك\$ ایالتەدە بر نەردر، كه چین حدودندە نبعانله، تاتارله مسكون یرلر ایچندە 215 كیلومترە جریاندن صكره، دیگر انهارله برلشه-رك، %ینیسی\$ ایرماغنه تابع %تویه\$ نهرینی تشکیل ایدر.

5-3523-5

قازیری

#1

مشاهیر مستشرقین اولوب، 1710ده طرابلس شامده طوغمش، و 1791ده مادریده وفات ایتمشدر. مارونیت پاپاسلرندن اولدیغی حالدده، اسپانیانه انتقال ایله، مادرید کتبخانه-سنه مأمور و آقامیا اعضالغنه قبول اولنمش؛ و بعده اسکوریال کتبخانه مشهوری حافظ کتبی اولوب، بو کتبخانه-ده-کی کتب عربیه-نک تفصیلاتلی و شرحلی بر دفترینی لاتین لسانده ترتیبله 1770ده ایکی بیوک جلد اوزره مادریده نشر ایتمشدر.

6-3523-5

قازیلینوم

#1

ایتالیه-نک قامپانیه خطه-سنده و قاپوه-نک قارشیسنده بولنمش بر اسکی شهر اولوب، قبل المیلاد 216 تاریخنده قارتاج سرداری مشهور آنیبال بو شهرک جوارنده فابوس طرفندن بر بوغازده صیقیشدیرلمغله، بر سوری او کوزلرک باشلرینه برر بز صاروب طوتیشدیره-رق، ایلریه سوروب، رومالیلری دوچار دهشت و انهزام، و شهری ضبط ایتمشدی.

7-3523-5

قازیم

#1

سیرییه-نک غرب جهتده %توبولسوق ایالتنک %برزوف قضاسنده بر نهردر، که %تورم نور کولندن چیقوب غربه طوغری آقه-رق، اوزون اوتلرله مستور بطاقلی اووه-لرک ایچنده 300 کیلومتره-لک جریانندن صکره، برزوفر قصبه-سنک اوست طرفنده %اوبی ایرماغنه دوکیلور. مجراسی اطرافنده او و بالیقله ورن سوریلریله یاشار (اوستیاق) قبیله-لری قونوب کوچر.

8-3523-5

قازیمیر

#1

بو اسمله لهستانده بش قرال کلمشدر:

برنجیسی ((صلحپور)) لقبیله ملقب اولوب، 1037 تاریخنده پدیری ایکنجی (مزیسلاس)ه خلف اولمش؛ و بش سنه والده-سنک وصایتی تحتنده قرال بولندقدن صکره فرانسه-یه کیدرک، قلونی مناسترنده راهب اولمش ایدی. آنجق لهیلر بر چوق فتنه و نفاقلره دوچار اولدقلرندن، کندیسینی دعوتله، پاپادن راهبکی ترک ایتسنه و تزوجنه

مساعدہ استحصال ایتمش لردی. بونک اوزرینہ لهستانه عودتله، روسیه بیوک دوقه-سی (باروسلاو)ک قیزی نی تزوج ایتمش؛ و سبلیزیه-یی ضبطله، پروسیه و پومرانیه-یی دائره اطاعته آلمش؛ و حکیمانہ اداره ملک ایدوب، 1058ده وفات ایتمشدر.

*- ایکنجیسی ((عادل)) لقبیله ملقب اولوب، اوچنجی بولسلاسک اوغلیدر. 1117ده طوغوب، 1177ده برادری میسیسلاسه خلف اولمش؛ و 17 سنه مملکتی حسن اداره، و جمله-یی ممنون ایندکدن صکره، 1194ده وفات ایتمشدر.

*- اوچنجیسی ((بیوک)) لقبیله ملقب اولوب، 1309ده طوغمش، و 1333ده پدیری و لادیسلاس لوکنکه خلف اولوب، چهستان قرالی مغلوب ایتمش، و روسیه-نک ده بر قسمنی ضبط ایلمش ایدی. بر طاقم نظامات و قوانین وضع و مکتبلر، دار الفنونلر، خسته-خاته-لر و سائر مؤسسات تأسیس ایتمش؛ و (استر) اسمنده بر یهودی معشوقه-سنگ رجاسی اوزرینہ یهودی تبعه-سنه بر چوق امتیازات ویرمش ایدی. 1370ده وفات ایدوب، بونکله (پیاست) سلاله-سی ختام بولمشدر.

*- درنجیسی بشنجی ولادیسلاسک اوغلی اولوب، لیتوانیه بیوک دوقه-سی ایکن، 1445ده لهستان قرالغنه دعوت اولنمش؛ و توتونیک شوالیه-لرینک پروسیه-ده ایدنمش اولدقلری یلری ضبط ایندکدن صکره، مجارلر و تاتالره قارشی بعض غالبیتلر قزانش ایدی، مملکتنده لاتین لساننک استعمالنی مجبوری حالنه قومشیدی. 1492ده وفات ایتمشدر.

*- بشنجیسی اوچنجی سجیسموندک اوغلی و یدنجی ولادیسلاسک برادری اولوب، جزویت طریق رهباننه سلوکلہ، قاردینال اولمش ایکن، 1648ده برادرینک وفاتی اوزرینہ، قرالغہ انتخاب اولنہ-رق، برادرینک طول زوجه-سنی تزوج ایچون پاپادن مساعدہ استحصال ایتمشدی. اسوج قرالی شارل کوستاو طرفندن وارسوویه-ده مغلوب اولمش ایسه-ده، بعده غالب کلوب، کندیسینی مملکتندن چیقارمش؛ و جنراللرندن (سویبیسکی) تاتارلری مغلوب ایتمشدی. 1677ده، زوجه-سنگ وقوع وفاتی اوزرینہ، دنیادن بیزار اولوب، فراغ ایدہ-رک، فرانسه-ده بر مناستره چکلمش؛ و 1672ده وفات ایتمشدر.

1-3524-5

قاسالی

#1

آفریقای وسطیسنک %اورووا\$ مملکتنده و تانغانیقه کولنک غرب جهتنده بر کول اولوب، 8° ایله 9° عرض جنوبی و 10' 23° ایله 25' 24° طول شرقی آرہ-لرندہ ممتد اولور. قونغو ایرماغنه تابع %قاموروندو\$ نهرینک یایلمسندن متشکلدر.

2-3524-5

قاسان، یاخود کاسان

ترکستانک فرغانه خطه-سندہ و خوفندک 85 کیلومتره شمال شرقیسندہ اولہ-رق سیحونه دوکلین ہمنامی بر

چاپك اوزرنده بر قصبه اولوب، 10000 اهالیسی، مصنع بر جامع شریفی، پك ایشلك چارشیزی، اوستنده بر قلعه-سی، اطرافنده منبت و كوزل اراضیسی و جوارنده %صدپییر\$ اسمیله بعض مشاهیرك مراقدینی حاوی بر مزارستانی واردر. پك اسکی بر قصبه اولوب، بر چوق مشاهیر علمانك منشی بولنمشدر. یاقوت حموی کندی زماننده ترکلرك غیله-سیله خراب اولدیغنی بیان ایتدیکنه باقیلیرسه، بعده یکیدن اعمار اولندیغی آکلاشلیور. شمدیکی اهالیسی ایرانك جهت شمالیه-سندن منتقل تاجیک جنسیتته منسوب اولوب، لسان فارسی ایله متکلمدرلر.

3-3524-5

قاساندر

#1

اسکندرین صکره ظهور ایدن طوائف ملوکن اولوب، آنتیپاترك اوغلیدر. قبل المیلاد 354ده طوغوب، 319ده پدینك وفاتی اوزرینه، ماکدونیه-یی ضبطله، اسکندرک والده-سی اولیمیپایی و زوجہ-سی روشن بنت دارا ایله اوغلی آکساندری قتل ایتدکن صکره، جهانگیر مشار الیهک همشیره-سی (تسالونیکه)یی تزوجله، قبل المید 311ده حکمدارلغنی اعلان ایتمش؛ و آنتیغونه قارشی بطلمیوس و لیسیماخوس ایله بالاتفاق، اوچی برلکده 301 تاریخنده ایپسوس مظفریتته نائل اولمغله، بونک نتیجه-سی اوله-رق، یونانک قسم اعظمی دخی ماکدونیه-یه الحاق ایتمشدی. میلاددن 298 سنه اول وفات ایتمشدر.

4-3524-5

قاساندره

#1

یاخود آکساندره اساطیر یونانیه-یه کوره، تروآ حکمداری پریامک قیزی اولوب، کویا شمسدن کنایه اولان (آپولون) کندیسنه عشق ایتمکله، وصالنه مقابل هر ایستدیکنی ویره-جکنی وعد ایتمش؛ و قاساندره استقبالدن خبر ویرمک قوتی ایستیوب، استحصال ایتدکن صکره، ینه و صالدن امتناع ایتمکله، آپولون بونک ویره-جکی خبرلره کیمسه-نک اینانمامسنی تقدیر ایتمش؛ و بو وجهله یونانیلرک تروآیه ادخال ایتمک ایستدکلری تختہ-دن آنک قبولنه مانع اولمق ایستدیکی حالده، کیمسه سوزینی دمکلمه-مش؛ و شهر فتح و ضبط اولندقدہ %پالاس\$ک معبدینه التجا ایتمش ایسه-ده، اوراده (ایاقس) طرفندن تجاوزه دوچار اولوب، یونانیلرک اسارتته و %آغامنون\$ک حصه-سنه دوشمش؛ و بونک طرفندن یونانه نقل اولنه-رق، مرقومله برابر زوجہ-سی طرفندن قتل ایتدیلمش.

1-3525-5

قاساندریه

#1

[[پوتیده]] و ((كسندیره)) ماده-لرینه مراجعت بیوریله.]

2-3525-5

قاسپه

#1

اسپانیه-ده آراغون خطه-سنگ ساراغوسه ایالتنده و ساراغوسه-نك 106 کیلومتره جنوب شرقیسنده و %غوادلوپه\$ نهرینك صول کنارنده و %ابره\$ ایرماغنه اولان منصبی قرینده قضا مرکزی بر قصبه اولوب، 9400 اهالیسی و اطرافنده چوق باغلیله زیتونقلری واردر.

3-3525-5

قاسپیان

#1

اجنبیلر طرفندن بحر خزره ویریلن اسمدر. [[خزر]] ماده-سنه مراجعت بیوریله.]

4-3525-5

قاستالیه

#1

یونان قدیمك %فوکیده\$ خطه-سنده و پاراناسوس طاغنك اتکنده بر چشمه اولوب، اساطیرده (موسه) دینلن شعر و ادبیات و صنایع نفیسه پرلرینه منسوب عد، و صویندن ایچنلرک شاعر اولدقلرینه اعتقاد اولنوردی.

5-3525-5

قاسترو

#1

ایتالیانك %اوترانته\$ ایالتنده و %غالییولی\$ نك 42 کیلومتره جنوب شرقیسنده اوله-رق آدریاتیق دکیزی ساحلنده بر قصبه اولوب، 7850 اهالیسی واردر.

6-3525-5

قاسترو

#1

آمریقای جنوبیده بر ازلیا ممالک مجتمعه-سنگ %ساؤپاولو\$ جمهوریئنده و %ساؤپاولو\$ نك 320 کیلومتره غرب جنوبیسنده بر قصبه اولوب، 7000 اهالیسی واردر.

7-3525-5

قاسترو

#1

ساقز و مدلی جزیره-لرینک مرکزلی اولان مدلی و ساقز قصبه-لرینه و آطه-لرده قلعه دروننده اولان دیگر بعض قصبه-لرده یرلیلر طرفندن ((قلعه)) دیمک اولان بو اسم ویرلمکده-در.

8-3525-5

قاسترو جوانی

#1

سیچلیه-ده قالتاتیزته ایالتنک %پیاچه آرمینه\$ قضااسنده و مرکز قضانک 28 کیلومتره شمالنده بر قصبه اولوب، 14510 اهالیسی، بر قاچ کلیساسی، اطرافنده منبت اووه-لری، کوکوردلی قابلیجه-لری و بهر سنه قوریلوب بر قاچ کون سورر بیوک پنایری واردر. آطه-نک اورتیه-لرنده یوکسک بر موقعده بولنمغله، قیشلری زیاده-جه سرتدر. %انا\$ شهر قدیمک موقعنده مؤسس اولوب، شهر مذکوره اکینلرک الهه-سی زعم اولنان %سرس\$ عبادتنه مخصوص مشهور بر معبد وار ایدی، که بعض آثار باقیه-سی قصبه-نک بیوک کلیساسنده مشهوددر.

9-3525-5

قاسترو ویرینه

#1

آمریقای جنوبیده پرو جمهوریئتنک %هوانقاولیقه\$ ایالتنده و هوانقاولیقه-نک 110 کیلومتره جنوب غربیسنده و %آند\$ سلسله جبالی اوزرنده سنجاق مرکزی بر قصبه اولوب، 7000 اهالیسی و وقتیله پک زنکین ایکن شمدی قسماً متروک کومش معدنلری واردر.

10-3525-5

قاستروویلاری

#1

ایتالیانک فالابره چیتزیوره ایالتنده و فوزانچه-نک 74 کیلومتره شمالنده قضا مرکزی بر قصبه اولوب، 9400 اهالیسی، مقبول شرابی، میوه-لری و کثرتلی طوت آغاجلری وارد.

11-3525-5

قاستره

#1

لاتینجه اردوگاه دیمک اولان بو اسم زمان قدیمده بعض معموره-لره علم اولمشیدی. از آن جمله: %قاستره آلاته\$ اسقوچیه-نک مرکزی اولان ادیمبورغک اسم قدیمدر. *- %قاستره کچیلیه\$ اسپانیه-ده-کی %قاسرس\$ قصبه-سیدر. *- %قاستره قورنلیه\$ افریقیه یعنی تونسک ساحل شمالیسنده ایدی. *- %قاستره راپیده\$ جزایر-ده-کی %قلیعه\$ قصبه-سنگ اسم قدیمدر.

12-3525-5

قاستره

#1

فرانسه-نک %تارن\$ ایالتنده و %آلبی\$نک 42 کیلومتره جنوبنده اوله-رق %تارن\$ نهرینه تابع %آغوت\$ چایی اوزرنده واقع قضا مرکزی بر قصبه اولوب، 16460 اهالیسی، طوچی مکتبی، داخلی مکتب اعدادیسی، 10000 جلدی حاوی کتبخانه-سی، زراعت و صنایع اوطه-لری، علوم و فنون جمعیتی، منسوجات مختلفه و کاغد فابریقه-لریله بویاخانه-لری، نهرک اوزرنده ایکی کوزل کوپریسی و مفرح بر تفرجگاهی وارد. اسکی بر قصبه اولوب، اسم قدیمی %قاستروم\$در.

1-3526-5

قاستری

#1

یونانک موره شبه جزیره-سنده واقع %آرقادیا\$ ایالتنک %کینوریه\$ قضا-سنده و %آیوس پتروس\$ک 4 کیلومتره شمالنده بر قصبه اولوب، 4465 اهالیسی وارد.

2-3526-5

قاستریوت

#1

مشهور آرنآؤد اسکندر بکک و منسوب اولدیغی عائله لقبیدر. [(اسکندر بکک) ماده-سنه مراجعت بیوریله.]

3-3526-5

قاستلاماره

#1

ایتالیانک ناپولی ایالتنده و ناپولینک 24 کیلومتره جنوب شرقیسنده اوله-رق ناپولی کورفزینک منتهای شرقیسنده قضا مرکزی بر قصبه اولوب، 18305 اهالیسی، قابلیجه-لری، ایپک و پاموق منسوجات معمولاتی، سفائن اعمالنه مخصوص دستکاهلری و خیلی ایشلک تجارت بحریه-سی واردر. %استابیه\$ شهر قدیمک خرابه-لری محلنده مؤسس اولوب، شهر مذکور %پومپی\$ و %هرکولانوم\$ ایله برلکده %وزوو\$ برکاننک سیلابی آلتنده قاله-رق، خراب اولمشدی. حکیم شهیر پلین قدیم (یعنی بلیناس حکیم) بو شهرک جوارنده برکانک احوالی تحقیقله اوغراشیرکن تلف اولمشدر. سیچلیه-ده-کی قاستلاماره-دن تفریق ایچون بوکا %قاستلاماره-دل غولفو\$ دیرلر. *- سیچلیه-ده %تراپانی\$ ایالتنک %آقامو\$ قزاسنده و آقامونک 7 کیلومتره-نک شمال غربیسنده اوله-رق همنامی اولان کورفزک ایچنده دخی بو اسمله بر قصبه اولوب، 11280 اهالیسی شراب و میوه تجارتی و قرینده %سجسته\$ مدینه قدیمه-سنک خرابه-لری واردر. برنجیسندن تفریق ایچون %قاستلاماره دل غولفو\$ دیرلر. *- ینه ایتالیاده %آبروچه اولتریوره\$ ایالتنده %پنه\$ قزاسنده و پنه-نک 20 کیلومتره شرق شمالیسنده اوله-رق %سالینو\$ نهرینک صاغ کناری قرینده و آدریاتیک دکزنده-کی منصبندن 5 کیلومتره یوقاریده دخی بو اسمله 5360 اهالیسی جامع بر قصبه بولنوب، تفریق ایچون %قاستلاماره آد یاتیقو\$ دینلیر.

4-3526-5

قاستلانته

#1

ایتالیاده %اوترانته\$ ایالتنک %تارننه\$ قزاسنده و تارننه-نک 36 کیلومتره شمال غربیسنده اوله-رق تارننه کورفزینه دوکیلن %لاتو\$ نهری اوزرنده بر قصبه اولوب، 7080 اهالیسی و پاموق محصولاتی واردر.

5-3526-5

قاستل ترمینی

#1

سیچلیه-ده جرجنتی ایالتنک %بیوونه\$ قزاسنده و بیوونه-نک 27 کیلومتره جنوب شرقیسنده بر قصبه اولوب،
8185 اهالیسی واردر.

6-3526-5

قاستلتون

#1

انکتره-نک %لانقاستر\$ ایالتنده و %روچداله\$نک 1½ کیلومتره جنوب شرقیسنده 31344 اهالیسی جامع بر قصبه
اولوب، روچداله-نک بر محله-سی حکمنده-در. منسوجات فابریقه-لری چوقدر.

7-3526-5

قاستل سارازن

#1

فرانسه-نک %تارن مع غارونه\$ ایالتنده و %مونتوبان\$ک 21 کیلومتره غربنده قضا مرکزی بر قصبه اولوب،
6514 اهالیسی و بعض فابریقه-لری واردر. اسمی ((عرب قلعه-سی)) معناسنی افاده ایدیورسه-ده، %قاستروم
سروچیوم\$ اسم قدیمندن غلط اولدیغی مظنوندر.

8-3526-5

قاستلمن

#1

اوسترالیانک %ویقتوریه\$ مهجرنده %ملبورن\$ک 124 کیلومتره شمال غربیسنده %تالیوت\$ ایالتنک مرکزی بر
قصبه اولوب، 7500 اهالیسی، دمیر یول موقفی، جوارلرنده آلتون معدنلری، دمیرخانه-لری و ماکنه فابریقه-لری
واردر.

9-3526-5

قاستلنوداری

#1

فرانسه-نك %اوده\$ ايلتنده و قارقاسونه-نك 30 كيلومتره غرب شماليسنده اوله-رق جنوب جدولی اوزرنده واقع قضا مركزی بر قصبه اولوب، 9330 اهالیسی، مذکور جدولده لیمانی، چینی و صاقسی ایله قبا چوقه و سائره فابریقه-لری واردر.

1-3527-5

قاستلو برانقو

#1

یعنی ((آق حصار)) پورتکیزک %بیرا\$ ايلتنده و لیسبونه-نك 229 كيلومتره شمال شرقیسنده قضا مركزی بر قصبه اولوب، 5580 اهالیسی، اسکی سور و قلعه-سی، ایپلیک معمولاتی و شراب و قونیاق تجارتی واردر.

2-3527-5

قاستلوترانو

#1

سجلیاده %تراپانی\$ ايلتنك %مازاره-دل والو\$ قضاسنده و 21 كيلومتره شرقنده بر قصبه اولوب، 9500 اهالیسی، ایپک و کتن و پاموق منسوجاتی، مشهور شرابی و زیتون یاغی محصولاتی واردر.

3-3527-5

قاستلوریزو

#1

[[میس]]: ماده-سنه مراجعت.]

4-3527-5

قاستلون دلا پلانه

#1

اسپانیانك والنسه خطه-سنده و والنسه-نك 96 كيلومتره شمال شرقیسنده اوله-رق آق دکیز ساحلندن 6 كيلومتره ایچریده همنامی اولان ايلتنك مركزی بر قصبه اولوب، 20000 اهالیسی، کتن و کنوبردن بعض منسوجاتله ایپ و خلاط فابریقه-لری، جوارلرنده عربلردن قالمه مصنع جدولرله اروا اولنور منبت اووه-لری و پک ایشلک حبوبات

تجارتی وارد. عربلر مذکور اووه-لرک ارواسنده آروپاچه کشفندن 800 سنه اول سیفون اصولی استعمال ایتمش اولدقلرندن بو اصولک عربلرجه اسکیدن معلوم بولنمش اولدیغی آکلاشلیبور.

-* - قاستولون دلا پلانه ایالتی والنسه % یعنی بلنسیه \$ خطه-سنک منقسم بولندیغی اوج ایالتک اک شمالیسی واسپانییه-یی ترکیب ایدن 49 ایالتک بری اولوب، شمالاً قاتالونیه خطه-سنک بری % تاراغونه \$ و آراغون خطه-سنک % تروئل \$ ایالتلریله، غرباً ینه مذکور تروئل ایالتیله، جنوباً والنسه ایالتیله، شرقاً و شرق جنوبی جهتندن دخی آق دکیزله محاط و محدوددر. ساحلی پک دوز اولوب، آنجق صنعی لیمانلری وارد. شمالدن جنوبه بویی 120 کیلومتره و اکی بونک نصفی قدر اولوب، مساحه سطحیه-سی 6336 مربع کیلومتره و اهالیسی 296222 کشیدر. اراضیسی و علی الخصوص غرب و شمال غربی جهتلری پک طاغلق و قیالق اولوب، یالکز مرکزی اطرافنده واسع و منبت بر اووه-سیله سائر طرفلرده بعض طار اووه-لری و منبت وادیلری وارد. اورمانلری اتلاف ایلمش اولمغله، یالکز بعض چاملقلری قالوب، اکثر طرفلری چبلاقدر. طاغلی سنه-نک اکثر آیلرنده قارله مستور اولدیغندن، میاه جاریه-سی چوق اولوب، اک بیوک نهری % تروئل \$ ایالتندن کلن و مرکز ایالتک اطرافنده-کی واسع اووه-یی اروا ایدن % میجارس \$ نهیریدر، که صولدن % ریو ده ویلا هر موزه \$ ایله % مونلئو \$ چاپلرنی دخی آلیر. بونک جنوبنده جریان ایدوب مجراسی اطرافنی اروا ایدن % پالانسیا \$ ایرماغنک ایسه منصبی % والنسه \$ ایالتی داخلنده-در. قسم شمالیسنک صولرینی طولایان % برغانتس \$ نهری دخی شمال غربی-یه طوغری آقه-رق، % ابره \$ ایرماغنه تابع % غوادالون \$ نهیرینه دوکلمک اوزره، آراغون خطه-سنه کیرر. بو ایالتده-کی بتون انهارک صولری عربلردن قالمه مکمل بندلر و سدلر واسطه-سیله اداره اولنه-رق، سقی اراضیده استعمال اولنور. اهالیسنک باشلیجه، مشغولیتی زارعت اولوب، آنجق طاغلق اولان غرب و غرب شمالی جهتلرنده اراضی و هوا غیر مساعد اولمغله، یالکز جنوب جهتیله ساحل طرفلرنده حبوبات متنوعه ایله آق دکیز سواحلنه مخصوص میلوه-لرک انواعی حاصل اولور. خرما آغاجی دخی یتیشوب، آنجق میوه ویرمز. یوللرک فقدانی زراعتک ترقیسنه مانع اولوب، یالکز ساحل بوینجه تمدید اولنان دمیر یول خطی بعض تسهیلاتی موجب اولمقده-در. کومش، باقیر، دمیر، تورشون، قوبالت، کمور و سائر معادنی چوق ایسه-ده، اخراج اولنانلری پک آزدر. بعض دمیر و باقیر دوکمخانه-لری وارد. مختلف معدن صولری و ایلیجه-لری-ده چوق ایسه-ده، طرق و سائر تسهیلاتک فقدانندن طولایی بحق استفاده اولنه-میور. صنایع محلیه بعض منسوجات ایله کاغد، چینی و کرمیت کبی شیلردن عبارتدر. تجارتی محصولات ارضیه-نک اخراجیله معمولات صنایعه و سائر ادخالندن عبارت I @ اولوب، اولدقجه کریدر. اهالی ایالت قاتالان لسانیه تکلم اولوب، اخلاق و اطوار و قیافتجه قریبتلرینه کوره، والنسه-لیلره، آراغونلره و قاتالانلره مشابهدرلر. ایالت 10 قضایه منقسمدر.

1-3528-5

قاستور

#1

یونان قدیم اساطیرنده بر قهرمان اولوب، کویا (لده) اسمنده حسنی بر قادینک زوجی (تیندار) دن متولد اوغلی و مرقومه-نک (ژوپیتر) دن متولد (پولوقس) ک برادری ایدی. کویا (پولوقس) ک پدیرینه اولان رجاسی اوزرینه اونک

نائل اولدیغی حیات سرمدی ایکی برادر آره-سندھ تقسیم اولنمش، و نهایت ایکیسی-ده برر نجمه تحویل اولنه-رق، جوزا برجی تشکیل ایتمشلردر. پهلوانلرله کمجیلرک حامیلرک زعم اولنورلردی.

2-3528-5

قاستور ایرماغی

#1

آمریقای شمالیده انکتره-یه تابع %دومینیون\$ قطعہ واسعه-سندھ %هودسون\$ کورفزینہ منصب اولان %چورچیل\$ ایرماغنک قسم اعلاسنه ویریلن اسمدر.

3-3528-5

قاستور دکیزی

#1

بهرنک دکیزینک قچاتقه شبه جزیره-سنک سواحل شرقیه-سی اوکنده بولنان قسمنه ویریلن اسمدر.

4-3528-5

قاستور کورفزی

#1

آمریقای شمالینک منتهای شمال غربیسندھ واقع %الیاسقه\$ شبه جزیره-سنک جنوب شرقیسندھ واقع بر قوی اولوب، آغزی 35 کیلومتره وسعتندھ-در.

5-3528-5

قاستوریه

#1

[(کسریه)) ماده-سنه مراجعت.]

6-3528-5

قاستیله

و عربلرجه %قشتاله\$ اسپانيه-نك بتون قسم وسطيسييله قسم شماليسنك بر پارچه-سندن عبارت بيوك بر خطه اولوب، اورته-سندھ غرب جنوبيدن شرق شمالي يه اوزانان غوآدارامه %يعنى وادى الرمل\$ سلسله جباليله ايكي يه آيرلديغندن، قسم شماليسنه اسكى و قسم جنوبيسنه يكي قاستيله نامى ويريليور.

اسكى قاستيله جنوب شرقى جهتندن يكي قاستيله، شرقاً آراغون، شرق شمالي طرفندن ناواره و بيسقايه خطه-لريله، شمالاً غاسقونيه كورفزييله، شمال غربى طرفندن آستوريه، غرباً دخى لئون و استرمادوره خطه-لريله محاط و محدوددر. جهت جنوبيه-سندھ اولان مذكور سلسله-نك اكثر يا قارله مستور بولنان تپه-لرى 2400 متره-يه قدر چيقوب، خطه-نك شرق و شمال جهتلرنده بوندن آز آچق طاغر بولنمغله، خطه اراضيسى قسم اعظمى مرتفع بر حوضه-دن عبارت اولوب، هر طرفدن اينن انهار كثيره بالاجتماع، غربه طوغرى آقان %دورو\$ ايرماغنى تشكيل ايدرلر. بو وجهله اسكى قاستيله باشليجه دورو حوضه-سنگ يوقارى جهتندن عبارت اولوب، يالكز شمال شرقى كوشه-سى %ابره\$ ايرماغى حوضه-سنگ اك يوقارى قسمنى و منتهاي شماليسى او جهته-كى طاغرك بحر محيط اطلاسى يه %يعنى غاسقونيه كورفزينه\$ اينن مائله-يى حاويدر. اسكى قاستيله-نك مركزى %بورغوس\$ شهرى ايدى.

يكي قاستيله دخى شمالاً و شمال غربى جهتندن اسكى قاستيله ايله، غرباً استرمادوره، جنوباً مانسه و بونك التحاقندن صكره آندالوسيه %يعنى قرطبه و جابن\$، شرق جنوبي طرفندن مورسيه، شرقاً والنسه، شرق شمالي جهتندن-ده آراغون خطه-لريله محاط ايدى. بو دخى همان هر طرفدن طاغرله محاط مرتفع بر ير اولوب، قسم شماليسى تاج، قسم جنوبيسى غوآديانه، شرق جنوبي قسمى-ده جوقار ايرماقلى حوضه-لرينك يوقارى طرفلرندن عبارت ايدى. اسپانيه-نك شمديكى پايتختى اولان مادريد شهرى دخى بو خطه داخلنده ايسه-ده، اسكى مركزى تولده %يعنى طليله\$ شهرى ايدى.

بو ايكي خطه برلكده 130000 مربع كيلومتره وسعتنده اولوب، اسپانيه-نك ربعندن زياده-در. شمديكى حالده اهاليسى اوچ ميلوندىن زياده-در. قاستيله-نك اراضيسى يوكسك و چركين منظره-لى اولوب، يازين هواسى صيجاج و پك ياپس و قيشين پك سرتدر. مع هذا موسمنده ياغمور ياغديغى تقديرده اووه-لرى پك منبت اولوب، كلينتى ذخيره حاصل اولور. عموميت اوزره اسپانيه اهاليسى مربع كيلومتره باشنه 33 كشى نسبتنده ايكن، قاستيله-ده مربع كيلومتره باشنه آنجق 23 كشى دوشيور. بونكله برابر قاستيله، اسپانيه-نك وسطنده بولنمق و اسكيدن برى پايتختلى اوراده بولنمش اولمق حسييله، اسپانيه-نك سائر طرفلرينه غلبه چالوب، لسانى بتون اسپانيه-جه لسان ادنى و رسمى اتخاذا اولنمش، و آمريكانك پك واسع اقطارنده دخى نشر اولنمشدر. اسكى قاستيله بر بچق مليوندىن آزجه نفوسى حاوى اولديغى حالده يدى، و يكي قاستيله بر بچق مليوندىن زياده-جه نفوسى حاوى اولديغى حالده بش ايالته منقسم اولوب، ايالات مذكوره بر وجه آتيدر:

###

اسكى قاستيله

اويلا

بورغوس

لوغرونيو

پاليجه

سانتاندر

سغويه
سوريه
يكي قاستيله
چوداد رآل
قونقه
غوادالا جاره
مادريد
تولده
\$

روما دولتتك انقراضندن صكره قاستيله اسپانيه-نك سائر طرفريله برابر آلن، و يسيغوت و سو او كبي
جرمانيه-دن چيقمش و غوت اسم عموميسييله شهرت بولمش اقوام وحشيه-نك ضبطنه كچوب، 711 تاريخ
ميلاديسنده غزاة اسلام طرفندن فتح اولنمغله، بر چوق وقت بنى اميه و سائر اندلس حكومات اسلاميه-سى النده
قالدقن صكره، اسكى قاستيله-نك بعض طرفلرنده ((حاكم)) عنوانيله ممتاز و آز چوق مستقل بر طاقم بكر ظهور
ايتمش؛ و بونلرك حكم و نفوذلى كيتدكجه آرته-رق، 923 تاريخ ميلاديسنده ايجلرندن برينه قاستيله قونتي عنوانى
ويريلوب، بو عنوان 1028ده قرالغه تحويل اولنمشدى. قاستيله قرالغى كاه لئونله برلشه-رك و كاه آيريله-رق، و
كيتدكجه توسيع دائره ايدوب، يكي قاستيله ايله دخى برلشه-رك، نهايت آراغون ايله دخى برلشدكن صكره، قوت
بولوب، غرناطه و حواليسييله قناعت ايتمش اولان حكومت اسلاميه-يه 1492ده ختام ويرمكله، بتون اسپانيه-يى
احاطه ايتمش، و او وقتدن قاستيلان اسمى اسپانيول لفظيله مترادف حكمنه كچمشدر.
بتون اسپانيه-نك توحيدندن اول قاستيله-ده قرال عنوانيله حكومت سورنلرك اساميسييله مبدأ حكومتلى بر وجه
آتيدر:

####

(ناوارة خاندانى)

برنجى فرديناند

1034

ايكنجى سانكه

1065

لئونلى آلتنجى آفونس

1072

اوراقه و آراغونلى يدنجى آفونس

1109

(بورغونيه خاندانى)

سكزنجى آفونس

1126

اوچنجى سانكه و ايكنجى فرديناند

1157

طقوزنجى آفونس

1158

برنجی هنری

1214

اوچنجی فردیناند

1217

اوننجی آفونس

1252

درنجی سانکه

1284

درنجی فردیناند

1295

اون برنجی آفونس

1312

پدرو

1350

(ترانستاماره خاندانی)

ایکنجی هنری

1369

برنجی ژان

1379

اوچنجی هنری

1390

ایکنجی ژان

1406

درنجی هنری

1453

برنجی ایزابلا و زوجی فردیناند قتولیک

1474

اسپانیه-نک توحیدی

1516

\$

1-3529-5

قاستیلونه

#1

ایتالیاده لومبارديه خطه-سنك %برشيه\$ ایالتنده و برشيه-نك 22 كيلومتره جنوب شرقيسنده قضا مركزى بر قصبه اولوب، 5000 اهالیسی واردر. بيوك ناپوليون بو قصبه-ده آستریا عسكرینی مغلوب ایتمشدی. *- بو اسمله ایتالیاده دیگر بر چوق كوچك قصبه-لر دخی بولنوب، بولندقلری خطه-نك اسمنه اضافتله تفریق اولنورلر.

2-3529-5

قاسده

#1

جاپونیه-ده %كوسو\$ جزیره-سنك %ساچون\$ ایالتنده ساحل غربی قربنده و '25° 31 عرض شمالیده بر شهر اولوب، 31595 اهالیسی واردر.

3-3529-5

قاسرس

#1

اسپانیه-نك استرمادوره خطه-سنده و مادریدك 271 كيلومتره غرب جنوبیسنده ایالت مركزی بر قصبه اولوب، 12000 اهالیسی، عربلردن قالمه بعض بيوك ابنیه-سی و بر جسیم هیكلی حاوی بر واسع میدانی واردر. قصبه-نك اسکی قسمی و قلعه-سی بر تپه-نك اوزرنده اولوب، یکیسی تپه-نك اتکنده نصف دائره شکلنده-در. *- قاسرس ایالتی استرمادوره خطه-سنك نصف شمالیسندن عبارت اولوب، شمالاً سالامانقه، شمال شرقی طرفندن آویله، شرقاً تولده، جنوباً بادایوز ایالتلیله، غرباً دخی پورتکیز حدودیله محدود-در. مساحه سطحیه-سی 19863 مربع كيلومتره اولوب، 339793 اهالیسی واردر. ایالت 13 قضایه منقسم اولوب، 224 ناحیه-یی حاویدر. شمال جهتنده گردوس و غاته، جنوب جهتنده دخی غوآدالوپه و سان پدرو سلاسل جبالی ممتد اولوب، بونلرک اتکلری، و شعبه-لری ایالتك اورتیه-سنه طوغری ممتد اولمغله، اراضیسی طاغقدر. ایالتك اورتیه-سندن شرقدن غربه %تاج\$ ایرماغی آقوب، مذکور سلسله-لردن اینن چایلری دخی طویلار. نهر مذکور ایالتی ایکی-یه بولوب، نصف شمالیسی دها مرتفع و دها طاغلق ایسه-ده، اکثر طرفلری اورمانلرله مستور، و میاه جاریه-سی و باغلریله میوه-دار آغاچلری دها چوقدر؛ نصف جنوبیسی ایسه دها باصیق اولدیغی حالده، اکثر طرفلری چپلاق و حزین منظره-لی اولوب، آنجق اراضی مزرعه-سی و حبوبات محصولاتی دها زیاده-در. شمالده-کی طاغلك ذروه-لری همان سرمدی قارلرله مستور اولوب، اك یوكسکی 2650 متره ارتفاعنده-در.

جنوبده-کیلردن اك مرتفعی ایسه 1559 متره یوكسکدر. شمالدن اینن انهارك اك بیوکلری آویلا ایالتندن كلن %تینار\$ ایله سالامانغه ایالتندن كلن %آلاگون\$ نهرلریدر. بونلرک ایکنجیسی %القطره\$ دینمکله مشهور کوپرینك اوست طرفنده تاج ایرماغنه دوکیلور. جنوبدن ایننلرک اك بیوکلری-ده %آلمونته\$ و %سالور\$-در. هواسی ارتفاعه تابع ایسه-ده، یازین عمومیت اوزره پك صیجاق و قیشین اولدقجه ملایمدر. حتی بعض محفوظ دره و وادیلرنده پورتقال و لیمون و اکثر بایلرلرنده زیتون آغاچلری کوزل میوه-لر ویرر. آنجق هوا پك سریع

التحول اولوب، كوندوز ايله كيجه آره-سندده-كى فرق دخى زياده اولديغندن، اكثر طرفلرنده نوبتلى صيتمه-لر اكسيك اولماز. و طوپراغى پك منبت ايسه-ده، اراضى اغنيانك مالى اولوب، كويليلر كونده-لكجى اولدقلىرى، و هر ايكي طرف اصلاح اراضى-يه چالشميوب، آز زحمتله استفاده-يه چالشمقلىرى، زراعت پك مهملدر؛ و اكثر اراضى مرعى كيبى قوللانيلوب، قيون، صغير و خركله-لريله طوموز سوريلىرى پك چوقدر. معادن و احجارك اكثرى موجود ايسه-ده، اخراج اولنانلرى پك آذر. مياه معدنيه-سى و ايليجه-لرى-ده چوق اولوب، اك مشهورلرى %بانيوس\$ و %بروزاس\$ در. صنايع محليه پك كرى اولوب، يوكدن بعض قبا منسوجاتله معمولات دباغيه و صابون و چناق چوملك كيبى شيلر اعمالندن عبارتدر. تجارت و معارف دخى پك كريد. اهالييسندن پورتكىز حدودنده قچاقجىلق ايدنلر پك چوقدر. اهالييسى پك فقير اولدقلىرى حالده، عموميت اوزره مهمانپور، جسور و ناموسلى آدملردر.

1-3530-5

قاسرس نوئا

#1

فيلپينه جزايرنك اك بيوكى اولان لوسون جزيره-سنگ جنوب جهتنده و مانيله-نك 280 كيلومتره جنوب شرقيسنده اوله-رق %ناغه\$ نهري اوزرنده و بونك %سان ميكل\$ قوينده-كى منصبندن 15 كيلومتره يوقارنده واقع ايبالت مركزى منتظم بر قصبه اولوب، 12000 اهالييسى واردر.

2-3530-5

قاسقاد رانجه

#1

يعنى ((شلاله-لر سلسله-سى)) آمريقاي شماليك ساحل غربيى بويجه شمالدن جنوبه ممتد بر سلسله جبال اولوب، ساحلدن آشاغى يوقارى 200 كيلومتره ايچريده اوزانير. ممالك مجتمعه داخنده 41° ايله 42° عرض شمالي آره-لرنده و %شاسته\$ طاغتك شمالنده %سيرانواده\$ يعنى ((قارلى طاغلى)) سلسله-سندن %قلامات\$ واديسيله ايريلوب، شماله طوغرى اوزانير؛ و اورغون جمهوريتى ايچنده 45° 45' عرض شماليده %قولومبيا\$ و نام ديكرله %اورغون\$ ايرماغنه كچيد ويره-جك صورته اكيلوب، بر بوغاز تشكيل ايتدكن صكره، ينه يوكسلوب، %واشينغون\$ جمهوريتتى شق ايله، 49° عرض شماليده انكلتره-يه تابع %دومينيون\$ حدودينه واصل اولور. دومينيون داخنده سلسله مذكوره غربه بر آز ميلانله شماله طوغرى اوزانه-رق 60° عرض شمالي-يه قدر واصل اولور. اك يوكسك ذروه-لرى ممالك مجتمعه-ده اولوب، بونلر اك يوكسكى 4392 متره ارتفاعى اولان %تاشومه\$ ذروه-سيدر. دومينيونده-كى تپه-لرى ايسه 2200 متره-يى تجاوز ايتمز. هر ايكي مائله-سندن بر چوق نهرلر اينوب، غرب طرفندن اينلر طوغريدن بحر محيط معتدله و شرق طرفندن اينلر بحر مذكوره منصب مذكور %قولومبيا\$ ايله %فراسر\$ ايرماقلىنه و بعض كوللره دوكيلور.

1-3531-5

قاسقاسکيه

#1

آمریقای شمالیده ممالک مجتمعه-نک ایلونیس جمهوریتنده بر نهردر، که %اسپرینغفلید\$ک تقریباً 70 کیلومتره شرق شمالیسنده نبعانله، جنوب غربی-یه طوغری آقه-رق، %میسسیپی\$ ایرماغنه تقرب، و 20 کیلومتره قدر نهر مذکورله متوازیاً جریان ایده-رک، 400 کیلومتره-لک مسافه قطع ایتدکن صکره، همنامی اولان قصبه-نک یاننده صولدن نهر مذکوره منصب اولور. مجراسنک بتونی سیر سفائنه صالح اولوب، اطرافی منبت و محصولدار و کمور معدنلرینی حاوی معمور یرلردن عبارتدر. مجراسی اوزرنده بر چوق قصبه-لر بولنیور. صاغ و صولدن بر چوق چاپلر آلیر.

2-3531-5

قاسل

#1

آلمانیه-نک غرب جهتنده و برلینک 378 کیلومتره جنوب غربیسنده اوله-رق %وسر\$ ایرماغنه نابع %فولده\$ نهری اوزرنده و شایان تصویر تپه-لرله محاط کوزل بر وادی ایچنده %هسه\$ ایالتنک مرکزی بر شهر اولوب، 72461 اهالیسی، مکتب اعدادیسی، صنایع مکتبی، دار المعلمینی، 100000ی متجاوز جلدی حاوی کتبخانه-سی، موزه-سی، رصدخانه-سی، تاریخ طبیعی نمونه-خانه-سی، تیمارخانه-سی، متعدد جمعیات علمیه-سی، بر قاج مصنع سرایی و سائر ابنیه عالییه-سی، نهرک اوزرنده کوزل بر کارکیر کوپریسی، متعدد میدانلری و هیکللری، واسع و منتظم سوقاقلری، خارجه کوزل کوشک و باغچه-لری و سائر آثار عمرانی واردر. شهر اوچ قسمدن مرکب اولوب، برینه اسکی، برینه یوقاری یکی و دیکرینه آشاغی یکی قاسل نامی ویریلیور. شهرک 4 کیلومتره غربنده %ویلهمسهوهه\$ سرای مشهوری بولنیور.

3-3531-5

قاسل

#1

فرانسه-نک %نور\$ یعنی شمال ایالتنده %هازبروق\$ قضااسنده و هازبروقک 14 کیلومتره شمالنده ناحیه مرکزی بر قصبه اولوب، 4260 اهالیسی، صابون، دانتله، چوراب و سائره فابریقه-لری و حیوانات تجارتي واردر.

4-3531-5

قاسم

فخر کائنات (صلی الله علیه وسلم) افندمزك اولاد ذکورینك برنجیسی اولوب، حضرت خدیجه (رضها)دن طوغمش؛ و کوچك یاشده اوائل نزول وحیده مکه مکرمه-ده ارتحال ایتمشدر. ارتحالنده-کی سنی حفته اختلاف اولوب، بعضلری یدی کونلک و بعضلری بر ایکی ویا زیاده یاشنده وفات ایندیکنی روایت ایتمشلردر. رسول الله (صلی الله علیه وسلم) افندمز بونک اسمیله (ابو القاسم) تکی بیورمشلردر.
*- صحابه-دن دخی بو اسمله بر قاچ ذات مذکوردر.

5-3531-5

قاسم

ایران شعرا سندن بر وجه آتی بر قاچ ذاتک اسم و مخلصیدر:
برنجیسی قاسم جنابدی، که اعظم ساداتدن عالم و فاضل بر ذات اولوب، شاه اسماعیل صفوی زماننده یاشامش؛ و شاه مشار الیهدن چوق التفات و انعام کورمش ایدی. ((شاهنامه))، ((شاهرخ نامه))، ((لیلی و مجنون))، ((خسرو و شیرین))، ((کوی و چوکان)) عنوانلریله منظومه-لری و سائر مثنویاتی وارد. شو بیت ((لیلی و مجنون)) منظومه-سندندر:

@@@

شد ساعد سیم ناز نیش

چون نال قلم در آستینش

\$

*- ایکنجیسی (میر ابو القاسم فندرسکی) استرآباد مضافاتندن %فندرسک\$ قریه-سندن اولوب، علوم حکمیة-ده عصرینک فریدی ایدی. ایران و هندستانده سیاحت ایدوب، سلاطین و امرا طرفندن اکرام و تعظیم کورمش؛ و مع هذا درویشانه یاشایشدن واز کچمه-مش ایدی. علوم حکمیة-یه دائر بر قاچ رساله-سی واز آن جمله ((رساله صنایعیه)) عنوانیله بر اثری و بعض اشعاری وارد. شو بر قاچ بیت اونکدر:

@@@

چرخ با این اختران نغز و خوش زیبا ستی

صورتی در زیر دارد هرچه در بالا ستی

صیرت زیرین اگر بانردبان معرفت

جانب بالا رود با اصل خود یکتا ستی

این سخنرا در نیابد هیچ فهم ظاهری

کر ابو نصر ستی وکر بو علی سینا ستی

\$

*- اوچنجیسی (میر ابو القاسم) فارسده-کی بیضاء شهرندن ایدی. شو بیت اونکدر:

@@@

روشن دل از محبت شاه ولایتم

در نجف شود ز صفا سنک تربتم

\$

*- دردنجسی (میر محمد) ری قصبه-سندن اولوب، اکبر شاه زمانده هندستانه رحلتله، شاه مشار البهک نواز شنه نائل اولدقن صکره، وطنه عودت ایتمشدی. شو بیت اونکدر:

@@@

هیچ جا خاطر شوریده ام آرام ندید

همه آفاق مکر بهر دل من قفس است

\$

*- بشنجیسی کاشانلی اولوب، اهلی شیرازی ایله مناسبتی وار ایدی. شو بیت اونکدر:

@@@

آن راکه رد کنیم شود رد کائنات

مردود بارگاه دل ماکسی مباد

\$

*- آلتنجیسی (سید قاسم علی) هندستانده سید غوث کوالیاری اولاندن اولوب، انکلیز حکومتی طرفندن فرخ آبادده مأمور بولنیوردی. شو بر ایکی بیت اونکدر:

@@@

دل می طپد او خبر ندارد

عشقم اثری مکر ندارد

آن کیست درین زمان که قاسم

سر دارد و درد سر ندارد

\$

*- یدنجیسی (سراج الدین) خوشکو شعرادن اولوب، شو بیت اونکدر:

@@@

آمدی میخو استم عرض تمنایی کنم

شوق چندان شد هجوم آورکه کویائی نماند

\$

1-3532-5

قاسم آباد

ایرانک خراسان ایالتنده و مشهدک شمال غربیسنده %هریرود\$ه تابع %کشف رود\$ک نبعان ایندیکی بطاقلق
قربنده و %طوس\$ شهر شهیرینک خرابه-لری یاننده بر قصبه اولوب، ایرانک اک مقبول دوه-لرینی یتیشدیبر بر
کرد عشیرتیه مسکوندر.

-* - ینه ایرانك مازندران ایالتنده و برفروشك 255 كيلومتره غرب شمالیسنده اوله-رق بحر خزر ساحلنده دخی بو اسمله بر قصبه و اسكله واردر.

2-3532-5

قاسم آرسلان

ایران شعراسندن مشهدلی اولوب، هندستانه سیاحتله اکبر شاهك اکرانه مظهر اولمش، و 995ده وفات ایتمشدر. مرتب دیوانی وار ایمش. اشعارینه دسترس اوله-مدق.

3-3532-5

قاسم آمدی

اون برنجی قرن هجری علماسندن و مشاهیر خطاطیندن اولوب، وطنی اولان دیاربکردن درسعادته ورودله، طریق علمیده طی مراتب ایدوب، استانبول پایه-سنه نائل اولمش، و 1204ده وفات ایتمشدر. بر پرنج دانه-سی اوزرینه خط غبارین ایله اخلاص شریف یازدیغندن، (غباری) لقبیله مشهوردر. سیادت دعواسنده ایدیسه-ده، نسبی مجهولدر.

4-3532-5

قاسم اکبر آبادی

هندستان شعراسندن اولوب، آکره-ده نشأت ایتمش؛ و افغانستان حاکمی دوست محمد خانك اوغلی اکبر خان نامنه ((ظفرنامه اکبر خانی)) عنوانیله فارسی بر منظومه یا زمشدر، که بونده انکلیزلرک کابل سفرندن دخی بحث ایدیور. بو منظومه-یی 1260ده اکمال ایتمشدر. اشعارینه دسترس اولنه-مدی.

5-3532-5

قاسم انوار، سید صفی الدین

مشاهیر شعرادن و اعظم صوفیوندن اولوب، تبریزده نشأت ایتمش؛ و شیخ صدر الدین اردبیلی-یه انتسابله، طریق تصوفه داخل اولدقن صکره، کیلان و قزوین جهتلرینه عزیزمله، عبادت و ریاضت و ارشادله اشتغال ایتمش؛ و بعده خراسان و هراته واروب، اوراده اکابرک کندیسنک صحبتته زیاده میل و رغبت ایتملری یرلی علما و مشایخک حدتنی موجب اولوب، شهر مذکورده حکم سورمکده اولان شاهرخ سلطانی کندیسندن وهمه صوقمغله، هراتی ترک ایتمسی طولاییسیله کندیسنه تکلیف اولنمش ایسه-ده، دیار مسلمیندن تبعیدی موجب اوله-حق بر

حرکتده بولنمدم ديه-رك، حرکتدن امتناع ایتمش؛ و شاهرخ جبر استعمالنه راضی اولمديغندن، نهایت شهزاده بایسنغر صاحب ترجمه-نك ياننه كیده-رك، شیخ کنديسنگ هراتدن اخراجی مسئله-سنه نقل کلام ایدينجه، بایسنغر صاحب ترجمه-نك ياننه كیده-رك، شیخ کنديسنگ هراتدن اخراجی مسئله-سنه نقل کلام ایدينجه، بایسنغر: سز نیچون کندي سوزكزله عمل ایتمیورسکز ديه-ريك سيدك شو بیینی اوقومش:

@@@

قاسم سخن کوتاه کن بر خیز و عزم راه کن

سکر بر طوطی فکن مردار پیش کرکسان

\$

قاسم بونی ایشیدنجه، بر شیئ سویلمکسزین، همان حاضرلنوب، هراتدن چیقمش؛ و بر مدت بلخ و سمرقنده اکلندکن صکره، بتکرار هراته کلوب، و بر خیلی وقت اقامت ایتمش؛ و بعده وطننه عودت ایتمک اوزره، یوله چیقوب، اثنای راهده جام قرینده %خرجردد\$ قریه-سنده بر باغه اوغرامغله، آب و هوا و موقعنی زیاده بکنديکندن، صاحب باغله اویشوب، بر مدت اوراده قالمغه قرار ویرمش؛ و مریدانی کنديسنه او باغی صاتین آلوب، بر مسکن دخی بنا ایندیمرملریله، بقیه عمرینی اوراده کچیروب، 735 تاریخنده اوراده وفات ایتمش؛ و باغک ایچنده دفن اولنوب، بعده علیشیر نوایی مرقدی اوزینه مکمل بر تربیه بنا ایلمشدر. ((انیس العاشقین)) عنوانیله مختصر بر منظومه-سی و خیلی اشعار عارفانه-سی واردر.

شو مطلع او جمله-دندر:

@@@

رندیم و عاشقیم جانسوز و جامه چاک

با دولت غم تو ز فکر جهان چه باک

\$

1-3533-5

قاسم بازار

هندستانک بنکاله خطه-سنده راجچاهی ایالتنک مرشد آباد سنجاغنده و مرشد آبادک اتصالینده بر قصبه و دها طوغریسی شهر مذکورک بر محله-سی اولوب، 3360 اهالیسی واردر، و اییک منسوجاتیله مشهوردر.

2-3533-5

قاسم برید

هندستانک دکن خطه-سنده برید شاهان دولتک مؤسی اولوب، عن اصل بر ترک ویا کرجی کوله ایکن، دکن حاکمی محمود شاه ثانینک وزیر اولمش، و رتق و فتق اموری الینه اولوب، نهایت 898 تاریخنده اعلان استقلال ایلمش اییدی. اون ایکی سنه حکومت سوروب، 910ده وفات ایتمشدر. اوغلی امیر برید احمد آبادی دخی محمود

شاهدن اخذ ايله، مركز اتخاذا ايتمش، و بونك اوغلى بريد شاه عنواننى آلمشدر. قاسم بريدك نسلندن كنديسيله برابر
يدي كشي حكم سورمشدر.

3-3533-5

قاسم بريد ثانى

آنفا بيان اولنان بريد شاهان دولتنك بشنجى حكمدارى اولوب، 977 تاريخنده احمد آباد بيدار تختنده برادري
ابراهيم بريد شاهه خلف اولمش، و اوچ سنه حكومت سوردكدن صكره، وفات ايدوب، اوغلى على بريد شاه ثانى
خلفى اولمشدر.

4-3533-5

قاسم بك

قره-مان اوغلارينك اخيري اولوب، ديار قره-مانك فتحندن صكره ابو الفتح سلطان محمد خان ثانى زماننده عصيان
ايتمله، صدر اعظم اسحق پاشا عسكر سوق ايدوب، كنديسنى مغلوب و مملكتى يكيدن ضبط ايتديكى حالده، ونديك
دونماسنه التجا ايتمش؛ و سلطان بايزيد خان زماننده يكيدن عصيان ايدوب، سلطان جمه دخى معاونت ايتمش؛ و
نهايت 888 تاريخنده وفات ايدوب، بونكله قره-مان اوغللى سلاله-سى منقرض اولمشدر.

5-3533-5

قاسم بن الحسين، ابو شجاع بن الطوابقى

مشاهير شعراى اولوب، بغدادلى اولديغى حالده، موصل و ديار بكر طرفلرينه سياحتله، ملوك و امرايى مدح
ايلمش؛ و 576 تاريخنده وفات ايتمشدر. شو بر ايكي بيت اونكدر:

@@@

قدمت تهز قوامها يوم النقا
فتساقطت خجلاً غصون البان
وبكت خجاذبها البكاء بمقلتى
فتمثل الانسان في انسان
واحبكم واحب حبي فيكم
واجل قدركم على انساني
\$

6-3533-5

قاسم بن سلام، ابو عبید

مشاهیر علما و ادب‌دان اولوب، فقه و حدیث و تفسیر و ادبیاتده عصرینک فریدی ایدی. پدری هراتده رومی الجنس برکوله اولوب، صاحب ترجمه اوراده طوغمش، و افندیسنک اوغلیله برلکده اوراده تحصیل ایدوب، بعده عراقه ورودله، ابو زید انصاری، ابو عبیده معمر بن المثنی اصمعی، ابن الاعرابی، کسائی و فراء کبی مشاهیردن تحصیل ادب ایتمش؛ و بعده تدریس و تألیفه باشلابوب، یازدیغی کتابلره مقابل عبد الله بن طاهر طرفندن بیوک جائزه-لره و مقنن معاشه نائل اولمشیدی. 219 تاریخنده ایفای حج ایچون حجازه کیدوب، کوردیکی بر رؤیا اوزرینه اوراده قالمش؛ و 222 ویا 223 ده مکة مکرمه-ده و بر روایتده مدینه منوره-ده وفات ایتمشدر. یکرمدین زیاده تألیفات مهمه و معتبره-سی اولوب، باشلیجه-لری: ((الغریب المصنف))، ((الامثال))، ((معانی الشعر))، ((المقصود و الممدود))، ((المذکر و المؤنث))، ((کتاب النسب))، ((کتاب الاحداث))، ((ادب القاضی))، ((عدد آی القرآن و الايمان و النور والحیض))، ((کتاب الاموال)) و سائر-در. طرسوسده اون آلتی سنه قاضیلق ایتمش اولدیغی دخی مرویدر.

1-3534-5

قاسم بن محمد، بن ابی بکر الصدیق رضهم

کبار تابعیندن و مدینه منوره-ده ظهور ایدن فقهاء سبعة-دن اولوب، صحابه کرامدن بر چوق ذواته یتیشه-رک، کندیلرندن روایت ایتمش؛ و کندیسندن دخی کبار تابعیندن بر چوق ذوات روایت ایتمشلردر. تقوی و ورعه دخی زماننک فریدی ایدی. والده-سی یزد جردک قیزی اولمغله، امام زین العابدین (رضه) حضرتلریله تیزه زاده ایدیلر. 101 ویا 102 تاریخنده مکة ایله مدینه آر-سنده واقع %قدید\$ قریه-سنده وفات ایتمشدر. وفاتنده یتمش یاشلرنده ایدی.

2-3534-5

قاسم بن محمد، علم الدین ابو محمد بن العدل بهاء الدین البرزالی الاشبیلی

مشاهیر علمادان و ائمه-دن اولوب، 665 تاریخنده اندلسک اشبیلیه شهرنده طوغمش؛ و اوراده تحصیل علوم ایدوب، استماع حدیث ایچون، دور بلاد ایده-رک، شام و حلب و حجازه قدر کلمش؛ و بعض مدارسده تدریس و افاده ایله و تألیف و تصنیف ایله امرار اوقات ایدوب، 736 تاریخنده 74 یاشنده وفات ایتمشدر. حدیثه دائر اولان تألیفاتندن بشقه، ابن شامه-نک تاریخنه ذیل اولمق اوزره، بش جلد اوزره بر تاریخ یازمشدر. کندی خطیله بر چوق کتابلر یازمش، و بر چوق مجلدات دخی طویلامش اولمغله، وفاتنده وقف ایتمشدر.

3-3534-5

قاسم پاشا، کوزلجه -*.

قانونی سلطان سلیمان خان دوری و زراسندن اولوب، 929 تاریخده مصر والیسی اولمش ایسه-ده، عقبنده احمد پاشانک تعینی لازم کلمکله، صاحب ترجمه در سعادته عودت ایتمش؛ و احمد پاشانک وقوع بولان خیانتی اوزرینه، سنه مزبورده-ده ثانیاً والی مصر اولوب، بو دفعه یدی آی والیک ایتمش ایسه-ده، احوال مصر پک قاریشیق اولدیغندن، صدر اعظم ابراهیم پاشانک بالذات عزیمتی اقتضا ایدوب، قاسم پاشا قالدیرلمش؛ و در سعادته عودتندن صکره وزیر ثانی اولوب، سلطان سلیمان خانک مجارستان سفرینه عزیمتلرنده قائممقام اولمش؛ و بعده موره والیسی اولوب، ناپولیده و ندیکلیله خیلی وقت او غراشمشدر. ترسانه-نک اوست طرفنده-کی قاسم پاشا محله کبیره-سی بونک اسمیله تسمیه اولنمشدر.

-* -ینه قانونی سلطان سلیمان خان دوری و زراسندن دیگر بر قاسم پاشا دخی وارد، که پادشاه مشار الیهک مغنیسا متصرفلغنده معیتلرنده دفتر دار اولوب، جلوس همایونلرینی متعاقب وزارت پایه-سیله قدری برتر اولمش؛ و بر چوق خدماتدن صکره، آرزوسی اوزرینه، مستوفی معاش ایله تقاعد اولنمش ایدی.

4-3534-5

قاسم دیوانه

او ایکنجی قرن هجری ایران شعراسندن اولوب، دیوانی وار ایمش.

5-3534-5

قاسم شیرازی

ایران شعراسندن اولوب، تیمورلنک فتوحاتی مبین ((تمورنامه)) عنوانیله بر منظومه-سی وارد.

6-3534-5

قاسم شیرازی

ایران مشاهیر خطاطین و شعراسندن اولوب، رساملقده دخی مهارتی وار ایدی. قوه حافظه-سی پک زیاده اولوب، بر اوقویشده اوتوز بیٹی حفظ ایتدیکی مرویدر. 947ده وفات ایتمشدر. شاه شجاع نسلندن اولدیغنی ادعا ایدرمش.

1-3535-5

قاسم علی

ایران شعرا سندن اولوب، طوسلیدر. شو بیت اونکدر:

@@@

چو تویی نیدوده هرکسز یوفا و مهربانی

یتو هیچ کس نماند تو بهیچ کس نمانی

\$

2-3535-5

قاسم غباری

[[(غباری) ماده-سنه مراجعت بیوریله.]]

3-3535-5

قاسم قادری، شیخ -*.

هندستانک مشاهیر مشایخندن اولوب، تر به-سی % چونار \$ ده زیارتگاه انام و اتصالنده-کی خانقاه پک معموردن.
قاسم سلیمانی دخی دینمکله معروفدر. اوغلی بالاپیر دخی مظنه-دن اولوب، قنوجده مدفوندر.

6-3533-5

قاسم کاهی، مولانا ابو القاسم نجم الدین کابلی

ایران مشاهیر شعرا سندان و مولانا عبد الرحمن جامینک شاکردانندن اولوب، پدری امیر تیمورک اردوسی معیننده
بولنمش؛ و کندیسی کابلده طوغمشدر. همایون شاهک برادری میرزا کامرانک معیننده حجه کیدوب، هراته عودتله،
میرزای مشار الیهک وفاتندن صکره، 964 تاریخنده هندستانه رحلتله، اکبر شاه زماننده بر مدت بنارسده و بعده
آکره-ده اقامت ایده-رک، 988 تاریخنده، 110 یاشنده اولدیغی حالده، اوراده وفات ایتمشدر. شو بر ایکی بیت جمله
اشعار ننددر:

@@@

بزن بر سینۀ من خنچری چند

زر حمت بر دلم یکشادری چند

وفا ناید دلا از تنک چشمان

مسلمانی مجو از کافری چند

\$

5-3535-5

قاسموف

#1

روسیه-نک و سطرلنده واقع %ریازان\$ ایالتنده و ریازانک 115 کیلومتره شرق شمالیسنده اوله-رق %ولغا\$یه تابع %اوقه\$ نهرینک صول کنارنده قضا مرکزی بر قصبه اولوب، 14100 اهالیسی، دباغخانه-لری، ایپ، کچی قیلندن چول و قویون دریسندن کورک معمولاتی واردر. اون دردنجی قرن میلادیده (غورودچ) اسمیله تأسیس اولنوب، 1452ده تاتار رؤساسندن قاسم خانه ترک اولنغمله، بونک طرفندن تشکیل اولنان خالمغه مرکز اتخاذ اولنمشدی. او وقتدن قالمه بعض جوامع شریفه و سائر مؤسسات اسلامییه خرابه-لری واردر. اهالیسی تاتاری الاصل اولوب، بر محله-سی الیوم اهالی اسلامییه ایله مسکوندر. قزاسنک 126000 اهالیسی اولوب، 5000دن زیاده-سی مسلمدر.

6-3535-5

قاسمی

ایران شعراسندن بر وجه آتی بر قاچ ذاتک مخلصیدر:
*- برنجیسی قاسمی جنابذی که ((قاسم)) ماده-سنده ذکر اولندی.
*- ایکنجیسی صاحب تونی، که عن اصل هراتلی ایکن، %تون\$ قصبه-سنه انتقال، و اوراده وفات ایتمشدر.
طقوزنجی قرن هجریده یاشامشدر. درویش مشربلی بر شاعر ماهر ایدی. %تون\$ فارسیده کلخان دیمک اولدیغندن، شو بیٹی قصبه مذکور-یه هجرتی حقنده سویلمشدر:

@@@

از همت بلند نباشد که قاسمی
شهر هری کزارد وقانع بتون شود
\$

*- اوچنجیسی (مولانا مجد الدین) خراسانده-کی خواف قصبه-سندن اولوب، ابتدا هراتده اقامت، بعده سیستانه عزیمتله، فر-ده وفات ایتمشدر. شیخ سعدی شیرازینک کلستانی طرزنده ((روضه الخلد)) عنوانیله بر کتاب یازمشدر. شو رباعی اونکدر:

@@@

پیوسته بیاد لعل شیرین فریاد
میکرد ز تلخکامی خود فریاد
جان داد نیافت کان دل از شیرین
شیرین میکفت و جان شیرین میداد
\$

*- دردنجیسی عن اصل اردستانلی اولوب، اصفهانده وفات ایتمشدر. شو بیت اونکدر:

@@@

خوش آن غضب که همان لحظه بیکناهی من

شود عیاد و درآیی بعدر خواهی من

\$

-*- بشنجیسی ((شیخ ابو القاسم بن ابی حامد)) کازرونی اولوب ملا میرزاجانک شاکردانندندر. شو بیت اونکدر.

@@@

زاجزای و جودم هر یکی درد دکر دارد

طیب درد مند از من کدامین درد بر دارد

\$

7-3535-5

قاسه

و آلمانجه قاشا و #1 مجارستانک شمال جهتده و پشته-نک تقریباً 200 کیلومتره شمال شرقیسنده %آبأوی تورنه\$ ایالتنک مرکزی بر شهر اولوب، 26100 اهالیسی، آقادیسی، قتولیک یاپاسلرینه مخصوص مدرسه-سی، حقوق مکتبی و سائر مکاتب عالیہ-سی، کتبخانه-سی، تجارت اوطه-سی، تیاتروسی، متعدد مصنع کلیساری، ایچ یاغی، کاغد، باروت، چوخه و سائرہ فابریقه-لری و لهستانله ایشلک تجارتی واردر.

1-3536-5

قاسیتزیده

#1

((قلای آطه-لری)) دیمک اولان بو اسم یونان قدیم جغرافیونی طرفندن آوروپانک غرب شمالی طرفلرنده بر طاقم جزایره ویرلمشدر، که بو آطه-لره ابتدا فنیکه-لیلر، بعده قارتاجلیلر و نهایت رومالیلر یناشوب، قلای اخراج ایتمشدر. انکتره-نک جنوب غربی کوشه-سی قارشیسنده %سورلینکه\$ آطه-لری اولدقلری مظنون ایسه-ده، بونلرده شمدیکی حالده مذکور معدندن اثر یوقدر.

2-3536-5

قاسیکاره

#1

آمریقای جنوبیده %وزونله\$نک جهت جنوبیه-سنده بر نهر و دها طوغریسی طبیعی بر جدول اولوب، %اورنوق\$ ایرماغندن منبعندن تقریباً 300 کیلومتره آشاغیده بر قول صورتنده آیریله-رق %آمازون\$ ایرماغنه تابع %ریونگرو\$ نهر عظیمنه دوکیلور. بو ایکی جسم ایرماق آره-سنده کوزل بر

طریق اختلاط آچوب، درینلکی دخی حد وسطی اوزره 10 متره قدر ایسه-ده، هر موسمه سیر سفائنه صالح دکدر.

3-3536-5

قاسینو

و نام دیکرله سان جرمانو #1 ایتالیانک جنوب جهنده تره دی لایور ایالتنک سوره ایالتنده و سوره-نک 42 کیلومتره جنوب شرقیسنده بر قصبه اولوب، 5470 اهالیسی و اوستنده-کی طاغده سنت بنوا طرفندن آپولونک عبادتنه مخصوص بر معبد خرابه-لری برینه یاپلمش مشهور بر مناستری واردر.

4-3536-5

قاسینی

#1

مشاهیر هیئت شناساندن اولوب 1625ده نیسه جوارنده طوغمش؛ و بولونیه دار الفنوننده هیئت معلمی اولوب، بولونیه سناتوسی و پایا طرفندن بعض فنی و سیاسی مأموریتلره تعیین اولدقدن صکره، فرانسه-یه جلب اولنه-رق، پارسده برلشمش؛ و مشتری وزخک بر چوق پیکلرینی کشف ایله، مشتری و مریخ و زهره-نک کندی محورلری اوزرینه اولان حرکتلرینی تعیین ایتمش؛ و بر طاقم ازیاچ ایله هیئته متعلق بعض آثار معتبره براقمشدر. 1712ده 87 یاشنده وفات ایتمشدر. -* - اوغلی و تورونی دخی علم هیئته انتسابله فرانسه رصدخانه-نک اکمانه و مملکت مذکور-نک طول و عرضلرینی تعیینله خریطه-سنگ اتمامنه دخی خدمت ایتمشدر.

5-3536-5

قاسیوس

#1

اسکی روما مشاهیرندن اوچ ذاتک اسمیدر:

-* - برنجیسی (قاسیوس ویسلینوس) اوچ دفعه قونسلوس اولوب، بعض غالبیتلره-ده نائل اولدقدن صکره، کندیسی زادکاندن اولدیغی حالده، اراضی مضبوطه-نک عوام اهالی ایله متساویاً تقسیمنی تکلیف ایتمش، سناتو طرفندن اتهام اولنه-رق، میلاددن 486 سنه اول (تارپلیان) قیاسندن اوچوریه-رق، اتلاف اولمشدر.
-* - ایکنجیسی (قاسیوس اوتکینوس) سردارلردن اولوب، قراسوس ایرانیلره مغلوب اولدقدن، کندیسی سوریه-یی محافظه ایله-بیلیمش ایدی. بعده پومپئوس ایله قیصر آره-سندنه ظهور ایدن محاربه داخلیه-ده برنجینک طرفنی التزام ایدوب، قیصرک الینه اسیر دوشدیگی حالده، عفو اولمش ایکن، صکره برتوسک همشیره-سنی تزوجله، بونکله و

دیگر بعض آدم‌لرله بالاتفاق، قیصری قتل ایتمش؛ و بعده افریقه-یه کچمش ایسه-ده، اوراده طیانہ-میوب، آسیایه مرورله، اوراده کلیتلی عسکر تدارک ایده-رک، ماکدونیہ-ده بر وتوس ایله برلشمش؛ و قبل المیلاد 42 تاریخنده فلبه-جک اووه-سنه، آنتوان ایله اوقتاوک عسکر یله محاربه ایوب، مغلوب اولنجه، کندینی اتلاف ایتمشدر. کندیسنه روما مشاهیرینک اخیر ی نظریله باقیلیور.

-* - اوچنجیسی (اویدیوس قاسیوس) بنه سردارلردن اولوب، مارق اورل طرفندن سوریه-ده-کی اردونک قیادتته تعیین اولنمغله، 163 تاریخ میلادیسنده ایران عسکرینه غالب کلنجه، کسب غرور ایوب، 175 ده اردوسنه کندینی ایمر اطور طانیتمش ایسه-ده، اوچ آی صکره وفات ایتمشدر.

1-3537-5

قاسیوپه

#1

اساطیر یونانیه-یه کوره کویا حبش حکمداری (کفیا) نک زوجه-سی اولوب، (تیریده) تعبیر اولنان دکیز یریلرینه قارشی حسن و جماله ادعای رقابته قالیشدیغندن، دکیز الهی زعم اولنان (نپتون) غضبه کلوب، دکیزدن بر طاقم جانورلر اخراجله مرقومه-نک ملکنی تخریب، و کندیسنی قیزی (آندرومه) بی دخی بو جانورلره آتمغه مجبور ایتمش؛ و بعده کندیسنی کویا بر برج سمایه تحویل اولنمش، که برجیدر.

2-3537-5

قاسیون

#1

دمشق شامک اوستنده یعنی غربنده ممتد اولان بر طاغ اولوب، مقامات و مقابر صلحاسی و مغاره و سائر غرابتی چوق اولمغله، اسکیدن بری نظر قدسیتله باقلمقه-در.

3-3537-5

قاش

قونیه ولایتک تکه سناغنده و آنطالیه-نک 62 کیلومتره غرب جنوبیسنده اوله-رق اورمانله مستور تپه-لرله محاط بر اووه-ده و دمیر صوبک کنارنده کائن قضا مرکزی بر کوچک قصبه اولوب، 2000 اهالیسی، 10 جامع و مسجدی و 4 مکتب ابتدائیی واردر. -* - قاش قضاسی ولایت و سناغک منتهای غرب جنوبیسنده مثلث الشکل بر اولوب، شرق شمالی جهتندن ینه او سناغک المالی قضاسیله، غرباً آیدین ولایتک منتشا سناغیله، جنوباً دخی آق دکیزله محاطدر. قضا 65 قریه-یی حاوی اولوب، 4228 ی ترکجه لسانیه متکلم روم (؟) و قصوری کاملاً مسلم اولمق اوزره، 39000 اهالیسی واردر. اراضیسی 650748 دونمدن عبارت اولوب، نصفی مزروع و

نصف ديكرى غير مزروعدر. قضانك شمال و شرق طرفلرى طاغلق اولوب، اكثر طرفلرى اورمانلرله مستوردر. اورته طرفى ايسه واسع بر اووه تشكيل ايدوب، ايچندن دمير صو نهريله ديكر بر قاچ چاي آقار. هواسى معتدل و صاغلام و طوپراغى منبت اولوب، بغدادى، آريه، چاودار، مصر، نخود و سائر حبوباتله ميوه-لرك انواعى حاصل اولور. اهالى اسلاميه-سى زراعتله و خريستانلرى تجارت و صنعتله اشتغال ايدر. اخراجاتى %قاليماكى \$ اسكله-سندن و %ميره \$ ليمانندن چيقوب، اورالره ايكى هفته-ده بر بر انكليز واپورى دخى يناشير. اهاليسى بيننده (صارى كچيلى)، (حساملى) و (طاغلى) (عشيرتلىرى دخى بولنوب، بونلر الان خيمه نشين و حيوانات يتيشدير مكله مشغولدرلر.

4-3537-5

قاش

#1

چينك شمال جهتنده واقع قولجه ايلتنده بالقاش كولنه دوكلين %ايلي \$ ايرماغنه تابع بر نهر اولوب، تيان شان سلسله-سنة مربوط خاتون طاغندن نبعانله، غربه طوغرى منبت و كوزل مرعالى حاوى بر وادى ايچنده آقه-رق، 255 كيلومتره-لك جريانندن صكره، قولجه-نك 48 كيلومتره جنوب شرق قيسنده مذكور ايرماغه دوكيلور.

5-3537-5

قاش

افغانستانده سيستانك شرق جهتنده و قندهارك 275 كيلومتره غربنده اوله-رق هلمند ايرماغنه تابع %قاشرود \$ نهرينك صول كنارنده قضا مركزى بر قصبه-در.

6-3537-5

قاشان

ايرانده-كى كاشان شهرينك اسم معربيدر. ((كاشان)) ماده-سنة مراجعت.]

7-3537-5

قاشاو

#1

[[قاسه]] ماده-سنة مراجعت.]

8-3537-5

قاشرود

افغانستانده بر نهردر، كه كوه سياهك جنوبى مائله-سندن نبعانله، جنوبه و بعده جنوب غربى-يه طوغرى آقه-رق، قاش قصبه-سنه واصل اولدقن صكره غربه طوغرى دونر، و %هلمند\$ ایرماغنه دوكلدكن صكره، اونكله برابر سيستانك %نيزار\$ بطاقلغنده نابديد اولور. مجراسى تقريباً 500 كيلومتره اوزونلغنده-در.

9-3537-5

قاشل

#1

ايرلانده-ده مونستر ايلانتك %تيرارى\$ سناغنده و قلونملك 21 كيلومتره شمال غريبنده بر قصبه اولوب، 8250 اهاليلى و وقتيله مونستر دولتلك مركزى بولنمش اولمغله، بعض ابنيه و آثار عتيقه-سى واردر.

1-3538-5

قاشوط

#1

جزاير بحر سفيدك منتهاي جنوبنده و %كريه\$ جزيره-سيله كريدك %سيدرو\$ برونى آره-سنده بر آطه اولوب، ردوس سناغنه ملحق بر قضا تشكيل ايديور. كريدك مذكور برونك 50 كيلومتره شرقنده $35^{\circ} 15'$ عرض شمالى ايله 25° طول شرقنده واقع اولوب، مساحه سطحيه-سى تقريباً 100 مربع كيلومتره و اهاليلى 8500 كشيدير. بونلردن يالكز 100ى مسلم و قصورى روم اولوب، باشليجه كميجيلكله مشغولدرلر. سواحلى قيالرله محاط اولوب، ليمانك آغزى دخى طار مخاطره-ليدير. بو آطه ازمنه قديمه-ده يالكز باليله مشهور ايدي. بعده قورصانلر ملجئ اولمشيدي. قرون وسطاده هونلردن و سائر اقوام وحشيه-نك هجومندن ترك وطن ايدن بر طاقم آرناولدر بو جزيره-يه هجرت ايده-رك، ايتدكلرى تجارت بحريه ايله آطه-يى خيلى اعمار ايتمشلر ايسه-ده، يونان اختلال صره-سنده بونلر طاغيلوب، بعده روم اهالى ايله اسكان اولنمشدر.

2-3538-5

قاشوتيره

#1

آمریقای جنوبیہ برازیلیا ممالک مجتمعه-سنک %بایا\$ جمهوریئنده و باہیہ-نک 100 کیلومترہ شمال غربیسنده و ہمنامی بر نہرک اوزرنده قضا مرکزی بر قصبہ اولوب، 15000 اہالیسی و پک مقبول توتونیلہ جوارلرنده حاصل اولان قہوہ، پاموق و میوہ تجارتی واردر۔
*- ینہ برازیلیانک %ریو غرانده دوسول\$ جمهوریئنده و %یاقوشی\$ نہرینک سیر سفائنه صالح اولان قسمنک منتہاسنہ دخی بو اسملہ بر قصبہ اولوب، 4000 اہالیسی و ایشلک تجارتی واردر۔

3-3538-5

قاشیرہ

#1

روسیہ-نک %تولہ\$ ایالتنہ تولہ-نک 80 کیلومترہ شمال شرقیسنده و %اوقہ\$ نہری اوزرنده قضا مرکزی بر قصبہ اولوب، 5000 اہالیسی، دباغخانہ-لری و بال مومی اخراجاتی واردر۔

4-3538-5

قاشین

#1

روسیہ-نک %تور\$ ایالتنہ و %تور\$ 135 کیلومترہ شرق شمالیسنده %وولغہ\$ ایرماغنہ تابع بر چایک اوزرنده قضا مرکزی بر قصبہ اولوب، 5750 اہالیسی واردر۔

5-3538-5

قاضی، ابو طالب محمود بن علی التمیمی الاصفہانی

مشاہیر فقہان اولوب، اک زیادہ علم اخلاقہ شہرت بولمش؛ و بو علمہ ((التعلیقہ)) عنوانیلہ مشہور بر کتاب تألیف ایتمشدر۔ اصفہانہ خیلی وقت خطیب اولوب، 585 تاریخندہ وفات ایتمشدر۔

6-3538-5

قاضی

ایران شعراسندن درت کشینک مخلصیدر:

برنجیسی (قاضی راضی بن قاضی مسعود) کہ اکثر علومہ ید طولی صاحبی اولوب، ہندستانہ رحلتہ، اکبر شاہک احسانہ نائل اولہ-رق، وطننہ عودت ایتمشدی۔ شو بیت اونکدر:

@@@

بر من شب هجران تو رحمت که چون شمع
میسوزم و جان میدهم و چاره ندارم

\$

*- ایکنجیسی (عبد الله رازی) فضالان اولوب، %ری \$ قاضیلغنده امرار عمر ایتمشدر. شو بیت اونکدر:

@@@

دوروز شد که وفا میکند نمیدانم
که تاچه مصلحت آن شوخ بیوفا دیده

\$

*- اوچنجیسی قزونیلی اولوب، مملکتنده قاضی ایدی. شو بیت اونکدر:

@@@

حسن تو زخط رتبه اعجاز گرفته
انجام تو کیفیت آغاز گرفته

\$

*- دردنجیسی (محمد معصوم) شوستر قاضیسی ایدی. شو بیت اونکدر:

@@@

کیرم که در لباس توان کرد عاشقی
دیوانکی چه کونه توان در لباس کرد

7-3538-5

قاضی احمد

مشاهیر خطاطیندن اولوب، مولوی درویش علیدن اجازت آلمش؛ و یکریمی قدر مصاحف شریفه ایله بخاری
شریف، مصابیح و مشارق کبی بیوک کتابلر و بر چوق دلائل خیرات یازمش؛ و 1411 ده وفات ایتمشدر.

8-3538-5

قاضی اعز

[((ابن قلاؤس)) ماده-سنه مراجعت.]

9-3538-5

قاضی القضاة، ذو الفنون شهاب الدین احمد بن الخلیل بن سعادة الخویی

مشاهیر علما و فقہان اولوب، اکثر علومدن بهره-سی و طبیعت شعریه-سی وار ایدی. پدیری شامده قاضی القضاة اولوب، کنديسی 626 تاریخنده دمشقده طوغمش؛ و اوراده تحصیل علوم ایتدکن صکره، مصره عزیمتله، بض قاضیلقرده بولنمش؛ و بعده وطننه دعوت اولنه-رق، قاضی القضاة اولمش؛ و پک چوق خلق کنديسندن مستفید اولدقاری کبی، کنديسی دخی آخر عمرینه-دک تحصیل علمدن فارغ اولمیوب، یکریمی علمی حاوی بیوک بر کتاب تألیف، و بر چوق کتب مشهوره-یی شرح ویا نظمه تحویل ایلمشدر. 693 تاریخنده دمشقده وفات ایتمشدر. شو بر ایکی بیت جمله اشعار ننددر:

@@@

اما سواک فبابه لا اطرق
حسبی کریم جوده متدفق
ما ان یخاف بطل بآبک واقف
ظماً و بحر نذاک طام مغدق
\$

1-3539-5

قاضی آیاس، ابو وائله آیاس بن معاویه بن قره بن آیاس بن هلال المزنی

عقل و ذکاده و فصاحت و سرعت انتقالده اسمی ضرب مثل حکمنه کچمش بر ذات اولوب، جد اعلاسی آیاس بن هلال صحابه-دن ایدی. فقه و حدیثده دخی اعلم زمان اولوب، عمر بن عبد العزیزک زمان خلافتنده بصره قاضیسی اولمشیدی. و فرت فراست و سرعت انتقالی حقتده خوارق عاده قبیلندن بر چوق امثال و نوادر منقولدر.

2-3539-5

قاضی باقلانی

[[(ابو بکر باقلانی) ماده-سنه مراجعت.]]

3-3539-5

قاضی بغداد، قوام الدین یوسف

مشاهیر علمادن اولوب، عن اصل شیرازلی اولدیغی حالده، فتحندن اول طول مدت بغداد قاضیسی بولنمش؛ و ابن اردبیل فتنه-سنده ماردینه و بر مدت صکره درسعاته رحلت ایده-رک، سلطان بایزید خان طرفندن بعض مدارسه نصب اولنمش؛ و سلطان سلیم خانک اوائل سلطنتنده ارتحال ایتمشدر. ((تجرید)) ایله ((نهج البلاغه))-یی شرح، و مقدمات تفسیری حاوی بر کتاب تألیف ایتمشدر. بعض حواشی دخی یازمش ایسه-ده، وفاتنده اولادی کوچک پاشده بولندقلرندن حفظ اولنه-مامشدر.

4-3539-5

قاضی حسین، ابو علی بن محمد المروروذی

مشاهیر فقہاء شافعیہ-دن اولوب، امام الحرمین و غزالی کبی کبار علمانک تألیفاتندہ کمال شهرتندن القاضی دیہ ذکر اولنور. طول مدت تدریس و افادہ ایله مشغول اولمش؛ و فقہدہ ((التعلیقہ)) عنوانیلہ بر کتاب و سائر بعض آثار بر اقمشدر. 462 تاریخندہ مرورودده وفات ایتمشدر.

5-3539-5

قاضی رشید الدین، ابو حفص عمر بن مظفر الفهری

مشاهیر شعرا و کتابدن اولوب، مصر و شامده خدمات دیوانیہ-ده بولنمش؛ و ملوک و اکابر زمانی حقندہ بر چوق مدحیہ-لر سویلمشدر. 638 تاریخندہ 75 یاشندہ وفات ایتمشدر. شو قطعہ جملہ اشعار ننددر:

@ @ @

لاصنام الزمان عبدت دهرأ

وقد اسلمت واتسع المضيق

فما منهم بغوث اقول هذا

ولكن كل من فيهم يعوق

\$

6-3539-5

قاضی زاده، احمد شمس الدین افندی

دور سلطان مراد خان ثالثده مشیخت اسلامیہ مسندینہ واصل اولان علمادن اولوب، 918 تاریخندہ دنیایہ کلمش؛ و علی الاصول تحصیل علم ایله دور مدارس ایده-رک، چوی زاده و ابو السعود افندی کبی مشاهیر عصرندن استماع علوم ایتمکدن صکره، 963 حلب قاضیسی اولمش؛ و بر مدت متقاعد اولدقن صکره مفتش و 971ده استانبول قاضیسی، 974ده روم ایلی قاضییسکری اولمش؛ و صدر اعظم محمد پاشا ایله بینلرنده برودت حاصل اولمغله، ادرنه-یہ هجرته مجبور اولوب، اورا دار الحدیثندہ تدریسله مشغول ایکن، اوغلنک وقوع وفاتی اوزرینه، درسعادتہ عودت ایدوب، او صره-ده جلوس ایدن سلطان مراد ثالثک التفاتنه مظهر اوله-رق، سلیمانیه دار الحدیثه نقل بیورلمش؛ و 983ده ثانیاً صدر روم ایلی اولوب، 985ده مقام فتوایه ارقا اولنمش؛ و ایکی بچق سنه امور فتوایی بعد الاداره، 988ده ارتحال ایتمشدر. عالم و عادل بر ذات اولوب، ((هدایه))یه شرحی و سائر کتب علمیہ-یہ حاشیہ-لری و تعلیقاتی و بعض میراتی-ده وارد. قاضییسکرلرک روم ایلی و آناطولی بکلر بکلرینه تقدمنه و سائر بعض مراسمده حرمتلرینه سبب اولمشدر.

1-3540-5

قاضی زاده، محمد طاهر افندی

دور سلطان محمود خان ثانیده مسند فتوایه واصل اولان علمادن اولوب، قضاتدن توقادلی عمر افندیك اوغلیدر. 1164 تاریخنده دنیایه کلوب، تحصیل علم ایندکدن صکره، طریق قضایه سلوکلله، آناتولی و روم اینلنده بر چوق قضالرده بولندقدن صکره، 1233ده استانیول قاضیسی، 1240ده آناتولی قاضیعیسگری اولوب، 1241ده مسند فتوایه ارقا اولنمش، و طائفه باغیه-نک الغاسنه فتوی ویروب، مظهر التفات و احسان اولمش ایدی. یکی بچق سنه امور فتوایی اداره ایندکدن صکره، ضعف پیرسینه مبنی، مستوفی معاشله تقاعد اولنمش، و 1254ده وفات اینمشدر. طرق اثنا عشره دائر ((نوریه)) عنوانیله بر رساله-سی و بر قادریه تکیه-سیله دیگر بعض اوقافی وارد.

2-3540-5

قاضی زاده، قاسم افندی

ابو الفتح سلطان محمد خان ثانی دورینک مشاهیر علماسندن اولوب، پادشاه مشار الیهک التفاتنه مظهر اولمش، و حضورلرنده علمای معاصرینیله دفعاتله مباحثه اینمشدر. پدیری قسطنطنیه قاضی و کندیسی استانبوله جلب اولنمازدن اول تیره-ده مدرس ایدی. در سعادتله ورودنده مدارس ثماندن برینه مدرس و بعده بروسه-ده قاضی اولمش ایدی. سلطان بایزید خانک جلوسنده ثانیاً بروسه قضاسنه نصب اولنوب، قبول ایتمه-مش ایسه-ده، جیراً کوندریله-رک، 889 تاریخنده اوراده وفات اینمشدر. علوم ریاضیه-یه دخی و قوفی وار ایدی. کنجکنده سمرقنده سیاحتله، اولغ بکک مدرسه مشهوره-سنده تحصیل علوم و فنون اینمش اولدیغی مظنون اولوب، اوراچه (قاضی زاده رومی) دینملکه شهرت بولمشیدی.

3-3540-5

قاضی زاده، ظهیر الدین اردبیلی

مشاهیر علمادن اولوب، بلاد عجمده تحصیل علوم ایندکدن صکره، تیریزده تدریسه مشغول ایکن، یاوز سلطان سلیم خان حضرتلری شهر مذکوری فتح ایندیکنده، کندیسی معینلرنده آله-رق، درسعادتله کتیرمش، و وظیفه تخصیص اینمشلر ایدی. بعده مصره کیدوب، اوراده عصیان و ادعای سلطنت ایدن خائن احمد پاشایه تابع اولدیغندن، 930 تاریخنده اونکله قتل اولنمشدر. شعر و انشاده مهارتی و حسن خطی دخی وار ایدی. ابن خلکانک مشهور ((وفیات الاعیان)) فی فارسی-یه ترجمه اینمشدر.

4-3540-5

قاضی شریح، ابو امیہ -*۔ بن الحرث الکندی

کبار تابعین اولوب، جاهلیت زمانه یتیشمش؛ و عهد خلافت جناب فاروقیہ کوفه قاضیسی اولوب، طول مدت کمال عدالتله قاضیلق ایتمش؛ و حضرت علی (رضه) زمان خلافتلرنده بونک حضورنده بر ذمی ایله مرافعه اولنمش ایدی. فقهده کی و ثوق و معلوماتیله برابر شعری و مزاح و لطایفی دخی وار ایدی. حقنده بر چوق نوادر منقولدر. 87 تاریخنده 120 یاشلرنده وفات ایتمشدر.

5-3540-5

قاضی عیاص، ابو الفضل -*۔ بن موسی الیحصبی

مشاهیر محدثین و ادباده اولوب، 476 تاریخنده سیته قصبه-سنده طوغمش؛ و اندلسه کچه-رک، قرطبه-ده و سائر مراکز علومده تحصیل علم و استماع احادیث شریفه ایتمش؛ و طول مدت سیته-ده و بر آره-لق-ده غرناطه-ده قاضیلق ایوب، نهایت مراکشه رحلتله، 544 تاریخنده اوراده وفات ایتمشدر. مسلمک کتابنه ((کتاب الکمال)) عنوانیله بر شرح یازدیگی کی، ینه حدیثده ((انوار المشارق)) عنوانیله بر کتاب یازمش؛ و حدیث ام زرعی شرح ایله، ((التنبیهاث)) عنوانیله غریب حدیث حقنده بر کتاب تألیف ایتمش، و سائر کتب مفیده دخی بر اقمشدر. بر چوق اشعاری دخی اولوب، شو ایکی بیت او جمله-دندر:

@@@

انظر الی الزرع وخاماته

تحکی وقد ماست امام الرياح

کتیبه خضراء مهزومه

شقایق النعمان فیها جراح

\$

6-3540-5

قاضی کویی

استانبولک قارشینده و استانبول بوغازینک مرمره-ده کی مدخلنک جنوبی گوشه-سنده بر بلده اولوب، اسکداره تابع و پایتختدن معدوددر. شمال شرقی جهتنده حیدر پاشا و غرب جنوبی طرفنده مهردار و موده محله-لری بولنوب، آرقه-سنده چاملیجه تپه-لرینک اتکلرنده و مرمره ساحلنه-دک اوزانان دوز یرلرده قزیل طوپراق، آجی بادم، ارن کویی و سائر باغلریله کوشکلی بولنیور. قاضی کوینک دائره بلدییه-سنه تابع اولان بو ملحقاتیله برابر اهالیسی 50000 دن زیاده اولوب، علی الخصوص موده ایله مذکور ملحقاتنک اعتدال و لطافت هواسیله منظره-لرینک دلکشالغی سایه-سنده کوندن کونده مقدار اهالی و معموریتی آرتقمده-در. استانبول ایله قاضی کویی و حیدر پاشا و موده و سائر اسکله-لری آره-سنده هر ساعت واپورلر ایشلدیکی کبی آناتولی دمیر یولنک دخی مبدئی حیدر پاشاده

اولمغله، بو يول اسكله ايله ملحقاتی آرە-سندە هر ساعت اختلاطه واسطه اوليور. *-قاضي كويي پك اسكي اولوب، ميلاد عيسادن 676 سنه اول يونانك (مغاره) خطه-سندن بر طاقم مهاجرلر اورايه هجرت، و %بيزانسه\$نك تاسيسدن 17 سنه اوله وضع اساس ايده-رك، %قارخدون\$ اسميله بر قصبه تشكيل ايتمشلردى، كه بونك اهاليسى كندى كنديلرينه اداره اولنوب، استانبول بوغازينك جنوب شرقى ساحلنده بولنان يرلرى دخى تصرف ايتمشلردى. بعده ايران شاهى اسفنديارك يد ضبطنه كچوب، اسكندر ك خروج و وفاتندن صكره %بييتنيا\$ دولتنه تابع اولمش؛ و بر آرە-لق مهردادك ضبطنه كچكدن صكره، نيومديا %يعنى از ميد\$ معاهده-سيله روماليلره ترك اولنمشدى. ميلادك 451 تاريخنده بو قصبه-ده بر بيوك مجلس روحانى عقد اولنە-رق، (اوتبخى) مذهبك بطلاننه قرار ويرمشدى. خرستيانلقدن اول قارخيدونده شمسدن كنايه اولان (اوپلون)ك عبادتنه مخصوص بيوك بر معبد بولنديغى كبي، حيدر پاشا چاپرندە دخى عشق الهه-سى زعم اولنان زهره آيينه مخصوص بر معبد وار ايدى. بونلرك و سائر ابنيه عتيقه-نك انقاضي (بيزانس) ايمپراطورلرى زماننده قسطنطينه معبد و سرايلرينك بناسسنه قوللانلق اوزره قالديرلمشدى. استانبولك فتحنده قارخيدون قصبه-سى خراب اولوب، بعده هر نه سببه مبنى ايسه، قاضي كويي اسميله بعض كبرا صيفيه-لر ينى حاوى كوچك بر كوى صورتته كيروب، يقين وقتته كلنجه-يه قدر او حالده قالمش ايكن، بو صوك وقتلرده بردن بره توسع و فوق العاده كسب عمران ايتمكه باشلامش؛ و هله موده جهتي اك زياده اجنبيلرك رغبتنى قزانمشدر.

1-3541-5

قاضي كويي

بو اسمله بلغارستانده و ادرنه ولايتنده درت بش كوچك قصبه ويا بيوك قريه واردر.

2-3541-5

قاضي كويي

آيدين ولايتنك دكزلى سناغنده و دكزلى ايله سراى كويي آرە-سندە اوله-رق مندرس نهرينك جنوبى ساحلنده بر قصبه اولوب، جمله-سى مسلم اولمق اوزره، 4000 اهاليسى و آلاجه دستكاهلرى واردر.

3-3541-5

قاضي مير

[[حسين قاضي مير]] ماده-سنه مراجعت.]

4-3541-5

قاضی هروی، ابو عاصم محمد بن احمد العبادی

مشاهیر علما و فقهای شافعیه-دن اولوب، 375 تاریخده هراتده طوغمش؛ و اوراده و بعده نیسابورده مشاهیر علمای عصرندن تحصیل علم ایتدکن صکره، بر چوق وقت سیاحتله اکمال تحصیل ایتمش؛ و بر چوق طلبه یتشدیردکن صکره، 458ده وفات ایتمشدر. ((ادب القضاة))، ((الهادی))، ((المبسوط))، ((طبقات الفقهاء)) کتب معتبر-سی جمله تألیفاتندندر.

5-3541-5

قاپول

سامرا قربنده دحلہ-دن آیریلیر بر جدول اولوب، بر طاقم اراضی واسعه سقی ایتمک اوزره، هارون الرشید طرفندن حفر ایدلمش؛ و باشنده %ابو الجند \$ اسمیله بر قصر یاپلمش ایدی. *- بونک اوست طرفنده و قادسیه قربنده دخی نو شیروانک یاپدیرمش اولدیغی %القاپول الکروی \$ اسمیله دیکر بر جدول اولوب، نهروانه منتهی اولوردی.

6-3541-5

قاعون

اندلسده دانیه قربنده یوکسک بر طاغ اولوب، ایکی کونک مسافه-دن کوزکدیکنی یاقوت حموی بیان ایدیور.

1-3542-5

قایاغان

#1

فیلپینه جزایرینک اک بیوکی اولان %لوسون % جزیره-سنگ قسم شمالیسنده بر ایرماقدر، که جزیره مذکور-نک اک بیوک نهری اولوب، جنوبدن شماله جریان ایدر. مجراسی اطرافنده بولنان ایالته دخی بو اسم ویریلیر. *- جزایر مذکور-دن مینداناؤ جزیره کبیره-سنگ اسپانیه-یه تابع قسمنده بر قصبه و ینه جزایر مذکور-نک جنوب جهتده بر قاچ کوچک آطه دخی بو اسمله یاد اولنور.

2-3542-5

قاغو

#1

جاپونيه-نك %كوسو\$ جزيره كبيره-سنده %ساچومه\$ ايلتنده و قاغوسميه-نك 42 كيلومتره جنوب غربيسنده اوله-رق ساحل جنوبيك بر قوينده واقع بر شهر اولوب، 24000 اهاليسى واردر.

3-3542-5

قاغوسيمه

#1

جاپونيه-نك %كوسو\$ جزيره كبيره-سنده توكيونك 100 كيلومتره جنوب غربيسنده و %ناغاساكي\$نك 150 كيلومتره جنوب شرقيسنده اوله-رق همنامى اولان كورفك ايچنده $35^{\circ} 31^{\circ}$ عرض شماليده واقع ايلت مركزى بر شهر اولوب، 54315 اهاليسى و چينى، اسلحه و پاموق ايبلك فابريقه-لرى واردر. وقتيله دها بيوك اولوب، 1863ده انكليز دونماسى طرفندن طوپه طوتيله-رق، احراق اولنمشدى. *- ايلتك 1290281 اهاليسى واردر.

4-3542-5

قاغوسيمه كورفى

#1

جاپونيه-ده %كوسو\$ جزيره-سك ساحل جنوبيسنده قره-لرك ايچنه درين كيرمش بر كورفز اولوب، جنوبدن شماله طوغرى يعنى آغزندن منتهاسنه-دك بويى 80 و شرقدن غربه اكي 10 ايله 18 كيلومتره آره-سنده-در. كورفك اورته-سنده و قاغوسيمه شهرينك قارشيسنده %ساقوره\$ جزيره-سى بولنيور، كه قطرى سكر اون كيلومتره اولمق اوزره، دائروى الشكل اولوب، اورته-سنده %ميتاكه\$ اسميله سونمش بر بركانى واردر، كه اتكلرى پورتقال آغاجريله مستوردردر. بو آطه-نك ايچ طرفنده كورفز دها محفوظدر. كورفك سواحلى اشجار و نباتاتله مستور كوزل تپه-لردن عبارت اولوب، صولرى سواحله بيله پك دريندر.

5-3542-5

قاف

%جبل قاف، قاف طاغى\$ يوكسك و اوزون بر طاغ اولديغى معلوم اولوب آنجق، محلنك تعييننده اختلافات كثيره وقوع بولمغله، افسانه پرستان بو بابده بر چوق مصاللر ايجاد ايتمشلردر. اسمندن و تعريفندن آكلاشلايدىغنه كوره، بر صورت مبهمه و موهمه-ده ذكر اولنان بو طاغ %قافقاس\$ سلسله جبالندن بشقه بر شى دكلدر. قافقاس سلسله جبالنك بر اوجى بحر خزر ك ساسل جنوبيسنى تعقيب ايده-رك، %البرز\$ جبل مشهورى دخى بوكا مربوط اولديغندن، اك اول (كوه قاف) ايران اساطيرنده مذكور اولوب، سيمرغ طير موهمنك مكانى زعم اولنوردى.

آسیای غربیده قافقاس سلسله جبالنك اهمیتی معلوم اولمغله، بو طاغ حقنده ایرانیلرك اساطیری سائر او جهت امنه دخی سرایت ایدوب نیجه غریب اعتقادلر تولید ایتمشدر.

6-3542-5

قافر

و قافریه #1 [(کافر)) و ((کافرستان)) ماده-لرینه مراجعت.]

7-3542-5

قاف زاده

اون برنجی قرن هجری عثمانلی شعراسندن و قضاتدن اولوب، بر تذکرة الشعراسی واردر. 1021 تاریخنده وفات ایتمشدر.

8-3542-5

قافقاس

#1

آسیا ایله اروپا آره-سنده بر جدار یرینی طوتمق اوزره، قره دکیزدن بحر خزره ممتد بیوک بر سلسله جبال اولوب، قره دکیزده کرچ بوغازی قرینده آناپه-نك اوستندن باشلايه-رق، غرب شمالیدن شرق جنوبی-یه طوغری اوزانمغله، بحر خزر ساحلنده باکویه قدر ممتد اولور. بویی تقریباً 1200 کیلومتره اولوب، اورته جهتنده یعنی %داربال\$ بوغازی جوارنده وسطی صورتده اکی 90 کیلومتره ایسه-ده، بونك صاغ و صول جهتنده وسعتی آرتوب، مثلا %البرز\$ طاغنك بولندیغی محله اکی 200 کیلومتره-دن آشاغی دکلدر. یرلیلر یعنی تاتارلر، کرگیلر و سائر اهالی محلیه بو سلسله-یه %یالبوز\$ نامنی ویرلر. ترکجه-ده %قاف طاغی\$ دخی دیرلر. قافقاس سلسله جبالی بر نك صره صورتده اوزانمیوب، اکثر یرلرنده متوازیاً اوزانیر بر قاچ شعبه-یه انقسام ایدر. بو شعبه-لر بر چوق یرلرده برلشوب، بر صره دوکوملر تشکیل ایتدکدن صکره، ینه آیریله-رق، بر طاقم قپالی حوضلر تشکیل ایدرلر، که بونلرک-ده جبالک اتکلرندن آقوب طوپلانان صولرک جریاننه یول ویره-جک برر مخرجلری واردر. بو حال قافقاس سلسله جبالنه مخصوصدر. اک یوکسک محلی %قوبان\$ ایله %ترک\$ منابعی آره-سنده و '21° 43 عرض شمالی ایله '6° 40 طول شرقیده واقع %البرز\$ جبل مشهوری اولوب، 5665 متره ارتفاعی واردر. سونمش بر برکاندن عبارت اولان بو طاغک تپه-سی آت نعلی شکلنده اولوب، اسکی برکانک آغزینی آکدیریور. ایکنجی درجه-ده-کی ذروه-سی وسطنده و مذکور داربال بوغازینک غرب جهتنده واقع %قازبک\$ طاغی اولوب، 5065 متره ارتفاعی واردر. کرک بو ایکی جسیم طاغک صرب و دهشت انکیز یانلری و کرک آره-لرنده اوزانان صرتک دستره-نك دیشلرینه مشابه ذروه-لری سردی قارلرله مستور اولوب، سلسله-نك سائر طرفلرنده-کی تپه-لر و صرتلر دخی ابدی انسان آياغنك باصمیدیغی یرلر ایسه-ده، بونلرک غریب

شکلرینی و دهشت نما عظمتلرینی سیر ایده-بیلیمک ایچون پک مرتفع محللره، و آلپ سلسله جبالنده 1000 متره-لك ارتفاعلره قدر اینن بوز دره-لرینی کورمک ایچون قافقاس جبالنده 2000 و 2500 متره-دن یوقاری ارتفاعلره قدر چیقماق ایجاب ایندیکندن، قافقاس جبالنک غرابت و عظمتی بردن بره کوزه چارپمیور.

قافقاس سلسله-سی طولاً اوچ قسمة منقسمدر: برنجی قسمی آناپه-دن قویان منابعه-دک قره دکیز ساحلی بوینجه ممتد اولان قسم غربیسیدر، که 430 کیلومتره اوزون اولوب، صرتی قره دکیز ساحلندن 10 و نهایت 40 کیلومتره اوزاق اولدیغی حالده، جنوب غربی اتکلری دکیزه قدر اوزانه-رق، آبازه مملکتی تشکیل ایدر؛ و شمال شرقی اتکلری قویان وادیسنه و آزاق دکیزیله روسیه-یه طوغری ممتد اولان واسع اووه-لره اینر. بو قسم شرق جنوبی-یه طوغری اوزاندقجه، ارتفاعی آرتوب، ساحل بحدن 40 کیلومتره ایچریده اولان %اوشنک تپه-سنک 4575 متره ارتفاعی واردر. بونک قارشیسنده سلسله-نک شمالده بر ایکنجی صرتی متوازیاً اوزانمغه باشلائیوب، %قره بابله %باربالو نامیله البرز جبلنه واصل اولور. بو ایکنجی صرتک بر چوق بوغازلری اولوب، اصل قافقاس صرتندن اینن صولره کچید ویریور. اصل قافقاس سلسله-سنک دخی بو قسمده بعض بوغاز و کچیدلری وار ایسه-ده، بونلرک هیچ بری آرابه و طوب کچمسنه مساعد دکلدر.

ایکنجی قسمی قویان منبعندن %باربالو طاغنه قدر اوزانان قسم وسطی اولوب، بویی 300 کیلومتره-در، و البرز و قازبک طاغلرینی یعنی سلسله-نک اک یوکسک یرلرینی حاویدر. بو قسمده سلسله-نک اصل صرتندن بشقه متوازیاً اوزانیر اوچ صرتی دخی اولوب، بو صرتلری بربرینه ربط ایدر بعض شعبه-لری واردر. غرائیدن اوله-رق البرز و قازبک کبی اک مرتفع ذروه-لری ده بو ایکنجی صرتلرده بولنیور. مذکور ایکی طاغدن بشقه اولوخول، طونغوز، اوردم، قطحان طاغی، دیک طاغ، آغشتن کبی بر چوق مرتفع ذروه-لری واردر. بو قسمک-ده بر قاچ کچیدی اولوب، اک صاعلامی %داربالو بوغازیدر، که اک یوکسک یری 2427 متره ارتفاعنده اولوب، روسلر طرفندن سوق الجیش طریقى اتخاذ اولنمشدر. قافقاسک اشیو قسم وسطیسندن بر قاچ قول آیریلوب، جنوبه طوغری اوزانیر. بونلرک چوغی %کور ایرماغنه تابع انهارک وادیلری اره-سندده اوزانه-رق، مذکور ایرماغک وادیسنه منتهی اولور. یالکز %قازبک طاغندن آیریلوب، غرب جنوبی-یه طوغری ممتد اولان بر قول ماوراء قافقاس طاغلرینه یعنی کوچک قافقاس سلسله-سنه اولاشوب، قره دکیز مائله-سنی بحر خزر مائله-سندن آیریور. بو طاغک اک یوکسک ذروه-سی 1926 متره ارتفاعنده در.

اوچنجی قسم %باربالو طاغندن بحر خزر ساحلنده-دک اوزانان قسم شرقیسی اولوب، 430 کیلومتره بویی واردر. مذکور طاغدن صاری طاغه قدر جنوبه پک آز میل ایله شرقه طوغری اوزانه-رق، مبدئده %آندی اسمیله شرق شمالی-یه طوغری %لزکی مملکتی ایچندن بر قول اوزاندیغی کبی، منتهاسنده دخی مذکور صاری طاغدن %دربندده یعنی باب الابوابه منتهی اولمق اوزره، شرقه طوغری داغستانک ایچندن بر ایکنجی قول اوزاتیور. بو ایکی قول ایله بونلرک صالقلری شعبه و اتکلر داغستانه طاغلق و پک عارضه-لی بر یر حالنی کسب ایندییریور. 3662 متره ارتفاعی اولان مذکور صاری طاغدن قافقاس سلسله-سی جنوبه و بعده جنوب شرقی-یه طوغری دونه-رک، و کیتدکجه ارتفاعی آزاله-رق، باکو شبه جزیره-سندده بر صره تپه-لر صورتنده ساحل بحره واصل اولور.

قافقاس سلسله جبالنک صرت و ذروه-لری سرمدی قارلرله مستور و اتکلری صرب و بعض یرلرده اورمانله مزیندر. هر نه قدر شمالی مائله-سنک قول و شعبه-لری ده چوق و اتکلرینک میلانی ده آ ایسه-ده، او جهندن حدای بحدن پک آز فرقلری اولان آلچق اووه-لره ایندیکندن، سلسله جبال جسیم بر دیوار کبی کورینیور. جنوبی مائله-سی ایسه ده دیک و قول و شعبه-لری ده آ ایسه-ده، ارتفاعلری 2000 متره-دن آشاغی اولمیان وادیلره و یوکسک یرلره ایندیکندن، قافقاس سلسله-سنک درجه ارتفاعی او قدر کوزه چاریماز.

اراضیسی صرت و تپه-لرده غرانیت و دها آشاغیده پورفیرک انواعیله سائر احجار و اتربه-دن و اک آلچق اتکلرنده اراضی مترسبه-دن عبارت اولوب، کومش، قورشون، دمیر، باقیر و سائر معدنلری و باکو جهتنده نطف قویولری چوقدر.

شمالی مائله-سندده %البرز\$ و جنوبی مائله-سندده %قازیک\$ طاغلری برر تقسیم میاه خطی تشکیل ایده-رک، شمالاً البرز طاغنگ غرب جهتنده قافقاس سلسله-سندن اینن صولرک جمله-سی بالتجمع %قوبان\$ ایرماغنی تشکیل ایدرلر، که آزا ق دکیزینه دوکیلور. البرزک شرق جهتنده %آندی\$ شعبه-سنگ منتهاسنه-دک قافقاسک شمالی اتکلرندن اینن میاه جاریه بالاجتماع بحر خزره دوکلین %ترک\$ ایرماغنی تشکیل ایدرلر. قسم شرقیسنگ شمال شرقی اتکلرندن اینن صولر دخی ینه بحر خزره منصب %صولاق\$ ایرماغنی تشکیل ایدرلر، و بر طاقلری طوغریدن طوغری-یه بحر مذکوره دوکیلور. جنوبی مائله-سنگ ایسه قسم اعظمک یعنی %قازیک\$ طاغنگ شرقنده-کی طرفک بتون میاه جاریه-سی بحر خزره منصب %کور\$ ایرماغنه و مذکور طاغک غرب جهتنده-کی طرفک صولری بحر سیاهه منصب %ریون\$ ایرماغنه ویا طوغریدن طوغری-یه بحر مذکوره دوکیلور.

1-3544-5

قافقاس

کوچک یاخود آشاغی - * - #1 روسیه-نک ماوراء قافقاس مملکتنده و قافقاس سلسله-سنگ جنوبنده اوله-رق عثمانلی و ایران حدودی قریبده بولنان طاغلره ویریلن اسم اولوب، بو طاغلا، بر سلسله ویا صرت تشکیل ایتمکسزین، بر طرفدن %سورام\$ طاغی واسطه-سیله قافقاس سلسله-سندده و بر طرفدن دخی ارضروم طاغلرینه و آناتولینک %طاوروس\$ جبالنه مربوطدر. بو طاغلا باشلیجه کوز ایله آراس وادیلری آره-سندده اولوب، اک یوکسکلری اولان %الاکوز\$ک 4000 متره ارتفاعی وارددر. احوال اراضی و معادن و اورمان و سائر احوالجه بونلرک دخی اصل قافقاس سلسله-سندن فرقلری یوق کبیدر.

2-3544-5

قافقاسیه

یاخود بلاد قافقاس - * - #1 آسیا ایله آوروپا آره-سندده و قره دکیزله بحر خزر بیننده روسیه دولتته تابع بیوک بر یر اولوب، 10 ایالت ایله بر مستقل سنجاقدن عبارت اولدیغی حالده، بر کونه امتیازاتی حائز اولمقسزین بر اداره واحده آلتنده و آیریجه اوله-رق، بر والی عمومینک تحت اداره-سندده بولنور. قافقاسیه مادون قافقاس #2 و ماوراء قافقاس #3 اسملریله ایکی-یه منقسم اولوب، بو ایکی قسمک آره-سندده قافقاس سلسله جبالی ممتد اولمغله، برنجی قسمی آوروپا و ایکنجیسی آسیا قطعه-سندن معدوددر.

حدود و مساحه-سی -- %قافقاسیه\$ شمالاً %بیبا\$ و صاری قامش نهر و بطاقلریله روسیه-نک %دون\$ و %اژدرخان\$ ایالتلرندن آیرلمش اولدیغی حالده، شرقاً %بحر خزر\$له،

جنوباً %ایران\$ و ممالک عثمانیه-ایله، غرباً دخی %قره دکیز\$ و %آزاق\$ دکیز یله محدوددر. مساحاً سطحیه-سی 472 554 مربع کیلومتره اولوب، 7300000 اهالیسی واردر.

شکل طبیعیسی، جبال و انهارى. * - قافقاسیه غیر منتظم بر معین شکلنده اولوب، شمال غربیدن جنوب شرقی-یه اولان طول اعظمی قوش اوچشی حسابیله 1200 و اک طار محلنده یعنی 42° عرض شمالیله پوتی ایله دربند آره-سنده اکی 535 کیلومتره-در. قافقاس سلسله جبالی بو مملکتک اورته-سندن کچوب، مملکتی هر جهتجه بربرینه اصلا بکزه-مز و مخالف ایکی قسمه آیریور. سلسله مذکوره-نک شمالنده دوز و آچق و طوزلی بطاقلقاری حاوی بر طاقم اووه-لر ممتد اولدیغی حالده، جنوبنده بو سلسله-نک قارشیسنده بوندن آچق لکن ینه خیلی مرتفع دیکر بر طاقم طاغیر یوکسلوب، ایکیسی آره-سنده 2000 متره ارتفاعلی اولان بر طاقم وادیلر بولنور. سلسله-نک شمالنده-کی یرلر روسیه-نک و دشت قیچاقک مرعالق اووه-لرندن معدود اولدیغی حالده، ماوراء قافقاس پک عارضه-لی و مرتفع بر یر اولوب، بربرلرینه گرفت صرب و یوکسک طاغیری حاویدر. بو مملکتک طاغیری آنفاً ((قافقاس)) و ((کوچک قافقاس)) ماده-لرنده بیان اولندیغندن، تکرارینه حاجت یوقدر. انهارینه کلنجه، طاغیرک ارتفاعی و سردی قارلرله مستوریتی بالطبع میاه جاریه-نک کثرتی منتج اولوب، کرک قافقاس سلسله-سندن و کرک دیکر طاغیردن بر چوق انهار آقوب، مملکتک ایکی طرفنده-کی دکیزلره دوکیلور. قافقاسیه انهارینک اک بیوی %کور\$ ایرماغیدر، که قافقاس سلسله-سنگ جنوبی اتکلریله کوچک قافقاسدن اینن بر چوق انهاردن بالتشکل، بو ایکی طاقم طاغیرک آره-سنى ایران مرتفع و پک کنیش بر وادینک ایچنده شرق جنوبی-یه طوغری جریانله، قره-باغ اووه-سنة دوشدکن صکره، ارضروم جوارندن کلن و بر بیویک مسافه-ده ایران حدودینی آیروب صاغ و صولدن بر چوق چایلر آلان %آراس\$ نهریله برلشه-رک، قزیل آغاج قوینک اوست طرفنده بحر خزره دوکیلور. بو وجهله ماوراء قافقاسک قسم اعظمی کور ایرماغی حوضه-سندن عبارت اولوب، بحر خزر مائله-سنده واقعدر. یالکن %قوتاییس\$ ایالتیله قره دکیز مستقل سنجاغی قره دکیز مائله-سنده بولنوب، مذکور ایالتده چوروک صو و %ربون\$ ایرماقلری و کرک ایالت مذکوره-ده کرک سنجاغده بر چوق کوچک نهرلر دخی بحر مذکوره منصب اولور. ماورای قافقاس قسمی ایسه ایکی مائله آره-سنده همان متساویاً منقسم اولوب، نصف شرقیسینک صولری بحر خزره و نصف غربیسینک کیلر آزاق دکیزینه دوکیلور. برنجی مائله-نک اک بیویک نهری %ترک\$ ایرماغیدر، که قافقاس سلسله-سندن و بونک بر قولی اولان %آندی\$ طاغیردن اینن پک چوق چایلردن بالتشکل، شرق و شرق شمالی-یه طوغری جریانله %قیزلر\$ قصبه-سی یاننده بر چوق قوللره آیریله-رق بحر خزره دوکیلور. بوندن بشقه داغستانده بحر مذکوره دوکیلور بر چوق نهرلر بولنوب، اک بیویکلری شمال جهتده-کی %صولاق\$ ایرماغیدر. قسم غربیسینک میاه کثیره-سی ایسه بالتجمع %قوبان\$ ایرماغنی تشکیل ایدیور. بوندن بشقه مملکتک شمال جهتده اووه-ده-کی اوفق تفک تپه-لردن نبعان ایدن بر طاقم چایلر بعض کوللر و بطاقلقار تشکیل ایده-رک، آزاق دکیزینه دوکیلور. بونلرک اک بیویک %بیبا\$ ایله %مانیچ\$ نهرلری اولوب، بو ایکنجیسی قافقاسیه-نک حدود شمالیه-سی بوینجه بحر خزره طوغری اوزانان صاری قامش بطاقلقاریله برلشیر، و بوکاده بر چوق چایلر دوکیلور. جهت شمالیه-ده-کی مذکور بطاقلقارندن بشقه، قافقاسیه-نک بیویک و کوچک بر قاچ کولی اولوب، اک بیویک اربوان ایالتنده-کی کوکجه و نام دیکرله %سوانعه\$ کولیدر، که 1393 مربع کیلومتره مساحه سطحیه-سی واردر. ایکنجی درجه-ده باکو ایالتنده و قره-باغده واقع %محمود چالاسی\$ نام چفته کوللرله قارص ایالتنده واقع %چالیدر\$ و تفلیس ایالتنده کائن %خوزاپان\$ و %توپوراوان\$ کوللریله دیکر بر قاچ کوچک کولدر.

طبیعت اراضیسی، نباتات و حیواناتی، محصولات و منابع ثروتی. * - نباتات و محصولاتجه قافقاس سلسله-سنگ شمالنده-کی یرلرک بو سلسله-نک جنوبنده-کی ماوراء قافقاسدن چوق فرقی اولوب، برنجیسی غیر منبت و آنجق

مرعا كىي قوللانيلان طولى اووه-لردن عبارتدر. ماوراء قافقاس ايسه نباتات و محصولاتجه دنياك اك زنكين يرلرندن معدود اولوب، حتى ميوه-دار آغاجلرله حيوباتدن اكثرينك اورالردن اوروپايه نقل اولنديغي بعض دلائل ايله مظنوندر. بو جهتجه اراضى مذكوره ارتفاعه و اقليم و هوانك مساعده-سنه كوره بش طبقه-يه منقسمدر. برنجى طبقه-سى بيك متره-دن آلچق اولان يرلردر، كه پاموق، پرنج، طوت و بويابه يارار نباتات يتيشير، و باغلى چوق اولوب، پك ابي محصول ويرر. بيك ايله بيك بشيوز متره آر-لرنده بر ارتفاعه بولنان ايكنجى طبقه-نك هواسى معتدل اولوب، بو يرلرده باغچه-لر و اشجار مثمره-نك انواعيله بغداى، دارى و ياغ اخراجنه يارايان حيوبات متنوعه حاصل اولور، و ميوه-لرى پك لذيددر. بيك بشيوز ايله ايكي بيك متره آر-سندره بر ارتفاعه بولنان يرلرك هواسى سرين اولوب، بو طبقه-ده اورمانلر چوقدر، و آرپه، چاودار، يولاف ايله بهارده اكيلن بغداى حاصل اولور. اورمانلرنده اوروپا قطعه-سندره يتيشن اشجارك جمله-سى بولنور. ايكي بيك متره-دن يوكسك يرلرده چام آغاجلريله اكرى بوكرى بعض جوجه آغاجلر بولنوب، بونلر 2700 متره-لك ارتفاعلره قدر چيقار. اوندن يوقارى يالكز اولور و مرعالر بولنوب، نهايت 4000 متره-لك ارتفاعى متجاوز اولان طاغلر سרمدى قارلرله مستورددر. اراضيسنك اكثرى صرب و قيالق و پك يوكسك اولديغي كىي، بعض جهتلرنده و على الخصوص شرق طرفلرنده دخى اكثرى قوراقلق حكم سورديكندن، زراعته الويريشلى يرلرى نسبةً آزدر، و زراعت هنوز اصول قديمه اوزره و نقصان آتله اجرا اولنمقده-در.

حيوانات اهليه-سى قيون، كچى، صيغير، خركله و سائر-ه-دن عبارت اولوب، شمالي اووه-لرنده دهها زياده-در. طاغلرده اوروپا قطعه-سنك حيوانات وحشيه-سى بولنور. قافقاس سلسله-سندره و سائر طاغلرده كومش، قورشون، دمير، باقير و سائر معدنلر بولنيورسه-ده، هنوز پك آزى چيقارلمقده در. باكو جهتنده اسكيدن برى معروف نطف قوبولرى بولنوب، بونلرك برى طوتيشديريلوب دائمى صورته يانمغله، وقتيله زردشتيلر طرفندن آتشكده اتخاذا اولنمشدى. اورالدره كلينتى غاز دخى چيقار.

اقليم و هواسى. *- قافقاسيه-نك هواسنده اصلا اعتدال اولميوب، يازلرى پك صيجاج و قيشلرى زياده صوتوق اولديغي كىي، كوندوز ايله كيجه آر-سندره دخى بيوك بر فرق وارددر. غرب جهتنك ياغمورلرى پك چوق اولديغي حالده، شرق و جنوب جهتلرنده اكثرى قوراقلىق حكم سورر. مع هذا ارتفاعك درجاتى و دره و بايرلرك وضعيتى هوايى تعديل ايتمه يارار. اكثر طرفلرنده قيشلرى اوزون و پك شدتلى اولوب، صولر طونار. تقسيماتى، شهر و قصبه-لرى. *- قافقاسيه، دردى سلسله جبالك شمالنده و قصورى ماوراء قافقاسده اولمق اوزره، اون ايالت و بر مستقل سنجاهه منقسم اولوب، بونلرك اساميسيله مساحه سطحيه و مقدار نفوسلرى و مركزلرى بر وجه آتيدر:

###

(قافقاسك شمالنده)

ايالت

مربع كيلومتره

نفوس

مركزى

قوبان

94376

1241363

يقانرينودار

60596

657554
استاوروپول
ترك
69467
692494
ولادوسلاو
داغستان
29762
592533
دمير خان شورا
\$

(ماورای قافقاسده)
باکو
39306
735360
باکو
یلساوتوپول
44136
729876
یلساوتوپول
اریوان
27830
667464
اریوان
تفلیس
44607
859762
تفلیس
قارص
18647
162665
قارص
قوتاییس
36378
922564

قوتاييس

قره دكيز سنجاغى

7347

22399

نووروسيسك

\$

مرکز عمومىسى تفليس شهريدر. يكرمى بيكدن زياده نفوسى اولان شهر و قصبه لرى-ده بر وجه آتيدر:

###

تفليس

79551

باكو

45679

يفاترينودار

39610

استاوروپول

36651

ولاديقافاس

33981

شماخى

28545

مايقوب

27925

شوشه

26806

بيسك

25915

نوخه

25757

الكساندروپول

22670

يليساوتوپول

20294

قوتاييس

20227

\$

صنایع و تجارتی، وسائط اختلاطی. *- صنایع محلیه خالی و سجاده و سائر بعض منسوجاتله بعض اسلحه و سائر اعمالندن عبارت اولوب، بعض نفیس معمولات چیقارسه-ده، بونلر ال ایشی اولوب، جزئیات قبیلندندر. اخراجاتی باشلیجه نطف و غاز ایله کراسته-دن عبارتدر. آنجق آسیا ایله آروپا آره-سندده بر طریق تجارت اولمغله، ترانسیت تجارتی خیلی ایشلکدر. قره دکیزده پوتی و باطوم اسکله-لرندن بدأ ایله بحر خزرده باکو اسکله-سندده منتهی اولان دمیر یول خطی بو تجارتی تسهیل ایدر. روسیه-نک ایچندن کلن بر خط دخی قافقاس سلسله-سندده شمالی اتکنده بولنان %۱۰ ولادیقافقاس \$ شهرینه اصل اولوب، قره دکیز ساحلنده-کی %۱۰ نوووروسیسیکی \$ اسکله-سندده بر قول دخی اوزادیر.

اهالیسی، جنسیت و لسان و مذهبلی. *- قافقاسیه-نک اهالیسی پک مختلف الجنس اولوب، بو مملکتده 70دن زیاده لسان سویلندیکی مرویدر. آسیا ایله آروپا آره-سندده بر ممر اولمغله، تاریخک ضبط ایده-مدیکی پک اسکی زمانلرده آسیادن آروپایه هجرت ایدن اقوام مختلفه-دن اوراده قالمش برر مقدارلری احفادنن اولدقلری مظنوندر. حتی بعض لسانلرک یالکز بر ایکی کویده سویلندکلری کورلمشدر. بو کیی استثنالردن صرف نظر اولندیغی حالده، الیوم قافقاسیه-ده ساکن اهالی بر وجه آتی اوچ زمره-یه تقسیم اولنه-بیلیرلر: اول اصلا قافقاس زمره-سی، ثانیاً اقوام تورانیه-دن اولان ترک و تاتار و مغوللر، ثالثاً اقوام آریه-دن اولان روسلرله ارمنیلر و ایرانیلر و سائر. اصل قافقاس زمره-سی بر چوق اقوام و اجناسدن مرکب اولوب، بونلرک باشلیجه-لری بر وجه آتیدر: اول چرکلر، که قوبان ایالتنده و ترک ایالتنک قسم غربیسندده یعنی قافقاس سلسله-سی قسم غربیسنک شمالی اتکلرنده ساکن اولوب، سلسله مذکور-نک قره دکیزه اینن غرب جنوبی اتکلرنده ساکن آراز-ملر و داغستانک یوقاری جهنتده ساکن چچنلرله برابر بر قوم عد اولنه-بیلیرلر. بونلر طول مدت روسیه-یه مقاومت ایندکدن صکره، قرن حاضر میلادی اواسطنده مغلوب اولدقلرنده، بر ملیونه قریب نفوسلری ممالک عثمانیه-یه هجرت ایتمکله، شمذیکی حالده مملکتلرنده موجود بولنانلری یاریم ملیوندن زیاده-جه-در. ثانیاً داغستانک اهالی اصیله-سی اولوب شمذیکی حالده یوقاری جهنتده ساکن بولنان لزکیلر، که 650000 کشی راده-لرندده-در. ثالثاً سلسله جبالک جنوبنده کور و ریون حوضه-لرندده ساکن اولان کرچیلرله جنسیت و لسانجه بونلرله قریب اولان منکرلی و ایمرت و سائر اقوام که بر ملیونه قریب نفوسدن عبارتدرلر. رابعاً ترک ایرماغنک منابعنده ساکن و 27000 نفوسدن عبارت اولان (اوست)لرله یالکز 6000 نفوسه بالغ اولان (سوانت) قومی. باطوم جهنتده ساکن بولنان لازلر دخی جنسیتجه قافقاس اقوامندن ایسه-لرده، لسان مخصوصلرینی اونودوب، الیوم لسان ترکی ایله متکلمدرلر.

اقوام تورانیه-دن بولنان ترک و تاتارلرله ترکلشمش مغوللر قافقاسیه-ده کثرتی اولوب، بو مملکتک بتون شمال شرقی قسمیله داغستانک آشاغی جهتی و علی العموم بحر خزر سواحلی و بتون قسم جنوبیسی ترک اهالی ایله مسکوندر. بونلرک مجموعی بر بچق ملیوندن زیاده-در.

اقوام آریه-دن ارمنیلر قافقاسیه-نک جنوب جهنتده و علی الخصوص اریوان و تفلیس ایالتلرنده ترکلر و کرچیلرله قاریشیق اوله-رق بولنوب، مقدارلری 720000 کشی-یه بالغ اولور. روسلر ایسه باشلیجه قافقاسیه-نک شمال غربی جهنتده و بحر خزرک بعض سواحلیله تجارتکاه شهر و قصبه-لرده بولنوب، بر بچق ملیوندن زیاده-یه بالغ اولمشلردر. بونلردن ماعدا آز مقدارده روم، آلمان، یهودی، چنکانه و سائر دخی واردر.

اقوام مذکور-ه-دن چرکسلر، آراز-ملر، چچنلر، لزکیلر، کرچیلرک بر قسمی، لازلر و بتون ترکلرله تاتارلر دین اسلامه متدین اولوب، یالکز کرچیلرک بر قسمیله ارمنیلر و روسلر خرسیتیاندر. بو وجهله قافقاسیه اهالی عمومیه-سندک ثلثانی مسلم و آنجق بر ثلثی خرسیتیان و سائر-در. اهالینک مقداری کیتکجه آرتمقده ایسه-ده، بو تزايدک زیاده مملکته هجرت ایدن روسلر و ارمنیلرله اولوب، اهالی اسلامیه-دن خارجه هجرت ایندلرک یرینی بونلر طوتمقده-در.

احوال تاریخیه-سی. *- قافقاس اسکیدن بری معروف اولوب، کرك عبرانیلر کتابلرنده و کرك اساطیر یونانیه و ایرانیه-ده مذکوردر. آنجق بو مملکتک احوالی مجهول قالب، ایکنجی قرن میلادی اوائلنده قافقاسیانک شرق جهتنده اولان (آلبانیا) یعنی داغستان روما دولتنی طانییدیگی کیی، غرب جهتنده اولان ایبریایی دخی (ترایان) تحت اطاعته آلمشیدیه-ده، بو مملکتلرک حکمدارلرینی امحا ایتمه-مشدی. بعده رومالیلرله ایرانک اشکانیان دولتی، آر-سندده قافقاسیه حقنده بر چوق وقت رقابت منازعه-لری حکم سوروب، ایرانده نوبت حکومت ساسانیانه کلنجه، بونلر رومالیلرک قافقاسیه-ده حکم و نفوذلرینی امحا ایله، باب الابوابی فوق العاده صورنده تحکیم ایده-رک، کرجیلرک و سائر قافقاسیه اقوامنک رؤسا و حکمدارلرینی تحت اطاعتلرینه آلمشلردی. او وقتدن بلاد مذکور-ده زردشت آیینی دخی ادخال اولنه-رق، شروانک نطق قبولرندن آتشد-لر اتخاذا اولنمشدی. ظهور اسلامدن صکره عربلر باب الابوابی ضبط ایله، بحر خزرك شمال و غرب جهتلرنده بولنان خزرلرله و سائر ترک اقوامیله محاربه-یه کیریشمشلر دیسه-ده، قافقاسک صرب محللرنده ساکن بولنان کرجیلر و چرکسلر و سائر طاغیلرله اوغراشمیوب، علی الخصوص دولت حالنده بولنان کرجستانی طانیمش، و کندی آمریتلرینی بونلره طانیتمشلردی. چنکیز و تیمورک خروجلرنده قافقاسیه-نک طاغلق و مرتفع محللرنده بولنان اقوام پنه استقلاللرینی محافظه ایده-بیلمشلرسه-ده، آلقق یرلرنده ترک و تاتار اهالی چوغالوب، علی الخصوص شمال جهتنده قپچاق دولتنک تشکلی قافقاسیه اهالیسنی بسبتون اقوام تورانیه اورته-سندده بر اقمشیدی. بر طرفدن بونلر و بر طرفدن دخی آق قیونلی و قره قویونلی امراسی قافقاسیه-یی وهله کرجستانی هدف غزا و غنیمت عد ایدوب، بونلردن صکره ملوک صفویه دخی چوق وقت اوغراشمش؛ و نهایت بونلر شروانده تأسس ایتمش اولان دولت اسلامیه-یی استیصال ایدوب، قافقاس سلسله جبالنک جنوبنده-کی یرلرک چوغنی الهه ایتمشلردی. یالکز کرجستان، دفعاتله پایمال اولمغله برابر، بر درجه-یه قدر استقلالنی محافظه ایده-بیلمشدی. چالديران مظفريتی و اونی متعاقب ایرانیلره قارشی عثمانیلرک واقع اولان محارباتی بلاد قافقاسک عثمانیلرله ایرانیلر بیننده انقسامنی و بو ایکی دولتن کاه برینک و کاه دیکرینک نفوذ و قوتنک اورالرده تزايدینی منتج اولمش؛ و دشت قپچاق دولت تاتاریه-سنگ و ارشی اولان قریم خانلغی قافقاس سلسله-سنگ شمالنده-کی یرلره و علی الخصوص قبارده و چرکستانه حاکم اولوب، بحر خزر جهتنده-کی یرلری-ده قزان و اژدرخان خانقلرینه تابع اولمشدی. روسیه دولتی کسب قوت و توسیع ممالک ایتمکه باشلانجه، اون سکزنجی قرن میلادیه ابتدا برر برر وجودلرینی قالدیردیگی مذکور خانقلرله برابر قافقاسیه-نک شمالنده-کی یرلری التحاق ایندکدن صکره، ایرانه قارشی کرجیلری حمایه و مدافعه ایتمکی وسیله اتخاذا ایده-رک، علی الخصوص ملوک صفویه-نک انقراضیله ایرانک بر حال تذبذبده بولندیگی زماندن بالاستفاده، بحر خزر ساحلنجه کور منصبنه و قره باغه قدر اینمکه فرصت بولمش؛ و کرجستان قرالترینک اخیری بلا خلف وفاتنده مملکتی روسیه-یه ترک ایتمکله، اوراسنی دخی التحاق ایتمش؛ و بعده چرکسلرله طول مدت اوغراشدقن صکره، عصر حاضر میلادینک واسطنده چرکستانی دخی ضبطله، قافقاس سلسله-سنگ ایکی طرفنه مالک اولدقن صکره، دولت عثمانیه ایله ایندیکی محاربه-لرک نتیجه-لرنده-ده جنوبه طوغری بر قات دها توسیع حدود ایده-رک، شمديکی قافقاسیه بلادینی وجوده کتیرمشدر.

1-3549-5

قاقامو

#1

سیچلیه-ده پالمو ایالتنک %ترمینی قضاسنده و ترمینیک 9 کیلومتره جنوب غربیسنده بر قصبه اولوب، 7235 اهالیسی وارد.

2-3549-5

قاکو

#1

بحر منجمد شمالیده نوروچک %ترموم ایالت شمالیه-سنه تابع و 70° عرض شمالیده واقع بر آطه اولوب، شرقدن غربه بویی 18 و اکی 12 کیلومتره-در. %آرنو و %لوکن آطه-لرندن %قاع سوند بوغازیله ایرلمشدر.

3-3549-5

قالابار

#1

آفریقای غربیده کینه کور فزی گوشه-سنک شمالی ساحلنده %قامرون جبل مشهوریله %نیجر ایرماغنک منصبی آره-سنده بر مقدار ساحلک و بو ساحله منصب اولان بر ایرماغنک اسمیدر. بو ایرماق شمال شرقی طرفندن کلوب، کنارلری زیاده مسکون اولدیغی معلوم ایسه-ده، مجراسنک قسم اعظمی هنوز کشف اولنمامشدر. ساحل مذکورک هواسی پک آغیر و اراضیسی باصیق اولوب، هنوز وحشی حالنده یاشار زنجی اهالی ایله مسکوندر. اروپا بحریونی وقتیلله اسیر تجارتی ایچون بو ساحله یناشوب، شمدیکی حالده دخی یالکز اورالره مخصوص بر نوع یاغ اخراجاتیلله سفاننی جلب ایدر. مایسدن تشرین اوله قدر یاغورلر موسمی سوروب، علی الخصوص تموز و آغستوسده زیاده صیجاق اولور؛ تشرین اولدن نیسانه قدر ایسه قور اقلق حکم سوروب بو موسمه هوا نسبه سیریندر. بو ساحلک غرب جهتنده دیکر بر نهرک منصبی بولنوب، بر چوق وقت قالابار نهرینک بر قولی ظن اولنمغله، اصل قالابار نهرینه اسکی و بوکا یکی قالابار نامی ویرلمش ایسه-ده، نهایت یکی قالابارک نیجر ایرماغنک بر قولی اولدیغی کشف و تحقیق اولنمشدر. قالابار ساحلنک اسکی قالابار مجراسنه-دک اولان قسم شرقیسی آلمانیه-نک قامرون مهاجرندن و قسم غربیسی انکلتره مستعمراتندن عد و اعتبار اولنمقده-در.

4-3549-5

قالاباقه

یاخود قالاباقه -*- #1 تسالیه-نک تر حاله سنجاغنده تر حاله-نک 20 کیلومتره شمال غربیسنده اوله-رق کوستم مجراسنک صرب و قیالقی بوغازنده قضا مرکزی بیوک بر قریه اولوب، 1020 اهالیسی وارد. قریه-نک اوستنده-کی مرتفع و صرب قیالارک اوزرنده بر طاقم مردیونلرله کوچ چیقیلله-بیلیر بر طاقم مناسترلر وارد، که %متور \$ مناسترلری دینمکله معروفدرلر.

ياخود قالابريا - * - # 1 ايتاليانك منتهای جنوبنده مسينه بوغازينه-دك ممتد اولان بر شبه جزيره-دن عبارت بيوك بر خطه اولوب، شرقاً %تارنته\$ كورفزيه و يونان دكيزيله، جنوباً آق دكيزله، غرباً مسينه بوغازيله و %تيرنيان\$ دكيزيله، شمالاً دخى باسيليقاته خطه-سيه محاط و محدوددر. 37° 50' ايله 40° 50' عرض شمالى آره-سندده ممتد اولوب، 14° طول شرقى درجه-سى اورته-سندن كچر. شمالدن جنوبه بويى 250 و اكي 20 ايله 90 كيلومتره آره-لرنده اولوب، مساحه سطحه-سى 17257 مربع كيلومتره و اهاليسى 1309554 كشيدير، كه بهر مربع كيلومتره باشنه 86 كشي دوشيور. شرق شمالى جهتنده-كى تارنته كورفزدن بشقه يونان دكيزنده %اسكيلاچه\$ اسميله بر و تيرنيان دكيزنده %جوياس\$ و %سانته اوفميا\$ اسمريله ايكي قويى واردر. آپنين سلسله جبالنك غربى قولى قالابره-يه داخل اولوب، ابتدا ساحل غربى بويجه اوزانيرسه-ده، بعده شرقه طوغرى انعطافله، مملكتك وسطنده جنوبه طوغرى ممتد اولوب، مسينه بوغازينه قدر واصل اولور. بو طاغك بر چوق قوللرى و اتكلرى ايكي طرفدن سواحله قدر ممتد اولوب، آره-لرنده بر چوق واديلر و اووه-لر دخى واردر. طاغلردن اكثرينك يوقاريلرى كستانه آغاجى و سائر اشجار اورمانريله و آشاغيلرى باغلا و زيتونلقلرله مستورددر. طاغلر ك قبالق و صرب يرلرى دخى چوقدر. بو طاغلر ك ايكي جهتدن بر چوق نهرلر آقوب، اك بيوكلى تارنته كورفزينه دوكلين %قراتى\$ ايله يونان دكيزينه منصب اولان %نتو\$ نهرلر يدر. طاغلر ك يوقارى طرفلرى تشرين ثايندن نيسان ابتداسنه-دك قارله مستور اولوب، مرتفع محللرينك قيشلرى صوئوق و سرتدر. يازين ايسه طاغلرده و ياييله-لرده هوا سرين و پك صاغلام ايسه-ده، اووه-لرده و باصيق يرلرده صيچاق زياده اولوب، طوپراقلا چاتلار، و صيتمه-لر حكم سورمكه باشلايوب، اهالينك اكثرى ياييله-لره چكيلير. صوك بهارده بر ايكي ياغور ياغار ياغماز، اورته-لق يشللك و چيچكلرله اورنتوب، بر ايكنجى بهار اولمغله، اهالى يايه-لردن اينر؛ و قيشين الجق يرلرده هوا پك ملايم اولور. هوانك بو حالى هر نوع محصولاتك يتيشمه-سنه مساعد اولوب، حبوبات متنوعه ايله پك مقبول شرابلر و صهرنجلرده محافظه اولنه-جق درجه-ده كلينتلى و ابي زيتون ياغلرى حاصل اولور. پاموق يتيشديكى كى خيلى مقدار قوزه دخى چيقاريلوب، پاموق و ابيكدن بعض منسوجات طوقنور. يازلق مرعاليه قيشله-لرى پك ابي اولديغندن، قيون و صيغير سوريلرى پك چوق اولديغى كى، خركله-لردى-ده چوق اولوب، مخصوص بسلدكلرى آيغيرلر واسطه-سيه جنسلرينى كيتدكجه اصلاح ايتمكه، و كوزل استرلر دخى يتيشديرمكه-درلر. طاغلرده بيانى مانده-لر و سائر او حيوانلرى چوق اولديغى كى، سواحلنك باليغى-ده بولدر. آلتون، كومش، باقير، دمير، قورشون، مرمر، آچى، بلور، قياطوزى، كوكورد و سائر معدنلرى چوق ايسه-ده، پك آزي اخراج اولنمقده-در. خطه-نك هيچ بر صاغلام ليمانى و بيوك اسكله-سى يوغيسه-ده، محصولات ارضيه-دن و خصوصيله زيتون ياغندن خيلى اخراجاتى واردر. قالابره-ليلر اورته بويلى، متناسب الاعضا و ذكى آدملر اولوب، آنجق كنديلرنده آرزوى انتقام زياده اولديغندن، اكثرى منفرد صورتده ياشار و مسلح كزرلر؛ و بناءً عليه شركتلا و صنايع و تجارت هيتلرى تشكيلنه و زراعتك ترقيسنه خدمت ايده-ميوب، اكثر اراضينك اغنيانك تحت تصرفنده بولنمسيه سائر اهالينك ايشجيك و چفتجيك ايتمه مجبور اولملرى دخى زراعتك ترقياتنه و مملكتك تزايد معموريتنه مانع اولمقده-در. اهاليسندن يوز اللى بيكدن زياده مقدارى آرنآؤد

جنسیتنه و اورتودوقس مذهبته تابع اولوب، بونلر اسکندر بک مغلوبیت و وفاتندن صکره اورایه کچمش؛ و بعض طرفلرنده مستقل قریه و ناحیه-لر دخی تشکیل ایده-رک، لسان و اخلاق ملیه-لرینی محافظه ایتمشلردر. قالابره اسکی زمانده سائر جنوبی ایتالیا ایله برابر یونان مهاجرلریله اسکان اولنوب، بعده رومالیر طرفندن ضبط اولنمش، و ظهور اسلامدن صکره عربلرک الینه کچوب، %قلوریه\$ اسمیله خیلی وقت ممالک اسلامیه-دن بولندقدن صکره، نورمانلر طرفندن ضبط اولنه-رق، ناپولی قرالغنه الحاق اولنمش ایدی. شمدیکی حالده %قالابره اولتریوره\$ و برنجی و ایکنجی %قالابره چیتیریوره\$ اسملریله 3 ایالته منقسم اولوب، برنجیسی قسم جنوبیسندن، ایکنجیسی قسم شمالیسندن و اوچنجیسی-ده قسم وسطیسندن عبارتدر. برنجیسنک مساحه سطحیه-سی 3942 مربع کیلومتره @1 و اهالیسی تقریباً 380000 کشی اولوب، مرکزی %رجو\$ شهریدر، و 3 قضایه منقسم اولوب، 108 ناحیه-یی حاویدر. *- ایکنجیسنک مساحه سطحیه-سی 7358 مربع کیلومتره و اهالیسی تقریباً 475000 کشی اولوب، مرکزی %قوزنجه\$در، و 4 قضایه منقسم اولوب، 151 ناحیه-سی واردر. *- اوچنجیسنک مساحه سطحیه-سی 5975 مربع کیلومتره و اهالیسی تقریباً 420000 کشی اولوب، مرکزی %قاتانجارو\$ قصبه-سیدر، و 4 قضایه منقسم اولوب، 152 ناحیه-یی حاویدر. بو اوچ ایالت مرکزلرینک اسملریله دخی تسمیه اولنور.

1-3550-5

قالابوزو

#1

آمریقای جنوبیده و نزوئلانک %غواریقو\$ ایالتنده و %قاراقاس\$ک 190 کیلومتره جنوب غربیسنده اوله-رق %اورنوق\$ ایرماغنه تابع %غواریقو\$ نهرینک صول کنارنده "8' 56' 8° عرض شمالی ایله "40' 10' 70° طول غربیده واقع بر قصبه اولوب، 5620 اهالیسی و، اورنوق مجراسیله ساحل آره-سنده و حیوانات یتیشدیرمکه پک الویریشلی واسع بر اووه-نک اورتیه-سنده بولنمسی حسبیله، اهمیت تجاریه-سی واردر.

2-3550-5

قالاتابلوته

#1

((قلعة البلوط)) اسم عربیسندن غلطر. سیچلیه-نک جرجنتی ایالتنده و %شیاقه\$نک 15 کیلومتره شمال شرقیسنده اوله-رق همنامی اولان نهرک کنارنده بر قصبه اولوب، 5100 اهالیسی واردر. اون برنجی قرن میلادیده نورماندلر قرالی روجر بوارده عساکر مسلمینه غلبه چالمشدی. اسکی بر قصبه اولوب، اسم قدیمی %تربوقاله\$در.

1-3551-5

قالاتاجیرونه

1#

((قلعة جبرونه)) اسم عربيسندن غلطر. سيچليه-نك قاتانيه اياتتنده و قاتانيه-نك 60 كيلومتره جنوب غربيسنده بر قصبه اولوب، 26000 اهاليسى و ايشلك تجارتي وارد. عربلر طرفندن تحكيم و اعمار اولنه-رق، بعده جنويزلر ك ضبطنه كچمشيدي.

2-3551-5

قالاتافيمي

1#

عربي ((قلعة فيمي)) دن غلطر. سيچليه-نك تراپاني اياتتنده و تراپانينك 35 كيلومتره جنوب شرقيسنده اوله-رق %سجسته\$ شهر قديمك خرابه-لري جوارنده بر قصبه اولوب، 10000 اهاليسى وارد. 1860 تاريخ ميلاديسنده غاريبالدي بو موقعه ناپولي قرالنك عسكريني مغلوب و پريشان ايتمشدر.

3-3551-5

قالاتانيزته

1#

عربي ((قلعة نيزته)) دن غلطر. سيچليه جزيره-سنده پالرمونك 106 كيلومتره جنوب شرقيسنده اوله-رق %سالسو\$ نهري اوزرنده همنامي اولان اياتك مركزي بر شهر اولوب، 26500 اهاليسى و جوارنده كوكورد معدنلري وارد.

4-3551-5

قالاتايدود

1#

((قلعة ايوب)) اسم عربيسندن غلطر. اسپانيه-نك آراغون خطه-سنده %ساراغوسه\$ اياتتنده و ساراغوسه-نك 97 كيلومتره جنوب غربيسنده اوله-رق %ايره\$ ايرماغنه تابع %جالون\$ نهري اوزرنده واقع بر قصبه اولوب، 12000 اهاليسى، عربلردن قالمه استحكاماتي، جامع شريفدن مبدل مصنع بر كليساسى، جوارنده غريب بر طاقم مغاره-لري و اطرافنده پك منبت اووه-سى وارد. بو قصبه اسكى بيلبيليس (و عربلرجه لبله) خرابه-لري قربنده غزاة مسلميندن (ايوب) طرفندن بنا اولنمشدر.

5-3551-5

قالاتراوه

1#

اسپانيه-ده يکي فاستيله خطه-سنگ چوداد ريال ايالت و قضااسنده اسکی بر مستحکم قصبه اولوب، الیوم خرابدر، و اسمی اطرافنده-کی کوزل مرعاله قالمشدر. اسپانيه قرالی بو قلعه-یی مسلمانلردن آلدقن صکره، محافظه-سني بر طاقم شوالیه-لره حواله ایتمشیدی، که بونلر (قالاترواه شوالیه-لری) اسمیله بر طریق مخصوص تأسیس ایتمشلردی.

6-3551-5

قالاج

1#

روسیه-نک و سطرلنده %وورونرا\$ ایالتنک %بوهوچار\$ قضااسنده و بوهوچارک 70 کیلومتره شمال شرقیسنده اوله-رق %دون\$ ایرماغنه تابع %پودغورنایه\$ نهری اوزرنده بر قصبه اولوب، 13000 اهالیسی و باشلیجه حیوانات تجارتي اجرا اولنان بیوک بر پنایری واردر.

7-3551-5

قالار

1#

سیبرییه-نک %یاقوتسق\$ ایالتنه ملحق %اولکمینسک\$ قضااسنده %لنا\$ ایرماغنه تابع %ویتیم\$ نهرینه دوکیلور بر جای اولوب، طار و طولاشیقلی اولان مجراسی 500 کیلومتره اوزوندر.

8-3551-5

قالاس

1#

تولوزه تجارندن بر آدم اولوب، کندیسی پروتستان اولدیغی حالده، قتولیک مذهبی قبول ایتمش اولان اوغلنک اوینک اوکنده مطلوب بولنمسی اوزرینه، قتولیک متعصبینی طرفندن اوغلنک قاتلی اولمغله اتهام، و اشکنجه-لرله اعدام اولندقدن صکره، زوجه-سی دخی توقیف اولنمغله، حکیم شهیر و ولتر بو عائله-نک آووقاتلغنی التزام ایده-رک، سنه-لرجه بو مظلومینی ظلم واقعه قارشی مدافعه-یه حصر اوقات ایتمش؛ و بو ایشه او درجه-ده اهمیت ویرمش

ایدی، که او صرہ-ده پارسده-کی احباسندن برینه کوندردیکی مکتوبده ((بو دهشتلی جنایتدن صکره پارسده کولوب اکلنلر وارمیدر؟)) دیه یازمشیدی.

9-3551-5

قالافات

1#

رومانیه-نک افلاقدہ واقع قرايووه ایالتندہ و قرايووه-نک 80 کیلومترہ جنوب غربیسنده اولہ-رق طونہ اوزرنده و ودینک قارشیسندہ بر قصبہ اولوب، 3000 اہالیسی و لیمانی وارد، 1851 تاریخ میلادیسنده عثمانلیلر بو موقعہ روسلرہ قارشی بیوک بر مظفریتہ نائل اولمشلردر.

1-3552-5

قالاماتہ

1#

یونانده مورہ شبہ جزیرہ-سنگ %مسینیا\$ ایالتندہ و %قورون\$ کورفزینہ دوکیلن %ندون\$ نہری اوزرنده و منصبندن بر آز یوقاریدہ قضا مرکزی بر قصبہ اولوب، 4000 اہالیسی، کوزل باغچہ-لری، زیتون یاغی و انجیر اخراجاتی و کوزل ریختمی وار ایسہ-دہ، لیمانی یوقدر. اسکی %قالامہ\$ شہری بو قصبہ-نک قریندہ واقع %قالامی\$ قریہ-سی محلندہ ایدی.

2-3552-5

قالامازو

1#

آمریقای شمالیدہ ممالک مجتمعه-نک میشیخان جمهوریتندہ ہمنامی اولان بیوک کولہ دوکیلور بر نہر اولوب، جمهوریت مذکورہ-نک جنوبندہ نبعانلہ، غرب شمالی-یہ طوغری آقار. مجراسی 320 کیلومترہ اوزون و منصبی 100 مترہ کنیش اولوب، سیر سفائنه صالحدر. مجراسی اوزرنده بر قاچ شہر و قصبہ اولوب، بر دمیر یول خطی دخی مجراسی بوینجہ اوزانیر.

3-3552-5

قالامازو

1#

آمریقای شمالیده ممالک مجتمعه-نک میشیغان جمهوریتنده %لانگسینگ\$ك 96 کیلومتره جنوب غربیسنده اوله-رق همنامی اولان نهرک صول کنارنده بر قصبه اولوب، 13550 اهالیسی، بیوک حیوانات تجارتي، انواع منسوجات فابریقه-لری، داخلی مکتبی و تیمار خانه-سی واردر. اطرافی پک محصولدار اولمغله، کیتدکجه بیومکده-در.

4-3552-5

قالاماکی

1#

نفس یونان ایله موره شبهه جزیره-سی آره-سنده-کی قورنت برزخنک ساحل شرقیسنده بر قریه اولوب، برزخ مذکورک حفرندن اول اسکله-سی ایدی. جدولک کشادندن صکره اهمیتی آرتمش ایسه-ده، جنوب جهتده %استمیا\$ یعنی ((برزخ)) اسمیله یکی بر قصبه تأسیس اولندیغندن، بو قصبه جدیده بیودکجه قالاماکی-یی دخی احاطه ایده-جکدر.

5-3552-5

قالامو

1#

یونانک جزایر سبعة-سندن آیه ماوره جزیره-سنک جنوب شرقیسنده و آقارنانه ساحلی قرینده بر کوچک آطه اولوب، بویی 12 و اکی 3 کیلومتره-در. اراضیسی طاغلق ایسه-ده، باغلا و زیتون آغاجلریله مستور اولوب، ایی بر لیمانی واردر. جنوبنده-کی %قاستو\$ آطه-سیله برابر کفالونیه-یه تابعدر.

6-3552-5

قالامه

1#

آرناؤدلغک جنوب جهتده بر نهردر، که %نمرچقه\$ طاغنک منتهای جنوبیسنک غربی اتکندن نبعانله، جنوب غربی-یه جریان ایده-رک، صولدن تحت الارض یانیه کولنک آیاغی اولدیغی ظن اولنان ولچیشته، دها آشاغیده صاغدن لونغوویچه، و تکرار صولدن دوقسوره چاپلرینی آلدقن صکره، غربه طوغری دونر، و فیلات ایله آیدونات آره-سنده بالمورر، قورفه جزیره-سنک قسم جنوبیسی قارشیسنده آدریاتیک دکیزینه منصب اولور. اسم قدیمی یونان جغرافیونی آثارنده (تیامیس) صورتنده محرر اولوب، آرناؤدلغک او جهتده ویریلن (چام) اسمیله مناسبتی ظاهردر. برلین قونغره-سی بو نهرک مجراسنی یونان حدودندن اولمق اوزره تعیین ایتمش ایسه-ده، حدود طبیعی و عسکریه-دن اولمدیغی کبی، جنسیت اهالی اساسنه دخی مستد اولمیوب، هر ایکی طرفی آرناؤدلرله

مسكون اولديغندن، بو قرارك حقسزلغى بعدە آكلاتدېرىلە-رق، اجراسندن صرف نظر اولنمشدر. مجراسنك طولى تقريباً 130 كيلومترە-در.

7-3552-5

قالاميانە

جزايرى 1# اسپانيە-يە تابع فيليپپينە جزايرندن %مىندورو\$ جزيرە-سنىك جنوب غربيىسندە و %پالاوان\$ جزيرە-سنىك منتهاي شماليىسى قارشىسندە بر طاقم آطە-لر اولوب، قالاميان، بوسوآغان و ليناقاپان اسمريله اوچ بيوك و بر قاچ كوچك آطە-دن مركبدر. 12° عرض شمالي و 12° طول شرقى خطلى اورتە-لرندن كچر. اك بيوكلىرى %بوسوآغان\$ جزيرە-سىدر. بونك جنوبندە واقع قالاميان جزيرە-سنىك بويى 60 و اكى 30 كيلومترە-در. جملە-سى پالاوان جزيرە-سنىك بر پارچە-سىلە بر قضا اعتبار اولنە-رق، اوچ لسانلە متكلم 17000 اھالى-يى حاويدرلر.

1-3553-5

قالاميتە

1#

قرىمدە اسكى بر قصبە اولوب، موقعندە اليوم %آلمە\$ اسميله بر قريه واردر. [(آلمە)] مادە-سنە مراجعت بيوريله].

2-3553-5

قالانتان

ياخود كلنتن 1# مالاقة شبة جزيرە-سنىك ساحل شرقىسندە همنامى اولان نهرک منصبنده و 15' 6° عرض شماليده سيام دولتنه تابع بر كوچك حكومت اسلاميه-نك مركزى بر قصبه اولوب، حكومت مذكوره قصبه-نك ايكى جهتندە 50 كيلومترە-لك مسافه-يە و داخلاً جبالك صرتتە قدر ممتد اولديغى حالده، 50000 اھالى-يى جامعدر. طوپراغى منبت اولوب، قهوه، پرنج، بوبر و سائر محصولاتى واردر. كلينتى قالاي و بر مقدار آلتون دخى چيقار.

3-3553-5

قالانوس

ياخود كلنوس #1 هندك حكماى كلبونندن اولوب، بيوك اسكندرك هند سفرنده بو جهانكيره انتسابله، معيتمده ايرانك فسا شهرينه و صولنده، بر طاقم امراضه دوچار اولمغله، 83 ياشنده اولديغى حالده، اودوندن بر استيفك اوزرينه چيقه-رق، اسكندرك عسكرى قرشيسنده كنديني احراق ايتمشدى. اسكندره بر سويليه-جكك وارميدر؟ ديه سؤال اولندقده ((اوچ آى صكره بابلده كنديسيله كوريشه-جكم)) ديديكى و تام اوچ آى صكره اسكندرك بابلده وفات ايتديكى مرويدر.

4-3553-5

قالاوريته

1#

يونانده موره شبه جزيره-سنگ %البيده مع آخايا\$ ابالتمده و پاتراسك 37 كيلومتره جنوب شرقيسنده اوله-رق مرتفع بر محلده واقع قضا مركزى بر كوچك قصبه اولوب، 1206 تاريخندن اعتباراً اوچيوز سنه قدر بر فرانسز عائله-سنگ تحت حكمنده اوله-رق بر بارونلق صورتنده اداره اولنمشدر.

5-3553-5

قالاوريه

1#

موره شبه جزيره-سنگ ساحل شرقيسى قارشيسنده واقع %پوروس\$ جزيره-سنگ اسم قديميدر.

6-3553-5

قالاهارى

1#

آفريقاى جنوبيده واسع بر ير اولوب، 21° ايله 28° عرض جنوبى آره-سنده %اورانژ\$ ايرماغى مجراسندن %نغامى\$ كولنه-دك ممتد اولور. بو وجهله جنوبدن شماله بويى 900 كيلومتره اولوب، شرقاً و غرباً تقسيم ميايه خطلى تشكيل ايدن بر طاقم تپه-لرله ايرلمشدر؛ چونكه قالاهارى هيچ بر طرفدن ميلانى و ميايه جاريه-سيچون جريانى اولمامغله سچيلوب، جنوبى بر صحراى كبير حكمنده-در. حدودى تاميله معين اولمديغندن مساحه سطحيه-سنى بعضلى 687500 ويا 715928 و بعضلى 1285000 مربع كيلومتره اعتبار ايتمشلردر. هر نه قدر شمالدن جنوبه برآز ميلى اولوب، اورانژ مجراسنه منتهى اولور %هيخاب\$ اسميله بيوك بر واديسى وار ايسه-ده، كرك بو وادينك كنديسى و كرك بوكا منتهى اولان اوپ، نوسوب، مولوپو و قورامان واديلرى هيچ بر وقت صولرينى مذكور ايرماغه قدر اينديره-ميوب، ياغمور سيللرندن حاصل اولان صولرى دخى يولده قورويه-رق، بر طاقم طوزلى كوللر و بطاقلر تشكيل ايدرلر، كه بونلرده آز مدتده قورويوب، طوزلرى ميدانده

قالير. يالكز شمال جهتنده مذکور نغامي ايله نتووه، ماقاريقاري و ديكر بر قاچ كول صورت دائمه-ده صولرني محافظه ايدوب، ناته و زوغه نهرلريله اوماراميه وادي كيبيري بونلره منصب و منتهي اولورلر. سياحيندن بعض ارباب فك تحقيقتنه كوره، قالاهازي مقدماتي مياھ جاريه-سي و كوللري و اورمانلري چوق معمور بر ير ايكن، بعده بعض تبدلات ارضيه-نك ظهوري و اورمانلرك اتلافي اوزرينه، صولر و نباتات چكيلوب، صحراي كيبير حالنده بر چول صورتنده قالمشدر. بو تبدل يقين و قتلرده وقوع بولوب، قورومش اولان كول و نهرلرك يناقلارنده حيوانات مائيه كميكلري طور يورمش.

مع هذا قالاهازي بسبتون صحراي كيبيره مقيس اولميوب، چاليلر و بعض آغاجلرله و حيواناته الويريشلي اوتلرله مستور يرلري وارد؛ وهله كانون ثايندن مائيه قدر سورن ياغمور موسمنده اكثر يرلري زمرد كبي اولور. چوق صويه محتاج اولميان بعض غزال انواعي سوريلرله طولاشدقلازي كبي، صانساړه مشابه حيواناتي-ده چوقدر. اهاليسي (بوشمان) و (باقالاهازي) اسملريله ايكي جنسيته منسوب اولوب، باشليجه اوله و بعض كوكلر و بياني ميوه-لرله بسنيرلر؛ و خالص كوجبه حالنده ياشايوب، حيوانات اهليه-لري بيله يوقدر. حالبوكه يرك حيوانات بسلمكه استعداد و قابليتي وارد. بعض طرفلرنده باقير، كمور و حتي آلتون معدنلري بولنيور.

1-3554-5

قالاهوره

1#

اسپانيه-ده اسكي قاستيله-نك لوغرونو اياالتنده و لوغرونونك 20 كيلومتره جنوب شرقيسنده بر قصبه اولوب، 6500 اهاليسي و يك اسكي بر كليساسا وارد. عربلر %قلهره\$ ديرلردى.

2-3554-5

قالانو

1#

آمريقاي جنوبيده %پرو\$ جمهوريتنده و %ليما\$نك 14 كيلومتره غربنده بحر محيط معتدل ساحلنده بر قويك ايچنده واقع ايالت مركزي بر قصبه و اسكله اولوب، 20000 اهاليسي وارد. پرونك اك ايشلك اسكله-سي اولوب، صاغلام ليماي، كوزل ريختمي، بيوك تجارتي و بعض استحكاماتي وارد. هر طرفدن ليما ايالتيله محاط بر كوچك ايالتك مركزيدر.

3-3554-5

قالبه

1#

پروسیه-ده صاقسه ایالتنک % ماغدبورغ سنجاغنده و ماغدبورغك 27 كيلومتره جنوب شرقیسنده قضا مرکزی بر قصبه اولوب، 8620 اهالیسی و کاغد، شکر و یوک و کتن قماشلر فابریقه-لری واردر. اطرافنده طوز و کمور معدنلری و پنجر محصولاتی چوقدر. بو اسمله دیگر بر کوچك قصبه دخی بولندیغندن، تفریق ایچون بوکا اوزرنده بولندیغی ساله نهرندن طولایی % قالبه-آندر ساله\$ و دیگرینه % قالبه-آندر میلده\$ دخی دیرلر.

4-3554-5

قالبه

1#

اسپانیه-نک سبته بوغزنده بولنمش اسکی بر قصبه-سی ایدی.

5-3554-5

قالتاجیرونه

1#

عربی % قلعة جیرونه\$ دن غلدر. سیچیله-نک قاتانیه ایالتنده و قاتانیه-نک 63 كيلومتره جنوب غربیسنده بر کوپری ایله مربوط ایکی تپه-نک اوزرنده قضا مرکزی بر شهر اولوب، 22640 اهالیسی، کوزل ابنیه-سی، اییک فابریقه-لری و اطرافنده منبت اراضیسی واردر.

6-3554-5

قالتانیزته

1#

عربی % قلعة نیزته\$ دن غلدر. سیچیله-ده پالمونک 96 كيلومتره جنوب شرقیسنده اوله-رق % سالسو\$ نهری اوزرنده ایالت مرکزی بر شهر اولوب، 21465 اهالیسی، اطرافنده باغ و باغچه-لری و معدن صولری واردر. *- قالتانیزته ایالتی سیچیله جزیره-سنگ قسم وسطیسندن عبارت اولوب، شمالاً پالمو، شرقاً قاتانیه، جنوب شرقی جهندن سیراقوسه ایالتلریله، جنوباً دکیزله، غرباً دخی جیرجنتی ایالتیله محدود اولوب، مساحه سطحیه-سی 3768 مربع کیلومتره و اهالیسی 263000 کشیدر. اراضیسی شمال جهتنده طاغلق، وسطلرنده عارضه-لی و جنوب جهتنده دوز و پک منبت اولوب، ذخیره و زیتون محصولاتی چوقدر. باشلیجه نهری % سالسو\$ در. ایالت 3 قضایه منقسمدر.

7-3554-5

قالخاس

1#

یونان قدیمک مشهور تروآ سفری مصالرنده مذکور بر شخصدر. که آلهه کاذبه-لرینه قربان کسمکله مأمور اولوب، کویا غائبدن خبر ویرردی. حتی تروآ محاربه-سنک اون سنه سورہ-جکئی، و (آغامنون) قیزی (ایفجینیہ)یی قمردن کنایه اولان دیانه-یه قربان ایتمکجه، یونان دونناسنک %اولیده\$ لیمانندن چیقہ-میہ-جغنی خبر ویرمش ایمش. بو صنعتده (موپسوس)ک کندیسنه تقدم ایئدیکنی کورنجه، قولوفون آطہ-سنده قهرندن هلاک اولمش.

8-3554-5

قالدرون دلابارقه

1#

اسپانیہ-نک اک مشهور فاجعه نویس شعراسندن اولوب، 1600ده مادریدده طوغمش، و 1681ده وفات ایتمشدر. بر وقت عسکرلک ایتمش؛ و الی یاشندن صکره طریق رهبانہ کیروب، اوندن صکره آنجق مذهبہ متعلق اشعار سویلمشدر.

9-3554-5

قالدونیہ

1#

اسقوچیہ-نک اسم قدیمیدر. [(اسقوچیہ)) ماده-سنه مراجعت بیوریلہ].

1-3555-5

قالدونیہ

یکی -* - 1# آمریقای شمالیده انکترہ-یه تابع دومینیون قطعہ-سنک منتهای غربنده بحر محیط معتدل سواحیلہ قیالی طاغلر سلسلہ-سی آرہ-سنده واقع %انکلیز قولومبیہ-سی\$ خطہ واسعہ-سنک اسکی اسمی اولوب، 1858 تاریخندن بری استعمالدن ساقط اولمشدر. [(قولومبیہ)) ماده-سنه مراجعت].

2-3555-5

قالدونیہ

يکي- * - # 1 بحر محیط کبير جزايرندن اولوب، اطرافنده-کی %لوايوته\$ جزايري و سائر کوچک آطه-لرله برابر فرانسه-يه تابعدر. أستراليا ايله يکی زلانده و يکی کينه آره-لرنده واقع اولوب، طار و اوزون بر قطع ناقص شکلنده شمال غربيين جنوب شرقی-يه طوغری" 30' 3' 20° ايله 24' 22° عرض جنوبي و 40' 161° ايله 43' 164° طول شرقی آره-لرنده ممتد اولور. بويی قوش اوچشی حسابيله 400 و وسطی اکی 55 كيلومتره اولوب، مساحه سطحیه تقريباً 18000 و ملحقاتيله برابر 21000 مربع كيلومتره-در. اراضیسی طاغلق اولوب، بويجه بر سلسله جبال اوزانير، که اک مرتفع يری اولان و جنوب جهتنده بولنان %هومبولد\$ طاغلق 1634 متره ارتفاعی واردر. بر خيلي انهاری وار ايسه-ده، مجرالری بالطبع قيصه اولوب، اک اوزونی اولان و شمال جهتنده آقان %وياهوت\$ ايرماغنك مجراسی 200 كيلومتره طولنده-در. سواحلنك آچيقلرنده تشكلات مرجانيه-دن بر صره قيالر بولنوب، بونلرله ساحل آره-سندده دكيز دائما ساكن بولنمغله، صاغلام بر سير سفائن طريقي تشكيل ايديور. كرك غرب و كرك شرق سواحلنده بر قاچ قصبه و اسكله-سی اولوب، مرکزی اولان %نومييا\$ قصبه-سی-ده ساحل غربينك قسم جنوبيسنده واقعدر. هواسی معتدل و طوپراغی پك منبت اولوب، اقاليم حاره محصولاتيله برابر آروپانك هر نوع سبزه-سی يتيشه-بيلير. حيوانات مختلفه بسلمكه دخی استعدادی اولوب، اون سنه مقدم حيوانات موجوده-سی 134000 رأسه بالغ اولور، و خيلي باصديرمه چيقاردی. آلتون، آنتيمون، قروم و علی الخصوص نيكل ايله سائر معدنلری پك چوقدر. آنجق فرانسزلر بو جزيره-ی باشليجه منفا اتخاذ ايدو-رك، مجرملرله اسكان ايتمكده اولدقلرنندن، منابع ثروتندن بحق استفاده اولنه-ميور. آروپالی اهالیسی 18000 اولوب، نصفی مجرملردن مركيدر. يرلی اهالیسی اولان (قاق)لر ايسه كوندن كونه آزاله-رق، انقراض بولمقده-درلر. فرانسزلرك دخولنده بونلر 70000 نفوسدن زياده-ايكن، شمدي 20000دن آذر. بونلر اولدقجه ذکی ايسه-لرده، پك وحشی، حيله-كار، كيندار و سرکش آدملر اولوب، اولديركلری خصمليرك اتنی دخی يدكلری محققدر. مرکزی اولان %نومييا\$نك 4600 اهالیسی و پك صاغلام ليمانی واردر. بو جزيره 1774 تاريخنده مشهور قيودان (قوق) طرفندن كشف اولنوب، 1853ده فرانسه طرفندن استيلا، و 1864ده اطرافنده-کی آطه-لر دخی الحاق اولنمشدر.

3-3555-5

قالدونيه جدولی

1#

اسقوجيه-ده بيوك بر جدولر، که مملكت مذكوره-نك شرق شماليسنده واقع %موری\$ كورفزدن ايرلانده-نك قارشيسنده-کی %لورن\$ كورفيزنه قدر 100 كيلومتره-لك محله ممتد اولوب، شمال دكيزيله بحر محیط آطلاسی آره-سندده اسقوجيه-نك اورته-سندن بر طريق بحری تشكيل ايديور. نس، اويچ و لوجی كوللری ايچندن كچوب، بويك نصفندن زياده-سی مذكور كوللردن عبارتدر. 32 طوپی حامل فرقتينلر كچمسنه مساعد اولان بو جدول 1805ده باشلانوب، 1847 تاريخنده اكمال اولنمشدر.

4-3555-5

قالغان

1#

چینگ شرق شمالی جھتندہ واقع %پچیلی\$ ایالتندہ و پکینگ 175 کیلومترہ شمال غربیسنده اولہ-رق %یانغ هو\$ ایرماغنہ تابع %چینگ هو\$ نہری اوزرنده و مغولستان حدودیلہ مشهور بر سدک قرینده بر شہر اولوب، 70000 و بر روایتدہ 200000 اہالیسی واردر. اہالیسنک جملہ-سی جنسیتجہ چینلی ایسہ-دہ، بر خیلی مقداری مسلمدر. شہر قیالق طاغرلہ محاط اولوب، یالکز جنوب جھتندن بر مدخلی واردر، کہ اودہ آچیلوب قپانیر بر قپو حالنہ قونمشدر. بعض پروتستان میسیونرلریلہ روس تجاری بولنیور. سدک یانندہ متعدد قشلہ-لری و اماکن عسکریہ-سی واردر. روسیہ ایلہ پک ایشلک چای تجارتی واردر. اطرافندہ پک زنکین کمور معدنلری بولنوب، اہالی طرفندن اخراج و محروقات برینہ استعمال اولنمقدہ-در.

1-3556-5

قالغویف

یاخود قولغویف -* -# 1 بحر منجمد شمالیدہ %قاین\$ شبہ جزیرہ-سنک 120 کیلومترہ شمال شرقیسنده و 65° عرض شمالی ایلہ 30' 46° طول شرقیدہ روسیہ-نک آرخانکل ایالتنہ ملحق بر جزیرہ اولوب، شمالدن جنوبہ اولان طول اعظمی 86 و محیط دائرہ-سی 205 کیلومترہ-در. اراضیسی قیالق تپہ-لردن و آلچق و صولاق اووہ-لردن عبارت اولوب، یازین دخی طوپراغنک یالکز ایکی قدم عمقندہ-کی سطحی اریمکلہ، نباتاتی آز و اشجاری چالی و اوت حالندہ قالبوب، ہیچ بری ثمرہ ویرمز اہالی دائمہ-سی اولمیوب، یازین آوجیلر و بالیقجیلر طولاشہ-رق، پوستلری کورک اعمالنہ یارار حیوانات مختلفہ ایلہ طیور و بالیق صید ایدرلر.

2-3556-5

قالق

1#

پروسیہ-نک %رین\$ ایالتندہ %قولونیہ\$ سناغندہ و %دایج\$ک 2 کیلومترہ شرقندہ بر قصبہ اولوب، 9660 اہالیسی، دمیرخانہ-لری، دوکمانہ-لری، اجزاء کیمیویہ و ماکینہ انواعی فابریقہ-لری و 1700 عملہ استخدام اولنور جسیم بر دمیر یول ادواتی فابریقہ-سی واردر.

3-3556-5

قالقاندلن

1#

آرناؤدلقده قوصوه ولايتنك پرزرين سنجاغنده و پرزرينك 33 كيلومتره شرق جنوبيسنده و شار طاغناك شرقى اتكنده اوله-رق و ارداره تابع بر چايك ايكي كنارنده و واردار مجراسى قريبنده قضا مركزى بر قصبه اولوب، 15000 اهالييسى، غايته صاغلام و لطيف هواسى، كوزل صولرى و امثالسز الما و سائر نفيس ميوه-لرى واردر. اهاليسنك قسم كليسى مسلم اولوب، تركجه و آرناؤدجه تكلم ايدرلر. آز مقدارده اولان خريستيانلرينك دخى قتوليك بولنانلرى آرناؤد-در، و اورتودوقس اولانلرى كليسا و مكتب قوتيله اسلاوجه تكلمه آليشمشلدردر. آرناؤدلر و اسلاولر بيننده (تتووه) اسميله معروفدر.

-* - قالقاندلن قضاسى غرباً لومه، شمال غربى جهتندن نفس پرزرين، شمال شرقى جهتندن و شرقاً نفس اسكوب قزالريه، جنوباً دخى مناستر ولايتنك قرچوه قضاسيله محاط و محدود-در. جنوب جهتنده بولنان غستوار ناحيه-سيه برابر 161 قريه-دن مركب اولوب، تخميناً 40000 اهالييسى واردر، كه اكثريت اوزره مسلم و آرناؤد اولوب، جسارت و شجاعتريله مشهوردرلر. اراضيسى شار سلسله-سيه %سولوپك\$ طاغى آره-سنده جنوب غربيدن شمال شرقى-يه طوغرى ممتد اولان واردار و اديسندن و مذكور طاغلرك اتكلرندن عبارت اولوب، يوكسك طرفلرى ميشه و سائر آغاجلرى حاوى اورمانلرله، طاغ اتكلرى ميوه-دار آغاجلرى و باغلرله مستوردردر. مجراى نهرك ايكي طرفنده ممتد اولان اووه دخى كليلى ذخائر حاصل ايدر.

4-3556-5

قالقوته

[[كلكوته]]-ماده-سنه مراجعت بيوربله].

5-3556-5

قالمار

1#

اسوجك جنوب جهتنده همنامى اولان بوغازك غربى ساحلنده و %اولاند\$ جزيره-سناك قارشيسنده اوله-رق استوقهولمك 300 كيلومتره جنوب غربيسنده ايالت مركزى بر قصبه اولوب، 9420 اهالييسى، كوزل ليمانى و ايشلك تجارتي واردر. قصبه-نك باشليجه قسمى بر آطه اوزرنده و سائر محله-لرى ليمانك اطرافنده ساحلده مؤسسدر.

-* - قالمار ايالتى كوتالاند خطه-سناك اقسامندن اولوب، بالطيق دكيزى ساحلى بويجه 15° 30' ايله 17° 10' عرض شمالى آره-سنده ممتد اولور؛ و شمالاً اوستروغويته، غرباً يونكوپنيغ\$، قرونوبرغ، جنوباً دخى قاراسقرونه ايلترييله محدوددر. ملحقاتندن اولان %اولاند\$ جزيره طويله-سيه برابر مساحه سطحه-سى 11513 مربع كيلومتره اولوب، 238400 اهالييسى واردر. شمال غربى جهتنده بر قاچ تپه بولنوب، سائر طرفلرى دوز و آچق و كوللرى چوقدر. اهالييسى باشليجه زراعتله و محلى تجارتييله اشتغال ايدرلر.

1-3557-5

قالمبرغ

1#

مشاهير مستشرقيندن و پروتستان مذهبي رؤساسندن اولوب، 1694ده %صاقسه-غوته\$ده طوغمش و 1760ده وفات ايتمشدر. هاله دار الفنوننده معلم ایدی. ممالک شرقیه-یه کوندریله-جک میسیونرلر ایچون بر مکتب و پروتستانلغی قبول ایدنلره لازم اولان کتیک طبعیچون عربی و عبرانی حروفنی حاوی بر مطبعه تاسیس ایتمشدی. ((لسان عربینک قواعد ابتدائیه-سی))، ((دین اسلامک مشاهیر مؤلفینی)) و ((کتب عربیه-نک اسامی و تعریفی)) عنوانر یله لاتین لساننده اوچ تالیفی و سائر بعض آثاری واردر.

2-3557-5

قالموق

1#

مغول جنسیتنک شعبه-لرندن بر قوم اولوب، مغولستانک غرب شمالی و غرب و جنوبی جهتلرندن و نفس چین و تیببت حدودندن روسیه-نک وولغه و %دون\$ ایرماقلری مجرالرینه-دک اولان اراضی و اسعه-ده طاغنیق بر حالد یاشایورلر. خوشوت، طورغوت، چونقار و دربت اسملریله درت طاقمه منقسم اولوب، بینلرنده لسانجه و سائر احوالجه بر درجه-یه قدر فرق واریسه-ده، هر بر طاقمی آیری بولنمیوب، اکثر یرلرده مختلف طاقملردن اولوسلر بولنیور. بولندقلری محل اعتباریله دخی قالموقلر بر وجه آتی اوچ بلوکه منقسمدرلر: برنجی بلوک آوروپا قطعیه-سند روسیه-نک اژدرخان ایالتیله دون قزاقلری اضیسی و استاوروپول ایالتلرینک برر قسمنده یعنی وولغه ایله دون مجرالری آره-سند و قسماً بو مجرالرک اوتیه-لرنده بولنوب، خوشوت، طورغوت و دربت طاقملرینه منسوبدرلر. بولنر 160000 مقدارنده درلر. ایکنجی بلوک چینک شمال غربی حدودی داخنده بولنان چونقاریه خطه و اسعه-سند و ترکستان شرقیه-کی %تیان شان\$ سلسله جبالیه مغولستانک غرب شمالی جهتنده واقع اویسانور، قیرغیز نور، آیریق نور، قره-اوسو نور و دورغه نور کوللری آره-لرنده و قولجه جوارلریله روسیه حدودی داخنده اوله-رق تومسق و سمیپالاتینسک ایالتلرنده بولنیورلر. بولنردن روسیه حدودی داخنده بولنانلری 44800 مقدارنده اولوب، چین حدودی داخنده اولانلری-ده 67000 قدر تخمین اولنیور. بولنر دخی باشلیجه طورغوت و چونقار و دربت طاقملرینه منسوب اولوب، تلنغوت و یاتلنکیت دینلن بر شعبه-لری دخی کندی لسانی اوندوب، ترکلشمشدر. (توره) تسمیه اولنان دیکر بر قبیلله ایسه عن اصل ترک ایکن، قالموق لسانی قبول ایدوب، بولنرک ایچنه قاریشمشدر. اوچنجی بلوک، ینه مذکور اوچ طاقمه منسوب اولوسلردن مرکب اولدیغی حالد، ترکستان شرقی ایله تیببت و نفس چین آره-سند و افغ %قوقونور\$ و %چایدام\$ اراضی و اسعه-سند و نفس مغولستانک غرب جنوبی گوشه-سند و افغ %آلاشان\$ چولنده بولنوب، تیببتک جنوب شرقی جهتنده و %لهاسه\$ ایله %ناپچو\$ شهرلری آره-سند دخی منفرد بر کوچک فرقه-لری بولنیور. بو اوچنجی بلوکک افرادی 100000 نفوسدن آز تخمین اولنمقده ایسه-ده، بو تخمینک مقدار حقیقینک پک مادوننده اولدیغی مظنوندر. الحاصل بتون قالموقلرک مقداری بش آلتی یوز بیک تخمین اولنوب، آنجق بر ملیونی متجاوز اولسه-لر کرکدر.

قالموقلر سىماجه خالص مغول اولوب، يوزلرى ياصى، قفالرى يووارلاق، بزلرى صارى و اسمر، يناق كىكلرى چىقلىق، برونلرى ياصى، آغزلرى اوفق، طوداقلرى اينجه، كوزلرى طارو اوچلرى يوقارى-يه مائل اوله-رق اوست قىپاقلرى شىشكىنجه صقال و بىيقلرى سىرك و دوز، بويلرى اورته و انداملرى قالىنجه و قىبادر. مع هذا قارىلرى پك-ده حسن و لطافتدن عارى دكللدر. جمله-سى كوچبه حالنده ياشايوب، استوانى الشكل چركه-لرده اقامت ايدرلر. بىنلرند قىرابت و مناسبتلى اولانلر چركه-لرلى بر آره-ده قوروب بر ((اويماق)) و برلنكده قاچوب كوچن بر قاچ اويماق بر ((اولوس)) تشكيل ايدرلر. تعيشلىرى صرف حيواناتدن اولوب، قويون، صىغير، آت و دوه سورىلرى وارد. قىصرق سوندن ياپدقلرى ((قومىس))ى چوق قوللاندقلرى كىبى، سوتدن بر نوع اسبىرتو دى چىقاروب، ايچرلر، و او سودك تورتيسيندن بر نوع پىنبر ياپارلر. حيوانلرلىك توللرندن قارىلرى البسه و چركه-لرلىچون بر نوع كچه و بعض منسوجات ياپارلر. قالموقلر ساكن و مطيع آدملر ايسه-ده، پك تنبل و حيله-كار آدملر اولوب، تمىزلكه-ده اصلا مرقلرى يوقدر. اويماقلر و اولوسلرلىك رئيسلرى اولوب، چين دولتى اولوس رئيسلرلىك طانىر، و ويركى-يى اولردن آليرسه-ده، روسيه دولتى يالكز اويماق رئيسلرلىك كوى مختارى صورتنده بر اقوب، اولوس رئيسلرلىك قالديرمش، و اويماقلرى طوغرىدىن طوغرى-يه حكومت محليه-يى طانىمغه اجبار ايتمشدر. قالموقلر دى مغوللر كىبى بودا مذهبىك لامة شعبه-سنة تابع اولوب، صنوف متعدده-دن مركب رهبان طائفه-لرى و متعدد چركه-لردن متشكل مناسترلىرى وارد. راهبلىرىك نفوذلى چوق اولوب، طبابت و سحارلق ادعاسنده دى بولنىورلر. لسانلرى مغولجه-يه مشابه و يقين اولوب، كندىلرلىك مخصوص ادبىياتلرى و مغولجه و اويغورجه كىبى سريانجه-دن مأخوذ خطلىرى وارد. آنجق كندى لسانلرند و كندى خطلىه يالكز ((پاتور)) ويا ((بهادر)) دىكلرى قهرمانلرلىك فتوحات و سرگذشتلرلىك حاكى بر قاطم شرقىلر و منظومه-لر يازوب، كتب دىنيه-لرلىك راهبلىرىك تيبب لساننده و تيبب خطيله يازوب اوقورلر. راهبلىر بت و صنملرلىك ياپمق ايجون بر آز رسم و هيكلتر اشلق دى اوكرنىرلر.

قالموقلر اون آلتنجى قرن ميلادىده دىكر بعض مغول اقوامى طرفندن مغولستاندن اخراج اولنه-رق، غرب شامالى-يه طوغرى هجرت ايدى-رك، بر طاقملرى روسيه-نك اورته-لرلىك دك كلمش؛ و بعده بونلرلىك بر مقدارى چونغارىه طرفنه عودت ايتمش ايدىلر. الحاصل، او وقتدن سائر مغوللردن آيرىلوب، رئيسلردن ((بهادر قوفنايشى)) چونغارىه دولتى تاسىس ايتمشدى، كه يوز سنة قدر دوام ايدوب، بر آره-لق اخلاقى تركستان شرقى-يى و حتى ماوراء النهرى و سمرقند و بخاراى دى ضبط ايتمش؛ و قالموقلرى زراعت و صنايعه آلشدىرمش ايدىلر. بعده بو دولتك انقراضى اوزرىنه، قالموقلر بر درجه-يه قدر استقلال اوزره ياشايه بىلمك ايجون، ينه بدويت حالنه رجوع ايتمشلردر. روسلر و پروتستان مىسيونرلى كندىلرلىك خرىستىانلىق قبول ايتدىر مكه چوق جهد ايتمشلرلىك-ده، موفق اوله-مامشلردر.

1-3558-5

قالو

1#

آلمانىه-ده %وورتمبرغ\$ك ((قره اورمان)) ايلاننده %توبىنك\$ك 32 كيلومتره شمال غربىسندى چاملق اورمانلرله مستور بر كوزل بوغازده واقع بر قصبه اولوب، 5600 اهالىسى، اسكى قونتلرلىك مخصوص بولنمش بر شهرلىك خرابه-لرى و چوخه ايله بوىك منسوجات فابرىقه-لرى وارد.

2-3558-5

قالو ادو

1#

فرانسه-نك شمال غربى جهتنده و مانشه دكيزى ساحلنده اوله-رق اسكى نورمانديه خطه-سندھ بر ايالتى اولوب، شمالاً بحر مذكورله، شرقاً اوره، جنوباً اورنه، غرباً دخى مانشه ايالتلى ايله محدوددر. مساحه سطحيه-سى 5692 مربع كيلومتره و اهالييسى 437267 كشيدير. مركزى %قان\$ شهريدير. اراضيسى دوز و آلچق اولوب، يالكز جنوب جهتنده بعض تپه-لى و اردر. مياھ جاريه-سى چوق اولوب، باشليجه انھارى: توفه، دريوه، درومه، اوره، اودون و سائره-در. ساحلى دوز اولوب، سينه كورفزينك ايچنى تشكيل ايدير. اراضيسى منبت اولوب، حبوبات، كتن، كنوير و سائره محصولاتله بر نوع شراب اعمالنه يارار المالىرى پك كليتله حاصل اولور. شرق و غرب و شمال جهتلرنده بعض اورمانلى و اردر. مرعالى چوق و ابي اولوب، قويون، صغير و آتلى چوق و جنسلىرى پك ايبيدر. ساده ياغى پك مقبول اولوب، بال اخراجاتى دخى و اردر. كمور معدنلرله، مرمر، قالدېرم طاشى و سائره اوجاقلىرى و مياھ معدنيه-سى چوقدر. صنايعى خيلى ايلرى اولوب، بز و يوك منسوجاتله چوارب كى شيلر و بيچاق فابريقه-لى چوقدر. ممالك اجنبيه ايله تجارتي پك ايشلكدر. يارسده ايشلين ديوارچيلرله طاشجيلرك چوغى بو ايالتدندر. ايالت 6 قضايه منقسم اولوب، 38 ناحيه ايله 765 دائره-يى حاويدير. اصل بو اسم ايالتك ساحلى بويجه ممتد اولان بر صره قيالرك اولوب، آلتنجى قرن ميلادى اوخرنده بو قيالره چارپوب قيريلان اسپانيانك ((قالو ادوس)) سفينه حربيه-سنگ اسميله تسميه اولنمشدر.

1-3559-5

قالو غه

1#

روسيه-نك وسطلرنده موسقووه-نك 160 كيلومتره جنوب غربيسنده و %اوقه\$نك ساحل يسارنده ايالت مركزى بر شهر اولوب، 39815 اهالييسى، داخلى مكتب اعداديسى، مكتب صنايعى و سائره متعدد مكاتبيله دار العجزه-سى، طوپخانه-سى، باروتخانه-سى، دباغخانه-لى، كورك فابريقه-لى و ايشلك تجارتي و اردر. *- قالو غه ايالتى شمالاً موسقووه، شرقاً توله، جنوباً اورل، غرباً دخى اسمولنسك ايالتلرله محاط اولوب، مساحه سطحيه-سى 30929 مربع كيلومتره و اهالييسى 1209225 كشيدير. اهالييسنك قسم كليسى روس و اورتودوقس اولوب، يالكز 1285 قارليان، 387 قتوليك، 507 يهودى و 63 مسلم بولنيور. اراضيسى دوز و آز منبت اولوب، مع هذا نصفندن زياده-سى مزروع ايسه-ده، حاصل اولان بغداى احتياج محلى-يه كفايت ايتمز. آرپه، چاودار، يولاف و مصر ايله كتن و كنوير دخى اكيلوب، بو صوك ايكي محصولك ياغى محلنده صرف و اليافى كويلى قادينلر طرفندن بز اعمالنه استعمال اولنور. اورمانلى اراضينك برربعنى اشغال ايدوب، كراسته و اودون و كمور اخراج اولندقدن بشقه، تخته-دن بر طاقم آوانى و ادوات دخى ياپيلىر. حيوانات اهليه-سى آز اولوب، يالكز بر قاچ حاراسى اولمغله، كوزل قوشى حيوانلىر يتيشديريلىر. كمور، دمير و سائره معدنلىرى چوق ايسه-ده، هنوز

پك آزی چيقارلمقده-در. صنايع محليه خيلى ايلرى اولوب، متعدد دميرخانه-لر و چوخه و سائر منسوجات فابريقه-لرى واردر. وولغه ايرماغنه تابع %اوقه\$ نهري ايلتى شق ايدوب، %اوغره\$ نهري دخى ايلتك جنوب جهتندن كله-رك، بو نهره منصب اولور. بر دمير يول خطى ايلتى شق ايدوب، مركزى ايچندن كچر. تجارتى پك ايشلك و بازار و پنايرلرى چوقدر. ايلت 11 قضايه منقسم اولوب، 15 قصبه، 571 قريه و 3601 چفتلك و سائر-ه-يى حاويدر.

2-3559-5

قالوفر

1#

شرقى روم ايلينك فلبه سنجاغنده و فلبه-نك 50 كيلومتره شمال شرقيسنده اوله-رق طونجه نهري اوزرنده بر قصبه اولوب، 8000 اهاليسى، هر اوده كثرته آقار صويى، خانه-لرك اطرافنده باغچه-لرى و مشهور غيطان و مندرلك دستكاهلرى واردر. اداره عثمانيه زماننده پك معمور اولوب، 15000 اهاليسى وار ايكن، محاربه زائله زماننده خراب اولمشدر.

3-3559-5

قالوقسه

1#

مجارستانك پشته ايلتنده و پشته-نك 110 كيلومتره جنوبنده اوله-رق طونه-نك صول كنارنده قضا مركزى بر قصبه اولوب، 15790 اهاليسى واردر.

4-3559-5

قالون

1#

پروتستانلغك ايكنجى رئيس و مؤسسى اولوب، كندى اسمنه نسبتله (قالونيسم) دنيلن مذهب مخصوصك واضعيدر. 1509 تاريخنده فرانسده پيقارديه خطه-سنگ %نو آيون\$ قصبه-سندده طوغمش؛ و 1564ده وفات ايتمشدر. طريق رهبانه كيرمك اوزره تحصيل ايتمش ايسه-ده، بعده بو طريقى تركله، علم حقوقه انتساب ايدو-رك، اورليانده و بعده بورژو-ده بوفنى تحصيل ايتمشدى. پروتستانلغك موجدى اولان (لوتر)ك بعض طرفدارلريله كسب مناسب ايدو-رك، اساساً بو مذهبي قبول ايتمش؛ و 1532 تاريخندن اعتباراً پارسده بو بابده-كى افكارينى نشر ايتمه باشلامش ايدى. بوندن طولايى حبس ايله تهديد اولنه-رق، ابتدا %انغولم\$ه و بعده %نراق\$ده پروتستانلرك حامييه-سى اولان "ناوره-لى ماركيرته"نك ياننه قاچمش؛ و نهايت فرانسه-يى تركه مجبور اولوب،

اسویچرہ-نک %بالہ\$ شہرینہ چکلمش ایدی. بو شہرہ 1535 تاریخندہ ((اساس دین عیسوی)) عنوانیلہ لاتینجہ بر کتاب نشر ایدوب، فرانسزجہ-یہ دخی ترجمہ ایتمش؛ و بو کتاب فرانسز پروتستانلرینک عقائد اساسیہ-سی حکمنہ کچمشدر. 1536 تاریخندہ پروتستانلغک حکم سورمکده اولدیغی %جنو\$ شہرندہ عقائد معلمی نصب اولنوب، آنجق مذهب جدید-ده زیاده شدت و تعصب کوستردیکندن، ایکی سنہ صکرہ شہر مذکور دن نفی اولنمغله، استراسبورغہ کیدوب، مذهب جدیدک نشرینہ قویلمش؛ و 1541ده یکیدن %جنوہ\$ جلب اولنہ-رق، فیما بعد شہر مذکورده بیوک بر نفوذ و اقتدار قزانمش ایدی. امور مذہبیہ حقندہ-کی رأی و قرارلر-ینی مجلس عمومی-یہ قبول و اجرا اینتدیرر، و مذہبلہ برابر اخلاقی دخی اصلاح و تنسیق ایتمک ادعاسندہ بولنوردی. شدت و تعصبی بر درجہ-یہ قدر سورمش، کہ تثلیث مسئلہ-سنہ اعتراض ایندیکیچون ایٹالیالی (جنتیلی)بی و (سروت) اسمندہ برینی حیاً احراق اینتدیرہ-رک، بر یکی انکیزسیون ایجاد ایتمشدی. پروتستانلقدہ (لوتر)دن دها ایلری کیدوب، رؤساء روحانیہ-نک لزومی بسبتون انکار، و جسمانی شیلرہ عبادت و حرمتی بسبتون رد و منع ایله، عزیزلری و بعض آیینلری و الوهینک تجلیسنی طانیمازدی. قدر خصوصندہ جبریہ-یہ تقربلہ ارادہ جزئیہ-یہ اینانمازدی. مذهب حقندہ لاتینجہ و فرانسرجه بر چوق تألیفاتی واردر.

1-3560-5

قالہ

1#

جزایرک قسنطینہ ایالتندہ قسنطینہ-نک 180 کیلومترہ شرق شمالیسندہ و تونس حدودی قریندہ قوملق بر دیل ایله قرہ-یہ مربوط قیالق بر برون اوزرنده واقع ناحیہ مرکزی بر قصبہ و اسکله اولوب، 4500 اہالیسی واردر، کہ بونلرک 1500 قدری مسلم و قصوری اروپالی و علی الخصوص ایٹالیان اولوب، مرجان صیدیلہ مشغولدرلر. اطرافی پک منبت اولوب، منطار میثہ-سی و سائر اشجاریلہ بعض معادن-یہ-ده وار ایسہ-ده، اہالیسی مرجان اخراجیلہ مشغول اولدقلرندن، بو منابع ثروتندن استفادہ اولنہ-میور. اطرافندہ بولنان کوللردن طولایی هواسی-ده آغیرجہ-در. اسکی بر معمورہ اولوب، آنجق اسکیزی شمدیکندن بر قاچ میللک مسافہ-ده ایدی. ادریسی (مرسی الجون) و بکری (مرسی الحرز) اسمیلہ یاد ایدہ-رک، قورصانلر ملجئی اولدیغنی بیان ایدیورلر. لیمانی صیغ و مدخلی مخاطرہ-لیدر.

2-3560-5

قالہ

1#

فرانسہ-نک شمال غربیسندہ %پادوقالہ\$ ایالتنک %بولونیہ\$ قضا-سندہ و بولونیہ-نک 40 کیلومترہ شمال شرقیسندہ و فرانسہ ایله انکلترہ آرہ-سندہ-کی %پادوقالہ\$ بوغازی اوزرہ ناحیہ مرکزی مستحکم بر قصبہ و اسکله اولوب، 12843، و سورک خارجندہ بولنان %سنت پیرلہ قالہ\$ ایله برابر 33000دن زیاده اہالیسی، کوزل ابنیہ-سی، ایشلک تجارتی، مورنہ صیدیچون آمریقایہ و سائر اقطار بعیدہ-یہ کیدر سفاننی و بعض صنایعی واردر.

فرانسه-نك انكلتره-يه اك يقين اسكله-سى اولوب، انكلتره-نك %دوره-اسكله-سندن 30 كيلومتره عرضده بر بوغازله آپرلمشدر، كه واپورلر بو مسافه-يى ايكي ساعته قطع ايدر.

3-3560-5

قالى، ابو على اسماعيل بن القاسم

مشاهير ادبادهن وائمه لغتدن اولوب، 288 تاريخنده دياربكر %مناز جرد\$ قصبه-سندھ طوغمش؛ و 303 تاريخنده بغداده متهئ عزيمت اولوب، ايكي سنه موصلده اقامتله، ابو يعليدين استماع احاديث شريفه ايتدكدن صكره، 305ده بغداده موصلت ايدھ-رك، ابو بكر بن دريد الازدى، ابو بكر بن الانبارى، نبطويه و درستويه كبي اعظم علمادن تحصيل علم و ادب ايدھ-رك، نحوه بصريون مذهبنه تابع اولمشدى. 328 تاريخنه-دك بغدادده اقامتله، افاده و استفاده ايتدكدن صكره، سياحته چيقه-رق، 33? تاريخنده اندلسده قرطبه شهرينه واصل اولمش؛ و اوراده توطنله بقيه عمرينى تدريس و تأليفله كچيرھ-رك، 356 تاريخنده قرطبه-ده وفات ايتمشدر. لغتده ((البارع)) عنوانيله و حروف هجا ترتيبيله 10000 صحيفه-دن مركب بيوك بر كتابى و ((الامالى))، ((كتاب المقصور و الممدود))، ((كتاب فى الابل و نتائجها))، ((كتاب فى حلى الانسان و الخيل و شيانها))، ((كتاب فعلت و افعت))، ((كتاب مقاتل الفرسان))، ((شرح القصائد المعلقة)) و سائر آثارى واردر. جد اعلاسى سلمان عبد الملك بن مروانك آزادليسى ايدى. كنديسى %قاليقلا\$ شهرى تجاريله برلكده بغداده واصل اولديغندن، شهر مذكوره نسبتله (قالى) تلقيب اولنمشدر.

4-3560-5

قاليارى

1#

ايتاليابه تابع ساردنيه جزيره-سنگ ساحل جنوبيسنده همنامى اولان قويك ايچدنه ايالت مركزى بر شهر اولوب، 29905 اهالييسى، صاغلام و واسع ليمانى، كوزل ريختمى، استحكاماتى، كتبخانه-سى، دار الفنونى، موزه-سى، بيوك تياتروسى، بر سرايى و سائر ابنيه مصنعه-سى، كوزل منظره-سى، صاغلام هواسى، اطرافنده بعض آثار عتيقه و خرابه-لرى واردر. جزيره مذكوره-نك اك بيوك معموره-سيدر. پك اسكى اولوب، %پولاس\$ اسميله قارتاجليلر طرفندن تأسيس اولنمشدى.

*- قاليارى ايالتى ساردنيه-نك قسم جنوبيسندن عبارت اولوب، مساحه سطحيه-سى 13530 مربع كيلومتره و اهالييسى 392208 كشيدير. شمال غربى و جنوب شرقى طرفلرى طاغلق اولوب، آرھ-لرنده %قامبيدانو\$ اسميله واسع بر اووه %مانو\$ نهريله اروا اولنور. اهالييسى زراعتله، حيوانات يتيشدرمكله و باليقحليق و آوجيقله اشتغال ايدرلر. دمير و سيملى قورشون ايله مرمرى چوقدر. ايالت 4 قضايه منقسمدر.

1-3561-5

قالیپ

1#

یونان قدیم مشاهیر منجمیندن اولوب، %۰ کیزیک\$ده ظهور ایتمش؛ و آتته-یه انتقال ایله، قبل المیلاد 331 تاریخده 76 سنه-لك شمس و قمرک حرکاننی مبین بر زیچ ترتیب ایلمشدر، که بو مدت ((قالیپ دوری)) دینمکله شهرت بولمشدر. بعده اسکندر ه انتسابله، بونک معیتنده آسیابه سفر ایده-رک، کلدانیلرک صرف شمس اولان زیجلیری بیرنه کندی زیجنی قبول ایتدیرمشدی.

2-3561-5

قالیپسو

1#

اساطیر قدیمه یونانیه-ده کویا (اوقیانوس) ویا (اتلاس) ایله (تتس)ک قیزی دکیز پریسی اولوب، %۰ اوجیجا\$ جزیره-سنده اقامت ایدردی. تروا محاربه-سی قهرمانلرندن (اولیس) فرطونه-دن بو آطه-یه آتمغله، بو پرینک محبتنی جلب ایدوب، یدی سنه یاننده توقیف اولنمش؛ و نهایت مشترینک امریله قالیپسو-یی ترک ایدوب، زوجه-سی (پنلوبه)نک یاننه عودت ایتمشدی.

3-3561-5

قالیپولیس

1#

[[کلیپولی]] و ((غالیپولی)) ماده-لرینه مراجعت بیوریله].

4-3561-5

قالیداسا

یاخود کلیدسه *- #۱ هندک مشاهیر شعراسندن اولوب، ظن اولندیغنه کوره، میلادک برنجی ویا ایکنجی قرننده یاشامش؛ و بر طاقم منظومه-لر و سائر اشعار یازمشدر. آثاری فرانسزجه-یه و سائر اروپا لسانلرینه ترجمه و سانسگری لساننده-کی اصللری دخی طبع و نشر اولنمشدر.

5-3561-5

قالیروئه

1#

((كوزل جريان)) ديمك اولان بو اسم يونان قديم اساطيرنده بعض پريلره ويرلديكى كبي، مكدونيه-ايليرك فتوحاتنده %ادسه\$ تسميه اولنان اورفه و نام ديكرله %رها\$ قصبه-سنه دخى، مياه جاريه-سنگ لطافتندن طولايى، بو اسم ويرلمشيدى.

6-3561-5

قالبيستن

1#

يونان قديم حكماسندن اولوب، آرسطونك يكننك اوغلى و شاكردى ايدى. قبل الميلاذ 365 تاريخلرنده %اوليته\$ده طوغوب، اسكندر ك معينده آسيا سفرنده بولنمش؛ و بابلدن آرسطويه ايكي بيك سنه-ك زيچلر و سائر هيئته متعلق معلومات كوندرمش ايدى. اخلاقجه متانت و تعصبى اولوب، اسكندر ك بعض جوشقونجه حر كاتنى و على الخصوص الوهيت دعواسنى تقبيح ايتديكندن، بر دمير قفسه حبس، و بعده بلحده اعدام اولنديغى مرويدر. بو سفر دن اول بر يونان تاريخى و ديكر بعض آثار يازمش ايسه ده، محو اولمش؛ و سفر اثناسنده يازديغى اسكندر تاريخندن يالكز بعض فقره-لر بولنمشدر.

7-3561-5

قالبيستو

1#

يونان قديم اساطيرنده كويا %آرقاديا\$ حكمدارى (ليقائون)ك قيزى اولوب، قمر دن كنايه اولان (ديانه)نك معينته-كى پريلر زمره-سنه داخل اولديغى حالده، مشترى ديانه-نك صورتنه كيروب، كنديسنى باشدن چيقارمغله، بوندن (آرقاس) اسمنده بر اوغلى اولمش. ديانه بونى آكلاينجه، كنديسنى معيتندن قوموش؛ و مشترينك زوجه-سى (يونون) كنديسنى آبي-يه تحويل ايله، او غليله برابر شماله وضع ايتمش اولمغله، دب اكبر و دب اصغر جمله كو كيبه-لر ينى تشكيل ايتمشلر.

8-3561-5

قاليش

1#

روسية-يه تابع لهستانده پروسية حدودى قربنده و وارسويه-نك 254 كيلومتره غرب جنوببيسنده اوله-رق %اودر\$ ايرماغنه تابع %پروسنه\$ نهرينك بر جزيره-سنده ايالت مركزى بر قصبه اولوب، 18800

اهالیسی، متعدد مؤسسات علمیه-سی، دباغخانه-لری، چوخه و سائره فابریقه-لری، ایشلک بازار و پنایرلری و کوزل سوقاقلری واردر.

-* - قالیش ایالتی اخیراً وارسوویه ایالتندن آیریله-رق، لهستانک منتهای غربندن عبارتدر. شمال شرقی جهتده وارسوویه، جنوب شرقی طرفندن پیوترقوف ایالتلریله، غرباً و غرب شمالی طرفندن دخی پروسیه حدودیله محدوددر. مساحه سطحیه-سی 11373 مربع کیلومتره اولوب، 823640 اهالیسی واردر. ایالت 5 قضایه منقسمدر.

1-3562-5

قالیغولا

1#

رومانک اوچنجی ایمپراطوری اولوب، جرمانیقوس ایله آغریبینه-نک اوغلی و ایمپراطور (تیبیر) ک یکنی اوغلیدر. بو ایمپراطور طرفندن اولدلغه قبول اولنه-رق، 27نجی سال میلادیده، 25 یاشنده ایکن، کندیسنه خلف اولمش ایدی.

2-3562-5

قالیفورنیه

1#

آمریقای شمالینک ساحل غربیسنده 23° ایله 42° عرض شمالی آره-سنده ممتد اوزون و طار بریر اولوب، قسم شمالیسی یوقاری ویا یکی قالیفورنیا ویا ساده-جه قالیفورنیه و قسم جنوبیسی آشاغی ویا اسکی قالیفورنیه اسمیله معروف، و برنجیسی ممالک مجتمعه-یه، ایکنجیسی-ده مکسیقه-یه تابعدر. وقتیله ایکیسی برلکده اسپانیه مستعمراتندن ایدی.

3-3562-5

قالیفورنیه

یوقاری ویا یکی-# 1 آمریقای شمالیده ممالک مجتمعه-یی تشکیل ایدن جمهوریتلرک بری اولوب، قالیفورنیه خطه عظیمه-سنگ قسم شمالیسندن عبارتدر. ممالک مذکوره-نک منتهای غربنده واقع اولوب، شمالاً اورغون، شرقاً نواده و آریزونه جمهوریتلریله، جنوباً مکسیقه ممالک مجتمعه-سیله، غرباً دخی بحر محیط معتدل ایله محدوددر. ساحل بویجه شمال غربیدن جنوب شرقی-یه بویی 1200 و ساحلندن ایچری-یه طوغری وسطی صورتده اکی 370 کیلومتره اولوب، مساحه سطحیه-سی 410140 مربع کیلومتره و اهالیسی تقریباً 1500000 کشیدر. اراضیسی عمومیت اوزره طاغلق و عارضه-لی ایسه-ده، واسع اووه-لری دخی واردر. ایکی بیوک سلسله جبال

مملکتی طولاً شق ایدوب، ایکسی دخی قالیفورنیه-نک اوست طرفندہ بولنان %قاسقاد رانجه\$ سلسلہ-سنہ مربوطرلر. بو ایکسی سلسلہ-نک برنجیسی و اک بیوکی %سیرا نوادہ\$ یعنی ((قارلی طاغر))در، کہ قالیفورنیه-نک حدود شمالیہ-سنہ 4403 متره ارتفاعی اولان %شاستہ\$ طاغندن بدأ ایله، %ساقرامنتو\$ نہرینہ کچید ویردکن صکره، جنوب شرقی-یہ طوغری اوزانوب، نہایت 355 عرض شمالیہ غربہ طوغری بر قوس تشکیل ایدہ-رک، %پینوس\$ طاغندہ دیگر سلسلہ ایله برلشیر. اک یوکسک ذروہ-سی جنوب جھتندہ واقع %ویتنی\$ طاغی اولوب، 4511 متره ارتفاعی واردر. بو سلسلہ-نک بر طاقم شعبہ و قوللری اولوب، اک مہملری شمالدہ-کی مذکور شاستہ طاغندن آیریلہ-رق ساحل بوینجہ سان فرانسیسکو کورفی قریبہ قدر ممتد اولنیدر، کہ اک یوکسک محلی %سنٹاجون\$ طاغیدر. ایکنجی سلسلہ سان فرانسیسکو شہرینک مؤسس بولندیگی برونڈن باشلاہ-رق ساحل بوینجہ مکسیقہ حدودینہ قدر ممتد اولان %قوست رانجه\$ یعنی ((ساحل سلسلہ-سی))در، کہ اک مرتفع تپہ-لرینہ-دک چام اورمنلریلہ مستوردر. نوادہ سلسلہ-سیلہ اشبو ساحل طاغلی آرہ-سنہ واسع بر وادی آچیلوب، بونک نصف شمالیسنہ %ساقرامنتو\$ نہری شمالدن جنوبہ، و قسم جنوبیسنہ %سنت جواکن\$ نہری جنوبدن شمالہ طوغری آقہ-رق، ایکسی-دہ سان فرانسیسکو خلیجنہ دوکلیور. کرک نوادہ سلسلہ-سنک غربی اتکلرندن و کرک ساحل سلسلہ-لرینک شرقی مائلہ-لرندن اینن چایلرک جملہ-سی بو ایکسی ابرماغہ دوکلیوب، بو داخلی وادینک میاہ جاریہ-سی بول و نباتات محصولاتی چوقدر. ساحل سلسلہ-لرینک غربی مائلہ-سندن آقان قیصہ نہرلر ایسہ طوغریدن طوغری-یہ دکیزہ دوکیلور. نوادہ سلسلہ-سنک شرقی مائلہ-سنہ یاغمولرلر سیرک و موجود اولان انہارک صولری آز اولوب، بر طاقم کوللر و بطاقلر تشکیل ایدہ-رک، یولدہ قورور. بناءً علیہ، جمہورینک شرق جتھی او قدر منبت و قابل عمران اولمیوب، علی الخصوص شرق جنوبی جھتندہ %موہلدہ\$ اسمیلہ واسع بر چول بولنور.

قالیفورنیه-نک ہواسی لطیف و پک صاغلام ایسہ-دہ، یازین زیادہ-جہ صیجاق اولور. تشرین ثانیدن مایس ابتداسنہ-دک یاغموور موسمی اولوب، بو موسمدہ اورتہ-لق چایر و چیچکلرلہ اورتیلیر. ہلہ مارت و نیسانی پک کوزلدر. آنجق مرکزی اولان سان فرانسیسکو و جوارلرنہ یازین پک شدتلی بر روزکار اوسوب اینجہ قوملری ہواہے قالدیرمغلہ، اورادہ یاز همان مفقود اولوب، اک کوزل موسمی صوک بہاریلہ قیشیدر؛ چونکہ بو موسملردہ روزکار اسمز.

اراضیسی پک منبت و محصولدار اولوب، اوتہ-دن بری اورا اہالیسنک بتون دقنلرینی کثرتلی اولان آلتون معدنیلہ معادن سائرہ-سی جلب ایتدیکندن، یالکز بر مقدار پتاتہ اکملہ اکتفا ایدہ-کلمش ایکن، نہایت اراضیسنک فوق العادہ اولان قوت انبانیہ-سنی و زراعتک ہر معدندن استفادہ-لی بر منبع ثروت اولدیغنی آکلاہ-رق، اوتوز قرق سنہ دن بری قالیفورنیه-لیلر اقالیم معتدلہ و حارہ محصولاتندن پک چوق شیلر اکمکہ باشلامش، و جملہ-سنک فوق العادہ محصول ویردکلرینی کورمشلردر. شمذیکی حالده محصولاتی: پک مقبول بر جنس بخدایلہ حبوبات سائرہ، پاموق، چیوید، پورتقال، موز، آناناس و سائر میوہ-لرک انواعیلہ اوزومک اعلاسندن عبارتدر. شرابی نیویورقدہ و سائر شہرلردہ پک مقبول اولمغلہ، باغلی کیتدکجہ چوغالمقدہ، و طوت آجالی دخی یتشدیریلوب، ایپک چیقارلمقدہ-در. ہلہ میوہ-لرک کثرت و لذتی خصوصندہ قالیفورنیه بتون آمر یقانک برنجی یری عد اولنمغلہ شایاندر. حیوانات یتشدیرمک خصوصندہ-دہ بو صوک زمانلردہ چوق اہمیت ویرلمکدہ، و اخراج اولنان پیاغی شہرت بولوب، ہر سنہ مقداری تضاعف درجہ-سنہ آرتمقدہ-در.

معدانجہ قالیفورنیه دنیانک اک زنکین یری اولوب، قیالرک ایچندہ-کی آلتون طمارلرندن بشقہ %پلاس\$ تعبیر ایتدکلری بعض یرلردہ آلتون مرور زمانلہ صولردن نقل اولنہ-رق، سطح ارضدہ طوربوردی. بو آلتونک جمعی مصرفسز و زحمتسز اولدیغندن، بوندن الی سنہ اول قالیفورنیه وحشی یرلیرک جولانکامی اولوب، ہر نوع آثار

عمراندن عاری بر یر ایکن، بو ثروتک کشفی اوزرینه، هر طرفدن آدملر قوشیشوب، صرف بو معدنک جمعنه صرف مساعی اولنمش، و احتیاجات ضروریه-لری اوزاقدن کتیریلوب پک بهالی آلوب ساتلمقده ایکن، هیچ کیمسه بشقه ایشله اوغراشمغی دوشونمه-مش؛ و 1853 تاریخده چیقاریلان آلتون 325 ملیون فرانق قیمتته واصل اولمش ایدی. آنجق میدانده اولان بو آلتونلر بیتوب، طاش طمارلرنده-کیلرک اخرجنه نوبت کلنجه، بوکا تشیث ایچون بیوک سرمایه-لره لزوم اولدیغندن، معدنچیلردن اکثری زراعت و تجارت و حیوانات یتیشدیرمک کبی ایشلره صامغله، ایشته او تاریخدن اعتباراً قالیفورنیه-نک اعمارینه، و یول، کوپری دکرمن کبی اک ابتدائی احتیاجلردن باشلایه-رق، هر شینک مجدداً اتشا و ایجادینه باشلانمش؛ و اوتوز قرق سنه ظرفنده اک معمور و اک مدنی ممالک حالنه کلمشدر. آلتوندن بشقه کومش، جیوه، قورشون، باقیر و سائر معادنله کهرچله، طوز، مرمر، آلچی و سائره کثرتله بولنمقده-در.

قالیفورنیه-نک آلچق یرلردن هنوز آچلاماش اولانلرنده بر طاقم چالیلرله قیصه بر نوع ات کستانه-سی و میوه-سندن یرلیرک بر نوع ایچکی چیقاردقاری بر چالی ایله تماسی انسانک بدننه چبانلر چیقاران و بر یاپراغنک آغزه قونمسی انسانی زهرلین بر نوع سملی آغاج بولنیور. یوکسک طاغرده ایسه کراسته-یه الویریشلی جسیم میشه و چام آغاجریله سائر اشجار و 120 متره-یه قدر اوزانیر بر نوع آغاج بولنیور. حیوانات محلیه-یه کلنجه: بونلر پک آراولوب، طاوشان و آطه طاوشانی انواعیله ککلیک، سولون و سائر طیور کبی او حیوانلردن و چنغراقلی بیلان و زهرلی اورومجک کبی بعض حشراتدن عبارتدر. وقتیله کثرتله بولنان بوز و کول رنگلی آیلرله کومشی تیلکیلر، بیانی بوغالر و قراجه انواعی نواده سلسله-سنگ اورمانلرینه چکلمشدر.

صنایع کوندن کونه ایلریلمکده اولوب، اک برنجی درجه-ده یوک منسوجات فابریقه-لریدر. ایپک و پاموق منسوجاته-ده یکی باشلانمشدر. سان فرانسیسقوده پک متین ماکینه-لر اعمال اولنور. معمولات دباغیه دخی کیتدکجه آرتمقده-در. قالیفورنیه بحر محیط معدنک اک بیوک و اک صاغلام لیمانی اولان سان فرانسیسقویه مالک اولوب، چین و جاپون و اوسترالیه ایله مقتن موارداتی اولدیغی کبی، بحر محیط آطاسی سواحلندن و ممالک مجتمعه-نک هر طرفندن کلن بر قاچ دمیر یول خطنک دخی نقطه مقصودی اولمغله، بیوک بر تجارت اجرا اولنمقده، و کیتدجه ایلریلمکده-در. معادن و محصولات ارضیه-یه متعلق سنوی اخراجاتی یاریم ملیار فرانغی تجاوز ایتمکده-در.

اهالینسک قسم کلیسی آروپالی و علی الخصوص انکلیز اولوب، چینلیلر دخی کلیتلی ایسه-لرده، بونلر یالکز عمله-لک ایدوب، بر مقدار سرمایه ایدندکن صکره، مملکتلرینه عودت ایدرلر، و قالیفورنیه-ده یرلشمز لر. اصل یرلی اولان آمریقاییلر ایسه، قطعه مذکوره اهالی اصلیه-سنگ اک آشای درکه-ده بولنانلردن اولوب، استعداد و قابلیتجه پک کری اولدقاری حالده، بیچاره-لر طاغره و چوللره طوغری پوسکوردیلوب، کیتدکجه مقدارلری آراقمقده-در. اک بیوک شهری مذکور سان فرانسیسقو اولوب، ایکنجی مرکز اداره-سی اولان ساقرامنتو و بعده ماریسویل و استوختون شهرلریدر.

1-3564-5

قالیفورنیه

اسکی ویا آشای -*-# 1 قالیفورنیه خطه عظیمه-سنگ اوزون و طار بر شبه جزیره-دن عبارت اولان قسم جنوبیسندن عبارت اولوب، مکسیقه-نک منتهای شمال غربیسنه مربوطدر. مکسیقه-نک ممالک مجتمعه-سنی تشکیل

ایدن جمهوریتلرک بری اولوب، اک آز معمور و مسکونیدر. شمال غریبیدن جنوب شرقی-یه طوغری 32° 32' ایله 25° 22' عرض شمالی آره-لرنده ممتد اولوب، بویی 1275 کیلومتره و اکی 150 ایله 70 کیلومتره آره-لرنده-در. مساحه سطحیه-سی 143692 مربع کیلومتره اولوب، یالکز 31167 اهالیسی واردر، که بونلرک چوغی اصل یرلی اقوام افرادیله اسپانیوللرک ازدواجندن متولد ملز آدملردر. غرباً و جنوباً بحر محیط معتدل ایله، شرقاً کالیفورنیه کوز فزیله و آز محله %قولورادو\$ مجراسیله، شمالاً دخی ممالک مجتمعه-نک کالیفورنیه جمهوریتیله محاط اولوب، شرق طرفندن قارشیسینده سونوره و سینالوا جمهوریتلری بولنیور. یوقاری کالیفورنیه-ده کی ساحل سلسله-سنه مربوط بر صره طاغیرلر آشاغی کالیفورنیه-نک یعنی شبه جزیره-نک بویجه ممتد اولوب، صاغ و صوله دخی بعض قوللر و شعبه-لر صالیورلر. بونلرک اک یوکسک محلی شمال جهتنده واقع اولوب 3086 متره ارتفاعی اولان %سالاماهوس\$ طاغی اولوب، ایکنجیسی-ده جنوب طرفنده واقع اولان و 1500 متره یوکسک بولنان %دومه\$ طاغیر. سائر طرفلری بوندن آچقدر. ساحل شرقیده طاغ اتکلری لب دریایه قدر واصل اولوب، غرب ساحلنده و ایچ طرفلرینک بعض جهتلرنده ایسه قوملق و طاشلق بعض دوز یرلر ممتد اولور. یاغورلری پک سیرک اولمغله، میاه جاریه-سی-ده نادر اولوب، اکثر طرفلری چول حالنده-در. جزئی صو نیعان ایدن یرلرینک-ده چوغی طاشلق و قیالق اولوب، قوه انباتیه-یه مالک اولان طوپراقلی محللرنده ایسه میاه جاریه-نک فقدانی واردر. اراضی منبته ایله صویک جمع اولدیغی جزئی یرلر اسکیدن بری میسیونرلر طرفندن مرکز اتخاذ اولنه-رق، اورالری کسب عمران باشلامشدر. بناءً علیه، آشاغی کالیفورنیه-ده ذکره شایان هیچ بر نهر یوقدر. سواحلنک ایکی طرفی خیلی کیرینتیلی چیقنتیلی اولوب، قوی و کورفز و برولنری چوق ایسه-ده، قویلرینک چوغی صیغ بطاقلردن عبارتدر. سواحلی قارشیلرنده بر طاقم آطه-لری اولوب، کورفده-کیلرینک باشلیجه-لری شمالدن باشلايه-رق: آنجل دلاغورده، قارمن، سانتیه قاتلینه، سانتیه قروز، سان جوزف، اسپیرییتوسانتو، سرالبو؛ بحر محیطده دخی سانتیه مار غریته و چورس آطه-لریدر. آشاغی کالیفورنیه صوسز و قورو بر یر اولمغله، نباتاتی سیرک اولوب، اکثر طرفلرنده مکسیقه جهتلرینه مخصوص اولان و منظره-سی دهشت انکیز اولان (قافتوس) تعبیر اولنان یاپراقسز آعاجلرک انواعی حاصل و بعضلری پک یوکسک اولور. جنوب جهتنک بر آز صویی اولان طرفلرنده قوقه، موز، زیتون و سائر اقالیم حاره آعاجلری و ساحل شرقیسینده تر بنتین آعاجلری بولنور؛ و اروا اولنه-بیلن یرلرنده شکر قامشی، قهوه، پاموق، قاقاو، آناناس، مصر و حتی اوزوم دخی یتیشدیریله-بیلیر. بو شبه جزیره-نک کندینه مخصوص بعض حیوانلری اولوب، برنجیسی اسپانیوللرک ییانی قویون تسمیه ایندکلری بو بنوزلی بر حیواندر. آمریکا طوموزی دینلن حیوان دخی سوریلرله کزر. بر نوع آبی ایله آمریکا قیلانی دخی بولنور. قوشلرک انواعی و علی الخصوص سینک قوشلری چوقدر. چنغراقلی بیلان، عقرب، قرق آیاق، جسیم اورومجک کبی حشراتی-ده کثرتلیدر. معادنی چوق اولوب، درتیوز قدر آلتون، کومش، باقیر، قورشون و جیوه معدنلری وار ایسه-ده، پک آز چیقارلمش ویا چیقارلمقده-در. قارمن جزیره-سینده بر قاچ قدم عمقنده طوزله طولو بر کول بولنوب، بوندن اخراج اولنان طوز بتون مکسیقه-یی اداره ایدیور. سواحل جنوبیه-سینده کلینتلی مرجان و سونکر دخی چیقاریلیر. مملکت بش قضایه منقسم اولوب، مرکزی اولان و ساحل شرقینک قسم جنوبیسینده بولنان %لایاز\$ک 6000 اهالیسی واردر. قصبه دینله-بیله-جک دیگر معموره-لری %لورتو\$ و %تودوس سانتوس\$در.

1#

و نام دیکرله قورتنس دکیزی و یاقیزل دکیز #2 بحر محیط معتدلک آمریقای شمالی ساحلنده قالیفورنیه شبه جزیره طویله-سیله مکسیقه-نک سینالوا و سونورا جمهوریتلری آره-سندھ تشکیل ایلدیکی اوزون و طار بر بیوک کورفز اولوب، مدار جدیدن یعنی $22^{\circ} 30'$ عرض شمالیدن قولورادو منصبنه یعنی $31^{\circ} 37'$ عرض شمال-یه قدر جنوب شرقیدن شمال غربی-یه ممتد اولور. بویی 8 درجه جغرافیه-دن زیاده اولوب، اکی 120 ایله 220 کیلومتره آره-سندھ-در. اک کنیش بری مدخلنده-در. قیشین اکثریا شمال و یازین جنوب روزکارلری اسر. سواحل غربیه-سی دهادرین اولوب، او جهنده سیر سفائن دها قولایدر، و قوی و لیمانلری چوقدر. ساحل شرقیسنک اک ایلی لیمانی %غو آیوناس\$ اسکله-سیدر، که بر دمیر یول خطنک منتها سیدر. قسم جنوبیسنده %لاپاز\$ قوینده و جوارنده-کی آطه-لرده کلینتی صدف و اینجی ایله مرجان و سونکر صید اولنور. ماده آنفه-ده تعداد اولنان آطه-لردن بشقه %سونوره\$ ساحلی قرینده دخی %تیوروس\$ اسمیله بر آطه-سی واردر، که جمله-نک اک بیوکیدر.

2-3565-5

قالیقرات

1#

یونان قدیمده آتنه-نک اک مشهور معمارلردن اولوب، قبل المیلاد 430 تاریخلرنده پریقلسک امریله (ایقتینوس) ایله برابر مشهور (پارتتون) بناسنی تأسیس و مشهور هیکلتراش فیدداس بونی تزیین ایتمش ایدی.

3-3565-5

قالیقلا

ارمینیه خطه قدیمه-سندھ اسکی بر شهر اولوب، خلافت عباسیه زماننده خطه مذکور-نک مرکزی ایدی. جسیم و بعض آثار غربیه-یی حاوی بر کلیسای و ار ایدی. الیوم خرابدر. بو شهرده پک کوزل خالیلر اعمال اولندیغدن، بو معمولات شهرک اسمنه نسبتله (قالی) دینلوب، الیوم لسانمزده مستعمل اولان قالیچه و خالی اسملری بوندن مأخوذدر.

1-3566-5

قالیقوت

یاخوذ کلیکوت #1 هندستانک ساحل غربیسنده مدراس اداره-سندھ و مدراسک 520 کیلومتره جنوب غربیسنده 10" 15° عرض شمالی ایله $51' 25'' 75^{\circ}$ طول شرقیده ملابار ایالتنک مرکزی بر شهر اولوب، 65710 اهالیسی

و لیمانسز آچیق اسکله-سی وارد. ارن بشنجی قرن میلادی اوخرنده پورتکیزلیلرک ضبطنه کچوب، بعده بونلر طرفندن احراق، و مؤخرأ تیپو صاحب طرفندن فتح اولنمش، و نهایت 1792ده انکلیزلره تسلیم اولنمشدر.

2-3566-5

قالیکست

1#

بو اسمله اوچ پاپا کلمشدر:

برنجیسی 219 تاریخنده انتخاب اولنوب، 223ده قتل اولنه-رق، اعزه صره-سنه کچیرلمشدر. بعض پرهیزلرک واضعی اولدیغی مظنوندر. تشرین اولک 14نده یورطیسنی اجرا ایدرلر.

-* - ایکنجیسی بورغونیه قونتی بیوک کویومک اوغلی اولوب، ویانه پسقپوسی ایکن، 1119ده قلوبنده انتخاب اولنه-رق، 1120ده رومیاه دخول ایله، رقیبی اولان سکرنجی غرغواری طوتوب، بر مناستره حبس، و بعض مسائل روحانیه حل، و بر مجلس عمومی عقد ایندکدن صکره، 1124ده وفات ایتمشدر.

-* - اوچنجیسی جنایتلریله مشهور اولان بورجیا فاملیا-سنه منسوب اولوب، اسم اصلیسی آلفونس بورجیادر 1377ده اسپانیه-نک %جانیهه\$ قصبه-سنده طوغوب، 1455ده پاپا انتخاب اولنمش، و اوروپایی عثمانلیلره قارشی بر اهل صلیب محاربه-سنه قاندرمغه چالشمش ایسه-ده، مقتدر اوله-میوب، 1458ده وفات ایتمشدر.

3-3566-5

قالیماخوس

یاخود قالیماق 1# یونان قدیم مشهور معمارلرندن اولوب، میلاد عیسا (علیه السلام)دن بش ویا آلتی قرن اول قورننه-ده یاشامش، و قورننه اصول معماریسنی وضع ایتمشدر.

-* - بو اسمله یونان قدیم شعرا و ادباسندن بری دخی اولوب، میلاد عیسا (علیه السلام)دن 300 سنه اول یونان مهجرلرندن برقه-ده کائن قیروان قدیم شهرنده طوغمش، آتته قربنده (الوسییس) مدرسه-سنده ادبیات تدریسیله مشغول ایکن، بطلمیوس فیلادلفوس طرفندن اسکندریه-یه جلب اولنه-رق، (موسیون) تعبیر اولنان مدرسه-ده ادبیات یونانیه درسی ویرمش؛ و ردوسلی آپولونیوس جمله تلامذه-سندن بولنمشدر. تاریخ و صرف و ادبیاته دائر بعض کتابلرله بر خیلی اشعار بر اقمش ایسه-ده، آتارینک یالکز بعض پارچه-لری بولنه-بیلمشدر.

4-3566-5

قالینوس

1#

یونان قدیمك اك اسكى شعرا سندن اولوب، میلاد-دن سکز قرن اول افس یعنی %ایاتلوغ\$ شهر قدیمنده یاشامشدر. آثارینك یالکز بعض فقره-لری موجوددر.

5-3566-5

قالینبقوم

1#

رقه شهرینك اسماء قدیمه-سندن اولوب، بوکا %نیکفوروم\$ دخی دیرلردی.

6-3566-5

قالینبقوس

1#

یدنجی قرن میلادی روم معمارلرندن اولوب، مصرک %الیوپولیس\$ یعنی عین الشمس شهر قدیمنده طوغمش؛ و روایتله کوره منجیقوله دشمنك اوزرینه آتش آتمق اصولنی ایجاد ایده-رک، ایمپراطور قسطنطین پوغوناته صاتمش؛ و بو دخی 673 تاریخنده بونکله کیزیق اوکنده اسلام دونماسنی یاقمش ایدی. بو آتشک صورت احداث ورمی سر قالوب بیله-مه-مشدر.

7-3566-5

قالیوپه

1#

اساطیر یونانیه-ده (موسه) تعبیر اولنان شعر و ادبیات و موسیقی و صنایع نفیسه پرلرندن اولوب، قهرمانلغه متعلق اشعار ایله فصاحت و بلاغتک حامیه-سی عد اولنور؛ و باشی بر آلتون تاجله مکمل برالنده بر بوری و برالنده یازلمش بر قصیده طوتار مردانه طورلی بر قیز صورتنده تصویر ایدیلیردی. ابو الالهه زعم اولنان مشتری ایله قوه حافظه-دن کنایه اولان (منموسینی) نام پرینک قیزی زعم اولنوردی.

8-3566-5

قام

1#

پورتکیز مشاهیر بحریونندن اولوب 1484ده بشنجی آفونس طرفندن آفریقا سواحل غربیه-سنده کشفیاته مأمور اولمغله، قونغو ایرماغنی کشف ایتمش؛ و 22° عرض جنوبی-یه قدر کیتمش ایدی.

1-3567-5

قاماچینزی

1#

سیبرییه-نک جنوب جهتنده و %ینیسسی ایرماغی منابعنده ساکن بر کوچک قومدر، که عن اصل (ساموید) اجناسندن اولدیغی حالده، ترکجه لسانیله متکلمدر.

2-3567-5

قامارغه

1#

فرانسه-نک ساحل جنوبیسنده %رونه ایرماغنک دالییه-سنده و نهر مذکورک اک باشلی ایکی قولى آره-سنده بر آطه اولوب، اراضیسنک آنجق بر خمسی مزروع و قصوری بطاقلدن عبارتدر. هواسی پک آغیردر. اوزرنده خیلی حیوانات بسلنیر.

3-3567-5

قامارینه

1#

سیچلییه-نک غرب جنوبی ساحلنده اسکی بر قصبه اولوب، الیوم %توره-دی قامارینه اسمیله بر قریه حالنده-در.

4-3567-5

قامبره

1#

فرانسه-نک %نور یعنی ((شمال)) ایالتده ولیله-نک 72 کیلومتره جنوب شرقیسنده اوله-رق %اسقو ایرماغی کنارنده و %سنت کینتن جدولی باشنده قضا مرکزی بر قصبه اولوب، 22900 اهالیسی، داخلی مکتبی، کتبخانه-سی، قلعه-سی، مشهور بزلریله پاتیسقه، ایپک قماش، شکر و سائره فابریقه-لری واردر.

5-3567-5

قامبريا

1#

انكلتره-ده-كى %والس\$ مملكتنك اسكى رومالير عندنده-كى اسم قديميدر.

6-3567-5

قامبريج

1#

انكلتره-ده-لوندرك-92 كيلومتره شمالنده قونتلق يعنى ايبالت مركزى بر شهر اولوب، 30180 اهاليلى، مشهور دار الفونى، 17 مكتبى، 140000 جلدى حاوى كتيخانه-سى، موزه-سى، نباتات باغچه-سى و رصدخانه-سى واردر.

-* - قامبريج قونتلغى انكلتره-نك ساحل شرقيسنده اولوب، مساحه سطحه-سى 2119 مربع كيلومتره و اهاليلى تقريباً 200000 كشيدير. %اوزه\$ نهري اورته-سندن كچوب، جنوب جهتنده-كه يرلري از عارضه-لى و شمالده-كيلر آلچق و بطاقلقدر. اراضيسنك بر ثلثى مزروع، بر ثلثى مرعى و بر ثلثى-ده اراضى خاليه-دندر. ساده ياغى مشهوردر.

7-3567-5

قامبوج

1#

هند چينيده فرانسه-نك تحت حمايه-سنده بولنور بر مملكت اولوب، شمال غربى جهتندن و شمالاً سيام دولت مستقله-سى حدوديله، شرقاً ينه فرانسه-نك حمايه-سى آلتنده بولنان %انام\$ ايله، جنوب شرقى طرفندن قوشنشين ايله، جنوب غربى جهتندن دخی سيام كورفزييله محاط اولديغى حالده، '30° 10° ايله '30° 13° عرض شمالى و '30° 101° ايله '4° 104° طول شرقى آره-لرندده ممتد اولور. جنوب غربيدن شمال شرقى-يه اولان طول اعظمى 500 و عرض وسطيسى 225 كيلومتره-در. مساحه سطحه-سى تخميناً 100000 مربع كيلومتره اولوب، 814754 اهاليلى واردر. شمال غربى و غرب حدوديله هنوز غير معين و نيم مجهول اولان جهت شرقيه-سنده اورمانلرله مستور بر قاچ صره طاغلى و ايچ طرفلرينك دخی اوته-سنده بريسنده بعض منفرد تپه و ارتفاعلى اولوب، سائر طرفلرى و مملكتنك قسم اعظمى دوز و آلچق اووه-لردن عبارتدر. شمال غربى جهتنده سيام حدودينه قدر ممتد %تونله-ساپ\$ اسميله واسع بر كولى اولوب، مساحه سطحه-سى 2400 مربع كيلومتره-در. مذکور طاغلردن بو كوله و دكيزه دوكلمك اوزره بعض چاپلر آقيورسه-ده، اصل مملكت %مقونغ\$ نهر عظيمى حوضه-سنده بولنوب، بو نهر تاچين حدودندن كله-رك، بر بيوك مسافه-ده سيام ايله تونكين و انام حدودينه

آيردقن، و بر خېلى برده سيامك لائوس اراضيسى ايجنده آقدقن، و بو اراضى واسعه-نك بر چوق انهارينى
طوپلادقن صكره، غايته كنپش و سرعلتى و شدتلى اوله-رق، بر طاقم شلاله-لر و اينيشلى آقتيلرله قامبوچه
داخل اولور؛ و ابتدا جنوبه، بعده غربه و نهايت غرب جنوبى-يه طوغرى جريانله، %پنوم-ينه\$ شهرينه واصل
اولنجه، بر طرفن شماله طوغرى مذكور %تونله-ساپ\$ كولنه بر قول كوندرير، و بر طرفن-ده كنديسى ايكي
قوله آيريلوب، قسم اعظمى شرقده و قسم اصغرى غربده اوله-رق، ايكيسى متوازياً جنوبه طوغرى آقه-رق،
قوشنشينه داخل اولور؛ و اوراده جنوب شرقى-يه طوغرى جريانله، بر چوق قولرله آيريله-رق، بر بيوك داليه
بالتشكيل، چين دكيزينه دوكيلور. بو نهر عظيم تشرين اولدن مایسه قدر سورن قوراقلق زماننده يتاغى ايجنده
محصور اولوب، يالكز مد و جزرك تأثيريله بعض تبدالته اوغرار. بو جمله-دن اوله-رق، مذكور كوله كيدن قولى
مد حالنده نهردن كوله، و جزر حالنده كولدن نهره آقه-رق، بر جدول يرينى طوتار. حزيناندىن ايلوله قدر دوام
ايدن فيضان موسمنده ايسه نهرك صولرى او قدر چو غالير، كه يتاغك ايكي طرفنده بولنان جزئى ارتفاعلى
آشه-رق، آچق اووه-لرى باصار؛ و هر طرف بر دكيز حالنه كچوب، يوقارنده ذكر اولنان منفرد تپه-لر و
ارتفاعلر آز چوق كنپش آته-لر كى قالير. بو وجهله بر آى اول كويلينك آرابه يوروتديكى يرلرده بر آى صكره
قايقى قايق و صال يوزديرر. قوراقلق زماننده دخى بو اووه-لرك اك آچق يرلرنده صولر قالوب، بر طاقم كوللر
و بطاقلق و سازاقلر تشكيل ايله، هوايى اخلاخل ايدرلر. قامبوچه يوقارنده دينلديكى كى بر قوراقلق و بر ياغمور
موسمى اولوب، هواسى دائما صيجاج و رطوبتلى اولمغله، پك آغير و اجنبيلر حقتده مهلك اولوب، صيتمه-لرى و
فقر الدمى چوقدر. قوه انباتيه و محصولاتجه اراضيسنى بش طبقه-يه تقسيم ايتمشلردر: برنجيسى و اك
محصولدارى مذكور ايرماغك ايكي كنارنده و قوللرى آره-سنده بولنان مرتفعجه يرلردر، كه كلينلى پاموق،
چيويد، توتون، طوت آغاجى و سائره حاصل ايدر. معموره-لرله مسكنلرك اكثرى بو طبقه-ده و كميلرله بر طريق
موراده تشكيل ايدن انهارك كنارلرنده بولنيور. ايكنجى طبقه برنجيسنك آره-سنده بولنان و همان دائما صو آلتنده
بولنان آچق يرلردر، كه طورغون صولرى حاوى اولوب، مجراى نهرك صاغ طرفنده بو طبقه زياده-جه
توسعله، %تونله ساب\$ كولى كنارلرينه قدر واصل اولور. بو طبقه-ده باشليجه سيسام اكيلير و شفتالى آغاجيله
نيلوفر كثرتلى اولور. اوچنجى طبقه ايكنجينك ده ايلريسنده بولنان و يالكز فيضان ميايه موسمنده صو ايله
اورتيلوب، طورغون صولرى اولميان يرلردر، كه باشليجه پرنج ايله قاؤون قارپوز و سائره حاصل ايدر.
درنجيسى فيضان صولرينك نادراً باصدقلى مرتفع يرلر اولوب، بونده ياغ چيقارمغه يارار ثمره-لر ويرن
اشجار مختلفه حاصل اولور. بو طبقه-نك اورمانلرنده يانغينلر پك صيق وقوع بوليور. بشنجى طبقه ده يوكسك
طاغلردر، كه %كوتله\$ دينلن ضمع ايله وانيله و سائره بولنور. بو وجهله مملكتك محصولاتى پك متنوع و پك
چوق ايسه-ده، اهاليسى اراضينك وسعتيله متناسب مقدارده اولمقدن بشقه، كنديلرى جاهل و تنبل آدملر اولدقلرندن،
آنچق احتياج ضروريلرينه كوره اكوب بيچرلر؛ و يالكز بر مقدار پاموق و چيويد ايله ايبك قوزه-سى اخراج
ايدرلر. اورمانلرنده بولنان اشجار پك مختلف و قيمتلى اولوب، بعضلرندن ضمغلك انواعى و قاوچوق و سائره
چيقار، بعضلرى بوياجيلقده قوللانيلير، و بعضلرى-ده كراسته-يه الويريشليدر. طاغلرنده خدایى نابت قيمتلى
نباتات دخى چوقدر. آنچق قوللرك و طرق و معابر و سائر وسائطك فقدانندن بولرك-ده همان هيچ برندن استفاده
اولنه-ميور. مركزى اولان %پنوم پنه\$ شهريله اسكله-سى اولان %قامپوت\$ده باشليجه چينلى تجارك سعى و
توسطيله رچينه، باغه، فيل ديشى، كركدان بوبنوزى، بيانى مانده بوبنوز و دريسى، قورو باليق، بيانى مانده و فيل
باصديرمه-سى و سائره تجارتى اجرا اولنيورسه-ده، بولنر نسبه جزئى شيلردر. مذكور بيوك كوله كلينلى باليق
چيقوب، قوروديلور. بو باليقدن سنوى سكز اون مليون فرانقلق اخراجات اوليور. دمير معدنى پك چوق و جنسى
پك ايبى ايسه-ده، يالكز كولك غرب جهتنده بولنان بر قبيله اصول قديمه ايله جزئى مقدار چيقار يرلر. آلتون و

سیملی قورشون ایله باقیر معدنلری دخی واردر. اورمانلرنده فیل، کرکدان، قیلان، بیانی بوغا، بیانی مانده و کوچک او حیوانلری چوقدر. نهرلرده تمساح و صو قوشلرینک انواعی بولنور. بیلان و سائر حشرات دخی وار ایسه-ده، اک زیاده انسانی راحتسز ایدن سیوری سینکلریدر. سولوک دخی صولرده و قره-ده بیله کثرتله بولنور. حیوانات اهلیه-دن قوشومده و صپان چکمه-ده اک زیاده قوللانیا لان مانده-در. آتلی آز و پک کوچکدر. فیل یالکز اغنیا طرفندن بینک و قوشوم حیوانی کبی قوللانیا لیر.

قامبوج اهالیسی (حمیر) اسمنده بر قوم اولوب، سائر هند چینی اهالیسی کبی تیبت و مغول جنسیتلرینه منسوب و بودا دینیله متدیندرلر. یوز بیگ قدر چینلی و بر قاچ بیگ ملایی دخی بولنیور. مذکور (حمیر) قومندن قامبوجک خارجنده یعنی سیام و قوشنشینده و آنامده دخی بر خیلی مقدار اهالی بولنیور. قامبوج بر حکمدارک تحت حکمنده اولوب، بونک طرفندن منسوب بش وکلا ایله اداره اولنور، و هر بری بونلرک برینه منسوب عد اولنمق اوزره، بش خطه-یه منقسم عد اولنور ایسه-ده، بو تقسیم اعتباری اولوب، اصل اداره-جه مملکت 56 ایالته منقسمدر. قامبوج دولتی وقتیه چوق دها بیوک اولوب، قرن حاضر میلادی اوئلنده شمال جهتندن اک اهمیتی ایکی ایالتی سیام، و جنوب جهتنده بر خیلی برلری قوشنشین طرفندن ضبط اولنمغله، قامبوج حکمداری، قالان برلرینی محافظه ایچون، 1864 فرانسه-نک حمایه-سی تحتنه کیرمشدر.

1-3569-5

قامبرون

1#

انکلتره-نک %قورنوال\$ ایالتنده و %بودمین\$ک 64 کیلومتره جنوب غربیسنده بر قصبه اولوب، 7760 اهالیسی و باقیر، قورشون و قلاهی معدنلری واردر.

2-3569-5

قامبیس

1#

بو اسمله یونان قدیم مورخلری ایران قدیمک کیانیان سلاله-سنده ایکی حکمدار کوستریورلر:
برنجیسی جهانگیر شهیر کیروس (کیخسرو؟)ک پدری اولوب، کندیسی فارس حکمداری اولدیغی حالده، مدیا دولتنه تابع ایدی، و مدیا حکمداری (آستیاغ)ک قیزی (مندانه)یی تزوج ایتمش؛ و بو ازدواجدن تولد ایدن (کیروس) حقنده آستیاغ کندیسی حقنده مضر بر رویا کورمش اولمغله، بو چوجغی ائتلاف ایتدیرمک اوزره، وزیرینه ویرمش ایکن، بو وزیر چوجغی بر چوبانه ویروب، کیروس طاغده بیودکدن صکره، ابتدا پدرینک میراتنه وارث اولوب، بعده مدیایی و او وقت معلوم اولان اکثر برلری ضبط ایتمشدی. یونانیلرک بو روایتی ایرانک معلوم اولان تاریخنه تطبیق ایتمکه قالفیشدیغمزده، بو حکایه-نک اک زیاده سیاوش و افراسیاب و کیخسرو حکایه-سنه بکز دیکنی کوریورز. افراسیاب ایله آستیاغک بر اولدیغنی و ایرانیلرک توران اسمیله مدیا دولتنی مراد ایتدیگلینی فرض ایتمسه-ک، قامبیس دخی سیاوش و یاخود حکم سورمین سیاوشک ذکر اولنمامسیله، کیکاوس اولمسی اقتضا ایدر.

واقعا (كاوس) ايله (قامبيس) وياخود (قامويس) اسملىرى بىنننه مشابهت وار ايسه-ده، (آستياغ) ايله (افراسياب) اسملىرى پك-ده بربرينه بكميور. مديانك ايسه قديم تركلرك حكى آلتنده بولنديغى، و آثار قديمه-ده يان يانه يازىلى بولنان اوچ لساندن برى آتورى، برى ايرانى قديم و اوچنجيسى تورانى يعنى تركى اولديغى آثار عتيقه علماسنجه دخى مظنوندر. بر طرفن-ده (آستياغ) اسمى (آزى داهاقه) يعنى (ضحاك تازى) اسمنه پك مشابهدر؛ كيروس حقتده-كى حكايه-ده فريدونك حكايه-سنه بكممز دكلدر؛ بو حالحه قامبيس جمشيد اولمق اقتضا ايدر. لکن جمشيد و فريدون و ضحاك حكايه-سنگ هند اساطيرندن مأخوذ خرافاتدن عبارت اولديغى ((فريدون)) و ((ضحاك)) ماده-لرنده بيان ايتديكمزدن، بو احتماله پك ده اهميت ويرمك ايستميورز.

*- ايكنجى قامبيس ايسه (كيروس)ك اوغلى و خلفى كى كوستريلوب، قبل الميلاذ 530دن 522 تاريخنه-دك حكم سوردىكى، و مصرى فتح ايتدكن صكره، نوبه و حبش چوللرنده مغلوب و عسكرى قيتلغه دوچار اولمغله، مصره عودتنده، حدتندن بر طاقم معابد و سائره امحا و اتلاف ايتدىكى، و ايرانده تختنى دوزمه بر آدم ضبط ايتلمكه، اوكا قارشى متهى عزيمت اولديغى حالحه، حيوانه بينرکن آياغنده حاصل اولان بر ياره-دن متأثراً وفات ايتدىكى روايت اولنيور. ايران توارىخنده مصرى ضبط ايدن كيخسروك پدى (كاوس) اولديغى، و كيخسروك اوغلى اولميوب، پدرينگ عم زاده-سى (لهراسب)ى كنديسنه خلف ايتدىكى ذكر اولنيور. بناءً عليه تطبيقى مشكلدر.

1-3570-5

قامبينغ

1#

آسيانك بحر محيط كبيرده-كى %سونده\$ جزايرندن %تيمور\$ جزيره-سنه مربوط و بونكله برابر پورنكيز دولتنه تابع بر جزيره اولوب، جزيره مذكوره-نك منتهى شرقنده و تيمورك شمالنده اوله-رق 18° 8° عرض جنوبيه واقعدر. طول اعظمى 20 كيلومتره-دن زياده دكلدر.

2-3570-5

قامپانه

1#

اسپانيه-ده سويله ايلتنك %قارمونه\$ قزاسنده و قارمونه-نك 19 كيلومتره شمال شرقيسنده بر قصبه اولوب، 6600 اهالىسى واردر.

3-3570-5

قامپانيه

1#

ایتالیانك اسكى تقسیماتنده غرب جنوبی جهتده بیوک بر خطه اولوب، شمالاً لاتیوم، شمال شرقی طرفندن وقتيله %سامنیوم\$ و بعده %آبروچه\$ و %مولیزه\$ دینلن خطه-لرله، جنوب شرقی طرفندن وقتيله %لوقانیا\$ و بعده %باسیلیقاته\$ خطه-سیله، جنوب غربی جهتندن دخی %تیرنیان\$ دکیزیله محاط ایدی. اووه-لق، کوزل ایشلمش و باغ و باغچه-لری چوق اولمغله، ((اووه)) دیمک اولان بو اسمله تسمیه اولنمش؛ و ایتالیانك باغچه-سی نامنی آلمش ایدی. باشلیجه معموره-لری قاپووه، ناپولی، پومی و سائره ایدی. بو خطه قدیملاً پلاسج اقوامندن (اویق) اسمنده بر قومله مسکون اولوب، بعده ینه پلاسچلردن اتروسقلر قامپانیه-یی ضبطله اون ایکی جمهوریت تشکیل ایتمشلردی. مؤخرأ سامنیتر و نهایت لاتینلر ضبط ایتمشلردی. روما اغنیاسی قامپانیه-یی کوشکلر و باغچه-لری طولدیرمشلردی. البیوم: ترادی لاوورو، ناپولی، بنوات، پرنچیپاتو اولتریوره و پرنچیپاتو چیتریوره اسملریله 5 ایالتنه منقسمدر.

4-3570-5

قامپانیه

1#

برازیلیا ممالک مجتمعه-سنگ میناس جرائس جمهوریتنده و %اوروپرتو\$نک 230 کیلومتره جنوب غریبسنده و %ریوورده\$ نهری اوزرنده سنجاق مرکزی بر قصبه اولوب، 6600 اهالیسی و جوارنده بیقاربونات دوسودی حاوی مشهور معدن صولری واردر.

5-3570-5

قامپانیه دی روما

1#

ایتالیانك غرب طرفنده روما شهرینك اطرافنده بر یر اولوب، اسكى لاتیوم خطه-سیله اتروریه-نك بر پارچه-سندن عبارتدر. باشلیجه تیبر مجراسنك جنوبنده و آپنین سلسله جبالیه دکیز آره-سنده واقعدر. اسكى رومالیلر زماننده پك معمور و مزین اولان بو یر شمدیکی حالدده نهرك تشکیل ایتدیکی بطاقلقرك تولید ایتدکلری صیتمه-لر و وخامت هوا سببیه خالی و خراب اولوب، یالکز بر طاقم مانده چوبانلرینك جولانکاهیدر.

6-3570-5

قامپیل

1#

بحر محیط کبیرده یکی زلانده-نك 639 کیلومتره جنوبنده 36° 52 عرض جنوبی ایله 20' 53" 166° طول شرقیده خالی بر جزیره اولوب، 1874ده زهره-نك شمسك اوکندن کچدیکنی تماشا ایچون بونده بر رصدخانه تأسیس اولنمشدی.

7-3570-5

قامپلتون

1#

اسقوچیه-نك آرچیل قونتلغنده و قانتیر شبه جزیره-سك ساحل جنوبیسنده بر قصبه و اسکله اولوب، 6690 اهالیسی و منسوجات و مسکرات فابریقه-لریله صید ماهیسی واردر.

8-3570-5

قامپش

1#

مکسیقه-نك %یوقاتان\$ خطه جنوبیه-سنده و مریده-نك 160 کیلومتره جنوب غربیسنده همنامی اولان ایالتنك مرکزی بر قصبه و اسکله اولوب، 15000 اهالیسی و کوچک لکن صاغلام لیمانی واردر.

9-3570-5

قامپن

1#

فلمنك یوقاری ایسل ایالتنده و ایسل نهرینك منصبی قرینده مستحکم بر قصبه اولوب، 16800 اهالیسی، 256 متره اوزونلغنده بر کوپریسی، معمارلغه مخصوص مکتبی و خیلی فابریقه-لری واردر.

1-3571-5

قامپوباسو

1#

ایتالیانك ملغی ناپولی قرالغنده رومانك 182 کیلومتره شرق جنوبیسنده و ناپولینك 84 کیلومتره شمال شرقیسنده %مولیزه\$ ایالتنك مرکزی بر قصبه اولوب، 12880 اهالیسی و اسلحه و بیچاق فابریقه-لری واردر.

2-3571-5

قامپوت

1#

هند چينيدده قامبوج دولتنده و %پنوم پنه\$نك 150 كيلومتره جنوب شرقيسنده اوله-رق همنامی اولان نهرك کنارنده بر قصبه و ايشلك اسكله اولوب، باشليجه چينليلرله مسكوندر.

3-3571-5

قامپوس

1#

برازيليا ممالك مجتمعه-سنگ ريو يانير و جمهوريتنده %پارانہ دوسود\$ نهرينك ساحل يميننده و بو نهرك بحر محيط آطلاسيه دوكلديكي محلدن تقريباً 60 كيلومتره يوقاريدده قضا مركزي بر قصبه اولوب، 19520 اهاليسی و اطرافنده شکر قامشى، پاموق، قهوه، پرنج و سائره-دن كلينتلی محصولات ويرر منبت بر اووه-سی واردر. شكري مشهوردر.

*- اسپانيه-نك باليار جزايرندن مايورقه جزيره-سنده و پالمه-نك 35 كيلومتره جنوب شرقيسنده دخی بو اسمله بر قصبه اولوب، 4000 اهاليسی و جوارنده قابليجه-لری واردر.

4-3571-5

قامپولونگو

1#

رومانيه-نك افلاق خطه-سنده و بكرشك 50 كيلومتره شمال غربيسنده اوله-رق قارپات جبالنك اتكنده %موچل\$ ايلتنك مركزي بر قصبه اولوب، 9890 اهاليسی و جوارنده روماليلردن قالمه آثار عتيقه-سی واردر. پك اسكى بر قصبه اولوب، وقتيله افلاقك مركزي ايدى.

5-3571-5

قامته

1#

برازيليا ممالك مجتمعه-سنگ %پارا\$ جمهوريتنده و %پارا\$نك 150 كيلومتره جنوب غربيسنده او محلده 8 كيلومتره وسعتی اولان %توقانتين\$ نهرينك صاغ ساحلنده قضا مركزي بر قصبه اولوب، 20000 اهاليسی و

قافانو و قاقوچوق و سائره-يه متعلق ايشلك تجارتي وارد. نهر مذكوره بيوك كميلر بو قصبه-يه و كوچكلرى 200 كيلومتره ده يوقارى-يه قدر چيقار.

6-3571-5

قامجيق صويى

بلغارستانده واره-نك 18 كيلومتره جنوبده قره دكيزه دوكلور بر نهر اولوب، بالقان سلسله جبالنك ايكي مائله-سندن اينن ايكي چايدن مركيدر. شمالي مائله-دن ايننه عقللى قامجيق و جنوبى مائله-دن يعنى شرقى روم ايلدين كلنه-دلى قامجيق ديرلر. بو نهر امينه طاغنى اصل بالقان سلسله-سندن آيريور. مجراسى يالكز قرق كيلومتره طولنده ايسه-ده، صويى چوق اولوب، بر خيلى چامور دخى اينديرر.

7-3571-5

قامچاتقه

1#

سييريه-نك منتهاي شرقنده ساحل ايلتنه ملحق بيوك بر شبه جزيره اولوب، بهرنك دكيزيله اوخوچ دكزي آره-سنده بر عدسه شكلنده اوله-رق شمالدن جنوبه اوزانير. تقريباً 50° ايله 60° عرض شمالي و 150° ايله 160° طول شرقى آره-لرنده ممتد اولور. منتهاسى اولان %لوپانقه\$ برونى قارشيسنده-كى بر صره آله-لر جاپونيه-نكدر. مساحه سطحه-سى 270483 مربع كيلومتره اولوب، فرانسه-نك نصفدن بيوك اولديغى حالده، آنجق 10000 اهالييسى وارد، كه بوده هواسنك شدت برودتندن و اراضيسنك عدم استعدادندن ايلرى كلير. بر صره طاغلا قره-دن كلوب، شبه جزيره-نك اورته-لرنده ايكي شعبه-يه انقسامله، هر برى بر ساحل قرينده اوزانه-رق، شرقيسى لوپانقه بروننه واصل اولور. بو طاغلا بركانى الاصل اولوب، الان آره صره پارلار اون ايكي و وقتيله سونمش يكرمى بر بركانلى وارد. بونلردن اك يوكسى اولان %قلوچوسك\$ك 4804 متره ارتفاعى وارد. بو طاغلايك ايكي طرفندن بر چوق نهرلر اينوب، اك بيوكلى ايكي شعبه-نك آره-سنده نبعانله شماله و بعده شرقه طوغرى آقه-رق بهرنك دكيزينه دوكيلن %قامچاتقه\$ ايرماغيدر، كه مجراسى 500 كيلومتره طولنده-در. اوخوچ دكيزينه دوكيلنرينك-ده اك بيوكى %بولچايه\$ اولوب، 200 كيلومتره-لك مجراسى وارد. سواحل غربيه-سى دوز اولوب، سواحل شرقيه-سنده، ينار طاغلرندن اينن لاولر بر چوق چيقتيلر تشكيل ايتلمكه، بر طاقم قويلر و كورفلر وجوده كلمشدر، كه بونلرك اك معتناسى %اواجه\$ قويى اولوب، سان فرانسيسكو و ريو يانيرو قويلرينه ادعاى رقابت ايده-بيله-جك حالده-در.

اراضيسى طاغلرده قىالق و آلچق يرلرده قوملق و بالچيق اولوب، اك زياده زراعته الويريشلى مذكور قامچاتقه واديسيدر. وقتسز سيس و قراغيلرى چوق اولديغندن، بغداى يتيشه-ميوب، باشليجه محصولاتى چاودار ايله كنويردر. طاغلى اورمانلره مستور اولوب، يوكسك آغاچلىرى و بونلرك آلتنده بر بچق متره-يه قدر اوزانير و سنده-ده اوچ دفعه كسيله-بيلير اولتلى وارد. سواحل قرينده آنجق چالى قيبيلدن اكرى بو كرى بعض آغاچلىرى بولنيور. جنوب جهتي صولاق اولوب، شمالي سييريه-نك تونده-لرينى آكديرر. باقير، دمير، كوكورد معدنلىرى و

مياه معدنيه-سى چوقدر. زلزله-لرى صيقجه-در. ماموت دینلن جسيم فيل ايله سائر حيوانات منقرضه مستحاثه-لرى كثر تله بولنور. هواسى عرضنك اقتضاسندن زياده صوئوق اولوب، سواحل شرقيه-سندھ يازين وسطى اوله-رق ميزان الحراره + 10° و قيشين -* 20° كوسترر. سواحل غريبه-سندھ ايسه قيشين اوچ آى جيوه منجمد بولنور. قار ايسه بالعكس سواحل شرقيه-ده زياده اولوب، چوق دفعه خانه-لرك طاملرندن يوقارى چيقار. يالكز ايكى سلسله جبالك آر-سندھ-كى وادیده هوا نسيه ملايمجه-در. اهالى اصل يرلى اولان (قامچادال) ايله چوچى اقوامندن (قورباق) و تونغوز اقوامندن (لاموت) قوملرندن و برر مقدار ياقوت، تاتار و روسدن مركب اولوب، يرليرك اكثرى باليقچيلق و آوجيقله ياشارلر. كويلر اوچر دردر خانه-دن عبارت اولوب، بعضلى-ده خيمه نشيندر. صورتا خرسنيانلغى قبول ايتمشلر-سه-ده، اسكى عادت و اعتقادلريني-ده ترك ايتمه-مشلر-در. مركزى مذکور %0 آوچه\$ قوينده واقع %پتروپاولوسكى\$ اسكله-سى اولوب، بعض استحکاماتى واردر. روسلر اون يدنجى قرن ميلادى اوخرنده بو شبه جزيره-يه داخل اولمشلر-در.

1-3572-5

قامچادال

1#

آنف البيان قامچاتقه شبه جزيره-نك اهاليبندن بر قوم اولوب، شبه جزيره-نك وسطى و غربى جهتنده ساكندرلر. بونلرى بعضلى مغول و بعضلى اسكىمو جنسندن عد ايتمشلر-سه-ده، ايكيسندن-ده فرقليدرلر. هر حالده تاتار چهره-لى و قيصة بويلى اولوب، آنجق پك چركين دكلردر، و قاريلرى بيننده كوزللى-ده واردر. مذهب آيينلرينى قوجه قاريلرى اجرا ايدر. ناموس خصوصنده مبالاتلرى يوقدر. قيشين يرده قازلمش و يازين قازيقلر اوزرينه طورديرلمش قلبه-لرده اوتورورلر. كنديلرى اوچ درت بيك نفوسدن عبارتدرلر. لسانلرى هيچ بر لسانه بكميوب، همان بر قاچ يوز كلمه-دن عبارتدر. روسلرك ورودندن اول معادنن خيرلرى يوغيدى.

2-3572-5

قامرون

1#

آفريقانك ساحل غربيسنده كينه كور فزى زاويه-سندھ %بيافره\$ قوينده و فرناندوپو جزيره-سنگ قارشيسنده بيوك و مرتفع بر طاغ اولوب، اتكلرى ايكى طرفدن برر خليجله آيرلمش كنيشجه بر شبه جزيره-يى طولديره-رق، ساحل بحره قدر اوزانير؛ و تپه-سى دكيزدن پك عظمتلى كوريلور. سونمش بر بركان اولوب، حتى تپه-سندھ آغزى هنوز تماميله سونمه-مش اولديغى مرويدر. اك يوكسك تپه-سى 4194 متره ارتفاعنده اولوب، يوقارى طرفلرينه قار دخى ياغارسه-ده، چوق طورماز. 1774 متره ارتفاعنده بر ايكنجى تپه-سى دخى واردر. *-مذکور شبه جزيره-نك شرق جنوبى جهتنده-كى خليجه-ده قامرون نامى وبريلوب، بوکا شمالدن، شمال شرقيدن و شرقدن كلن بر قاچ نهر دوكيلور. كميلر بو خليجك ايجنده 48 متره يوقارى-يه قدر چيقه-بيليرلر.

-*۔ آلمانیہ دولتی بو صوك سنه-لرده بیافره قوینده (قادابار) منصبندن فرانسه-نك قونغو مهجری حدودینه اولان ساحلی و جبل مذکورى، داخلاً آداماوه-یه و سائر اقطار مجهوله-یه قدر ممتد اولمق اوزره، مهجر اتخاذ ایده-رك، قامرون تسمیه، و همنامی اولان خلیجك اوزرینه تأسیس ایتدیكى تجارتكاهی كوندردیكى قومیسره مقام و مركز اتخاذ ایتمشدر. بو مهجرك مساحه سطحیه-سی 300000 مربع کیلومتره و اهالیسی 500000 كشی اعتبار اولنور.

1-3573-5

قامرینو

1#

ایتالیای وسطینك مارشه خطه-سندہ %ماچراته\$ ایالتنده و ماچراته-نك 37 کیلومتره جنوب غربیسندہ قضا مرکزی بر قصبه اولوب، 7000 اهالیسی، دار الفونوی، مشترینك عبادتخانه-سندن مبدل اسکی بر کلیسای و چوخه و اییکلی قماشلر فابریقه-لری واردر. اسکی بر شهر اولوب، قدیماً %قامرینوم\$ اسمیله %اومبریله\$ خطه-سندہ منسوب ایدی.

2-3573-5

قامش کورفی

قریم شبه جزیره-سی ساحلنده و سیواستپولك قرینده و جنوبنده بر قوی اولوب، مشهور سیواستپول محاربه-سندہ فرانسز عسکری بوراده اقامت ایتلمکه، مرسای عسکری و بر قصبه تأسیس ایتمشلردی.

3-3573-5

قامنچ

1#

روسیه-نك جنوب غربی جهتنده پترسبورغك 1560 و کیفك 440 کیلومتره جنوب غربیسندہ و دنیستره تابع %اسموتیش\$ نهری اوزرنده %پوله-ولیه\$ ایالتنك مرکزی بر شهر اولوب، 22610 اهالیسی، نهرك اوپر طرفنده بولنان اسکی محله-یه بر صو یولیه ارتباطی و قلعه ایله بیننده عثمانلیلر طرفندن تأسیس اولمش مصنع بر کپریسی واردر.

4-3573-5

قامنیستیکیا

1#

آمریقای شمالیبه دومینیون مملکت واسعه-سنگ اونتاریو خطه-سنده %سوپریور\$ کولنه دوکیلور بر نهر اولوب،
مجراسی 500 کیلومتره-دن اوزوندر. اورمانلرله مستور بر بطاقلده نبعان ایدوب، جنوبه طوغری جریان، و بر
قاچ کولک ایچندن مرور ایدر.

5-3573-5

قاموئن

1#

پورتکیزک اک بیوک شعراسندن اولوب، 1715ده طوغمش؛ و 1579ده وفات ایتمشدر. پورتکیزلیلرک فتوحاتنی و
واسقودی غامه-نک کشفیاتنی حاکی اوله-رق (اوس لوسبادوس) یعنی ((پورتکیزلیلر)) عنوانیله مشهور بر
منظومه-سی واردر.

6-3573-5

قامه

1#

آنقره جهنتندن عبارت اولان غالاتیا خطه قدیمه-سنده حسن وآنبله مشهوره بر قادین اولوب، روما کبراسندن
%سیناتوس\$ه وارمش ایدی. غالاتیا پرنسی (سینوریقس) بو قادینه عشق ایتمکله، کندیسی تزوج ایتمک ایچون،
قوجه-سنی قتل ایندیبرمش؛ و قامه بونک تکلیفنی صورتا قبول ایدوب، دیانه معبدنده رسم تزوج اجرا اولنورکن،
حاضرلامش اولدیغی زهرلی بر مشروبندن کندیسی ایچوب، مرقومه-ده ایچرمکله، ایکیسی درحال جانسز
دوشمشلردی. بو وقعه دفعاتله فاجعه صورتنده سلك نظمه چکلمشدر.

7-3573-5

قامه

1#

روسیه-ده وولغا ایرماغنه تابع بر بیوک نهر اولوب، %ویاتقه\$ ایالتنک شرق طرفنده نبعانله، شماله بعده شرقه و
صکره جنوبه طوغری آقه-رق، و صاغ و سولدن بر قاچ چای آله-رق، %پرم\$ شهری اوکنه کلنجه، اورال
سلسله جبالندن کلن %چوسووايه\$ نهریله برلشه-رک، غربه و غرب جنوبی-یه طوغری دونر، و خیلی مسافه-ده
ویاتقه ایله پرم و بعده ویاتقه ایله اوفه ایالتلری حدودینی آیردقندن صکره، قزان ایالتنه کیرر؛ و قزان شهرینک آلت
طرفنده وولغا ایرماغنه دوکیلور. مجراسی 1280 کیلومتره اوزون و حوضه-سی 524757 مربع کیلومتره-در.

8-3573-5

قامهه

سندده منصوره-نك 8 و بر روايتده بر مرحله اوتة-سندده بر قصبه اولوب، اهالي مسلمه-سيچون بر مسجد جامعي اولديغي بعض جغرافيون عرب آثارنده مذکوردر.

1-3574-5

قاميره

ياخود قاميروس #1 ردوس جزيره-سنگ ساحل غربيسنده بر قصبه ایدی.

2-3574-5

قامين

#1

پروسبه-ده پومرانيه خطه-سنگ %استتین\$ سنجاغنده واستتینك 61 كيلومتره شمالنده قضا مرکزی بر قصبه اولوب، 5855 اهالیسی و ایچندن آقان نهر واسطه-سیله استتین شهريله و بالطبق ساحلیله سير سفائن موارداتی وارددر.

3-3574-5

قان

#1

فرانسه-نك شمال غربی جهتنده و پارسك 239 كيلومتره غرب شماليسنده اوله-رق %اورنه\$ ایرماگی اوزرنده و بونك مانشه دكيزنده-کی منصبندن 18 كيلومتره یوقاریده و %اودون\$ نهرينك ملتقاسنده %قالوادیو\$ ایالتتک مرکزی کوزل بر شهر اولوب، 43809 اهالیسی، قلعه-سی، لیمانی، آقادیسی، ادبیات و فنون و حقوق مکاتب عالیه-سی، داخلی مکتب اعدادیسی، دار المعلمینی، هندسه مائیه مکتبی، صاغر و دیلسزله مخصوص مکتبی، موسیقی تعلیمخانه-سی، 50000 جلدی حاوی کتبخانه-سی، رسم موزه-سی، تاریخ طبیعی نمونه خانه-سی، نباتات باغچه-سی، متعدد جمعیات علمییه و فنییه-سی، بورسہ-سی، تجارت اوطه-سی، بانکہ شعبه-سی، تول، دانته، باصمه، کاغد، صابون و سائرہ فابریقه-لریله دمیر و باقیر دوکخانه-لری، سفائن اعمالنه مخصوص دستکاهلری

و ايشلك تجارتى واردى. نهر مذكوره 200 طونيلات-لغه قدر كميلار شهرى اوكنه قدر چيقار. پك تميز و كوزل ابنيه-لى بر شهردر.

4-3574-5

قان

1#

سپيرييه-ده %ينيسيق \$ ايلتنك %قانسق \$ قزاسنده %ينيسى \$ ايرماغنه تابع بر نهر اولوب، %ساپان \$ طاغلرندى بر قاچ كولدن نبعانله، شماله و بعده شمال غربى-يه طوغرى آقه-رق، 530 كيلومتره-لك جرياندى صكره، صاغ كنارندن مذكور ايرماغه دوكيلور. هر نه قدر سرعتلى جريانلى چوق ايسه-ده، سبر سفاانله صالحدر. مجراسنك قسم اعلاسى اورمانلق و قسم اسفلى دوز و منبتدر. حوضه-سى ترك و سامويد اقواميله مسكوندر. منابعنده آلتون معدنلى بولنيور.

5-3574-5

قاناده

1#

آمرىقاي شماليك انكلتره-يه تابع دومينيون ممالك مجتمعه-سنىك اك معمور و متمدى اولان شرق جنوبى قسمنىك اسمى اولوب، ممالك واسعه مذكور-يه دى %دومينيون اوف قاناده \$ يعنى ((قاناده ممالكى)) نامى ويرلمش؛ و اختصاراً دومينيون دينمكله شهرت بولمشدر. قاناده ممالك مذكور-نىك %اونتاريو \$ و %كبك \$ حكومتلرندن عبارت اولوب، بونلره يوقارى و آشاغى قاناده نامى دى ويرلمشدر. قاناده سنت لوران ايرماغيله بونك بربرينى متعاقب شق ايندىكى جسيم كوللرك شمالي حوضه-سندن و هودسون كورفزىك منتهاي جنوبىسى مائله-سندن عبارت اولوب، جنوباً ممالك مجتمعه حدوديله، غرباً دردىست اسكان و اعمار اولان غرب شمالي اقطار واسعه-سيله، شمالاً هودسون كورفزيله و لابرادور خطه-سيله، شرقاً دى بحر محيط اطلاسى ايله محاط و محدوددر. اك شمالي نقطه-سى 52° و اك جنوبىسى 42° عرض شماليده اولوب، طولاً 15' 59° ايله 93° طول غربى آره-لرندى ممتد اولور. اكى 151 ايله 550 كيلومتره آره-لرندى بويى 2350 كيلومتره اولوب، مساحه سطحيه-سى 416400 مربع كيلومتره و اهالىسى 361575 كشىدر. قسم اعظمى هنوز بالطه كورمه-مش اورمانلره مستور اولوب، مئمر آعاجلريله حبوبات و سائر محصولاتى دى چوقدر. اراضيسى آز عارضه-لى و طالغله-لى اولوب، طاغ دينله-جك ارتفاعلى يوقدر. انهارى چوق اولوب، بعضلرنيك صولرى زياده-در. بونلرك بعضيسى كوللره و بر طاقمى سنت لوران ايرماغنه دوكيلور. حدود جنوبيه-سندى اولان بيوك كوللردن يعنى سوپريور، هورون، اريه و اونتاريو كوللردن بشقه داخل مملكتده بر چوق كوللر بولنوب، بونلرك اكثرى انهارك مجرالرنده تصادف ايتدكلرى چقور يرلره يايلمسندن متشكلدر. بونلرك اك بيوكلى اونتاريو حكومتنده-كى ((اورمانلر كولى)) ايله نيپغون و كبك حكومتنده-كى ميستاسينى و آوانسيبى كوللريدن. هواسى عموميت اوزره سرت اولوب، آشاغى قاناده-ده صفرندن آشاغى 24 دركه-يه قدر اينر، و يازين 35 درجه-يه قدر چيقار. يوقارى

قاناده-نك هواسی ده‌ا معتدل اولوب، صفر دن آشاغی و یوقاری اوله-رق 28 دركه و درجه-یی كچمز. ایلک و صوك بهار اولمیوب، طوغریدن طوغری-یه قیشدن یازه و یازدن قیشه كچیلیر. آشاغی قاناده-ده یدی آی متمادیا اورته-لق قارله مستور اولور؛ یوقاری قاناده-ده ایسه قار بر قاچ هفته-دن زیاده برده قالماز. مع هذا قیشین دخی قاناده-نك هر طرفنده اکثریا كوك یوزی براق و هوا آچیق اولور. قاناده-ده آروپانك هر نوع محصول و میوه-سی و حیواناتی یتیشدیرلمشدر. کیتدکجه آزالمقده اولان حیوانات وحشیه-سی باشلیجه پوستلری کورک اعمالنه یاریان تیلکی، طاوشان، قاستور و سائره انواعندن و طیور مختلفه-دن عبارتدر. معادنی و علی الخصوص دمیر و باقیری و مرمر و سائر احجار و اتریه لازمه-نك انواعی دخی چوقدر. عمومیت اوزره اهالیسنك بر ثلثنه قریب مقداری و آشاغی قاناده اهالیسنك قسم کلیسی فرانسز و قتلک اولوب، اورایه مخصوص بر نوع فرانسزجه ایله متکلم، و قصوری باشلیجه انگلیز و اسقوچیه-لی و ایرلانده-لیدر. اصل یرلیلر آنجق یکرمی بیک کشی قدر اولوب، اورمانلرده یاشارلر. معارف و صنایع کوندن کونه ترقی ایتمکده-در. قاناده اون آلتنجی قرن میلادی اواسطنده و برنجی فرانسوا زماننده کشف و فرانسه نامنه ضبط اولنه-رق، فرانسزلر طرفندن اعمار و اسکان و کبک شهری تأسیس اولنمشدی. انگلیزلر بر چوق محارباتدن صکره 1760ده مملکتی ضبط ایدوب، او وقت تحت اداره-لرنده بولنان آمریقای شمالینک سائر طرفلریله برلشدیرمش؛ و بعده منتهای شمال و غربه قدر توسیع ایتمشلدر. ممالک مجتمعه-نك استقلال محارباتنده قاناده-لیلر دخی انگلیزلرک تحت حکمندن چیمق ایچون جهد ایتمشلرسه-ده، موفق اوله-میوب، آنجق اداره مختاریه، و ده‌ا طوغریسی، سیاست انکلتزه-یه مربوط اولدقلری حالده، اداره داخلی-جه عادتاً استقلاله نائل اولمشلدر. [(دومینیو)) و ((اونتاریو)) ایله ((کبک)) ماده-لرینه-ده مراجعت بیوریله.]

1-3575-5

قاناریس

1#

یونان جدید مشاهیر بحریونندن اولوب، 1792 تاریخنده ساقز جوارنده %۱۰ اېصاره \$ آطه-سندھ طوغمش؛ و 1877ده وفات ایتمشدر. بر کوچک یلکن کمیسی قپودانی اولوب، یونان دولتک تأسسندن صکره کمی و بعده فیلو قپودانی اولوب، بر قاچ دفعه بحریه ناظری و وفاتنه قریب باش وکیل دخی اولمشیدی.

2-3575-5

قاناریه آطه-لری

1#

آفریقانک ساحل غربیسی قارشیسندھ اسپانیه دولتته تابع بر طاقم جزایر مجتمعه اولوب، 30' 27° ایله 30' 29° عرض شمالی و 37' 15° ایله 30' 20° طول غربی آره-لرنده 556 کیلومتره-لک محله ممتد اولورلر. اک قریبی آفریقا ساحلندن 90 و اک بعیدی 300 کیلومتره اوزا قدر. اسکی رومالیر عندنه %فورتوناته \$ و عربلرجه %جزایر خالادات اسمیله معروف اولوب، مبدأ طول ارض اعتبار اولنورلردی. یدی بیوک و مسکون و آلتی کوچک و خالی آطه-دن عبارت 1@ اولوب، بیوکلری شرفدن باشلایه-رق: لانزاروته، فورتاوانتوره، غران

قاناریه، تنریفه، غومرا، پالمه و هیرو (یاخود دمیر آه-سی) در. کوچکلی-ده: آفرانزه، غراسیوزه، مونتانه قناره، غربی قیا، شرقی قیا و لوبوس آه-لریدر. مجموعنک مساحه سطحیه-سی 7273 مربع کیلومتره اولوب، 291625 اهالیسی واردر. اداره-جه بر ایالت اتخاذا اولنوب، مرکزی تنریفه آه-سنده %سانته قروزده سانتیاغو\$ و اک بیوک معموره-سی پالمه جزیره-سنده-کی دیگر %سانته قروز\$ شهریدر.

قاناریه آه-لرینک اراضیسی برکانی اولوب، طاغلق و صریدر، و اکثرینک تپه-لری الیوم مشتعل اولوب، کاه کاه آتش افشان اولورلر. بو ذروه-لرک اک یوکسکی اولان %تنریفه\$ برکاننک 3715 متره ارتفاعی اولوب، بلوطلرله مستور اولمیدیغی وقت 165 کیلومتره-لک مسافه-دن کوریلور. ساحللی دیک و تقریبی مشکل و قویلی صیغ اولوب، اک ایی لیمانی %غران قناریه\$ جزیره-سنده-کی %پالماس\$ لیمانیدر. عرضلی اقتضاسنجه هواری صیجاقجه اولوب، آنجق اراضینک ارتفاعی و صورت وضعیتتی حرارتتی تعدیل ایتمکله، بو جزایرده آوروپای جنوبینک کافه اشجار و محصولاتتی و اقالیم حاره-نک خرما و موز کی بعض اشجار و اثمارینی حاویدر.

طوپراغی پک منبت و محصولدار ایسه-ده، میاه جاریه-لری و یاغمورلری سیرک اولدیغندن، آنجق ارواسی ممکن اولان برلرده کلیتلی محصولات ویرلر. ایلك بهارلری پک کوزل اولوب، یازک اوئلنده دخی هوا سرینجه ایسه-ده، یازک اوخزیه صوک بهارده حرارتلری زیاده-در. تشرین اولدن شمال روزکارلری اسمکه و یاغمورلر یاغمه باشلار. آه-لرک باشلیجه محصولات و اخراجاتی: شراب، زیتون یاغی، بغدای، آرپه، توتون، رچینه، ممالک معتدله و حاره میوه-لری و کلیتلی قرمیز و بالیقندن عبارتدر. هر نوع حیوانات اهلیه-لری وار ایسه-ده، اک چوق بولنانی کچی جنسی اولوب، قناریه کچیسی جیلان کی خفیف حرکت و سوت و اتی لذیذ و قیلی یموشاق اولمغله، اهالینک تعیش و تلبسنه چوق خدمت ایدر. اشک جنسی پک چوق اولوب، حتی طاغلرده صاحبسز و بیانی حالنده کزر سوریلری واردر. دوه دخی بولنیور. قوشلری پک چوق و متنوع اولوب، جزایرک اسمیله قناریه تسمیه اولنان معروف صاری و کوزل قوش دخی بو آه-لردن چیقمشدر. اون بشنجی قرن میلادیده اسپانیولر بو آه-لری استیلا ایتدکلری وقت، اوستلرنده بولدقلری غوانش قومی، که بربر اقوامنددر، و بونلر میاننده خیلی کلیتلی بولنان عربلر اسپانیولرلرک مظالم معتاده و تعصبنه تحمل ایده-میوب، آز مدته جزایری ترکله، طاغلمش، و قالان جزئی مقدارلری یکی کلن اهالی ایله قاریشمشدر. وقتیه شکر قامشی دخی یتیشدیروب، آفریقادن آلدقلری زنجی اسراسنی استخدام ایتمکله، اسپانیول اهالینک طمارلرینه زنجی قانی دخی قاریشمشدر. اهالی جدیده بیننده بر طاقم نورماندلر دخی بولنوب، بونلر جنسیتلرینی ده خالص اوله-رق محافظه ایتمشدر. قناریه جزایری اهالیسی چالیشقان آدملر اولوب، اکثری آمریقایه و سائر محال بعیده-یه قدر تغرب ایده-رک چالیشیرلر.

1-3576-5

قانازاوه

1#

جاپونیه-ده نیبون جزیره کبیره-سنگ و سطلرنده %قاغا\$ ایالتنده و %توکیو\$ نک 300 کیلومتره غرب شمالیسنده و ساحلن 8 کیلومتره-لک مسافه-ده واقع بر شهر اولوب، 107620 اهالیسی و تونج اوانی ایله کوزل پورسلین و ایپک قماشلر و سائر فابریقه-لری واردر، که بونلرک اکثری بخارله چویریلیر.

2-3576-5

قاناق

1#

بحر محیط کبیر جزایرینک اھالیئ اصلیه-سندن پولینسیا جنسیتنه منسوب اولانلرینک اسم عمومی اولوب،
آروپالیلر طرفندن جزایر مذکورہ اھالیئ اصلیه-سنگ جملہ-سنہ دخی اطلاق و تعمیم اولنمشدر.

3-3576-5

قانامینہ

1#

آفریقای غربیدہ داهومی مملکتندہ بر قصبہ اولوب، بش اون بیک اھالیسی وارد. الان مشرک بولنان مملکتک
زنجی اھالیسنگ بہر سنہ انساندن کلیتلی قربانلر کسملری عادت وحشیانہ-سی بو قصبہ-دہ اجرا اولنور.

4-3576-5

قاناوھا

1#

آمریقای شمالیدہ ممالک مجتمعہ-نک شرق جھتندہ میسیسیپی ایرماغنہ تابع اوھیو نہر عظیمہ دوکیلور بر نہر
اولوب، آغانی سلسلہ جبالنک غربی مائلہ-سندن اینن و بری شمالہ دیکری جنوبہ طوغری آقہ-رق غربی ویرجینیا
داخلندہ برلشن ایکی چایدن یعنی %نیوریور\$ ایلہ %غریبیر\$ نہرلرندن بالتشکل، غرب شمالی-یہ طوغری
جریانلہ، حکومت مذکورہ-نک غربی حدودندہ اوھیو نہرینہ دوکیلور. اک اوزونی اولان %نیویور\$ک منبعندن
اعتباراً مجراسی 650 کیلومترہ اوزونلغندہ اولوب، آشاغی 160 کیلومترہ-لکی سیر سفائنه صالحدر. دھا
یوقاریلری ایسہ طار و غریب بوغازلردن سرعتلی اینیشلردن و شلالہ-لردن عبارت اولوب، مجراسنک غرابتیلہ
مشهوردر. حوضہ-سی 20000 مربع کیلومترہ وسعتندہ اولوب، 828000 اھالی ایلہ مسکوندر. *-ینہ غربی
ویرجینیادہ اوھیویہ تابع ((کوچک قاناوھا)) اسمندہ مجراسی 280 کیلومترہ اوزن بر نہر دخی بولنمغلہ، تفریق
ایچون برنجیسنہ ((بیوک قاناوھا)) دخی دیرلر.

1-3577-5

قانت

1#

آلمانیه-نک اک بیوک حکماسندن اولوب، 1774 تاریخنده کونیکسبر غنده طوغمش، و 1804ده ینه شهر مذکوره وفات ایتمشدر. بر شراجک اوغلی اولوب، شهر مذکوره تحصیل ایله، 15 سنه دار الفنونده مذاکره-جیلک ایتدکن صکره، 1770ده منطق و فلسفه معلمی، 1786ده مذکور دار الفنونده درس ناظری اولمش، 1778ده برلین آقادیاسی اعضالغنه قبول اولنش ایدی. فلسفه-ده بر مذهب مخصوص ایجاد ایدوب، اوتهدن بری حکمانک قبول ایتدکلری موادی ایکی-یه تقسیم ایتمشدر، که بونلرک بری تجربه ایله تحقق ایدن، و ایکنجیسی مجرد انسانک ذهن و فکر یله تصور ایتدیکی مواد-در. ایکنجی طاقمه صرف موهوم و خیالی نظریله باقوب اهمیت ویرمه-مش، و آنجق فلسفه-ده اولان بو مذهبی اخلاقه دخی تعمیم ایتمیوب، علم اخلاقده معنویات و تصوراته دخی اهمیت ویرمشدر. فلسفه-یه و علوم و فنون مختلفه-یه دائر بر چوق کتابلر یازمشدر. بعض آثاری پایا طرفندن منع اولنمشدی.

2-3577-5

قانتابر

1#

اسپانیانک شمال جهتنده ابره ایرماغنک منابعنده ساکن بولنمش بر قوم قدیم اولوب، مملکت مذکور-ده رومالیره اک زیاده مقاومت ایدنلر بونلر اولمش، و آنجق میلاددن 25 سنه اول (آگرییا) طرفندن مغلوب اولمشلردر. (باسق) قومک اجدادندن عبارت اولدقلری مظنوندر.

3-3577-5

قانتاقوزن

1#

قسطنطینییه حکمدارلری خاندانلردن بری اولوب، بو خاندانن (یانی قانتاقوزن) 1347ده 1355 تاریخنه، و اوغلی (ماتیوقانتاقوزن) تاریخ مذکوردن 1356 تاریخنه-دک روم ایمپراطوری اولمش؛ و خاندان مذکور یقین و قتلره کلنجه-یه قدر باقی اولوب، افرادندن بر قاچی جانب باب عالیدن افلاق و بغداد بکلکنه نصب اولنمشدی.

4-3577-5

قانتال

1#

فرانسه-نک جنوب جهتنده-کی طاغلردن بر کوچک سلسله اولوب، مرکزی اولان اصل قانتال طاغنک محیط دائره-سی 130 کیلومتره و ارتفاعی 1858 متره-در.

5-3577-5

قانتال

ایالتی #1 فرانسه ایالاتندن اولوب، شمالاً پوی دودوم، شرقاً لوزره و یوقاری لوآره، جنوباً آیرون، غرباً دخی قورزره و لوت ایالتلریله محدوددر. مساحه سطحیه-سی 5775 مربع کیلومتره و اهالیسی 241742 کشیدن عبارتدر مرکزی % اوریلایق\$ شهردر. اراضیسی طاغلق اولوب، بر چوق انهاری واردر. بغدادی محصولاتی آز اولوب، باشلیجه آرپه، چاودار، یولاف پتاته، کتن، کنویر، کستانه و سائره حاصل اولور. مرعاری چوق اولوب، اورنیه پینیری دینمکله مشهور بر پینیر چیقار. صنایع و تجارتی محدوددر. اهالیسی مملکتده کچینه-میوب، اختیار غربته مجبور اولورلر. ایالت 4 قضایه منقسم اولوب، 23 ناحیه و 264 دائره بلدییه-یی حاویدر.

6-3577-5

قانتوربری

یاخود قانتوربری #1 انکلتزه-نک کنت قونتلغنده و لوندره-نک 89 کیلومتره شرقنده اوله-رق % استور\$ نه رینک ایکی کنارنده واقع بر شهر اولوب، 21000 اهالیسی، بعض فابریقه-لری و خیلی ایشک تجارتی واردر.

7-3577-5

قانتمیر

#1

بغدان بکلرندن اولوب، 1630ده مملکت مذکوره-ده طوغمش؛ و سلطان محمد خان رابعک لهستانه قارشی اولان سفرنده 1674 تاریخ میلادیسنده دنیستر ایله پروت آره-سندده حدود عثمانیه-یی محافظه-ده ابراز غیرت ایتمشدی. او صره-ده بغدان بکی بولنان دیمتری قانتاقوزن صاحب ترجمه-یی سر عسکر سلیمان پاشا نزدنده خیانتله اتهام ایتمش ایسه-ده، کندیسسی تبریه ذمت ایتدیکندن، خصمی برینه بغدان بکلکنه نصب اولنمش، و وفاتنه-دک یعنی 1685دن 1693 تاریخنده-دک بو منصبده قالمش ایدی.

*- اوغلی دیمتری قانتمیر 1673ده طوغوب، 1723ده وفات ایتمشدر. پدرینک خدمات مسبوکه-سنه مکافاه اونک برینه بغدان بکلکنه نصب اولنمش ایسه-ده، بیوک پترونگ دولت عثمانیه-یه اعلان حربنده 1710 تاریخنده او طرفه دونوب، روسیه-یه قاجمش، و اوراده کندیسنه پرنسک عنوانی و بر چوق اراضی ویرلمش ایدی. السنه شرقیه و غربیه-دن اون بر لسانه آشنا عالم بر آدم اولمغله، لاتین لساننده دولت عثمانیه-نک تاریخنی، آلمان لساننده دین اسلامک اصولنی، داچیا یعنی رومانیه-نک اسکی و یکی تاریخنی و سائر بعض آثار یازمشدر، که اکثری انکلیز و فرانسز لسانلرینه دخی ترجمه اولنوب، پک معتبردر. *- بونک اوغلی-ده روس لساننده بعض آثار بر اقمشدر.

1-3578-5

قانتون

1#

و اصل چينجه قوانغ چئوفو 1# چينك جنوب جهتنده %چوكانغ\$ نهرينك %چوكانغ\$ قولى ساحل شماليينده و نهر مذكورك قانتون قوينده اولان منصبده 60 كيلومتره بوقاريدہ "9' 8' 23° عرض شمالي ايله "30' 56' 110° طول شرقيدہ %قوانغ تونغ\$ ايلتنگ مركزى بر بيوك شهر اولوب، بر مليوندن زياده اهالييسى واردر. سفائن شهرك اوكنه قدر چيقوب، اهاليينك بر قسمى-ده نهرده كميلر و دوبه-لر ايچنده ساكندر. هر نه قدر اسكيدن برى اجنبيلره آچيق بر اسكله ايسه-ده تامميله چين طرز و اصولنده بر شهردر، شهر اوچ قسمدن مركب اولوب، بر قسمى سور ايچنده-در، كه دوائر حكومتله كبار و اغنيا خانه-لرى اوراده-در. بر قسمى اسكى شهر و اوچجيسى يكي شهردر. يوز قدر خانه-يى حاوى بر فرنك محله-سى و شهرك خارجنده صيفيه و كوشكلرى دخى واردر. سوقاقلرينك اكثرى ايكي متره طارلغنده اولوب، بونلرك بعض محللرنده كيجه-لرى قبانير قپولرى واردر. سوقاقلرك اوستنده طامدن طامه اوزانمش تخته كوپريلر بولنوب، بونلرك بعضلرى اوزرينه قره قول قله-لرى بولنوب؛ و بو قله-لرده كيجه نوبت بكليينلر تنبلك و بورى چاله-رق، بربرلريله مخابره ايدرلر. تجارتي پك ايشلك اولوب، چارشيسى چين ارباب هنرينك محصول سعى و اقداملرى اولان ظريف و پك قيمتدار آثار مختلفه ايله و تحف متنوعه ايله مالمالدر. آخراجاتى باشليجه ايبك و چايدن عبارت اولمق اوزره سنوى 150 و ادخالانى 100 مليون فرانك راده-لرنده-در. بو رقملى صرف آروپا ايله اولان تجارتنه عائد اولوب، تجارتنه داخليه-سى و او جوارلرده-كى يرلرله اولان مبادلاتى بو حسابه داخل دكلدر. قانتون و جوارلرنده، اصل چينلى اولمق اوزره، بر خيلى اهالى اسلاميه دخى بولنوب، بونلر وقت سعادتده اورايه كيتمش صحابه-دن بر ذاتك دعوتيله تاو وقتدن اسلامه كلمش اولمق اعتقادنده-درلر. مشار اليهك تربيه-سى دخى قانتونده موجود اولوب، اورا مسلمانلرى بيننده بر زيارتگاه عظيمدر. قانتونك هواسى معتدل اولوب، يازين ميزان الحراره 28 درجه-يى كچمز و قيشين نادراً قار ياغار.

2-3578-5

قانتون

1#

انكلتره-ده والس خطه-سنگ %غلامورغان% قونتلغنده و قارديفك 2 كيلومتره شمال غربيسنده اوله-رق %تاف\$ منصبى قرينده بر قصبه اولوب، 7060 اهالييسى واردر. *- آمريقاي شمالي ممالك مجتمعه-سنده دخى بو اسمله بر قاچ قصبه بولنوب، اك بيوكى %اوھيو\$ جمهوريتنده بولنانيدر، كه %استارق\$ قونتلغنگ مركزى اولوب، 8650 اهالييسى و جوارلرنده حيوبات محصولاتى پك چوق منبت بر اووه-سى و كمور معدنى واردر.

3-3578-5

قانتون قويى

1#

چینگ ساحل جنوبیسنده %په-کانغ\$ ایرماغی دالیه-سنگ شرق طرفندن طار و اوزن بر قوی اولوب، متهای شمالیسنده نهر مذکورک قانتون شهری یانندن کچن %چوکانغ\$ قوی دوکیلور. قویک جنوبدن شماله بویی 67 و وسطی اکی 27 کیلومتره-در. 15' 22° ایله 45' 24° عرض شمالی آر-لرنده ممتد اولور. مدخلنده بر قاج آطه بولنوب، بولردن شرق جهتنده بولنان بری اوزرنده مشهور %هونغ قونغ\$ شهری و غرب جهتنده-کیلرک برنده %ماقاؤ\$ اسکله-سی بولنیور. قویک صولری صیغجه-در.

1-3579-5

قانتیر

1#

اسقوچیه-نک ساحل غربیسنده %آرجیل\$ قونتلغنگ منتهای جنوبنده اوزون و طاغلق بر شبه جزیره اولوب، قره-یه 1600 متره کنیشلکنده بر برزحله مربوطدر. اهالیسی بویلرینک اوزونلغیله مشهوردرلر.

2-3579-5

قانتیلانه

1#

اسپانیه-نک آندالوسیه خطه-سنده سویله یعنی %اشبیلیه\$ ایالتنک %لورادل ریو\$ قضاسنده و 25 کیلومتره غرب جنوبیسنده اوله-رق غوادالکویر یعنی %الوادی الکبیر\$ اوزرنده بر قصبه اولوب، 5000 اهالیسی واردر.

3-3579-5

قان چئو

1#

چینگ غرب جهتنده %قان صو\$ ایالتنده و %لان چئو\$نک 400 کیلومتره شمال غربیسنده و مشهور سدک خرابه-لری قربنده اوله-رق %چقور غویی\$ چولنده نابدید اولان %سان تاهو\$ ایرماغنی تشکیل ایدن %نی شویی\$ و %ساشویی\$ نهرلرینک محل تلاقیسنده واقع سورله محاط بر شهر اولوب، 150000 اهالیسی و بعض جسم معبدلریله واسع حوضلری و قواق و قره آغاج و سائر اشجاری حاوی باغچه-لری واردر.
*- بو اسمله ینه چینگ %کانغ سی\$ ایالتنده و %نان چانغ\$ک 310 کیلومتره غرب جنوبیسنده 48" 52" 25° عرض شمالی ایله 46" 26" 112° طول شرقیده و بر نهرک اوزرنده دخی سنجاق مرکزی بر شهر اولوب، خیلی تجارتی واردر.

4-3579-5

قاندالاقشا

1#

بحر منجمد شمالیہ-کی آق دکیزده %قوله\$ شبه جزیرہ-سیلہ آرخاسکل ایالتنک %کم\$ قضاسی آرہ-سندہ بر قوی اولوب، غرب شمالی-یہ طوغری 200 کیلومترہ-لک مسافہ-دہ قرہ-لرک ایچنہ کیپر، و مدخلندہ وسعتی 85 کیلومترہ-در. منتهاسی "43 ' 7 ° 67 عرض شمالی ایله "2 "6 ° 30 طول شرقیہ واقعدر. ساحل جنوبیسنده بر چوق قویلر وارد، و بر طاقم کنیش کوللرک آیقلری اولان بر قاچ نہر دوکیلور.

5-3579-5

قانداول

1#

آبدین جھتندن عبارت اولان لیدیہ خطہ قدیمہ-سنک هر کول سلالہ-سندن زعم اولنان ملوکنک اخیری اولوب، قبل المیلاد 735 تاریخندن 708 تاریخنہ-دک حکم سورمشدر. زوجہ-سنک حسن وآنہ حیران اولوب، وزیر ی بولنان جیجی یاخود کیکی-یہ زوجہ-سنی چپلاق کوسترمک اوزره، کندیسنی اوطہ-سندہ صاقلاتمش اولمغله، زوجہ-سی بونی حس ایده-رک، ناموسنی برینه کتیرمک اوزره، مرقوم جیجی-یی زوجنی اتلافله کندیسنی تزوج ایتمکہ اجبار، و تختہ اقعاد ایتمشدی.

6-3579-5

قانداوو

1#

بحر محیط کبیرده-کی %نسجی\$ جزایرینک بری اولوب، %ویتی لوو\$ آطہ-سنک جنوبنده واقعدر. طار بر برزخله مربوط ایکی قسمدن مرکب اولوب، مساحه سطحیہ-سی 535 مربع کیلومتره و اھالیسی 10000 کشیدر.

7-3579-5

قاندول

1#

مشاهیر نباتیوندن اولوب، 1778ده جنووه-ده طوغمش، و 1841ده وفات ایتمشدر. خیلی وقت فرانسه-ده قالوب، زراعت و نباتات فنلرنده بیوک خدمتار ایتمکدن صکره، مملکتته عودت ایدوب، کشفیات و تحقیقات فنیه-سنی متضمن بر چوق کتابلر ایتمشدر.

8-3579-5

قانساس

آمریقای شمالی ممالک مجتمعه-نک و سطلرنده میسیسیپی ایرماغنه تابع %میسوری\$ نهر عظیمه دوکیلور بیوک بر نهر اولوب، قولورادو جمهوریتنده قبالی طاغلرک اتکلری آلتنده بولنان مرتفع اووه-لرده بر قاچ منبعدن نبعانله، غربه طوغری آقه-رق، همنامی اولان جمهوریتته داخل اولور؛ و بونی غربدن شرقه بوینه شق ایدو-رک، شرق شمالی حدودنده میسوریه دوکیلور بر چوق تابعلری اولوب، بونلرک اک بیوکی بر قاچ نهرک اجتماعندن تشکل ایدن و شمال غربیدن کلن %رپوبلیکان ریور\$در. مجراسی 1000 کیلومتره اوزون اولوب، حوضه-سی 140000 مربع کیلومتره وسعتنده و 77000ه نفوسله مسکوندر. تابعلرینک چوغی یازین قورودیغندن، یالکز ایلک بهار فیضانلرنده آشاغی قسمنده سیر سفائن ممکندر.

1-3580-5

قانساس

1#

آمریقای شمالی ممالک مجتمعه-سنی ترکیب ایدن جماهیرک و سطنده بولنانلرندن بری اولوب، ایچندن جریان ایدن آنف البیان نهرک اسمیله مسامدر. شرقدن غربه ممتد بر مستطیل شکلنده اولوب، یالکز شرق شمالی کوشه-سی میسوری مجراسیله و سائر طرفلری خطوط مستقیمه مفروضه ایله محدوددر. شمالاً تراسقه، غرباً قولورادو جمهوریتیه، جنوباً اراضی مشرقه و ایندیان اراضیسیله، غرباً دخی میسوری جمهوریتیه محاطدر. 37° ایله 40° عرض شمالی و 94° ایله 102 طول غربی آره-لرنده ممتد اولور. مساحه سطحیه-سی 212580 مربع کیلومتره اولوب، 1427096 اهالیسی واردر. مرکزی قانساس نهری اوزرنده واقع %توپقه\$ قصبه-سیدر. اراضیسی جزئی صورتده غربدن شرقه میلانله دوز بر اووه-دن عبارت اولوب، یالکز یوزده بش بچی اورمانله و قصوری اوزون اولرله و آچیلان پرلرده بغدادی، مصر و یا سوپورکه اوتی ایله مستور اولمغله، هر طرفی پایانسز بریشیلک دکیزی صورتتی ابراز ایدر. یالکز شرق طرفی و باشلیجه انهارک کنارلری قصبه و کویلرله و آغاج باغچه-لری و تارله-له اعمار و اسکان اولنوب، غرب جهتی بسبتون خالیدر؛ و یالکز او پایانسز چاپیرلرک اوزون اوزون اولرینه آتش دوشدیکلی وقت یانغیندن قاچان کلینتی بیان صیغیری سوریلری بسبتون بوش و لمدقلرینی کوسترر. مع هذا ایکی دمیر یول خطی او تنها یرلرک ایچندن کچه-رک، جمهوریتک اراضیسی بویدن بویه شق ایدیور. میاه جاریه-سی چوق اولوب، شمال جهتنده-کیلر مذکور %قانساس\$ نهرینه و جنوب طرفنده-کیلر طوغری-یه میسیسیپی ایرماغنه تابع %آرقانساس\$ نهرینه دوکیلور. هواسی یازین و صوک بهارده زیاده صیجاق و قیشین و ایلک بهارده زیاده صوتوق اولوب، شرق طرفندن یازین یاغمو قیشین قار

چوق ياغارسه-ده، غربه طوغرى كيدلدىكجه هوانك يبوستى آرتار. بو مملكت يقين وقتلاره كلنجه-يه قدر بسبتون خالى و مجهول اولوب، 1860ده جمهوريت صورتنده اداره اولنمغه باشلامش، و او وقتدن برى كوندن كونه اهالى و معموريتى تزايدده اولوب، كيتدىكجه غربه طوغرى ايلريلمكده بولنمشدر. مركزى اولان %توپقه\$نك 25000دن زياده اهاليلى اولوب، 5000دن زياده نفوسى اولان قصبه-لرى 10 عددىنى متجاوزدر. بر دار الفونى، بر زراعت مكتبى، صاغر و ديلسزلره و كورلره مخصوص آبرى آبرى مكتبلرى و ديكر 6620 مكتبى وارددر.

2-3580-5

قانساس سيتى

1#

آمريقاي شماليده ممالك مجتمعه-نك ميسورى جمهوريتنده %جاقسون\$ قونتلغنده و %جفسون سيتى\$نك 220 كيلومتره غرب شماليسنده اوله-رق %ميسورى\$ نهرينك صاغ كنارنده و %قانساس\$ نهرينك ميسوربيه دوكلديكى محلك آلت طرفنده 13 دمير يول خطنك نقطه اجتماعنده بر شهر اولوب، 132716 اهاليلى، پك ايتشلك تجارتى و كلينتى طوموز و صيغير باصديرمه-سى اخراجاتى وارددر. بو شهر يكرمى سنه ظرفنده بو حاله كلوب، كوندن كونه دخى ترقى ايتمكده-در.

3-3580-5

قان صو

1#

چينك غرب جهتنده واسع بر ايالت اولوب، ايكي قسمدن مركبدر. قسم شرقيسى نفس چينه مربوط اولوب، شرقاً %شن سي\$، جنوباً %سه چوئن\$ ايالتلريله، غرباً مغولستان غربى و نام ديكر %قوقونور\$ خطه واسعه-سييله، شمالاً دخى مغولستانله محدود اولديغى حالده، شمال غربى جهتنده مغولستانك ايكي قسمى آره-سنده 130 كيلومتره اكنده بر برزخله ايالتك قسم غربيسنه تلاقى ايدر. قسم غربيسى شمال شرقى جهتندن مغولستانله، شمال غربى طرفندن روسيه حدوديله يعنى تركستانله، غرباً افغانستانله، جنوباً دخى كوشچر، تيببت و مذكور %قوقونور\$ خطه-سييله محدود اولوب، تركستان شرقى، ايلي و چونغاريه-يى دخى حاويدر. ايالتك قسم شرقيسى 276923 و قسم غربيسى تقريباً 400000 مربع كيلومتره وسعتنده اولوب، يالكز بر مليون قدرى قسم غربيسنده اولمق اوزره، 9285375 اهاليلى وارددر. بوندن يكرمى بش سنه اول بو ايالتده كثرت اوزره بولنان اهالى اسلاميه-نك واقع اولان قيامندن اول اهالى شمديكى مقدارك ايكي مثلندن زياده ايكن، او قيام آره-سنده وقوع بولان تلفاتدن و قيامى باصار ايكن چينليلرلك ايتدىكلرى قتل عاملردن بو درجه-يه اينمشدر.

ايالت 8 سناغاه منقسمدر. مركزى اولان و شرقى قسمنده بولنان \$لان چئو\$ شهرينك ياريم مليون اهاليلى وارددر. طبيعت اراضيجه بو ايالتك ايكي قسمى بسبتون بربرينه مخالف اولوب، قسم شرقيسى طاغلق و عارضه-ليدر؛ و انهارى چوق اولوب، چينك %هو آغ هو\$ نهر عظيمه دوكيلورلر. بو قسمك وادى و بايرلرى

اشجار و نباتات و مزرعته مستور اولوب، اهالیسی چوقدر. قسم غربیسی ایسه مغولستان چوللرندن معدود اولوب، یالکز غرب و غرب شمالی حدودی جهتلرنده یوکسک طاغری وارد. و بو طاغلردن اینن آز صولر دخی چولده قورورلر. شمال غربی طرفنده %۱۰ تیان شان سلسله مشهوره-سی، غرب جنوبی جهتنده هیمالایا سلسله-سنه مربوط %۱۰ قره قوروم طاغری و جنوب طرفنده-ده آلتون طاغ سلسله-سی اوزانیر. انهارینک اک بیوکی %۱۰ تاریم در، که ترکستان شرقی-یی اروا ایدن چایلرک اجتماعندن بالتشکل، شرق و شرق جنوبی-یه طوغری آقه-رق، چولک ایچنده %۱۰ لوب نور کولنه دوکیلور. قسم شرقینک هواسی معتدل و نباتات و حیواناتی و چوق اولوب، مسک آهوسی و سولونک انواعی بولنور. آلتون، کومش و باقیر معدنلری هر طرفنده موجوددر. اهالیسی تانغوت، تاتار، مغول، قالموق و چینلیدن مرکب اولوب، بر قسم عظیمی دین اسلامه متدین و قصوری بوداولامه مذهبلرینه تابعدر. آسیای وسطی و روسیه حدودینه قریبیتی مناسبتیله ایالتک اهمیت تجاریه-سی زیاده-در.

1-3581-5

قانصو، ملک ظاهر

مصرده حکومت سورن غلامان چراکسه-نک اون طقوزنجیسی اولوب، ملک ناصر ابو السعادات محمد بن قایتبایک طاییسی اولمغله، مومی الیهدن صکره، 904 تاریخنده، همشیره-سنک اقدامیله، حکومته کچمش ایسه-ده، چراکستاندن یکی کلوب، لسان و احوال مملکته واقف اولمدیغندن، چوق وقت موقع اقتدارده قاله-میوب، 905 اواخرینه قدر حکومت ایده-بیلمشدر.

2-3581-5

قانصوه غوری، ملک اشرف

مصرده حکومت سورن غلامان چراکسه-نک یکریمی ایکنجیسی اولوب، 906 تاریخنده، طغانابیدن صکره موقع اقتداره کلمش؛ و اون آلتی سنه-یه قریب مدت اداره امور ایدوب، قاهره-ده بر جامع شریف، جده شهرینه بر سور و مکة مکرمه-ده بر چوق آثار خیریه انشا-سنه موفق اولمشدی. یاوز سلطان سلیم خانک شاه اسماعیل صفوی-یه قارشی اولان سفرنده شاه مشار الیهه اظهار میلان ایتمکله، پادشاه مشار الیه چالديران غزاسندن عودتلرنده، 922 تاریخنده، شامده عسکرله قارشیسنه چیقمغه جسارت ایده-رک، مرج دابق نام محلده عسکری مغلوب و پریشان و کندیسی مقتول اولمش؛ و درحال ملک اشرف طومانبای خلف اولمش ایسه-ده، صولت سلطان سلیم خان-یه قارشی طوره-میوب، بونکله ممالیک چراکسه دولتی منقرض اولمش، و مصر و شام و حجاز دولت عثمانیه-نک ید ضبطنه کچمشدر.

3-3581-5

قانع

فرس شعر اسندن ایکی کشینک مخلصیدر:

-*- برنجیسی (آقامسیب) کاشانلی اولوب، اصفهانده یاشامشدر. شو بیت اونکدر:

@@@

بد کهر را جامه زر اعتباری میشود

خمس چو شد روشن ز آتش لاله-زاری میشود

\$

-*- ایکنجیسی (میر فدا حسین) هندستانده لکهنو شهرندن اولوب، شهزاده بابر بهادرک خواجه-سی ایدی .

1293ده کلکته-ده وفات ایتمشدر. مرتب دیوان اشعاری و منتور و منظوم خیلی آثاری اولوب، شو رباعی جمله

اشعارندندر:

@@@

در بحر سخن طبع روانی دارم

دلسوز نوا حزین فغانی دارم

المنة لله که در کلشن نظم

چون بلبل خوش لهجه زبانی دارم

\$

1-3582-5

قانعی، میر سید علی

ایران شعراسندن اولوب، کاشانلی اولدیغی حالدده، اصفهانده امرار عمر ایتمشدر. شو رباعی اونکدر:

@@@

دوریست که کر جاهل و بیبک افقی

به زانکه خرد مند بادراک افقی

کر همچو کمان کچی زدستت ند هند

ورراست روی چوتیر بر خاک افقی.

\$

2-3582-5

قانغارو

1#

اوسترایانک ساحل جنوبیسی قارشیسنده جنوبی اوسترایلیا حکومتنه ملحق بر آطه اولوب، %سنت وینسن \$ کورفی مدخلنده واقع اولدیغی حالدده، شرقاً %حرویس \$ برونندن %باقستر \$ کچیدیلده و شمالاً %بورق \$ شبه جزیره-سندن %اینوستیغاتور \$ بوغازیلده ایرلمشدر. شرقدن غربه بوی 140 و اک کنیش

پرندہ اکی 55 کلومیٹرہ-در. اراضیسی قوملق و قورو اولوب، یاغمرلری سیرک و میاه جاریہ-سی مفقود اولدیغندن، همان خالی قالوب، یالکز بر قاچ یوز اھالیسی واردر. وقتیلہ (قانغورو) دینلن حیوانلہ مملو اولوب، بونک اسمیلہ تسمیہ اولنمش ایکن، شمدی بو حیواندن دخی اثر قالمامشدر. یالکز سواحلندہ بالانہ و آبی بالیغی صید اولنور.

3-3582-5

قائف

1#

روسیہ-نک کیف ایالتندہ و کیفک 105 کلومیٹرہ جنوب شرقیسنندہ %دنیپر\$ نھرینک صاغ کنارندہ قضا مرکزی بر قصبہ اولوب، 8325 اھالیسی واردر.

4-3582-5

قانقالہ

1#

فرانسہ-نک شمال غربی ساحلندہ %ایلہ مع ویلنہ\$ ایالتنک سنت مالو قضااسندہ و 14 کلومیٹرہ شرق شمالیسنندہ ناحیہ مرکزی بر قصبہ اولوب، 6650 اھالیسی، دکیز حماملری کمی انشاسنہ مخصوص دستکاهلری و مشهور استریدیہ-سی واردر.

5-3581-5

قانلیجہ

استانبولدہ بوغاز ایچنک آناتولی ساحلندہ یالیلردن عبارت بر قریہ اولوب، آناتولی حصاریلہ چبوقلی آرہ-سندہ و بویاجی کویک قارشیسندہ واقع و اسکدار متصرفلغنہ تابع طقوزنجی دائرہ بلدیہ-یہ داخلدر.

6-3581-5

قانم

1#

آفریقای وسطیہ سودان شرقینک بیوک بر مملکتی اولوب، چاد کولنک شمال و شمال شرقی سواحلندن باشلائیہ-رق، او جھتہ طوغری ممتد اولور. جنوباً مذکور کول ایلہ بورنو و باکرمی مملکتلرندن و شرقاً بو کولہ منتھی

اولان %بحر الغزال\$ واديسيله %وداى\$ دن آيرلمشدر. شمالاً %تیبو\$ قبائلى يرلريله محدود اولوب، فزان طريقيله طرابلس غربدن بورتوبه كيدن كاروان بولى قانمك حدود غربيه-سى داخلندن كچر. تقريباً 14° ايله 16° عرض شمالى و 12° ايله 14° طول شرقى آر-لرنده ممتد اولوب، آز عارضه-لى لکن خرمالق و مزروع بر چوق واديلرى حاوى بر يردر. اوديه مذکور-ه-نك اك بيوكى حدود شرقيه-سند-ه-كى مذکور %بحر الغزال\$ در. شمديكى خالده مركزى كوك ساحل شرقيسندن 60 كيلومتر-ه-لك مسافه-ده واقع %ماعو\$ قصبه-سى اولوب، وقتيله كوك شمال غربى گوشه-سند-ه واقع %ينميه\$ قصبه-سى ايدى.

قانم قرون وسطاده خيلى اهميتلى اولوب، درنجى قرن هجريده دين اسلام بو مملكته ادخال، و اهالييسى طرفندن قبول اولنجه، قانم حاكملى بتون سودانه و صحراى كبير قبائلنه شريعت محمديه-يى قبول ايتديرمكى وظيفه ايدينه-رك، بو قوتله دائره نفوذ و حكومتلرينى تافزان و مصر و نوبه حدودينه-دك توسيع ايتمشلردى؛ و بورتو دخى تحت حكملرنده بولنان ممالك جمله-سندن ايدى. آنجق يدنجى قرن هجريده قانم دولتى تفرقه و تشتته دوشوب، قوتى غائب ايتمكله، او صره-ده هر طرف آيرلدېغى كى، بورتو دخى كسب استقلال ايتمش؛ و كيد-رك قانم مملكتنى دخى تحت اطاعتنه آلمش ايدى. قانمك مرعالى چوق اولوب، بورتو و وداى اهالييسيله طرابلس غربك شرق جهتندن اورالره هجرت ايتمش عربلر سوريلرينى سوق ايدرلر. قانمك مساحه سطحيه-سى 70000 ايله 80000 مربع كيلومتره آر-لرنده بر وسعتده اولوب، يالكز كوله قريب اولان يرلرى اهالى دائمه ايله مسكون و مزروعدر. سائر طرفلرى قويون و دوه و خرکله سوريلريله كزر عشاير جولانكاھيدر. اهالى ساكنه-سى 100000 راده-لرنده تخمين اولنور. بونلرك عن اصل شمال جهتندن و اغلب احتماله كوره %تیبو\$ و %بورتو\$ قبائلندن اورالره هجرت ايتمش اولدقلى مظنون اولوب، رنگلى سياه ايسه-ده، سيماجه كنديلرى زنجى عرقه منسوب دكلدرلر. مع هذا زنجيه-لر تزوج و استفراش ايتمك طريقيله طمارلرينه زنجى قانى دخى قاريشمش اولدېغى آكلاشيلبور. عشايرينك ايسه بر طاقمى عرب و بر طاقمى بربر و ساثره اولوب، اك غلبه-لكيليرى (اولاد سليمان) قبيله-سيدر.

1-3583-5

قانو، سياستيان دل -*.

1#

اسپانيه مشاھير بحريونندن اولوب، ماجلان معيئنده كشفياتده بولنمش؛ و 1521ده وپتوريا كمييسيله مستقلاً بحر محيط كبيره سياحت ايد-رك، أمبو آن، سولور و تيمور آطه-لرينى كشف، و اميد بروننى دور ايد-رك، 1522ده، برنجى اوله-رق، دور عالمه موفق اولمق شرفيله وطننه عودت ايتمشدى. 1526ده، هند شرقى-يه بر ايكنجى سياحت اجرا ايتمكده ايكن، وفات ايتمشدر.

2-3583-5

قانو، آلونزو -*.

1#

اسپانیه-نك اك مشهور رسام و معمار و هيكلتراش لرنندن اولوب، 1601ده غرناطه-ده طوغمش، و 1667ده وفات ايتمشدر. اسپانیه-ده بر چوق آثار ماهرانه-سی واردر. بحق ((اسپانیه-نك ميكل آنجلوسی)) تسمیه اولنمشدر.

3-3581-5

قانو

1#

سودان وسطیده %سوقوتو\$ حکومتك %حوصه\$ خطه-سنده و چاد كولنه منتهی بر وادی اوزرنده تجارتگاه و بیوك بر شهر اولوب، اوتوز قرق بيك اهالیسی اوتوز كيلومتره طولنده بر سوری و خیلی صنایعی واردر. سودانك اكثر قصبه-لری کبی صمان قلبه-لرنندن مرکب واسع بر کوی حالنده اولمیوب، كرك سوری و كرك خانه-لری کارکیردر، و تمبکتودن صکره آفریقای وسطینك اك معمور و اك تجارتگاه شهری اولوب، هر طرفله مناسبات تجاریه-سی واردر. تجارتك قسم اعظمی عربلرك النده-در. شهر مذکور '59° 11 عرض شمالی ایله '21' 50° طول شرقیده واقعدر. *- بو شهره ملحق اولان جوارلری پك منبت اولوب، بغدادی محصولاتی و مرعاری پك چوقدر. سودانك اك معمور یری اولوب، مرکزندن بشقه سورله محاط 27 قصبه-سی و 300000 حمر اهالیسیله او قدرده اسراسی واردر. منسوجات اعمالنده و بونلری بویامه-ده اهالیسنك بیوك مهارتی واردر. قانو حاکمی، سوقوتو حکمدارینه تابع اولدیغی حالده، 20000 پیاده و 7000 سواری عسکری چیقارمغه مقتدردر.

4-3583-5

قانو په

1#

اسکی مصریلر عندنده صو الهی زعم اولنوب، انسان ویا حیوان باشلی بر کوپ صورتنده تصویر اولنوردی.

5-3583-5

قانو په، یاخود قانو پوس *-.

1#

مصر سفلاده اسکندریه ایله بوتو آر-سنده و بوکا نسبتله %قانو بیق\$ دینلن نیلك بر قولی اوزرنده قدیم بر شهر اولوب، (سرابیس) و (قانو په)نك عبادتته مخصوص جسیم معبدلری وار ایدی. خرابه-لری بحیره مدیریتنده ابو قیر قصبه-سی اطرافنده مشهوددر.

6-3583-5

قانونت، ياخود قنوت -* -

1#

دانيمارقه حكمدارلرندن بو اسمله آلتى كشى كلمشدر :

برنجيسى اختيار غورمك اوغلى اولوب، 863دن 873 تاريخ ميلاديسنه-دك پدريله مشتركاً حكم سورديكى، و پدردن اول وفات ايتديكى مزنوندر.

-* - ايكنجيسى ((بيوك)) عنواننى خائر اولوب، 1014 تاريخنده دانيمارقه تختنه اوتورمش؛ و پدري (سوننون)ك ضبط ايتمش اولديغى انكلتره قراللىغى دخى سلاح بدست اوله-رق طلب ايتمكله، اورا حكمدارى بولنان (ادموند)له بر مدت محاربه ايتدكدن صكره، انكلتره قسم جنوبيسى مومى اليهه تركله، قسم شمالييسيله قناعت ايتمكه راضى اولمش؛ و آنجق متعاقباً مرقوم ادموند وفات ايتمكله، صاحب ترجمه بتون انكلتره-يى و بعده اسقوجيه-يى و اسوجدن نوروجى دخى ضبط ايتمش؛ و 1036ده وفات ايلمشدر. انكلتره قرالى صفتيله (برنجى قانونت) عد اولنور.

-* - اوچنجيسى ايكنجىك اوغلى اولوب، ((جرى قانونت)) معناسيله (هاردى قانونت) و اختصاراً (هارد قنوت) دينمكله مشهوردر. پدريك وفاتنده ارثاً يالكز دانيمارقه حكمدارى اولوب، انكلتره قراللىغى برادري (هارولد)ه قالمش ايسه-ده، انكليز ايكي قرداش بيننده فساد دوشمه-مك ايچون، انكلتره-نك يالكز تاميسه نهرينك شمالنده-كى قسمنى مرقوم هارولده و نهر مذكورك جنوبنده-كى قسمنى صاحب ترجمه-يه ويرمشلر؛ و آنجق هارولد راضى اولميوب، انكلتره-نك بتوننى ضبط ايتديكندن، قانونت محاربه-يه طوتيشمش؛ و او صره-ده هارولد وفات ايتمكله، قانونت بتون انكلتره-يى ضبط ايتمش؛ و بش سنه ظلم و اعتسافله حكومت سوردكدن صكره، 1041ده فجأة وفات ايتمشدر. انكلتره قراللىغى اعتباريله ايكنجى قانونت دنيلوب، انكلتره-ده حكم سورن دانيمارقه قراللىغى اخيريدير.

-* - درنجيسى ايكنجى سوننونك اوغلى اولوب، دانيمارقه-ليبر عندنده اعزه-دن معدوددر. 1080 تاريخنده برادري هارولده خلف اولوب، مملكتنده اسائشى اعاده و فورسانلرى دفع و منع ايله پروسيه-ليبرك تجاوزاتنه قارشى طورمش، و قورلانده-يى ضبط ايتمش ايدى. 1086ده وفات ايتمشدر.

-* - بشنجيسى درنجى قانونت برادري اريك اوغلى اولوب، 1147 تاريخنده پدرينه خلف اولمش، و اقباسندن ادعاى وراثت ايدن (سوننون) ايله خيلى وقت اوغراشدقن صكره 1156ده صلح ايدوب، بو مناسبتله ويرديكى ضيافته مرقوم طرفندن قتل اولنمشدر.

-* - آلتنجيسى برنجى والدمارك اوغلى اولوب، 1182ده پدرينه خلف اولمش؛ و بشنجى قانونت اوغلى هارولدك آياقلانديرمش اولديغى اسقانيه-ليبرى تحت اطاعته آلمش؛ و مكلنبورغ ايله لوونيه-يى و هولستائينى ضبط ايتمشدر. 1202 تاريخنده وفات ايتمشدر. دورى دانيمارقه ايچون بر قوت و ترقى دورى اولوب، او وقتدن برى دانيمارقه قراللىغى ((واندالر قرالى)) عنوانى دخى ويرلمكده-در.

1-3584-5

قانونت

1#

اسوج قرالی اولوب، طقوزنجی اریقک اوغلی اولمغله، (اریقسون) دینمکله دخی معروفدر. 1168 تاریخنده اسورکر نسلندن (شارل)دن صکره، اسوج تختنی ضیط ایتمش؛ و بر وقت بعض مدعیلرله اوغراشدقن صکره، اسایشله اداره مملکت ایده-رک، زراعتک ترقیسنه خدمت ایتمشدر. بقیه عمرینی راهب قیافتنده عبادت و ریاضتله کچیرمش؛ و شارلک اوغلی دارن حکومت اتخاذ ایتمش ایدی. 1199ده وفات ایتمشدر.

2-3584-5

قانونری

1#

سودان وسطیده بورنو مملکتنده ساکن بر قوم اولوب، کندیلری شمالدن اورایه هجرت ایتمش اولمق اعتقادنده-درلر؛ و قائم و تیبو اهالیسیله لسانجه مناسبتلری واردر. اک اول اسلامه کلن اقوام زنجیه-دن اولمغله، سودانجه اوتنه-دن بری اهمیتلی بر موقع اتخاذ ایتمشدر. ذکاوت و استعدادجه پک ایلری دکلرسه-ده، اطاعت و انقیادلری زیاده اولمسی سایه-سنده بورنو حکومتی اسکیدن بری استقلالنی و قوت و نفوذینی محافظه ایتمکده-در.

3-3584-5

قانونزه

1#

ایتالیانک باری ایالتنده و بارینک 68 کیلومتره غربنده بر قصبه اولوب، 15000 اهالیسی و جوارنده آثار عتیقه-سی واردر.

4-3584-5

قانه

1#

فرانسه-نک بحری آلپ ایالتنده و غراسه-نک 17 کیلومتره جنوب شرقیسنده اوله-رق %ناپوله\$ کورفزنده ناحیه مرکزی بر قصبه و اسکله اولوب، 10000 اهالیسی، کوزل منظره-سی، لطیف هواسی و شراب، زیتون یاغی، چیچک صویی و صابون اخراجاتی واردر.

1-3585-5

قانه

1#

ایتالیانک آپولیه خطه قدیمه-سندھ قاپیتاناته ایالتندھ و بارلته-نک 11 کیلومتره جنوب غربیسنده اسکی بر قصبه اولوب، قارتاجلی آنیبال میلاددن 216 سنه اول اوراده (وارون)ک تحت قیادتندھ اولان روما عسکرینی کلیاً مغلوب و پریشان ایتمش؛ و پاولوس امیلیوس دخی 50000 عسکرله بو محاربه-ده تلف اولمش ایدی.

2-3585-5

قانیایوسقاو

1#

آمریقای شمالیده دومینیون قطعه واسعه-سنگ %لابرادور\$ خطه-سندھ و بو شبه جزیره-نک و سطلرنده بر کول اولوب، منتهای شمالیسی °55 عرض شمالی-یه تقرب ایدر. بویی 120 کیلومتره قدر و اکی 12 ایله 60 کیلومتره آره-لرنده-در. اورمانلرله مستور تپه-لرله محاطدر. *-ینه بو اسمله ویا %قوهسان\$ اسمیله بر شهر بو کولک شمالی کوشه-سندن چیقه-رق، شماله طوغری بوزلی اووه-لرک ایچنده آلتی یدی یوز کیلومتره-لک مسافه قطع ایتدکن صکره، %هودسون\$ بوغازینه آچیلان %اونغاوه\$ کورفزینه دوکیلور.

3-3585-5

قانیبال

1#

آمریقای وسطی جهتلرنده ساکن بولنمش اولان (قارائب) قوم اصلیسنگ اسم عامیانه-سی اولوب، (مرد مخوار) معناسیله استعمال اولنور. [(قارائب) ماده-سنه مراجعت بیوریله.]

4-3585-5

قانیجه

یاخود قانیسه ویا قانیسه *- #1 مجارستانک زاله ایالتندھ و %زاله اکرسک\$ک 50 کیلومتره جنوبنده و پشته-دن ویانه-یه کیدن دمیر یول خطندن آغرام شعبه-سنگ ایرلدیگی محله قضا مرکزی بر قصبه اولوب، 18400 اهالیسی و طوغله فابریقه-لریله حیوانات تجارتی واردر. بو اسمله دیگر ایکی قصبه دخی بولندیغندن، تقریق ایچون، بوکا %ناکی قانیجه\$ و آمانجه %غروس قانیسه\$ دیرلر. سلطان ابراهیم خان زماننده 1082 تاریخنده فتح، و ممالک عثمانیه-یه الحاق اولنمش ایدی.

-*-%اوقانيجه\$ و آلمانجه %آلت قانيشه\$ ياھود %مجار قانيشه\$ دخى مجارستانك %باش بودروغ\$ ايلتندھ و %زنتھ\$نك 16 كيلومترھ شمالندھ اولھ-رق طونھ-يھ تابع %تيسھ\$ نھرينك صاغ كنانندھ بر قصبھ اولوب، 13070 اھاليسى واردر.
-*-%توروك قانيجه\$ دخى مجارستانك %تورونتال\$ ايلتندھ و %ناكى كيكيندھ\$نك 38 كيلومترھ شمال غريبسندھ و تيسھ نھرينك صول كنانندھ اولھ-رق %اوقانيجه\$نك فارشيسندھ بر قصبھ اولوب، 3335 اھاليسى واردر.

5-3585-5

قانيسھ

[(قانيجھ)) مادھ-سنھ مراجعت بيوريلھ.]

6-3585-5

قانيش

اندلسدھ سرقسطھ اعمالندن بر حصن اولديغنى ياقوت حموى بيان ايديور.

7-3585-5

قانيشه

[(قانيجھ)) مادھ-سنھ مراجعت بيوريلھ.]

8-3585-5

قانيغو

1#

فرانسھ-نك جنوبندھ ((شرقى پيرنھ)) ايلتندھ پيرنھ سلسلھ جبالنھ مربوط بر طاغ اولوب، پرادھ-نك 10 كيلومترھ شرقندھ واقعدر. ذرھ-سنك 2785 مترھ ارتفاعى واردر.

9-3585-5

قانيقاتى

1#

سیچلیه-نک جرجنتی ایالت و قزاسنده و جرجنتینک 38 کیلومتره شمال شرقیسنده اوله-رق %نارو\$ نهرینک
قیالرله محاط طار وادیسنده بر قصبه اولوب، 20910 اهالیسی و کوکرد معدنی واردر.

10-3585-5

قانون

1#

بحر منجمد شمالیده روسیه-نک آرخانکل ایالتنده شماله طوغری ممتد بر شبه جزیره اولوب، غرب طرفنده شمالی
آق د کیزک مدخلی و جهت شرقیه-سنده %چسقایه\$ کورفرزی بولنیور. منتهای شمال غربیسنده
بولنان %قانون\$ برونی "12' 39' 68° عرض شمالی ایله "54' 11' 41° طول شرقیده واقعدر. مساحه
سطحیه-سی 10430 مربع کیلومتره اولوب، اهالیسی ساموید جنسیتنه منسوب اوله-رق 2000 کشیدن آشاغیدر.
اراضیسی آچق و بطاقلق اولوب، بر چوق کوللری و بعض قوملق تپه-لری واردر. بعض نفت قویولری و باقیر
معدنلری بولنور. بر زخنده و قتیله سیر سفائنه طبیعی بر جدول وار ایدیسه-ده، شمدی بطاقلق حالنه کچمشدر.

1-3586-5

قانون

1#

انکلتزه مشاهیر سیاسیونندن اولوب، 1770ده لوندرده-ده طوغمش، و 1827ده وفات ایتمشدر. 16 یاشنده ایکن
(میکرو قوسم) یعنی ((کوچک جهان)) عنوانیله ادبی بر غزته نشرینه باشلابوب، 1793ده عوام قماره-سنه مبعوث
انتخاب اولنمش؛ و فصاحت و بلاغتیله جلب انظار دقت ایتمش ایدی. قابتو رئیسی (پیت)ک طرفنی التزام ایتمکله،
1796ده مستشار و 1807ده خارجییه ناظری اولمش؛ و قوپنهاغی طوپه طوتمق امر ناحقنی ویرمش ایدی.
1809ده رفقاسندن بریله ایتدیکی دوولو اوزرینه، استعفایه مجبور اولمش؛ 1822ده ثانیاً خارجییه ناظری و
1827ده باش وکیل اولوب، بو دفعه حریتپروران طرفنه تمایل ایله، ایرلانده قتولیکلرینه بعض امتیازات ویرمش ،
و انکلتزه-یی ((اتفاق مقدس))دن ایرمش؛ و یونانک استقلالنه باشلیجه سبب اولمشدر. طبیعت شعریه-سی دخی
اولوب، ((یونانک محکومیتی)) عنوانیله بر منظومه-سی واردر.

2-3586-5

قانون

1#

آرناؤدلقده يانيه ولايتنه ملحق برات سنجاغنك اولونيه قضااسنده و اولونيه-نك 5 كيلومتره جنوبنده دكيزه ناظر بر بابرده واقع بيوك بر قريه اولوب، 4500 اهاليسى و كوزل هواسى وارد. اولونيه بكارينك وطن اصليسيدر.

3-3586-5

قاو

صعيد مصرده نيلىك ساحل شرقيسنده و اخميك آلت طرفنده بر قريه اولوب، قرينده قاو اسميله ديكر بر قريه بولنديغنى، و بونك اوكنده نيلىك ايكي-يه آيريلوب دهآ اشاعيده برلشديكنى ياقوت حموى بيان ايدبور. شمديكى خريطه-لرده و (ويوين دوسنت مارتن)ك جغرافيا لغتنده سيوطك 50 كيلومتره جنوب شرقيسنده و نيلىك صاغ كنارنده %قاو الكبير\$ اسميله بر قريه مذكور اولوب، %آنتنو پوليس\$ شهر قديمك خرابه-لرى ياننده بولنديغى، و آنجق 1823 تاريخ ميلاديسنده خرابه-لرله برابر نيلى طرفندن آنوب كوتورلديكى، و يالكز شمال جهتنده قيايه اويلمش بر طاقم مزارلر قالدغي بيان اولنيور. ياقوتك ذكر اينديكى %قاو\$ده بو اولسه كركد.

4-3586-5

قاوالبرى

1#

مشاهير رياضيوندن اولوب، 1598ده ميلانده طوغمش؛ و 1647ده وفات ايتمشدر. غاليله-نك احبابندن اولوب، اونك توصيه-سيله بولونيه-ده علوم رياضيه معلمكنه نصب اولنمشدى. علوم رياضيه-ده بر چوق كشفياتى و بعض تأليفاتى وارد.

5-3586-5

قاوايون

فرانسه-نك %ووقلوزه\$ اياتنده و %اوينيون\$ك 25 كيلومتره جنوب شرقيسنده اوله-رق %دورانسه\$ نهري اوزرنده ناحيه مركزى بر قصبه اولوب، 8000 اهاليسى، اسكى بر طاق ظفر خرابه-سى و پك چوق ميوه محصولاتى وارد.

6-3586-5

قاورد، بن جغرى بك بن ميكائل بن سلجوق

کرمانده حکومت سورن ملوک سلجوقیه-نک برنجیسی و بو دولتک مؤسی اولوب، ایران ملوک سلجوقیه-سنک برنجیسی اولان عمی طغرل بک طرفندن 433 تاریخنده کرمان و طیس حاکمی اولمش؛ و 455ده فارسی دخی ضبط و التحاق ایلمش ایدی. سلاجقه ایرانک ایکنجیسی اولان برادری آلپ آرسلان وفات ایدوب، اوغلی ملکشاه تخته جلوس ایتدیکنده، صاحب ترجمه وراثته دعوی استحقاق ایده-رک، حقنی طلب ایچون عسکر سوق ایتمکله، 465ده مغلوب و اسیر اولوب، ملکشاهک محبسنده مسموماً وفات ایتمشدر. سلاله-سندن کنديسیله برابر 11 کشی کرمانده حکومت سورمشلردر.

7-3586-5

قاوقه

1#

اسپانیه-نک %تاراقونزه \$ خطه-سنده اسکی بر قصبه ایدی.

8-3586-5

قاوقه

1#

آمریقای جنوبیده قولومیا جمهوریتنده بر بیوک نهردر، که %آند \$ سلسله جبالنده %اقوآدور \$ حدودنده نیغانله، شماله طوغری آقه-رق، 800 کیلومتره-لک جریانندن صکره %مومبوقس \$ ایرماغنه دوکیلور.

1-3587-5

قاونوس

1#

منتشا سنجاغندن عبارت بولنمش اولان %قاریه \$ خطه قدیمه-سنده اسکی بر قصبه اولوب، شمیدیکی (کویجکز)دن عبارت اولدیغی مظنوندر.

2-3587-5

قاونیاق

1#

فرانسه-نك اك مشهور جنراللرندن اولوب، 1802ده پارسده طوغمش، و 1857ده وفات ايتمشدر. جزايرلى امير عبد القادره قارشى خيلى ثبات كوسترمش؛ و اوراده ميرلوا اولوب، خيلى وقت جزاير واليسى دخی بولنمشدى . 1848ده فرانسه-يه چوق خدمتلىر ايدوب، حكومت موقته رئيسى اولمش و رياسته دخی نامزد اولانلرندن بولنمشدى. 1852ده اوچجى ناپوليون ايمپراطورلغنى اعلان ايتديكنده، استعفا ايدوب، %سارته\$ ايلتنده قوناغنه چكيله-رك، اختيار عزلت ايتمشدى.

3-3587-5

قاوور

1#

ايتاليانك پيامونته خطه-سندده تورينو ايلتنگ %پيتيرول\$ قضااسنده و 12 كيلومتره جنوبنده بر قصبه اولوب، 5700 اهاليسى و دباغخانه-لريله ايبك و بز فابريقه-لرى واردر.

4-3587-5

قاوور

1#

ايتاليانك مشاهير سياسيونندن اولوب، 1810 تاريخنده %تورينو\$ده طوغمش، و 1861ده وفات ايتمشدر. ابتدا عسكر اولوب، بعده غزته-جيلغه سلوكله، 1847 تاريخنده (ريزورجيمنتو) اسميله بر غزته چيقارمغه باشلامش ايدى. 1849ده مبعوث انتخاب اولنوب، متعاقباً تجارت ناظرى اولمش، و بعده علاوه ماليه نظارتنى دخی در عهده ايدوب، 1852ده باش وكالته ترفيع اولنمشدى. وفاتنه-دك بو مقامده قالب، داخلاً ثابت بر مسلك اتخاذ ايتمكله برابر، خارجاً ابراز جرأت ايدو-رك، فرانسه ايله بالاتفاق، اوستريايه اعلان حرب ايتمش؛ و ايتاليا اتحادينه، خدمت ايدوب، كوچك ساردنيه قرالغنى دول معظمه-دن معدود بر ايتاليا دولتنه تحويل ايتمشدر. ماچينى و غاربيالدى ايله برابر ايتاليا اتحادينى حصوله كتيرن رجال ثلثه-نك بريدر.

5-3587-5

قاوه

1#

ايتالياده سالرنه ايلتنده و سالرنه-نك 7 كيلومتره شمال غربيسنده و شهر مذكوردين ناپولى-يه كيدن دمير يول خطى اوزرنده اوله-رق %فنستره\$ طاغنگ كوزل بر واديسنده بر قصبه اولوب، 5725 اهاليسى و چوخه، ايبك، بز و توتون فابريقه-لرى واردر.

6-3587-5

قاویته

1#

فیلیپینہ جزایرندن لوسون آطہ-سندہ و مانیلہ-نک 13 کیلومترہ جنوب غربیسنده ایالت مرکزی بر قصبہ و اسکله اولوب، 15000 اہالیسی و عسکری لیمانی وارد. فرطونہ-لی ہوالرده مانیلہ-نک اوکنده بارینہ میان سفائن تجاریہ دخی بو لیمانہ التجا ایدرلر.

7-3587-5

قاہایان

1#

بورنئو جزیرہ کبیرہ-سنک جنوب جھتندہ بر ایرماقدر، کہ %دوسون\$ طاغندن نبعانلہ ، جنوب غربی-یہ طوغری، ابتدا طاغزر آرہ-سندہ و بعدہ واسع اووہ-لرده آقہ-رق، 400 کیلومترہ-لک جریانندن صکرہ، ہمنامی اولان قصبہ-نک 20 کیلومترہ آشاغیسنده جاوہ دکزینہ دوکیلور.

8-3587-5

قاہر باللہ، بن المعتضد بن الموفق بن المتوکل بن المعتصم بن ہارون الرشید

خلفاء عباسیہ-نک اون طقوزنجیسی اولوب، 320 تاریخندہ، مسند خلافتہ اقعاد اولنہ-رق، یالکز 17 آی حکومت سوردکن صکرہ، اختیار عزلت ایدوب، 338ده وفات ایتمشد.

9-3587-5

قاہرہ

یاخود المصر القاہرہ 1# خطہ مصریہ-نک مرکزی اولان بیوک و مشہور بر شہر اولوب، مجرای نیلک 1800 مترہ شرقندہ و نہر مذکورک محل تشعبندن 25 کیلومترہ یوقاریدہ اولہ-رق، اسکندریہ و دمیاط و رشیددن یعنی ساحل بکردن 200 کیلومترہ یوقاریدہ 17' 2' 30° عرض شمالی ایلہ 58' 53' 28° طول شرقییدہ واقعدر. اہالیسی 576400 مقدارندہ اولوب، بتون آفریقا قطعہ-سنک اک بیوک و ممالک عثمانیہ-نک استانبولدن صکرہ ایکنجی شہریدر. شہر شرقاً %جبل مقطم\$ک اتکنده بولنوب جنوباً و شرقاً سورلہ و برجلرلہ محاطدر، و منتهای شرق جنوبیسنده بر قلعہ-سی و اونک اوستندہ-کی تپہ-دہ دخی محمد علی پاشا مرحومک یاپدیرمش اولدیغی بر استحکامی وارد. آنجق سائر طرفلردن سور بیقلمش اولدیغی کبی، موجود اولدیغی طرفلردہ دخی شہرک

توسعیله سورك خارجنده دخی خانه-لر و محله-لر یاپلمشدر. جنوب جهتنده فسطاط ویا مصر العتیقه دینان اسکی مصر، غرب جهتنده بولاق و شمال طرفنده عباسیه بولنوب، مقدا اصل شهر ایله بو اوچ قسم آره-سنده خالی یرلر وار ایدیسه-ده، بو بوشلقر کوندن کونه خانه-لرله طولوب، آره-لرنده اتصال حاصل اولمقده-در. بتون شهر جنوب غربیدن شمال شرقی-یه ممتد بر مستطیل شکلنده اولوب، بویی 4 و اکی 2 کیلومتره-در. نیلدن آیرلمش بر شعبه %خلیج مصر\$ اسمیله جنوبدن شماله شهری طولاً قطع و ایکی مساوی قسمه تفریق ایدیور. قسم شرقیسی باشلیجه ابنیه و آثار قدیمه-یی و قسم غربیسی ابنیه جدیده-یی حاویدر. قسم شرقیده شمال شرقی گوشه-سنده-کی حسینیه قیوسندن جنوبده-کی باب سعادتهدک بر جاده و بوکا متوازیاً خلیج مذکور کنارجه ممتد بر ایکنجی جاده بولنیور. قسم غربیده ایسه غربیدن شرقه ممتد یکی و واسع بر طاقم-ده جاده-لر آچیلوب، بونلرک باشلیجه-لری السکه جدیده، شارع الموسکی و شارع محمد علی کبی جاده-لردر، که قسم شرقی-یی دخی عرضاً شق ایدرلر. یکی جاده-لرک جمله-سی آز چوق دوز و کنیش و ایکی طرفدن آعاجلرله مظلل ایسه-ده، اسکیلری طار و طولاشیقلی و قسماً قالدیرمسز اولوب، یازین توز و قیشین چامور چوق اولور. شهرک اوزبکیه، برکه الفیل، رملیه و قره میدان اسملریله درت واسع میدانی اولوب، بونلرک اک کوزلی و اک مزین تفرجگاه اتخا اولنانی اوزبکیه-در، که فرنک محله-سی اک مزین ابنیه جدیده بونک اطرافنده اولوب، ایچنده محمد علی و ابراهیم پاشالرک تونجدن هیکللری دخی رکز اولنمشدر.

قاهره-نک موجود اولان سورده 71 قپوسی، اوچ درت یوز جوامع و مساجدی، 30 قدر کلیسایی، 10 حاوره-سی، 1300 خانی، 70 حمامی، جوامع شریفه اتصاللرنده متعدد کتبخانه-سی، بولاقده مصر آثار عتیقه-سنی حاوی کوزل بر موزه-سی، انجمن دانشی، مصر جغرافیا-سنک ترقیاتنه مخصوص جمعیت علمیه-سی، بیوک بر تیاتروسی، بولاقده وقتیله قیمتدار کتب طبعنه موفق اولمش حکومته عائد بیوک بر مطبعه-سی و سائر مؤسساتی واردر. جوامع شریفه-سنک اک اسکیمی اولان و فسطاطده بولنان عمرو بن العاص جامعی خرابه یوز طوتمش اولدیغی کبی، قدمده بونک ایکنجیسی اولان جامع ابن طولون دخی خرابدر. معمور اولان جوامع شریفه-سنک بیوکی قاهره ایله برابر تأسیس اولنان %جامع ازهر\$در، که اتصالنده بولنان مدرسه-لریله مشهور اولوب، بونده افاده علوم اسلامیه ایدن مدرسلرک حلقه تدریسنده دائمی صورتده بیکلرجه طلبه بولنیور. بوندن صکره %جامع قلاوون\$، قلعه دروننده کائن %جامع الناصری\$ و محمد علی جامعی، قلعه قربنده واقع سلطان حسن جامعی، جامع المؤید، جامع الغوری و سائره ذکره شایاندر. جامع الحاکم خراب اولمش، و جامع الزاهر انبار اتخا اولنمشدر. جنوب شرقی گوشه-سنده واقع قلعه-سی سلطان صلاح الدین ایوبی طرفندن بنا اولنوب، ایچندن سلطان مشار البیه نسبتله (بئر یوسف) اسمیله مسمی غریب بر قویو بولنیور.

قاهره-نک نیلده ایکی اسکله-سی اولوب، شمال جهتنده-کی بولاق اسکله-سنه اسکندریه و سائر سواحل ایله مصر سفلادن و جنوبده-کی مصر العتیقه اسکله-سنه-ده صعب مصردن کلن سفائن یناشیر. بولاقق قارشیسنده مجرای نیلده %جزیره بولاق\$ و مصر العتیقه-نک قارشیسنده %جزیره الروضه\$ بولنوب، بونده نیلک مقیاسی بولنیور. قاهره-نک چارشی و بازارلری بیوک و تجارتی پک ایشلکدر. اطرافنده باغچه-لری و تفرجگاهلری چوق اولوب، بونلرده پورتقال، لیمون، موز، خرما، زیتون، نار و سائر میوه آعاجلریله اشجار سائره-نک انواعی یاز قیش یاپراقلرینی محافظه ایدرلر. شهرک بر ساعت آلتنده نیلک صاغ کنارنده واقع %شبره\$ مسیره-سی دخی ذکره شایان اولوب، شهره کولکه-لی کوزل بر بول ایله مربوطدر.

ابنیه جدیده-سیله و یکی آچیلان جاده-لرله برابر قاهره عمومیت اوزره شرق و غرب طرز و اصولنی محافظه ایتمکده-در. اکثر خانه-لرک باغچه-لری دخی اولدیغی حاده، ایچلری قسوتدن خالی دکلر. بولاق و فسطاطله برابر 12 قسمه منقسم اولوب، هر بر قسم متعدد (حاره) یعنی محله-لری حاویدر، که بونلرک وقتیله کیجه قپانیر

قیولری-ده وار ایدی. محله و سوقاقلر آره-لرنده الیوم بر چوق خرابه-لره تصادف اولنور. داخلنده و جوارلرنده صحابه-دن و سائر اعظم اسلامدن بر چوق ذواتک تریبه و مقاملری بولنوب، زیارتکاهلری پک چوقدر. قاهره صرف اسلام شهری اولوب، حضرت عمر بن الخطاب (رضه)ک زمان خلافتنده عمرو بن العاص فتح مصره مأمور اولدیغنده، او محله بولنمش اولان %۹۰بابلیون\$ قلعه-سنی محاصره ایتمکله، قارشیسنده چادیرلرینی و اردوکاهنی قورمش؛ و محاصره اثناسنده اسمنه نسبتله یاد اولنان جامع شریفی بنا ایتدیره-رک، یکی بر شهر اساسنی وضع ایتمش؛ و بونی اردوکاه ویا خیمه کاه معناسیله %۱۰فسطاط\$ تسمیه ایتمشدی. فسطاط خلفاء راشدین و بنی امیه و بنی عباس زمانلرنده خطه مصریه-نک مرکز و مقر حکومتی قالب، بنی طولون و احشیدیلرک زمان امارتلرنده خیلی توسیع و اعمار دخی اولمشیدی. 358 تاریخ هجریسنده مغریبه ظهور ایدن فاطمیوندن معز لدین الله جانیندن مصرک فتحنه سوق اولنان اردونک قاندى بولنان جوهر خطه مصریه-یی ضبط ایدنجه، فسطاطک شمالنده جامع ازهرینک و حکمدار مشار الیه ایچون ایکی سرای ایله سائر ابنیه-نک انشا-سنه مباشرت ایده-رک، قوه قاهره-سنی ایماء، قاهره تسمیه ایتدیکی شهر جدیدک اساسنی وضع ایتمش؛ و 362 تاریخنده ابنیه لازمه اکمال اولنمغله، معز لدین الله قاهره-یه انتقال ایله، فاطمیون بو شهری پایتخت اتخا ایلمشلردر. بر خیلی وقت قاهره آیری و فسطاط آیری برر شهر عد اولنمشلرسه-ده، ایکیسی-ده بر سور ایچنه آله-رق، قاهره-نک توسعیله آره-لرنده-کی مسافه دخی کیتدکجه آزالمغله، کیده-رک فسطاط قاهره-نک بر قسمی حکمنه کچمشدر. قاهره-نک اک اول اعمار اولنان جهتی بین القصرین دینلن محلی اولوب، اصل %مدینه\$ اسمی اوراسنه بیریلیردی. فاطمیوندن نوبت حکومت ایوبیلره کلنجه، صلاح الدین ایوبی شهرک طوغله-دن اولان سورینی هدم ایله، طاشدن دهامتین صورتده یکیدن بنا، و قلعه-یی و دروننده-کی جامع ناصرایی دخی تأسیس، و نیجه ابنیه و سائر ایله شهری توسیع و تزیین ایتمش؛ و کرک بونک خلفری کرک اوندن صکره حکومت سورن ممالیک اتراک و چراکسه دخی جوامع و مدارس و سائر علاوه-سیله قاهره-نک بیومسنه خدمت ایتمشلردر. یاوز سلطان سلیم خان زماننده خطه مصریه ممالک عثمانیه-یه ضم و الحاق اولننجه، قاهره مرکزییتی غائب ایدوب، بالطبع تدنی-یه یوز طوتمش؛ و شهر ایله نیل کناری آره-سنده-کی برلر بطاقلق حالنه کچوب، پک صیق ظهور ایدن وبا و سائر علل ساریه اهالیسنی خیلی تناقصه اوغراتمش ایکن، خطه مصریه-نک محیی و مجددی اولان محمد علی پاشا مرحوم کرک هواسنی تصفییه و کرک معموریتی تزئید ایده-جک بر چوق عملیات و انشآت و تأسیساته تشبثله، اخلاقی و علی الخصوص خدیو اسبق اسماعیل پاشا مرحوم بو یولده دوام ایده-رک، قاهره-یی شمیدیکی حاله کتیرمشلردر. ترقیات بر طرفدن دخی دوام ایتمکده اولوب، یکرمی بش سنه-دن بری اهالیسی تضاعف ایتمشدر، و کیتدکجه دخی تزاید ایتمکده-در. لسانمزده، شام و دیار بکر ایچون دخی اولدیغی کبی، خطه-نک اسمی شهره و بیریلوب، قاهره-یه بین العوام %مصر\$ نامی ویرلمکده-در. فرنکلر ایسه %قاهره\$دن غلط اوله-رق %قایرو\$ و %کر\$ دیورلر.

1-3589-5

قاهلن کبیرکه

1#

أوستریاده بر طاغدر، که، آلپ سلاسل جبالنک %نوریق\$ شعبه-سندن آیریله-رق، ویانه-نک جنوب غربیسنده طونه-یه طوغری 100کیلومتره-لک محله ممتد اولور. ویانه-نک اورمانی و قاهلنسبوغ ایله یوسفبرغ تپه-لری دخی بو طاغره مربوطدر.

1-3590-5

قاهور

1#

فرانسه-ده پارسك 560 كيلومتره جنوبنده و %لوت\$ نهري اوزرنده %لوت\$ ايلتنك مركزي بر قصبه اولوب، 13846 اهاليسي داخلي مكتب اعداديسي، ايكي كتبخانه-سي، يك اسكي بر كليساسى، روماليردن قالمه خرابه-لري و چوخه، شراب و قونياق اخراجاتي واردر.

2-3590-5

قاهولو

1#

رومانيه-نك بغدان مملكتنده و %پروت\$ نهري ساحل يسارينك قربنده اوله-رق طونه ساحلى قربنده همنامى اولان بطاقلق بر كول تشكيل ايدن بر چايك اوزرنده واقع بر قصبه اولوب، 6875 اهاليسي واردر.

3-3590-5

قاياتامبو

ياخود قاجاتامبو 1# آمريقاي جنوبنده پرو جمهوريتنك %انفاحس\$ ايلتنده و %هوآراس\$ك 140 كيلومتره جنوب شرفيسنده اوله-رق %اند\$ سلسله جبالنك يك مرتفع اولان غربى بر واديسنده واقع قضا مركزي بر قصبه اولوب، 6000 اهاليسي، قرن سابقده چوق محصول ويرمش بر آلتون معدنى و كمور معدنلري واردر.

4-3590-5

قايامبه

1#

آمريقاي جنوبينك اقوادور جمهوريتنده و كيتونك 95 كيلومتره شرق شماليسنده و خط استوا قربنده بركانى الاصل مرتفع بر طاغ اولوب، %سيمبورازو\$دن صكره %اند\$ سلسله جبالنك اك مرتفع تپه-سيدر، و 5864 متره ارتفاعى واردر. %قايامبه اورقو\$ دخى ديرلر. *- بو اسمله برازيليا-ده %آمازون\$ ايرماغنه تابع بر چاي دخى اولوب، مجراسى 245 كيلومتره اوزونلغنده-در.

5-3590-5

قايتباي

[[اشرف ملك - *]] ماده-سنگ سکنجی فقره-سنه مراجعت بیوریلہ.

6-3590-5

قاي چئو

1#

چينده مانچوريه-نك %لياوتونگ\$ اياالتنده و %موقدن\$ك 185 كيلومتره جنوب غربيينده اوله-رق %لياوتونگ\$ كورفزينك ساحل شرفيسنده بر شهر و اسكله اولوب، كوزل منظره-سى، تميز سوقاقلرى و خيلى ايشلك تجارتي وارد.

7-3590-5

قايستر

ياخود قايسروس 1# آيدينه-كى كوچك مندرسك اسم قديمى اولوب، ازمنه قديمه-ده كنارلرنده بولنان يياني قوغلرك كترتيله مشهور ايدى.

8-3590-5

قايسر سبرغ

1#

الساس لورنده قولمارك 15 كيلومتره شمال غربيينده و %وايس\$ نهري اوزرنده بر قصبه اولوب، 8383 اهاليسى و ايبلييك و بز فابريقه-لريله مقبول شرابى وارد.

9-3590-5

قايسر سلاوترن

1#

باويره-نك رين ايلتنده و %اسپيره\$نك 49 كيلومتره شمال غربيسنده اوله-رق %لاؤترن\$ نهري اوزرنده بر شهر اولوب، 22300 اهالي، سوري، مكتب اعداديسي، دار المعلميني و چوراب، بيره و سائره فابريقه-لري واردر.

10-3590-5

قايف

1#

يهود كاهنلرندن اولوب، حضرت عيسي (عم) اعدامله محكوم ايتمش؛ و حواريوني توقيف ايتديروب، بونلردن شمعون (پطروس) و يوحنا-يي ضرب ايتديرمشدي. بعده روما طرفندن شام واليسي بولنان (ويتليوس) جانبندن عزل اولنمغله، 35 تاريخ ميلاديسنده اتلاف نفس ايتمشدر.

11-3590-5

قاي فونج

1#

چينك و سطلرنده پكينك 675 كيلومتره جنوب غربيسنده و %هوانغ-هو\$ نهري ساحل يمينه 15 كيلومتره-لك مسافه-ده پك تجار تكاه بر شهر اولوب، 100000 دن زياده اهالي، سوري واردر. چين داخلنده باشليجه بو شهرده يهوديلر بولنوب، قيومجلاق و صرافلق و سائره ايله اشتغال ايدرلر. نهر مذكورك صولري چوق دفعه سد و بندلري بيقيه-رق شهرك مزروعاتني و بعضاً ابنيه-سني دخي تخريب ايدر.

12-3590-5

قايق

1#

برغمه قربندن كچه-رك چاندارلي قوينه دوكيلن باقر چاينك اسم قديميدر.

13-3590-5

قايق

آطه-لري 1# %انتيل\$ جزايرندن %جامايقه\$ جزيره كيبره-سنيك شمال جهتنده واقع %لوقايه\$ جزاير مجتمع-سنده بر طاقم كوچك آطه-لر اولوب، 20° ايله 21° عرض شمالي و 73° ايله 47° 74° طول غربي

آه-لرنده واقعدر. همان جمله-سی زنجی اولمق اوزره، 1200 اهالی ایله مسکوندرلر. اک بیوکلی اولان %بیوک قایق\$ک بویی 53 و اکی 6 کیلومتره-در.

1-3591-5

قائلی

ایران شعراسندن اولوب، ترشیزلیدر. بر تذکرة الشعراسی واردر. 955 تاریخنده وفات ایتمشدر.

2-3591-5

قایماز، ابو منصور مجاهد الدین *- بن عبد الله الزینی

ملوک اتابکیه و زراسندن اولوب، عن اصل سجستانلی اولدیغی حالده، اربل صاحبی ملک معظم مظفر الدینک پدری ابو سعید علی بن بکتینک ازادلیسی ایدی. 559 تاریخنده ملک مشار ایله طرفندن اولادینک اتابکلکنه نصب اولنه-رق، داریت و رویتنه بناء رتق و فتق امور ید اقتدارینه تفویض اولنمش؛ و اجرای عدالت و حقانیتله شهرت بولوب، اربله بر مدرسه و بر خانقاه دخی بنا ایله، کلینتی اوقاف ترک و تخصیص ایتمشدی. 571ده موصله کیدوب، اورانک صاحبی اتابک سیف الدین غازی بن مودود کندیسنی وزارتنده استخدام، و بتون امور اداره-یی ید کفایتنه احاله ایتمشدی. اوراده دخی شهرک خارجنده بیوک بر جامع شریف و مدرسه و خانقاه ایله یتیملر ایچون بر مکتب و دجله اوزرنده بر کوپری انشا ایتمشدی؛ و میرات مذکوره-یه اوقاف کافیه تخصیص ایلمش ایدی. معاصرلری بولنان ملوک و اکابرله مخابراتی اولوب، (مجد الدین ابو السعادات مبارک بن الاثیر الجزری) صاحب ترجمه-نک کتابتنده استخدام اولنمشدی. ادبیات و اشعاره مراقی و تقدیره اقتداری اولوب، زمانی شعراسی کندیسنی بر چوق قصیده-لرله مدح، و بعض علما بونک نامنه کتب مشهوره تألیف ایتمش؛ و جائزه و احسانلرینه نائل اولمشلردی. سیف الدین غازی وفات ایدوب، برادری عز الدین مسعود جلوس ایتمکنده، خصماسی حقنده سعایت ایتمکله، 589ده توقیف اولنمش ایسه-ده، عند التحقیق تبریدمت ایدوب، آخر عمرینه-دک وزارتده ابقا اولنمش، 595ده موصل قلعه-سنده وفات ایتمشدر.

3-3591-5

قایمان

آه لری *- # 1 آنتیل دکیزنده %قوبه\$ جزیره کبیره-سنگ جنوبنده اوچ آه اولوب، %بیوک قایمان\$ دینلن بیوکلی آچیقده 22' 19° عرض شمالی ایله 40' 83° طول غربیده و %کوچک قایمان\$ ایله %قایمان براق\$ آه-لری بربرینه قریب اوله-رق بیوکنک 120 کیلومتره شرق شمالیسنده واقعدرلر. اوچنک مجموعاً مساحه سطحیه-سی 584 مربع کیلومتره و اهالیسی 2400 کشیدر. هوالری صاغلام اولوب، اهالیسی چوق یاشار. *- بو اسمله آمریقای وسطینک هوندوراس جمهوریتی ساحل شرقیسنگ آچیققرنده دخی بر قاچ آه واردر.

4-3591-5

قائم بامر الله، ابو جعفر عبد الله بن القادر بالله احمد

خلفاء عباسيه-نك يكرمي آلتنجيسى اولوب، 422 تاريخنده، 33 ياشنده ايكن، پدرينه خلف اولمش؛ و 44 سنه ايله 8 آي حكومت سور دكدن صكره، 467 تاريخنده بغدادده وفات ايتمشدر. بونك زماننده ملوك فاطميه-دن مستنصر بالله بغدادى و بتون عراق عربى ضبط ايده-رك، شهر مذكورده كندى نامنه خطبه او قوتمغله، صاحب ترجمه فرار ايتمش؛ و بر سنه صكره ملوك سلجوقيه-دن طغرل بكك امداديله بغدادى استرداد ايتمش ايسه-ده سلجوقيلره منتدار قالوب، طغرل بكك و بعده آلپ آرسلانك و نهايت ملكشاهك رأبيله حركت ايتمك مجبور يتنده بولنمش ايدى. وفاتنده ملكشاه وزيرى مشهور نظام الملكى كوندروب، تورونى مقتدى بالله عبد اللهى اقعاد ايتمشدى.

5-3591-5

قائم بامر الله، ابو القاسم محمد نزار بن عبد الله المهدي

مغربده ظهور ايدن فاطميونك ايكنجيسى اولوب، پدى مهديك زماننده ولايت عهدله كنديسنه بيعت اولنمش؛ و پدى طرفندن عسكرله ايكي دفعه مصرك ضبطنه اعزام اولنه-رق، برنجى دفعه-سنده 301 تاريخنده خليفه عباسى مقتدر كى مصرده-كى واليسنى قاچيروب، خطه مصريه-يى تماميله تحت ضبطنه آلمش ايسه-ده، مونس الخادم قوماند-سيله بغداددن كوندريبن عساكر و فيره ايله محاربه-يه كيريشدكده، عسكرنده وبا و غلا ظهور ايتمكله، افريقيه-يه رجعتيه مجبور اولمش ايدى. 322 تاريخنده پدرينه خلف اولوب، ايرتسى سنه دونما ايله آق دكيزه چيقه-رق، جنووه و ساردنيه-يى غارت ايتمش؛ و بعده جانب مصره عسكر كوندروب، اسكندريه-يى فتح ايلمش ايدى. اواخر عهدنده (ابو يزيد مخلد) نام خارجى ايدوب، قيروانى و اكثر ممالكنى استيلا ايتمكله، صاحب ترجمه مهديه-ده محصور قالوب، تحت محاصره-ده ايكن، 335 تاريخنده وفات ايتمشدر. مدت حكومتى اون ايكي بچق سنه-در. اوغلى منصور بالله اسماعيل خلفى اولمشدر.

1-3592-5

قائمكنج

1#

هندستانك شمال جهتنده اكره ابالتنك فرح آباد سنجاغنده و فرح آبادك 30 كيلومتره شمال غربيسنده و كنك ايرماغنه تابع %كنك نادى\$ نهري اوزرنده اوله-رق %دواب\$ اسميله معروف پك منبت بر واديدده واقع بر قصبه اولوب، 10325 اهالييسى و پتاته محصولاتى واردر.

2-3592-5

قايمنى

1#

يونانك كيقلاده جزايرندن %سانتورين\$ جزيره-سنگ غرب جهتنده تشكيل ايتديكى كور فزك ايچنده بو اسمله اوچ كوچك آطه بولنوب ، برينه %مغالى قايمنى\$ يعنى ((بيوك يانمش))، برينه %ميقرا قايمنى\$ يعنى ((كوچك يانمش)) و برينه ده %نبا قايمنى\$ يعنى ((يكي يانمش)) اسملرى ويريليور. بونلر تيدلات بر كانيه ايله ازمنه تاريخيه-ده ظهور و تشكلى ايتمش اولدقلرندن، علم الارض نقطه نظرجه اهميتلى زياده-در.

3-3592-5

قايين

ايرانده خراسانك جنوب جهتنده كوستان %و مستعربى قهستان\$ خطه-سند %برجندك 76 كيلومتره شمالنده و 900 متره-لك ارتفاعده بر قصبه اولوب، وقتيله قهستانك مركزى ايكن، شمدى برجند مركز اولوب، قايينك شامل اولديغى 8000 خانه-دن يالكز 1500 مى مسكوندر؛ و وقتيله جوارلرنده كلينتلى اييك و صفران چيقمده ايكن، بر قاچ سنه متمدياً دوام ايدين قور اقلقندن طوت آغاجلى قورومش، و صفران زرعى دخی ترك اولنمشدر. قايين پك اسكى اولوب، قبل الاسلام دها معمور ايدى.

4-3592-5

قايينارجه

بلغارستانده سلستره-نك 70 كيلومتره جنوبنده بر كوچك قصبه اولوب، سلطان عبد الحميد خان اول ايله ايكنجى قاترينه زمانلرنده 1774 تاريخ ميلاديسنده دولت عثمانيه ايله روسيه آره-سندة عقد اولنان معاهده-نك محل امضاسى اولمغله مشهوردر.

5-3592-5

قايينسق

1#

سيبريه-نك %تومسق\$ ايلتنده و تومسك 430 كيلومتره غربنده قضا مركزى بر قصبه اولوب، 5670 اهالييسى و اهميتلى كورك تجارتي وارددر.

6-3592-5

قائنه

1#

آفريقاى جنوبيده فرانسه غويانه-سنگ مركزى بر قصبه اولوب، همنامى اولان ايرماغك منصبنده بيه همنامى اولان كوچك بر آطه-نك اوزرنده واقعدر. صيغجه ليمانى، قلعه-سى، 8000 اهاليسى، داخلى مكتبى، نباتات باغچه-سى و تجارت انبارلرى واردر. هواسى يك صيغاج ايسه-ده، اطرافنده-كى بطاقلقرك آچلمسييله تصحيح اولنمشدر.

7-3592-5

قايور

1#

آفريقاى غربيده سنغال نهرينك منصبندن يشيل برونه قدر و ساحلن شمال جهتنده 100 و جنوب جهتنده 30 كيلومتره ايچرى-يه قدر ممتد بر خطه اولوب، ساحل بوينجه طولى 160 كيلومتره قدردر. اهاليسى 200000 كشى راده-لرنده اولوب، يولوف جنسيتنه منسوب و شمال جهتنده جمله-سى مسلم، جنوب قسمنده ايسه بر طاقمى الان مشركدر. اسماً فرانسه مستعمراتندن معدود ايسه-ده، حقيقتده بر حكومت مستقله اسلاميه النده اولوب، يالكز سواحله بعض نقطه-لر فرانسزلرك ضبطنده بولنيور. محصولاتى دارى، مصر، پاموق، چيويد، آمريقان فستىغى و سائره-در.

1-3593-5

قائوقو

1#

آفريقاى جنوبيينك ساحل غربيسنده %كوتنه\$ منصبندن %والفيس\$ قوينه قدر يعنى '30 18° ايله '30 22° عرض جنوبى آره-لرنده ولب دريادن ساحل ايله متوازيأ اوزانان طاغلا سلسله-سنه-دك ممتد اولور بر خطه اولوب، مياہ جاريه-سى چوق اولمغله، اراضيسى سقى اولنور، و يالكز دكيز كنارلرى قوملق و غير منبتدر. وقتيله 80000 قدر اهاليسى وار ايكن، اخيراً اكثرى ايچ طرفلره چكيلوب طاغلمشدر.

2-3593-5

قُبا

ما وراء النهرده فرغانه-یه ملحق بر قصبه اولوب، مشاهیر صوفیوندن ابو اسحاق ابراهیم القبائی و سائر مشاهیر علمانک رأس بولمشدر . سلطان محمود سبکتکین زماننده بو قصبه و ملحقاتنده (بیغو بن طغان) حکم سوروب، عدل و حقانیتله شهرت بولمشدر. مغول فتنه-سنده خراب اولمشدر.

3-3593-5

قُبا

مکه مکرمه ایله مدینه منوره آره-سنده مدینه-دن ایکی میل بعدنده بیوک بر قریه اولوب، هجرت اثنا-سنده بعض صحابه طرفندن بنا اولمش مشهور بر مسجدی وار ایدی، که ایچنده فخر الرسل (صلی الله علیه و سلم) افندمز نماز قیلمشلردی، و فضائلی حقتده بعض احادیث شریفه منقولدر.

4-3593-5

قُباب

((قبه-لر)) معناسیله سمرقند و نیسابورده برر بیوک محله اولوب، مشاهیر علمادن بعض ذوات بونلره نسبتله تلقب ایتمشلردر. -* قباب الحین دخی بغداد قربنده و خراسان طرفینده بر قریه ایدی.

5-3593-5

قُباد

ملوک ایراندن ساسانیان سلاله-سنک اون طقوزنجی کحمداری اولوب، برنجی فیروزک اوغلی و پلاشک برادری و خلفیدر. 491 تاریخ میلادیسنده تخته چیقوب، (مژدک) نیشاپوری طرفندن اغفال اولنمغله، بونک اشتراک اموال و ازدواجی مروج مذهب زندقه-سنی قبول وترویج ایتدیکیچون، 498ده اسقاط و حبس اولنمش ایسه-ده، درت سنه صکره همشیره-سنک سعیلیه یکیدن اقعاد اولنمش، و روم ایمپراطوری آناستاس ایله جزیره جهتنده ایتدیکی محاربه-ده غالب کلمش ایسه-ده، بعده (بلیزار) طرفندن مغلوب اولمش ایدی. 36 سنه حکومت سوروب، 531ده وفات ایتمش؛ و اوغلی مشهور نوشیروان عادل خلفی اولمشدر. قبادک قلمروی بولنمش اولان ممالکده بر چوق ابنیه و سائر آثاری واردر. روم تواریننده (قبادس #1) اسمیله مذکوردر.

6-3593-5

قبادخره

فارسده بر ناحیه اولوب، ساسانیانندن قباده منسوب ایدی.

7-3593-5

قبادیان

بخارا خانلغلك حصار ایالتنده و حصارك 125 كيلومتره جنوب غربیسنده اوله-رق جیحونه تابع %كافر نكان\$ نهري اوزرنده و بونك منصبندن 60 كيلومتره بوقاریده واقع قضا مرکزی بر قصبه اولوب، تاجیک و اوزبك اهالی ایله مسكوندر. جوارلرنده چوق ایپك قوزه-سی چیقار.

8-3593-5

قُبادق

آناتولیده-کی %قاپادوقیه\$ خطه قدیمه-سنگ بعض عرب کتب جغرافیه-سنده کوریلن اسمیدر.

9-3593-5

قبارطای

1#

قافقاس سلسله جبالنك وسطی قسمی شمالنده و %ترك\$ ایالتنك غرب جنوبی قسمنده اوله-رق سلسله مذکوره صرتیله %ترك\$ مجراسی آرہ-سنده بر خطه اولوب، البرز جبلنك شرق طرفنده بولنیور. بو خطه 9822 مربع كيلومتره وسعتنده اولوب، بیوك و كوچك قبارطای اسملریله ایکی قسمه منقسمدر. برنجی قسمی قافقاس سلسله جبالنك اتكلرنده واقع اولوب، طاغلق اولان اراضیسنك وادی و بایرلری، ترك ایرماغنه منصب اولمق اوزره، اورادن آقان حسابسز چاپلرله اروا اولنور، و اراضیسی دنیانك اك منبت یرلرننددر. كوچك قبارطای ایسه ترك ایرماغنك ابتدا شمال غربی-یه و بعده شرقه طوغری اولان جریاننده تشکیل ایندیکی زاویه داخنده اولوب، غربدن شرقه ممتد ایکی صره تپه-لری واردر. و اراضیسی قورو و یالكز مرعالغه الویریشلیدر. قبارطای اهالیسی چركس اولوب، لسان و سیما و اخلاقچه چركسلردن فرقلری یوغیسه-ده، کندیلری اقوام تورانیه-دن خزرلرك احفادی اولمق و روسالری قریشی الاصل بولنمق ادعاسنده-درلر. قبارطایک اهالیسی 47000 کشیدن عبارت اولوب، 32300 ی چركس، 10000 ی تاتار و 4700 ی روس، آلمان، یهودی و سائرہ-در. بر خیلی وقت قریم خانلرینك تحت حکمنده بولندقدن صکره، روسیه-نك ضبطنه کچمشلردر. هر نه قدر قبارطای چركسلری جسارنده سائر همجنسلرندن کری قالمیورلرسه-ده، موقعلری مدافعه-یه او قدر الویریشلی اولمدیغندن، سائرلرندن اول مملکتلری روسیه-یه الحاق اولنمش؛ و او صره-ده اکثری ممالک عثمانیه-یه هجرت ایدوب، طاغلمشلردر. قبارطای چركسلرینك زراعته میل و الفتلری اولمیوب، چوبانلق اخلاق استقلال پرستانه-لرینه دها موافق کلدیگندن، یرلری پك منبت اولانلر دخی اغنام و خرکله-لر ایله کزرلر. نشانلیرینی قایمق عادتتی الآن اجرا ایدرلر. قبیلہ-لرینك خارچنده، یاقه-یی اله ویرمه-مک شرطیله، حیوان خرسزلغی عندلرنده معیوب دکلدر.

1-3594-5

قباره

1#

سودان غربیده نیجرک ساحل شمالیسندہ و تمبکتونک 10 کیلومترہ جنوبندہ بر قصبہ اولوب، تیکتونک نہر مذکورده اسکله-سیدر.

2-3594-5

قباغان

1#

اسپانیہ-یہ تابع فیلیپینہ جزایرندن %لوسون\$ جزیرہ-سنگ شمال شرقی ساحلندہ بر قصبہ اولوب، 11000 اہالیسی وارد.

3-3594-5

قَبَان

آذربایجانده تبریز قریبندہ و تبریز ایله بیلقان آرہ-سندہ بر قصبہ اولدیغنی یاقوت حموی بیان ایدیور.

4-3594-5

قبایی، رکن الدین

مشاہیر شعراء ایرانندن اولوب، عن اصل ما وراء النہرہ-کی %قبا\$ شہرندن اولدیغی حالده، اصفہانہ سیاحتلہ بدر الدین جاجرمی ایله مشاعرہ-ده بولنمشدر. کندسی اثر الدین اومانینک شاکردی و پوربہاء جامینک استادیور. شو بر ایکی بیت خواجه عز الدین طاہرہ خطاباً سویلمش اولدیغی بر قصیدہ-سندندر:

@@@

چه شد امسال آخر ای مخدوم

کہ من رنج دیدہ مظلوم

بعد ده سال حق بدین دولت

کشتم از ہر مراد دل محروم

\$

5-3594-5

قَبَاطَه

اندلسده جيان اعمالندن بر قصبه و قلعه اولديغى ((معجم البلدان))ده مسطوردر.

6-3594-5

قَبِذَاق

اندلسده قرطبه نواحيسنده بر قصبه اولديغنى ياقوت حموى بيان ايديور.

7-3594-5

قبر ابراهيم

فلسطينده-كى حبرون و نام ديكرله خليل الرحمن قصبه-سنه و بيريلن اساميدندر. [(حبرون)] ماده-سنه مراجعت بيوريله. [

8-3594-5

قبره

اندلسده قرطبه اعمالنه متصل منبت و محصولدار بر ير اولوب، بر خيلى نواحي و معموره-لرى حاوى اولديغى جغرافيون عرب آثارنده مذكوردر.

9-3594-5

قبريس

و عربجه قبرس #1 بحر سفيدك اك بيوك آطه-لرندن اولوب، بحر مذكورك منتهاي شرقنده و اناطولى ايله شام ساحلى قارشيسنده واقع اولديغى حالده، اناطولنيه ملحق عد اولنور. ساحل شماليسى اناطولينك ايچ ايل ساحلندن 75 و اك شرقى نقطه-سى شام ساحلندن 93 كيلومتره-لك مسافه-ده واقعدر. غرب جنوبيدن شرق شمالي-يه طوغرى غير منتظم بر مستطيل صورتنده ممتد اولوب، منتهاي شرق شماليسى اوزون و طار بر شبه جزيره صورتنده اسكندرون كورفزينه طوغرى اوزانير. بو شبه جزيره-نك اوچنده اولان %آى اندريا\$ برونى

"42' 49' 35° عرض شمالی ایله "20' 15' 32° طول شرقیده، اک غربی نقطه-سی اولان ایپفانیو برونی
6' 35° عرض شمالی ایله '53 29° طول شرقیده اک جنوبی نقطه-سی اولان % غاواته\$ برونی-ده
"18' 20' 34° عرض شمالی ایله '42 30° طول شرقیده واقعدر. مذکور ایپفانیو بروندنن آی آندریا بروننه قدر
اولان طول اعظمی قوش اوچشی حسابیله 220 کیلومتره و وسطلرنده اکی 60 ایله 80 کیلومتره آره-سندده-در.
مساحه سطحیه-سی 9610 مربع کیلومتره اولوب، 209291 اهالیسی واردر.

قیریس جزیره-سندده ایکی طاقم طاغلا و واردر. بری و اک بیوکی جنوب غربی جهتنده اولوب، آطه-نک اورتله-لرینه
و شرق طرفنه قدر اتکلری و شعبه-لری اوزانیر. بوکا % اولیمپ\$ نامی ویریلوب، اک یوکسک
ذروه-سی % تروآدوس\$ اسمیله 1885 و بر تخمینده 2008 متره ارتفاعنده-در. دیکری جزیره-نک ساحل شمالیسی
بوینجه % آی آندریا\$ بروننه قدر ممتد اولوب، بونک ارتفاعی 707 متره-یی تجاوز ایتمیور. بو ایکی صره
طاغلاک آره-سندده جزیره-نک اورتله-سندده شرقدن غربه کنیش بر اووه ممتد اولور، که وقتیله بتونی برتک تارله
کی سراسر مزروع اولوب، دنیانک دخیره-سنی حاصل ایتمکده بولنمش ایکن، شمدی قیشین چامور و یازین توز
دریاسی کسیلوب، قسم اعظمی دیکن و چالیدن بشقه بر شی حاصل ایتمز. اولیمبوس طاغلاک جنوبی اتکلری
آلتنده سواحل جنوبیه-یه طوغری ممتد اولان اووه-لر دخی همان بو حالده-در. اک بیوک نهری اولیمبوس طاغلاک
شمالی اتکلرندن اینه-رک، مرکزی اولان لفقوشه شهری ایچندن مرور، و مذکور اووه-یی شق ایندکدن صکره،
ساحل شرقیده ماغوسه-نک اوست طرفنده دکیزه منصب اولور. جبال مذکوره-نک شمال غربی و جنوبی اتکلرندن
دخی بر چوق نهرلر آقار. بو انهارک هیچ بری سیر سفائه صالح اولیمبوس، اکثرینک صولری تبخردن آشاغی
ایندکجه آز الیر.

قیریسک هواسی عمومیت اوزره صیجاق اولوب، علی الخصوص اولیمبوس طاغلاک جنوبیه-کی یرلر، لدوسه
و شام و مصردن کلن صیجاق روزکارلره معروض اولدیغندن، دها صیجاقدر، جبال مذکوره-نک شمال مائله-سی
ایسه پویرازه معروض اولدیغندن، هواسی سریندر. بو جهتک اورمانلری دخی زیاده-جه-در. هر نه قدر تشرین
ثانیدن شباطه قدر قیریسجه یاغموور موسمی حکم سوربورسه-ده، قوراقلق چوق دفعه آطه-یه مسلط اولوب،
چکرکه دخی اکا رفاقت ایدر.

قیریسک هر نوع محصولاته استعدادی اولوب، آنجق اهالیسنک وسعت اراضی-یه نسبهً آزلیغی و اورمانلرینک
اتلافی اسکی منبتلکنه خلل کثیرمشدر. مع هذا طوپراغلاک استعدادی و مصر و شام و آناتولی آره-سندده-کی موقع
و وضعیتیه جهتیله جزئی بر همتله ینه اسکی حالنه ارجاعی ممکندر. حبوبات متنوعه-دن بشقه قبریسه پاموق،
زیتون، خروب، اوزوم، کوک بويا و میوه و سیزه-لرک انواعی یتیشیر. میوه-لرینک لذتی و چیچکلرینک رنگ و
قوقوسی پک کوزلدر. اوزومدن یاپیلان شرابلر اسکیدن بری دنیانک هر طرفنده شهرت بولمشدر. باقر معدنی چوق
اولوب، جزیره-نک اسمی دخی بو معدنه دلالت ایدر. آلتون، دمیر، توتیا معدنلری و طاغلرندده ذی قیمت احجار
دخی وقتیله کثرتله چیقاردی. شمدی هپسی متروکدر. اسکدن قویونلری چوق اولوب، کلینتلی بیاغی چیقمقده ایکن،
شمدیکی حالده حیوانات اهلیه-سی آز اولوب، یالکز استرلری ایری و قوتلیدر. بعض طاغلرندده بیانی طوموز ایله
قره-جه سیرک اوله-رق بولنیور.

اهالیسنک ثلثانی خرسیتیان و بر ثلثی اسلام اولوب، خرسیتیانلری اکثریت اوزره روم و مسلمانلری ترکردر. بناءً
علیه جزیره-ده ایکی لسان سویلنوب، روملرک-ده چوغی ترکجه و مسلمانلرک بعضیسی رومجه بیلیرلر.
معموریتی زمانلرنده یعنی ازمنه قدیمه-ده قیریسک ایکی ملیوندن زیاده اهالیسی اولدیغی محقق اولوب، اهل
صلیب محارباتی اثناسنده دخی نفوسی 600000 دن آشاغی دکلدی، بعده 108000 مقدارینه-دک تنزل ایتمش
ایسه-ده، بو صوک زمانلرده ینه تزایده باشلاوب، بونک همان ایکی مثلنه بالغ اولمشدر.

قبريسك اك بيوك قصبه-سى و مركزى وسطلرنده بولنان لفقوشه %ويا نيقوسيه\$ قصبه-سى اولوب، سواحلنده بر قاچ قصبه و اسكله-سى وار ايسه-ده، هيچ برينك صاغلام و واسع ليماى يوقدر. شمديكى حاده اسكله-سى جنوب شرقى ساحلنده واقع طوزله %ويا لارناقه\$ قصبه-سىدر. بونك جوارنده اسكى فنيكه-ليلرك بنا كرده-سى اولان %كيتيم\$ مدينه قديمه-سنگ خرابه-لرى بولنيور. ساحل شرقيسنده ماغوسه %ياخود فاماغوسه\$ قصبه-سى بولنوب، جنويز و ونديكيلرله لوزينيانلر زمانلرنده جسيم استحكاماتى و طولمش بر كوچك ليماى واردر. بونك شمالنده و نهرك منصبنده روماليلر زماننده معمور بولنمش %قوستانيپي\$ قصبه-سنگ خرابه-لرى طور يور. ساحل جنوبيسنده بولنان %ليماسون\$ اسكله-سى-ده اولدقجه ايشلكدر. بونك جوارنده قديمأ پك معمور و عشق الهه-سنگ عبادتنه مخصوص معبديله و اكلنجه-لى پنايرلريله مشهور بولنمش اولان %اماتونته\$ قصبه-سنگ خرابه-لرى موجوددر. ساحل غربينك منتهاي جنوبنده دخى %باف\$ قصبه-جغى بولنيور، كه قديما %پافوس\$ اسميله بو دخى زهره-نك عبادات و مراسيم عشق آلوديله مشهور ايدى. ساحل شماليسنده بولنمش %كروينا\$ شهر قديمى دخى شمديكى حاده 30 قدر خانه-يى و اطرافنده بر چوق خرابه-لرى حاوى بر قريه حالنده-در.

قبريس جزيره-سى اسكيدن اقوام آريه-دن مجهول بر قومله مسكون اولوب، فنيكه-ليلر دخى بعض سواحلنده بر طاقم قصبه-لر و مهجرلر اوياندير مشلردى. مصر فراغه-سندن (اماسيس) ميلاددن 550 سنه اول جزيره-يى ضبط اينديكنده 9 حكومه منقسم بولمشيدى. بعده كيخسروك خروجيله قبريس ايرانه الحاق اولنه-رق، او صره-ده و دها اول بر چوق يونانيلر دخى جزيره-يه هجرتله، بعض طرفلرينه يرلشمشلردى. اسكندر ك خروچندن صكره قبريسه يونان مهاجرتلرى چوغالوب، مصر بطالسه-سى يندنه ايكن، بسبتون يونانلاشمش ايدى. بعده ميلاددن 58 سنه اول روماليلرك ضبطنه كچوب، روما دولتنك انقسامنده شرق ايمپراطورلغنه دوشمش؛ و اكثر يا خاندان ايمپراطورى-يه منسوب محافظلر اداره-سنده بولنمش ايدى. بولنردن برنجى (قومنوس) اعلان استقلال ايتمكله، نسلى اهل صليب زماننه قدر قبريسده مستقلاً حكم سور مشلردر. اهل صليب دورنده انكلتره قرالى (ريشار) 1191 تاريخ ميلاديسنده قبريسى ضبط ايدوب، قدس دن اخراج ايدلمش اولان فرانسز (لوزينيان)ى قبريس قرالغنه نصب ايتمش؛ و بونك سلاله-سندن (ژاق) 1473 ده بلا ولد وفات ايتمكله، زوجه-سى ونديكى اولديغندن، ونديكيلر بو مناسبتدن بالاستفاده، جزيره-يى تحت اداره-لرينه آل مشلر ايدى. 978 تاريخ هجريسنده و سلطان سليم خان ثانى دورنده ماغوسه-نك 11 آيلى محاصره و مقاومتندن صكره قبريس تماميله فتح، و ممالك عثمانيه-يه ضم و الحاق اولنمشدر. او وقتدن محافظلق و مستقل متصرفلق صورتنده اداره اولنوب، محمد على پاشا زماننده بر آره-لق اداره-سى مصره ترك اولنمش ايسه-ده، بعده شام و آتنه ايله برابر استرداد اولنه-رق، ولايت اصولى اتخاندن جزاير بحر سفيد ولايته ملحق بر متصرفلق اتخا اولنمش؛ و برلين معاهده-سندن صكره 1295 تاريخنده انكلتره ايله عقد اولنان معاهده-ده اداره-سى موقتاً دولت مشار اليه-يه ترك اولنمش ايسه-ده، قاضيى و اوقاف مفتشى ينه در سعادتدن نصب اولنوب، اداره داخليه-سى مصارفى بعد التتزيل قالان فضلّه واردات دخى دولت عثمانيه-يه عاندر.

1-3596-5

قبريسلى محمد پاشا

دور سلطان عبد المجيد و عبد العزيز خاننده اوچ دفعه مسند صدارت عظمايه كچمش وزراى دولت عليه-دن اولوب، 1228 تاريخنده قبريسده دنيايه كلمش؛ و سن رشده وصولنده در سعادت كلوب، خزينه كتخداسى بولنان

عمی محمد امین افندنیك دلالتیله اندرون همایونه آنه-رق، خزینه اوطه-سنه چراغ بیورلمش ایدی. 1244 تاریخده عساکر منتظمه-نك یکی تشکیلنده خاصه آلاینده یکدن یوزناشی تعیین اولنوب، 1248ده لاجل التحصیل آوروپایه کوندریله-رك، لوندره سفارتنه تعیین ایدلمش اولان نامق پاشا مرحومك معیننده پارسه عزیمت ایتمش؛ و ایکی سنه پارسده و بر آز مدت لوندره-ده قالدقن صکره، در سعادتہ کله-رك، قول آغاسی و متعاقباً بیکیباشی اولدقن صکره، اکمال تحصیل و اوراده بولنان عثمانلی شاکرداننه نظارت ایتمک اوزره، یکیدن پارسه اعزام اولنوب، جلوس سلطان عبد المجید خانیده در سعادتہ عودت ایده-رك، میرالایقله طوپخانه-یه مأمور اولمش؛ و بر مدت صکره میر لوالقله طوپخانه مجلسی و بعده دار شورای عسکری مجلسنه نصب، و بر آره-لق عساکر ردیفه جمعی ایچون سینوب و آنقره و قسطمونی جهنلرینه اعزام اولنمشدی. 1259 تاریخده لسان آشنا و امور اداره-یه واقف اولمسی حسبیله ملکبه سلکنه نقلنه لزوم کوریله-رك، رتبه-سی میرالامرالغه تحویل ایله، عکا محافظلغنه، بعده قدس شریف متصرفلغنه نصب، و 1262ده رتبه-سی میر میرانلغه ترفیع اولنمشدی. 1263ده بلغراد محافظی و 64ده ترحاله متصرفی اولمش ایسه-ده، بو ایکنجی مأموریتہ منتهی عزیمت ایکن، رتبه سامیه وزارتله لوندره سفارتنه نصب اولنه-رق، اوراده ایکن، تبدل ایدن فلمنک قرالنی تبریکه دخی مأمور اولمشیدی. 1267ده مآذوناً در سعادتہ کلوب، ظهور ایدن حادثه-یی باصدیرمق اوزره، حلب والیلکنه نصب اولنمش؛ و بعده کرید والیلکنه نصب اولنمق اوزره، در سعادتہ دعوت اولندقده، بو منصب جدیددن استعفا ایدوب، عربستان اردوی همایونی مشیرلکنه نصبله مسلک قدیمه ارجاع اولنمش؛ و 69ده ادرنه والیلکنه تحویل مأموریت ایدوب، 1270ده قیودان دریا اولمش؛ و ینه او سنه مسند صدارت عظمایه کچمشدر. آلتی آی بو مقامده قالدقن صکره، عزل اولنه-رق، 1271ده مجلس عالی تنظیمات ریاستنه نصب اولنمش؛ و روسیه محاربه-سی عقیبنده صدر اعظم بولنان عالی پاشانک مرخص صفتیله پارس قونغرہ-سنه عزیمتنده قائممقاملق ایتمش؛ و بعد المصالحه روسیه ایمپراطور جدیدینی تبریک ایچون پترسبورغه اعزام اولنه-رق، 1273ده مجالس عالیہ-یه و 74ده ثانیاً مجلس تنظیمات ریاستنه، و 1275ده ثانیاً مقام قیودانی-یه تعیین اولنمش؛ و ینه او سنه عزل ایله مجالس عالیہ-یه مأمور اولمش، و بر مدت دخی معزول قالمش ایدی. 1276ده ثانیاً صدر اعظم اولوب، ایکی آی ایله سکز کون صکره عزل، و ینه سنه مذکورہ-ده ثالثاً مسند صدارت عظمی عهده-سنه تفویض اولنمش؛ و روم ایلی جهتنه تفتیشه چیقوب، بو قطعہ-نك اکثر جهنلرینی دور ایله سلانیکدن بحراً عودت ایتمش؛ و 1277ده وقوع بولان جلوس عبد العزیز خانیده مسند صدارتده ایفا بیوریله-رق، 1278ده عزل، و ادرنه والیلکنه نصب اولنوب، اوچ سنه اوراده قالدقن صکره، در سعادتہ عودتله، مستوفی معاشله بر مدت قوناغنده استراحت ایتمش؛ و 1282ده مجلس خاص وکلایه و بعده مجلس عالی خزان ریاستنه، و 83ده مجلس والای احکام عدلیه ریاستنه نصب بیورلمش؛ و 128ده وفات ایدوب، سلطان محمود خان تره-سی جوارنده دفن اولنمشدر. * - شوکت پاشا اسمیله خیر الحلف بر اوغلی وار ایدی، که فریقک رتبه-سنه نائل اولوب، اشقودره والیسی ایکن، نهرده مغروقاً وفات ایتمشدر.

1-3597-5

قبط

یاخود ققط #1 لسان عربیده اسم جمع اولوب، مفردینه قبطی و ققطی دینیر. مصرک اهالی قدیمه-سنه و بونلرک بقیه-سی اوله-رق مصر-ده الیوم خرسنریان دیننده قالمش اولان بر صنف اهالی-یه ویریلن اسم اولوب، بو اسمک خطه مصریه-یه یونانیلر و رومالیلر طرفندن ویریلن (اکوپت) یاخود (اغویت) اسمیله مشابہت و مناسبتی

میدانده-در. اسکی مصریلرک کندی کندیله ویردکلری اسم مجهولمز ایسه-ده، یونانیلرله رومالیلر مذکور اسمی کندیله ایشیتیش اوله-جقلری کبی، عربلر دخی اشبو (قیط) ویا (قفت) اسمنی اونلردن اخذ ایشیتیش اوله-جقلرنده شبهه اولمدیغندن، اسکی مصریلرک کندی قوملرینه ویردکلری اسمک-ده بلکه جزئی بر تلفظ فرقیله بوندن عبارت اوله-جغی آکلاشیلور. قبط قومی یعنی اسکی مصریلر ام سامیه-دن اولوب، لسانلرینک عربی و سریانی و سائر السنه سامیه ایله مشابهت و مقارنتی آشکاردر. بناءً علیه، عمومیت اوزره ام سامیه حقنده پیدا ایتدیلمز فکر مخصوصمزی بوراده دخی تکرار ایله، قبطیلرک دخی پک اسکی بر زمانده جزیره العربدن نیل وادیسنه کچمش اوله-جقلرینی التزام ایدرز. لسان قبطی سائر السنه سامیه-نک بربرلرینه اولدقلری قدر بو لسانلره قریب اولمیوب، آره-لرنده-کی فرقی زیاده-جه اولمسی ایسه یا قبطیلرک سائر ام سامیه-دن ایرلدقلری و تعبیر آخوله جزیره العربدن هجرت ایتدکلری زمانک پک اسکی اولمسندن، ویاخود بونلرک وادی نیلده بولدقلری اهالی قدیمه ایله اختلاط ایده-رک اونلرک لسانندن دخی استعاره ایشیتیش اولملرندن ایلری کلسه کرکدر. سامیونک ورودندن اول مصرده بولنش اولان قوم قدیمک اقوام بربریه-دن اولمسی محتملدر. قبطیلرک تاریخک ضبط ایده-مدیکی پک اسکی بر زمانده بردن ویا قافله قافله اوله-رق واقع اولان هجرت ابتدائیه-لرندن صکره بو هجرت ایکی دفعه ده تکرار ایشیتیش، که بونلرک برنجیسی مصر قدیم تاریخنده (هیكسوس) اسمیله یاد اولنان و مصرده حکومتی ضبط ایدن عرب فاتحلرینک دخولی، و ایکنجیسی ظهور اسلامی متعاقب مصرک عربلر طرفندن فتح و استیلاسیله آز مدت ظرفنده همان بسبتون عربلشمسیدر. معلوم اولان بو ایکی هجرت و استیلا تاریخک ضبط ایده-مدیکی پک اسکی بر هجرت قدیمه-نک وقوعنه دخی مثال و شاهد عد اولنه-رق، قبطیلرک جزیره العربدن وادی نیله کچمش اوله-جقلرینه حکم ایتمه-مزی انتاج ایدیور.

هر حالده، مصرک ممالک اسلامیه دائره-سنه دخولی صره-سنده و اونی متعاقب ادوارده جزیره العربدن مصره هجرت ایدن خلق او قدر چوغالش، که اسکی مصریلر بونلرک ایچنده محو اولوب، ذاتاً بونلر دخی دین اسلامی قبول ایتمکله، بینلرنده حائل قالمدیغندن، آز مدت ظرفنده همان بتون اهالی مصر عربلشوب، یالکز خرستیان دیننده ثبات ایدنلر لسان قدیملرینی محافظه ایتمکله، قبط اسمی بونلره منحصر قالمشدر. آنجق مرور زمانله بونلر دخی، اقلیتلری جهتیله، لسانلرینی اونودوب، بو کونکی کونده جمله-سی عربجه تکلم ایتمکده، و یالکز معابده رؤساء روحانیه-لری لسان قبطی-یی استعمال ایتمکده-درلر. بو لسانک آثار عتیقه-ده کوریلن اسکی مصریلر لسانندن چوق فرقی اولمدیغی محققدر. مصرده الیوم موجود قبطیلرک مقداری یاریم میلیوندن آز اولوب، بونلرک-ده سائر مصریلردن فرقلری آنجق مذهب مغایرتیدر.

مملکتمزده چنکانه-لره قبطی اسمی ویرلمسی ایسه آنجق بونلرک وطن اصلیلری اولان هنددن بو طرفلره هجرتلرنده مصردن کچمه-لریله مصرلی ظن اولملرندن ایلری کلوب، آروپانک جنوب و غرب جهتلرنده دخی بو معنایه دلالت ایدر اسملرله یاد اولنمقده-درلر.

1-3598-5

قِط

[((قفت)) ماده-سنه مراجعت بیوریله.]

2-3598-5

قَبِيق

عرب جغرافيوننك قافقاس سلسله جبالنه ويردكلى اسمدر. هر نه قدر (قاف) اسمى عن اصل يو سلسله-يه مخصوص اولوب، %قافقاس\$ اسمى دخی بوندن مأخوذ ايسه-ده، كره قاف حقنده پك چوق خرافات تداول ايتديكندن، ارباب فن بو اسمدن تباعدله، يونانيدين تحريفاً (قبيق) اسمنى استعماله مجبور اولمشلردر.

3-3598-5

قَبِلاء قَاآن

ملوك جنكيزيه-نك بشنجيسى و چينده حكومت سورن سلاله جنكيزيه-نك برنجيسى اولوب، تولى خانك اوغلى و جنكيز خانك توروئيدر. برادرى منقو قآنك فرمانيله مغولستان و خطا و ختن حاكمى اولوب، 658 تاريخ هجريسنده برادرينك وقوع وفاتنى خبر آنجه، تخت سلطنته جلوس، و كليتلى بر عسكرله چينك اوزرينه هجوم ايدوب، بر سنه ظرفنده چينك قسم شماليسنى ضبط ايله پكينده تخت نشين اولمش؛ و بعده تدريجاً جنوبه طوغرى توسيع فتوحاتله، يكرمى سنه ظرفنده بتون چين و قوره-يى و هند چينىي تحت اطاعتنه آلمش؛ و ممالكنى مالاقه بوغازندن اناطولى-يه قدر توسيع ايدو-رك، هندستان و جزيرة العربدن بشقه همان بتون آسيا قطع-ه-سنى ضبط ايتمش ايدى. آسيای غربيده يعنى ايران جهتنده حكم سورن برادرى هلاكو خان بونك حكمتى آلتنده اولوب، فرمانيله حركت ايدردى. اتوز بش سنه حكومت سوردكن صكره، 693 تاريخنده وفات ايتمشدر. بوندن صكره هلاكو خان نسلى آسيای غربيده كسب استقلال ايدوب، ايلخانيان دولتنى تشكيل ايتدكلى كى، قبلاء قَاآن نسلى دخی يالكز چين و مغولستانده حكم سورمشدر. ملوك ايلخانيه مدنيت اسلاميه-يه محكوم اولوب، عاقبت دين اسلامى دخی قبول ايتدكلى كى، قبلاء قَاآن و اولاد و احفادى دخی چينليلرك مدنيتته تابع اولوب، هر ايكى طرف مغوللق خوشونتندن قورتلمشلردى. على الخصوص قبلاء قَاآن چين ممالك واسعه-سيله ممالك اسلاميه-نك اكثرينه حكم فرما اولمق مناسبته، ممالك اسلاميه-دن بر چوق علما و ارباب فن-ده آلوب چينه كوتورمكله، چينده علوم و فنونك انتشار و ترقيسنه خدمت ايتمشدر.

1-3599-5

قَبَلَه

بحر خزر ك ساحل شماليسنده و شروان ايله داغستان آره-سنده بولنان دربند قربنده بر مدينه قديمه اولوب، نو شروانك پدرى قبادك بنا كرده-سى اولديغى مظنوندر.

2-3599-5

قَبَلَه

مدینه منوره ایله پنیع آره-سندہ-کی سراًة سلسله جبالنك مدینه جهتندہ-کی مائلہ-سنہ ویریلن اسمدر .

3-3599-5

قبولی

اونجی قرن هجری عثمانلی شعراسندن ایکی ذاتک مخلصیدر :
برنجیسی سیروزلی اولوب، طریق علمه سالک ایدی. شو بیت اونکدر:

@@@

وارمی بر عاشق دروننده غمکله داغی یوق

دوستم ارباب عشقک ایچلرنده صاغی یوق

\$

*- ایکنجیسی کوتاهیله-لی اولوب، بو دخی طریق علمه سالک ایدی. شو بیت اونکدر:

@@@

یوقدر کناه اوغمزه-سی خونیده بنده-در

شاهم صوچ اولدورنده دکلدن اولنده-در

\$

4-3599-5

قبولی

ایران شعراسندن اولوب، فقیر بر آدم ایدی. بر اقشام بعض احباسنه ((بن یارین اوله-جکم، تجهیز و تکفین ایچون آقچه-م یوقدر، صباح کلک، دیوان اشعارمی آلوب، امیر علیشیر نوایی-یه کوتورک، بنی سادات مزارستانه دفن ایندیرمسی حقنده-کی رجامی تبلیغ ایدک)) دیمش؛ و حقیقه ایرتسی کون کندیسنی اولو بولوب، دیواننی، وصیتی اوزره، مشار الیه علیشیر نوایی-یه کوتوردکلرنده، آچیلوب، شو مقطعه تصادف اولنمش:

@@@

اگر قبول توکردم قبولی ام ورنه

بهر دوکون چومن ناقبول نتوان یافت

\$

5-3599-5

قبیحه

خلفاء عباسیه-دن، متوكلك رومیه بر جاریه ام الولدی اولوب، اوغلی معتزک والده-سیدر. کمال حسنندن طولایی، تسمیه بالنقیض اوله-رق، خلیفه مشار الیه جانبندن قبیحه تسمیه اولنمشدی. اوغلی خلیفه آچه-یه لزوم کورلمکله، صاحبه ترجمه-دن استقراض ایتمک ایستمش، و مومی الیهانک کلیتلی اموال و نقودی اولدیغی حالده، امساک ایلمشدر. کندیسی بر مدت مکه-ده اقامت، و بعده سامرایه عودت ایده-رک، 264 تاریخده اوراده وفات ایتمشدر.

6-3599-5

قبیر

و قبیره -*- #1 ((کبیر)) و ((کبیره)) ماده-لرینه مراجعت بیوریله.]

7-3599-5

قچاق

ترک اقوامندن بر قوم اولوب، عن اصل اورال سلسله جبالیه وولغا مجراسی آر-لرنده ساکن بولنمش اولدیغندن، اورالرینه یعنی روسیه-نک شرق جنوبی جهتلرینه %دشت قچاق نامی ویرلمشدی. بو قوم تبدلات و تحولات سیاسییه-ده سائر اقوامله قاریشمش، و هر طرفه طاغلمش اولمغله، الیوم سیبرییه-نک غرب جنوبی جهتلرنده قیرقیزلر میاننده و خبوه و بخارا و خوقند خانقلرنده بعض قبائلی بولنمقده-در.

8-3599-5

قچاق

دشت- *- ماده آفده-ده بیان اولدیغی اوزره عن اصل روسیه-نک جنوب شرقیسنده اورال سلسله جبالیه وولغا مجراسی آر-ه-سنده اولان یرلره ویریلن اسم اولوب، چنکیز خان اورالرینی ضبط ایتدیکنده، اداره-سنی اکبر اولادی اولان جوجی خانه ویرمشیدی. مومی الیه و بعده اولاد و احفادی شمال و غربه طوغری توسیع حدودله روسیه-نک بر خیلی یرلرینی ضبط ایده-رک، %دشت قچاق دولتنی تشکیل ایتمشلردی، که قبلاء قآندن صکره کسب استقلال ایتمشدی. بو دولت اون بشنجی قرن میلادی اواسطنده جوجی خانک احفادی بیننده مقاسمه اولنوب، بش خانلق وجوده کلمشیدی: برنجیسی نفس قچاق خانلغی، که اورال ایله وولغا آر-ه-سنده اولوب، مرکزی وولغا اوزرنده-کی %سرای شهری ایدی؛ ایکنجیسی قزان خانلغی، که بونک شمالنده اولوب، مرکزی قزان شهری ایدی؛ اوچنجیسی اژدرهان خانلغی، که وولغا ایله دون ایرماقاری و قافقاس سلسله جبالی آر-ه-سنده ممتد اولوردی؛ دردنجیسی نوغای خانلغی، که دون ایله دنیستر مجرالری آر-ه-سنده و قره دکیزله آزاق دکیزی سواحلنده ایدی؛ بشنجی قزیم خانلغی، که قزیم شبه جزیره-سندن عبارت ایدی. جوجی خانک احفادی و عسکر و توابعلری وقتیلله دین اسلامی قبول ایتمش اولدقلرندن، بو خانقلر حکومت اسلامییه-دن معدود ایدی. آنجق بو بش خانلق بیننده رقابت و نفاق و مخاصمات اکسیک اولمدیغندن، روسیه پرنسلیری بو تفرقه-دن بالاستفاده، کندیلرینی ایکیده برده

تاتارلرک پایمال خیولی اولمقدن قورتاردقن صکره، بو خانلرک بعضلریله برلشه-رک، دیکرلرینی محو ایتمکه چالیشمش؛ و بو وجهله برر برر جمله-سنگ وجودلرینی قالدیره-رق، مملکتلرینی روسیه دولتنه الحاق ایتمشلردر. اول روسیه چاری اوچنجی ایوان نوغای خانیه برلشه-رک، مجرد نوغایلرک امدادیه 1481 تاریخ میلادیسنده قیچاق خانلغنی امحا ایتمشدر. اوندن اول 1474 قریم خانی روسیه-یه جزیه کذار اولمش ایسه-ده، متعاقباً دولت عثمانیه-نک تحت حمایه و تابعیتته کیرمکه بو جزیه-دن قورتلمشدی. قزان خانلغی 1552 تاریخنده وازدر. هان خانلغی دخی ایکی سنه صکره روسیه-یه الحاق اولنمشدر. نوغای خانلغی اون سکرنجی قرن میلادیده و قریم خانلغی دخی اونی متعاقب 1784ده روسیه ممالکنه ضم اولنه-رق، بو وجهله دشت قیچاق دولت چنکیزیه-سی و اوندن متفرع اولان روسیه اسلام خانلقلری منقرض اولمشلردر. آنجق بو خانلرک حکم سورمش اولدقلری یرلرک الیوم اهالیسنک قسم کلیسی مسلم و ترکدر.

1-3600-5

قیلان کرای

قریم خانلرندن ایکی ذاتک اسمیدر:

برنجیسی الحاج سلیم کرای خانک اوغلی اولوب، پدیری ردوسه منفی ایکن، 1091 تاریخنده جزیره مذکور-ده دنیایه کلمش؛ و پدیرینک درنجی دفعه خانلغنده نور الدینلک و غازی کرای خانک زماننده قلغایلق منصبه نائل اولمشیدی. 1118ده قریم خانلغنه نصب اولنه-رق، بر سنه ایله اون آی خانلق ایئتدکن صکره، قبار طای چراکه-سنه مغلوب اولمسی اوزرینه، 1120 تاریخنده عزل ایله، ردوسه نفی اولنمش؛ و 1125ده دولت کرای خاندن صکره ثانیاً قریم خانی اولوب، خوتین قلعه-سی انشاسنه مأمور، و بعده نمچه سفینه دعوت اولنمش ایکن، بلغراده وصولی اردوی همایونک مشتایه عودتته تصادف ایتمسیه، بو کجیکمسی موجب عزلی اولمش؛ و بو وجهله بو دفعه دخی اوچ سنه سکز آی خانلق ایئتدکن صکره، 1128ده کلیبولیده اقامته مأمور، و بعده چفتلکنده و مؤخرأ برسه-ده اسکانه مآدون اولمشیدی. 1143ده ظهور ایدن فتنه اوزرینه رأیندن استفاده اولنمق اوزره، دار السعاده آغاسی بشیر آغانک دلائیله، در سعادتته جلب اولنه-رق، تنکیل اشقیا خصوصنده خدمتی کورلمکله، سنه مذکور-ده ثالثاً مسند خانی-یه اعاده اولنه-رق، بو دفعه دخی آلتی سنه خانلق ایئتدکن صکره، روسلرک قریمه تجاوزیله مملکتی احراق و تخریب ایتملری اوزرینه، کندیسسی علت نقریسه مبتلا اولدیغندن، رکوب و نزوله مقتدر برینک مسند خانیده بولنمسنه لزوم کوریه-رک، 1149ده عزل ایله، ساقز جزیره-سنده اقامته مأمور اولمش؛ و بر آره-لق منفاسی کلیبولیه تحویل اولنوب، تکرار ساقزه اعاده اولنمش؛ و 1151ده عفو اولنمش ایسه-ده، فرمانک وصولندن اول اوراده وفات ایدوب، وصیتی اوزره چشمسه-ده دفن اولنمشدر.

*- ایکنجیسی برنجینک تورونی و سلیم کرای خان ثانیکن اوغلی اولوب، آرسلان کرای و قریم کرای خانلرک دفعه ثانیه-لرنده نور الدینلک مسندنده بولنمش؛ و 1183ده قریم خانلغنه نصب اولنمش؛ و روسیه سفری هنکامی اولمغله، عساکر تاتارله بوجاغه یعنی بسارابیه-یه کیده-رک، مقاومتته جهد و غیرت ایتمش ایسه-ده، دشمنک کثرتته مبنی انهزاهه دوچار اولوب، بندر و کلی قلعه-لری روسیه-لینک الینه کچمش؛ و او جانبندن مدافعه ممکن اوله-میه-جغنی درک ایله، اوزی جانبینه الغار ایله، قریمه وصولنده روسلرک معیتده بولنان قالموق طائفه-سنی تفریق و قوبان طرفنه امرار ایتمکه چالیشمقده ایکن، روایتته کوره مصارف سفریه اوله-رق او صره-ده اعطاسی ممکن اوله-میه-جق مبالغ کلیه طلبنده بولندیغندن طولابی، 1184ده عزل و در سعادتته جلب اولنه-رق، چفتلکنده

اقامته مأذون اولمش؛ و بر سنه صکره، 32 یاشنده ایکن، اوراده طاعوندن وفات ایتمشدر. خانلغی مدتی اون بر آیدر.

1-3601-5

قیلان مصطفی پاشا

سلطان محمد خان رابع دوری رجالندن اولوب، مجارستان محاربه-سنده کوستردیگی غیرت و شجاعت اوزرینه، صدر اعظم کوپرلی احمد فاضل پاشانک همشیره-سی کندیسنه تزویج اولنش؛ و در سعادتیه عودتنده 1076 تاریخنده قپودان دریا اولوب، دونمای همایونله کرید صولرینه عزیزمتله، طول مدت وندیگ و سائر آوروپا دولی دونمالرله حرب ایده-رک، بر قاچ کمی و بر چوق اسرا طوتمش؛ و حانیه و قندیه و سائر قلاعک فتحنه کلی یاردیمی اولمشدی. اوپله مهم بر زمانده آلتی سنه-یی متجاوز مدت مسند قپودانیده قالوب، بعده اردوی همایونله لهستان سفرینه کیده-رک، قریم خانیهله برابر لمبرغک فتحنه موفق اولمش؛ و ختام سفرده دیار بکر والیکنه نصب اولنشدی. 1083ده روسیه محاربه-سنده بولنوب، کلیتلی دشمن عسکرینه قارشی تصادف ایتمکله، بر قاچ یرندن مجروح اولمش؛ و 1090 تاریخنده ثانیاً قپودان دریا اولوب، بر سنه صکره دونما ایله کز مکده ایکن، از میرده وفات ایتمشدر.

2-3601-5

قپو طاغی

مرمره دکیزینک ساحل جنوبیسنده آناتولیه طار بر برزخله مربوط بر شبه جزیره اولوب، مرمره جزیره-سنک جنوب شرقی جهتنده اردک ایله باندیرمه کورفلری آره-سنده ممتد اولور. جنوب غربی ساحلنده اردک قصبه-سی و برزخنک بر آز جنوبنده %کیزیق شهر قدیم مشهورینک خرابه-لری اوزرنده %ایدینجک قریه-سی بولنیور. زمان قدیمده مذکور برزخ آچیق یعنی بوغاز اولوب، %کیزیق تسمیه اولنان بو شبه جزیره آطه حالنده ایدی. بعده بوغازده بر کوپری یاپیلوب، کوپرینک اطرافنه تدریجاً قوملر بریکمکله، آطه قره-یه کسب ارتباط ایتمشدر. اسمندن دخی آکلاشلدیگی اوزره، بو شبه جزیره طاغلق اولوب، اتکلری طاغلرله مستورددر، و اردکده کلیتلی شراب و راقی یاپیلیر.

3-3601-5

قتاده

صحابه-دن بر قاچ ذاتک اسمی اولوب، اک معروفی (ابو عمرو قتاده بن النعمان الانصاری الاوسی الظفری) در، که والده-سی طرفندن ابو سعید الخدرینک برادری اولوب، عقبه و بدر و احد غزالرنده و سائر غزواتده حاضر بولنش؛ و احد محاربه-سنده بر کوزی مجروح اولوب، یناغی اوزرینه دوشمش ایکن، جانب نبویدن ید مبارکلریله

برينه وضع بيوريله-رق، ديكرندن فرق اولنميه-جق صورته التيام پذير اولمشيدي. فضلاء صحابه-دن اولوب، فتح مکه کونی بنی ظفر رایتی حامل ایدی. 23 تاریخنده 65 یاشنده مدینه منوره-ده ارتحال ایدوب، جنازه نمازینی فاروق اعظم (رضه) قیلمشدر. بر خیلی احادیث شریفه-نک راویسیدر. مشاهیر محدثین و نسابیندن عاصم بن عمرو بن قتاده بو ذاتک تورویدر.

4-3601-5

قتاده الاکمه، ابو الخطاب -*- بن دعامة الدوسی

کبار تابعیندن اولوب، علم انسابده و حدیث و اشعار و اخبار عربده عصرینک فریدی ایدی. هجرت نبویه-نک 60نجی سالنده طوغوب، بصره-ده یاشامش؛ و 177 تاریخنده واسطده وفات ایتمشدر.

5-3601-5

قتاغان

اوزبک قومنک بر شعبه-سی اولوب، قندوز و بلخ جهتلرنده و بخارا خانلغنک بعض طرفلرنده ساکندرلر. سیمالری تامامیله مغول عرفنه موافق اولوب، لسان ترکی ایله متکلم و سنی المذهبدرلر. زراعت و تجارتله اشتغال ایدرلر. مقدارلری 220000 کشی قدر تخمین اولنیور.

6-3601-5

قتاغوم

1#

سودان وسطیده سوقوتو اداره زنجیه-سنه تابع بر کوچک حکومتک مرکزی مستحکم بر قصبه اولوب. %قانو\$نک 216 کیلومتره شرق شمالیسنده و بورنو حدودی قرینده واقع و 8000 اهالی-یی جامعدر.

1-3602-5

قتالی، محمود پهلوان

مشاهیر شعراء ایرانندن اولوب، خوارزمده-کی %اورکنج\$ قصبه-سندن ایدی. اوائل حالنده پهلوانقله و قوه بازوسيله مفتخر اولوب، بعده طریق تصوفه سلوکه، ریاضته قویله-رق، ضعف بدن استحصالی قیدینه دوشمشیدی. ((کنز الحقایق)) عنوانیله بر مثنویسی واردر. شو رباعی جمله اشعارنددر.

@@@

کر مرد رهی بره باید داشت
خودرانکه از هزارچه باید داشت
در خانه دوستان چو محرم کشتی
دست و دل و دیده رانکه باید داشت
§

2-3602-5

قترین

1#

سلانیک ولایت و سناغنده و سلانیک کورفرزینک ساحل غربیسی قربنده اوله-رق سلانیک 50 کیلومتره جنوب غربیسنده اولیمبوس طاغنگ اتکنده و ساحلدن 5 کیلومتره ایچریده قضا مرکزی بر قصبه اولوب، 3000 اهالیسی، 2 جامع شریفی، 2 کلیسایسی، بر اسلام و ایکی روم مکتب ابتداییسی، 256 دکان و مغازه-سی، قشله-سی و عسکری خسته خانه-سی وارد. *- قترین قضاسی سلانیک ولایتنگ منتهای غرب جنوبیسنده اولوب، شرقاً سلانیک کورفرزیه، شمالاً نفس سلانیک و قره-فریه قضالریله، غرباً مناستر ولایتنگ سرفیجه سناغلیه، جنوباً دخی حدود یونانیه ایله محدود اولدیغی حالده، کلندر و لنجوز ناحیه-لریله برابر 72 قریه-یی جامعدر. قسم اعظمی اولیمبوس طاغنگ اتکلری ضبط ایتمکله، اراضیسی عمومیت اوزره طاغلق اولوب، یالکز ساحله قریب یرلری اووه-در. کوستم نهری حدود جنوبیه-سنی تحدید ایدوب، اولیمبوسدن اینن بر چوق کوچک چاپلر دخی طوغریدن طوغری-یه دکیزه دوکیلور. قسم جنوبیسنده طاغ اتکلری ساحله قدر اورمانلرله مستورد. محصولاتی حبوبات متنوعه ایله میوه و سبزه-لرک انواعندن عبارتدر. باغلری چوق اولوب، خیلی شراب اخراج اولنور. طوت آغاجلری-ده تکثیر اولنوب، اییک قوزه-سی چیقاریلیر. اغنام و سائر حیواناتی-ده زیاده-جه-در. اهالیسی 40000 راده-لرنده اولوب، قسم اعظمی روم و قصوری مسلمدر. قضانک واردات سنویه-سی 25000 لیرایی متجاوزدر.

3-3602-5

قتسیاس

1#

یونان قدیم اطباسندن و اسقلیبوس فاملیاسندن اولوب، آناتولی ساحلنده-کی %قنیده\$ شهر قدیمنده دنیایه کلمش؛ و قبل المیلاد 416 تاریخلرنده ایرانه کیده-رک، اون یدی سنه آردشیر بهمن دراز دستک خدمت طبابتنده بولنمش؛ و عودتنده ایران و هندک تاریخی یازمش ایدی. بو تاریخنک یالکز بعض قسملری موجوددر.

4-3602-5

قتسیبوس

1#

يونان قديمك جراثقال مشاهير علماسندن اولوب، قبل الميلاذ 130 تاريخلرنده اسكندريه-ده ياشامش؛ و اليوم مستعمل اولان طلومبه اصوليله ديكر بعض ماكينه-لر ايجاد ايتمش ايدي. (هرون)ك استادى و بلكه-ده پدريدر.

5-3602-5

قتسيفون

ياخود اکتسيفون 1# [(طيسيفون)) ماده-سنه مراجعت بيوريله.]

6-3602-5

قتلغ خان

[(براق حاجب)) ماده-سنه مراجعت بيوريله.]

7-3602-5

قتلغ نكار خانم

چنکيز خان سلاله-سندن محمود خانک همشيره-سى و مغولستان حکمدارى يونس خانک قيزى اولوب، سلاله تيموريه-دن عمر شيخ ميرزانک زوجه-سى و دهليده حکومت سورن بابر شاهک والده-سيدر. 911 تاريخنده کابله وفات ايتمشدر.

8-3602-5

قتلمش، ياخود قلمش بن اسرائيل بن سلجوق

ملوک سلجوقيه-نک جديدر. عم زاده-سى طغرل بک طرفندن جزيره واليکنه نصب اولنوب، بعده عصيان ايتمکه، اوزرينه سوق اولنان عسکر طرفندن مغلوب اولوب، جزيرة العربيه قاچمش، و طغرل بک وفاتنده ظهور ايدوب، آلب آرسلانه قارشى ادعاى وراثت ايتمکه، ايتديكى محاربه-ده مغلوب و مقتول اولمشدى. اوغلى سليمان بن قتلش ابتدا ملکشاهک فرمانيله روم کحومتته نصب اولنه-رق، بعده کسب استقلال ايتمکه، سلاجقه رومک برنجيسى اولمشدر.

9-3602-5

قتلی

مشاهیر شعراء ایراندن اولوب، بخارالیدر. اوزبک خانلرندن عبد العزیز خانه انتسابی اولوب، بک چوق انعام و احسانلرینه نائل اولمشدی. شو بیت اونکدر.

@@@

شب خیال زلف او هوش از من بیدل ربود
درس چوق مشکل فتد بی فهم راخواب آورد

\$

1-3603-5

قتنده

اندلسده سرقسطه حدودنده بر قصبه اولوب، 505 تاریخ هجریسنده اوراده علی بن یوسف بن تاشفین ایله فرنکلر بیننده شدتلی بر محاربه وقوع بولمش؛ و اندلسده-کی محدثینک امامی اولان (قاضی ابو علی حسین بن محمد بن فیره) بو محاربه-ده شهید اولمشدر.

2-3603-5

قتیه بن مسلم، الامیر -* - الباهلی

مشاهیر غزاة اسلامدن اولوب، عبد الملك بن مروان زماننده عراقین حاکمی حجاج بن یوسف طرفندن ابتدا %ری\$ امارتنه نصب اولنش؛ و یزید بن المهلبدن صکره 86 تاریخنده خراسان دخی عهده-سنه احاله اولنش ایدی. کندیسسی جسور و غیور بر ذات اولمغله، خوارزم و ماوراء النهر جانبلرینه عسکر سوق ایده-رک، آز زمان ظرفنده خوارزم و بخارا و سمرقندی و ولید بن عبد الملك اوخر سلطنتنده 95 تاریخنده فرغانه-یی دخی فتح و ممالک اسلامیه-یه ضم ایتمشدی. ولید وفات ایدوب، برادری سلیمان جلوس ایدنجه، صاحب ترجمه-نک مشار ایله آره-سی بوزوق اولدیغندن، قورقوسندن اعلان عصیان ایتمش ایسه-ده، بو حرکتنده کیمسه کندیسنه تابع اولمیوب، علی الخصوص اولجه تمیم ریاستندن عزل ایتمش اولدیغی، (ابو المطرف وکیع بن حسان الغدانی) عسکری خفياً قتیبه-نک علیهنه تشویق ایتمکله، 96نجی سال هجریده قتیبه-یی خانداننه منسوب اون بر کشی ایله برابر فرغانه-ده قتل ایتمشلردر. 49 تاریخنده تولد ایتمشدی. پدري مسلم یزید بن معاویه-نک متعینان رجالندن ایدی.

3-3603-5

قتیل، میرزا محمد حسن

هندستان شعرا سندن اولوب، عن اصل برهمنى المذهب اولديغى حالده، دهليده نشأت ايتمش؛ و بعده اهتدا ايدوب، لکنهويه هجرتله، نواب غازى الدين حيدرہ انتساب ايتمش؛ و 1232ده اوراده وفات ايتمشدر. فارسى و اردو لساننده بر چوق اشعارى و ((شجرة الامانى)) و ((چهار شربت)) عنوانريله ايکى منظومه-سييله ((نهر الفصاحه)) عنوانيله بر قواعد فارسىه-سى و مرتب ديوانى واردر.

4-3603-5

قتيله، بنت قيس بن معدى كرب الكنديه

اشعت بن قيسك همشيرہ-سى اولوب، فخر كائنات (صلى الله عليه وسلم) افندمز اونجى سال هجريده كنديسنى تنكح بيورمشلرسه-ده، او آره-لق ارتحال جناب نبوى وقوع بولمغله، دخوله و حتى رؤيت رسالتپناهى-يه نائل اوله-مامشدى. بعده برادريله برابر ارتداد ايدوب، يکيدن اسلامه كلديکنده، عكرمه بن ابى جهله وارمش، و حضرت ابابكر صديق (رضى الله عنه) ايکيسنه دخى جزا ايتمك ايستمنلر ايسه-ده، حضرت عمر (رضى الله عنه) دخول وقوع بولمديغندن، امهات المؤمنين اولميوب، آخره وارمه-سندده بأس اولمديغنى بيان بيورمشلردى. *- بنى عامر بن لؤى-دن (قتيله بنت سعد) دخى حضرت ابو بكر صديق (رضى الله عنه)ك ازواجندن اولوب، عبد الله و اسمانك والده-سيدر. *- (قتيله بنت النضر بن الحارث القرشيه العبدريه) وقت سعادت شاعره-لرندن اولوب، پدرى نفر بن الحارث بدر غزاسنده مشرکين مياننده بولنمغله، اسير دوشوب قتل اولندقه، قتيله شو بينتله باشلايان مرثيه-يى سويليه-رك، تأثر جناب نبوى-يى موجب اولمشيدى:

@@@

يا راکبا ان الاثيل مظنة

من صبح خامسة وانت موفق

\$

5-3604-5

قثم، بن العباس بن عبد المطلب بن هاشم القرشى الهاشمى

فخر كائنات (صلى الله عليه وسلم) افندمزك عم زاده-سى اولوب، حضرت على بن ابى طالب (رضى الله عنه)ك زمان خلافتنده مکه و بر روايتده مدينه واليسى بولنمش؛ و معاويه زماننده سعيد بن عثمان بن عفان معيتنده سمرقنده كيدوب، اوراده شهيد اولمشدر. جناب رسالتپناهى-يه مشابهتى اولديغى مرويدر.

6-3603-5

قچانيق

آرناؤدلقده قوصوه ولايتنك اسكوب سنجاق و قضااسنده و اسكوبك 35 كيلومتره شمال غربيسنده مدافعه-يه پك الويريشلى و طبيعى مستحكم بر بوغاز اولوب، شار طاغيله قره طاغك آره-سنده تشكلى ايديور؛ و ايچندن واردارك صوك تابعلرنندن %لپناچ\$ چايى آقيور، و سلانيكدن متروويچه-يه كيدن دمير يول خطى كچيور. *-بوغازك شمالى مدخلنده و مذكور %لپناچ\$ ايله %نروديمقه% چايلرينك ملتقاسنده بو اسمله بر قريه دخى بولنوب، مذكور دمير يول خطنك بر موقفى و قربنده اسكى بر قلعه خرابه-لرى واردر. قريه مذكور-ده بوغازك ارتفاعى 525 متره اولوب، جنوبه طوغرى كسب انخطاط ايده-رك، اسكوب اووه-سنه و واردار واديسنه اينلير.

1-3604-5

قحطان

بابل جهتندن جزيره العربيه هجرتله خطه يمانيه-ده حكومت تاسيس اينلرك برنجيسى اولديغى مروى اولوب، احفاد نوحدن اولديغى مظنوندر. كنديسندن صكره يعرب بعده عبد الشمس و بوندى صكره حمير حكم سوروب، بوندى صكره-كيلارينه بوكا نسبتله حمير يار نامى ويرلمشدر.

2-3604-5

قحفازى، نجم الدين ابو الحسن على بن داود

مشاهير اديبان و فقهاء شافعيه-دن اولوب، دمشق شامده افاده و تدريسله مشغول ايدي. 668ده طوغوب، 744ده وفات ايتمشدر. (قلوب) اسمنده بر جاريه حقنده سويلديكى شو قطعه جمله اشعارندندر:

@@@

عابتنى في حيكم عادل

يزعم نصحى و هوفيه كذوب

وقال ما قلبك اذكره-لى

فقلت فى قلبى المعنى قلوب

\$

3-3604-5

قدامه

صحابه-دن بر قاچ ذاتك اسمى اولوب، اك معروفى (ابو عمرو قدامه بن مظعون القرشى الجمحى)در، كه عثمان بن مظعونك برادرى وام المؤمنين حفصه ايله عبد الله بن عمر بن الخطاب (رضهم)ك داييسى ايدي. اك اول اسلامه كلنلردن اولوب، برادرلرى عثمان و عبد الله ايله بر ابر حبشه هجرت ايتمش؛ و بدر واحد غزاليله سائر

غزواته حاضر بولمشدرد. عهد خلافت فاروقیده بحرین والیسی اولمشیدی. 36 سال هجریسنده 68 یاشنده وفات ایتمشدرد.

4-3604-5

قدرت

هندستان شعرا سندن ایکی ذاتک مخلصیدر:

برنجیسی (شاه قدره الله دهلوی) 1191 تاریخنده مرشد آبادده طوغمش؛ و دهلیده امرار ایام ایدوب، 1205ده ینه مرشد آبادده وفات ایتمشدرد. یکر می بیک بیٹی حاوی مرتب دیوان اشعاری و ((نتائج الافکار)) عنوانیله بر منظومه-سی واردرد.

*- ایکنجیسی (شیخ قدره الله) بهوپال حاکمنک منشیسی اولوب، 1280 تاریخلرینه-دک بر حیات ایدی. بر وجه آتی منظوم و منثور تألیفاتی واردرد: (منظوم) ((دیوان قدرت))، ((اکوان قدرت))، ((کلزار قدرت))، ((ازهار قدرت))، ((مجرای قدرت))، ((تماشای قدرت))، ((کیمیای قدرت))، ((منثور)) ((عجایبات قدرت))، ((مجربات قدرت))، ((رقعات قدرت))، ((حکایات قدرت)).

5-3604-5

قدرخان

سلطان محمود سبکتکین زماننده خوتن حاکمی اولوب، فن موسیقی-یه آشنا اولدیغی و شعرا یه پک چوق احسانلر ایندیکی مرویدرد.

6-3604-5

قدری

سلطان سلیمان خان دورنده شیخ الاسلام بولنان حمیدی عبد القادر چلبینک شعرده قوللاندیغی مخلصدر.]((عبد القادر چلبی)) ماده-سنه مراجعت بیوریلله].

6-3604-5

قدری

ایران شعرا سندن اولوب، شیراز لیدر. تجاردن اولمغله، تجارتله دکن جانبنه کیده-رک، عودتنده کمینک باتمسلیله غرق اولمشدرد. شو بیت اونکدر:

@@@

چو شمع سوخت سراپای من زشعله شوق

هنوز سوز دلم را نتیجه پیدا نیست

§

7-3604-5

قدری پاشا، جنانی زاده

پادشاه دوران سلطان عبد الحمید خان ثانی افندمز حضرتلرینک دور سلطنتلرنده باش وکالت مسند جلیله کچمش وزرای دولت عثمانیه-دن اولوب، 1249 تاریخنده عینتابده دنیایه کلمشدر. پدری قبریس متصرفی اسحاق پاشا عینتاب نقیب الاشرافی امین افندیگ اوغلی و قاموس مترجمی وقعه نویس عاصم افندی مرحومک برادری ایدی. جد اعلالری شیخ سمرقندی ایدی. صاحب ترجمه 1266ده عینتابده نفوس مقیدلکنه و بعده دیگر بعض مأموریتلره نصب اولنه-رق، قپوجی باشیلیق رتبه-سنی احراز ایتمش؛ و 1274ده در سعادتله کله-رک، باب عالی ترجمه اوپه-سی خلفالغنه و بعده مجلس عالی تنظیمات مترجمکنه تعیین اولنش؛ و صدر اعظم قبریسلی محمد پاشانک روم ایلدیی تفتیشله عزیزمتنده معیننده بولنوب، عودتنده 1277ده رتبه ثانیله ایلله کرید ولایتی قپو کتخدالغنه نصب اولنمشدی. 1280ده مجلس تجارت بحریه ریاستله، 81ده اولی ثانیسی رتبه-سیله پوسته نظارتله، بر مدت صکره مجلس خزان باش کتابتنه، 82ده مجلس احکام عدلیه قوانین و نظامات دائره-سی باش کتابتنه، 84ده رتبه اولی صنف اولی ایلله مجلس اداره بحریه ریاستله، 85ده شورای دولت اعظمالغنه تعیین، و ینه او سنه مأموریت فوق العاده ایلله بغداده و حدود ایرانیه-یه اعزام اولنش ایدی. 1286ده شورای دولت اعظمالغی ینه عهده-سنده اولمق اوزره، آلتنجی دائره بلدیله ریاستله تعیین اولنوب، بعد العزل ایکی سنه مأموریتسز قالدقن صکره، 88ده نافعله ایکنجی و بعده برنجی مستشارلغنه، 89ده ثانیاً آلتنجی دائره بلدیله ریاستله، و ینه او سنه رتبه بالا ایلله ثانیاً نافعله مستشارلغنه نصب اولنش؛ و 1290ده شهر امینی، 91ده نافعله ناظری، 92ده بحریه مستشاری، 93ده ثانیاً شهر امینی و بعده شورای دولت رئیسی اولمش و عهده-سنه رتبه وزارت توجیه بیورلمش ایدی. ینه او سنه سیواس و متعاقباً بغداد والیسی اولوب، 95ده بغداددن جلیله داخلیه نظارت جلیله-سنه و ینه او سنه تجارت و زراعت و معادن نظارتله تعیین اولندقن صکره، 1296ده باش وکالت مسند جلیله کچوب، بر مدت بو مقام عالیله قالدقن صکره، ادرنه والیلکنه نصب بیوریله-رق، 1300 تاریخنده اوراده ارتحال ایتمش، و سزایی درگاهی جوارنده دفن اولنمشدر. عربی و فارسی-یی و علوم و ادبیات اسلامی-یی و وطننده تحصیل ایدوب، در سعادتله ورودندن صکره فرانسز و انگلیز لسانلرینی و فنون جدیده-یی دخی اوکرنمش، عالم، ادیب، ترقی پرور و مستقیم بر ذات ایدی.

1-3605-5

قدری پاشا، محمد -*

عصر سلطان سلیم خان ثالثده قپودان دریا مسندینه کچن وزرادن اولوب، صوفیه-لیدر. عمجه-سی دونمای همایونده قپودان بولندیگی جهتله کندیسی در سعادتله ورودنده سفن همایونده نفر یازیله-رق، اللی درت سنه-ده

دوننماده ایفای خدمتله قطع مرانب ایدوب، قبودانه رتبه-سنی احراز ایتمشدی. 1218 تاریخنده قبودان دریا اولوب، بر سنه بو مقامده قالدقندن صکره، عزل و بروسه-یه نفی اولنمش؛ و بر بچق سنه صکره وزارتی اعاده ایله کرید والیلکنه نصب اولنمش؛ و بش سنه قدر بو والیلکده قالدقندن صکره، اختیارلغنه بناء عفونی و بروسه-ده اقامتنی استرحام ایتمکله، مستوفی معاشله تقاعد اولنه-رق، اون بش سنه مدت شهر مذکورده کوشه کزین عزلت اولدقندن صکره، 1239ده، طقسان یاشنی متجاوز اولدیغی حالده، اوراده وفات ایتمشدر.

1-3605-5

قدس

1#

فلسطین خطه-سنگ و همنامی اولان مستقل متصرفلغ مرکزی مشهور بر شهر اولوب، عربیده %میمک فتحی ودالک کسريله \$ مقدس یاخود %البیت المقدس\$ و قدیماً %ایلیا\$ اسمیله معروفدر. عبرانیجه اسمی %یروسالم\$ یاخود %اورشلم\$در. آق دکیز ساحلنده اسکله-سی اولان یافه-نک 62 کیلومتره شرقنده و بحر لوط ساحلنک 38 کیلومتره غربنده طاغلق و مرتفع بر محلده و "30' 46' 35° عرض شمالی ایله "52' 52' 32° طول شرقیده واقعدر. جنوبدن شماله مائل بر بایرده اولوب، منتهای شمالیسنده بر اووه بولنیور. شهر غیر منتظم بر مستطیل شکلنده اولوب، بر ساعتده دور اولنور 13 متره ارتفاعنده و 1 متره ٹخننده بر سورله محاطدر؛ و، ایکسی مسدود اولمق اوزره، یدی قپوسی و اوچ بیوک جاده-سی واردر. باشلیجه درت محله-یه منقسم اولوب، شمال شرقی جهتنده اسلام محله-سی و بونده حکومت قوناغیله مشهور مسجد اقصی و صخره مقدسه بولنیور. شمال غربی کوشه-سند خرسنتیان محله-سی اولوب، بونده (قمامه) تعبیر اولنان و زعم نصاریه کوره حضرت عیسی (علیه السلام)ک مرقدینی حاوی اولان بیوک کلیسا ایله جماعات مختلفه-یه مخصوص متعدد معبد و مناسترلر واردر. سورک خارچنده دخی روسلره و سائر جماعاته مخصوص ابنیه و دوائر بولنوب، آیریجه بر محله تشکل ایتمشدر. جنوب غربی کوشه-سند ارمنی و جنوب شرقی طرفنده یهودی محله-سی بولنیور. اهالیسی 43000 راده-لرنده اولوب، نصفه قریب مقداری اسلام و عرب، بر ثلثه قریب مقداری یهودی و قسوری یرلی و اجنبی مختلف ملتره منسوب خرسنتیانلردن عبارتدر. کرک داخل شهرده و کرک جوارلرنده زیارتگاهلری و انبیاء بنی اسرائیلک احوال و وقایعنک یادکارلرینی حاوی مقاماتی پک چوقدر. قدس کرک اسلامده و کرک موسویلر و عیسویلر عندنده مقدس بر شهر عد اولندیغندن، دنیانک هر طرفندن زوار تهاجم ایدوب، اهالیسی باشلیجه زوارک اخذ و اعطاسیله و بونلرک مملکتده بر اقدقلری آچه ایله کچینیرلر. قدسک نه وقت و کیملر طرفندن بنا اولندیغی معلوم اولمیوب، آنجق اسکیدن بری بنی اسرائیلک مرکزی اولان %سالم\$ یاخود %سلم\$ شهرینک عینی اولدیغی مظنوندر. بعده کنعانیون اورالرینی ضبط ایدوب، شمیدیکی شهرک اوستنده واقع %صهیون\$ تپه-سند، %یبوس\$ اسمیله بر قصبه تأسیس ایتمشدر. حضرت داود (علیه السلام) میلاد عیسی (علیه السلام)دن 1049 سنه اول ملک و سلطنته نائل اولدیغنده، کنعانیلری بیوسدن اخراجله، شهری ضبط و بر سورله احاطه ایتمشدی. خلفی حضرت سلیمان (علیه السلام) اصل بیت مقدس دینلن معبد مشهوری و کندینه مخصوص بر سرای بنا ایده-رک، شهری بر قات دها توسیع و تزیین ایتمشدی. او وقتدن بو شهره ((مقدس)) معناسیله عبرانیجه (قدیشه) نامی ویریلوب، هرودوتک ذکر ایندیکی (قدتیس) اسمی دخی بونک غلطیدر. آثوریلر فلسطینی ضبط ایندکلرنده بیت مقدسی تخریب ایتمشلسه-ده، کیخسرو اورالرینی تحت اطاعتنه

آنچه، معبد مذکوری تعمیر و تجدید ایتشدی. بیوک اسکندر دخی بنی اسرائیل بر طاقم امتیازات ویرمشییدیسه-ده، بونک وفاتندن صکره، قدس مصر ایله شام طوائف ملوکی آره-سنده بولنوب، میدان حرب و جدال اولمغله، خراب اولمش؛ و بعده (هرود) طرفندن بیت مقدس یکیدن مطنطن صورتده بنا و شهر تعمیر اولنمش ایسه-ده، 70 تاریخ میلادیسنده (اتیوس) بسبتون هدم و تخریب ایتشدی. بو تخریبله قدسک موسویلره عائد معموریتی ختام بولوب، بعده قسطنطینیبه روم ایمپراطورلری خرسیتیانلق نقطه نظرندن معابدینی اعمار و شهری %ایلیا\$ تسمیه ایتمشلردی. قدس 16نجی سال هجریده غزاة اسلام طرفندن درت دفعه محاصره اولنوب، حضرت عمر بن الخطاب (رضی الله عنه) افندمه تسلیم اولنمش؛ و معبد قدیمی برینه خلیفه مشار الیه جانبندن مسجد اقصانک محلی و محرابی تعیین بیوریله-رق، بعده عبد الملك بن مروان طرفندن مسجد مذکور بنا اولنمشدر. اهل صلیب گروه متعصبینی قدسی ضبط ایتدکلرنده، شهری تخریب و غارت ایدوب، مسجد اقصایی کلیسایه تحویل ایتمشلرسه-ده، بعده صلاح الدین ایوبی قدسی تخلیص، و مسجد مذکوری معبد مسلمینه ارجاع ایلمشدر. قدیم قدس چوق بیوک اولوب اوغرادییغی آفاتدن کیتدکجه تدنی ایتمکده ایکن، بو صوک زمانلرده یکیدن اهالیسی چوغاله-رق، کسب اهمیت ایتمه باشلامشدر. شمذیکی سوری اهل صلیبک یاپمش اولدقلری سورک تمللری اوزرینه مؤسس اولوب، قانونی سلطان سلیمان خان جانبندن بنا اولنمشدر. هواسی یازین صیجاق قیشین اولدقجه صوئوق اولوب، اطرافنده-کی تپه-لرده پورتقال، لیمون، خرما، موز، اوزوم، زیتون و سائر میوه-لرک انواعی حاصل اولور.

5-3606-1

قدس

متصرفلغی. شام مملکتک قسم جنوبیسنده فلسطین خطه قدیمه-سنگ قسم اعظمندن عبارت مستقل بر متصرفلق اولوب، مرکزی اولان قدس شریفک اسمیله مسمار. غرباً آق دکیز سواحلندن اردن %یعنی شریعه\$ وادیسنه و بحر احمره-دک ممتد اولوب، شمالاً و شرقاً بیروت و لایتیله و جنوباً صحرای تیه ایله ویا خدیویت مصریه حدودیله محدوددر. نفس قدس ایله یافه، غزه و خلیل الرحمن اسملریله درت قضان مرکب اولوب، 428 قریه-یی حاویدر. مملکتک احوال سائره-سندن ((فلسطین)) ماده-سنده بحث اولندیغندن، تکرارینه حاجت اولمیوب، ماده مذکوریه-یه مراجعت بیورلمق اقتضا ایدر.

5-3607-1

قدس

نجد ایله حجاز آره-سنده مزینه قبیله-سنه مخصوص ایکی یوکسک طاغ اولوب، برینه %قدس الابيض\$ و دیگرینه %قدس الاسود\$ دینلیر. مرعالی چوق اولوب، قبیله مذکوره-نک قیون و خرکله-لری واردر.

5-3607-2

قدس

حمص قربنده بر قصبه اولوب، شرحیل بن حسنه طرفندن فتح اولندیگی کتب فتوحده مذکوردر. قربنده بر کول اولوب، بحیره قدس دینمکله معروفدر.

3-3607-5

قدسی، عرب زاده محمد چلبی

اونجی قرن هجری علما و شعرا سندن اولوب، بر چوق مدرسلاکرده بولندقدن و بر آره-لق منکوب و منفی بولندقدن صکره، مصر مولویته تعیین اولنوب، کیدر ایکن کمی باتمغله، مغروقاً وفات ایتمشدر. شو ایکی بیت اونکدر:

@@@

هنوز داخی آنا رحمنده ایکن
نه قائلر یوتدر و بدر بکا دوران
طوغلدن دائم آغلاتمقدر ایشی
دخی کولدرمدی بر لحظه برآن
\$

4-3607-5

قدسی

ایران شعرا سندن اوچ ذاتک مخلصیدر:
برنجیسی (حاجی محمد خان) طوسلی اولوب، وطنندن دلکیر اولمغله، هندستانه رحلت ایده-رک، شاهجهانک احسان و التفاتنه و ملک الشعرا عنواننه نائل اولمش؛ و 1055 تاریخنده اوراده وفات ایتمشدر. ((ظفرنامه)) عنوانیله حکمدار مشار الیهک فتوحاتی حاکی بر مثنویسی و مرتب دیوانی واردر. شو بیت اونکدر:

@@@

اینجام محبت آنجا سزای عصیان
آسایش دوکیتی برما حرام کردند
\$

-*- ایکنجیسی (میر حسین کربلائی)، پدیری کربلالی اولدیگی حالده، سبزوارده طوغمش؛ و هراته رحلتله، اورا حاکمی محمد خانک مظهر احسانی اولمش ایدی. شو بیت اونکدر:

@@@

سیاه روزم و حال مراکسی داند
که در فراق تو یکشب بحال من باشد
\$

-*- اوچنجیسی هراتلی اولوب، شو بیت اونکدر:

@@@

ای که منع میکنی از دیدن آن کاهذار

حالت دلرا نمیدانی مرا معذور دار

\$

5-3607-5

قدوری، ابو الحسین احمد بن محمد

اعظم فقهاء حنفیه-دن اولوب، زماننده فقهاء حنفیه-نک رئیسی ایدی. فقهاء شافعیه رؤسائندن ابو حامد اسفرائنی ایله معارضه-لری اولمشدر. تاریخ بغداد صاحبی ابو بکر الخطیب صاحب ترجمه-دن استماع و روایت احادیث شریفه ایتمشدر. 362 تاریخنده بغدادده طوغوب، 428ده ینه اوراده وفات ایتمشدر. فقهده کندی اسمنه اضافتله مشهور اولان ((المختصر)) عنوانیله بر کتاب معتبری و سائر بعض تألیفاتی وارد.

6-3607-5

قدیمی

ایران شعرا سندن اولوب، رساملقده-کی مهارتیه دخی مشهور ایدی. کیلانلیدر. شو بیت اونکدر:

@@@

دیده ام رویی و عاشق شده جایی عجبی

رخ نموده ست مرا باز بلایی عجبی

\$

7-3607-5

قرا

1#

مالاقه شبه جزیره-سنی هند چینی برینه ربط ایدر بر برزخ اولوب، 10° ایله 11° عرض شمالی آره-سنده واقعدر، و اکی 70 کیلومتره-در. انکلتره-نک هند مستملکاتی بو برزخه قدر ممتد اولوب، برزخک ساحل غربیسی انکلتره-یه و ساحل شرقیسی سیام دولتنه تابعدر. ایکیسی آره-سنده-کی حدود قربنده و سیام طوپراغنده بو اسمله بر قصبه دخی وارد. ساحل غربیسی آلق و بطاقل اولوب، قارشیسنده %مارکی\$ جزایر مجتمعه-سی بولنیور. بو جهنده بر قاچ قوی و لیمانی وارد. ساحل شرقیسی قربنده شمالدن جنوبه بر صره طاغلا ممتد اولور. برزخک

اهالیسی 20000 کشی قدر اولوب، سیاملی و ملایی و چینلیدن مرکبدر. بو برزخک کشادی دفعاقله تصور اولنمشدر.

8-3607-5

قراتر

1#

بیوک اسکندرک سردارلرندن اولوب، پرواسز لسان قوللانمسبله برابر، جهانکیر مشار الیهک وفاتنه-دک توجهنی غائب ایتمه-مش؛ و مشار الیهک وفاتندن صکره ماکدونیه و ایبر قوماندانی اولوب، قبل المیلاد 322 تاریخده واقع (قرانون) محاربه-سنده قانن پدیری بولنان آنتیپاتره یاردیم ایده-رک، پردیقاسی باتیرمغه سبب اولمش؛ و 321ده (اومن)ه قارشی ایتمدیکی محاربه-ده مقتول اولمشدر.

1-3608-5

قراتس

1#

یونان قدیمک حکمای کلبیونندن اولوب، مشهور دیوجانسک شاکردی و حکیم (زنون)ک معلمی ایدی. تیبه-لی اولوب، قبل المیلاد 324 تاریخلرنده نشأت ایتمشدر. استادینک مسلکنی تعقیب ایچون، بتون ماملکنی صاتوب، اثماننی همشهریلرینه تقسیم ایتمشدی. یک چرکین و قلندر مشربلی اولدیغی حالده، (هیپارخیه) اسمنده آتنه-لی کوزل و زنکین بر قادین کندیسنه علاقه ایدوب وارمش ایدی.

2-3608-5

قراتیپ

1#

یونان قدیم حکمای مشائیونندن اولوب، مدالیلیدر. ابتدا وطننده تدریس فلسفه ایدوب، بعده آتنه-یه کیده-رک، اوراده چیچرونک او غلبه بروتوس دخی حلقه تدریسنده بولنمشدی. پومپوس فارساله (یعنی چتالجه) مغلوبیتنی متعاقب بو فیلسوفی زیارت ایدوب، تسلیاتنه مظهر اولمشیدی. تعبیر رؤیا حقنده بر کتابی واردر.

3-3608-5

قراتینوس

1#

يونان قديمك مضحكه نويس شعراسندن اولوب، ميلاددن 525 سنه اول آتته-ده طوغمش؛ و 95 ياشنده وفات ايتمشدر. يازديغي طوقناقلي مضحكه-لرندن يالكز بعض فقره-لري موجوددر.

4-3608-5

قرارى، مولا نور الدين محمد

ايران شعراسندن اولوب، كيلانليدر. طبيب بولنان برادري مسيح الدين ابو الفتح كيلانى ايله برلكده هندستانه رحلت ايدوب، اكبر شاهك حسن قبولنه مظهر اولمشلردى. بر مدت دخى كيلان حاكمى احمد خانك خدمتنده بولنوب، اورانك انقلابندن صكره قزوينه انتقال ايتمشدى. شو بيت اونكدر:

@@@

من از جفاش نترسم ولى از آن ترسم
كه عمر من بجفا كردنش وفا نكند
\$

5-3608-5

قراسنويارسق

1#

سييريه-نك غرب جهتده %توبولسق\$ك 2100 كيلومتره شرقنده و %قراسنايارقه\$ نهرينك %ينيسى\$ ايرماغنه دوكلديكى محله %ينيسى\$ ايلتنك مركزى بر قصبه اولوب، 16800 اهاليسى و اطرافنده كمور و دمير و سائر معدنلري وارددر.

6-3608-5

قراسوس

1#

روماليلرك اك مشهور خطبا و قانون شناسانندن اولوب، قبل الميلاد 150 تاريخنده طوغمش؛ و 69ده قونسلوس اولمش ايدى.

7-3608-5

قراغويواچ

1#

صربیه-ده بلغرادك 100 كيلومتره جنوب شرقیسنده قضا مركزی بر قصبه اولوب، 3685 اهالیسی و طوپخانه-سی وارد. میلوش طرفندن مرکز اتخاذ اولنه-رق، 1842 تاریخه-دك صربیه پرنسلینك مقری بولنمشدر.

8-3608-5

قَرافه

مصرده قاهره-نك خارجنده و جنوبنده بر محل اولوب، شهر مذکورك1@ اک بیوک مقبره سیدر. امام شافعی (رضه) ایله ابن طولون و سائر اعظم و مشاهیرك تره-لرینی حاویدر. وقتیله معافر قومندن بو اسمله مسمی بر قبیله اورایه یعنی فسطاطك خارجنه نازل اولمغله، قبیله مذکوره-نك اسمنی محافظه ایتمشدر. *-اسکندریه-نك خارجنده دخی بو اسمله بر محل وارد.

9-3608-5

قراقاوا

1#

سوماتره ایله جاوه جزیره-لری آره-سنده-کی سوتده بوغازنده بر آطه اولوب، شمذیکی حالده شرقدن غربه بویی 5 1/2 و اکی 2 کیلومتره-در. 1883 تاریخنده وقوع بولان دهشتلی پاتلامه-سندن اول بویی 8 و اکی 5 کیلومتره ایدی. اراضیسی برکانی اولمغله، تاریخ مذکوره بردن پاتلابوب، جزیره-نك نصفی هوایه اوچمش ویا صویک ایچنه باتمش؛ و هوایه قالقان توزدن ایکی کون اورته-لق کیجه کسیلوب، دکیز دخی بردن بره سواحلک اوزرینه هجومله، مذکور ایکی بیوک جزیره-نك ایکی ساحلنده بولنان ایکی قصبه-یی و آچاچلری آلوب کوتورمشدر. بو پاتلامه-نك صداسی کره ارضک تاممیله او بر طرفنده یعنی آفریقا ده بیله حسن اولنمش؛ جاپونیه و جزیره العربیه قدر زلزله وقوع بولمش؛ و قالقان توزلردن کونلرجه کونشک غروبنده بر قرمزلیق کورینوب، مملکتزده دخی مشاهده اولنمش؛ و تا آوروپانک شمال جهتلرنده قارلرک اوزرینه توز یاغمشدر. تاریخ بو کبی علائم ارضیه-نك بوندن شدتلیسنی ضبط ایتمه-مشدر.

1-3609-5

قراقوویه

1#

آوستریا و مجارستان دولتک غالچیا خطه-سندہ ویانہ-نک 450 کیلومتره شمال شرقیسندہ و لمبرغک 350 کیلومتره غربندہ اوله-رق ویستوله-نک صول یعنی شمالی کنارندہ قضا مرکزی بر شهر اولوب، 76025 اھالیسی، کوزل تفرجکاھلریله صیفیه-لری، نهرک اوزرنده بر کوپریسی، اسکی لهستان قراللرندن و سائر مشاہیردن بر قاچ کشینک مزارلرینی حاوی بیوک بر کلیساسیلہ دیگر 40 کلیساسی، دار الفنونی، و بوکا مربوط بیوک بر کتبخانه-سیله رصدخانه-سی و نباتات باغچه-سی، صنایع و تجارت و صنایع نفیسه مکتبلری، داخلی مکتب اعدادیسی، علوم و صنایع و زراعت و تجارت جمعیتلری، فائسز آقچه افراض ایدر بر امنیت صندیغی، دباغخانه-لری، چوخه و سائرہ فابریقه-لری، سنہ-ده ایکی پنایری و خیلی ایشلک تجارتي واردر. بو شهر خیلی وقت لهستان قرالغک پایتختی بولنمش؛ و لهستانک مقاسمه-سندہ تشکیل اولنان بیطرف بر جمهوریتک مرکزی اتخاذ اولنه-رق، 1815-دن 1847 تاریخنه-دک بو وجھله مستقل قالدقندن صکره، آوستریا و مجارستان دولتته ترک اولنمغله، غالچیا ایالتته الحاق اولنمشدر. هیئت جدیدہ-نک موجودی اولان مشهور (قوپرنیق) دخی بو شہرده مدفوندر.

2-3609-5

قرانون

1#

تسالیه-ده فارسالہ %یعنی چتالجه-نک شرق جهتندہ اسکی بر قصبه اولوب، آتہ-لیلر اورادہ آنتیباتر ایله قراتر طرفندن مغلوب اولمشلردی.

3-3609-5

قرانیہ

1#

آرناؤدلغک منتهای شمال غربیسندہ و اشقودره کولنک غرب جنوبیسندہ اخیراً قره طاغہ ترک اولنمش بر ناحیه اولوب، بار و اولکون ایله برابر مساحه سطحیه-سی 376 مربع کیلومتره و اھالیسی، همان جمله آرناؤد و اکثریت اوزره، اسلام اولمق اوزره، 16000 کشیدر. اصل قرانیہ-لیلر چالیشقان آدملر اولوب، ایچلرنده پک ماھر باغچوانلر یتیشیر.

4-3609-5

قرانیہ

1#

تسالیه-ده تر حاله سنجاغنك قالا باقه قضا سنده و اسپرو پوتامونك صول تابعلرندن بری اوزرنده كوچك بر قصبه اولوب، 2445 اهالیسی وارد. قصبه و جوارلری كاملاً اولاخ اهالی ایله مسكوندر.

5-3609-5

قرايووه

1#

رومانیه-نك افلاق خطه-سنده و بكرشك 200 كيلومتره غربنده اوله-رق طونه-یه تابع %پول\$ نهری اوزرنده %دولیه\$ ایالتنك مرکزی بر شهر اولوب، 22800 اهالیسی، مكتب اعدادیسی، متعدد کلیسا و مناسترلری و جوارنده قیاطوزی معدنی وارد. وقتيله كوچك افلاقك مرکزی ایدی.

6-3609-5

قربی، امیر شاه

اونجی قرن هجری عثمانلی شعرا سندن اولوب، از نیقلیدر. شو بیت اونکدر:

@@@

یازه-لی خطی وفا نقشنی کرد چمنه
مهر ایدر اولدی او مهپاره جفا سن چکنه
\$

7-3609-5

قربی

ایران شعرا سندن ایکی ذاتك مخلصیدر:

برنجیسی (مولانا فتاح) شیرازی اولوب، اکبر شاهك او اخر سلطنتنده کنج یاشنده هندستانه هجرت ایتمش؛ و جهانگیرك زماننده اورا جه بعض مأموریتلرده بولنمش، و زیارت حرمین شریفین ایتمش ایدی. 1045 تاریخنده 70 یاشلرنده وفات ایتمشدر. شو رباعی اونکدر:

@@@

پر آبله شد پای تمنای دلم
چون خانه زنبور شد اعضای دلم
آغشته درد شد سراپای دلم
ایواه دلم وای دلم وای دلم
\$

-* - ایکنجیسی دماوندلی اولوب، مطالعه اشعار و صحبت یاران ایله عمرینی کچیرمش ساکن بر آدم ایمش. شو بیت اونکدر:

@@@

میفر ستم بر اوقاصد و میکوید رشک
سببی ساز خدایا که بمنزل نرسد
\$

1-3610-5

قرتال

شهر امانتک اسکار متصرفلغنده و اسکارک 19 کیلومتره جنوب شرقیسنده اوله-رق مرمه دکیزی ساحلنده و ازمد دمیر یول خطی اوزرنده واقع قضا مرکزی بر قصبه اولوب، 4835 اهالیسی و چوق باغریله سبزه باغچه-لری وارد. استنبولدن هر کون واپور کیدوب کلیر. اوستنده و یاریم ساعت شمالنده جیادت هواسیله مشهور %یاقه-جق\$ قریه-سی بولنوب، بر خیلی کوشکلری حاویدر. اسمی ترکچه کیی کورینیورسه-ده، %قارثالمی\$ اسم رومیسندن اختصاراً مأخوذدر. *- قرتال قضاسی قوجه ایلی شبه جزیره-سنگ غرب جنوبی قسمندن عبارت اولوب، شرقاً ککبوزه، شمالاً شیله قضالریله غرباً قاضی کویی دائره بلدییه-سیله، جنوباً دخی مرمه دکیزیله محدوددر. قضا 24 قریه-دن مرکبدر. پایتختک صیفیه-لرندن معدود اولان ارن کویی و بوستانجی و مالتپه دخی بو قضایه ملحقدر

2-3610-5

قرچوه

1#

مناستر ولایت و سناغانده و مناسترک 70 کیلومتره قدر شمال غریبسنده و %وارداره\$ تابع %ترسقه\$ نهری مجراسنک یوقاریسنده طاغلرله محاط بر اووه-نک کنارنده قضا مرکزی بر قصبه اولوب، 3899 اهالیسی، بری ابو الفتح سلطان محمد خان ثانینک بنا کرده-سی اولمق اوزره، 5 جامع شریفی، 5 تکیه-سی، 1 مدرسه-سی، رشدییه مکتبی و بر نمونه مکتب ابتدائییسی، بر بلغار کلیساسی، 4 بلغار مکتب-ابتدائییسی، 170 دکانی، 7 خانی، 1 حمامی، 18 فرونی و بر مملکت ساعتی واردر.

-* - قرچوه قضاسی مناستر سناغانک منتهای شمال غریبسنده واقع اولوب، جنوباً مناستر قضاسیله، غرباً اوزری قضاسی و دیره سناغانیله، شمالاً و شمال شرقی طرفندن قوصوه ولایتیله، شرق جنوبی جهتندن دخی پرلییه قضاسیله محدوددر. 113 قریه-دن مرکب اولوب، 34222 اهالیسی واردر، که بونلرک نصفندن زیاده-جه مقداری بلغار، یالکز 64 ی اولاخ و قصوری یعنی 13586 سی اسلام و آرنووددر. واردات سنویه-سی 23000 لیرایه قریب و مصارفات محلییه-سی 2000 لیرا قدردر. یالکز مرکزی اطرافنده و اورادن کچن نهر وادیسنده بر آز اووه-لر بولنوب، سائر جهتتری مرتفع طاغلرندن عبارتدر. مذکور اووه-لرده و قابل زراعت وادی و بابرلرنده

بغداد، آریه، مصر، چاودار، کنویر، فاصولیه و سائر حبوباتله الما، آرمود، جوز، کراز، اوزوم و سائر میوه و سبزه-لرک انواعی حاصل اولور. قارپوزی-ده چوق و پک لذیذدر. طاغلرنده خیلی اورمانلری اولوب، کراسته و اودونه یارار آغاجلری واردر. درون قصاده 24 جامع شریف، 64 کلیسا و 258 دکرمن موجوددر. اهالی پاموقدن بز، فانله چوراب، شیاق، فانله و سائرہ اعمال ایدرلر. مرعاری چوق اولمغله، اهالی خیلی قویون و سائر حیوانات اهلیه بسلیوب چیقاردقلری ساده یاغ پک نفیس و مقبولدر. مرکز قضا مرکز ولایتہ بر شوسه ایله مربوطدر

3-3610-5

قردو

1#

فرانسه ایله اسویچره آره-سندہ-کی %ژوره\$ سلسله جبالنه مربوط بر طاغ اولوب، 1624 متره ارتفاعی و اسویچره کوللریله سائر اطرافه کوزل منظره-سی واردر. لیوندن غرنوبله-یه کیدن دمیر یول خطی بو طاغک التنده 3900 متره اوزون بر توندن کچر.

4-3610-5

قرست

1#

فرانسه-نک %درومه\$ ایالتنده و %دیہ\$ نک 39 کیلومتره غربنده اوله-رق درومه نهری اوزرنده ناحیه مرکزی بر قصبه اولوب، 5400 اهالیسی و دباغخانه-لریله یوک و پاموق و اییک منسوجاتی واردر.

5-3610-5

قرستماس

1#

بحر محیط کبیرده 1° 45' عرض شمالی ایله 160° 5' طول شرقیده واقع بر جزیره اولوب، محیط دائره-سی 90 کیلومتره-در. 1777ده مشهور قبودان قوق طرفندن مولد عیسی (علیه السلام) کونی کشف اولمغله، بو معنایی افاده ایدن بو اسمله تسمیه اولنمشدر.

6-3610-5

قرستوف

سنت -* -# 1 خرسٲانلرك عززلرن دن اولوب، سوريه ويا فلسطينده نشأتات ايتمش؛ و دچيوس زماننده ميلادك 250 تاريخلرنده اناطوليدده قتل اولنمشدر. ترجمهٔ حالي مجهول اولمغله، حقنده بر چوق خرافات شيوع بولمشدر. تموزك 25نده يورطيسنى اجرا ايدرلر.

1-3611-5

قرستوف

1#

قسطنطينيه روم ايمپراطورلر دن اولوب، برنجى رومانك او غليدر. 919 تاريخنده پدى طرفندن برادرلرى استفان و سكرنجى قسطنطين ايله برابر حكومه تشريك اولنمش؛ و 931ده وفات ايتمشدر.

2-3611-5

قرستوف

1#

دانيمارقه قرالرن دن بر وجه آتى اوچ كشينك اسميدر: برنجيسى ايكنجى والدمارك او غليدر. 1252ده برادرى (ابل)ه خلف اولوب، پدى سنه دولتنك پسيپوسلريله او غراشدقن صكره، 1259ده وفات ايتمشدر. -* - ايكنجيسى پدنجى اريك اوغلى اولوب، 1320ده برادرى سكرنجى اريكه خلف اولمش؛ و خيانت و مظالميله تبعه-سنى دلكير ايدوب، 1326ده اسقاط اولنمش؛ و مؤخرأ مملكتنك بر قسمنى ضبط ايتمش ايسه-ده، نفرت عموميه-يه مظهر اولوب، كليسادن دخى طرد و اخراج اولنه-رق، 1334ده وفات ايتمشدر. اوغلى دردنجى والدمار 1340ده تخته قعود ايتمشدر. -* - اوچنجيسى باويره قرالى ژانك اوغلى و طقوزنجى اريك يكنى اولوب، 1440ده دانيمارقه، 1441ده اسوج و 1442ده نوروج قراللغنه انتخاب اولنه-رق، بو اوچ مملكتى توحيدله، بعض نظامات وضع ايتمش؛ و 1448ده وفات ايتمشدر

3-3611-5

قرستوف قولومب

[((قولومب)) ماده-سنه مراجعت بيوريله.]

4-3611-5

دانیمارقه قرالرندن بو اسمله سکز کشی کلمشدر:

برنجیسی 1448 تاریخنده پدري باويره-لی قرستوفه خلف اوله-رق دانیمارقه قرالی اولدقن صکره، 1449ده نوروچ و 1450ده اسوج قرالغنه دخی انتخاب اولنمش ایسه-ده، اسوجده فعلاً حکمی اولمیوب، 1463ده (شارل قانوتسون) طرفندن اسوج قرالغندن بسبتون اسقاط اولنه-رق، دانیمارقه-یه چکلمش؛ و والده-سندن ارتناً شلسویغ ایله هولستانیه دخی مالک اولمش ایدی.

-* - ایکنجیسی ((ظالم)) لقبیله ملقب اولوب، 1513ده پدري (ژان)ه دانیمارقه قرالغنه خلف اولدقن صکره، 1520ده اسوج قرالغنه دخی انتخاب اولنمش ایسه-ده، ظلم و سفاقتیله اسوجلیلرک نفرتی قزانوب، 1523ده (کوستاواسه)نک تشویقیله اسقاط اولنمش، و او سنه دانیمارقه قرالغنی دخی غائب ایتمش؛ 1532ده استرداد حکومته چالیشمش ایسه-ده، مقتدر اوله-میوب، 1559ده محبسه وفات ایتمشدر.

-* - اوچنجیسی برنجی فردریقک اوغلی و خلفی اولوب، 1539دن 1559 تاریخنه-دک حکم سورمش؛ و مملکتنه پروتستانلغی ادخال ایله، قتللیک پستپوسلرینی حبس ایتمش؛ و علوم و فنون و صنایعک ترقیسنه چوق خدمت ایلمشدر.

-* - درنجیسی 1588ده پدري ایکنجی فردریقه خلف اولوب، اسوجلیلره قارشى بر وقت محاربه ایتمش؛ و پروتستان پرنسلیرى اتفاقنک رئیسى طانیمنش ایدی. هر نه قدر ایندیکی محاربه-لرک چوغنده مغلوب اولمش ایسه-ده، ماهر بر قوماندان شهرتنی قزانمش؛ و تجارت و صنایع و معموریتک ترقیسنه خدمت ایدوب، قرستیانیا، قرستیانستاد و قرستیانسانه کبی بر چوق یکی شهر و قصبه-لر دخی تأسیس ایتمش؛ و 4816ده وفات ایلمشدر.

-* - بشنجیسی درنجینک تورونی اولوب، 1670ده پدري اوچنجی فردریقه خلف اولمش؛ و 1673ده اون درنجی لوی-یه قارشى فلمنکلیرله عقد اتقاق ایتمش، و اسوجلیلره قارشى حرب ایدوب، پومرانیه-یی آلمش ایسه-ده، 1679ده مصالحه-سند کرى ویرمکه مجبور اولمشدی. دانیمارقه دولتنده ایوم مستعمل بر طاقم نظامات وضع ایتمش؛ و 1699ده وفات ایتمشدر.

-* - آلتنجیسی 1730ده پدري درنجی فردریقه خلف اولوب، صلح و اسایشی محافظه، و حریق زده اولان قوپنهاغ شهرینی یکیدن اعمار ایتمش؛ و 1746ده متوفی اولمشدر.

-* - یدنجیسی 1766 تاریخنده پدري بشنجی فردریقه خلف اولوب، انکلتزه قرالی اوچنجی جورجک همشیره-سی (قارولینه ماتیلده)یی تزوج ایتمش؛ و طبییی (استروئیس)ی باش وکیل ایدوب، بسبتون امور حکومتی بونک الینه براقمش؛ بعده بونی عزل و قتل ایدوب، امور حکومتی والده-سی برونسویقلی (ژولیه ماریه)نک الینه تسلیم ایتمشدی. 1807ده انکلیرلر قوپنهاغی طوپه طوتمغله، کندیسى قاچوب، هولستاینک % رندسبورغ قصبه-سنه اختفا، و بر سنه صکره اوراده وفات ایتمشدر. ذاتاً اوخر عمرنده عته کتیرمشیدی.

-* - سکزنجیسی ولی عهد فردریقک اوغلی اولوب، 1814 تاریخنده نوروچ والیسی اولدیغی حالده، بو مملکتی دانیمارقه-دن فک ایله اسوجه ربط ایتمک ایستین دول متفقیه-یه قارشى مقاومت ایتمش ایسه-ده، برناردوتک قوه زائده-سنه قارشى موفق اوله-میوب، چکلمکه مجبور اولمش؛ و 1893ده، عم زاده-سی آلتنجی فردریقک وفاتی اوزرینه، دانیمارقه تختنه کچوب، بر چوق اصلاحات و تنظیمات اجرا ایله، علوم و صنایعک ترقیسنه خدمت ایتمشدر. بونک اوخر حکومتنده دانیمارقه-نک اشلسویغ ایله هولستاینده-کی حقوقی مسئله-سی درمیان اولنه-رق، اوزون بر محاربه انتاج ایتمشدر. 1848ده وفات ایلمشدر.

1-3612-5

قرستیانسند:

1#

نوروجك %سوند نفيلد\$ ايبالتنده 8' 58° عرض شمالی ايله 34' 5° طول شرقیده بر قصبه و اسكله اولوب،
12540 اھالیسی، بیوک و مصنع بر کلیساسی، سفائن اعمالنه مخصوص دستکاهلری، یلکن بزى فابریقه-لری،
دباغخانه-لری و کراسته تجارتی واردر.

2-3612-5

قرستیانسند

1#

اسوجك اسقانیه خطه-سندھ %هلاغا\$ نهری اوزرنده و بو نهرک بالطیق دکیزنده-کی منصبی قربنده همنامی اولان
ایالتک مرکزی بر قصبه و اسكله اولوب، 10670 اھالیسی، استحکاماتی، بر قاچ فابریقه-سی و پک ایشک تجارتی
واردر.

3-3612-5

قرستیانسند

1#

آمریقادہ-کی آنتیل جزایرندن دانیمارقه-نک ضبطنده بولنان %سنت قروآ\$ جزیره-سنگ ساحل شمالیسندھ او
جهنده-کی دانیمارقه مستملکاتنک مرکزی بر قصبه و اسكله اولوب، 5000 اھالیسی و صاغلام لیمانی واردر.

4-3612-5

قرستیانیا

1#

نوروجك پایختی اولوب، مملکت مذکورہ-نک منتهای جنوب شرقیسندھ استوقهولمک 500 کیلومتره غربنده و پک
اوزون بر خلیجک منتهاسندھ اوله-رق "44' 54' 59° عرض شمالی ايله 15' 13' 8° طول شرقیده واقعدر. بیوک
و کوزل بر شهر اولوب، 148320 اھالیسی، دوز و کنیش سوقاقلری، ایکی سرایی، دار الفونوی، کتبخانه-سی،
شمال آنتیقه-لرینه مخصوص موزه-سی، نباتات باغچه-سی، مکتب عسکریسی، بانقه-سی و سائر مؤسسائی،

جاده-لرده و تفرجگاهلرده پك چوق اشجاری واردر. شهرك مركزی و ساحله قریب اولان باشلیجه یرلری کارکیر و کوزل اولوب، گوشه و کنارلرنده-کی محله-لری الیوم اشخاب و سوقاقلری طار و قالدیرمسزدر. فابریقه-لری پك آز و تجارتي-ده ایکنجی درجه-ده-در.

5-3612-5

قرستینه

سننه -* -# 1 خرسیتانلرک عزیزه-لرندن اولوب، طوسقانه-ده بر شهرک متصرفنک قیزی اولدیغی حالده، خرسیتانلغی قبول ایتمش اولدیغیچون، دیوقلیتان زماننده قتل اولنمشدر. تموزک 24نده بورطیسنی اجرا ایدرلر.

6-3612-5

قرستینه

1#

فرانسه قرالی دردنجی هنری ایله مدیچیسیلری ماریه-نک قیزی اولوب، 1606ده طوغمش، و 1663ده وفات ایتمشدر. 1619ده ساووا دوقه-سی ویقتور آمده-یه واروب، 1637ده طول قالمش؛ و اوغلی ایکنجی شارل امانوئلک صباوتی زماننده نایبه حکومت اولوب، کمال متانت و تدبیرله اداره امور ایتمش؛ و ادعای حق نیابت ایدن قاینی پرنس توماسی بو دعوادن ال چکمکه مجبور ایلمشدی.

7-3612-5

قرستینه

1#

اسوج قرالیچه-سی اولوب، 1626ده طوغمش؛ و 1632ده (لوچن) محاربه-سنده قتل اولنان پدیری کوستاو اولفک یرینه قرالیچه اولوب، 1644ده وصایتدن قورتلمش؛ و بش سنه مدیر و عاقل بر باش وکیلک معاونتیه پک عاقلانه حکومت سورمش ایسه-ده، بعده بونی عزل ایله ایشلری بر طاقم اخلاقسز آدملرک الینه بر اقدیغندن، سوء اداره آثاری هر طرفدن رونما اولمغله، 1654ده فراغت ایتمکه مجبور اولوب، حکومتی عم زاده-سی شارل کوستاوه ترک ایتمش؛ و قتولیک مذهبنی دخی قبول ایله، سیر و سیاحتیه چیقمش؛ و بر مدت فرانسه-ده امرار ایام ایدوب، اوراده دوستی بولنان سایسی (مونالدشی)نک قتلی تهمتیه لکه-دار اولمش؛ و بعده رومایه کیدوب، 1689ده اوراده وفات ایتمشدر. اکثر علوم و فنونه واقفه اولوب، حکومتی زماننده سرابنی مجمع علما و هنروران ایتمش، و بو میانده دقارتی دخی جلب ایلمش ایدی.

1-3613-5

قرسپی

1#

بو اسمله اون یینجی و اون سکزنجی قرن ملادیده جمله-سی بر عائله-یه منسوب اولمق اوزره، میلانده و بولونیه-ده بر قاچ مشهور رسام ظهور ایتمشدر.

2-3613-5

قرسوس

1#

لیدییه خطه قدیمه-سنگ صوک حکمداری اولوب، کثرت مال و ثروتیله مشهوردر. پامفیلیا و میسیا و فریجیایی دخی ضبط ایدوب، %آلیس ایرماغنه یعنی قیزیل ایرماغه قدر توسیع حدود ایتمشدی. پایتختی اولان %ساردس شهر قدیمی مجمع حکما و هنروران اولمشیدی. بو میانده آتته واضع قانونی (سولون) ساردسه دخولنده قرسوس کندیسنه خزینه-لرینی و اموالنی کوستره-رک، ((بندن بختیار دنیاچه کیمسه کوردک می)) دیه صوردیغنده، سولون ((بن کیمسه-نک صوکنی کورمه-دن بختیارلغنه حکم ایده-مم)) دیمش. چوق کچمه-دن ایرانده جهانگیر شهیر کیخسرو ظهور ایتمکله، قرسوس بوکا قارشی آتوریلرک امدادینه کیده-رک، %تیمبریه-سارده مغلوب اولوب، متعاقباً ساردس شهرنده محاصره اولنمش؛ و نهایت شهر ضبط اولنمغله، کندیسسی دخی قبل المیلاد 548 تاریخنده اسیر دوشمشیدی. کیخسرو قرسوسک احراقنی امر ایتمکله، اودونلر حاضرلنوب، کندیسسی اوستته اوتوردیله-رق، اودونه آتش ویرلدکده، قرسوس بلا اختیار ((سولون! سولون! سولون!)) دیه باغردیغندن، کیخسرو مراق ایدوب، نه سویلدیکنی صورمش؛ و سولونک کندیسسه سویلمش اولدیغی سوزی خبر آنجه، اعدامندن واز کچوب، عمرینی باغشلامشدی.

3-3613-5

قرشوه

1#

مناستر ولایت و سنجاق و قضااسنده و مناسترک تقریباً 40 کیلومتره شمالنده اوله-رق مناستر اووه-سنگ منتهای شمال غربیسنده-کی طاغک اوزرنده ناحیه مرکزی بر قصبه اولوب، 9724 اهالیسی، کلیسایی، 7 مکتبی، 235 دکانی، 7 خان، 35 فرونی، بر ساعت قله-سی و یازین پک لطیف آب و هواسی واردر. قصبه یکی اولوب، سکسان سنه اول کوچک بر قریه حالنده ایدی. اکثر اهالیسی اولاخدر. *- قرشوه ناحیه-سی مرکزی اولان قصبه ایله 9 قریه-دن مرکب اولوب، 11283 اهالیسی واردر، که بونلردن 5305 ی اولاخ، 5838 ی بلغار و یالکز 140 ی اسلامدر. اراضیسی طاغلق و مرتفع اولوب، محصولاتی احتیاجات محلیه-یه کفایت ایتمز، و اکثر اهالیسی مصر و رومانیا و سائر طرفلرده تجارتله اشتغال ایدرلر. قادیلر اینجه و یومشاق یوک چوراب اورر، و

ولنجہ و فائلہ کبی بعض شیلر نسج ایدرلر. داخل ناحیہ-ده 1 جامع، 6 کلیسا، 10 مکتب و 19 دکرمن موجوددر.
اورمانلریله مرعالی و قیونلری چوقجه-در.

4-3613-5

قرطاجنه

افریقہ-ده کی مشهور قارتاج شهر قدیمک و اسپانیہ-ده کی قارتاجنه-نک عربلر عندندہ مستعمل اسم مشترکیدر.
[[قارتاج]] و [[قارتاجنه]] ماده-لرینه مراجعت بیوریلہ.]

5-3613-5

قُرطُبَه

اسپانیہ-نک آندالوسیا خطہ-سندہ واقع %قوردوبه\$ شهرینه عربلر طرفندن ویریلن اسمدر. [[قوردوبه]] ماده-سنه
مراجعت بیوریلہ.]

1-3614-5

قَرطَمَه

اندلسده ریه اعمالندن بر قصبه اولدیغنی یاقوت حموی بیان ایدیور.

2-3614-5

قرقشونه

فرانسه-نک %قارقاسونه\$ شهرینه عربلرک ویردکلری اسمدر. موسی بن نصیرک قیادتیلہ اندلسنی فتح ایدن غزاة
مسلمینک اورایه قدر ایلر یلمش اولدقلری معلومدر.

3-3614-5

قرق کلیسا

ادرنه ولایتندہ و ادرنه-نک 53 کیلومتره شرقندہ اوله-رق استرانجه سلسله جبالنه مربوط بر طاقم تپه-لرک غربی
اتکلرنده واقع لوا مرکزی بر قصبه اولوب، 16000 اهالیسی، بری سلطان بایزید خانک و بری خضر بکک بنا

کرده-سی اولمق اوزره 8 جامع شریفی، 2 تکیه-سی، مکتب اعدادیسی، 5 اسلام و متعدد روم و بلغار و یهودی مکاتب ابتدائیه-سی، شیاق و فانیله و چول کبی یوک منسوجات دستکاهلری و شراب و قونیاق عمل خانه-لری وارد.

-* - قرق کلیسا قضاسی لوانک منتهای شمال غریبسنده اولوب، شمالاً و غرباً لوانک حدودیله، جنوباً بابای عتیق و لوله برغوس، شرقاً دخی ویزه و طرنوی قضالریله محاط و محدوددر. اسکوب، قواقلی، اسکی پولوس، قویوه، بیکار حصار، قوچغاز اسملریله 6 ناحیه ایله 57 قریه-دن مرکبدر. اراضیسی عارضه-لی اولوب، استرانجه سلسله جبالی اتکلریله بو طاغردن و قوجه بالقاندن اینوب، تکه دره-سنه و ارکنه نهرینه دوکیلن چاپلرک دره-لرندن عبارتدر. اراضیسی مثبت و محصولدار اولوب، ذخایر متنوعه ایله اوزومی چوقدر.

4-3614-5

قرق کلیسا

سنجاغی. ادرنه ولایتی ترکیب ایدن آلتی سنجاغک بری و اک شرق شمالیسی اولوب، مرکزینک اسمیله مسامدر. شرقاً چتالجه سنجاغیله و قره دکیزله، شمالاً شرقی روم ایلی حدودیله، غرباً ادرنه، جنوباً دخی تکفور طاغی سنجاقلریله محاط و محدوددر. 7 قضا و 22 ناحیه-یه منقسم و 241 قریه-یی حاوی اولوب، 138678 اهالیسی وارد. اهالی همان متساویاً اسلام و روم و بلغاردن مرکب اولوب، بر مقدار یهودی و چکنانه و سائره دخی وارد. قوجه بالقانک نسبةً آلچق اولان قسم شرقیسی و امینه طاغی حدود شمالیه-سنی تشکیل ایندیکی کبی، استرانجه سلسله جبالی-ده لوا داخلنده شمال غریبسنده جنوب شرقی-یه طوغری ممتد اولوب، سنجاغک اراضیسی ایکی مانله-یه تقسیم ایدیور. بری قره دکیز مانله-سیدر، که مذکور طاغلرک ساحل بحره قدر ممتد اولان اتکلریله قوللرینی و طوغریدن طوغری-یه بحر مذکوره دوکیلن انهارک و ادیلرینی حاوی اولوب، طونوی، اخته پولی، ویزه و مدیه قضالردن مرکبدر. ایکنجیسی آطه-لر دکیزی مانله-سیدر، که استرانجه و بالقانک غربی و جنوبی اتکلرینی حاوی اولوب، ارکنه و بوکا تابع تپه دره-سی مجرالرینه-دک جنوب غربی-یه طوغری مائل اراضیدن عبارتدر، و بتون میاه جاریه-سی نهر مذکور واسطه-سیله %مریج\$ ایرماغنه دوکیلور. بو مانله نفس قرق کلیسا ایله لوله برغوس و بابای عتیق قضالردن مرکبدر.

بو وجهله لوانک اراضیسی مختلف اولوب، یوکسک طاغلی و زراعت الویریشلی بایر و دره-لریله اووه-لری دخی وارد. میاه جاریه-سی پک چوق ایسه-ده، اکثری کوچک و یالکز قیشین آفار دره-لردن عبارتدر. اک بیوکلری حدود جنوبیه-سنی تشکیل ایدن %ارکنه\$ نهریله قسم غریبسنده شمالدن جنوبه اینوب ارکنه-یه دوکیلن تپه دره-سیدر. استرانجه طاغلرینک اکثر طرفلری اورمانلرله مستور ایسه-ده، کراسته-یه الویریشلی بیوک آغاجلری اولمیوب، باشلیجه اودون و کموره یاران کوچک آغاجلری حاویدر. مرعاری چوق اولوب، اهالیسی خیلی حیوانات بسلرلر. اراضیسی باغه پک الویریشلی اولوب، کلینتی اوزوم حاصل اولور، و شراب اعمال و اخراج اولنور. محصولاتی بغدای، آریه، چاودار، یولاف، مصر، داری، مرجمک، فصولیله، بقله، سپورکه تخمی، کتن، کنویر، توتون، و سائره ایله میوه و سبزه-لرک انواعدن عبارتدر. طوت آغاجلری-ده چوق اولوب، خیلی مقدار ایپک قوزه-سی چیقاریلیر. حیواناتنک کثرتی جهتیله خیلی مقدار پیاغی، ساده یاغ و مختلف پینیرلر دخی اخراج اولنور. لوانک مختلف محللرنده باقر، قورشون، کومش، دمیر و سائر معدنلر بولندیغی مظنون ایسه-ده، الیوم هیچ بری چیقارلاماقده-در. آلچی و لوله-جی چاموری و سائره اوجاقلری دخی وارد. داخل لواده 576313 قیون،

175947 كچى، 81731 صيغير، 17460 طوموز، 8710 بيكير، 2030 استر و 300 مركب موجوددر. لوا دروننده 83 جامع و مسجد، 23 مدرسه و تكيه و زاويه، 128 كليسا و مناستر، 3 حاوره، 116 اسلام و 85 ملل سائره مكتبى، 4 خسته خانه، 6 تخته بيچقيسى، 3197 دكان و مغازه، 167 خان، 313 دكرمن، 9 فابريقه، 107 فرون، 8 حمام و 105 چشمه و سبيل بولنيور. لوانك واردات سنويه-سى 130000 ليرايى متجاوزدر.

1-3615-5

قَرْقَنَه

1#

تونسك ساحل شرقيسنده سفاقسك قارشيسنده ايكي جزيره اولوب، $34^{\circ} 35'$ ايله $34^{\circ} 50'$ عرض شمالى آره-سندده ممتد اولورلر. بونلرله ساحل آره-سندده-كى بوغاز پك صيغدر. ايكي جزيره-نك غرب جهتنده بولنانى، كه %الغربى\$ اسميله معروفدر، سفاقسك 25 و اك بيوكى اولان %الشرقى\$ 40 كيلومتره شرقنده واقعدر. بيوكنك بويى 25 كيلومتره و اكى 7 ايله 8 كيلومتره آره-سندده-در. اورته-سندده %سبحة الملح\$ و %سبحة الرمله\$ اسملريله صيغ و صويى طوزلى بركول واردر. جزيره-نك اوستنده 9 كوى بولنور. روماليلردن قالمه بر چوق خرابه-لر و صهرنجلر و ايكي جزيره-يى بربرينه ربط ايدن كاركير بر كوپرينك آياقلىرى موجوددر. كوچكنك بويى 16 و اك كنيش يرنده اكى 6 كيلومتره اولوب، بونك-ده اورته-سندده بر طوزلى كولى و %مليتة\$ اسميله يالكز بر قريه-سى واردر. بو ايكي جزيره-نك خرما آغاجلىرى چوق ايسه-ده، ميوه-لرى كوچك و عاديدر. زيتون آغاجلىرى و باغلى-ده واردر. چوق قوملق اولميان يرلرى مزروع اولوب، آرپه، بغداى، مرجمك و سائره حاصل اولور. ميايه جاريه-لرى اولميوب، قيو صوييله اداره اولنورلر. حلفا اوتى دخى چوق حاصل اولوب، اهاليسى بوندىن حصير و سپت كى شيلر ياپارلر. ايكي آطه-نك اهاليسى 3000 ايله 10000 آره-لرنده تخمين اولنوب، جمله-سى عرب و مسلمدرلر. زراعت و رعى اغنامله و كميجيك، باليقچىلق، كمى اعمالى، سونكر اخراجى كى ايشلرله كچينيرلر.

2-3615-5

قَرْقُوب

واسط ايله بصره و اهواز آره-سندده اسكى بر قصبه اولوب، كسكر اعمالندن معدود ايدى.

3-3615-5

قَرْقُونَس

قبريس جزيره-سندده بر قصبه اولديغى جغرافيون عرب آثارنده محرردر.

4-3615-5

قَر قيسيا

جزيره-ده ديرك 35 كيلومتره جنوب شرقيسنده فرائك ساحل يسارنده و خابورك ملتقاسنده اسكى بر قصبه اولوب،
اليوم خرابدر، و خرابه-لرى اوزرنده %ابوسراى اسميله بر قريه بولنيور. قديم بر قصبه اولوب، قبل
الاسلام %كيركسيون اسميله معروف ايدى. جزيره-نك فاتحي عياض بن غنم 19نجى سال هجریده حبيب بن
مسلمة الفهرى-يى قير قيسيايه اعزام ايدى-رك، شهرى صلحاً ضبط ايتمشدى. اوائل دور اسلامده معمور اولوب،
بعده خراب اولمشدر.

5-3615-5

قَر قيه

اندلسده ليله نواحيسندن بر قصبه اولديغى ((معجم البلدان))ده مسطوردر.

6-3615-5

قَر لُون

صقلية %يعنى سيچليه\$ جزيره-سى ساحلنده بر قصبه اولديغنى ياقوت حموى بيان ايديور.

7-3615-5

قَر مان

[[قَره-مان]] ماده-سنه مراجعت بيوريله.]

8-3615-5

قَر مس

1#

اوستريا و مجارستان دولتلك اشاغى اوستريا خطه-سنده و ويانه-نك 75 كيلومتره غرب شماليسنده اوله-رق
طونه-نك ساحل يسارنده و همنامى اولان چايك بو نهره دوكلديكى محله واقع بر قصبه اولوب، 11040 اهاليسى
و اييك قماشلرله قطيفه و دوكمه فابريقه-لرى واردر.

1-3616-5

قرمسیر

1#

آوستریا و مجارستانك %موراویه\$ خطه-سنگ %هرادیش\$ سناغنده و 24 کیلومتره شمال غربیسنده اوله-رق طونه-یه تابع %مارشه\$ نهري اوزرنده قضا مرکزی بر قصبه اولوب، 11815 اهالیسی و پسقوسك صیفیه-سنده عموه آچیق کتبخانه-سی واردر.

2-3616-5

قرمطی، ابو علی حسن بن احمد

قرامطه اسمیله دردنجی قرن هجریده ظهورله بر خیلی وقت اورته-لغی قاریشدیران طائفه-نك رئیس اولوب، احساء جهتنده دنیایه کلمش؛ و اورادن حوزستانه کیدوب، بعده کوفه جوارلرینه کله-رك، فوق العاده بر زهد و تقوی اظهاریله، هرکسی یاننه جلب ایتدن صکره، اکثر مناهئ شرعیه-یی اباحه ایده-رك، بر مذهب جدید تلقیننه، و خلقی بنی عباسدن تبریدله، آل رسول الله (صلی الله علیه و سلم)دن برینه بیعتنه دعوت ایتمکه باشلامشدی. کیده-رك تکثیر توابعله، عراق عربده عصیان ایده-رك، بصره و کوفه-یی ضبط ایتمش؛ و بعده مصر عسکرینه غلبه چالوب، دمشقی آلمش؛ و حازه کیدوب، حجاج مسلمینی منع و قتل ایتدکن صکره، حجر اسودی دخی کعبه شریفه-دن چیقاروب، برابرنده بصره-یه نقل ایتمش ایدی. بونك خلفاری دخی (قرامطه) اسمیله بر خیلی وقت بصره و بحرین ایله عراق جهتلرنده حکم سوروب، خلفای عباسیه-یی اوغراشدیردقن صکره، 372 تاریخنده محو و مضمحل اولمشلردر.

3-3616-5

قرمنج

1#

روسیه-نك %وولهنیه\$ ایالتنده و %ژیتومیر\$ك 205 کیلومتره غربنده بر قصبه اولوب، 5900 اهالیسی و قلعه-سی واردر.

4-3616-5

قرمنچوغ

1#

روسیه-نک پولاتاوه ایالتنده و 120 کیلومتره جنوب غربیسنده اوله-رق %دنیپر\$ نهرینک ساحل یسارنده قضا مرکزی بر قصبه اولوب، 46600 اهالیسی، نهر مذکورده لیمانی و پک ایشلک تجارتی واردر.

5-3616-5

قرمنیچ

1#

مجارستانک %بارس\$ ایالتنده و %شمنیچ\$ک 36 کیلومتره شمالنده بر قصبه اولوب، 10000 اهالیسی، اسکی بر قلعه-سی، ضربخانه-سی و معادن اداره-سی واردر.

6-3616-5

قرمونه

1#

اسپانیه-نک سویله %یعنی اشبیلیه\$ ایالتنده و سویله-نک 38 کیلومتره شرق شمالیسنده اوله-رق نظارتی کوزل بر تپه-نک اوزرنده قضا مرکزی بر قصبه اولوب، 15000 اهالیسی، مشهور باغلی و تپه-سنده عربلردن قالمه خراب بر قلعه-سی واردر. حکومت اسلامییه زماننده دهها بیوک و معمور اولوب، مشاهیر علمادن بر چوق نواتک مسقط رأسی و اندلس طوائف ملوکی زماننده خیلی وقت بر حکومت مستقله اسلامییه-نک مرکزی بولنمشدر. بعض کتب عربیه-ده (قرمونییه) صورتنده مضبوطدر.

7-3616-5

قرمونه

1#

ایتالیانک لومباردییه خطه-سنده میلانک 65 کیلومتره جنوب شرقیسنده اوله-رق %پو\$ ایرماغی اوزرنده ایالت مرکزی بر شهر اولوب، 30920 اهالیسی، سوری، کوزل میدانلری، کنیش سوقاقلری، بیوک سرایلری، کوزل ابنیه-سی، 121 متره ارتفاعنده بر قلعه-سی، متعدد و مصنع کلیسالری، داخلی و خارجی مکتب اعدادیسی، ارکک و قیزلره مخصوص آیری آیری یتیمخانه-لری، خسته خانه-لری، قشله-لری و چوخه ایله سائر منسوجات و شکرله فابریقه-لری واردر. کمانلری دخی مشهوردر.

8-3616-5

قرمه

1#

ایتالیاده لومبارديه خطه-سنگ قرمونه ایتالنده و قرمونه-نك 43 كيلومتره شمال غربيسنده %آدا\$يه تابع %سريو\$ نهري اوزرنده قضا مركزى بر قصبه اولوب، 8755 اهالييسى و ابيك منسوجاتله داننله، شاپقه و سائره فابريقه-لرى واردر.

9-3616-5

قرميسين

ايرانده-كى كرمانشاه شهريتك اسم معربيدر. [(كرمانشاه)) ماده-سنه مراجعت بيوريله.]

10-3616-5

قرميسينى، ابو لحسن على بن هارون بن نصر

مشاهير نحويوندن اولوب، على بن سليمان الاحفشدن اخذ ايتمشدر. 290 تاريخنده طوغوب، 371ده وفات ايتمشدر.

1-3617-5

قرنق

صعيد مصرده %قنا\$ مديرينته و قنانك 55 كيلومتره جنوب شرقيسنده اوله-رق نيلك ساحل يمينندن 500 متره-لك مسافه-ده بر قريه اولوب، اطرافنده %تبيه\$ شهر قديمك خرابه-لرى و ايجلرنده بر چوق آثار عتيقه بولنمسيلاه مشهوردر.

2-3617-5

قرنیده

ماكدونيه-ده-كى قيليبه %يعنى قلبه-جك\$ شهر قديمك اك اسكى اسميدر.

3-3617-5

قرنين

سیستانده بر کوچك قصبه اولوب، ملوك صفاریه-نك منشئدر.

4-3617-5

قروآتیا

1#

[[خروااتستان]] ماده-سنه مراجعت بیوریله.]

5-3617-5

قرواش، امیر ابو المنیع معتمد الدوله -* - بن مقلد العقیلی

موصل حاکمی اولوب، مصرده-کی فاطمیوندن حاکمک نامنه خطبه اووقودقن صکره، عباسیلر طرفنه دونوب، قادرك نامنه اووقودیغندن، مصر صاحبی عسکر سوقیله، موصلی ضبط، و خانه-سنی غارت ایدوب، اکیوز بیك آتوننی اخذ ایتمش؛ و بونک اوزرینه صاحب ترجمه دبیس بن صدقه-دن استمداد ایدوب، اکیسی برلکده مصر عسکرینی مغلوب و رجعته مجبور ایتمشلردی. ایکی همشیره بردن تزوج ایتمش اولدیغندن، شریعته مغایر اولان بو حرکتندن نفرت عمومی-یی قزانمش؛ و نهایت برادر زاده-سی زعیم الدوله برکه خروج ایدوب، کندیسنی اخذ و حبس ایتمش؛ و چوق کچمه-دن دیگر برادر زاده-سی ابوالمعالی قریش بن بدران چیقوب، ملکی ضبط، و عمی صاحب ترجمه-یی محبسدن چیقاروب اعدام ایتمش؛ و بر روایتده 444 تاریخنده محبسده وفات ایتمشدر. مدت حکومتی 50 سنه-در. جسور و شاعر بر ذات اولوب، شو ایکی بیت جمله اشعارندندر:

@@@

الله در النائبات فانها

صدأ اللئام و صیقل الاحرار

ما كنت الاز برة فطبتنی

سیفاً فاطلق صرفهن غراری

\$

6-3617-5

قروتوشین

1#

پروسیه-نك %پوزن \$ ایالت و سناغنده و پوزنك 86 کیلومتره جنوب شرقیسنده قضا مرکزی بر قصبه اولوب، 8290 اهالیسی، چوخه و بز فابریقه-لری و توتون ایله پیاغی و کورک تجارتي وارددر.

7-3617-5

قروچناخ

1#

پروسپه-نك رين ايالتنده %مانيسه\$نك 30 كيلومتره جنوب غربيينده و %ناخه\$ نهري اوزرنده بر قصبه اولوب، 13800 اھالييسى و توتون، صابون، شکر فابريقه-لريله دباغخانه-لري وارد. جوارنده واسع طوز معدنى و معدن صولرى بولنيور.

8-3617-5

قروزت

1#

بحر محيط هندينك قسم جنوبيينده 30' 46° عرض جنوبى ايله 60° طول شرفيده واقع درت كوچك آطه اولوب، اوستراليايه كيدوب كلن سفائن طريقي اوزرنده بولنمغله، اكثر يا او جوارلرده قضاذه اولان كميلردن قورتلانر بو آطه-لره التجا ايدرلر؛ و انكليز واپورلرى بو بيچاره-لري آلب قورتارمق ايچون، بو آطه-لره اوغرارلر.

9-3617-5

قروزت

1#

فرانسه-ده %ساؤنه مع لوآره\$ ايالتنك %اوتون\$ قضاينده و اوتونك 30 كيلومتره جنوب شرفيسنده ناحيه مركزى بر قصبه اولوب، 15105 اھالييسى، واسع كمور معدنى و جسيم دميرخانه-لريله دوكمخانه-لري وارد.

10-3617-5

قروزه

1#

فرانسه-نك وسطلرنده و لوآره حوضه-سنگ قسم جنوبيينده بر نهردر، كه %ميله-واش\$ ياييله-سندن نبعانله، شمال غربى-يه طوغرى جريان و همنامى اولان ايالتله %ايندره\$ ايالتنى شق ايده-رك، 335 كيلومتره-لك جرياندى صكره، صاغ كنارندن %ويانه\$ نهرينه دوكيلور.

11-3617-5

قروزه

ایالتی -* -# 1 فرانسه-نک ایالات وسطیه-سندن اولوب، ایچندن جریان ایدن نهرک اسمیله مسمادر. شرقاً آلیه وپوی دودروم، جنوباً قورزه، غرباً ویانه، شمالاً دخی ایندره و شر ایالتلریله محدود اولوب، مساحه سطحیه-سی 5605 مربع کیلومتره و اهالیسی 284942 کشیدر. اراضیسی عارضه-لی اولوب، علی الخصوص جنوب و شرق شمالی طرفلری پک طاغقدر. مع هذا 950 متره-یی متجاوز طاغلی یوقدر. قسم غربی و وسطیسنده وادیلریله اووه-لری ده کنیش و اراضیسی ده منبتدر. قروزه نهری ایالتی اورته-سندن شق ایئتدیکی کی، %شر\$ نهری دخی قسم شرقیسنده جریان ایدوب، حدود شرقیه-سنگ بر قسمی تحدید ایدبور. غرب جنوبی جهتده %قوریون\$ و بونک شمالنده %غارتمپه\$ نهرلری آقیور. شمال جهتده-ده قروزه-یه تابع کوچک قروزه نهری شرقدن غربه جریان ایدر. بونلرک توابعی-ده اولوب، میاه جاریه-سی چوقدر. اراضیسنک قوه انباتیه-سی پک آز اولوب، بغدادی محصولاتی جزئی و باشلیجه حاصلاتی: چاودار، مصر، پتاته و سبزه و میوه ایله سائر-دن عبارتدر. باغلی یوقدر. مرعاری چوق اولوب، قویون و کچی ایله طوموزلری کثرتلیدر. آرلری-ده چوق اولوب، خیلی بال چیقار. سولوکلی چوق بعض کوللری واردر. معمولات صنایه-سی دمیره متعلق شیلرله خالی، کاغد و مواد دباغیه-دن عبارتدر. اهالیسنک بر قسمی دولکرک و دیوارچیلق صنعتلریله دیار آخرده یاشارلر. ایالت 4 قضایه منقسم اولوب، 25 ناحیه و 263 دائره بلدییه-یی حاویدر.

1-3618-5

قروشواچ

1#

نام دیکرله %آلاجه حصار\$ صربییه-ده بلغرادک 150 کیلومتره جنوبنده و نیشک 54 کیلومتره غرب شمالیسنده و صرب مور اووه-سنگ ساحل یمینی یعنی جنوبیسی قرینده سنجاق مرکزی بر قصبه اولوب، 3160 اهالیسی، مصنع بر اسکی کلیسای و اسکی صرب قراللی سرائینک ویرانه-سی واردر. 1389 تاریخ میلادیسنه-دک صربییه قراللرینک مقری بولنمش؛ و صربیلرک عصیانی صره-سنده خراب اولمشدر. *- سنجاغنک مساحه سطحیه-سی 3677 مربع کیلومتره و اهالیسی 78068 کشیدر.

2-3618-5

قروقدیلوپولیس

1#

یعنی ((مدینه التمساح)). مصرده %مدینه الفیوم\$ه و %اتریب\$ قصبه-سنه بطالسه زماننده ویریلن اسم یونانیدر.

3-3618-5

قرولت

ياخود قرفلد 1# پروسيه-نك رين ايلتنده %دوسلدورف\$ قضا سنده و دوسلدورفك 21 كيلومتره غربنده اوله-رق كوزل و منبت بر اووه-ده و رينك ساحل يسارندن 6 كيلومتره-لك مسافه-ده قضا مركزى بر شهر اولوب، 105371 اھاليسى، كنیش و دوز سوقاقلرى، آغاجلر و ھيكلرله مزین ميدانلرى، بيوك بر مكتب اعداديسى، صنايع مكنتى و مكاتب سائره-سى، خسته خانه-سى، فقرا و ايتامه مخصوص مؤسسات خيريه-سى، اييك قماشلرله قطيفه و باصمه فابريقه-لرى، بوياخانه-لرى، اجزاء كيميويه، توتون، قيومجيلغه دائر شيلر فابريقه-لرى، دمير خانه و دوكمخانه-لرى، سبزه و فدان و چيچك يتيشديرر واسع باغچه-لرى و پك ايشلك تجارتي واردر.

4-3618-5

قروماؤ

1#

آوستريا و مجارستان دولتنده چهستانك %بودوايس\$ سنجاغنده و 22 كيلومتره جنوب غربيسنده اوله-رق %البه\$ ايرماغنه تابع %مولداوا\$ نهري اوزرنده قضا مركزى بر قصبه اولوب، 7660 اھاليسى، كتن ايبليكخانه-لرى و چوخه و كاغد فابريقه-لرى واردر.

5-3618-5

قرومول

1#

انكلتره مشاهير سياسيونندن اولوب، 1599 تاريخنده (ھونتيغتون) قونتلغنده دنيايه كلمشدر. كنج ايكن (پوريتان) مذهبنى قبول ايدوب، ابتدا اورادن افكار اعتراضيه و تجدد كارانه-يه سلوك ايمتشدى. بو فكر و مسلكندن طولايى تعقيب اولنه-رق، آمريقيه متهى عزيمت ايكن، قرالك امريله حركتدن منع ايدلمش؛ و 1640 تاريخنده قامبريچ دار الفونى طرفندن ((اوزون پارلمنتو)) دينلن مجلسه مبعوث انتخاب اولنمش؛ و اوراده پاپا و قرال طرفدارلرينه قارشى قوللانديغى شدت لسانله جالب انظار دقت اولمش ايدى. مجلس مذکور ايله قرال بيننده-كى مناسبات داخلى حربى انتاج ايتديكنده، قرومول كندى مصارفيله بر آلاى ترتيب ايدوب، ابراز جسارت و مهارت ايتمش ايسه-ده، بعض حركات اعتساف كارانه-ده دخى بولنمش ايدى. متعاقباً سواری ميرلوا و كيلي تعيين اولنه-رق، 1644ده (مارستون مور) و 1645ده (ناسى) مظفريتلرينى قزانمش؛ وجهله قراللق طرفدارلرينك مغلوبيتتى و بيچاره برنجى شارلك محوينى موجب اولمشدى. او وقت امور حكومتى كنديسى البته المغى تصارليوب، عسكى كندينه جلب، و پارلمنتويى ممانعت و مخالفت ايديه-بيله-جك آدملردن تطهير ايديه-رك، قالان طرفدارلرينك اعانه-سيله 1653 سنه-سى ((حامى)) عنوانيله رئيس حكومت نصب اولنه-رق، بر طور مستبدانه-ده حكم سورمكه

باشلامش؛ و اقتداردن تهی اولدیغندن، نظامات و قوانینی بحق اجرا ایله، محاکمه ارباب معلومات و استقامتدن آدمیر تعیین ایتمش؛ و تجارتي ایلیتمش؛ و اسقوجیه ایله ایرلانده-یی بسیتون انکلتزه-نك حکمی آلتنه آلمش؛ و اسپانیه-دن جامایقه-یی ضبطله، فلمنكك قوه بحریه-سنه غلبه چالمش؛ و الحاصل انکلتزه-نك داخلاً و خارجاً ترقی و استفاده-سنه خدمت ایتمشدر. همان کافه دول کنديسك حکومتی تصدیقله، اتفاقنه مائل اولمشلردی. بش سنه بو وجهله حکم سوردکدن صکره 1658ده وفات ایتمشدر. *- اوغلی ریشار قرومول ینه ((حامی)) عنوانیله خلفی اولمش ایسه-ده، کوشک بر آدم اولدیغندن، بر قاچ آی مرورنده، بر کورلتی ظهوری و ایکنجی شارلک تقریبی خبری اوزرینه، 1659ده استعفا ایدوب، بقیه عمرینی عزلت و انزواده کچیرمش؛ و 1712ده وفات ایتمشدر.

1-3619-5

قرونستاد

1#

روسیه-نك پترسبورغ ایالتنده و پترسبورغك 30 کیلومتره غربنده اوله-رق فینلانده کورفزینك منتهاسنده واقع بر آطه اوزرنده مستحکم بر شهر اولوب، 48276 اهالیسی، جسیم و متین استحکاماتی، بری سفائن تجاریه-یه، بری دونمایه و بری-ده انشآت بحریه-یه مخصوص اولمق اوزره، اوچ واسع و صاغلام لیمانی واردر. پترسبورغك مدخلنده بولنمغله، اهمیت عسکریه-سی پک زیاده اولوب، روسیه دولتنگ ترسانه-سی دخی بو شهرده-در. 1710ده بیوک پترو طرفندن تأسیس اولنه-رق، کیتدکجه توسیع و تحکیم اولنمقده-در.

2-3619-5

قرونستاد

و مجارجه براسو 1# اوستریا و مجارستان دولتنگ ترانسیلوانیه یعنی اردل خطه-سنده و هرمانستادك 115 کیلومتره شرقنده اوله-رق آلتیه-یه تابع %بورزن\$ نهری اوزرنده ایالت مرکزی بر شهر اولوب، 29585 اهالیسی، بر قاچ مکتبی، دباغخانه-لری و افلاقله ایشلک تجارتي واردر. *- ایالتنگ مساحه سطحیه-سی 1797 مربع کیلومتره و اهالیسی 83930 کشی اولوب، رومان، مجار و آلماندن مرکبدر.

3-3619-5

قرونغ قار

1#

سیامده %بانقوک\$ك 65 کیلومتره شمالنده و %منام\$ ایرماغنك صول کنارنده اوله-رق '20° 14 عرض شمالی ایله '13° 98 طول شرقیده بر شهر اولوب، 50000 اهالیسی واردر. لاؤس خطه واسعه-سنك مرکز تجارتي-در.

اھالیسنك بر بيوك قسمی نھر مذكوردہ و اورايہ منصب اولمق اوزرہ شھرک اورتہ-سندن كچن %سوهی\$ نھرنده كمیلر و دوبہ-لرده اقامت ایدرلر .

4-3619-5

قرونوبرغ

1#

اسوجك قسم جنوبیسنده بر ایالت اولوب، مساحه سطحیہ-سی 9997 مربع کیلومتره و اھالیسی 169735 كشیدر . اراضیسی منبت و مرعاری چوق ایسہ-ده، كوللری پك زیاده اولوب، بر بيوك قسمنی اشغال ایدیورلر . مرکزی %وقزیو\$ قصبہ-سی اولوب، قرینده ایالته بو نامی قزانديران %قرونورغ\$ سراپی خرابہ-لری بولنیور .

5-3619-5

قرویدون

1#

انكلتره-نك %سوری\$ فونتلغنده %کیلدفورد\$ك 35 کیلومتره شرق شمالیسنده و لوندره کوپریسنك 16 کیلومتره جنوبنده بر شهر اولوب، 102697 اھالیسی، ذخایر، شربتی اوتی و حیوانات تجارتی، اسکی بر کلیساسیلہ پسقوسلره مخصوص سراپی، اسکی بر خسته خانہ-سی و بعض فابریقه-لری واردر . یقین وقتلره كلنجہ-یہ قدر كوچك بر قصبہ ایكن، دمیر یول ایله لوندره-دن اوچ چاریك ساعتده وارلدیغی جهتلہ، انكلتره پایختی تجارندن بر چوق آدملر اوراده صیفیہ-لر ایدنمكلہ، كوندن كونه بیومكده-در .

1-3620-5

قرویه

1#

آرناؤدلقده-کی آقچه حصار قصبہ-سنك اسم اصلی محلیسی اولوب، آرناؤد لساننده ((چشمه)) دیمكدر .] ((آقچه حصار)) ماده-سنه مراجعت بیوریلہ .

2-3620-5

قره

1#

روسیه-نک منتهای شمال شرقیسنده بر نهردر، که اورال سلسله جبالنک قسم شمالیسنده سلسله مذکور-نک شرقی مائله-سنده بر کولدن خروجله، شمال غربی-یه طوغری آقه-رق، سلسله-نک بر بوغازندن مرورله، مائله غربیه-سنه کچر؛ و اروپا ایله آسیا قطعه-لری آره-سنده خط حدود یرینی طوتان 266 کیلومتره-لک مجردن صکره، بحر منجمد شمالینک %قره دکیزی\$ دینلن قسمنک %قره\$ قوینه دوکیلور. باشلیجه تابعی اولان %سیلووه\$ نهری ملتقاسندن آشاغی مجراسی سیر سفائنه صالحدر. اسمنک ((سیاه)) معناسیله ترکجه اولمسی ملحوظدر.

3-3620-5

قره

دکیزی #1 بحر منجمد شمالینک بر قسمی اولوب، غرباً و شمال غربی جهتندن %نووا یا زملیا\$ و %وايغاچ\$ آطه-لریله، جنوباً اروپا روسیه-سنک منتهای شمال شرقیسی ساحلیله، شرقاً سیریه-نک %پالمال\$ شبه جزیره-سیله محاط و شمال شرقی طرفندن آچیقدر. مذکور ایکی جزیره-نک آره-سنده %قره بوغازی\$ اسمیله بر بوغازدن بو دکیزه کیریلیر. وایغاچ آطه-سیله ساحل آره-سنده دهها طار بر بوغاز دخی واردر. شمالدن جنوبه بویی 775 و اکی 440 کیلومتره-در. منتهای شرق جنوبیسی کیندکجه طارلاشه-رق، اروپا ایله آسیا آره-سنده ینه %قره\$ اسمیله اوزون برقوی تشکیل ایدیور. قره دکیزی یالکز حزیراندن ایلوله قدر اوچ آی بوزلردن خالی قالب، او موسمه بالیقچی کمیلری دخول ایده-بیلیر.

4-3620-5

قره آرسلان صویی

قونیه-نک حمید سناغانده بر نهردر، که سلطان طاغندن اینن بر قاچ چایک اجتماعندن بالتشکل، اکر دیر کولنه دوکیلور.

5-3620-5

قره آغاج

قونیه ولایتنک حمید سناغانده و اسپارطه-نک 90 کیلومتره غرب شمالیسنده قضا مرکزی بر قصبه اولوب، 5000 قدر اهالیسی، بر قاچ جامع و مسجد و مدرسه-سی، رشديه مکتبی و کتبخانه-سی واردر. طحین حلواسی مشهوردر.

*- قره آغاج قضاسی جنوباً اکر دیر قضاسیله، غرباً اکر دیر کولیله، شمالاً یلواچ قضاسیله، شرقاً دخی قونیه سناغانیله محدود اولدیغی حالده، غرب جهتده بولنان آفشار ناحیه-سیله برابر 46 قریه-یی حاوی، و جمله-سی مسلم اولمق اوزره، 19683 اهالی ایله مسکوندر. اراضیسی منبت اولوب، حبوبات متنوعه ایله آفیون، خشخاش،

اوزوم و میوه و سبزه-لرک انواعی حاصل اولور. آفشار ناحیه-سندده اوله طاشی معدنی دخی بولنیور. حیوانات اهلیه-سی آز اولوب، 9200 قیون، 13700 کچی، 3842 صیغیر و سائر-دن عبارتدر. مرکز قضاده و بعض قراده ایپلیک و کتندن بز و آلاجه نسج اولنور.

6-3620-5

قره آغاج، غربی -*.

آبدین ولایتنک دکیزلی سنجاغنده و سنجاغک منتهای شرق جنوبیسنده بر قضا اولوب، شمالاً نفس دکیزلی، غرباً طواس قضاالریله، جنوباً منتشا سنجاغیله، شرقاً دخی قونیه ولایتیله محدوددر. مساحت سطحیه-سی 880 مربع کیلومتره اولوب، بونک نصفی طاغلق اراضی خالیله، بر ربعی اراضی مزروعه، بر ربعه قریب مقداری اورمان و 50 مربع کیلومتره-لکی-ده چاپدر. اهالیسی 36452 کشی اولوب، یالکز 390 ی ترکجه لسانله متکلم روم (؟) و قصوری کاملاً مسلمدر. ایرله ناحیه-سیله برابر 86 قریه-دن مرکب اولوب، مرکزی 1200 اهالی-یی جامع آجی بادم قریه-سیدر. شمال غربی جهتنده خوناس طاغی و شمال شرقی طرفنده قونیه ولایتی حدودنده قره آغاج طاغی بولنوب، بو طاغدن آیریلان ایکی قول جنوب غربی-یه طوغری اوزانه-رق، آره-لرنده 20 کیلومتره قدر وسعتنده بر اووه تحصیل ایديور، که قضانک اک منبت یری اوراسی اولوب، کویلرینک اکثری اوراده-در. باشلیجه محصولاتی ذخایر متنوعه ایله اوزوم، زیتون و سائر میوه-لردن و توتوندن عبارتدر. حیوانات اهلیه-سی و علی الخصوص کچیلری چوق اولوب، سنوی حیوانات اهلیه-سنک تولداتی 130000 رأس راده-لرنده-در. مرکز قضاده بر رشديه و بر ابتدائیه مکتبی وارددر. یوللری هنوز پک کریدر.

1-3621-5

قره آرسلان، عماد الدین بن داود بن سقمان بن ارتق

بنی ارتقندن اولوب، آمد شهرینک صاحبی ایکن، صلاح الدین ایوبی کندیسنه علبه چاله-رق، شهر مذکوری ضبط ایتمشدی.

2-3621-5

قره اصماق

سلانیک ولایت و سنجاغنده بر نهردر، که یکجه کولنک ایچندن مرورله، منصبندن 10 کیلومتره یوقاریده واردار ایرماغنه دوکیلور. مجراسی 80 کیلومتره طولنده-در. اسم قدیمی %لیدیاس\$در. وقتیه کولک اورته-سنه-دک تطهیر اولنه-رق، سیر سفاننه صالح ایدی.

3-3621-5

قره آمد

اليوم بولنديغى خطه-نك اسميله ديار بكر دینلن آمد شهرينه، ابنیه-سنگ سیاه طاشدن معمول اولمسيله خارجدن ابراز ایندیكى رنكدن طولایی، ویریلن اسمدر. [(آمد) و (دیار بكر) ماده-لرینه مراجعت بیوريله.]

4-3621-5

قره ابراهیم پاشا

[(ابراهیم پاشا قره -*)- ماده-سنه مراجعت بیوريله.]

5-3621-5

قره احمد پاشا

[(احمد پاشا قره -*)- ماده-سنه مراجعت بیوريله.]

6-3621-5

قره العین

خلفاه عباسیه-دن قائم بامر اللهك جاریه-سی و مقتدی باللهك والده-سی اولوب، چوق وقت معمر اولمش؛ و زوجيله اوغلی مشار الیهما-دن بشقه توروئی مستظهر و اونك اوغلی مسترشدك دخی عهد خلافتلرینه یتیشمش؛ و بغدادده و حرمینده بر چوق خیرات و مبرات بر اقمشدر. اصل اسمی (ارجوان)در.

7-3621-5

قره باغ

قافقاسیه-ده کور ایله آراس مجرالری و اریوان ایالتی آره-سنده بر خطه اولوب، 1813 تاریخ میلادیسنده ایراندن روسیه-یه کچمش؛ ویلیساوتوپول قضاسنه ملحق %شوشه\$ قضاسنی تشکیل ایتمشدر. مساحه سطحیه-سی 18000 مربع کیلومتره اولوب، 250000 اهالیسی واردر. اهالیسنك نصفی آذربایجان ترکلرندن اولوب، نصف دیکری ایرانی، ارمنی و روسدن مرکبدر. بو خطه-نك اسم فارسیسی %اران\$در. اراضیسی طاغلق اولوب، عمومیت اوزره طاغلری شمال غربیدن جنوب شرقی-یه طوغری اوزانیر. سردمدی قارلرله مستور اوچ یوکسك طاغی اولوب، بونلر دن قامش طاغنك 3740 و قپوجق طاغنك 3715 متره ارتفاعی واردر. بایر و وادیلری سیاه و پك

منبت بر طوپراقدن عبارت اولدقلرندن، مملكتك اسمى بوندن ايلرى كليور. بوكسك يرلرينك نباتاتى آوروپا طاغلرينك كينه مشابهدر. صرب يرلرده كچى كى طيرمانير بر جنس آتلى و اردر. حشرات مضره-سى چوقدر.

8-3621-5

قره باغلى سليمان پاشا

سلطان عثمان خان ثالث و مصطفى خان ثالث دورلرنده اوچ دفعه قيودان پاشا اولمشدر. سلطان عثمان خان مشار اليهك جلوسلرى سنه-سى 1168ده امرای بحريه-دن ايكن، رتبه ميرميرانى ايله قيودان دريا اولمش؛ و آق دكيزده دشمن سفانندن بعض غنائمه موفق اولمغله، 1169ده رتبه وزارتله تلطيف اولنمشدى. 1170ده انفصال ايدوب، 1171ده كل احمد پاشا زاده على پاشانك اوستنه ثانياً قيودان دريا اولمش؛ 1173ده عزل اولوب، 1176ده سنك مصطفى پاشانك اوستنه ثالثاً مسند قيودانى-يه نصب اولنمش؛ و 1177ده عزل اولنه-رق، مملكتى اولان قره باغه عزيمتله، اوراده وفات ايتمشدر.

9-3621-5

قره باغى، مولانا محى الدين محمد

قانونى سلطان سليمان خان دورى مشاهير علماسندن اولوب، قره باغ خطه-سندن اولمغله، ايرانده تحصيل علوم ايتدكن صكره، درسعاده و رودله، بعض مدارس و نهايت ازنيق مدرسه-سى مدرسلكنه تعيين اولنه-رق، 942 تاريخنده اوراده وفات ايتمشدر، علوم عقليه و نقليه-يه واقف اولوب، محاضراته دائر ((جالب السرور)) عنوانيله بر كتابى، كشافه و تفسير بيضاوى-يه و تلويح و هدايه-يه تعليقاتى، شرح الوقايه-يه حواشيسى و جلال الدين دوانينك ((اثبات الواجب)) كتابنه شرحى واردر.

1-3622-5

قره برون

اناطولينك ساحل غربيسنده از مير كورفيزينك مدخلنده و ساقز جزيره-سنگ قارشيسنده جنوب شرقيدن شمال غربى-يه طوغرى ممتد اوزون بر شبه جزيره-يه و بونك اوچنده-كى برونه ويريلن اسمدر. شبه جزيره نفس از مير قزاسنه تابع بر ناحيه اتخاذ اولنوب، 22 قريه-دن مركبدر. *- سلانينك كورفزنده سلانينك قويى مدخلنك ساحل شرقيسنده و واردار منصبنك قارشيسنده دخی بو اسمله بر برون واردر.

2-3622-5

قره-بل

آناتولیده سیواس ولایتینک شرق جهتنده بر طاغدر، که سیواس شهرینک شرق جنوبیسندن باشلايه-رق شمال شرقی-یه و ارضروم ولایتی حدودینه طوغری ممتد اولور. بو طاغ قزیل ایرماق حوضه-سنی فرات حوضه-سندن آیروب، شرق جنوبی اتکلرندن آقان صولر فراته دوکیلیور؛ و غرب شمالی اتکلرندن اینن صولر ایسه قزیل ایرماغی تشکیل ایدیور. اک یوکسک ذروه-سی حدای بجردن 1764 متره ارتفاعنده ایسه-ده، اطرافنده-کی یوکسک اووه-لردن آنجق 250 و نهایت 300 متره مرتفعدر.

3-3622-5

قره بوران

ترکستان شرقیده تاریم نهرینک دوکلدیکی بر کول اولوب، نهر مذکور بو کولدن چیقہ-رق، بونک شرق طرفنده بولنان %لوب نور\$ کولنه دوکیلیور. بو ایکی کول بربرینه قریب اولمغله، %لوب نور\$ ماده-سنده دها زیاده تفصیلات ویریلہ-جکدر.

4-3622-5

قره بوره

روسیه-یه تابع ترکستانده %تیان شان\$ سلسله عظیمه-سنک %الطاغ\$ شعبه-سنه مربوط %اورتاق طاغی\$نک منتهای غربی قسمی اولوب، سرمدی قارلرله مستور ذروه-لری واردر. ینه قره بوره اسمیلہ بر بوغازی واردر، که 3355 متره ارتفاعی اولوب، اولدقجه امین بر کچیددر.

5-3622-5

قره بوغاز

بحر خزرک ساحل شرقیسنده روسیه-نک ماورای خزر ایالتنده و ترکمنلر مملکتنده یعنی اسکی خوارزم دیارنده بیوک و صیغ بر کورفز اولوب، اتکیندن بر قوم سدیلہ ایرلمشدر؛ و بو سدک اورته طرفلرندہ اصل قره بوغاز دینلن بر طار کچید واردر. شمالدن جنوبه بویی 160 و جنوب جهتنده اولان عرض اعظمی 140 کیلومتره اولوب، مساحه سطحیه-سی 16000 مربع کیلومتره-در. وسطی درینلکی 4 ایله 12 متره آره-سنده-در. اطرافنده ساکن بولنان ترکمنلر قره بوغاز اسمنی یالکز بوغازینه حصر ایدوب، کورفزه %قول دریا\$ و %آجی قوسار\$ دیرلر. مذکور بوغاز موسمه کوره 200 ایله 800 متره آره-سنده بر کنیشلکده اولوب، "13' 4° 41 عرض شمالیده واقعدر. مدخلنده درینلکی آنجق بر متره اولمغله، یالکز آلتی دوز واپورلر کورفزه کیره-بیلیر. بو بوغازدن کورفزک ایچنه طوغری دائمی صورتده بر آفتنی جریان ایدوب، بونک سرعت عادیه-سی ساعته بش آلتی کیلومتره اولدیغی حالده، غرب روزکاری اسدیکی وقت آز الیرسه-ده، هیچ بر وقت 3

کیلومتره-دن آشاغی دوشمز. شمدی-یه قدر هیچ بر آنافور کشف اولندیغندن، و وقتیلہ ظن اولندیغی کبی، اورته طرفلرنده بحر فارسه چیقہ-جق تحت الارض بر یول بولنمق فکری دخی باطل اولدیغندن، دائمی صورتده بحر خزر دن بو کور فزه کیرن صولرک تیخرله زائل اولدیغی آکلاشلمشدر. حقیقہً تیخرات پک چوق اولوب، کور فز دائمی صورتده سیس و بخارله مستور بولنور؛ و طوزیلہ سائر املاحی کیتدکجه چوغالمقده اولوب، دیبنده ترسب ایتمکده، و ایچنده هیچ بر بالیق و سائر حیوان یاشایه مامقده-در. حتی انکیدن کیرن بالیقلرک دخی درت بش کون ظرفنده کوزلری کور اولدیغی مجربدر. سواحلنده-ده هیچ بر نبات بیتمیور. بو تیخراتک دوامیلہ بر کون بوغازی قیایوب کور فزک مرور زمانله بر طوز چولنه دونه-جکی محتملدر. شرق جهتنده ایکی کوچک آطه بولنیور.

6-3622-5

قره بیکار

قونیه ولایت و سنجاغنده و قونیه-نک 94 کیلومتره شرقنده و قره-جه طاغک جنوبی اتکنده اوله-رق واسع بر اووه-نک کنارنده قضا مرکزی بر قصبه اولوب، 4000 قدر اهالیسی، سلطان سلیم خانک بنا کرده-سی اولان ایکی مناره-لی بر جامع شریفی، رشدیہ مکتبی، 34 دکانی، بر شادروانی، 2 چشمه-سی واردر. *- قره بیکار قضاسی غرباً نفس قونیه، جنوباً قره-مان، شرق جنوبی طرفندن ارکلی، شمالاً اسبکسان قضالریله، شمال شرقی طرفندن دخی نیکده سنجاغیلہ محاط اولوب، 34 قریه و 25927 اهالی-یی جامعدر. اهالیسنک جمله-سی مسلمدر. اراضیسی دوز اولوب، مذکور قره-جه طاغندن بشقه جبالی یوقدر. میاه جاریه-سی پک آزدر. محصولات ارضیه-سی بغدای، آریه، چاودار، بورچق و سائر حبوباتله جهری و کیمیون و سائر-ه-دن عبارتدر. قیونلری زیاده-جه اولوب، ملغا خوطمش ناحیه-سندہ هر رأسی ایکی اوچ بیک غروش ایدر کوزل دوه-لر یتشیر. قضا داخلنده اعلا خالی و سجاده و کلیم اعمال اولنور. درون قضاده 32 جامع و مسجد موجوددر. مرکز قضانک شمال شرقیسندہ سونمش بر اسکی برکانک آغزی بولنمش اولدیغی آکلاشیلان تقریباً 200 متره عمقی و طولاً و عرضاً یاریم ساعتق وسعتی اولان بر مملحه بولنوب، کلیتلی طوز اخراج اولنور. بو مملحه بر تپه-نک اوزرنده بولنوب، بر طاقم کوللرله محاطدر.

1-3623-5

قره نکین

آسیای وسطیده بخارا خانلغنک شرق شمالی جهتنده و زرافشان جبالنک جنوبنده اوله-رق قزیل صو وادیسندہ بر خطه اولوب، شرقاً روسیه-نک اخیراً التحاق ایندیکی %ترانسالای\$ اراضیسیله، شمالاً سمرقند ایالتنک زرافشان خطه-سیله، غرباً کلاب، جنوباً دخی دروازه خطه-لریله محاطدر. 45' 38° ایله 40' 39° عرض شمالی و 30' 67° ایله 20' 69° طول شرقی آره-لرنده ممتد اولوب، طول اعظمی 250 و عرض وسطیسی 80 کیلومتره و مساحه سطحیه-سی 21535 مربع کیلومتره-در. وسطی ارتفاعی 2000 متره اولوب، اراضیسی پک یوکسک و شایان تماشا مواقع و مناظری حاویدر. آشاغی جهتنده %سرخ آب\$ دینلن مذکور قزیل صو مملکتی اورته-سندن شق ایوب، ایکی طرفندن بر چوق چاپلر آلیر، بولنرک چوغی جریانلرنده بر طاقم کوزل شلاله-لر تشکیل ایدر.

اهالیسی خیلی کثرتلی اولوب، 100000 راده-لرنده تخمین اولنمقده-در. بونلردن یالکز 15000 قدری قیرغیز و خیمه نشین اولوب، سائرلری فارسی لسانیلہ متکلم (کلچه) تعبیر اولنان قومی تشکیل ایدیورلر، که بونلر دین اسلامه متدین اولدقلری حالده، اسکی زردشت دینندن دخی بر چوق عادات محافظه ایتمشلردر. بونلر ذکی و چالیشقان آدملر اولوب، مملکتلرنده یوکدن بعض مقبول منسوجات نسجیلہ و دمیرجیلک و نهرلرک قوملرندن آلتون چیقارمق کبی ایشلرله مشغول اولدقلری کبی، ایشجیلک و تجارتله بخارایه، فرغانه-یه و تا کاشغره قدر کیدرلر. قره تکینک قیشلری اوزون و سرت اولوب، تشرین اول ابتدا سندن مایسک او اسطنه-دک ممتد اولور، و بر قاچ متره قار یاغوب، مملکتک اطرافنده-کی طاغرک بوغازلری و یوللری قیانیر. مع هذا اراضیسی پک منبت اولوب، زراعته زیاده اهمیت ویرلدیکندن، حاصل اولان بغدادی و سائر ذخایر مملکتی اداره ایتمکدن صکره اطرافنده-کی ممالکه-ده اخراج اولنور. میوه-دار آغاجلری و اورمانلری-ده چوقدر. مرعاری پک کوزل اولوب، کچی، قیون، صیغیر، خرکله و سائر حیوانات اهلیه-لری-ده چوقدر. طاغرده آیی، تیلکی و سائر حیوانات وحشیه چوق اولوب، اهالی دریلرندن تجارت ایدرلر. بیانی جوزلری چوق اولوب، تنویراتده قوللانمق اوزره، کلپتلی جوز یاغی چیقاریلر. مرکزی %۵۰ کرم \$ قصبه-سی اولوب، بخارا خاننه تابع و شاه عنواننی حائز یرلی وارثی بر امیرک تحت اداره-سندده-در.

2-3623-5

قره-جه احمد

سلطان اورخان غازی دوری مشایخندن بر ذات اولوب، دیار عجمده امرادن برینک اوغلی اولدیغی حالده، جذبیه مظهر اولمغله، ترک دار و دیار ایده-رک، روم جانبینه کلمش؛ و اقصا قریبنده اختیار مسکن ایتمش. قبری اوراده زیاتکاهدر.

3-3623-5

قره-جه احمد

اون برنجی قرن هجری علماسندن اولوب، حمید ایلنده دنیا ییه کلمش؛ و درسعادته کله-رک. دور مدارسله طشره-لرده فتوی و قضا مأموریتلریله طولاشدقدن صکره، قدس قاضیسی اولوب، 1024 تاریخنده اوراده وفات ایتمشدر.

اسکدارده-کی (قره-جه احمد) قبرستاننک بو ایکی ذاتدن برینه می یوقسه بو اسمده دیکر بر ذاته می منسوب اولدیغی تحقیق اولنه-مدی.

1-3624-5

قره-جه طاغ

دياربىرك غرب جهتده فرات ايله دجله مجرالرى آره-سندھ-كى اك طار بر زخده شمالدن جنوبه طوغرى ممتد بر طاغ اولوب، اورفه ايله ماردین آره-سندھ و خابوره تابع %چرچوب\$ نهرینی تشکیل ایدن ایکی چایک آره-سندھ جزیره اووه-سندھ منتهی اولور. برکانی الاصل بر طاغ اولوب، سیاه بازالتدن عبارتدر. قیالری و اوچوروملری چوق اولوب، یانلردن آقان صولر بر طاقم طار بوغازلر تشکیل ایدیور، که قره آمد %یعنی ديار بکر\$ شهری دخی بونلردن برینک اتکنده مبنیدر.

2-3624-5

قره-جه طاغ

شرقی روم ایلنده فلبه-نک شمال شرقی جهتده بر طاغدر، که قوجه بالقانله متوازیاً غربدن شرقه ممتد اولوب، سلسله عظیمه مذکورده-دن طونجه-نک منابعی حاوی اولان قالوفر اووه-سیله ایرلمشدر. غرباً مریجه تابع کوك صو وادیسيله اورته طاغدن ایرلمش اولوب، غربدن شرقه بویی 115 کیلومتره-در. شرق جهتده-کی اتک و قوللری اسکی زاغره-نک اوستنه قدر واصل اولور. اک یوکسک ذروه-سی 1100 متره ارتفاعده اولوب، سائر طرفلرینک ارتفاعی یدی سکز یوز متره-یی تجاوز ایتمز. اتکلری هر طرفدن سطح مائل تشکیل ایدر. قزانلغک مشهور کل باغچه-لری دخی بو طاغک اتکلرنده-در.

3-3624-5

قره-جه طاغ

1#

ترکستانده چینک ایچندن کلن %تیان شان\$ سلسله عظیمه-سنگ منتهای غربیسی تشکیل ایدر بر طاغ اولوب، طاشکندک جنوبه-دک شرق شمالیدن غرب جنوبی-یه طوغری اوزانیر، و بعده سمرقنده طوغری دوکر. اکثر طرفلرینک ارتفاعی 4000 متره راده-لرنده ایسه-ده، اک یوکسک ذروه-لری 6000 متره-یه قدر چیقار. اورته طرفندن %صاکسار\$ اسمیله بر قول ایریلوب، شمال غربی-یه طوغری اوزانیر؛ و ینه بو اسمله مسمی بر اووه-نک حدود شمالیه-سنى تشکیل ایدر. سیحون حوضه-سنى جیحونه تابع زرافشان حوضه-سندن ایریور. بر قاچ بوغاز و کچیدی اولوب، اک مشهوری طاشکند ايله سمرقند آره-سندھ-کی %بییلان اوتی\$ و نام دیکرله %تیمورلنک قپوسی\$ دینلن بوغازدر.

4-3624-5

قره-جه فوچه

آیدین ولایتینک از میر سنجاغنده واقع %فوجتین\$ قضااسنک مرکزی بر قصبه و اسکله-در. [(فوچه)] ماده-سندھ مراجعت بیوریله.]

5-3624-5

قره-جه ويران

قسطمونی ولایتندہ کنغری سناغنگ چرکش قضاوندہ و چرکشک 35 کیلومتره شرقندہ ناحیه مرکزی بیوک بر قریه اولوب، ناحیه-سی 44 قریه-یی و نافع بر معدن صوینی حاویدر.

6-3624-5

قره-چار نویان

چنکیز خانک وزیری و دامادی ایدی.

7-3624-5

قره-چای

روسیه-یه تابع قافقاسیه-نک باکو ایالتندہ بر نهردر، که بابا طاغندن نبعانله، شرق شمالی-یه طوغری آقه-رق، 100 کیلومتره-لک جریانندن صکره بحر خزره منصب اولور.

8-3624-5

قره چلبی زاده

[((عبد العزیز افندی)) ماده-سنه مراجعت بیوریلہ.]

9-3624-5

قره چولان

کردستانده موصل ولایتنک سلیمانیه سناغنده و سلیمانیه-نک 25 کیلومتره شمال شرقیسنده اوله-رق حدود ایرانیه قریبده اسکی بر قصبه اولوب، مقدا او جهت کردلرینک مرکزلی ایکن، قرن سابقده سلیمانیه-نک تأسیسی اوزرینه، ترک اولنه-رق، خراب اولمشدر.

10-3624-5

قره حصار

آناتولیده و تزکجه تکلم اولنان سائر یرلرده بر چوق معموره-لرک اسمی اولوب شایان ذکر اولانلری آتیا بیان اولنور:

11-3624-5

قره حصار، دوه-لو -*.

[((دوه-لو)) ماده-سنه مراجعت بیوريله.]

12-3624-5

قره حصار شرقی، و بین العوام شایین قره حصار

سیواس ولایتنده و سیواسک تقریباً 160 کیلومتره شمال شرقیسنده و قره دکیزده اسکله-سی اولان کیره-سونک 82 کیلومتره جنوب شرقیسنده اوله-رق کلکیت حوضه-سنک یوقاری جهتده 1500 متره-دن زیاده ارتفاعی اولان یوکسک بر یرده 12' 40° عرض شمالی ایله 6' 36° طول شرقیده واقع لوا مرکزی بر قصبه اولوب، 11700 اهالیسی، اوستنده سیاه طاشدن معمول اسکی بر قلعه-سی و بونک دروننده یوکسک بر قیانک اوزرنده الیوم سلاحخانه اتخاذا اولنان اسکی بر سرایی و قیانک ایچنه اولمش 40 باصمقله اینلیر غریب بر قیوسی، 15 جامع شریفی، 5 مسجدی، 3 مدرسه-سی، 4 کلیسای، بر رشدییه و 15 اسلام و 4 خرسیتیان ابتدائی مکتبی، 4 حمامی، 8 خانی، 753 دکانی، ایپلیک چتاری و خاولی و چارشف دستکاهلری، بر اون فابریقه-سی، هفته-ده بر قوریلور بازاری و اولدقجه تجارتی واردر. کیره-سون اسکله-سندن کلن بر شوسه قصبه-نک ایچندن کچه-رک سیواس شهرینه و اورادن ملاطیه-یه طوغری اوزانیر. مذکور قلعه طریزونده حکومت سورن بیزانس دولتی شعبه-سی زماننده یاپلمشدر. قصبه-نک ده اسکی اولوب، روما سردارلرندن پومیپوسک. مهردادده قارشی قاز اندیغی مظفرینک یادینه %نیقوپولیس\$ یعنی ((مدینه الظفر)) نامیله تاسیس ایتمش اولدیغی قصبه-نک عینی اولدیغی مظنون ایسه-ده، بو ظن اثبات اولنه-مامشدر. قصبه-نک ابتدا قلعه دروننده بولنوب، بعده آشاغی-یه ایندیلمش اولدیغی-ده مرویدر. قصبه بر سطح مائنده بولنمغله خانه-لرک باصلمش طوپراقدن اولان طاملری اوست طرفدن یرله برابردر. یالکز شمال شرقی جهتده یکی یاپیلان خرسیتیان محله-سنده قابل سکنی خانه-لر بولنیور. جوامع شریفه-سندن یری مملکتک فاتحی بولنان ابو الفتح سلطان محمد خان ثانی حضرتلرینک بنا کرده-سیدر. طریزون روم ایمپراطورلرندن قره حصار اوزون حسنک ضبطنه کچمش؛ و 860 تاریخ هجریسنده فتح اولنه-رق، ضمیمه ممالک عثمانیه اولمشدر. %شایین قره حصار\$ دینلمسی جوارلرنده شاب معدننک کثرتله بولنمسنه مبنیدر. -* - قره حصار شرقی قضاسی همنامی اولان لوانک مرکز قضاسی اولوب، شرقاً آوجره، جنوباً صو شهری، غرباً قویلحصار قضالریله، شمالاً دخی طریزون ولایتیله محدوددر. مرکزدن اداره اولنور 6 ناحیه ایله برابر

110 قریہ-یی و 25594 اہالی-یی جامعدر. اہالیسندن 8400 کشتی مذاہب ثلاثیہ منقسم ارمنی و روم اولوب، قصوری کاملاً مسلمدر. اراضیسی عارضہ-لی و اورته حالده منبت اولوب، محصولاتی ذخایر متنوعه ایله توتون و میوه و سبزه-لرک انواعندن عبارتدر. یالکز بر کتلی سنہ-لرده ذخایرندن اخراجات وقوع بولوب، بعض سنہ-لرده احتیاجات محلہ-یہ دخی کفایت ایتمز. بر مقدار ایپک فوزه-سده چبقار. حیوانات اہلیہ-سی قیون، کچی، صیغیر و یوک حیوانلرندن عبارتدر. قضا داخلندہ ایشلنمکده اولان ایکی سیملی قورشون، ایکی کمور و درت شاب معدنی بولنوب، خیلی حاصلات ویرمکده-در. آلتی کوچک کول دخی بولنوب، جملہ-سندہ بالیق بولنیور. اورمانلری-ده چوق اولوب، اشجار متنوعه-سی واردر.

1-3625-5

قره حصار شرقی

سنجاقی. سیواس ولایتی ترکیب ایدن درت سنجاغک بری اولوب، ولایتک شمال شرقی گوشه-سندن عبارتدر. جنوباً سیواس، غرباً توقاد سنجاقلریله، شمالاً طریزون، شرقاً دخی ینہ طریزون و ارضروم ولایتلریله محدوددر. حدود شمالیہ-سی %کومیل\$ و حدود جنوبیہ-سی %کوسه طاغی\$ صیرتلیله آریلوب، بتون سنجاغک اراضیسی یوکسک و واسع بر وادی تشکیل ایدیور، که بو وادینک ایچنده یشیل ایرماغک باشلیجه قولى اولان %کلکیت\$ نہری ارضروم ولایتندن کلہ-رک، سنجاقی شرقدن غربه شق، و صاغ و صولدن مذکور طاغلرک داخلی اتکلرندن اینن بر چوق چاپلر اخذ، وراست کلدیکی دوز و باصیق یرلری اروا ایده-رک، توقاد سنجاغنه کچر. بو سنجاق 49' 39° ایله 40' 40° عرض شمالی و 56' 34° ایله 36' 36° طول شرقی آرہ-لرندہ ممتد اولوب، مساحہ سطحیہ-سی 9800 مربع کیلومتره و اہالیسی تقریباً و تخمیناً 150000 کشیدر، که بونلرک 30000 قدری مذاہب ثلاثیہ منقسم ارمنی، 20000 قدری ترکجه لسانلہ متکلم روم (؟) و قصوری مسلمدر. اہالی مسلمہ-سنگ ثلاثانندن زیادہ-سی سنی و بر ثلاثہ قریب مقداری قزیل باشدر. سنجاق: قره حصار، آلوجره، صو شهری، قویلحصار و حمیدیہ اسملریله قضایہ منقسم اولوب، 36 ناحیہ و 546 قریہ-یی حاویدر. اراضیسی عارضہ-لی و اورته حالده منبت اولوب، برنجی درجه-ده محصولی بغدادی و بونک بر ربعی درجه-سندہ اولہ-رق آرپہ و بعدہ داری نخود، مرجمک، چاودار، فاصولیہ، یولاف، بقلہ، مصر، اوزوم، الما، آرمود، بامیہ و سائر میوه و سبزه-لرک انواعیلہ توتون، چریش، آنیسون و سائرہ-دن عبارتدر. خیلی قورو اوزوم، شراب و پکمز ایله بال، بال مومی و تفتیک دخی چبقار. اورمانلری چوق اولوب، بحق باقلمدقلری و هر وقت چوبانلر طرفندن احراق اولندقلری حالده، ینہ طاغلرک اکثری اورمانلرہ مستوردر؛ و هر نوع کراستہ-یہ الویریشلی پک یوکسک چام، میشه و سائر آغاجلری واردر. مرعالی و حیوانات اہلیہ-سی چوق اولوب، سنوی حیوانات تولداتی: بر ملیونی متجاوز قویون و کچی، 34000 صیغیر، 17000 بیکر و 8000 مرکبدن عبارتدر. حیوانات وحشیہ-سی آبی، طوموز، قورت، تیلکی، کیپک، قرہ-جه، طاغ کچیسی، بیانی کدی و سائرہ-در. معادنجه قره حصار شرقی سنجاقی پک زنکین اولوب، آنجق چبقاریلانلری پک جزئیدر. اک باشلیجه-لری مرکز لوانک اطرافندہ بولنان پک واسع شاب معدنلریله در دست اعمال اولان ایکی و متروک بولنان دیگر ایکی سیملی قورشون و باقیر. لنکیت، قیا طوزی و سائر معدنلر بولنیور. آنجق معادن جوارلرندہ-کی اورمانلرک آز مدت ظرفندہ استهلاکیلہ بعدہ محروقاتک فقدانی و یوللرک عدم انتظامی معادنک اخراجندن استفادہ ایتدیرمیہ-جک حالده-در. لوا مرکزینی اسکله-سی اولان کیرہ-سونہ و مرکز ولایتہ ربط ایده-جک صورتده بر شوسه یاپیلوب، سنجاقی شمالدن جنوبہ شق ایتدیکی کبی، دیگر بعض شوسه-لر دخی

یابلمقده ایسه-ده، اراضیسینک پک طاغلق و عارضه-لی اولمسی بو یوللرک تکثیرینه و حسن حالده محافظه-سنه مانع اولمقده اولوب، وسائط نقلیه-جه اولان مشکلاتک اوکی آله-مامقده-در. سنجاغک محصولات ارضیه، کراسته، معادن حیوانات اهلیه و وحشیه دریلری، یاغ، پینیر، ایچ یاغی، ییاغی، تفتیک، بال، بال مومی، حیوانات، چتاری، کلیم و سائره اوله-رق سنوی تقریباً 80000 لیرا قیمتنده اخراجاتی و آنجق 22000 لیرا قیمتنده ادخالاتی وارد. وارداتی 90000 لیرا راده-لرنده-در. مرتفع محللرینک قیشلری پک شدتلی اولدیغی کبی، یازین دخی هواسی زیاده صیجاقد. موقعلری چوق دها آلق اولوب-ده وضعیتلری دها موافق اولان بعض وادیلرنده ایسه کرک یازین و کرک قیشین هوا دها معتدل اولوب، اورالرده میوه-لرک انواعی حاصل اولور.

1-3626-5

قره حصار صاحب، و بین العوام آفیون قره حصار

خداوندکار ولایتنده بروسه-نک 220 کیلومتره جنوب شرقیسنده و از میرک 310 کیلومتره شرقنده 44' 38° عرض شمالی ایله 5' 28° طول شرقیده حذای بحدن 1100 کیلومتره ارتفاعی اولان بر اووه-ده و بو اووه-دن 400 متره یوکسک اولان استوانی بر سیاه قیانک آلتنده واقع لوا مرکزی بر قصبه اولوب، 17436 اهالیسی، مذکور قیانک اوزرنده خراب بر قلعه-سی و بونک ایچنده قیانک ایچنه اویولمش ایکی بیوک صهرنجیله دیگر بعض آثاری، 10 جامعی، 2 مسجدی، 3 مدرسه-سی، 2 کتبخانه-سی، 2 کلیسای، اعدادیه و رشديه و ذکور و اناثه مخصوص ابتدائیه مکتبیلرله بر قاچ صبیان و آیرجه خرستیان مکتبلری، 7 خانی، 1081 دکانی و از میرله خیلی تجارتی وارد. قصبه-نک ایچندن کچن % آقار جای ک جریانی سرعتلی و صوی پک صاف و لذیدر. اهالیسینک 4612 سی ارمنی، 218 ی روم و قصوری مسلم اولوب، جمله-سی لسان عثمانی ایله متکلمدرلر. خانه-لری کرپیچدن و اوستلری باصلمش طوپراقله مستور اولوب، منظره-سی حزن انکیز و هواسی یازین پک صیجاق و قیشین زیاده صوؤقدر. اطرافنده-کی اووه-لر پک منبت ایسه-ده، اشجاری اولمیوب، کورینن طاغلق دخی چبلاق اولمغله، یازین اورته-لق پک چابق صاراریر، و قیشین اکثریا قار و بوزله مستور بولنور. حیدر پاشادن قونیه-یه کیدن دمیر یول خطی قره حصاردن کچدیکی کبی، از میر خطنک دخی آلاشهر و دینار شعبه-لری قریباً بو قصبه-ده برلشه-جکلرندن، قره حصار صاحبک کیتدکجه کسب اهمیت و عمران ایده-جکنده شهبه یوقدر. قصبه داخلنده قیومجیلغه متعلق قفسکاری بعض معمولاتله تل قاقمه-لی باستون و سائره اعمال اولنور. جوارلرنده کلینتلی آفیون حاصل اولمسی قصبه-نک سائر قره حصارلردن تفریق ایچون آفیون قره حصار تسمیه-سنه سبب اولمشدر. قره حصار پک اسکی بر قصبه اولوب، یونانیلره قارشلی تروالیلرک امدادینه کلمش اولان بر طاقم ماکدونیه-لیلر طرفندن سوناده #1 اسمیله تاسیس ایدلمش اولدیغی مظنوندر. زمان قدیمده جوارلرنده چیقان نفیس مرمریله مشهور اولوب، آیاصوفیه ستونلردن بر قاچی-ده اورانک مرمرندن معمولدر. اون ایکنجی قرن میلادیده روم سلجوقیلرینک ضبطنه کچوب، بونلر طرفندن % قره حصار تسمیه اولنمش؛ و دولت سلجوقیه-نک انقراضنده کرمان امراسنه قالمش ایسه-ده، چوق کچمه-دن کرمان دیارندن بالتفریق، دولت عثمانیه-یه الحاق اولنمشدی.

*- قره حصار صاحب قضاسی همنامی اولان سنجاغک مرکز قضاسی اولوب، شرقاً عزیزیه و بولودین قضالریله، جنوباً قونیه و لایتیله، غرب جنوبی طرفندن صندقلی قضاسیله، شمالاً و شمال غربی جهتندن-ده کوتاهیه سنجاغیله محدوددر. قضا 138 قریه-یی حاوی اولوب، 77436 اهالی ایله مسکوندر، که بونلرک-ده یالکز مرکزده بولنان بر مقدار ارمنی و رومدن ماعداسی کاملاً مسلم و ترکدر. اراضیسی عارضه-لی و خیلی یوکسک

اولوب، طوپراغی منبت و اورمان و مرعاری-ده چوقدر. باشلیجه میاه جاریه-سی مرکزین کچن آقار جای ایله اوکا تابع بر قاچ دره-دن عبارت اولوب، بعض قراسنک قیو صویندن بشقه صولری یوقدر. محصولات حیویات متنوعه ایله آفیون، کتن، مازی، جهری و سائر-دن عبارت اولوب، حیوانات اهلیه-سی-ده چوق اولمغله، خیلی مقدار پییغی، تفتیک، دری و سائر محصولات حیوانیه دخی چیقار. مرکزین اوچ بچق ساعتلق مسافه-ده اکشی صو اسمیله بر معدن صوی و قازلی کول نامیله بر ایلیجه بولنیور. مرکزین بش ساعتلق مسافه-ده %ایسجه قره حصار \$ نامیله بر شهر قدیم خرابه-سی وارد. طاغرده آیی، قورت، طوموز، تیلکی، کیک، قره-جه، طاوشان، ککلیک، طوی، اوردک و سائر حیوانات و طیور کثرتله بولنیور.

1-3627-5

قره حصار صاحب

سنجاغی. خداوندکار ولایتی ترکیب ایدن بش سنجاغک بری و اک جنوب شرقیسی اولوب، شمالاً و شمال غربی جهتندن کوتاهیه سنجاغیله غرباً آیدین، جنوباً و جنوب شرقی طرفندن قونییه، شرق شمالی جهتندن-ده آنقره ولایتلریله محاطدر. '37° 40' ایله '20° 38' عرض شمالی آره-لرنده ممتد اولوب، '28° طول شرقی خطی همان اورته-سندن کچر. مساحه سطحیه-سی 16700 مربع کیلومتره اولوب، 256961 اهالیسی وارد، که بولنردن 5040 ی ارمنی و 21 ی روم اولوب، قصوری کاملاً مسلم و ترکدر. سنجاق: قره حصار، بولوادین، عزیزیه و صندقلی اسملریله 4 قضایه منقسم اولوب، 5 ناحیه و 437 قریه-یی حاویدر. اراضیسی طاغلق و مرتفع اولوب، سنجاغک شرق جهتنده امیر طاغی، جنوب طرفنده سلطان طاغی، غرب طرفنده دخی آلتی پارمق ایله میمون طاغی بولنیور. آناتولینک غرب جهتنگ اک مرتفع بری اولدیغی، صولرینک هر طرفه آقسندن و قره دکیز و آطه-لر دکیزی مائه-لریله قونییه جهتنده-کی حوضه داخلیه-ده اراضیسی بولنمسیله آکلاشیلنیور. حقیقه آناتولینک اک بیوک صولرندن اولان سقاریه و بیوک مندرس ایرماقزینک منابعی بو سنجاقده اولوب، لوانک شرق شمالی قسمی سقاریه، و غرب جنوبی جهتی مندرس حوضه-سی داخلنده بولنیور؛ و قسم وسطی و جنوبیسنک صولری قونییه ولایتی حدودنده و داخلنده-کی کوللره منتهی اولور. ذکر اولنان طاغلق آره-سنده و انهار مذکوره و ادیلرنده مرتفع و لکن پک منبت بر طاقم واسع اووره-لر بولنوب، بولنرده ذخایر متنوعه و علی الخصوص جنسی پک مقبول کلینتی بغدای ایله آفیون، اوزوم، پاموق، بقله، نخود، فاصولیه، کتن، سیسام، کنویر، زیتون، انجیر، کستانه، جوز، پلاموط و سائر میوه-لر و قره توتون دینلن بر نوع عادی توتون و سائر حاصل اولور. بغدای محصولات سنویه-سی 3 ملیون، آرپه 780000، چاودار 160000، مصر 95000، داری 90000 یکی کیله راده-لرنده-در. آفیون محصولات سنویه-سی 350000، تازه اوزوم 1 ملیون، قورو اوزوم 60000، سائر میوه-لر 2 ملیون، پلاموط 5 ملیون، کستانه و جوز یاریمشر ملیون قیه-یه بالغ اولور. بوندن بشقه خیلی مقدار پییغی و تفتیک ایله ایپک، بال، بال مومی و سائر دخی چیقوب، بولنرک همان جمله-سی از میر اسکله-سنه ایندیریلیر. داخل لواده مجموعی 3751 مربع کیلومتره وسعتنده 14 اورمان بولنوب، چام و میشه ایله سائر اشجاری حاوی اولمغله، محلنده استعمال اولنمق اوزره، خیلی کراسته و اودون قطع و کمور اعمال اولنور. معادنه دائر هنوز کشفیات و تحریات اجرا اولنمامش ایسه-ده، یوقاریده ذکر اولنان مرمر اوجاقلری، که مرکز لوانک 30 کیلومتره شمال شرقیسنده واقعدر، وسائط نقلیه-نک اکمالنده دنیاده امثالی بولنمیان انفس و اعلا سماقی مرمر اخراجیله بر بیوک منبع ثروت یرینه کچه-بیلیر. صنایع محلیه خالی و کلیم نسجیله مرکز لواده یاپیلان کار قدیم اسلحه و تلکاری

شیلردن عبارت اولوب، خالی اعمالی علی الخصوص بو لوا دینده کیتدکجه ترقی ایتمکده، و سناغاک پیاغیسنک نفاستی-ده بو صنعتک ترقیسنه یاردیم ایتمکده-در. هواسی عمومیت اوزره صاغلام ایسه-ده، اکثر طرفلرنده یازین پک صیجاق و قیشین همان هر یرده زیاده صوؤقدر. یالکز مندرسک توسعله بطاقلق تشکیل ایتمدیکی بعض یرلرده هوا صیتمه-لیدر. بو بطاقلقرک تطهیری هوایی اصلاح ایتمکله برابر، بو سناغاه بر خیلی اراضی مزروعه دخی قزاندره-جقدر. داخل لواده جمعاً 276 مدارس و مکاتب مختلفه بولنوب، 3690 طلبه و شاکردان دوام ایدیور.

1-3628-5

قره حصاری، مولانا شمس الدین احمد

اعظم خطاطیندن اولوب، صوفی یحیادان و اسد الله کرمانیدن تمشق ایتمش؛ و ثلثه و مثنا تعبیر اولنان خط جلیده بی مانند بولنمشدر. سلطان بایزید خان ثانی دورینه یتیشمش اولدیغی مروی اولوب، 963 تاریخنده وفات ایتمشدر. سلیمانیه جامع شریفنک طاق کبیرنده و پیاله پاشا جامع شریفیله معمار سنانک مرقد و سبیلنده خطلری واردر. سودلیجه-ده جعفر آباد تکیه-سی اوکنده واقع کندی مرقدی طاشنده-کی خط دخی کندیسنکدر. آیاصوفیه کتبخانه-سنده یازیسيله نفیس بر انعام شریف موجوددر. کوله-سی و شاکردی اولان حسین چلبیدن بشقه کندیسنی تقلید ایده-بیلن یوقدر. شاعرک بری دیمشدر که:

@@@

یازینک قره حصاریدر آغاردان یوزینی

\$

2-3628-5

قره خطای

[((خطا)) ماده-سنه مراجعت بیوریه.]

3-3628-5

قره خلیل، چندرلی -*.

[((خیر الدین پاشا)) ماده-سنه مراجعت بیوریه.]

4-3628-5

قره داود، بن کمال

قانونی سلطان سلیمان خان دوری علماسندن اولوب، 948ده وفات ایتمشدر. معاملاتہ دائر کنڈیسنگ اسمیلہ شہرت بولمش بر کتابی وارد.

5-3628-5

قره دریا

آسیای وسطیده روسیه-یه تابع ترکستانده سیحون ایرماغنه دوکیلور بر نہر اولوب، نمکنان قصبہ-سی قریبده مذکور ایرماغه دوکیلور. سیحون اورادن یوقاری محلنجہ %نارین\$ اسمیلہ یاد اولندیگی حالده، بو نہرله برلشدکن صکرہ %سیردریا\$ اسمنی آلیر. قره دریا فرغانه و آلی ایله صویق طاغ جبالنگ نقطہ تلاقیسندہ نیعان ایدن %قره قولجہ\$ و %تار\$ چاپلرندن بالتشکل، تقریباً 2 کیلومتره وسعتی اولدیگی حالده، فرغانه وادیسندہ غربه طوغری آقوب، صویبی بر چوق جدوللرله اطرافه اساله اولنه-رق، یولی اوزرنده بولنان بر چوق اراضی-یی سقی و اروا ایدر.

1-3629-5

قره دکیز

1#

آوروپانگ منتهای شرق جنوبیسیله آسیانگ غرب شمالیسی آره-سندہ داخلی بر دکیز اولوب، استانبول بوغازیله مرمره دکیزی و قلعه سلطانیه بوغازی طریقيله آق دکیزله اختلاط ایدر. '56°40 ایله '36°46 عرض شمالی و '1°25 ایله '28°39 طول شرقی آره-لرنده ممتد اولوب، شرقدن غربه بویی 1187 و غرب جهتندہ شمالدن جنوبه اولان عرض اعظمی 613 کیلومتره و مساحه سطحیه-سی 382843 مربع کیلومتره-در. منتهای شرق شمالینده و قریم شبه جزیره-سنگ اوتہ-سندہ واقع اولوب کرچ بوغازیله ایرلمش اولان آزاق دکیزی دخی بو حسابہ داخلدر. اصل قره دکیز، اوکچه-سی غرب جنوبیده، اوجی شرقده و آغزی شمالده اولمق اوزره، بر اسقارپین شکنی ابراز ایدر. سواحلی 4914 کیلومتره طولنده اولوب، استانبول بوغازندن کرچ بوغازینه-دک اولان جنوب و شرق سواحلی یعنی 2048 کیلومتره-لکی آسیا و ینه مذکور ایکی بوغازک آره-سندہ غرب و شمال سواحلی یعنی 2866 کیلومتره-لکی آوروپا قطعہ-سنه عائددر. سواحل جنوبیه-سیله ساحل غربیسنگ قسم جنوبیسی دولت عثمانیه-نگ، ساحل غربینگ قسم شمالیسی بلغارستان و رومانیه-نگ، ساحل شمالی و شرقیسی دخی روسیه-نگ النده-در. روسیه دولتی شمديکی حالده سواحل مذکورہ-نگ یوزده الی بش حصہ-سنه مالکدر. آزاق دکیزی ایران و ساحل غربیسندہ ((اولو دکیز)) اسمیلہ بر کورفز تشکیل ایدن قریم شبه جزیره-سی مستثنی اولدیگی حالده، قره دکیزک کیرنتی و چیقنتیلری چوق اولمیوب، یالکز ساحل شمالینگ قسم غربیسندہ-کی هوجه بک کورفزی ذکرہ شایاندر. آسیا قطعہ-سنه عائد سواحل لب دریایه قدر اینن جبال اتکلرندن عبارت اولوب، یالکز چوروک صو ایله یشیل ایرماق، قزیل ایرماق و سقاریه ایرماقلری جبال مذکورہ-نگ آره-سندن یول بولہ-رق، قره دکیزه دوکیلور. آوروپا قطعہ-سنه عائد سواحلک ایسه ایکی اوجی بر طرفدن استرانجه و بر طرفدن قریمک یایله طاغلرینگ

اتکلرندن عبارت اولوب، قسم وسطیسی دوز و واسع اووه-لرک لب دریایه قدر اوزانديغنی کوستریر. بو قسمده طونه، دنیستر و دنیپر کی اوچ جسم ایرماق کنیش آغزلر و دالیه-لر تشکیل ایده-رک، دکیزه دوشر.

قره دکیزک اکثر طرفلرنده تا ساحلک یاننده یوز متره-دن زیاده درینلکی اولوب، انکینه طوغری آچلدقجه، درینلک زیاده-لشمکله، بعض یرلرده ساحلدن 60 کیلومتره-لک مسافه-لرده 1200 و 120 کیلومتره-لک مسافه-ده 1800 متره-دن زیاده عمقی واردر. بالکز آراق دکیزی و قریم شبه جزیره-سنگ اوجیله برغوس کورفری آرہ-سنه بر خط چکلدیکی حالدہ بو خطک شمالنده قالان شمال غربی گوشه-سی بیوک انهارک دوککلری قوم و چامورلرله طولہ-رق صیغجه-در. قره دکیزک بر خاصه-سی-ده آطہ-سزلغی اولوب، طونه منصبک قارشیسندہ بولنان %بیلان آطہ-سی-له اوچاقوفک 14 کیلومتره غرب جنوبیسندہ بولنان %برزان\$ و آناتولینک قوجه ایلی ساحلی قریبندہ-کی %کفکن\$ آطہ-لرندن بشقه هیچ بر جزیره-سی یوقدر، و بو اوچ آطہ دخی قاله آلمیہ-جق درجه-ده کوچک و اہمیتسزدر. قره دکیز تقریباً ایکی بچق ملیون مربع کیلومتره وسعتندہ اراضینک صولرینی جمع ایدوب علی الخصوص اروپا ساحلندن دوکیلن طونه، دنیستر، بوغ، دنیپر و دون ایرماقلری ایلک بهارده قیشدن بریکمش قار و بوزلرک اریمسندن پک کلیتی صولر دوکمکله، دکیزک تخراتی بوکا تقابل ایده-مدیکندن، فضلہ-سی استانبول بوغازندن مرمره واسطہ-سیله آق دکیزه دوکیله-رک، دائمی صورتندہ بر آقتنی یاپیور. انهارک دوککلری طاتلی صولرک کثرتندن طولایی قره دکیزک صویی آق دکیزک کندن چوق دها طاتلی و دها خفیدر. مع هذا آقتنی دائما قره دکیزدن آق دکیزه وقوع بولسه، مرور زمانله قره دکیزک صویی بسبتون طاتلی اولمق اقتضا ایده-جکندن، آق دکیزدن قره دکیزه دخی آنفور و دریندن آقتنی وقوعی شہہ-سزدر. ذاتاً استانبول بوغازندہ بو حال دخی حس و مشاہدہ اولنیور. بوندن ماعدا استانبول بوغازندن کچمک اوزره کلن آقتینک بتوننی بوغاز آلمدیغندن، برر قسمی روم ایلی و آناتولی ساحللی بوینجہ کری دونر؛ و بو وجہله قره دکیزک بتون سواحلی بوینجہ دائمی صورتندہ بر دوران حاصل اولور. روز کارلری و بورہ-لری دخی پک سرت و شدتلی اولوب، هر لسانده اسکیدن بری ((قره دکیز)) معناسنی افادہ ایدر اسملرله تسمیہ اولنسی بو سببہ مینیدر؛ بوقسہ صویی، آز طولی اولدیغندن، هر دکیزک کندن آچیق رنکده-در. اسکی یونانیلر بو دکیزه اصل %پونتوس\$ نامنی ویروب، بو حالنه بناءً ((غریب نانواز)) معناسیله (آسنوس) صفتنی دخی علاوه، و بعدہ حسن تعبیر و تفأل صورتیله بو صفتی ((مهماننواز)) معناسیله (آسنوس)ه تحویل ایتمشلردی. (ملاس) یعنی ((قره)) صفتیله دخی یاد ایدرلردی. عرب جغرافیونی %پونتوس\$ اسمنی نقطہ-لرک تقدیم و تأخیریله %نبطش\$ و %بنطش\$ صورتلرنده استعمال ایتمشلردر. جنوب و جنوب غربی روزکارلری بحر مذکورک جنوب شرقی، و اصل بورہ دینلن شمال شرقی روزکاری دخی جنوب و جنوب غربی جهتندہ شدتلیری اجرا ایدرلر.

ازمنہ قدیمہ-ده آق دکیزک هر طرفندہ مہجرلر و تجارتکاهلر آچوب، بحر محیط آطاسی-یہ دخی چیقان فنیکہ-لیلر هر نصلسہ قره دکیزه چوق یناشمامشلردی. بو دکیزده اک اول سیر و سیاحت و تجارت ایدنلر یونانیلردر. تا اومیروسک زمانندہ کرک نفس یوناندن و کرک آناتولینک سواحل غربیہ-سیله جزایر بحر سفیدده تأسس ایتمش اولان یونان مہجرلرندن بر طاقم کمجیلر داردائل و بوسفور بوغازلرندن مرورله، قره دکیزک سواحلندہ بر طاقم مہجرلر و تجارتکاهلر تأسس ایتمکہ باشلامش؛ و قره دکیزله آراق دکیزی آرہ-سندہ-کی %کرچ\$ بوغازینہ دخی اہمیت ویرہ-رک، ینہ %بوسفور\$ نامیله تسمیہ ایندکلری بو بوغازده %تاناییس\$ اسمیله بر شہر بنا ایتمشلردی. تا او وقتلردن قره دکیزک او جہتی بغدادی و سائر ذخایر اخراجاتیله و سواحل جنوبیہ-سی ایسہ میوہ و سائر محصولاتریلہ شہرت بولمشدی. ماکدونیہ-لی فیلیپک زمانندہ قره دکیزک یونانیلر واسطہ-سیله اجرا اولنان تجارتی اوج کمالہ واصل اولمشدی. بعدہ آسیادن اروپایہ مہاجرت ویا آقین ایدن اقوام مختلفہ-نک قره دکیزک سواحل شمالیہ-سنی تعقیب ایده-رک کچمسی تجارت و امنیته مانع اولوب، نہایت آلتنجی قرن میلادیہ قسطنطنیہ روم

ایمپراطور لری کرچ بوغازینی ضیطله، اسکی تجارتی احیا ایتمکه چالیشمشلر سه-ده، او صره-ده او جهتلرده کسب قوت ایدن ترک اقوامندن (خزر) لر روملره غلبه چالمشلردی. خلفای عباسیه زماننده آروپانک او جهتلریله آسیانک ممالک متمدنه اسلامیه-سی آره-سنده اجرا اولنان تجارت برأ و بحر خزر واسطه-سیله اجرا اولندیغندن، قره دکیز طریقی خیلی وقت اهمیتسز قالدقن صکره، وندیک و جنوه جمهوریتلری بحر مذکورک بوغاز و ساحلر نده بر چوق نقاط مهمه تجاریه الده ایدوب، اجرای تجارتیه باشلامشلر دیسه-ده، چنکیز و تیمورلنک خروجلر ندن صکره روسیه-نک جنوب و شرق جهتلر نده تشکل ایدن تاتار خانقلری و نهایت بوغازلری و قره دکیزک سواحل جنوبیه و غربیه-سنی ضبط ایدن دولت عثمانیه مذکور ایکی جمهوریتک قره دکیزده-کی مناسبتلرینه ختام ویرمشلردر. چوق کچمه-دن قره دکیزک سواحل شرقیه-سی و کفه و آزاق دخی دولت عثمانیه-یه کچوب، سواحل شمالیه-یه حکم ایدن قریم خانلرینک-ده بو دولتک تحت تابعیتیه کیرمسلیه، قره دکیز دائراً مادر بر عثمانلی دکیزی اولمشدی. اون بدنجی قرن میلادی نهایتنده بیوک پترو آزاق دکیزک ساحلنه مالک اولمغله، روسیه دولتی قره دکیزه اشتراک ایدوب، ایکنجی قاترینه زماننده قریم و بسارابیه-یی دخی التحاق ایتمکله، بتون سواحل شمالیه-یه و نهایت ماورای قافقاسده-کی فتوحات تدریجیه-سیله بحر مذکور سواحلنک نصفندن زیاده-جه-سنه مالک اولمش ایسه-ده، قیولری حکمنده اولان بوغازلر دولت عثمانیه-نک النده بولمغله، دولت مشار البهانک بو دکیزده-کی حصه-سی ده ااهمیتلیدر. برلین معاهده-سیله رومانیه دولتی دوبریچه ساحلنه مالک اولمغله، دولت عثمانیه و روسیه-دن صکره بو دولت صغیره دخی قره دکیزه حصه-دار اولمشدر. قره دکیز بتون آروپا روسیه-سیله بلاد قافقاسک و آناتولینک و بلغارستان و رومانیه-نک مخرجی اولدقن بشقه، قریبیتی جهتیه ایرانک، پوتی و باطومدن باکویه اولان دمیر یول خطی مناسبتیه، آسیای وسطینک و طونه واسطه-سیله مجارستان و آوستریا ایله بتون آروپای وسطینک مخرجیدر. کرک طونه و کرک روسیه-ده-کی بیوک ایرماقلر تا یوقاریلره قدر سیر سفاننه صالح اولمغله، بو انهارک جمله-سی برر تجارت اولوغی اولدیغی کبی، سواحلنده بر قاچ بیوک اسکله-سی-ده واردر. بونلرک باشلیجه-لری: روسیه-ده هوجه بک، سیواستوپول؛ بلاد قافقاسده پوتی، باطوم؛ آناتولیده طربزون، کیرسون، صامسون، سینوب؛ روم ایلنده بر غوس، وارنه؛ دوبریچه-ده کوستنجه و سائره-در. قره دکیز سواحلنده ساکن بولنان اقوامدن اک زیاده کمیجیلکه استعداد و مهارتی اولانلر جنوب شرقی سواحلنده ساکن لازلر اولوب، بونلر قره دکیزک نهنگلری دینلمکه سزادر.

1-3631-5

قره دولنکرای

دولت کرای اسمیه مسمی قریم حائلرینک اوچنجیسیدر. [(دولنکرای) ماده-سنه مراجعت بیوریه].

2-3631-5

قره-سی

اصلی %قره عیسی\$ اولان بو اسم آناتولینک غرب جهتنده بر خطیه علم اولمشدر، که بیغا، صاروخان، کرمیان، و خداوندکار خطه-لریله محاط اولوب، مرمره دکیزنده قپو طاغی جوارنده و آطه-لر دکیزنده مدالی

قارشيسنده ادرميد كورفزنده برر مقدار ساحللى و اردر. همان تماميله %ميسيا\$ خطه قديمه-سنه معادلر. قره-سى بر قاچ سنه اول بيغا ايله برلشديريله-رك آبريجه بر ولايت اتخاذا اولنمش ايسه-ده، ينه سنجاغه ارجاع و خداوندكار ولايتنه الحاق اولنه-رق، اليوم بو حالحه بولنيور.

قره-سى سنجاغى خداوندكار ولايتنى تركيب ايدن بش سنجاغك برى و اك غربيى اولوب، شمالاً مرمره دكيزيله، شمال غربى جهتندن بيغا مستقل متصرفليغه، غرباً آطه-لر دكيزيله، جنوباً آيدين ولايتيله، شرقاً دخى كوتاهيه و بروسه سنجاقلريله محدوددر. مرمره دكيزنده-كى مرمره جزيره-سييله امير على، پاشا ليمانى و افسيا آطه-لرى دخى بو سنجاغه ملحقدر. $39^{\circ} 5'$ ايله $40^{\circ} 40'$ عرض شمالى و $15' 24^{\circ}$ ايله $25' 26^{\circ}$ طول شرقى آره-لرنده ممتد اولوب، مساحه سطحه-سى 15200 مربع كيلومتره و اهاليى 339677 كشيدير. اراضيسى خيلى عارضه-لى اولوب، مرمره ساحلنه قريب اولان يرلرى دوز و اووه-لق ايسه-ده، حدود غربيه-سنده قاز طاغى، حدود جنوبيه-سنده ماداراس و زنجيرلى، حدود شرقيه-سنده چتال طاغ و اورته طرفلرنده بعض منفرد طاغلر بولنيور. مياھ جاريه-سى چوق اولوب، اك بيوك نهري %صو صيغيرلى\$ نهريدر، كه سماو دره-سى و قره دره اسملريله كوتاهيه سنجاغك سما و قزاسنده ايكي محلدن نبعانله، صنديرغى قزاسنه بالدخول، شرقدن غربه و بعده جنوبدن شماله جريان ايدنه-رك، بيغاديچ بعده باليكسرى و نهايت باندير مه قزالرينه كيردكن صكره، بروسه سنجاغك ميخاليچ قزاسنه دخول ايله، نيلوفر نهريله بعد الاجتماع مرمره دكيزينه دوكيلور؛ و فيضانى زماننده ميخاليچ كوليله دخى قاريشير. ايكنجيسى %مانياس\$ چايبدر، كه باليكسرى قزاسنك جنوبنده نبعانله، شمال شرقى-يه طوغرى جريان، و باندير مه قزاسنه دخول ايدنه-رك، همنامى اولان كوله دوكيلور. اوچنجيسى بونك غرب جهتنده و سنجاغك حدود غربيه-سى قزبنده ينه جنوبدن شماله جريان ايدن %قوجه چاي\$ و نام ديكرله %كونان چاي\$در، كه ادرميد و كونان قزالرينى شق ايتدكن صكره، بيغا سنجاغنه دخول ايله، اردك كورفزينه دوكيلور. بو وجهله سنجاغك قسم اعظمى مرمره مائله-سنده بولنوب يالكز ادرميد كورفزينك اطرافنده اولان ادرميد قزاسنك قسم غربييله كمر و آيوالق قزالرنده جريان ايدن بر طاقم كوچك دره-لر آطه-لر دكيزينك مذكور كورفزينه دوكيلور. مرمره ساحلى قزبنده باندير مه قزاسنده %مانياس\$ اسميله واسع بر كول بولنيور. آطه-لر دكيزنده-كى ساحلى مدلى آطه-سى قارشيسنده بر كورفز تشكيل ايتديكى كى، مرمره دكيزنده دخى ايلرى-يه كيتدكجه توسع ايدن قيو طاغى شبه جزيره-سى شرق جهتنده باندير مه و صول طرفنده اردك كورفزلىنى تشكيل ايدور.

اراضيسى منبت و محصولدار اولوب، باشليجه محصولاتى بغداى، آرپه، چاودار، يولاف، مصر، دارى، سيسام و سائر حبوباتله پاموق، آفيون، كتن، كنوير، توتون، بقله، نخود، فاصوليه، مرجمك و سائر سبزه-لرلك انواعى ايله اوزوم، زيتون، انجير، كستانه، جوز و سائر ميوه-لر حاصل اولور؛ و خيلى شراب، زيتون ياغى، قورو اوزوم، راقى، پلاموط، ايپك قوزه-سى، بال، بال مومى و سائر اخراج اولنور. يالكز باندير مه و اردك جهتى اوزوم اخراجات سنويه-سى 15، و شراب اخراجاتى 8 مليون، راقى اخراجاتى دخى 400000 كيلوبى متجاوزدر.

اورمانلرى پك چوق اولوب، دولت طرفندن اداره اولنان يدى عددى 3337 مربع كيلومتره وسعتنده-در. بونلرده ميشه، چام، ديش بوداق و سائر آغاجلر بولنه-رق، محلنده صرف اولنان كراسته ايله ترسانه-ده قوللانيلان بعض آغاجلر و اودون قطع اولنور. طرق و معابر ك فقدانندن طولايى هنوز استعمال اولنه-ميان اورمانلرى دخى پك چوق اولوب، بعضلرى ايچلرينه كيريله-ميه-جك درجه-ده صيق و اشجار مختلفه-يى حاويدر. بونلرلك تازه بوداقلرى كچيلر ايچون قوللانديغى كى، كوليلر طرفندن اودون و كمور قطع و اعمالنه و تخته-دن انواع آلات و ادوات ياپمغه قوللانيلير؛ و پلاموط، ميشه قبوغى، قطران و سائر دخى اخراج اولنور. يالكز باليكسرى قزاسنده بولنان و برى 5000 ديكرى 3000 يكي دونم وسعتنده اولان ايكي اورماندن كلينتى پلاموط چيقار. معادنجه بو

سنجاق ممالک عثمانیه-نک هر طرفندن زیاده زنکین اولوب، بر چوق یرلرنده سیملی قورشون، بوراقس، باقیر، کمور، قروم، مغنزییا و سائر معدن بولنمشدر؛ و بر طاقملری چیقارلمقده-در. معدن صولری و امراض مختلفه-یه نافع ایلیجه-لری چوق اولوب، آنجق اکثری ابنیه-دن خالی و استعماله غیر صالحدر. آیوه-لق قضااسنده بر محکمه بولنوب، سنوی ایکی بچق ملیون کیلو قدر طوز ویرر. حیوانات اهلیه-سندن اک چوق بولنانلری صیغیر و ایکنجی درجه-ده قویون، کچی و سائر-دن عبارت اولوب، تولدات سنویه-سی 200000 صیغیر، 344500 قویون، 123200 کچی، 182300 تفتیک کچیسی، 35000 بیکیر و استر و 3000 دوه-دن عبارتدر. قویونلرک سودندن محلنده صرف اولنور بر جنس پینیر یاپیلوب، اینک سودندن چیقاریلان یاغ ایله مانده سودندن یاپیلان قیماق باشلیجه استانبوله نقل اولنور. پیاغی و تفتیک دخی اوروپایه اخراج اولنور. اورمانلری و طاغلری بیانی حیوانلرله مملو اولوب، آیی، قورد، طوموز، تیلکی، بر نوع کوچک پارس، وشق، چقال، صرتلان، بیانی کدی، پورسوق، صو سموری، کیک، بیانی کچی، قره-جه، کلپتلی طاوشان، طیورک انواعی و علی الخصوص سولون، ککلیک، بیلدیرجین، چوللق، بیانی قاز و اوردک و هندی و سائره بولنور.

قره-سی سنجاغی معارفجه ایلریده-در، دنپله-مزه-ده، سائر یرلره نسبتاً کرک اسکیدن موجود مدرسه-لری و کرک مکاتب جدیده-سی چوق اولوب، یالکز مرکز لوا اولان بالیکسری شهرنده 15 مدرسه، بر مکتب اعدادی، بر مکتب رشدی، مدرسه ادبیه عنوانیله بر خصوصی مکتب، 4 مکتب ابتدائی و 2 کتبخانه موجوددر. بتون سنجاقده-کی مکاتبک عددی 366یه و بولنره دوام ایدن شاکردان و طالبات تقریباً 10000 مقدارینه بالغ اولیور.

صنایع محلیه ایلیکن بز، ایکندن قماش، یوکن عبا و سائره ایله خالی، کلیم نسجیله معمولات دباغیه، صابون و سائره اعمالندن و حراز و دکرمین و زیتون یاغی و شراب فابریقه-لریله محصولات ارضیه-یی قوللانان صنایعدن عبارت اولوب، بولنرک چیقاردقلى شیلر دخی محصولات ارضیه ایله برلشه-رک، بولنرک هنوز پک کری اولمسيله برابر، خیلی ایشلک بر تجارته میدان ویریورلر. تجارتي آطه-لر دکیزنده ابوالق و چای آغزی و مرمره-ده اردک و باندیرمه اسکله-لرندن اجرا اولنوب، سنوی تقریباً بر بچق ملیون عثمانلی لیراسی قیمتنده اخراجات و بونک آنجق آلتیده بری نسبتنده ادخالات وقوع بولیور. باندیرمه-دن بدأ ایله بالیکسریدن کچه-رک ادرمید کورفزیینه منتهی اولان برتک شوسه مرکز لوایی ایکی جهتده-کی اسکله-لره ربط ایدر. یالکز مرمره ساحلی قریبنده واقع مانیاس کولنک قیشین صولری طاشوب، یازین چکلمکله، بعض بطاقلقر قالدیغی کبی، ادرمید کورفزیینه دخی بعض بطاقلقر بولنوب، بو ایکی یرده بعضاً صیتمه-لر حکم سوربیورسه-ده، لوانک سائر هر طرفنده هوا پک صاغلام و معتدل و صولری لطیف و خوشکواردر. اهالی لوادن یالکز 80000 قدری روم، 8500 ی ارمنی، 1500 ی بلغار، 500 ی اسرائیلی و قصوری کاملاً مسلمدر. روملر باشلیجه باندیرمه و اردک ایله آیوه-لق و ادرمیده بولنوب، داخلده بولنانلری ترکجه لسانله متکلمدرلر. ارمنیلر یالکز قصبه-لرده بولنوب، بولنری دخی لسان ترکی ایله متکلمدرلر.

قره-سی سنجاغی بر وجه آتی 9 قضایه منقسم اولوب، 13 ناحیه و 943 قریه-یی حاویدر:

قضا

نواحی

قرا

بالیکسری

بالیه، ایورندی، کیره سون، کبسود، فرط، بلاط

آبوه-لق	
41	
کمر ادرمید	
41	
ادرمید	
امرود آباد، آونیه	
123	
اردک	
قپو طاغی، پاشا لیمانی، مرمره	
34	
باندیرمه	
ابدنچک، مانیاس	
89	
کونان	
73	
بیغادبج	
51	
صندیرغی	
68	
943	

1-3633-5

قره شهر

چینه تابع ترکستان شرقیده %قورله\$نک 50 کیلومتره شمال شرقیسنده و باغراج کولنه دوکیلن %خیدو\$ نهری اوزرنده قضا مرکزی بر قصبه اولوب، مقدا خیلی معمور و بیوک ایکن، شمدیکی حالدده قالموق و سائره-دن درمه چاتمه اهالیسی وارد.

2-3633-5

قره صو

بو اسم روم اینلنده درت بیوک نهره ویریلیور:

برنجیسی و اک بیوکی بلغارستانک کوستندیل قضااسنده و صربیه حدودی قربنده نبعانله جنوب، و جنوب شرقی-یه طوغری جریان ایده-رک صاغ و سولدن بر قاچ دره آلدقن، و %ریلو\$ طاغنک غربی اتکنی طولاشدقن صکره،

سلانیک ولایتته دخول ایله، جمعه، ملنیک و تیمور حصاری صولنده براقه-رق، جنوبه طوغری اینوب، سیروز اووه-سنه دوشنجه، شرق جنوبی-یه طوغری دونر؛ و سیروزک آلت طرفنده %تخیانوس\$ اسمیله اوزون برکول و دها طوغریسی بطاقلق تشکیل ایدر؛ و نهایت ینه طویلانه-رق %رندینه\$ کورفرزینه دوکیلور. مجراسی تقریباً و تخمیناً 250 کیلومتره طولنده اولوب، صاغ و صولدن بر چوق تابعلری واردر، که باشلیجه-لری صاغدن آدیغی %استرومجه\$ ایله مذکور %تخیانوس\$ کولنه دوکیلن و درامه جهتنک صولر ینی کوتورن آنکیسته نهرلریدر. اسم قدیمی %استریمون\$ اولوب، شمدی دخی %استرومه\$ اسمیله-ده یاد اولنور.

*- ایکنجیسی سلانیک ولایتته بلغارستان ایله شرقی روم ایلی حدودینی تشکیل ایدن دسیوط طاغی اتکلرندن تبعان ایدن بر چوق چایلردن بالتشکل، جنوبه طوغری جریانله، %نوره قوب\$ قریندن بعد المور، شرق جنوبی-یه طوغری دونه-رک، مذکور دسیوط سلسله-سیله بوز طاغی آره-سندن کچر؛ و اسکجه ایله یکیجه-یی صولده، قواله-یی صاغده براقه-رق، توتون محصولاتیله مشهور اولان واسع بر وادی-یی اروا ایده-رک، طاشوز جزیره-سی قارشیسنک بر آز شرقنده آطه-لر دکیزینه دوکیلور. مجراسی 230 کیلومتره طولنده اولوب، ذکره شایان تابعی یوقدر. اسم قدیمی %نستوس\$ اولوب، شمدی دخی بوندن غلط اوله-رق %مستا\$ده دیرلر.

*- اوچنجیسی %کوچک قره صو\$ دینمکله معروف اولوب، مناستر ولایتته کسریه قصبه-سی قرینده بر چوق دره-لرک اجتماعندن بالتشکل، جنوب شرقی-یه طوغری آقار؛ و کربنه نهریله برلشدکن صکره، شرقه و بعده شرق شمالی-یه طوغری دونه-رک، سرفیجه-نک شمالندن مرور، و قره قریه قرینه و صول ایتدکن صکره، شرقه طوغری دونوب، واردار منصبنک آلت طرفنده بر قاچ آغزندن دکیزه دوکیلور. مجراسی تقریباً 200 کیلومتره طولنده اولوب، لسان محلیده اسمی %لیستریچه\$در.

*- درنجیسی %واردار\$ ایرماغنه تابع اولوب، مناستر ولایت و سنجاغنک قرشووه ناحیه-سی طاغلرندن اینن بر چوق دره-لردن بالتشکل، جنوب شرقی-یه طوغری جریانله، مناستر اووه-سنی شق و اروا ایتدکن صکره، فلورینه قضاسی جهتندن کلن بر چوق صولری دخی اخذ ایله، شرقه و بعده شمال شرقی-یه طوغری دونه-رک، ولایت مذکوره-نک %موریخووه\$ ناحیه-سنی شق ایدر؛ و بعده سلانیک ولایتته کیروب، %تکوش\$ قضاسنی-ده شق ایده-رک، وارداره دوکیلور. مجراسنک طولی 80 کیلومتره قدردر.

1-3634-5

قره صو

آناتولیده دخی بو اسمله بر قاچ نهر اولوب، اک شایان ذکر اولانلری بر وجه آتیدر:

برنجیسی فراتی تشکیل ایدن باشلیجه ایکی قولک بری اولان قره صو، که ارضرومک شمالنده واقع کوک طاغندن و او جوارده-کی سائر طاغلرندن اینن بر چوق چایلردن بالتشکل، پک طولاشیقلی بر طریقله غرب جنوبی-یه طوغری آقار، و ارزجانک جنوب جهتندن و کماخک شمالندن کچه-رک، اکینه و ارمه-دن دیوریکیدن کلن چالطه نهرینی آلیر؛ و بردن بره تبدیل استقامتله، جنوبه طوغری دونر؛ و نهایت کبان معدننک اوست طرفنده شرقدن کلن مراد چاپیله برلشه-رک، فرات ایرماغنی تشکیل ایدر. مذکور مراد نهرینه شرقی و قره صویه غربی فرات دخی دیرلر. مجراسنک طولی 350 کیلومتره-دن زیاده-در.

-* - ایکنجیسی سیواسک عزیزیه قزاسنده خنزیر طاغندن نبعانله، غربه طوغری جریان ایده-رك، قیصریه سنجاغنه کیرر؛ و ارجیاس طاغندن اینن بر چوق چاپلر دخی اخذ ایله، قیصریه-نك شمالندن، کچه-رك، تقریباً 150 کیلومتره-لك جریانندن صکره قزیل ایرماغه دوکیلور.

2-3634-5

قره صو

ایرانك آذربيجان خطه-سنده دخی بو اسمله بر نهر و اردر، که %سوالان\$ جبل منفردینك جنوبی اتکلرندن نبعانله، جنوب شرقی-یه و بعده شرق شمالی-یه طوغری آقه-رق، اردبیلک اوکندن کچدکن، و کیلان حدودی طاغلرندن کلن صولری دخی طوپلادقن صکره، غرب شمالی-یه و بعده غرب جنوبی-یه طوغری جریانله، مذکور سوالان طاغنگ اطرافنه بر نصف دائره چیزدکن، و جنوب و شرق و شمال اتکلرندن اینن صولری طوپلادقن صکره، شماله طوغری دونوب، بر طاقم بوغازلرک ایچندن کچه-رك، مغان اووه-سنه دوشر، و روسیه حدودی قارشیسنده %آراس\$ نهرینه دوکیلور. مجراسی تقریباً 350 کیلومتره طولنده-در.

3-3634-5

قره صو

قریمده بر نهردر، که شبه جزیره مذکور-ه نك جنوبنده بولنان یایله طاغلرندن نبعان اینن بر چوق چاپلرندن بالتشکل، شمال شرقی-یه طوغری جریانله، آزاق دکیزینه دوکیلور @1. قریمک اک بیوک نهری اولوب قره صو بازاری دخی کنارنده واقعدر.

4-3634-5

قره صو بازاری

قریم شبه جزیره-سنگ ایچ طرفنده روسیه-نك تاوریده ایالتنه ملحق سیمفروپول قزاسنده و سیمفروپولک 45 کیلومتره شرق شمالیسنده بر قصبه اولوب، 15000 اهالیسی، 18 جامع شریفی، 3 کلیسای، حماملری، چارشیسی، آت و سائر حیوانات تجارتی، معمولات سراجیه-سی و عبا و کچه و سائر معمولاتی واردر. اسکی قریم خانلرینک اقامتگاهلرندن ایدی.

5-3634-5

قره طاش

آطنه ولایتی ساحلنده و اسکندرون کورفزی مدخلنک غربنده بر برون اولوب، جیحان نهرینک منصبنه قریب آیرلدیغی ایکی قولک آره-سندنه واقعدر. وقتیلله آطه اولوب، مذکور ایرماغک دوکنتیسندن قره-یه کسب التصاق ایتمش اولدیغی مظنوندر. جوارلری مرکز ولایتیه مربوط بر ناحیه اعتبار اولنوب، 72 قریه-دن مرکبدر.

1-3635-5

قره طاش

ازمیر شهرینک همان اتصالنده و غرب جنوبیسنده بر قریه اولوب، شهر مذکورک تفرجگاهلرندن معدوددر.

2-3635-5

قره طاغ

فرنکجه مونتنغرو و اسلاوجه چرناغوره #1 بالقان شبه جزیره-سنگ قسم غربیسنده مستقل پرنسلك صورتده اداره اولنور طاغلق بر بر اولوب، "35' 53' 43° عرض شمالی و 7' 16° ایله 45' 17° طول شرقی آره-لرنده ممتد اولور. اخیراً آرنأؤدلقدن فك ایله الحاق اولنان و بار ایله اولکون اسکله-لرینی حاوی اولان عاریتی بر پارچه ساحلن آدریاتیق دکیزیلله اختلاط ایدوب، اصل قره طاغ ساحلی ایسه دالماچییه-یه ملحق اوله-رق آوستریانک یندنه بولنیور.

حدود و مساحه-سی. *- شمیدیکی حالنده قره طاغ جنوباً آرنأؤدلقله، شرقاً یکی بازارله، شمالاً هرسلکه، غرباً دخی دالماچییه ایله و مذکور ساحلده آدریاتیق دکیزیلله محاط و محدود اولوب، مساحه سطحیه-سی 8475 مربع کیلومتره و اهالیسی 272000 کشیدر. اهالیسی ایچنده یالکز مسئله اخیره-ده ترك اولنان برلرده ساکن 10000 قدر اسلام و ایکی اوج بیک قتولیک بولنوب، قصوری اسلاو و اورتودوقسدر.

حال طبیعیسی، جبال و انهاری. *- قره طاغ، اسمندن دخی آکلاشلدیغی اوزره، عمومیت اوزره طاغلق و صرب بر بر اولوب، آنجق طبیعت اراضیجه ایکی-یه آیریله-بیلیر. تانیکشیق جوارندن کله-رک قره طاغی شق ایله اشقودره کولنه دوکیلن %زته\$ نهری بو مملکتی مختلف ایکی قسمه آیریور. غرب جهتنده قالان قسمی، که نفس قره طاغدر، کلسی و قورو قیادن عبارت اولوب، قیالر یکی یاپلمش بر بنانک طاشلری کی بربری اوستنه آلمش و چوغی یکی قیرلمش کبی دیک و کسکین کوشه-لیدر. بو قیالق طاغلق 1700 متره ارتفاعلرینه قدر چیقارلر. بو جهنک اصلا میاه جاریه-سی و حتی قاینق و چشمه-لری بیله اولمیوب، ایچیلن صو تکمیل صهرنجلردندر. یالکز یاغمور یاغدیغنده طاشلرک آره-لرنده برر سیل آقار. اشجاری دخی اولمیوب، یالکز قیالرک آره-لرنده پک سیرک اوله-رق اگری بو کری بعض چالیلر بینیور. وادی مذکورک شرق جهتنده-کی قسمی ایسه %برده\$ اسمیله معروف اولوب، بو دخی صرب و طاغلق ایسه-ده، طاغلق او قدر طاشلق اولمیوب، طوبراغی، اورمانلری و چای و وادیلری دخی واردر. برده طاغلقینک اک بیوکی %مور اچقه\$ اولوب، شمال غربیدن جنوب شرقی-یه ممتد اولور. بونک منتهای جنوب شرقیسنده 2436 متره ارتفاعی اولان و تا اوزاقدن کورینن %لوم\$ طاغی بولنیور. قره طاغلق شرق و شرق شمالی قسمی و باشلیجه ضمامم اخیره-سی %صاوه\$ و طونه واسطه-سیله قره دکیز، و سائر طرفلری اشقودره کولی و بویانه واسطه-سیله آدریاتیق دکیزی مانله-سندنه بولنیور. اک بیوک

نهری %موراچه\$در، که برده-نك ذكر اولنان %موراچه\$ طاغنگ غرب جنوبي اتكلرندن اینن بر چوق چاپلردن بالتشکل، جنوبه و بعده جنوب غربی-یه طوغری جریان ایدر، و صاغدن %زته\$ نهریله برلشوب، بعده پودغوریچه-نك شمالندن مرورله، اووه-ده صولدن آناؤدلق حدودندن کلن %زم\$ چایینی دخی آلدقن صکره، اشقودره کولنه دوکیلور. بوکا تابع اولان %زته\$ نهرینه کلنجه، نیکشیقک شرق جنوبنده-کی طاغلردن نبعانله، ابتدا شمال غربی-یه طوغری جریان ایدر-رک، %اسلانله\$ کولنه کیردکن صکره، اورادن چیقه-رق، جنوب و جنوب شرقی-یه طوغری جریانله، اشبوزی-یه واصل اولور، و پودغوریچه-نك اوست طرفنده موراچه-یه دوکیلور. طونه-یه تابع اولان انهارک اک بیوکلری %درینه\$ نهرینک ایکی قولى اولان %پیوه\$ ایله %تاره\$ اولوب، بونلرک برنجیسی یینه موراچه طاغلرندن و موراچه ایله زته منابعی قریبده نبعانله، شمال غربی-یه بعده شمال شرقی-یه و نهایت شماله طوغری آقه-رق، قره طاغ حدودینک منتهای شمالنده-کی زاویه-دن طیشاری چیقار. تاره ایسه %واصولویچ\$ و %قولاشین\$ ناحیه-لری دره-لرندن بالتشکل طاشلیجه حذاسنده قره طاغ حدودینه واصل اولور، و شمال غربی-یه طوغری خط حدودی تعقیب ایدر-رک، مذکور گوشه-ده و قره طاغ حدودی خارچنده پیوه ایله برلشه-رک، درینه نهرینی تشکیل ایدر. %لیم\$ نهرینه کلنجه، بو نهر غوسینه-نك اوکندن و پلاوه کولندن کچدکن @1 صکره، قره طاغه کیروب، آز بر مسافه قطعندن صکره، یینه حدودی کچه-رک، یکیپازاره کییر. اشقودره کولنک شمديکی حالده نصفه قریب مقداری قره طاغه عائد اولدقن بشقه مذکور %اسلانله\$ کولی و موراچه-نك فضلہ میاهندن تشکیل ایدن %غورینه بلاتو\$ کوللری بولنیور. محصولات و حیوانات و منابع ثروتی. *- قره طاغک محصولاتى پک آز و اهاالیسنک احتیاجاتنه غیر کافی اولوب، باشلیجه زته وادیسیله برده-نك بعض محللرنده و اشقودره کولنه قریب برلرده یتیشدیریلن مصدرن عبارتدر. یینه زته وادیسنده بعض باغلر بولنوب، بر مقدار شراب یاپیلیر، و %بیلوپاولیچ\$ده بر آز توتون حاصل اولور. برده-ده-کی اورمانلرده چام و آق کورکن آغاجلری بولنوب، بونلرک قطع و اخراجندن خیلی استفاده اولنه-بیلیردیسه-ده، طرق موجوده-سی بوکا مساعد دکلر. اهالی قیون و کچی یتیشدیرمکه غیرت ایدوب، پیاغی و قیللرندن کویلیلر کندى ائوابلرینی تهئیته ایدرلر؛ و سوتلرندن پنیر یاپوب، خارجه-ده چیقاریرلر. بر مقدار باصدیرمه اخراجاتی-ده واردر، ریفه نهرنده صارادلیه-دن بیوجک بر جنس بالیق کلینتله چیقوب، قوریدیله-رق، ایتالیا و تریسته و دالمایچه-یه اخراج اولنور. سائر نهرلرله کوللرکده بالیغی چوقدر. معادنجه شمدي-یه قدر جدی تحریات اجرا اولنه-میوب، یالکز برده-ده بر کمور معدنی بولندیغی آکلاشمش؛ و اخیراً اولکون جوارنده خیلی زکین بر کمور معدنی بولنمشدر. هر حالده قره طاغ محصولات و منابع ثروتیله اهاالیسنی بسلیه-میوب، ارککلرینک اکثری طاشجیلق، قالدیرمجیلق، قیوجیلق، رنجیرلک و یساقجیلق کی ایشلرله استانبولده و اوستریانک بعض طرفلرنده و حتی اسکندریه-ده و سان فرانسیسقوده بیله چالیشمغه؛ و قزاندقلى آچه ایله چولوق چوجقارینک مدار معیشتنی اشقودره-دن تدارک و جلب ایتمکه مجبوردرلر. قادیلری پک چالیشقان اولوب، کندیلرینک و ارککلرینک ملیوساتنی کندیلری نسج ایتمکدن بشقه، اولانجه زراعت ایشلری دخی بولنره محمولدر؛ و اون و طوز و سائر مالزمه-لرینی اکثریا تا اشقودره-دن آرقه-لرنده طاشیرلر. حربه دخی ارککلرله برابر کیدوب، مجروح و مقتوللرینی قالدیرلر. جنسیت و لسان و مذهبلی. *- قره طاغلیلر جنوبی اسلاولردن صرب جنسیتنه منسوب اولوب، آنجق جئه و قامتجه و حتی بعض عادات و اخلاقجه دخی اسلاولردن زیاده آناؤدلره مشابهتلری واردر. بوده شوندن ایلری کلیور: کرک قره طاغلیلر و کرک بوشناقلر و هرسکلیر و دالماتلر صرف اسلاو اولمیوب، اسلاو ایله آناؤد جنسیتلرینک اختلاط و امتزاجندن متولددرلر؛ زیرا یدنجی قرن میلادیده اسلاولر او جهتلره کلوب برلشدکلرنده، پروژه و سلانیک کورفزندن تریسته جوارلرینه قدر %ایلیریبا\$ دنیلن قطعنه-نك بتونی آناؤدلق و آناؤد اهالی ایله مسکون ایدی. هر نه قدر اسلاولر کلینتلی اولوب، مقاومت ایدمه-مکه، بر طاقلری طاغلمش، ویا شمديکی

آرناؤدلغه چكلمش اولملرى ملحوظ ايسه-ده، بر خيلى مقدارينك دخی قالوب، يكي كلن اهالى ايله قاريشمش اولملرى دخی طبيعيدر. هر حالده، اليوم قره طاغليرك صربيليرله بوشناقلردن جنسيتجه بر فرقلرى اولميوب، عين لسانله متكلمدرلر. موقعلرى اقتضاسنجه كنديلرى جسور و جنكاور آدملردر. جمله-سى اورتودوقس مذهبنه تابعدرلر. يالكز اخيراً آرناؤدلق جهتندن الحاق اولنان يرلرده جنسيتجه آرناؤد ومذهبه مسلم بر خيلى اهالى بولنوب، هله اولكونك اهاليلى كاملاً آرناؤد و مسلمدر. ادبياتلرى صربيليرله مشترك اولوب، سائر اورتودوقس اسلاولر كى لسانلرينى (كيريل) حروفيله يازارلر.

اصول اداره-سى، قوه ماليه و عسكريه سى. -* - قره طاغ برلين معاهده-سندن برى كسب استقلال ايتمش بر پرنسلك صورتده اداره اولنوب، پرنسلك ارثاً و اكبر اولاده انتقالاً (پتروويچ نيفوس) عائله-سنگ افراد ذكورينه منحصردر. پرنس بش كشيدين مركب بر هيئت وكلا تعيين ايدر. كنديسى دخی (سناتو) اسميله بر مجلس استشاره-يه رياست ايدر. اداره ملكيه و عدليه-سى پك ساده و قوانين و نظاماتى پك شدتلايدر. مملكت 15 ناحيه-يه منقسم اولوب، هر بر ناحيه بر قاج قيودانلغه منقسم و هر بر قيودانلق بر قاج چته-يى حاويدر. بو اسملردن دخی آكلاشليدى كى، اداره-سى و تقسيماتى دخی اداره عسكريه و سپاهيانه تقسيماتدن عبارت اولوب، ناحيه مديرلرى هم قوماندان هم ملكيه مأمورى هم-ده حاكم وظائفنى ايفا ايدرلر. هر قره طاغلى اون بش ياشندن آلمش ياشنه-دك عسكرو اولوب، حرب زماننده جمله-سى ذاتاً باشلرنده بولنان قوماندانلر و قيودانلر قيادتيله سوق، و خارجه بولنانلرده همان جلب اولنورلر. بو وجهله 36000 عسكرو قدر چيقاره-بيلير. واردات سنويه-سى 600000 فلورين يعنى تقريباً 60000 عثمانلى ليراسى اولوب، بونك بر سدسى پرنسك تخصيصاتنى تشكيل ايديور. قنارودن چتینه-يه قدر طولاشه-رق چيقار بر آراهه يولى اولوب، واردات مساعده ايتدكجه سائر قصبه-لرى آره-سنه دخی آراهه ايشلر شوسه-لر انشاسنه غيرت اولنمقده-در. مكاتبك تكثيريله معارفك ترقيسنه دخی چوق همت اولنمقده-در. چتینه-ده بر مطبعه بولنوب، بر غزته دخی نشر اولنيور. اخراجاتى سنوى 5 مليونه بالغ اولور. تقسيمات ملكيه-سى، معموره-لرى. -* - قره طاغك منقسم بولنديغى 15 ناحيه-نك اساميسيله مساحه سطحيه و نفوسلرى بر وجه آتيدر:

####

نواحى قديمه

نفس قره-طاغ

برده

جمعاً نواحى قديمه

قاتونسبقه

آرونيچه

ريقه

ايشانسقه

بيلوپاوليچ

پيبرسقه

موراچقه

واسويويچقه

مربع كيلومترو

1187

209
207
132
570
945
915
532
4697
اهالی
48000
15000
18500
10000
24000
27500
18500
18500
180000
\$
###
نواحی ملحقہ
ہر سکن
آرناؤڈلقدن
جمعاً نواحی ملحقہ
جمعاً قرہ طاغ
بانیاںی و بودین
نیکشیق و دوغہ
پیوہ
درربویاق و پیرا
قولاشین و سارانجی
پودغوریچہ و اشپوزی
قرانیہ باد و اولکون
568
537
812
674

432
379
376
3778
8475
10000
10000
16000
12000
6000
22000
16000
92000
272000
\$

قره طاغاك نفوسى تخمينى و تقريبي اولديغندن، بو جدولده 272000 كوسترلمش ايسه-ده، اكثر استاتستيقلرده 236000 و حتى بعضلرنده 200000 دن زياده ويرلمه-مكده-در.
مركى اولان چتینه بر قريه اولوب، قره طاغاك اليوم حاوى اولديغى بر قاچ قصبه برلين معاهده-سندن صكره قزانديغى يرلرده-در. بيكدن زياده نفوسلرى اولان قصبه و قريه-لرى مقدار نفوسلريله برابر بر وجه آتيدر:

####

پودغوريچه
نيكشيق
اولكون
بار
قولاشين
چتینه
نيفوش
اشپوزى
دانيلووغراد

4000
3000
2000
1500
1500
1200
1200

1000

1000

\$

احوال تاريخيه-سى *- قره طاغ اسكيدن الميريا و بعده يكي ابيردن معدود اولوب، آرنائۇدلغك بر جزئى حكمند، ايدى. يدنجى قرن ميلاديه ايمراطور هر اقليوسك زمانده صربيلير او جهتلره جلب و اسكان اولندقلرى صره-ده، قره طاغ دخى بونلرك بر طاقمى طرفندن وطن اتخاذا اولنمش؛ و بونلر محلنده بولدقلرى اهالى قديمه يعنى آرنائۇدلرله اختلاط و امتزاج ايتمشلردر. قوصوه بوز غونلغنده اطرافه طاغيلان صربيليرك-ده بر طاقمى قره طاغى مدافعه-يه صالح بر ير كوره-رك، اورايه چكلمش اولسه-لر كركدر. او تاريخلرده يعنى اون دردنجى قرن ميلاديه قره طاغ و نديك جمهوريتنك تحت تابعيتنده بولنوب، بعده اون بشنجى قرن ميلاديه ممالك عثمانيه-يه الحاق اولنمشدى. آنجق موقعنك صربلغى و حاصلات فقدانى حسبيله كرك و نديك جمهوريتى و كرك باب عالى قره طاغى رسماً و سياسه ممالكدن عد ايتمكله اكتفا ايدوب، اداره داخليه-سنه پك-ده قاريشامشلردى. باب عالى جزئى و مقطوع بر ويركى-يه مقابل قره طاغ مديرىتنى برلى روسايه احاله ايتمشدى. الحاصل او وقتلرده قره طاغ اليوم اشقودره ولايتنده ميرديته قزاسنك بولنديغى حالده بولنيوردى. قره طاغ پرنسلرندن (يوركى چرنويويچ) 1516 تاريخنده استعفا ايدوب، اداره-يى متره-پوليدلر ترك ايتمكله، او تاريخدن اعتباراً قره طاغ "ولاديقه" تعبير اولنان متره-پوليدلر طرفندن اداره اولنه كلمش؛ و 1697 تاريخندن اعتباراً ولاديقه-لق (نيقوج) فاملياسنه منحصر قالمش ايدى. بو ولاديقه-لردن 1782دن 1830 تاريخنه-دك حكم سورن برنجى پترو پك شدتلى بر طاقم نظامات وضع و شديداً اجرا ايتمكله، حيدودلغك و سائر جناياتك اوكنى آله-رق، قره طاغى ملجا اشقيا اولمقدن قورتارمش؛ و بونك خلفى ايكنجى پتروتن صكره 1851ده ولاديقه اولان (دانيلو) متره-پوليدلك وظيفه و كسوه-سنى ديكرينه تركله، كنديسى (كنز) يعنى پرنس عنواننى آلوب، كندينى آروپايه دخى طانيتديرمش؛ و 1860ده قضاء مقتول اولوب، يكنى اولان شمدىكى پرنس نيغوله خلفى اولمشدر. 1862 و 63ده دولت عثمانيه-يه قارشى طول مدت محاربه ايدوب، بر شى قزانه-مامش؛ و 1876ده هرسك عصيانته اشتراك ايدوب، صربيه ايله برابر دولت متنوعه-سنه اعلان حرب ايتمش ايسه-ده، ينه مغلوب اولمش؛ و بعده 1877ده روسيه-نك اعلان حرب ايتمسندن بالاستفاده، بتكرار ميدان حربيه آلمش ايسه-ده، بو دفعه دخى كلياً مغلوب، و قره طاغ پايمال عساكر عثمانيه اولديغى حالده، برلين قونغر-سى بو كوچك پرنسلكه هم مملكتنك نصفنه معادل يرلر ويرمش، هم ده بستون استقلال قزانديرمشدر. الحاق اولنان يرلردن چوغنك اهاليلى قره طاغيلرله همجنس و هممذهب اولمقدلرندن، قره طاغيلير بو يرلرى آلمغه مقتدر اوله-ميوب، نهايت غوسينه و پلاوه-يه بدل آروپا دولى اولكونك تسليمى تنسيب ايتدكلرى حالده، اونك-ده استيلاسنه مقتدر اوله-ميوب، عاقبت بيچاره اهاليلى قوه جبريه استعماليله قره طاغه تسليم اولنمشلردر. آنجق يكيدين آيرلمق ايچون دخى فرصت و وسيله-يه منتظرديرلر.

1-3638-5

قره طاغ

قوصوه-ده اسكوبك شمال شرقى جهتنده بر طاغدر، كه چچانيق بوغازنده شار طاغنك منتهاسى قارشيسندن باشلايه-رق، كيلان ايله قومانونه آره-سنده صربيه حدودينه طوغرى ممتد اولور. اك يوكسك ذروه-سى 1452 متره ارتقاعنده-در. صربيه-يه كيرن موراه نهرينك منابعى بو طاغك اتكلرنده-در.

2-3638-5

قره طاغ

قونیه ولایت و سنجاغنك قره-مان قضااسنده و بوغا سلسله جبالك شمالنده منفرد بر طاغ اولوب، شرقدن غربه ممتد اولور، ذروه-سی 2400 متره ارتفاعنده-در.

3-3638-5

قره طاغ

ایرانك آذربایجان خطه-سنده بر طاغ اولوب، روسیه حدودی قریبده و آراس نهرینك جنوبنده بو نهرك مجراسیله متوازیاً قوس صورتنده شرقدن غربه ممتد و شرق جهتنده %سوالان\$ جبلنه مربوطدر. شمالی اتکلرندن اینن چاپلر آراس نهرینه، و جنوبی اتکلرندن ایننلرک شرق جهتنده-کیلری بحر خزره منصب قره صویه، و غرب جهتنده-کیلری تبریزدن مرورله ارمیه کولنه دوکیلن %آجی جای\$ه منصب اولورلر.
*- خراسانده مشهدك شرق شمالی جهتنده ممتد اولان %کلستان\$ سلسله جبالنك منتهی قسمنه دخی قره طاغ اسمی ویریلیر.

4-3638-5

قره طاغ

روسیه-نك النده بولنان ترکستانده چینك ایچندن کلن %تیان شان\$ سلسله عظیمه-سی شعبه-لرندن بر طاغ اولوب، شمال غربی-یه طوغری ممتد اولور. عمومیت اوزره ارتفاعی 2000 متره اولوب، بعض ذروه-لری 2135 متره-یه قدر چیقار. بو طاغك کمور، دمیر، باقیر و سیملی قورشون معدنلرینك کثرتندن طولایی اهمیتی زیاده-در.

5-3638-5

قره طاغ، یاخود قره اوتاغ

بخارا خانلغنك حصار ایالتنده و حصارك 25 کیلومتره شمال غربیسنده اوله-رق %سرخان\$ نهری وادیسنك یوقاری جهتنده بر قصبه-در.

1-3639-5

قره-طوه

1#

قوصوه ولايتنك اسكوب سناغنده و اسكوبك 70 كيلومتره شرق شماليسنده اوله-رق %واردار\$ه تابع اكرى دره-يه دوكيلن بر چاي اوزرنده و يوكسك طاغلا اتكنده واقع قضا مركزى بر قصبه اولوب، 7000 قدر اهالييسى، 5 جامع شريفى، بر مدرسه-سى، بر رشديه و ايكي ابتدائيه ايله خريستانلره مخصوص ديكر بر ابتدائيه مكتبي، بر كليساسى، چالار ساعتى، بر حمامى، 80 قدر دكانى و قصبه-نك ايچندن كچن دره-نك اوزرنده دباغخانه-لريله بوياخانه-لرى، دكرمنلرى، كوپريلرى و باقيرجبلغه متعلق معمولاتى واردر.

*- قره طوه قضايسى شمالاً اكرى پلنقه، غرباً قومانووه، جنوباً اشتب و قوچانه قضالريله، شرقاً دخى بلغارستان حدوديله و سلانيك ولايتنك سيروز سناغيله محاط و محدود اولديغى حالده، 42 قريه-يى حاويدر. اراضيسى طاغلق و پك عارضه-لى اولوب، مياه جاريه-سى چوقدر. اراضى مزرعه-سى-ده ضررسز اولوب، حبوبات متنوعه ايله ميوه و سبزه-لرك انواعى و هله ميوه-لرك پك لذيزلرى حاصل اولور. صنايع محليه باشليجه دباغلق و مويتابلق اولوب، قادينلر ال دستكاهلرنده شياق دخى اعمال و تلوين ايده-رك، اثوابلرنده قوللانيرلر. اورمان و مرعالى-ده چوق اولوب، حيوانات اهليه-سى و على الخصوص قويون و كچى ايله صيغيرلرى-ده زياده-جه-در. بو قضايه معادن چوق اولوب، كومش، قورشون، كوكورد، قروم و سائر معدنلر كشف اولنمش ايسه-ده، هنوز هيچ برى چيقارلاماقده-در. يالكز بر دكرمن طاشى اوجاغى ايشلدمكده-در.

2-3639-5

قره عثمان

آق قيونلى دولتتك مؤسسى اولان اوزون حسنك جدى اولوب، تيمورلنكك خروجنده ديار بكر واليسى ايدى؛ و كنديسنه عرض اطاعت ايدوب، روم سفرنده معيتمده كلمشيدى. بعده قره قيونلدين اسكندر ميرزا شاهرخدن قاچه-رق، او طرفه كلديكنده، ديار بكر حدودنده كنديسيله محاربه-يه طوتيشه-رق، كنديني ارضروم خندغنه آتة-رق ويا قضاء دوشه-رك، 838ده تلف اولمشدر. مقدا سيواس صاحبي قاضى برهان الدين ايله اوغلى ابو العباس و شام و حلب صاحبي ملك عادل ايله ماردین حاكمى ملك ساحر عيسايى قتل ايتمش اولديغندن، سر مقطوعى بونلرك حاميسى اولان مصر سلطاننه كوندريله-رك، كونلرجه باب زويله-ده اصيلى براغلمشيدى. خونخوارلغنه بناء (قره بولق) ياخود (قره سلوك) لقبيله ملقب ايدى.

3-3639-5

قره على

خداوندكار غازى دورنده فتوحات و خدمات كثيره-يه موفق اولان غازى تيمورطاشك پدرى اولوب، سلطان اورخان غازينك برنجى سنه سلطنتنده هرکه و جوارلرينى فتح ايتمشدى.

4-3639-5

قره عيسالو

آٹنه ولايت و سناغنده و آٹنه-نك شمال غربيينده واقع بر قضا اولوب، مركزي 500 اهالي-يي جامع %ججه-لي\$ قريه-سيدير. شمالاً قونيه ولايتيله، شرقاً و جنوباً نفس آٹنه مركز قضاسيله، غرباً دخی طرسوس قضاسيله محاط و محدود-در. قضا 88 قريه-دن مركب اولوب، همان جمله-سي مسلم اولمق اوزره، 22185 اهالي-سي واردر. قسم شمالي-سي طاغلق اولوب، قونيه ولايتي حدودنده بوغا سلسله جبالی ممتد اولور. اورادن جنوبه طوغری اراضی قضا کيتدکجه آچالوب، قسم جنوبي-سي اووه-لقدر. مذکور طاغلردن سيحان ايرماغنه منصب اولمق اوزره، چکيد صو و قورشون صوبي شمالدن جنوب شرقی-يه طوغری آقه-رق، اراضی-سي سقى و اروا ايدرلر. طوپراغی پک منبت اولوب، ذخاير متنوعه ايله برابر کليتلې پاموق و سيسام و ميوه و سبزه-لرک انواعی حاصل اولور. داخل قضاده واقع قزيل طاغ يايله-سي آٹنه شهرى اهالي-سناک صيفيه-لرندندر. اهالی قضا بز و آلاجه و عبا کبی شيلر نسج ايدر. درون قضاده 27 جامع، 10 مسجد، 40 مدرسه، 1 کلیسا، 30 صبيان مکتبی، 12 خان، 45 دکرمن، 30 دکان، 5 فرون و سائره موجوددر.

5-3639-5

قره فريه

1#

سلانیک ولايت و سناغنده و سلانیک 60 كيلومتره غرب جنوبیينده و اينجه قره صويه تابع %انادره\$نك اوزرنده اوله-رق اورمانلره مستور بر طاغك شرقی، اتكنده و سلانیکه قدر ممتد اولان واسع بر اووه-نك كنارنده واقع قضا مركزي بر كوزل قصبه اولوب، 8588 اهالي-سي، 19 جامع و مسجدی، 2 مدرسه-سي، يالكز بشی معمور و قصوری خراب و مسدود اولمق اوزره، 60 کلیسای، 4 تکیه-سي، بر رشديه ايله بری انات و بشی ذکوره مخصوص 6 مکتب ابتدایی، 5 خرستیان مکتبی، ایکی قشله-سي، بر عسکری خسته خانه-سي، صو ايله دوندیریلیر 4 اون فابریقه-سي، وقتيله کليتلېجه ياپلمقده بولنمش اولان خاولی و پیششکیر و حمام طاقمی و ایپک منسوجات دستکاهلری و باغ و باغچه-لریله تفرجگاهلری واردر.

*- قره فريه قضا-سي سلانیک ولايت و سناغندك غرب جنوبی جهتنده واقع اولوب، غرباً مناستر ولايتيله، شمالاً وودينه، شمال شرقی جهتندن يکيجه، شرق جنوبی طرفندن دخی قترین قضالریله محاط و محدوددر. اغستوس ناحیه-سيله برابر 45 قريه-دن مركب اولوب، 22983 اهالي-سي واردر. اهالي-سناک بر ثلثی روم، بر ربعی اسلام، 2500 قدری اولاخ، 2000 قدری بلغار و 1500 قدری-ده چنکانه-در. قضانك غرب و جنوب جهتلری طاغلق اولوب، شمالاً واردار واديسنه و شرقاً سلانیک کورفرزی ساحلنه-دك واسع اووه-لر ممتد اولور. غرب جهتنده مناستر ولايتی خط حدودنده %اغستوس\$ طاغی بولنیور. اينجه قره صو نهري سرفيجه جهتندن کله-رک، جنوب غربی گوشه-سنده بر بوغازدن قضايه داخل اولور، قضانك جنوب و غربنده-کی طاغلردن اينن بر چوق چاپلری

اخذ ايله، اووه-لرینی اروا ایدر. طوپراغی پک منبیت و محصولدار اولوب، بغدادی، چاودار، آریه، یولاف، داری، مصر، پورچق، نخود، فاصولیه و سائر حبوباتله پاموق، کتن، توتون، سیسام، اوزوم، و میوه و سبزه-لرک انواعی حاصل اولور. اوزومدن خیلی مقدار شراب دخی اعمال اولنوب، آغستوس شرابی مشهوردر. طوت آغاچلری-ده یتیشدیریلوب، چیقاریلان قوزه-نک مقداری کیتدکجه آرتمقده-در. آریلری-ده چوقجه اولوب، خیلی بال و بال مومی چیقار. اورمان و مرعاری و حیوانات اهلیه-سی دخی چوق اولوب، قویونلرک یوکندن چوراب و ولنجه و سائره و کچیلرک قیلندن چول و چوال کبی شیرلر یاپیلیر. داخل قصاده بر رشديه ايله جماعات مختلفه-یه منسوب 31 ذکور و 3 اناث ابتدائی مکتبی موجوددر. قضا داخلنده %نیشی\$ اسمیله برکول بولنوب، ایچنده سازان، یابین و بیلان بالیقلری صید اولنور.

1-3640-5

قره قاش

چینه تابع ترکستان شرقیده %تاریم\$ ایرماغنه تابع %ختن دریا\$به صولدن دوکیلور بر نهر اولوب، کشمیر حدودی داخلنده %قره قروم\$ جبالندن نبعانله، شماله طوغری جریان ایده-رک، چین حدودینی کچدکن صکره، غربه دونر، و بر خیلی مسافه-ده بو استقامتی محافظه ایتدکن-صکره بر کچید بولوب، شماله طوغری دونر، و بعده شرقه طوغری آقه-رق، ختن دریایه 50 کیلومترویه قدر تقرب ایدنجه، بونکله متوازیاً شمال شرقی-یه طوغری جریانله، ختنک حذاسندن برآز آشاعیده همنامی اولان قصبه-نک اوکندن مرورله، ختندن 140 کیلومتره آشاعیده ختن دریایه دوکیلور. مجراسنک بویی 575 کیلومتره قدردر.

2-3640-5

قره قاش

چینه تابع ترکستان شرقیده و ختنک 50 کیلومتره غرب جنوبیسنده و همنامی اولان آنف البیان نهرک اوزرنده قضا مرکزی بر قصبه اولوب، 7000 قدر اهالیسی واردر. خانه-لری نهرک ایکی ساحلنده طاغنیق بر حالد-در.

3-3640-5

قره قال

1#

رومانیه-نک افلاق مملکتنده و بکرشک 134 کیلومتره غرب جنوبیسنده اوله-رق %آلوته\$ نهرینک صول کنارنده بر قصبه اولوب، 12000 اهالیسی واردر.

4-3640-5

قره قالپاق

ترك اولوسلرندن بر بيوك اولوس اولوب، خوارزم و اژدرهان جهتلرنده قيرغيزلرله تركمنلر آره-سندھ بولنيورلر. سييريه-نك توبولسق ايلتندھ، زرافشان واديسنده، فرغانه\$ خطه-سندھ و سائر جهتلرده دخى (سارت)لر و سائر اقوامله قاريشيق ياشايورلر. عن اصل خيمه نشين ايسه-لرده، شمديكى حالده اكثرى و على الخصوص طاغنيق بر حالده بولنا نلرى ساكن و زراعت ايشلريله مشغولدرلر. جيحونك آشاغى مجراسى اطرافنده-كى نملى چوللرده اك غلبه-لكلى اولوب، 52000 نفوسه بالغ اولورلر. يالكز خيوه خانلعدنه بولنانلر 125000 قدر تخمين اولنوب، مجموعى 200000ى متجاوز اولسه-لر كركدر. كنديلرى ايرى و زورلى آدملر اولوب، يوزلرى ياصى، كوزلرى بيوك، برونلرى قيصه، چكه-لرى كنيش، اللرى بيوكدر. مع هذا قاريلرى او جهتجه اك كوزلردن صاييلير.

1-3641-5

قره قوروم

مغول دولت چنكيزيه-سنگ پايتختى بولنمش بر شهر قديم اولوب، اليوم خرابدر. چينليلرجه %خولپن\$ ياخود %خورپن\$ اسميله معروف اولان بو شهر اويغور حكمدارلردن بوقوخان طرفندن سگزنجى قرن ميلاديدھ تاسيس اولنمش؛ و چنكيز خان اردوسنك خيمه-لرينى بو شهرك خارجنده قورمغله، مغوللرجه %قره قوروم\$ اسميله شهرت بولوب، تورونى قبلاء قان طرفندن پايتخت اتخاذا اولنمشيدى. قره قورومك معموريت دورى او وقت آچيلوب، اصل مغوللره مخصوص قسم وسطيسنده پك چوق بئخانه-لر و سرايلر، چينليلره مخصوص قسمنده بر چوق بودا معبدلرى و اسلام محلاتنى جامع جهتندھ دخى متعدد جوامع و مساجد و پك ايشلك بر چارشى و بازار وار ايدى. بو شهر مغوللر ك شوكت و شانيله برابر نابديد اولوب، يقين وقتھ كلنجه-يه قدر محلى دخى معلوم دكليدى. اخيراً بعض سياحلر طرفندن "24' 32' 47° عرض شمالى ايله °101 طول شرقيدھ و %اوكى نور\$ كوليله %اورخون\$ نهري قربنده خرابه-لرى كشف اولنمشدر.

2-3641-5

قره قوروم، نام ديكرله موزطاغى

آسيباى وسطيدھ تيبناك حدود غربيه-سندن پامير خطه-سندھ-ك كشميرك شرق جهتندھ جنوب شرقيدن شمال غربيه-يه ممتد بر طاغ اولوب، كره ارضك هيمالايه سلسله-سندھ-كى %غاورسنگار\$ دن صكره ارتفاعه ايكنجى طاغيدر. و اك يوكسك ذروه-سى اولان %داپسنگ\$ك 8596 متره ارتفاعى اولمغله، مذكور غاورسنگاردن يالكز 220 متره آلچقدر. پك يوكسك بوغازلرى و اوزون بوز دره-لرى اولوب، اتكلرنده ساكن اولان ترك اهالى بو مناسبتله بو طاغھ ((بوز طاغى)) معناسيله %موز طاغى\$ دخى ديرلر. هر نه قدر بو طاغك هر ايكى طرفى دخى انكلتره-نك هند الكاسندن معدود ايسه-ده، هيمالايه سلسله عظيمه-سنگ اوست طرفى حكمنده اولان بو جبل عظيم هر جهتجه فرقى و متباين ايكى عالم آره-سندھ بر خط فاصل اولوب، شمال شرقى اتكلردن اينن صولر

تاریخ ایرماغنی تشکیل ایده-رک، مغولستان چوللرندہ-کی کوللرہ منتهی اولدیغی حالده، جنوب غربی اتکلرندن ایننلری بحر عمانہ دوکیلن %سند \$ ایرماغنی تشکیل ایدرلر. کذلک شمال شرقی اتکلرندہ-کی اہالی ترک جنسیتہ منسوب اولدقلری حالده، جنوب غربی اتکلرندہ-کیلر آریا عرقنہ منسوب ہندیلر دن معدود کشمیریدرلر. بوی 750 مترہ و اکی وسطی صورتہ 150 کیلومترہ-در. 33' 53° عرض شمالی ایلہ 58' 77° طول شرقیہ یئہ %قرہ قوروم \$ اسمیلہ بر بوغازی واردر، کہ 5639 مترہ ارتفاعی اولوب، ہند ایلہ ترکستان شرقی آرہ-سندہ بر کاروان یولی تشکیل ایدیور.

5-3641-3

قرہ قوش، ابو سعید بہاء الدین بن عبد اللہ الاسدی

صلاح الدین ایوبینک و بر روایتہ عمی اسد الدین شیرکوہک کولہ-سی اولوب، صلاح الدین سلطنتہ نائل اولدقہ، کندیسنی دائرہ مدیری ایتمش؛ و قاہرہ-دن غیبوتلری صرہ-سندہ دفعاتلہ وکیل بر اقمش؛ و حقندہ اعتماد و امنیتی اولمغلہ، بر چوق خدمات مهمہ-دہ استخدام ایتمش ایدی. حتی عکایی فرنکلر دن استخلاص ایتمشکنده، ادارہ و محافظہ-سنی صاحب ترجمہ-یہ احالہ ایتمشدی. بعدہ فرنکلر عکایی استرداد ایتمشکنده، قرہ قوش اللرینہ اسیر دوشوب، اون بیک آلتون فدیہ ایلہ کندینی قورتارہ-رق، 588دہ صلاح الدینک یانہ عودت ایتمش؛ و بر آرہ-لق شام بقایاسنک تحصیلنہ مأمور اولمش ایدی. عالی ہمت و غیور بر آدم اولوب، قاہرہ-نک سوروی و قلعة الجبل دینلن قلعة ایلہ جیزہ-دہ اہرام طریقتہ-کی کوپریلر و رباط و خان و سیبل کبی اعمارات و خیراتی چوقدر. آنجق روایتہ کورہ کندیسنی امی اولمغلہ، قوانین و احکام شرعیہ-یہ واقف اولمبوب، عندی حکملر ویرر، و دیدیکنی اجرا ایتمش. حق و نظامہ مغایر خود سرانہ حکملرہ الی یومنا هذا ((حکم قرہ قوشی)) دینمک اوندن قالمشدر. حتی اسعد بن ممتی صاحب ترجمہ-نک بو قییلدن اولان حکملرینی جمع ایلہ ((الفاشوش فی احکام قرہ قوش)) عنوانیلہ بر رسالہ یازمشدر. 597 تاریخندہ قاہرہ-دہ وفات ایتمشدر.

5-3642-1

قرہ قوم

بو اسملہ ترکستاندہ ایکی بر واردر:

برنجیسی و اک بیوکی خوارزمدہ یعنی الیوم روسیہ-یہ تابع %ماوراء خزر \$ ایالتندہ و خیوہ خانلغندہ مثلث الشکل واسع بر بر اولوب، شمالاً اوست یورت چولیلہ و خیوہ-نک معمور قسمیلہ، شمال شرقی جہتندن جیجونک مجراسیلہ، جنوب شرقی طرفندن %مرو \$ اراضی معمورہ-سیلہ، جنوباً و جنوب غربی جہتندن تکہ ترکمنلری طاغریلہ محاطدر. بوی 10000 و اکی 500 کیلومترہ-در. اسمندن دخی آکلاشلدیغی اوزرہ، طوپراغی سیاہ و متحرک بر قومدن عبارت اولوب، اکر صویوی اولہ ایدی، دنیانک اک منبت یری اولہ-جق ایکن، یاغمورلرک ندرتندن و آقار صولرک فقدانندن، قوملر روزکارلہ تحریک اولنہ-رق، متحرک بر طاقم صرتلر و تپہ-لر تشکیل ایدیور. پک سیرک اولان قویولری دخی پک درین و صولری آجی اولمغلہ، کاروانلر بو چولک ایچنہ صوقلمغہ جسارت ایده-مزلر. بو قوملرک آرہ-لرندہ مختلف کنیشلکدہ بر طاقم چقورلر بولنوب، بعضلری طوزلہ و بعضلری

طوزلی صولر و چامورلرله مملو ویا قامشدرله مستورددر. كرك قوملر ایچنده و كرك بو چقورلرده حیوانات بحریه آثاری بولنوب، وقتیلله بحر خزرک اورالره قدر ممتد بولنمش اولدیغی آکلاشیلور.

-* - ایکنجیسی آرال کولنک شمال شرقی ساحلندن و سیحون ایرماغنک مجراسندن %چالقر دکیز\$ کولنه قدر ممتد اولوب، سیر دریا ایالتنک طور غای قزاسنه ملحقدر. بوی 375 و اکی 140 کیلومتره اولوب، متحرک و میدیه و استریدییه قییلندن حیوانات بحریه قیوقلریله مملو بر قومدن عبارتدر. جنوب شرقیدن شمالی غربی-یه طوغری بر تموج صورتی کوستروب، سکز اون متره یوکسکلکنده تپه صره-لری و خندق کیی چقورلری وارددر. صویب اصلا اولمیوب، یالکز بعض طرفلرنده کوجبه قیر غیزلرک حیواناتنی بسلیه-جک قدر اوت و یامری یومری بعض چالیلر بیتر.

2-3642-5

قره قیونلی

تیمورلنکک خروجی زمانلرنده ظهور ایدن ترکمن دولتلرندن بری اولوب، مؤسسسی قره یوسف ترکمانیدر. بونک اجدادی بغدادده حکومت سورن ملوک ایلکانیه امراسندن اولوب، پدری قره محمد قزینی ملوک مذکورهدن سلطان احمده تزویج ایتمکله، قره قیونلی ترکمن عشیرتنک رئیسی اولمشیدی. قره محمد عشیرتنک منتشر بولندیغی آذربيجان و وان جهتلرنده کسب قوت و نفوذ ایده-رک، همان مستقل بر حکومت تأسیس ایتمش؛ و اوغلی قره یوسف، تیمورک خروجندن حاصل اولان هرج و مرجدن بالاستفاده، بغدادی سلطان احمد ایلکانی النندن ضبطله، قره قیونلی دولتنی تأسیس ایتمش؛ و آنجق متعاقباً بغداد خارجنده امیر انشاه بن تیمورله ایتمدیکی محاربه-ده مغلوب اولوب، مصره قاچمش ایدی. تیمورک وفاتندن صکره 809ده مصردن عودتله، تبریز خارجنده امیر انشاهی قتل و اوغلی ابا بکری فراره مجبور ایده-رک، تبریزه دخول، و بعده اوزرینه کلن سلطان احمد ایلکانی-یی دخی قتل، و شروان شاهی ابراهیمی اخذ ایده-رک، آذربيجان و عراق عرب و قزوین و ساوه جهتلرینه حاکم اولمشدی.

کندیسندن صکره اوغلی امیر اسکندر، بعده دیکر اوغلی میرزا جهانشاه و بوندن صکره بونک اوغلی حسن علی حکم سورمش؛ و بونک زماننده ملکی اوزون حسن طرفندن ضبط اولنه-رق، آق قیونلی دولتنه کچمکله، قره قیونلی دولتی منقرض اولمشدر. قره قیونلی حکمدارلری درت کشی اولوب، مدت حکومتلری 63 سنه-در. حکمدارلرک تاریخ جلوسلری بر وجه آتیدر:

###

قره یوسف بن قره محمد

809

امیر اسکندر بن قره یوسف

823

میرزا جهانشاه بن قره یوسف

839

حسن علی بن جهانشاه

872 الی 873

1-3643-5

قره کلیسا

ارضروم ولایتنگ بایزید سناغنده و بایزیدک 90 کیلومتره غرب شمالیسنده اوله-رق ارضرومدن بایزیده کیدن طریقک اوزرنده قضا مرکزی بر قصبه در- *- قضاسی شرقاً و جنوباً دیدین، غرباً و غرب شمالی طرفندن آشکرد قضالریله، شمالاً دخی روسیه حدودیله محدوددر. بلوک باشی، منکسر و طاشلی چای اسملریله 3 ناحیه-یه منقسم اولوب، 56 قریه-یه حاویدر. اهالیسی 7421 نفوسدن عبارت اولوب، 2096 سی ارمنی، 142 سی یبانجی و قصوری ترک و کرد اوله-رق مسلمدر. اراضیسنک قوه انباتیه-سی متوسط حالده اولوب، اولدقجه اورمان و مرعاری دخی واردر. محصولات حیوانات و ذخایر متنوعه ایله سبزه و میوه-لرک انواعندن عبارتدر. حیوانات اهلیه-دن خیلی مقدار قیون، کچی، صیغیر و سائر حیوانلری واردر. درون قضاده 3 جامع، 7 کلیسا و مناستر، 2 صبیان مکتبی، 42 خان، 83 دکان، 1 فرون، 30 دکرمن، 4 چشمه و 40 کوپری واردر. معمولات محلیه کلیم، کچه و چورابدن عبارتدر.

2-3643-5

قره کوز

خیال نامیله عثمانلیلرده اوتهدن بری اوینادلمسی معتاد اولان معهود کولکه اوپوننده کوستریلن اک باشلی ایکی شخصک بری اولوب، دیکرینه-ده حاجی اوحد نامی ویریلیور. قره کوز امی و جاهل بر شخصدن کنایه اولوب، اکثریا چکنانه صورتنده تصویر اولنور. حتی اسمی جهلده ضرب مثل حکمنه کچوب، ((جاهل من قره کوز)) دیرلر.

3-3643-5

قره کوز پاشا

سلطان بایزید خان ثانی دوری رجالندن ایکی ذات اولوب، بری آناتولی بکلرکیسی ایکن، اورالرده شاه اسماعیل صفوینک طرفدارلغی غیرتیله و شاه قولی نامیله ظهور ایتمش و شیطان قولی نامیله شهرت بولمش اولان شقینک شهزاده قورقودک اشیاسنی غصب ایتمسی اوزرینه، شقی مرقومه قارشی عسکر سوق ایتدیکنده، مغلوب و النده اسیر اولوب، قازیغه کچیریله-رک اعدام اولنمشدی. *- دیکری قره-مان والیسی اولوب، آطنه جهتنده مصر عسکرینک ید ضبطنه کچمش اولان بعض قلاعک استخلاصنه مأمور اولمغله، بو مأموریتده موفق اولدقن صکره، عساکر مصریه-یه قارشی دوام محاربه-یه هر سک زاده احمد پاشا مأمور اولوب، کندیسی انک معیتنه ویرلمکله،

قیصقاندیغندن، بالالتزام فرار ایده-رك، مغلوبیتنه سبب اولدیغنده، 894ده درسعادتته جلب اولنه-رق، اعدام اولنمشدر.

4-3643-5

قره كول

بو اسمله آسیای وسطیده بر قاچ كول بولنوب، باشلیجه-لری بر وجه آتیدر:
برنجیسی تركستانك روسیه-یه تابع سیردریا ایالتنك شمال جهتنده و آق قوم چولی اورته-سندده واقع اولوب، مساحه سطحیه-سی 1627 مربع کیلومتره ایسه-ده، درینلکی آز اولوب، بعض محللری بر طاقم املاحله مستور بطاقلق حالنده-در. جنوب شرقیدن کلن %تالاس\$ نهری بو کوله دوکیلورسه-ده، صویبی دائما کوله واصل اوله-ماز.
*- ایکنجیسی پامیر خطه-سندن فك ایله روسیه دولتی طرفندن فرغانه ایالتنه الحاق و ((آلا طاغنك اوته-سی)) معناسیله %ترانسالای\$ تسمیه اولنان خطه-نك شرق جهتنده اولوب، تقریباً 4000 متره-لك ارتفاعده و اورته-سی 39° عرض شمالی ایله 5' 71° طول شرقیده واقعدر. شمالدن جنوبه بویبی 25 و اکی 20 مربع کیلومتره اولوب، مساحه سطحیه-سی 300 کیلومتره-در. وقتیله چوق دها کنیش اولوب، جوارنده-کی بر قاچ کوچك كول ایله متصل بولنمش اولدیغی آکلاشلیبور.

*- اوچنجیسی بخارا خانلغنده و بخارانك جنوب غربی جهتنده اوله-رق و جیحونك ساحل شمالیسندن 30 کیلومتره-لك مسافه-ده واقعدر. مذکور ایرماقدن چول ایله ایرلمش اولوب، زرافشان نهری بقیه میاهنك چقور بر محلهه بریکمسندن تشکل ایدیور.

*- درنجیسی چینه تابع تركستان شرقینك حدود غربیه-سی قریبنده و%تاغارمه\$ طاغنك اتکنده اولوب، ظن اولندیغنه کوره، فضلّه میاهی %یکی حصار\$ چایی واسطه-سیله کاشغر نهرینه دوکیلور. بوکا کوچك قره كول دخی دیرلر.

1-3644-5

قره كول

بخارا خانلغنده و بخارانك 60 کیلومتره غرب جنوبیسندده زرافشان نهرینك بو اسمله بر بطاقلق تشکیل ایده-رك نابدید اولدیغی محلهه واقع قصبه اولوب، قرن حاضر میلادی اوائلنده 30000 اهالیسی وار ایدیسه-ده، چولك او جهتلرده کیندکجه اراضی معموره-یه غلبه چالمسیله، بوکونکی کونده بو مقدارك بر خمسنی دخی حاوی اولمسه کرکردر.

2-3644-5

قره كول

ترکستانده روسیه-نک %سمیرچنسک\$ ایالتده %ورینی\$نک 160 کیلومتره جنوب شرقیسنده و %ایسیق کول\$ک جنوب شرقی کوشه-سندن 16 کیلومتره-لک مسافه-ده واقع قضا مرکزی بر قصبه اولوب، روسیه دولتی طرفندن قزاق مهاجرلرینک اسکاننه تخصیص اولمغله، کیتدکجه اهالیسی و تجارتی چوغالمدقه-در.

3-3644-5

قره-لوم

[(لوم) ماده-سنه مراجعت بیوریله.]

4-3644-5

قره-مان

قونیه ولایت و سناغنده و قونیه-نک 57 کیلومتره جنوب شرقیسنده %تاوروس\$ سلسله جبالنک اک شمالی اتکلری آلتنده و آق کوله دوکیلان کوك صو مجراسی قرینده قضا مرکزی بر قصبه اولوب، 7500 اهالیسی، خراب بر قلعه-سی، قره-مان اوغلندن قالمه غایتله مصنع بر جامع شریفیله خراب اولدیغی حالده بر چوق آثار مصنعه-سی باقی اولان امیر موسی جامعی و دیگر بر جامع شریفیله متعدد مدرسه-لری، اولدقجه ایشلک چارشیزی و پاموقدن بز و آلاجه ایله سائر دستکاهلریله دباغخانه-لری واردر. موقعی حذای بحردن 1260 متره یوکسک اولوب، اطرافی غایتله منبیت و محصولدار واسع اووه-لردن عبارت و خانه-لری دخی باغچه-لرله محاط اولمغله، منظره-سی پک کوزل ایسه-ده، اهالیسنک نظافت و طهارته مرفلری و حسن طبیعتلری اولمدیغندن، بریکن مزبله و چرکابلردن بعض خسته-لقلر تولد ایدوب، یازین حرارت دخی زیاده اولمغله، هواسی پک صاغلام دکلدر. قیشین ایسه اوچ آیدن زیاده زمینی قارله مستور قالیر. تجارتی و اخراجات و ادخالاتی، قریبیت مناسبتیله، سلفکه و مرسین اسکله-لریله اجرا اولنوب، آنجق یوللرک حال حاضری تجارتنک ترقیسنه مانع اولمقدقه-در. قره-مان پک اسکی اولوب، اسم قدیمی %لارنده\$در. شمدی دخی لسان رسمیده لارنده اسمنی-ده محافظه ایتمکده ایسه-ده، دولت سلچوقیه-نک انقراضنده اوراده تشکل و بر خیلی وقت دوام آیدن قره-مان اوغللری طرفندن مرکز اتخاذ اولمغله، او وقتدن بری بو خاندانک اسمیله تسمیه اولنمقدقه-در. مذکور امیر موسی جامع شریفی ستونلردن بعضلری اسکی لارنده شهری بتخانه-لرندن قالمه-در.

-* - قره-مان قضاسی قونیه ولایتی مرکز سناغنگ قسم جنوبیسنده واقع اولوب، غرباً بوزقیر، شمالاً نفس قونیه و قره بیکار، شرقاً ارکلی قضالریله، جنوباً دخی آطنه ولایتنک ایچ ایل سناغیله محاط و محدوددر. قسم جنوبیسی ولایتنک حدودینی آیران و او جهتده %آلاطاغ\$ دینلن تاوروس یاخود بوغا سلسله جبالنک شمالی اتکلردن عبارت اوله-رق طاغلق و سائر طرفلری تا آناطولینک اورته-لرینه قدر ممتد اولان واسع اووه-لردن عبارتدر. یالکز مرکز قضانک شمالنده %قره-طاغ\$ اسمیله منفرد بر طاغ دخی بولنور. آلاطاغ اتکلردن اینن بر قاچ جای برلشه-مرک، کوك صو اسمیله بر نهر تشکیل ایدرلر، که قضایی جنوب غربیدن شمال شرقی-یه طوغری شق ایدرک، ارکلی قضاسنه کیرر، و ارکلی قصبه-سی قرینده آق کوله دوکیلور. بو صولر قضانک بر خیلی اراضیسنی سقی ایدر. طوپراغی منبیت اولوب، بغدای، آرپه، چاودار، مصر، داری و سائر حبوبات متنوعه ایله کوك بويا، جهری،

پاموق، آفیون، و سبزه و میوه-لرک انواعدن خیلی محصولات حاصل اولور. سیاه و قرمزی اوزوميله کشتنش اوزومی چوق اولوب، بر خیلی مقداری قوروديله-رق اخراج اولنور. حیوانات اهلیه-سی و علی الخصوص قیونلری چوق اولوب، یوکلرندن کلیم و سجاده و سائره نسج ایدرلر. دباغلق و سراجلغه متعلق شیلر دخی یاپیلیر، و بزر و سیسام یاغی چیقاریلیر. قضا آلاطاغ و غفریاد ناحیه-لریله برابر 84 قریه-دن مرکب اولوب، 28493 اهالیسی وارد، که 500 قدری ارمنی و 50 قدری روم اولوب، قصوری کاملاً مسلمدر. درون قضاده 21 جامع شریف، 105 مسجد، 21 مدرسه، 1 کتبخانه، 15 مکاتب اسلامی، 2 ارمنی و 1 روم مکتبی، 1 ارمنی و 1 روم کلیسایی، 8 حمام، 4 خان، 545 دکان و مغازه، 45 دکرمن، 5 دباغخانه، 10 یاغخانه و 2 کرمد خانه موجوددر. قره طاغک اتکلرنده و سائر بعض طرفلرنده بر طاقم آثار عتیقه بولنیور.

1-3645-5

قره مان

روم سلجوقیلرینک انقراضنده بو دولتک انقازی اوزرنده تشکل ایدن دول صغیره-نک آل عثماندن صکره اک بیوک و قوتلیسی اولوب، دولت سلجوقیه-نک مرکزی بولنمش اولان قونیه جهتنده و دولت منقرضه-نک ناقابکاهنده تأسسی باعث اهمیت اولمشیدی. بو دولتک مؤسسی اولان (قره-مان)ک پدری (نور صوفی) ارمنیدن دونه بر شیخ اولوب، آماسیه-ده طریقتی اکتساب جاه و دولته وسیله اتخاذ ایدن مشایخن بابا الیاسک مریدی اولمش؛ و بونک قتلندن صکره طریقتی نشر و ترویج ایتمکی وظیفه اتخاذ ایدرک، قونیه-یه ورودله مریدلرینی چو غالتمغه باشلامش ایدی. حتی ملوک سلجوقیه-دن سلطنت سورمکده اولان علاء الدین ثانی دخی نور صوفی-یه اعتقاد تامله معتقد اولوب، اوغلی قره-مانه همشیره-سنی تزویج ایله میر آخورلق خدمتته نصب ایتمشیدی. نور صوفی بو وجهله اوغلیک استقبالانی تأمین ایندکدن صکره، سلفکه جوارلرینه چکیلوب، روم ایمپراطورلرینک ضبطنده بولنان بو اسکله-نک محافظیله مناسبات دوستانه پیدا ایده-رک، حیلله ایله قلعه-یی ضبط ایتمش؛ و علاء الدین بونک محافظلغنی اوغلی قره-مانه توجیه، و متعاقباً لارنده قصبه-سنی و او جوارلری دخی علاوه ایلمش ایدی. قره-مان ارمنکی دخی ضبطله، لارنده-یی مرکز حکومت اتخاذ، و کندی اسمیله تسمیه ایده-رک، عادتاً بر حکومت قورمشیدی. علاء الدین غازان خانک عسکری الینه اسیر دوشدیکنده، قره-مان، قریمه وفات ایتمش اولان سلاجقه رومدن عزالدینک اوغلی اولدیغنی ادعا ایلدیکی (جمری) اسمنده مجهول الاحوال بر شخصی قونیه تختنه اجلاس ایتمک بهانه-سیله شهر مذکورلی ضبط ایتمش ایسه-ده، مغول حکمداری طرفندن، علاء الدینک اوغلی غیاث الدینی اجلاس ایتمک اوزره، شمس الدین جوینی عسکرله اعزام اولنه-رق، واقع اولان محاربه-ده قره-مان و ملتزمی اولان جمری قتل اولنمش، و قره-مانک محمود اسمنده هنوز بشیکده بر اوغلندن بشقه کیمسه-سی قالمش ایدی. دولت سلجوقیه-نک بسبتون انقراضنده قره-مان اوغلی محمود سن بلوغه واصل اولمغله، بدر الدین عنوانیله ارمنکده تأسیس حکومت ایتمش؛ و وفاتنده یخشی بک و سلیمان بک اسملریله یکی اوغل بر اقمشدر. وارث ملک قره-مان اولان یخشی بک زمانی دخی سکونتله کچوب، بونک اوغلی و خلفی اولان علاء الدین دولت عثمانیه-نک کیتدکجه توسیع ممالک و تکثیر شان و شوکت ایندیکنه نظر حسد و رقابتله باقه-رق، خداوندکار غازی-یه اناطولیده بر طاقم مشکلات چیقارمغه و بعض ترکمان و تاتار عشیرتلرینی عصیان تشویق ایتمک باشلامش ایسه-ده، پادشاه مشار الیهک بو مشکلاتک کافه-سنه غلبه چالیدیغنی کورنجه، مدارایه مجبور اولوب، پادشاهک کریمه-سی نفیسه سلطانی تزویجله مصاهرت شرفنه دخی نائل اولمش ایدی. آنجق ینه فرصت انتظارنده بولنوب، 687 تاریخنده وزیر خیر الدین

پاشانك و فاتيله يرينه كچن او غلى على پاشانك كنجلك و تجربه-سزلكندن و پادشاهك روم اينلنده مشغوليتدن استفاده ايتمكى فرصت اتخاذ ايله، طور غود، وارسق، بايبورد و سائر عشائري آياقلانديره-رق، اعلان حرب ايتمشدى.

سلطان مراد حضرتلرى همان روم ايلي بكاربكيلى تيمور طاش پاشايى عساکر كافيه ايله مقابله-يه مأمور ايدوب، كنديلرى دخی بالذات کوتاهيه-يه عزيمت ايتمش؛ و او صره-ده مصر سلطاني بر طاقم هدايا ايله سفرای مخصوصه اعزام ايله-رك، پادشاهك محبت و اتفاقي آرزو ايتمكله، علاء الدين ايكي آتش آر-سندھ قالمقدن قورقوب، همان ابراز ندامتله، صلح طلبنه شتاب ايتمش ايسه-ده، صدر اعظم على پاشا بو تكليفنى رد ايله محاربه-يه باشلامش؛ علاء الدين ايلك محاربه-ده مغلوب اولوب، تيمور طاشك اوكدن فرار ايتمكله، قونيه قلعه-سنة قيانوب، مصالحه-نك استرحاميجون زوجه-سى نفيسه سلطاني پدر بزر كوارلرى نزيدنه كوندرمش؛ و پادشاه مجرد كريمه-سنگ خاطريجون مطلوبنى اصغا بيورمش ايدى. علاء الدين بو وجهه نائل اولديغى مصالحه-نك قيمتتى بيلميه-رك، بيديرم سلطان بايزيد خان زمانده يكي دن نقض عهدله حميد اينله تجاوزه ايتديكندن، اوزرينه سفر همايون وقوع بولوب، قونيه و نيكنده و اقسراى جهتلرى فتح و اداره-لرى تيمور طاش پاشايه احاله اولنه-رق، قره-مان اوغلى علاء الدين لارنده-يه چكلمش؛ و واقع اولان دخالت و استراحامى اوزرينه لارنده و طاش ايلي جهتي كنديسنه ترك اولنمشدى. چوق كچمه-دن يكي دن نقض عهدله تيمور طاش پاشايى طوتوب حبس ايله-رك قونيه-يى ضبط ايتمش؛ و پادشاهك غضبى جلب ايتديكى آكلاينجه، نام اولوب، پاشايى مشار اليه تخليه ايله-رك، انواع اكراملرله و كندى ايلچيسنه ترفيقاً استعفاى قصور ايجون نزد پادشاهى-يه كوندرمش ايسه-ده، آرتق بو دفعه سوزينه اعتماد اولنميوب، اوغلى محمد بك ايله برابر اسير طوتيله-رق، بروسه-يه سوق اولنمش؛ و اوغلى حبس اولوب، كنديسى تيمور طاش پاشايه تسليم اولنمغله، بونك طرفندن اخذ ثار مقامنده قتل اولنمشدر. بو وجهه قره-مان اوغللى حكومتته ختام ويريله-رك، قره-مان ايلي ضميمه ممالك عثمانيه اولمش ايكن، تيمورلنك بروسه-يه مستولى اولدقده، مرقوم محمد بكى محبسدن اخراجله، قونيه حكومتته اعاده ايتمشدى.

فترت زماننده شهزاده-لر بيننده وقوع بولان نماز عاتھ مومى اليه محمد بك دخی بعض مرتبه مداخله-سى اولمشدى. امر سلطنت چلبى سلطان محمد خاندن تقرر ايتديكنده، 814 تاريخنده قره-مان اوغليله محاربه وقوع بولوب، مومى اليه محمد بك عثمانلى عسكرى ايلنه اسير دوشمش؛ و بر دهها نقض عهد ايتمه-مك شرطيله سببلى تخليه اولنمشدى. بعده برادرى على بك مصر سلطاننه التجا ايله-رك، اورادن آلدیغى عسکرله برادرى اوزرينه كلمش؛ و او صره-ده محمد بك ذوالقدریه-ده ناصر الدين طرفندن طوتيله-رق، مصره سوق اولنمغله، اوراده موقوف قالوب، برادرى على بك مصر حكومتتك حمايه-سيله قره-مان اينلنده حكم سورمكه باشلامش ايدى. امير طر مصر تختته كچنجه، محمد بكى حبسدن چيقاروب، قره-مان حكومتته اعاده ايتمشدى. سلطان مراد ثانى حضرتلرى روم اينلنده مشغول ايكن، محمد بك انطاليه-يى محاصره ايدوب، محافظى بولنان حمزه بك قلعه-دن آلدیغى منجنيك مرمياتنك اصابتيله تلف اولمشدر. اوغلى ابراهيم بك اسلافى كى كاه اطاعت و انقياد و كاه عصيان اوزره اولوب، سلطان مراد خان ثاني حضرتلرينك همشيره-سنى تزوجله، مصاهرت پادشاهى شرفنه دخی نائل اولمشيدى. آنجق قونيه و آقشهر و نيكده جهتلرى چوقدن ممالك عثمانيه عدادينه داخل اولوب، قره-مان اوغللرينك اسكيدن حميد اينله اولان تسلطلى انطاليه جهته دونمش؛ و فرصت بولدقجه او طرفه تجاوزه باشلامشدر.

ابراهيم بك همشيره مراد خانين آلتى اوغلى اولديغى حالده، بر جاريه-دن متولد اولان ديكر اوغلى اسحاق بكى ولى عهد اتخاذ ايتمش اولمغله، 859 تاريخنده واقع اولان وفاتنده مومى اليه اسحاق بك خلفى اولنجه، برادرلرى دربار سلطان محمد خانى-يه التجا ايتديكلرندن، بونلرك بيوكى اولان احمد بك عثمانلى عسکريله كيدوب، واقع اولان محاربه-ده اسحاق بك مغلوباً بغداده فرار ايتمكله، احمد بك امير قره-مان اولمش؛ و بر مدت صكره بو دخی

وادی عصیانہ سلوک ایلہ غضب پادشاہی-یہ مظهر اولدیغندن، 871ده رفع اولنه-رق، قره-مان ایلی قطعياً ممالك عثمانیه-یه الحاق، و الیلکی شهزاده مصطفایه احاله اولنمش ایدی.

بو وجهله آل قره-مان دولتی 700 تاریخندن 871 تاریخنه-دك 171 سنه دوام ایدوب، بر وجه آتی آلتی کشی حکم سورمشلردر.

####

1 قره-مان بن نور صوفی

700

2 محمود بك بن قره-مان

3 یخشی بك بن محمود

4 علاء الدین بن یخشی

قرن ثامن داخلنده

5 محمد بك بن علاء الدین

804

6 ابراهیم بك بن محمد

719

7 اسحاق بك بن ابراهیم

859

8 احمد بك بن ابراهیم

860 الی 871

\$

1-3647-5

قره-مان ایلی

1#

آناتولینك قسم وسطیسنك جنوب جهتنه ویریلن اسم اولوب، قونیه، نیکده و ایچ ایل سنجاقلرندن عبارتدر. بو خطه دولت سلجوقیه-نك انقراضنده کسب استقلال ایله اورالرده حکومت سورن قره-مان اوغللری خانداننك اسمیله مسمادر. حکومت مذکورہ-نك ابتدای تشکلنده لارنده قصبه-سی مرکزی اولوب، بعده قونیه-یی مرکز اتخاذ ایتمشلسه-ده، بالآخره ینه قونیه-یی ترکه مجبور اولوب، لارنده-یه چکلمشلردر. بناءً علیه شمدی دخی قره-مان ایلنك مرکزی لارنده عد اولنوب، بو قصبه قره-مان دخی تسمیه اولنمقده-در.

2-3647-5

قره محمد، بن توره-مش بن بیرام خواجه

قره-قيونلى دولتىك مؤسسى اولان قره يوسفك پدى اولوب، ايلكانياندىن سلطان احمدك رجاندىن ايدى. حكمدار
مشار اليه قيزىنى تزويج ايتمكله، عندنده قدرى بر تر اولوب، قره-قيونلى عشيرتنك رياستى كنديسنه تفويض
اولمش؛ و اوغلى بالآخره بو رياستى حكومته تحويل ايلمشدر.

3-3647-5

قره محمد پاشا

كوچك حسين پاشانك كتخداسى اولوب، عصر سلطان محمود خان ثاينده 1225ده قيودان دريا اولمش؛ و بش آى
بو مقامده قالب، وفات ايتمشدر.

4-3647-5

قره محمود پاشا

[((اشقودره-لى)) ماده-سنه مراجعت.]

5-3647-5

قره مرسل

سلطان عثمان غازى حضرتلرى رجاندىن (آچه-قوجه)نك رفاستندن اولوب، از ميد كور فزنده بعض فتوحاته موفق
اولمغله، بر طاقم سفائن مهيا بولنديروب، او سواحك محافظه-سنه آماده بولنمق شرطيله، اورالرى كنديسنه
مالكانه ويرلمش؛ و حتى قوللانديغى سفائن جنسه قره مرسل اسمى علم اولمش ايدى.

6-3647-5

قره مرسل

از ميد كور فزىنك ساحل جنوبيسنده و هر كه-نك قارشيسنده قضا مركزى بر كوچك قصبه و اسكله اولوب، 3000
قدر اهالىسى، بر مقدار تجارتى، چوخه و قازمير و سائره اعمالنه مخصوص بيوك بر فابريقه-سى و جوارلرنده
كوزل ميوه-لرى وارد. دور سلطان عثمان غازيده 724 تاريخنده آچه قوجه رفاستندن قره مرسل معرفتيله فتح
اولنه-رق، فاتح مشار اليه مالكانه ويرلمش اولمغله، كنديسنك اسميله تسميه اولمشدر. فتحدن اولكى اسمى معلوم
اوله-مدى. *- قره مرسل قضاسى از ميد مستقل متصرفلغنه ملحق و بوز برون شبه جزيره-سنگ شمالي
مائله-سندن عبارت اولوب، يالووه ناحيه-سييله برابر 70 قريه-دن مركبدر. اولدقجه محصولاتى، كوزل مرعالتى
و مشهور ميوه-لرى وارد.

سلطان مراد خان رابع و ابراهیم خان دورلرنده صدارت عظمی مسندینه نائل اولان وزیران اولوب، آرنأؤد جنسیتنه منسوبدر. کنج ایکن درسعادتہ کلہ-رک، اوجاق آغالرندن قره حسن آغایه انتساب ایتمش؛ و بعد التریبه بکتاشیان اوجاغنه چراغ اولمش؛ و تیراندازلقده-کی مهارت فوق العاده-سیله چورباچیلق رتبه-سنی احراز ایدوب، کیده-رک قول کتخداسی و سکبان باشی اولمشیدی. روان سفرنده یکچیری آغاسی اولوب، بو طائفه-نک سرکشلرینی تربیه ایله، اوجاغه فوق العاده بر نظام و انتظام ویره-رک، مأمولک مافوقنده خدمت کورمکله، درسعادتہ عودتنده 1045ده قیودان دریا اولوب، بحریه اوجاغنده دخی مستحق تربیه اولانلری جزایه چارپدیره-رق، فوق العاده شدت ابرازیله، امور ترسانه-یی اصلاح ایتمش ایدی. بغداد سفرینه عزیمت همایون اولدقده، قائممقاملقه قدری برتر اولوب، معیت همایونده کیتمش؛ و اثنای محاربه-ده طیار محمد پاشا شهید اولنجیه، 1048ده مسند صدارت عظمی کندیسنه احاله بیورلمش ایدی. سفرک ختامیله عودت همایون وقوعنده صاحب ترجمه شاه ایرانله عقد معاهده ایچون بغدادده قالوب، 1049ده درسعادتہ عودت ایتمش؛ و او سنه سلطان ابراهیم خانک جلوسلری وقوع بولوب، مسند صدارت عظماده ایقا اولنمغله، طریق بغی شقاوتده بولنان و امور دولتی رخنه-دار ایدن بعض کیرانک حقتدن کلدکدن صکره، مسکوکاتک قدر و اعتبارینی تصحیح، و امور مالیه-یی اصلاح ایدوب، علی العموم تبعه-یی تحریر ایله، ویرکی طرح ایده-رک، بر درجه-یه قدر قیل و قالی موجب اولمش ایسه-ده، خزینة دولتی حال تذبذبدن قورتاره-رق، دولته بیوک بر اعتبار مالی قزاندرمش ایدی. بو کیی اصلاحاتنه مانع اولان بر طاقم اشرانک حقتدن کلہ-رک، ایستدیکی کیی تصرف و اداره-یه مقتدر اولمشیکن، جنجی خواجه اسمیله ظهور ایدن بر افسونجینک حیل و دسایسنه غلبه ایده-میوب، بونک دام تذبذبینه دوشه-رک، بش سنه ایله اوچ آلمق صدارتدن صکره، 1053ده قتل و اعدام اولنمش؛ و جسدی پارمق قپوده بنا کرده-سی اولان مدرسه جوارنده دفن اولنمشدر. تیر اندازلقدہ-کی مهارتندن طولایی (کمانکش مصطفی پاشا) دینمکله دخی معروفدر.

*- مرزیفونی مقتول مصطفی پاشانک دخی اجنبیلرجه شهرتی (قره مصطفی)در.] ((مصطفی پاشا (مرزیفونی *-)) ماده-سنه مراجعت.]

قره-قیونلی دولتک مؤسسی اولوب، سالف الترجمه قره محمد ترکمانک اوغلیدر. پدری سلطان احمد ایلکانی رجانندن اولوب، کندیسسی اقبال دولتی او خاندانندن قزانمش، و آناتولیده امارته نائل اولمش ایکن، تیمورلنکک آناتولیه خروجنده، اورادن دونوب، سلطان احمد مشار الیهدن بغدادی ضبط ایتمش؛ و تیمورزاده امیرانشاه ایله بغداد خارجنده ایتدیکی محاربه-ده مغلوب اولوب، مصره قاچمش ایدی. تیمورک اشعاری اوزرینه مصرده حبس اولنوب، جهانگیر مشار الیهک وفاتنده سبیلی تخلیه اولنمغله، تبریز قربنه کیده-رک، 709 تاریخنده امیرانشاه و اوغلی ابو بکر ایله محاربه ایده-رک، امیرانشاهی قتل و تبریزی ضبط ایتمش؛ و 913ده اوستنه کلن سلطان احمد

ایلکانی ایله محاربه ایدوب، اونی دخی قتل ایتمکله، آذربيجان و عراق عربده مستقل قالمش؛ و 915ده حاکم شروان شیخ ابراهیمی اخذ ثار مقصدیله قتل ایده-رک، قزوین و سلطانیه جهتلرینی دخی التحاق ایتمش؛ و 923ده خراساندن اوستنه کلن شاهرخ سلطانک مقابله-سنه کیدرکن، اثنای راهده اوجان بیلاقتده اجل موعودیله وفات ایتمشدر.

2-3648-5

قره یوصو

مغول لساننده ((قره-صو)) دیمک اولان بو اسم %مقونغ\$ ایرماغنک یوقاری قسمنه و مغولستانک شمال غربی جهتنده واقع %قوبدو\$ چولنده $48^{\circ} 30'$ عرض شمالی ایله 90° طول شرقیده و 1171 متره-لک ارتفاعده واقع بر کوله ویریلیور. بو کولک بویی 65 و اکی 27 کیلومتره اولوب، آیاغی حکمنده اولان %چون خاریخ\$ نهری %قیرغیزنور\$ کوله دوکلمکله، بو ایکی کول اره-سنده اختلاط حاصل اولور. منتهای شمالنده %آق بیش\$ اسمیله بر آطه و ساحل جنوبیسنده ینه %قره یوصو\$ اسمیله بر قریه بولنیور.

3-3648-5

قره یولق

[(قره عثمان)) ماده-سنه مراجعت بیوریله.]

4-3648-5

قری

1#

فرانسه-ده %اوازه\$ ایالتنک %سنلیس\$ قضااسنده و مرکز قضانک 11 کیلومتره شمالنده اوله-رق اوازه نهری اوزرنده ناحیه مرکزی بر قصبه اولوب، 5757 اهالیسی، نفیس صاقسونیه فابریقه-لری و جوارنده یاپی طاشی اوجاقلری واردر.

5-3648-5

قُریبه

جزیره العربک جنوبنده حضر موتک %وادی دوان\$ جهتنده بر قصبه اولوب، 6000 اهالیسی واردر. هنوز یالکز بر سیاح طرفندن زیارت اولنوب، احوالی تمامیله معلوم دکلدر.

1-3649-5

قریتان

وقریتین (تثیه صیغه-سیله) مکهُ مکرمه ایله طائفدن کنایه اولوب، آیت کریمه-ده دخی بو معنا ایله مستعملدر.
*- بصره طریق حجنده دخی بو اسمله بر محل و حمص اعمالندن بر بیوک قریه وار ایدی.

2-3649-5

قریتولاؤس

1#

یونان قدیم حکماء مشائیونندن اولوب، آتته-لیلر طرفندن قاریناد و دیوجانیوسله برابر مبعوثاً رومایه کوندرلمشیدی.

3-3649-5

قریتون

1#

حکیم شهیر سقراطک شاکردانندن و احباسندن اولوب، اصحاب ثروتدن اولمغه، مبالغ کلیه فدا ایده-رک، استادینی کرفتار اولدیغی محبسدن و اعدام جزاسندن قورتارمق یولنی بولمش ایسه-ده، حکیم مشار البیه بویله غیر مشروع بر طریقه قورتارلمق تکلیفی قبول ایتدیرمکه موفق اوله-مامش؛ و اعدامی ساعتته-دک زندانده یانندن آیرلامشیدی. آرقداشی افلاطون قریتونک او صره-ده سقراطله واقع اولان مکالمه-سنی ضبط ایدوب، بونده حکیمک بقای روح حقتده اولان افکارینی دخی درج ایتمشدر. قریتون کندیسی دخی استادیله واقع اولان مکالمه-لرینی ضبط و تحریر ایتمش ایسه-ده، نسخه-سی بولنه-مامشدر. میلاد عیسادن 380 سنه اول وفات ایتمشدر.

4-3649-5

قریتیا

1#

سقراطک شاکردانندن اولدیغی حالده، آتته-لیلر طرفندن وطنندن نفی اولنش؛ و قبل المیلاد 404 سنه-سنده آتته-نک اسپارته-لیلر طرفندن ضبطنده بو شهرک اداره-سنه مأمور اولان اوتوز کشینک بری اولوب، مدت حکومتنده پک چوق مظالم اجرا، و مجرد ثروتلرینی ضبط ایچون بر چوق آدملری اعدام ایتمش؛ و (ترانسیبولوس) منفیلرک باشنه کچوب، بو ظالملرک اوزرینه هجوم ایتدیکنده، قریتیا ایلك محاربه-ده مقتول اولمشدر. کندیسی شاعر و نطوق اولوب، آثارینک بعض فقره-لری بولنمشدر.

5-3649-5

قریسیوس

1#

ایمپراطور قسطنطینک او غلی اولوب، 317 تاریخنده پدری طرفندن قیصرلق مأموریتنه نصب اولنمش؛ و (لیجینیوس)ه قارشی بر محاربه بحریه قزانمش ایدی. اوکی والده-سی (فاؤسته) کندیسنه تعشق ایتمکله، تکلیف جنایتکارانه-سنی کندیسنه قبول ایتدیره-مدیکندن، حقدنه افترا ایدوب، قسطنطین بو تذویره قاپیله-رق، 326ده او غلی اعدام ایتمشدر.

6-3649-5

قُریش

حجازده عرب مستعربه-دن بر قوم اولوب، حضرت اسماعیل بن ابراهیم (علیهما السلام) نسلندن اولدیغی مرویدر. قریش قبیله-سی بر چوق بطون و اقسامه منقسم اولوب، کندی رؤسالری معرفتیه اداره اولنوردی. رؤسالرندن قسی بن کلاب کعبه الله نظارت و خدمت ایتمک وظیفه-سنی در عهده ایده-رک، بیت الله خدمتته بل باغلامغله، بو جهتجه قریش کافه اقوام و قبائل عربدن زیاده شهرت و اعتبار بولوب، فخر کائنات (صلی الله تعالی علیه وسلم) افندمک قبیله قریشده ظهوری دخی قریشک نام و شهرتتی بر قات دها آرتیرمغه سبب اولمشدر. آنجق صنادید قریش حضرت رسول الله (صلی الله تعالی علیه وسلم) افندمز حضرتلرینه او درجه-ده بغض و کین کوستر مشلر، که قریشک نسل پاک نبوی-یه اساس اولمسی شرفنی بیله منکسف ایتمک درجه-سنه کلوب، ابتدای ظهور اسلامده مجرد کفار قریشک اسلامه قارشی اولان شدت کین و غضبندن بحث اولنوردی. نهایت فتح مکه-ده قریشیلرک چوغی طوعاً و بر طاقمی کرها و یا تألیف قلوبله جمله-سی دین اسلامه دخول ایتمشلردر. قریش قومی بر چوق قبائل و شعباته منقسم اولوب، اولا اباطح، ظواهر، احلاف و مطیبون اسملریله درت طاقمه آیرلمشلردی. اباطح: بنی عبد مناف، بنی عبد الدار، بنی عبد العزی، بنی عبد زهره، بنی مخزوم، بنی تیم، بن مره، بنی جمع، بنی سهم، بنی عدل، بنی عتیک؛ ظواهر: بنی محارب، بنی الحرث بن فهر، بنی الادرم بن غالب، بنی هصیص؛ احلاف: بنی عبد الدار، بنی سهم، بنی جمع، بنی عدی، بنی مخزوم؛ مطیبون دخی: بنی عبد مناف، بنی اسد، بنی زهره، بنی تیم، بنی الحرث قبائلنه منقسم ایدیلر.

1-3650-5

قریشنه

[[(قریشنه) ماده-سنه مراجعت بیوریه.]]

2-3650-5

قریشیه

جزیره ده جزیره ابن عمر قرینده بیوک بر قریه اولوب، المالرینک نفاستیله و اهالیسنک عسکرلکده کی مهارت و جساتیله مشهور اولدیغنی یاقوت حموی بیان ایدیور.

3-3650-5

قریق

1#

آمریقای شمالی اقوام اصیله-سندن بر بیوک قوم اولوب، ممالک مجتمعه-نک %جورجیا\$ ایله %آلابامه\$ جمهوریتلری آره-لرنده ساکندرلر. بونلر وقتیله پک کثرتلی اولوب، 1835دن 1839 تاریخنه-دک درت سنه پیا پی ممالک مجتمعه عسکرله مردانه محاربه ایده-رک، قسم کلیلری تلف اولمشدر. الیوم موجود اولانلردن یوقاری جهته ساکن اولانلری خیلی تمدن ایدوب، کندی لسانلرنده مکتبلر آچمشلر؛ و اووه-ده ساکن اولانلری ایسه حال بدویته قالمشدر.

4-3650-5

قریم

1#

و روسجه #2 روسیه-نک جنوبنده قره دکیزله آزاق دکیزی آره-سندده بیوک بر شبه جزیره اولوب، 30 کیلومتره اوزون و 9 کیلومتره کنیش اولان %پرقوپ\$ برزخیله قره-یه مربوطدر، و قره-نک بر پارچه-سیله برابر روسیه-نک %تاورنده\$ ایالتی تشکیل ایدیور.

شکل طبیعیسی، حدود و مساحه-سی. -* -قریم شبه جزیره-سی غیر منتظم بر رباعی الاضلاع شکلنی ابراز ایدوب، درت گوشه-سندن بری قره-یه مربوط اولدیغی حالحده، بری غربه طوغری اوزانه-رق، %طرخان قوت\$ بروننه منتهی اولور، بری جنوبه طوغری سواستوپولک ایلیسنه قدر واریر، درنجیسی شرقه طوغری بر شبه جزیره صورتنده اوزانه-رق، قافقاس سلسله جبالنک غربه طوغری اوزاندیغی برونه تقریبه %کرچ\$ بوغازینی تشکیل ایدر، و آزاق دکیزی قره دکیزدن آیریر. '25° 44° ایله '10° 46° عرض شمالی و '10° 30° ایله '20° 34° طول شرقی آره-لرنده ممتد اولوب، مساحه سطحیه-سی 25590 مربع کیلومتره و اهالیسی 368797 کشیدر.

سواحلی، جبال و انهاری. -* -قریمک سواحلی دائراً مدار تقریباً 1000 کیلومتره طولنده اولوب، خیلی کیرنتیلی چیقنتیلی اولمغله، بر چوق برون و قویلی و آز چوق صاغلام لیمان و اسکله-لری واردر. آزاق دکیزنده-کی سواحلی آلچق و چبلاق اولوب، کرچ شبه جزیره-سنگ برزخنده-کی %آرابات\$ قصبه-سندن روسیه

ساحلنده-كى %۰كتيچسك\$ قصبه-سنگ اوكنه-دك ساحلك آچيقارنده بر سهم يعنى طار بر قوم سدى ممتد اولور؛ و پرقوپ برزخنه-دك اوزانان %۰سيواش\$ ويا ((بحر منتن)) ناميله معروف صيغ و پك كيرنتيلى چيقتيلى بر كوچك دكيزى آراق دكيزندن آيرر. كرچ بوغازينك يكي قلعه اوكنده اكي 15 كيلومتره ايسه-ده، سفانك مرورينه مساعد يري آنجق 6 كيلومتره اكنده-در. بو غازك ايچنده ساحل غربه طوغرى اوويله-رق %۰كرچ\$ كورفز و ليماننى تشكيل ايتدكن صكره، %۰تاقله\$ برونندن غربه طوغرى دونوب، كرچ شبه جزيره-سى بر زخك ساحل جنوبيسنده %۰كفه\$ كورفزينى تشكيل ايدور. اورادن ساحل غرب جنوبي-يه طوغرى اوزانه-رق، يايله طاغى سلسله-سنگ لب دريايه قدر اينن اتكلرندن عبارت اولمغله، اكثر يرلرى طاشلق و برونلرى چوقدر. بو برونلرك باشليجه-لرى: قره-طاغ، ميغانوم، آيو طاغى و آيتودور برونلرى اولوب، صوداق، آلوشته و يالنته قويلرينى تشكيل ايدرلر. آيتودور برونندن صكره ساحل غربه طوغرى اوزانوب، بسبتون ديك و صرب اولور. بعده شمال غربى-يه طوغرى دونه-رك، كوزلكيله مشهور اولان %۰بلاقلاوه\$ قوينى و %۰خرسونس\$ بروننى، و اورادن بردن شرقه دونه-رك، 6 كيلومتره قره-لرك ايچنه كيرمش اولان سواستوپول ليماننى تشكيل ايدر. اورادن ساحل آلچالوب، شماله و بعده غرب شمالى-يه دونه-رك، %۰اوپاتوريه\$ كورفزينى تشكيل ايله، بو كورفزك زاويه-سندده واقع همنامى اولان اسكله-دن بشقه معموره-سى و ليمانى اولمقسزين طرخان قوت بروننه واصل اولور؛ و اورادن شرق شمالى-يه طوغرى دونوب، پرقوپ بر زخنه-دك آق مسجد و صارى بلاط اسملريه ايكى كوچك اسكله-دن بشقه معموره-سى يوقدر. بو وجهله قريم سواحلنك اك كوزل زمعمور جهتى كفه ايله سواستوپول آره-سندده و يايله طاغلرينك آلتنده اولان قسم جنوبيسيدر.

قريم شبه جزيره-سنگ يالكز جنوب شرقى ساحلى بويىجه بر صره طاغلر ممتد اولوب، بو طاغلر %۰يايله طاغى\$ اسميله معروف اولديغى حالده، شرقى و غربى اوله-رق ايكى قسمه منقسدر، و ايكيسنك آره-سندده %۰چادر طاغى\$ اسميله منفرد بر طاغ بولنيور، كه اك يوكسكلرى اولوب، 1560 متره ارتفاعى واردر. اساساً بر صره-دن عبارت اولان و كفه-يه قدر اوزانوب، اورادن شرقاً كرچ شبه جزيره-سندده-كى بر صره آلچق تپه-لر و كرچ بوغازنده تحت البحر دوام ايدن صرت واسطه-سييله قافقاس سلسله جبالنه كسب التصاق ايدن اشبو يايله طاغنك تپه-لرى قيوى و دوز و اتكلرى سطح مائل صورتنده اولوب، اشجار و نباتاتله مستوردرد؛ و على الخصوص جبالك صرتلريه لب دريا آره-سندده بش آلتى كيلومتره وسعتنده اوله-رق اوزانان سطح مائل بحق قريمك و بتون روسيه ممالكنك باغچه-سى دنيلمكه سز اواردر. داخلى مائله-سندده ايچرى-يه طوغرى بعض قوللر دخى اوزانه-رق، آقان انهارك حوضه-لرينى تفريق ايدرلر. شبه جزيره-نك سائر طرفلرى ايسه كاملاً دوز و آلچق اولوب، بشقه عارضه-لرى يوقدر.

انهارى چوق ايسه-ده، هيچ برى سير سفانته و حتى صال يوزديرمكه بييله صالح اولميوب، همان جمله-سى فيضانلرى موسملرينك خارجنده كچيد ويرلر. انهار موجوده-دن 14ى قره دكيز و بشى سيواش دكيزينه دوكيلور. جمله-سنگ اك بيوكى سيواش دكيزينه دوكيلن %۰صالغير\$ نهريدر، كه چادر طاغنك بر مغاره-سندن چيقوب، شماله و بعده شرقه طوغرى آقه-رق ينه يايله طاغلرندن اينن جويونجو، زوويه، بوزليجه و بيوك قره-صو چايلرينى دخى آلير. مجراسى 150 كيلومتره اولوب، اكي آنجق 12 متره و درينلكى عادى وقتلرده 2 قدمدر. قره دكيزه دوكيلنلرى ينه يايله طاغلرينك شمال غربى اتكلرندن اينوب، شبه جزيره-نك ساحل غربيسندن دكيزه دوكيلور. بونلرك باشليجه-لرى شمالدن باشلايه-رق: بولغاناق، آمه، قاچه، بلبك و چرنليه-در. كوللرى پك چوق اولوب، عددلرى درتيوزه قريب ايسه-ده، جمله-سى كوچك و صولرى طوزليدر. باشليجه اوچ طاقم اولوب، كرچ، پرقوپ و اوپاتوريه جهتى كوللريدر. اك بيوكلرى پرقوپ جهتنده-كيلر اولوب،

بولنردن %كانسقوئە\$ كولى پك بياض و خفيف بر طوز ويرر، و %استاروئە\$ كولندن دخى صلاموره-ده مستعمل كوزل بر طوز چيقار.

اقليم و هواسى -*. عموميت اوزره قريمك هواسى لطيف و صاغلام اولوب، يالكز زياده آچق اولان بعض يرلرى صيتمه-ليدر. وقتيله سيواش دكيزينك قور اقلق موسمنده چكلكجه هوايي بوزديغى ظن اولنمش، و بوندن طولايى بحر منتن تسميه اولنمش ايسه-ده، بحر مذكور دن يود و قلور تبحراتى قالدديغى و بونك ايسه هوايي اصلاحه چوق يارديمى اولديغى بوكون تبين ايتمشدر. مركزى اولان سيمفروپولده يازين ميزان الحراره حد وسطى اوزره صفردن يوقارى 8 درجه ايله 5 دقيقه و قيشين تحت الصفر 9 دركه، و ساحلده اولان سواستوپولده يازين فوق الصفر 9 درجه 4 دقيقه و قيشين تحت الصفر 2 دركه كوسترر.

احوال اراضيسى، محصولات و حيوانات و منابع ثروتى -*. قريمك اراضيسى ايكي صنفدر. برنجى صنفى آچق و دوز يرلرى، و ايكنجيسى طاغلق و عارضه-لى جهتيدير. برنجى صنفك طوپراغى مختلف رنگلرده طولى بالچيقدن عبارت اولوب، زراعته غير مساعد ايسه-ده، معادنى و مرمر، آچى و سائره اوجاقريله طوزى چوقدر. بو صنف اراضى قريمك منقسم بولنديغى 5 قضا ويا %سنجاق\$ دن پرقوپ و اوباتوريه قضالرينك بتونيله سيمفروپول و كفه قضالرينك برر قسمندن، و ايكنجى صنف ايسه يالته قضاسيله كفه و سيمفروپول قضالرينك قسم متباقيسندن عبارتدر. برنجى صنف اراضينك شرق شمالى-يه يعنى سيواش دكيزينه طوغرى آنجق حس اولنور بر خفيف ميلانى واردر. ايكنجى صنف اراضينك قوه انبانيه-سى پك زياده اولوب، طاغلك تپه-لريله اتكلرى باشليجه كوركن، ميشه و چام آغاچلرينى حاوى صيق اورمانلرله مستوردر. قره آغاج، ديش بوداق، قاين، آچه آغاچلريله بيان حالنده ميوه آغاچلرينك انواعى دخى بولنور. طاغ اتكلرينك ساحله قريب اولان آچق طرفلرند طافلان، انجير، نار، فستق، طوت، چنار و قدرت حلواسى آغاچلرى و باغچه-لرده مانوليه، سنبل، زردالى، شفتالى، آرمود، الما و سائره ميوه-دار اشجار يتيشير. باغلى-ده چوق اولوب، مملكته مخصوص 50 نوع اوزومى واردر. نباتات صناعيه و طبيه-دن توتون، صفران، كوك بويا، خشخاش و سائره حاصل اولور. دوز اراضيده اهالى باشليجه حيوانات يتيشدير مكله مشغول اولوب، كلينتى صيغير و مانده ايله قويون، ايكي اوركولى دوه و سائره بسلرلر. صيغيرلرى مملكتمزده دخى قريم دينلن ايرى و سودى چوق جنسه منسوب اولوب، قويونلرى روس و قره-مان جنسلريله برابر قرن حاضر ميلادى ابتداسندن برى ادخال اولنان مريوس جنسندن مركيدر. آزاق دكيزى و كرج شبه جزيره-سى سواحلنده كلينتى باليق صيد اولنوب، قوروديله-رق ويا طوزلنه-رق اخراج اولنور. صنايع و تجارتى -*. روسيه-نك ضبطنه كچه-لى قريم صنايع و تجارته چوق غائب ايدوب، وقتيله كلينته ياپلمقده بولنمش اولان سختيان، مشين، قليج و بيچاق، قبايز، كچه، صابون و سائره معمولات شمدى آز مقدارده ياپلمقده-در. بوندن بر قرن اوله كلنجه-يه قدر سواحلنده-كى اسكله-لرك جمله-سى برر ايشلك تجارته نگاه ايكن، شمى تجارته چوق تدنى ايدوب، اليوم اخراجاتى: طوز، بغدادى، شراب، بال، بال مومى، درى، سختيان، پياغى، كچى و دوه قىلى و سائره-دن عبارتدر. بيوك ليمن عسكرى اولان سواستوپولدن صكره باشليجه ليمانلرى: ساحل غربيده اوباتوريه و نام ديكرله قوسلوف، ساحل جنوبيده بالاقلوه و كفه و آزاق دكيزى بوغازنده كرج اسكله-لريدر. قريمك و بتون ايلتاك مركزى اولان %سيمفروپول\$ شهرى قسم جنوبيينك مركزنده اولوب، سواحلده-كى اسكله-لرله كوزل شوسه-لرله اختلاط ايدر. بر دمير يول خطى دخى روسيه-نك ايچندن كله-رك، و سيواش دكيزنده بر آطه ايله صيغ بوغارلرك اوستندن كوپرلرله شبه جزيره-يه كيره-رك، سيمفروپولدن مورله، سواستوپوله منتهى اولور.

تقسيمات ملكيه-سى، شهر و قصبه-لرى، -*. تاوريده ايلتاك منقسم بولنديغى 8 قضادن 5 يعنى پرقوپ، اوباتوريه، سيمفروپول، يالته و كفه قضالرى قريم شبه جزيره-سند اولوب، بونلرك مركزلرى و همناملرى اولان

قصبه-لرله يوقاریده صاییلان اسکله-لر باشلیجه معموره-لریدر. آنجق تاریخجه روسیه-نک اک اهمیتلی یری اولوب کerk قدیما یونانیلر زماننده کerk قرون وسطاده تاتار خانلری زماننده اهمیت مخصوصه-یی حائز بولنمش بر چوق اسکی قصبه-لری-ده وارد، که شمديکی حالده بر کونه اهمیتلی حائز اولمدقلى حالده، احوال ماضیه-لری جهتله جلب نظر دقت ایديورلر. شبه جزیره-یه نامنی ویرن قریم، خانلرک مقری بولنمش اولان باغچه سراى، آق مسجد، قره صو بازارى و سائره بو جمله-دندر.

اهالیسی، جنسیت و لسان و مذهبلی-*. قریمک اساسلی اهالیسی تاتار اولوب، دیگر بش جنس اهالی دخی بولنیور، که بولنرده: روس، ارمنی، آلمان و اسرائیلی جنسلریدر. تاتارلردن اووه-لرده ساکن اولانلر صرف نوغای ترکلردن اولوب، خالص تاتار سیماسنی محافظه ایتمشلر-سه-ده، طاغلق یرلرده ساکن اولانلر رومدن و سائر جنسیتزدن مهتدی افرادله قاریشه-رق، سیمالری خیلیدن خیلی-یه دوزلمشدر. عمومیت اوزره تاتارلر پک چالیشقان و ناموسلی آدملردر. روسلر کیتدکجه چوغالمقده-در. آلمانلر زراعتله، روملرله ارمنیلر و یهودیلر صنعت و تجارتله مشغولدرلر. اسرائیلیلر یالکز توراته اینانوب، تفسیرلرینه و سائر کتب مذهبییه-یه اینانیمان (قراىب) مذهبه تابعدرلر.

احوال تاریخیه-سی. *- قریم اک اول یونانیلر طرفندن %تاوریده\$ یاخود %خرسونس تاوریق\$ یعنی ((بوغا شبه جزیره-سی)) نامیله طانیلوب، بو اسم صیغیرلرینک کثرتدن طولایی ویرلمش اولسه کرکدر. میلاد عیسی (علیه السلام) دن آلتی قرن اول از میر سواحلیله قارشیسنده-کی جزایر بحر سفیددن عبارت اولان %یونیه\$ یونانیلری کمجیلکه قریم سواحله یناشوب، او وقت کره ارضک اقصای شمالی ظن اولنان اویرلری توطن و تجارته پک الویریشلی کوردکلردن، سواحل جنوبیه-سنده بر طاقم تجارتخانه-لر تأسیس ایتمشدردی، که بولنر مرور زمانله بیویه-رک، عادتاً قصبه-لر حالنه کچمشیدی. بو قبیلدن اوله-رق وجوده کلن قصبه-لرک اک اسکیلری: کرچدن عبارت اولان پانتیقاپیه، کفه-دن عبارت اولان تئودوسیه و سواستوپول قرینده بولنمش اولان خرسون قصبه-لری ایدی. کرچ بوغازینه دخی طارلغی و صیغلی حسبیله، ((صیغیر کچیدی)) معناسیله، %بوسفور\$ نامی ویرلمشیدی. مذکور پانتیقاپیه قصبه-سنگ بوغازک اوزرنده اولان موقعی تجارتجه ده مهم اولوب، بو معموره تدریجاً قریم مرکزی حکمنه کچمش، و اوراده ((بوسفور دولتی)) نامیله بر دولت تشکل ایتمش ایدی. قریمک اصل یرلی اهالیسی متقدمینک (اسکیت) تعبیر ایندکلری و تاتار می یوقسه اسلاومی اولدقلى مختلف فیه اولان مبهم بر قومدن عبارت ایديلر. تاتار اولملری احتماله ده قریب اولان اسکیتلر یونان مهاجرلریله اختلاط ایندکلردن-می، یوقسه اکثریت و قوتله غلبه ایندکلردن-می، هر نه-دن ایسه، اشبو بوسفور دولتی حکمدارلری آر-ه-سنده اسکیت جنسیتنه منسوب بر قاچ حکمدار دخی حکم سورمشیدی. میلاد عیسادن اول-کی قرنده مشهور مهرداد بوسفور دولتی ضبط ایدوب، رومالیرله قارشى اولان بیوک محاربه-ده مغلوب اولدیغنده، اورایه چکلمش، و قبل المیلاد 65 تاریخنده اوراده وفات ایتمش ایدی. برنجی قرن میلادیده (الان) و ایکنجی و اوچنجی قرنده (غوت) قوملری بوسفور دولتی ضبط ایتمشدر ایسه-ده، استقلالنی محافظه ایتمشدردی. میلادک 300 تاریخلرنده غوتلرک حکومتی زماننده خرسوتیانلق قریم شبه جزیره-سینه ادخال اولنمشدی. 375 تاریخنده (هون)لر غوتلرک حکومتته ختام ویرمشلر-سه-ده، غوتلرک بر طاقمی قریمک طاغلق جهتنده قالمشدردی. هونلردن صکره ینه اقوام تاتاریه-دن (اونغر)لر بشنجی و (خزر)لر یدنجی قرن میلادیده قریمی و قره دکیزک سواحل شمالیه-سنى ضبط ایتمشدردی. خزرلر اورالرده طول مدت حکم سورمکه، مملکته %خزریه\$ نامی ویرلمشیدی. چنکیز خانک خروجندن صکره، مغول دولتتک انقسامنده تشکل ایند (دشت قچاق) دولتی قریمه و قره دکیزک سواحل شمالیه-سنى دخی حکمفرما اولوب، بو دولتک دولت اسلامیه-یه انقلابیله یدی خانلغه انقسامنده قریم ایله جوارلری بو خانقلردن برینی تشکل ایتمش؛ و قوم حاکم اولان نوغای تاتارلری مملکتک سابق صاحبلری اولان خزر و الان

و غوت قوملری بقایاسیله قاریشه-رق، جمله-سی قریم تاتارلری دیدیکمز بر قوم حالنه کیرمشلردر. قریم خانلری مذکور یدی خانلغک اک قوتلیلرندن اولوب، بر چوق وقت روسلری جزیه-لری تحنده طوتمش؛ و او وقتلرده قوتلی بر دولت حالنده بولنان لهیلره دخی میدان

اوقویه-رق، دفعاتله کندیلرینی مغلوب ایتمش، و بوجاق %۱۰ یعنی بسارابییه\$ و بغداد طرفلرینی دخی ضبطله، شماله طوغری توسیع ممالک ایتمشله ایدی. وندیکیلر قسطنطنیه روم ایمپراطورلرینک معاونتیه قریم سواحلنه یناشه-رق بر طاقم تجارخانه-لر آچمش؛ و بعده جنویزلر وندیکیلری اخله، قریم تاتارلرینک حمایه-سیله تجارلرینی ضبط ایده-رک، کفه اسکله-سنی بیوک بر تجارنکاه و مستحکم بر استنادکاه حالنه قویمشلردی. خانلرک جنویزلره ایتمکری مساعدات اهلینک خشنودسز لغنی جلب ایتمکله، تاتارلر او صره-ده استانبولی فتح ایدن سلطان محمد خان ثانی حضرترینه مراجعت و استمداد ایتمکدن، 880 تاریخده دوننمای همایون سوقیه، کفه و منکوب قلعه-لری و کرچ بوغازی ضبط اولنه-رق، جنویزلر قریمدن اخراج اولنمش؛ و قریم خانلری دولت عثمانیه-نک تحت تابعیتنه کیرمک مجبوریتنده بولنمشلردی.

او تاریخدن اعتباراً قریم و توابعی ممالک ممتازة عثمانیه-دن معدود اولوب، خانلق منحل اولدقجه، خاندان خانیه-یه منسوب بری فرمان عالی ایله خان نصب اولنور؛ و قریم خانلری سفر وقوعنده عسکر تاتارله اردوی همایون معیتنه کیدر ایدی. آنجق خاندان خانیه-یه منسوب افرادک چوغالمسیله، آره-لرنده تفرقه و فساد اکسیک اولمدیغندن، و هر طرفک درسدانده حامیسی و خصمی بولندیغندن، کیتدکجه خانلرجه تبدلات صیقلاشوب، بینلرنده نفاق و مخاصمات و قتل و اعدام کبی حرکات وحشیانه دخی اکسیک اولمدیغندن، قریمیلر او قوت و نفوذ دورلرندن بر کونه استفاده مادیه و اساسیه ایده-مه-مش؛ و خاندان خانینک موقع اقتدارده بولنمیان افرادیه معزول خانلری اکثریا عمرلرینی منفالرده کچیرمشلردر. خانک معیتنده (قالغای) و (نور الدین) عنوانلریله ایکی بیوک منصب بولنه-رق، بولنره دخی خاندان خانیه-یه منسوب ذوات تعیین، و خانلر دکیشدکجه، بولنر دخی تبدیل اولنوردی. دولت عثمانیه-یه عرض اطاعت اولندقد (منکلی کرای) قریم خانی اولوب، بو ذاتک نسبی بر وجه آتی اون بطنده چنکیز خانه واصل اولور: منکلی کرای، بن حاجی کرای، بن غیاث الدین سلطان، بن تاش تیمور جاناسی، بن تولاتیمور، بن کنجک، بن دو کتور، بن توفاتمر، بن جوجی، بن چنکیز. مذکور منکلی کرایدن اعتباراً دولت عثمانیه-نک فرمانیه نصب اولنان خانلر قرق اوچ کشی اولوب، بولنرک اکثری بر قاچر دفعه مسند خانیه-یه کچمش اولدقلرندن، تاریخ نصبلرینی بیان ایتمیه-رک، یالکز اسملرینی بر وجه آتی تعداد ایدرز:

####

منکلی کرای

محمد کرای

سعادت کرای

صاحب کرای

دولت کرای

سیمن محمد کرای ثانی

اسلام کرای

غازی کرای

فتح کرای

سلامت کرای

جانب کرای

محمد کرای ثالث
عنایت کرای
رزمی بهادر کرای
محمد کرای رابع
اسلام کرای
عادل کرای
حاجی سلیم کرای
مراد کرای
حاجی کرای
اعور سعادت کرای ثانی
صفا کرای
دولت کرای ثانی
غازی کرای ثانی
قیلان کرای
قره دولت کرای ثالث
سعادت کرای ثانی
منکلی کرای ثانی
فتح کرای ثانی
سلامت کرای ثانی
سلیم کرای ثانی
آرسلان کرای
حلیم کرای
قریم کرای
سلیم کرای ثالث
مقصود کرای
دولت کرای رابع
قیلان کرای ثانی
صاحب کرای ثانی
شاهین کرای
بهادر کرای
شهباز کرای
بخت کرای
\$

روسیه دولتی قوت بولدقجه، قره دکیزه مالک اولمق اوزره، قریم خانلغنی ضبط ایتمک احتیاجنی درک ایله، بوکا وار قوتنی صرف ایده-رک، وسیله جستجوسنده ایکن، ینه خاندان خانی افرادی بیننده-کی نفاق و محاسده نتایجندن اولمق اوزره، یوقاریده صاییلان خانلرک قرقنجیسی اولان شاهین کرای روسیه-یه التجا ایتمکله، روسیه دولتی

مداخله-یه وسیله بولوب، 1774ده کوچك قاينارجه معاهده-سیله قريم خانلرينك استقلال و بیطرفلغنی باب عالی-یه تصدیق ایتدیرمش؛ و طقوز سنه صکره 1198 تاریخ هجریسنده روسیه دولتی خانلرک حکومتنه بسبتون ختام و یروب، قریمی کندی ممالکنه الحاق ایتمشدر. بهادر کرای شاهین کرای فرارنده و ایکی خانلغی آرہ-سنده بر مدت حکومت سورمشیدی. شهباز کرای و بخت کرای بافرمان عالی خانلق مسندینه نصب اولنمشلرہ-ده، حرب زمانی اولمغله، اردوکاهده بولنوب، قریمه دخول ایده-مه-مشلردر. قریمک روسیه-یه الحاقندن صکره، اهالیسی اولان تاتارلرک بر قسم عظمی ممالک عثمانیه-یه و علی الخصوص دوبریجه جهتہ هجرت ایتمشلردر.

1-3654-5

قریم، اسکی-*. و نام دیکرله صلاقات

قریم شبه جزیره-سنده و تاوریده ایالتنک کفه قضاسنده اولہ-رق کفه-نک 23 کیلومتره غربنده و قره دکیزه دوکیلن %چوروک صو\$ چایی اوزرنده بر قصبه اولوب، 3000 اهالیسی و صرف بیاض مرمر ایله قرمزی صماقیدن انشا اولنمش آلتیوز سنہ-لک پک مصنع بر جامع شریفی وارد. قریم خانلرینک لک اول مرکزی بوراسی اولدیغندن، بونک اسمی شبه جزیره-یه و بتون خانلغہ دخی اطلاق اولنمشدر.

2-3654-5

قریم کرای

قریم خانلرندن اولوب، الحاج سلیم کرایک توروئی و دولت کرایک اوغلیدر. برادری آرسلان کرایک برنجی خانلغنده نور الدینک منصبده بولندقدن صکره، استعفا ایدوب، برغوس جوارنده-کی چفتلکنه چکلمش ایکن، 1172 تاریخنده مسند خانی-یه نصب اولنمش؛ و 1178ده رکاب همایونه دعوت وسیله-سیله، در سعادتہ جلب و ردوسه نفی اولنمش؛ و 1180ده برادرینک التماسیله نفیدن بالتخلیص، چفتلکنده اقامتہ مساعده بیورلمش؛ و 1182ده در سعادتہ جلبه، ثانیاً مسند خانی-یه نصب اولنہ-رق، روسیه سفری هنکامی اولمغله، کندیسی بوجاق جهتده-کی تاتارلرله و قالغای بولنان برادر زاده-سی مسعود کرای قریم تاتارلریله روس دیارینه الغار ایده-رک، فراوان غنایم و اسرا اخذیله، عودتندن صکره، سنہ مذبورہ-ده وفات ایتمشدر. جسور، حریص شهرت و شان، ذوق و اکلنجہ-یه مجبور و دبدبه و طنطنہ-یه مائل اولوب، (دلی خان) دینمکله شهرت بولمشیدی. باغچه سرایده %دلارا\$ اسمیله بر جامعی، قوشان قصبہ-سنده دیکر بر جامع شریفی و متعدد چشمہ-لری، باغچه سرای جوارنده خانلرہ مخصوص %اشلمہ باغچه\$ اسمیله غایتله مزین سرای و باغچه-سی و سائر آثاری وارد.

1-3655-5

قریمی، عبد الله افندی

مشاهير خطاطيندن اولوب، 999ده وفات ايتمشدر. خارج سور استانيولده و امير بخارى جوارنده كوردىكى بر رۇيا اوزرينه حياتنده تهيه ايتمش اولدىعى مزارينك طاشنده-كى ((قد طوى طوامير الاعمال و نسخ اساطير الامال بالاجال)) عباره-سى كندى خطيله محرر اولوب، حتى تاريخك-ده (99) رقمى كنديسى يازوب، برينى-ده شاكردانمز يازسون ديمش اولدىعى مشهوردر.

2-3655-5

قرين آباد

شرقى روم ايلينك بر غوس سنجاغنده و بر غوسك 45 كيلومتره غرب شماليسنده اوله-رق بالقان سلسله-سنگ بر شعبه-سى اوزرنده و طونجه-يه دوكيلن % اينجه صو\$ قربنده ناحيه مركزى بر قصبه اولوب، نصفندن زياده-سى مسلم و قصورى بلغار، اسرايلى و چكانه اولمق اوزره، 5000 اهاليسى، هر سنه ايلك بهارده قوريلور پنايرى، عبادستگاهلرى و قيون اخراجاتى واردر.

3-3655-5

قريبو

1#

اناطولينك ساحل غربيسنده استانكوى كورفزيله سومبكي كورفزي آر-ه-سنده دكيزك ايچنه طوغرى زياده اوزانير بر برونر.

4-3655-5

قرئوزه

1#

تروا حكمدارى پريامك قيزى و (انئوس)ك زوجة-سى اولوب، تروانك غارتى اثناسنده زوجيله قاچاركن نابديد اولمش.

5-3655-5

قرّيه

((كوى)) ديمك اولان بو اسم مكرمه-يه دخی علم اولوب، آيت كريمه-ده بو معنى ايله وارد اولمشدر.

6-3655-5

قُرْبِيَه

بغدادده ايكي بيوك محله-نك اسمى اولوب، برى حريم دار الخلافه-ده، و ديكرى مدرسه نظاميه چارشيسى قارشيسنده ايدي.*- مدينه منوره جوارنده و يمامه-ده دخى برر قريه-نك اسمى ايدي.

7-3655-5

قَزاز، ابو عبد الله بن جعفر التميمي

مشاهير علما و ادبان اولوب، ملوك فاطميه-دن عزيز بن معزك زماننده قيروانده ياشامش؛ و 412 تاريخنده شهر المذكورده 70 ياشلرنده وفات ايتمشدر. نحو و لغت و ادبياتده يد طولى صاحبي اولوب، طبيعت شعريه-سى دخى وار ايدي. ((الجامع)) عنوانيله لغتده بيوك بر كتابى، نحوده ((المفترق)) عنوانيله مفصل بر تاليفى، ((المعترض)) عنوانيله بر تصنيفى و سائر آثاري واردر. شو ايكي بيت جمله اشعارندندر:

@@@

اضمر والى رداً ولا تظهره

يهده منكم الى الضمير

ما ابالى اذا بلغت رضاكم

فى هواكم لاي حال اصير

\$

8-3655-5

قزاسلاؤ

وآلمانجه چاسلاؤ #1 اوستريانك چهستان خطه-سنده پراغه ايالتنده و پراغه-نك 72 كيلومتره شرق جنوبيسنده قضا مركزى بر قصبه اولوب، 6000 اهاليلى واردر.

9-3655-5

قزان

1#

روسية-ده پترسبورغك 1200 كيلومتره شرق جنوبيسنده و موسقوه-نك 725 كيلومتره شرقنده اوله-رق صولدن وولغايه دوكيلن %قزانسقه\$ چابى اوزرنده و وولغا كنارندن 5 كيلومتره-لك مسافه-ده "24' 47° 55 عرض

شمالی ایله "4' 47' 46° طول شرقیہ واقع ایالت مرکزی بر شهر اولوب، 139915 اهالیسی، دار الفنونی، 91000 جلدی حاوی کتبخانه-سی، رصدخانه-سی، تشریح و کیمیا عملخانه-لری، تاریخ طبیعی نمونه-خانه-سی، ایکی ذکور و بر انات مکتب اعدادیسیله اناته مخصوص بر مکتب عالیسی، متعدد مدرسه-لریله مکاتب ابتدائیة اسلامیہ-سی، 46 کلیسایسی، 12 جامع شریفی، کتب ترکیه طبعنه مخصوص حروف عربیہ-یی حاوی بر مطبعہ-سی، شهرک مسلمانلری عندندہ معزز بر اسکی قلعه-سی، بر چوق دباغخانه-لری، بویاخانه-لری، ایچ یاغی و بال مومی و اسپارماچت تصفیہ خانه-لری، صابون، بیرہ و مسکرات فابریقه-لری، بعض منسوجات دستکاهلری و اسلحه فابریقه-لری، دمیر و باقیر دوکخانه-لری و پک ایشلک تجارتی وارد. بیوک فابریقه-لری 100 عددندہ اولوب، ایچلرنده 3700 عمله چالیشیر، و سنوی 53 ملیون فرانقلق معمولات چیقار. تجارت و صنایعدن قزانده سنوی 232 ملیون فرانق استفاده اولنور. یازین نهرلرک صویب آلمغله، تجارت سکتہ-دار اولورسه-ده، ایلك بهارده، هواسی پک لطیف اولمغله برابر، نهرلر دخی طاشوب، کمیلر فابریقه-لرک و دکانلرک اوکنده دمیر آتدقلرندن، او موسمه پک چوق آلیش ویریش اولور.

قزان شهری اون درنجی قرن میلادیده بایدوخان ویا اخلافندن بری طرفندن شمیدیکی موقعنک 14 و بر ظنه کوره 28 کیلومتره شمال شرقیسنده بنا اولنوب، قرن مذکور اوخرنده روسیه بیوک دوقه-سی واسیل دیمتر بویچ طرفندن تخریب اولنمش؛ و قرق سنه صکره دشت قیچاق خانی طرفندن ولغا مجراسی قریبده یعنی شمیدیکی موقعنده تأسیس اولنوب، آروپا ایله آسیا آر-سندہ بیوک بر تجارت مرکزی اولمش ایدی. دشت قیچاق دولتک انقسامنده قزان بو بیوک دولتک انقاصندن تشکل ایدن بش خانلقدن برینک مرکزی اولمش؛ و قزان تاتارلری بر چوق وقت روسلرله اوغراشدقندن صکره، نهایت 1552 تاریخ میلادیسنده قزان شهری و خانلغی روسلرک ید ضبطنه کچمشدر. شهر بر چوق وقت دهها صرف تاتار و اسلام شهری حالنده قالبوب، نهایت اون آلتنجی قرن میلادی اوخرنده ایمپراطورک بر امر رسمیسيله مسلمانلر شهرک ایچندن اخراج، و جامعلری احراق اولنہ-رق، شمیدیکی حالده اهالی شهرک بر ئمنی راده-لرنده اولان مسلمانلر %قباں کولنک شمال غربی جهتنده آیریجه بر محله تشکیل ایتمشلردر. شهرک قسم اعظمی اخشاب خانه-لی و صیقتدیلی اولوب، یالکز کبار و اغنیاپه مخصوص اولان یوقاری قسمنده کارکیر خانه-لر و کنیش و قالدیرملی سوقاقلر بولنیور.

*- قزان ایالتی شمالاً ویاتقه، شرقاً اوفه، جنوباً ساماره و سیمبیرسک، غرباً دخی نیژنی نوووغورود ایالتریله محدود اولدیغی حالده، مساحه سطحیه-سی 63716 مربع کیلومتره و اهالیسی 2162339 کشیدر. اراضیسی غرب و شمال جهتلرنده آز عارضه-لی و جنوب شرقی طرفلرنده و انهارک مجرالری قریبده دوز و آلچقدر. %ولغا ایرماغی ایلاته غربدن کیروب، اورته-سندہ بولنان قزان شهرینه قدر شرقه طوغری آقدقن صکره، جنوبه طوغری دونوب، بو ایکنجی استقامتتک و سطرلرنده شرقه کلن %قامه\$ نهرینی آلیر. حدود غربیه-سندہ %سوره\$ نهری جنوبه و %وتلوغه\$ شمالدن کله-رک، ولغایه دوکیولرلر. بو وجهله ایالتک بتون میاه جاریه-سی ولغا ایرماغنه و اراضیسی بحر خزر مائله-سنه تابعدر. کوللری چوق اولوب، 400 عددینه قریب ایسه-ده، جمله-سی کوچکدر. اراضیسنک نصفندن زیاده-سی اورمانلرله مستور اولوب، سفائن اعمالنه یاران کراسته قطع اولنور. اراضیسنک یوزده قرقی مزروع اولوب، برنجی درجه-ده آرپه و چاودار و ایکنجی درجه-ده بغدای، داری، مصر، کتن، کنویر، خشخاش، سبزه و سائره حاصل اولور. چاپرلری یوزده یدی نسبتنده ایسه-ده، حیوانات اهلیه-سی چوق اولوب، بر ملیوندن زیاده قویون، 360000 صیغیر، 427000 خرکله، 192000 طوموز و 46000 کچی بولنیور. طیوری و آریلری-ده چوقدر. هواسی پک سرت اولوب، قیشلری اوزون و قار و بوزلری چوقدر. صنایع و تجارتی پک ایلری اولوب، آغاجدن مواد مختلفه یاپدقلری کبی، قادینلری کتن و یوکدن انواع منسوجات اعمال ایدرلر. دباغخانه-لری، صابون، یاغ، اسپرتو و سائره فابریقه-لریده چوقدر. اهالیسنک

همان نصفی روس و نصف دیکری تاتار و چوواش، چرمیس، دودباق و سائر اقوام تورانیه-دن اولوب، بونلردن یاریم ملیونی متجاوز اولان تاتارلر مسلم و سنی، و سائرلری اساساً بتپرست ایسه-ده، بونلر میاننده روسلر خریستیانلغی دخی ادخال و نشر ایتمشلردر. ایالت 12 قضایه منقسم اولوب، 13 شهر و قصبه-سی، 17 بیوک قریه-سی، 331 کلیسالی کوی و 3352 کوچک کوی و چفتلکی حاویدر.

1-3657-5

قران

یاخود قرغان و بلغارجه قوتل #1 شرقی روم ایلینک اسلیمیه سنجاغنده و اسلیمیه-نک 25 کیلومتره شمال شرقیسنده و دلی قامجیغک منابعی قرینده اوله-رق کوچک بالقان اتکنده ناحیه مرکزی بر قصبه اولوب، 5000 اهالیسی و بعض منسوجاتی واردر.

2-3657-5

قرانلق

شرقی روم ایلینک اسکی زاغره سنجاغنده و اسکی زاغره-نک 28 کیلومتره شمال غربیسنده و طونجه-نک ساحل شمالیسی قرینده اوله-رق شبقه بوغازینه قریب غایتله کوزل بر وادیده واقع قضا مرکزی بر قصبه اولوب، 20000 قدر اهالیسی، 16 جامعی، 4 کلیساسی، بلغارلرک ذکور و اناثه مخصوص آیری آیری مکتبلری، بر قیز مناستری و قصبه-نک قارشیسنده قره-جه طاغک اتکلرنده پک واسع کل باغچه-لریله سنوی تقریباً 1000 قیه کل یاغی اخراجاتی واردر. بو حال وقوعات اخیره-دن اول اولوب، بلغار عصیانی و روسیه محاربه-سی اثناسنده قرانلق چوق خساره اوغرامش، و نفوس عمومیه-سنگ نصفندن زیاده-سنی تشکیل ایدن اهالی اسلامیه-سنگ چوغی هجرت ایتمشدر.

3-3657-5

قردار، یاخود قصدار

سجستان ایله سند و مکران آره-سنده یعنی بلوچستان جهنتده بر قصبه اولدیغی جغرافیون عرب آثارنده مسطوردر.

4-3657-5

قرنوویچ

1#

آوستریا و مجارستان دولتندہ %بوقوینہ\$ خطہ-سنک مرکزی بر شہر اولوب، پروت نہرینک ساحل یمینندہ واقع و 34000 اہالی-یی جامعدر. آوستریادہ اورتودوقس خرستیانلرینک پطریقخانہ-سی بو شہردہ اولوب، بر مکتب عالیسی و قیومجیلق و جواہرجیلغہ متعلق معمولاتی واردر.

5-3657-5

قزونی جورج

[(قرہ یورکی)) مادہ-سنہ مراجعت بیوریلہ.]

6-3657-5

قزوبین

ایرانک عراق عجمی ایالتندہ و طہرانک 150 کیلومترہ غرب شمالیسندہ %البرز\$ سلسلہ جبالی اتکندہ و ابہر رودہ دوکیلن بر چایک منبعندہ و طہراندن تبریزہ کیدن طریقک اوزرنده "2' 15° 36 عرض شمالی ایلہ "18' 42° 47 طول شرقیدہ بر شہر اولوب، 45000 اہالیسی، ہارون الرشیدک بناکردہ-سی اولان مصنع بر جامع شریفیلہ، خارجاً غایت کوزل چینیلرلہ قاپلانمش مکعب الشکل بر جامع شریفی و سائر جوامع و مساجدی، خرابہ یوز طومتش اسکی بر سراپی و اوکندہ اشجارلہ مظلل بر میدانی، پک ایشلک تجارتی و بیوک بازار و چارشیلری، اطرافندہ شہرک وقتیلہ چوق دہا بیوک بولنمش اولدیغنہ دلالت ایدر واسع مزارستانلری و ایچلرندہ بعض مشاہیر مراقدی، پک لذیذ اوزوم ویرر باغلریلہ فستق، قاربوز و سائر کوزل میوہ-لری واردر. بر طرفندن آذربيجان و شروان و ممالک عثمانیہ، بر طرفدن بحر خزر اسکلہ-لری و بر طرفدن دخی فارس و ہندستان و سائر جہاتدن کلن کروان طریقلرینک مجموعی بر نقطہ-دہ واقع اولمغلہ، اہمیت تجاریہ-سی اولوب، اہالیسی عمومیت اوزرہ زنکین و جسور آدملردر. آنجق موقعنک ارتفاعی حسیبلہ ہواسی سرت و سریع التحول اولوب، صویب-دہ پک قیت اولمغلہ، اکثریا صہرنج صویب استعمال ایدرلر؛ و بناءً علیہ (انبارآب) تعبیر ایتدکلری پک کنیش صہرنجلری واردر. ایرانیلر شاپور ذو الاکتافک ویا بہراملردن برینک بناکردہ-سی اولدیغنہ ذاہب ایسہ-لردہ، بطلمیوسک کتابندہ (قسابینہ) اسمیلہ مذکور اولدیغنہ باقیلیرسہ، چوق دہا اسکی اولوب، اسکندردن اول موجود بولنمش اولدیغی آکلاشیلیر. اصل اسم فارسیسی %کزاوین\$ اولوب، قزوبین بونک معریبدر. قزوبیندہ ایپک منسوجات، خالی و پاموقدن بز نسج و اعمال اولنور.

1-3658-5

قزوبینی، زکریا بن محمد بن محمود

مشاهیر علمادان اولوب، جغرافیا و هیئت و تاریخ طبیعی-یه متعلق غرائب احوالی حاوی ((عجائب المخلوقات)) عنوانیله عربی العبارة مشهور بر تالیفی وارد، که آلمانیاده طبع و نشر، و اکثر آوروپا السنه-سنه ترجمه اولنمشدر. قزوینده دنیایه کلوب، کتاب مذکوری 764ده اکمال ایتمشدر.

2-3658-5

قزوینی، حکیم شاه محمد

مشاهیر علما و اطبادان اولوب، وطن اصلیمی اولان قزوین علماسندن و بعده ملا جلال الدین دوانیدن تحصیل علوم عقلیه و نقلیه ایتدکن صکره، مکه مکرمه-یه عزیزتله، مجاورت ایتدکه ایکن، سلطان بایزید خان ثانی حضرتلری جانیندن در سعادتله جلب بیوریله-رق، وظیفه تعیین اولنمش؛ و سلطان سلیم خانک جلوسلرنده دهها زیاده تقرب و التفات بولوب، معینلرنده سفر ایتمش؛ و سلطان سلیمان خان زماننده وفات ایلمشدر. سوره نحلدن آخر قرآنهدک بر تفسیر شریفیله ((کتاب ربط السور و الایات)) عنوانیله بر کتابی، خواجه زاده-نک ((تهافت))نه حاشیه-لری، دوانینک ((شرح عقاید))نه حواشیسی، ایساغوجی-یه، کافیه-یه، طیده موجزه شرحلری وارد. دمیرینک ((حیة الحیوان))نی دخی فارسی-یه ترجمه ایتمشدر.

3-3658-5

قزیل

چینه تابع ترکستان شرقیده یکی حصار قضااسنده و یکی حصارک 45 کیلومتره شرق جنوبیسنده، اوله-رق، کاشغردن یارقنده کیدن طریق اوزرنده بر قصبه اولوب، 4000 اهالیسی و یرلیلر طرفندن چیقاریلان دمیر معدنی وارد. طوپراغنک رنکندن طولایی بویله تسمیه اولنمشدر.

4-3658-5

قزیل آرت

(یاخود قزیل یارت) آسیای وسطیده پامیر خطه-سنک شرق جهتنده جنوب شرقیدن شمال غربی-یه ممتد بر سلسله جبال اولوب، اک یوکسک ذروه-سی 6872 متره ارتفاعنده-در. بونک آلت طرفی حکمنده اولان %چیچکلک\$ طاغنک-ده 4780 متره ارتفاعی وارد. %کوه بلور\$ک عینی اولمسی محتملدر.

5-3658-5

قزیل آرسلان

آذربایجانده امارت و حکومت سورن اتابکانک اوچنجیسی اولوب، سلاله مذکورہ-نک بانسی اولان شمس الدین اتابک ایلدکک ایکنجی اوغلیدر. 851 تاریخده، بیک برادری جهان پهلوان اتابک محمدک وفاتی اوزرینه، مسند امارته کچوب، سلفری رتق و فتق اموری بسبتون اللرینه آلمش و سلجوقیلرک النده بر حکم بر اقامش اولدقلری حالده، بونک زمانده سلطان طغرل سلجوقی امور حکومتی کندی الینه آلمغه فالقیشوب، صاحب ترجمه-یی موقع اقتداردن دوشورمکه چالیشمغله، بینلرنده محاربه ظهور ایدوب، ابتدا سلطان طغرل غالب کلمش ایسه-ده، بعده مغلوب اولمغله، قزیل آرسلان کندیسنی %0کرم \$ قلعہ-سنه حبس ایدوب، یرینه تخت سلطنته جلوس ایتمش؛ و 6 سنه حکومت سوردکن صکره، 587ده بیتاغنده مقتول بولنمشدر.

5-3658-6

قزیل آطه-لر

استانبول جوارنده و مرمره دکیزنده-کی آطه-لره وقتیله ویریلن اسمدر. [(آطه-لر)] ماده-سنه مراجعت بیوریله.

5-3658-7

قزیل آعاج

بحر خزرک ساحل غربیسنده، روسیه-نک باکو ایالتنده همنامی اولان قویک مدخلنده بر کوچک قصبه و اسکله اولوب، صید ماهیسنک کثرتیله مشهوردر.

5-3658-8

قزیل اوزن

(ونام دیکرله سفید رود) ایرانک غرب شمالی جهتده بر ایرماقدر، که آردلان خطه-سنده نبعانله، ابتدا شماله طوغری آقه-رق عراق عجمینک ایچندن مرورله، آذربایجانه دخول و صاغدن سنجان رود و سولدن قره کول چایلرینی اخذ ایتدکن صکره، بردن بره جنوب شرقی-یه طوغری دونه-رک، ینه عراق عجمی داخلنده الیرز سلسله جبالنک جنوبی اتکلریله زنجانک اوستنده-کی طاغرل آره-سنده بر وادینک ایچنده آقار؛ و بعده شرقدن کلن شاهرودی اخذ ایله، بردن بره شمال شرقی-یه طوغری دونوب، طاغرل آره-سنده طار بر بوغازدن و منجیل ایله رودبار آره-سنده واقع کارکیر بر کوپرینک آلتندن مرورله، کیلان خطه-سنه کیرر؛ و رشتک شرق طرفنده کندی دوکدیکی قوملردن دکیزک ایچنه 25 کیلومتره اوزانمش بر بوروندن بحر خزره منصب اولور. صویب زیاده ایسه-ده، درینلکی آز اولدیغندن، سیر سفاننه صالح اوله-جق حاله قونمسیچون شمدی-یه قدر اولان تشبثلر مثمر اوله-مامشدر.

1-3659-5

قزىل ايرماق

آناطوليناك اك بيوك ايرماغى اولوب، فيضانى زماننده سوروكلايكي چامورلردن آلدیغى قيرمى-يه مائل صاريمتراق رنكندن طولايى بو اسمله تسميه اولنمشدر. اسم قديمى %هاليس\$در. سيواس ولايتنك حدود شرقيه-سى قرينده قره-بل ايله كوسه طاغ اتكلرنده نبعانله، غرب جنوبى-يه طوغرى نفس سيواس سنجاغنك وسطندن جريان ايدر؛ و سيواس شهرى اوكندن مرور ايدى-رك، صاغ و صولدن بر چوق چاپلر آلدقندى-كره، آنقره ولايتنك قيصريه سنجاغنه داخل اولور؛ و اوراده دخی صولدن قره-صويى اخذ ايله، قونيه ولايتى حدودينه واصل اولنجه، تبديل استقامت ايدى-رك، ولايت مذكوره ايله آنقره ولايتنك قير شهرى سنجاغى آره-سندى غرب شمالى-يه طوغرى آقار؛ و بو قسمنده دخی جهتيندن بر قاچ چای بعد الاخذ، قونيه ولايتى حدودىنى تركله، آنقره ولايتى داخلنده و نفس آنقره ايله قير شهرى سنجاغلى آره-سندى جنوبى شماله طوغرى آقه-رق، قسطمونى ولايتى حدودينه واصل اولور؛ و اورادن شرق شمالى-يه طوغرى دونوب، ولايت مذكوره ايله آنقره ولايتنك قير شهرى و بعده چوروم سنجاغلى آره-سندى آقه-رق، ينه جهتيندن بر چوق چای و على الخصوص صاغدن تابعلرينك اك بيوكى اولان دليجه ايرماغى اخذ ايدر. نهايت يكيدن سيواس ولايتنه دونوب، آماسيه سنجاغنه دخول ايله، شماله و بعده شمال غربى-يه طوغرى دونه-رك، بو سنجاق داخلنده بر قوس ياپدقندى صكره، بتكرار قسطمونى ولايتى حدودينه واصل اولوب، بو ولايتله سيواس و بعده سيواس ايله طربزون ولايتلى آره-سندى شرق شمالى-يه طوغرى آقار؛ و نهايت طربزون ولايتنك جانىك سنجاغى ايچنه دخول ايله شماله طوغرى دونه-رك، دكيزك ايچنه طوغرى اوزاتمش اولديغى بر داليه ايچندن قره دكيزه منصب اولور. بو وجهله آناطوليناك شرق شمالى قسمنده بيوك بر قوس تشكيل ايدوب، منبعيله منصبى آره-سندى و تر قوس 250 كيلومتره قدر اولديغى حالده، ايرماغك مجراسى، كوچك كيرنتى و چيقتيلارى محسوب اولمديغى حالده، 850 كيلومتره طولنده-در. كچديكى يرلر اراضى مرتفعه-دن عبارت اولمغله، طربزون ولايتى حدودينه واصل اولنجه، پك سرعتلى اينيشلردن اينديكندن، سبر سفاننجه استفاده اولنه-ميور.

2-3659-5

قزىل باش

بو اسم عن اصل ايرانده دولت صفويه-نك تأسسنه خدمت ايدن بر صنف عسكروه و بو عسكرى تشكيل ايدن ترك و تركمان قبيله-لرينه ويرلمشيدى. بو اسم دخی عساكر مذكوره-نك باشلرينه قيرمى صاريق كيميلردن ايلرى كلوب، بورنك-ده صفين محاربه-سندى معيت جناب مرتضويده-كى عسكروه تقليداً انتخاب اولنمشدى. شمديكى ايران خاندان حكمرانيسنك منسوب اولديغى قاچار قبيله-سى دخی قزىل باش عدادينه داخل ايدى. چالديران محاربه-سندى و اوى متعاقب ملوك صفويه ايله دولت عثمانيه آره-سندى وقوع بولان محاربات اثناسنده قزىل باش اسمى شيعى معناسيله استعمال اولنه-رق، آناطوليناك شرق شمالى جهتنده و على الخصوص ارضروم، سيواس، معموره العزيز ولايتلرنده بولنان شيعى المذهب اهالى-يه خى ويرلمشدر. بونلره اشتراك ازواج كى زنادقه-يه مخصوص بعض اعتقاد و اينلر دخی اسناد اولنيورسه-ده، صحتى شبهه-ليدر. بونلر ك عددى 250000 ايله 400000 آره-لرنده تخمين اولنيور. افغانستانده دخی قزىل باش اسميله بر صنف اهالى بولنوب، بونلر دخی شيعى المذهبدر؛ و عن

اصل ترك و تركمن اولوب، نادر شاه طرفندن اورالره سوق و اسكان اولنمشدر. افغانستانده-كي قزىل باشلرك چوغى كابلده و هراتده اولوب، جمله-سى 75000ى متجاوز دكللردر. اصل لسانلرى تركجه اولوب، فارسى دخى قونيشورلر.

1-3660-5

قزىلجه طوزله

آبواجق قصبه-سنگ اسكى اسميدر. [(آبواجق) ماده-سنه مراجعت بيوريله.]

2-3660-5

قزىل دلى چاى

ادرنه ولايتنده بر نهردر، كه ردوپ شعباتندن قوجه يابله طاغندن نبعانله، شمال شرقى-يه و بعده شرقه طوغرى جريان ايد-رك، ديمتوقه-نك آلت طرفنده مريچ ايرماغنه دوكيلور.

3-3660-5

قزىل صو

آسپاى وسطيده %پامير\$ مملكتنك اخيراً روسيه-نك ضبطنه كچن %ماوراء آلاى\$ خطه-سنده %قزىل آرت\$ بوغازندن نبعان ايدر ايكى نهرك اسميدر. بونلرك برى شرقه طوغرى آقوب، دها آشاغيده %كاشغر دريا\$ اسمنى آله-رق، %تاريم\$ ايرماغنه دوكيلور. ديكرى غربه طوغرى آقوب، دها آشاغيده %سرخ آب\$ اسم فارسيسييله جيحونه منصب اولور.

4-3660-5

قزىل طاغ

روسيه-نك قارص ايالتنده و قارصك 40 كيلومتره شمالنده آرپه چاييله كور ايرماغى منابعى آره-سنده بركانى الاصل بر طاغ اولوب، 3140 متره ارتفاعى واردر.

5-3660-5

قزىل عورت

ماورای بحر خزرده و قره قوم چولی قربنده اوله-رق (آخال تکه) ترکمانلری مملکتنده بر قصبه اولوب، 3500 اهالی اسلامیه-سی و 300 روس محافظه عسکری واردر.

6-3660-5

قزیل قوم

آسیای وسطیده روسیه-یه تابع ترکستانده جیحون ایله سیحون مجرالر ی و قره طاغ انکلریله آرال کولی آره-سنده ممتد بر چول اولوب، شرقدن غربه بویی تقریباً 600 و اکی 350 کیلومتره-در. وقتیله دکیز دیبی بولنمش اولدیغی بولنان حیوانات بحریه مستحائنه-لرندن آکلاشیلور. قیرمزی بر قومله مستور اولوب، پک سیرک بعض چالیردن بشقه نباتاتی یوغیسه-ده، اکثر برلرنده ایکی اوچ متره قازیلنجه ایچیله بیلیر صو چیقار.

7-3660-5

قسطا بن لوقا

خلفاء عباسیه زماننده یتیشن مشاهیر اطبادن اولوب، بعلبکی و رومی الاصل ایدی. لسان یونانی-یی ایی بیلدیکی کبی، سریانی و عربی لسانلرینی دخی فصیح صورتده بازمغله، بر چوق کتب طبیه و سائره-یی یونانیدن و سریانیدن ترجمه، و بشقه-لرینک ترجمه-لرینی دخی تصحیح ایتمش؛ و کندیلکندن دخی بر چوق کتابلر تألیف ایلمشدر. طبدن بشقه هندسه-ده و سائر علوم ریاضیه-ده و فلسفه و هیئنده دخی ید طولی صاحبی ایدی. مقتدر باللهک زماننده بغدادده بولنوب، بعده بعض رؤساء نصرانیه-نک دعوتی اوزرینه، ارمینییه-یه عزیزتمله، اوراده وفات ایتمشدر. باشلیجه تألیفاتی بر وجه آتیدر: ((کتاب فی اوجاع النقرس))، ((کتاب فی الروائح و عللها))، باهک اسباب و احوالی حقدده ابو محمد حسن بن مخلده خطاباً سؤال جواب صورتنده بر رساله، ((کتاب فی الاعداء))، ابن مدبره خطاباً یازدیغی ((کتاب جامع فی الدخول الی علم الطب))، ((کتاب فی النبیز و شربه فی الولائم))، ((کتاب فی الاسطفسات))، ((کتاب فی السهر))، ((کتاب فی العطش))، ((کتاب فی القوة و الضعف))، ((کتاب فی الاغذیه علی طریق القوانین الکلیه))، ((کتاب فی النبض و معرفة الحمیات و ضروب البحرانات))، ((کتاب فی علة الموت فجأة))، ((کتاب فی معرفة الخدر و انواعه و علله و اسبابه و علاجه))، ((کتاب فی ایام البحران فی الامرض الحادة))، ((کتاب فی الاخلاط الاربعه و ما تشترک فییه))، ((کتاب فی الکبد و خلقتها و ما یعرض فیها من الامراض))، ((رسالة فی المروحة و اسباب الريح))، ((کتاب فی مراتب قراءة الكتب الطبیة))، ((کتاب فی تدبیر الابدان فی سفر الحج))، ((کتاب فی دفع ضرر السموم))، ((کتاب فی المدخل الی علم الهندسة))، ((کتاب آداب الفلاسفة))، ((کتاب فی الفرق بین حیوان الناطق و غیر الناطق))، ((کتاب فی تولد الشعر))، ((کتاب فی الفرق بین النفس و الروح))، ((کتاب فی حیوان الناطق))، ((کتاب فی الجزء الذی لایتجزأ))، ((کتاب فی حركة الشریان))، ((کتاب فی النوم و الرؤیاء))، ((کتاب فی العضو الرئیس من البدن))، ((کتاب فی البلغم))، ((کتاب فی الدم))، ((کتاب فی المرة الصفراء))، ((کتاب فی المرة السوداء))، ((کتاب فی شکل الكرة و الاسطوانة))، ((کتاب فی الهيئة و ترکیب الافلاک))، ((کتاب فی حساب التلاقی علی جهة الجبر و المقابلة))، ((کتاب فی ترجمة دیوفنطس

في الجبر و المقابلة))، ((كتاب في العمل بالكرة الكبيرة النجومية))، ((كتاب في عمل الآلة التي ترسم عليها الجوامع و تعمل منها النتائج))، ((كتاب في المتعة))، ((كتاب في المرايا المحرقة))، ((كتاب في الاوزان و المكايل))، ((كتاب السياسة))، ((كتاب العلة في اسوداد الحيش و تغيره من الرش))، ((كتاب الفرستون))، ((كتاب في الاستدلال بالنظر الى اصناف البول))، ((كتاب المدخل الى المنطق))، ((كتاب شرح مذهب اليونانيين))، ((رسالة في الخضاب))، ((كتاب في شكوك كتاب اقليدس))، ((كتاب الفصد))، ((كتاب المدخل الى علم النجوم))، ((كتاب الحمام))، تاريخه دائر ((كتاب الفردوس))، ((رسالة في استخراج مسائل عدديات من المقالة الثالثة من اقليدس))، ((تفسير ثلاث مقالات و نصف من كتاب ديوفنطس في المسائل العددية))، ((كتاب في عبارة كتب المنطق))، ((كتاب في البحار))، ((مسائل في الحدود على رأى الفلسفة)).

1-3661-5

قَسْطَرَه

اندلسه جيان اعمالندن بر قصبه اولديغى ((معجم البلدان))ده مسطوردر.

2-3661-5

قَسْطَلانى، احمد بن على

مصر مشاهير علماسندن اولوب، سير نبوى حقتده ((المواهب اللدنيه)) عنوانلى كتاب مشهور ايله ((فتح الدانى)) عنوانلى اترك صاحبيدر. 923 تاريخنده وفات ايتمشدر.

3-3661-5

قَسْطَلَه

اندلسه بر قصبه اولوب، دراج قسطلى و سائر مشاهيرك مسقط رأسى بولنمشدر.

4-3661-5

قسطلى، ابو عمر احمد بن احمد

اندلس مشاهير ادبا و شعراسندن اولوب، جد اعلاسنه نسبتله (ابن دراج) دينمكله دخى معروفدر. آنف البيان قسطله قصبه-سنده 347 تاريخنده دنيايه كلمش، و 421ده وفات ايتمشدر. شو بيت جمله اشعارندندر:

@@@

ان كان واديك ممنوعا فموعدا

5-3661-5

قسطنونی

آناتولینک شمال غربی قسمندہ، استانبولک 400 کیلومترہ شرقندہ، قرہ دکیزدہ اسکله-سی اولان اینہ-بولینک 65 کیلومترہ جنوبندہ و قزیل ایرماغہ تابع کوك ایرماغك ساحل یمینی قربندہ اولہ-رق بو نہرہ دوکیلن بر چایک اوزرندہ "10' 23° 41 عرض شمالی ایلہ "22' 24' 32 طول شرقیہ و 850 کیلومترہ-لک ارتفاعندہ واقع ہمنامی اولان ولایتک مرکزی برشہر اولوب، 25594 اہالیسی، 63 جامع و مسجدی، 2 کلیسای، 17 مدرسہ-سی، 4 کتبخانہ-سی، 12 تکیہ-سی، متعدد تریہ و زیارتکاهی، مکتب اعدادی ملکیسی، رشدیہ عسکریہ-سی، اناث رشدیہ-سی، دار المعلمین صبیانی، ذکور و اناث ایچون یکی اصول اوزرہ یدی مکتب ابتدائیی و متعدد مکاتب صبیانی، بر مکتب صنایعی، روملرہ مخصوص ذکور و اناث ایچون برر و ارنیلرک بر مکتبی، ایکی خستہ-خانہ-سی، قشلہ و دیویلیری، خراب بر قلعه-سی، 1919 دکان و مغازہ-سی، 45 خانی، 15 حمامی، 2 عمارتی، بدستانی، 28 فرونی، 3 صو دکرمی، متعدد دباغخانہ-سی، 4 کرہ-میدخانہ-سی، بر ساعت قلہ-سی و سائر مؤسساتی واردر. شہرک اوچ طرفی طاغلرلہ محاط اولوب، شمال جہتی آچیدر. خانہ-لرینک اکثری طاغ و تپہ-لرک اتکلرندہ اولمغلہ، خارجاً منظرہ-سی ضرررسز ایسہ-دہ، سوقاقلری طار و طولاشیقلی واولری اخشاب اولمغلہ، داخل بر حسنی یوقدر. ایچندن کچن چایک بعض یرلرندہ ریختملر یاپلمشدر، و اوستندن 12 کوپری ایلہ کچیلیر. چایک صویندن بشقہ بر قاچ صولر دہا اسالہ ایدیہ-رک، شادرانلر و چشمہ-لر یاپلمشدر. جوامع شریفہ-سنک اک بیوک و مصنعلری : نصر اللہ قاضی، اتابک، طوپچی اوغلی، سنان بک، یعقوب اغا (اسفندیار زادہ-لردن) اسماعیل بک جامعلریدر. شہر 34 محلہ-یہ منقسمدر. داخل و خارجندہ بر چوق باغچہ-لر بولنوب، مشہور اولان عریانی اریکیلہ مسکت الماسی و سبزہ-لرک انواعی یتیشدیریلیر. ہواسی قیشین زیادہ-جہ صوئوق و یازین صیجاک اولوب، اساساً صاغلام ایسہ-دہ، بعض صیتہ-لری-دہ واردر. اہالیسندن یالکز727 روم و 106 ارمنی اولوب، قصوری کاملاً مسلم و جملہ-سی لسان ترکی ایلہ متکلمدرلر. شہردہ بافیرجیلق صنعتی خیلی ایلری اولوب، ہر نہ قدر اسکی قدر کثرتلی چیقمیورسہ-دہ، طرز جدید اوزرہ کوزل آوانی یاپلمقہ-در. دوشمہ-لک، یتاقلق، چارشافلق، پیشکیر، حمام طاقمی، یرلی بز، یلکن بزى کبی منسوجات دخی اوتہ-دن بری یاپلمقہ اولوب، اخیراً قازمیر و فانیلہ کبی یوک منسوجات اعمالنہ دخی باشلامشدر. قیومجیلق و دمیرجیلکہ متعلق شیلرلہ معمولات دباغیہ دخی خیلی ایلریدر. باشلیجہ تجارتی تشکیل ایدن اخراجاتی ایسہ کندیر، اورغان، تفتیک و قوری عریانی اریکیدر. بو شہر اسکی قسطنطنیہ ایمپراطورلرندن (قومنوس)لرک زمانندہ تأسیس اولنوب، قلعه-سی او وقتدن قائمہ-در. اسمی دخی قاسترا قومنی #1 یعنی ((قومنوس قلعه-سی)) تعبیرندن غلط اولدیغی مظنوندر. ابو الفتح سلطان محمد خان ثانی جانیندن اسفندیار اوغلرندن ضبطلہ ضمیمہ ممالک عثمانیہ اولمشدر. ادارہ عثمانیہ زمانندہ معارفجہ خیلی ایلری بولنوب، بر چوق علما و شعرانک منشئی بولنمشدر.

*- قسطنونی قضاسی ہمنامی اولان ولایت و سنجاغک مرکز قضاسی اولوب، شہر ایلہ 4 ناحیہ-یہ منقسم و 237 قریہ-دن مرکبدر، بوی تقریباً 73 و اکی 35 کیلومترہ و اراضیسی 470277 دونم اولدیغی حالہ، شرقاً

طاشكوپرى و طوسيه، جنوباً ينة طوسيه و آراج، غرباً ينة آراج و طاطاي، شمالاً دخى اينه-يولى و طاشكوپرى قزالريله محدوددر. اهاليىسى 57744 كشيدير. اراضيسى منبت اولوب، بغداديك انواعيله آرپه، يولاف، مصر، بورچق، مرجمك، نخود، فاصوليه و سائر حبوباتله آفيون و اريك، الما، آرمود، جوز، چيلك كى ميوه-لرله سبزه-لرلر انواعى حاصل اولور. اوزوم يتيشمبور. اورمانلرى سكر بيوك و متعدد كوچك پارچه-دن عبارت اولوب، ميشه، صارى و قره چام، كوركن، كوكنار، قواق و سائر اشجاري حاويدر. محلنده استعمال اولنمق اوزره، كراسته و اودون كسيليير. مرعالي چوق اولوب، حيوانات اهليه-سى: قيون، كچى، تفتيك كچيسى، صيغير، آت، استر، مركب و سائر-دن عبارت اولوب، جمله-سنگ جنسلرى كوچكدر. قيون و كچيلرينك سودى پك آز اولديغندن، يالكز بياغى و قيللرچون بسلرلر. شهردن بشقه قضانك درت ناحيه-سند 162 جامع و مسجد 5080 دكان و مغازه، 7 حمام، 1 مدرسه، 1 كتبخانه، 194 صبيان مكتبى، 287 صود كرمى و 28 كرميدخانه موجوددر.

1-3662-5

قسطموني

ولايتى. آناطوليك قره دكيز ساحلنده-كى ايكي ولايتك برى و غرب جهتنده بولنانى اولوب، شمالاً بحر مذكورله، شرقاً طربزون و سيواس، جنوباً انقره و آز محله خداوندكار ولايتلريله، غرباً دخى از ميد مستقل متصرفلغيله يعنى قوجه ايلي ايله محاط و محدوددر. طربزون ولايتى سواحلى بر قوس مقعر تشكيل اينديكى حالحه، قسطموني ولايتك سواحلى بر قوس محدب شكلنى ابراز ايدوب، منتهاي شرقنده سينوبك بولنديغى بيوك بر برون اوزانيور، كه بونك غربى كوشه-سى اولان % اينجه برون\$ آناطوليك اك شمالى نقطه-سيدير. شرقدن غربه بويى قوش اوچشى حسابيله 350 و وسطى اكي 150 كيلومتره اولوب، مساحه سطحه-سى تقريباً 53659 مربع كيلومتره و اهاليىسى 980024 كشيدير، كه بو مقداردن 15972 ي روم و 5906 ي ارمنى اولوب، قصورى كاملاً مسلم و جمله-سى لسان تركى ايله متكلمدرلر.

اراضيسى عموميت اوزره طاغلق و مرتفع اولوب، غربدن باشلايه-رق عباس طاغى، الا طاغ، ايشيق طاغى و ايلغاز طاغى ولايتك بويجه بر سلسله جبال و بر تقسيم مياھ خطى تشكيل ايدرلر. بونلردن الا طاغك 2500 و ايلغاز طاغك 2200 متره ارتفاعى واردر. بو طاغلك بعض قسملرى محللرنجه بشقه اسملرله دخى ياد اولنور. بو سلسله-نك شمالنده بونلره آز چوق مربوط ايكنجى درجه-ده بر طاقم طاغلر بولنيور، كه باشليجه-لرى ينة غربدن باشلايه-رق بر وجه آتيدر: كوچك طاغى، قره طاغ، ارن طاغى، دره فندق طاغى، دوراند طاغى، آروند طاغى، كورن طاغى، كره طاغلى، صارى قواق طاغى، كراز طاغى، الك طاغى، الاكوز طاغى، قطران طاغى. سلسله مذكوره-نك جنوبنده و ولايتك جنوب شرقى جهتنده دخى كوسه طاغى، الما طاغى و قياق طاغى بولنيور. بو طاغلر بربرلرينه طوغرى و تا ساحله-دك قوللر و اتكلر اوزاده-رق، آره-لرنده آنجق آز چوق كنش دره-لر و واديلر تشكيل ايدنيور؛ يوقسه بحق اووه دنيله-جك قسطموني ولايتك همان هيچ بر يري يوقدر. ولايتك مياھ جاريه-سى چوق اولوب، بر طاقمى جبال مذكوره-دن نبعانله طوغريدن طوغرى قره دكيزه و بر طاقمى ولايتك اطرافنى طولاشان قزىل ايرماق و سفاربه ايرماقارينه دوكيلور. بو ايكي ايرماقندن قزىل ايرماق جنوبدن كلوب، ولايتك حدود جنوبيه-سنگ اورت-سنة كلنجه، شرق شماليه-يه طوغرى دونه-رك، بر خيلى مسافه-ده ولايتك حدود جنوبيه-سنى و بعده حدود شرقيه-سنگ بر قسمنى تحديد ايله، طربزون ولايتنه دخول ايدر. قزىل

ايرماق ولايتك حدود جنوبيه-سنده-كى جرياننده كنغرى سنجاغيله طوسيه قزاسنك مياہ جاريه-سى اولان بر چوق كوچك چاپلر و حدود شرقيه-ده جرياننده دورك چاپى ايله كوچك ايرماق اسملريله بيوچك ايكي نهر آلير. بو وجهله ولايتك بتون شرق جنوبي قسمى يعنى بتون كنغرى سنجاغيله قسطنونى و سينوب سنجاقلرينك نصفلى قزىل ايرماق حوضه-سى داخلنده بولنيور. سقاريه ايرماغى ايسه ولايتك يالكز حدود جنوبيه-سنك منتهى غربى قسمى تحديد، يعنى خداوندكار ولايتيله قسطنونى ولايتى آره-سنده اولان حدودى تشكيل ايدوب، بولى سنجاغنك منتهى جنوب غربيى مياہ جاريه-سنى آلير. طوغرىدن طوغرى-يه قره دكيزه دوكلين، انهارينك اك بيوچى و صال يوزديروب كراسته اينديرمكه مساعد اولمسيه اك مهمى %۵ فيلباس نهريدر، كه غرب جنوبيدن كلن بولى چاپيله شرقدن كلن صوغانلى صودن بالتشكل، شماله طوغرى جريانله، همنامى اولان اسكله-ده دكيزه دوكيلور. فيلباس نهرينك حوضه-سى ولايتك نصفه قريپ مقدارندن عبارت اولوب، بولى سنجاغنك قسم اعظميله قسطنونى سنجاغنك نصفى ضبط ايدوب. بونك شرق طرفنده بارطين و اونك شرقنده دوركانى چاپلرى دخى اولدقجه اهميتلير. ساحله قريپ طاغلردن نبعانله دكيزه دوكيلور بر چوق كوچك نهرلرى دها وارد. بر خيلى كوللرى وار ايسه-ده، هپسى كوچكد.

طوپراغى پك منبت اولوب، اكثر طرفلرندده صو آلتنده دخى بولنمغله، قسطنونى ولايتى آناتولينك اك زنكين ولاياتندن معدوددر. آنجق اراضيسى پك عارضه-لى اولمسيه طرق و معابرى هنوز درجه لزومندن پك كرى اولديغندن، يالكز دكيزه قريپ اولان يرلرندن اخراجات اوله-بيلنيور.

محصولات ارضيه-سى: بغدايك پك كوزل اجناس مختلفه-سيه آرپه، چاودار، يولاف، مصر، بورچق، مرجمك، نخود، فاصوليه و سائر حبوباتله كتان، كنوير، پاموق، پرنج، توتون، آفيون، جهرى، الماء، آرمود، اريك، جوز، كستانه و سائر ميوه-لرلر انواعندن و سبزه-دن عبارتدر. اورمانجه قسطنونى ولايتى آناتولينك و بلكه بتون ممالك عثمانيه-نك اك زنكين برى اولوب، اكثر طاغلرى كوزل اورمانلرله مستور و ميشه، چام، كوكنار، قواق، كوركن، قاين، قره آغاچ و سائر اشجار انواعنى حاويدر. بو اورمانلردن ولايت داخلنده استعمال اولنان كراسته و اودون قطع اولندقدن صكره، وسائط نقليه-سى مساعد اولان جهتلردن و على الخصوص فلباس نهرينك محراسى قريبنده بولنان يرلردن قره دكيز اسكله-لرينه خيلى كراسته دخى اينديريلير. صو ايله چوريلير بر چوق خزارلرى دخى وارد. معادنى چوق اولمق اقتضا ايدرسه-ده، اخراج اولنانلرى پك آز اولوب، 4 كمور، 1 قروم، 1 باقر معدنلرى امتيازى ويرلمش؛ و نيكل، منغانز، قروم، باقير، دمير، آرسنيق، آنتيمون و سيملى قورشون اوله-رق 13 محله معادن تحريسيچون رخصت اعطا اولنمشدر.

كنغرى سنجاغنك نفس كنغرى قزاسنده بر بيوك ملحله اولوب، خيلى مقدار طوز چيقار. مرعالى چوق و كوزل و صولرى بول ايسه-ده، حيوانات اهليه-سى كوچك جئه-لى و آز سوتلى اولوب، جنسلرى اصلاحه محتاجدر. اك زياده بولنانلر قيون، كچى، تفتيك كچيسى، صيغير، آت، استر و مركبدر. قيون و كچيلرينك سوتى پك آز و همان ياورولرينه كفايت ايد-جك مقدارده اولوب، يالكز بياغى و قيلندن و اينك و مانده-لرلر سوت و ياغ و پينيرندن استفاده اولنور. ولايتك اكثر طرفلرندده پاموق و كتندن بز، دوشمه-لك، يلكن بزي، آلاجه، مانوسه، اورغان و سائر نسج اولنه-رق، اهالى محليه طرفلردن استعمال، و بر آز مقدارى-ده اخراج اولنور. زراعت، معادن، اورمان و حيوانات شعبه-لرنجه قسطنونينك استعداد طبيعىسى فوق العاده اولديغى حالده، اشبو ارکان اربعة ثروتك هيچ برندن بحق استفاده اولنه-ميوب، بولردن استفاده-نك تأمينى ايچون يوللر و ليمانلر انشاسيله زراعت مکتبلرينك تأسيس و تكثيرى و اهالينك شركتلر تشكيله تشويق و ترغيبى اقتضا ايدر. مملكته آچه دخولنى جالب اولان اخراجاتك باشليجه قسمى: كراسته، اورغان، تفتيك، بياغى، منسوجات مختلفه، ذخاير، قورى و تازه

میوه-لرک انواعی و سائره-دن عبارتدر. ولایتک واردات سنویه-سی 400000 عثمانلی لیراسی راده-لرنده اولوب، مصارف محلیه بونک بر ربعنه بالغ اوله-ماز.

قسطمونی ولایتی: قسطمونی، بولی، کنغری و سینوب اسملریله 4 سناغه منقسم اولوب، آشاغیده-کی جدولده کوسترلدیکی وجهله، 21 قضا و 27 ناحیه ایله 3704 قریه-یی حاویدر. ولایت داخلنده 3059 جامع و مسجد، 168 تکیه و زاویه 38 کلیسا و مناستر، 137 مدرسه و کتبخانه، 3070 مکتب، 7 عمارت، 9 خسته-خانه، 13581 دکان و مغازه و قهوه، 467 خان، 102 حمام، 4829 خزار و دکرمن، 136 فابریقه، 20546 باغ، 45030 باغچه، 24540 اورمان، 2836 مرعی، 4803 چاپر موجوددر.

باشلیجه اسکله-لری: سینوب، کرزه، اینه-بولی، قره آغاج، آماصره، بارطین، فیلیاس، زونغولداق، ارکلی، و آقچه حصار اولوب، آنجق صاغلام و کنیش لیمانلری اولمامغله، بو اسکله-لرک همان جمله-سی صنعی لیمانلره محتاجدر.

ولایتک تقسیمات ملکیه-سی و نواحینک حاوی اولدقلری قرانک مقداری بر وجه آتیدر:

سنجاق

قضا

ناحیه

مقدار قرا

قسطمونی

قسطمونی

دورکانی

کول

قوزیغه

آقپیا

44

59

61

73

اینه-بولی

اینه-بولی

کوره

ابانه

43

141

84

ز غفرانبولی

ز غفرانبولی

آفتاش

افلانی

اولوس	
	106
	35
	35
	67
طاشکوپری	
طاشکوپری	
کوکجه آغاج	
	130
	33
طاطای	
طاطای	
ازطوای	
	72
	75
جیده	
جیده	
خوش آلائی	
	75
	88
طوسیه	
	39
آراج	
آراج	
مرکوزه	
اکدیر	
	72
	45
	53
بولی	
	190
بولی	
بولی	
ارکلی	
	148
بارطین	

بارطین	
آماصری	
132	
92	
کرده	
کرده	
چغامنکن	
87	
86	
کونک	
78	
دوزجه	
دوزجه	
آقچه شهر	
135	
32	
حمیدیه	
حمیدیه	
چهار شنبه	
65	
108	
مدرنی	
142	
کنغری	
کنغری	
قوچحصار	
شعبان اوزی	
توخت	
77	
50	
46	
35	
چرکش	
چرکش	
قره-جه ویران	
اووه-جق	

بايندر	
36	
56	
69	
47	
سينوب	
سينوب	
سينوب	
كرزه	
72	
72	
بوى آباد	
بوى آباد	
طورغان	
172	
93	
عيانجق	
عيانجق	
چاكلى مع اق قيا	
86	
45	
\$	

[ولايته احوال تاريخيه-سيچون اسم قديمى اولان ((پافلاغونيا)) ماده-سنه مراجعت بيوريله.]

1-3665-5

قسطموني

سنجاغى. همنامى اولان آنف البيان ولايتك مركز سنجاغى اولوب، ولايت مذكوره-يى تركيب ايدن درت سنجاغك اك بيوكيدر. وسطده اولوب، شرقاً سينوب، جنوباً كنغرى، غرباً بولى سنجاقلريله، شمالاً دخى قره دكيزله محاطدر. يوقاريكى جدولن آكلاشليغى اوزره، 7 قضا و 20 ناحيه-يه منقسم اولوب، 1410 قريه-يى حاويدر. اراضيسى 4216809 دونمدن عبارت اولوب، 363697 اهاليسى واردر. واردات سنويه-سى 140000 و مصارف محليه 40000 ليرا راده-لرنده-در. طبيعت اراضى و محصولات و تقسيمات ملكيه-سى حقنده ماده آنفه-ده-كى تفصيلاته علاوه اولنه-جق بر شئ يوقدر.

قسطنطينيه-ده حكومت سورن روما شرق ايمپراطورلرندن يعنى بيزانتيون

ملوكندن بر وجه آتى 12 كشينك اسميدر:

برنجيسى ((بيوك)) عنوانيله معنون (فلاويوس والرئوس اورليوس قلاوديوس)در، كه قونستانس قلور ايله هلنه-نك اوغلى اولوب، 274 ميلادك تاريخنده دارداينه-نك %نايسه\$ شهرنده يعنى اليوم صربيه-ده بولنان نيش بلده-سندھ دنيايه كلمش؛ و ديوقلتيان ايله عسكرك محبتنى قزانوب، 306 تاريخنده، پدريك وفاتى اوزرينه، بيوك برتانيه اردوسى طرفندن كنديسنه (آوغستوس) عنوانى و يرلمش ايدى. غالباً يعنى فرانسه جهتنده اعاده اسايشه موفق اولدقن صكره، كنديسنى قتل ايتديرمك ايستمش اولان قاين پدرينى تلف ايتديرمش؛ و بعده ايتاليا و آفريقايى ظلم ايله ازمكده اولان ماقسيميان اوغلى (قافسنس)ه قارشى عسكرك سوق ايدو-رك، كويا هواده نوردن بر چلبيا رسمى و اطرافنده آتئين خط ايله ((بو علامتله غالب كله-جكسك)) عباره-سنى كورمكله، بير اغنه خاچ رسمى ترسيم ايدو-رك، مرقومه غالب كلمش؛ و ظالم مومى اليه 312 تاريخنده %تبير\$ نهرنده مغروفاً وفات ايتمش ايدى. بو وجهه ايتاليا و آفريقايه مالك اولدقن صكره، اعاده اسايش و اجراى عدالته حصر همت ايدوب، خرستيانلره قارشى اولان تعقيباته ختام و يرلمش؛ و 313ده كنديسى خرستيان اولمغله برابر، بو دينى دولتجه رسماً قبول ايتمش؛ و 315ده شرق ايمپراطورى (ليمپينيوس)ه اعلان حرب ايدوب، پانونيا و تراكيه-ده ايكي غالبته نائل اولمغله، پانونيا، داچيا، ايليريا و يونان جهتلرينى ضبط ايتمشدى. 323ده بو رقبينه قارشى ادرنه و اسكدار غالبتارينه دخى نائل اولوب، قالان ممالكنى-ده آلمش؛ و بو وجهه بتون ووما دولتته مالك اولنجه، بعض قوانين و نظامات وضعنه باشلامش؛ و خرستيانلغى توحيد ايچون، 325ده از نيقدده بر بيوك مجلس روحانى عقد ايله، خرستيانلقدده بر مذهب مخصوص صاحبي اولان (آريوس)ى كليسادن طرد و تلعين ايتديرمش، و تابعلرينى نفى ايتمش ايدى. بعده زوجة-سى (فاؤسته)نك افتراسيله اوغلى (قريسپوس)ى بغير حق اعدام ايتمش؛ و زوجة-سنگ افتراسنى آكلانجه، اونى دخى قتل ايتديرمش ايدى. 330 تاريخنده %بيزانس\$ قصبه-سنى پايتخت اتخاذا ايدو-رك، بو قصبه-يى توسيع و تزئين، و كندى اسمنه اصافته قونستانتيнопوليس يعنى قسطنطينيه تسميه ايتمشدى. 337ده وفات ايدوب، ملكنى قسطنطين، قونستانس و قونستان اسملريله مسمى اوچ اوغلنه و يكلرى %دلماش\$ و %آنياليان\$ه براقمشدر.

*- ايكنجيسى ((كنج)) لقبيله ملقب اولوب، برنجينك بيوك اوغلدر. 316 تاريخنده %آرله\$ده طوغوب، پدريك وفاتنده حصه-سنه غالباً %يعنى فرانسه\$ و اسپانيا ايله بيوك برتانيه دوشمش ايسه-ده، بونكله قناعت ايتميوب، برادري قونستانك حصه-سنى دخى ضبط ايتمك اوزره، ايتاليايه عسكركله دخولنده 340 تاريخنده %آكيله\$ده مغلوب و مقتول اولمشدر.

*- اوچنجيسى (پوغونات) يعنى ((صقاللى)) لقبيله ملقب اولوب، 668 تاريخ ميلاديسنده پدري ايكنجى قونستانك وفاتنده، برادرلرى تبير و هراقليوس ايله مشتركاً شرق ايمپراطورى اولمش؛ عربلره قارشى حرب ايتمش؛ 680ده قسطنطينيه-ده بر مجلس روحانى عقد ايتديرمش؛ و نهايت ايكي برادرينى قتل ايدوب، نفرت عموميه-يى جلب ايتكدن صكره، 685ده وفات ايتمشدر.

-* درنجیسی (قوپرونیچ) لقبیله ملقب اولوب 741ده پدري (لئون ایزوریان)ه خلف اولمش؛ و بت شکنر مذهبنه تابع اولوب، بتلره عبادت ایدن سائر خرسیتیانلری تعقیب ایتمش؛ و 755ده بلغارلره قارشی ایتدیکی محاربه-ده مقتول اولمشدر.

-* -بشنجیسی درنجی لئون ایله (ایرنه)نک اوغلی اولوب، 780 تاریخنده واقع پدريک وفاتنده، 10 یاشنده اولدیغی حالده، والده-سنگ وصایتیله تخته قعود ایتمش؛ و اون سنه صکره اداره امورى الینه آلمش ایسه-ده، در عقب والده-سی حکومتی ضبطله، صاحب ترجمه-نک کوزلرینه میل چکدیرمش؛ و بیچاره بونک تأثیریه 797ده وفات ایتمشدر.

-* -آلتنجیسی ماکدونیه-لی واسیلک اوغلی اولوب، 868ده پدري طرفندن آوغستوس تعیین اولنمش؛ و پدريک حیاتنده 877ده وفات ایتمشدر.

-* -یدنجیسی (پورفیروجنت) لقبیله ملقب اولوب، فیلسوف لئونک اوغلیدر. 901ده طوغوب، 11 یاشنده ایکن، والده-سی (زونه)نک وصایتیله تخته چیقمش؛ 919ده اسقاط اولنمش؛ و 945ده ثانیاً تخته چیقوب، 959ده، ظن اولندیغنه کوره، اوغلی رومان طرفندن مسموماً وفات ایتمشدر. عالم بر آدم اولوب، اداره ملک حقنده بر کتابله تاریخه دائر بعض آثار بر اقمشدر.

-* -سکزنجیسی برنجی رومانک اوغلی اولوب، 919دن 945 تاریخنده-دک پدريله و ایکی برادریه مشترکاً حکم سورمشدر.

-* -طقوزنجیسی ایکنجی رومانک اوغلی اولوب، 976ده یانی زیمیسکیسه برادری ایکنجی واسیل ایله مشترکاً خلف اولمش؛ و 1025 تاریخنده-دک حکم برادرینک انده اولوب، تاریخ مذکورده برادری وفات ایتمکله، منفرداً حکم سورمکه باشلامش ایسه-ده، حسن اداره-یه موفق اوله-مامش؛ و 1028ده وفات ایتمشدر.

-* -اوننجیسی (مونوماق) یعنی ((پهلوان)) لقبیله ملقب اولوب، 1042ده اوچنجی رومانک طول زوجه-سی (زونه)نک سعیلیه تخته کچمش؛ و سفاهته دوشکون اولمغله، سلجوقیلر ممالکنک بر چوق طرفلرینی ضبط ایتمش؛ و پچنکر صربیه-یه داخل اولمشدی. 1054ده وفات ایتمشدر.

-* -اون برنجیسی (دوقاس) دینمکله معروف اولوب، آندرونیک اسمنده بر شخصک اوغلی اولدیغی حالده، (ایساق قومنوس) طرفندن اوغلغه قبول اولنمش؛ و 1059ده بوکا خلف اولوب، 1067ده 60 یاشنده وفات ایتمشدر. بونک زماننده اسکیتلر ممالکنی غارت ایتمش؛ و نورماندلر قالا-بره-یی ضبط ایتمشدر.

-* -اون ایکنجیسی (دراقوسس) لقبیله ملقب اولوب، قسطنطینییه روم ایمپراطورلرینک اخیریدر. ایکنجی مانوئل پالئولوگک اوغلی اولوب، 1403 تاریخنده طوغمش؛ 1448ده برادری یانی پالئولوغه خلف اولمش؛ و 1453ده سلطان محمد خان ثانیکنک سوق ایلدیکی اردو طرفندن استانبولده محاصره اولنه-رق، محاربه-ده مقتول اولمش؛ و بونکله روما دولتی ختام بولوب، قسطنطینییه شهری پایتخت دولت عثمانیه اولمشدر.

1-3667-5

قسطنطین

بو اسمله دیگر بری دخی عادی بر نفر ایکن، 407 تاریخ میلادیسنده بیوک برتانیه اردوسی طرفندن ایمپراطورلغه انتخاب اولنمش؛ و %آرله ده یرلشوب، غالبیتلریله بر مدت مقامنی محافظه ایله، ایمپراطور (هونوریوس)ه دخی حکمنی طانیتدیرمش ایسه-ده، 411 تاریخنده هونوریوس کندیسنی %آرله ده محاصره ایدوب، تسلیمه مجبور

ایتمش؛ و اله کچیرنجه قتل ایلمش ایدی. بو اسمله مسمی ایمپراطورلر عدادینه داخل دکل ایسه-ده، بعضلری کندیسنه اوچنجی قسطنطین نامنی ویرمشلردر.

2-3667-5

قسطنطین

پاپالردن اولوب، 708ده انتخاب اولنمش، و 715ده وفات ایتمشدر. سریانی الاصلدر. * - پاپا اوچنجی اتیانک زماننده دخی بو اسمله بری پاپالق ادعاسنده اولوب، 767 تاریخنده برنجی (پاولو)نک وفاتنده واتیقانی ضبط ایتمش؛ و 769ده کوزلرینه میل چکلدکن صکره، طرد و اخراج اولنه-رق، بر مناستره چکیلوب وفات ایتمشدر.

3-3667-5

قسطنطینییه

1#

استانبول شهر شهیرینک اسم اصلیسیدر. [(استانبول)) ماده-سنه مراجعت بیوریله].

4-3667-5

قسطنطینییه

روم ایمپراطورلغی. [(بیزانتیون)) ماده-سنه مراجعت بیوریله].

5-3667-5

قسطنطون

حلب جوارنده بر قلعه اولدیغنی یاقوت حموی بیان ایدیور.

6-3667-5

قسطنطیلییه

اندلسده بیره خطه-سنده دمشق شامه بکزر انهار و اشجاری چوق بر بلده اولدیغی یاقوت حموی بیان ایدیور. %قاستلو\$ اسمیله معروف کوچک قصبه-لردن بری اولسه کرکدر. *- ابن حوقل آفریقاده زاب کبیر جهتنده بلاد جریده بو اسمله بر قصبه بولندیغنی دخی بیان ایدیورسه-ده، بکریک تعریفندن آکلاشلدیغنه کوره، اوراجه بو اسم ناحیه-نک اولوب، قصبه-سنه توزر دینلیر. [(توزر)) ماده-سنه مراجعت بیوریله.]

7-3667-5

قُسّ الناطف

کوفه جوارنده فرائک ساحل شرقیسنده بر محل اولوب، قارشیسنده %مروه\$ موضعی بولنیوردی. بو محله خلافت جناب فاروقیده 13 سال هجریده عساکر مسلمین ایله ایران عسکری بیننده بر محاربه وقوع بولوب، مسلمانلر ابو عبید بن مسعود الثقفینک تحت قیادتنده ایدی. مشار الیه ایرانیلرک تکلیفی اوزرینه نهی تجاوزله قس الناطفه حرب ایتمکی قبول ایدوب، معیتنک رأیی خلافنه اوله-رق، تجاوز ایتمکله، کندیسی شهید اولدیغی کبی، معیتندن دخی 4000 کشی مغروفاً و مقتولاً شهیدا ولمشدی.

8-3667-5

قُسْطَانَه

اندلسده دانیه اعمالندن غریب بر حصن و قصبه اولوب، بنی مجاهد العامری وزراسندن ابو الولید بن خمیس القسطنائینک مسقط رأسی بولنمشدر.

9-3667-5

قُسْطَیْنَه

یاخود قسطنطینییه #1 جزایرده جزایر شهرینک 439 کیلومتره شرقنده و اسکله-سی اولان فیلیپویک 87 کیلومتره جنوب غریبسند 21' 22' 36° عرض شمالی ایله 16' 36' 4° طول شرقیده واقع ایالت مرکزی بر شهر اولوب، 45000 اهالیسی، اون اوچ جامع شریفی، قوماندان دائره-سی اتخاذا اولنان حکومت اسلامییه زمانندن قالمه پک مصنع بر سرایی، مکتب اعدادیسی، متعدد مدرسه-لری، موزه-سی، آثار عتیقه جمعیتی، تجارت اوپه-سی، تیاتروسی، بانقه-سی، خسته-خانه-سی و سائر مؤسساتی واردر. شهر مربع الشكل و یوکسک بر قیانک اوزرنده مؤسس اولوب، اوچ جهتی درین بر دره ایله محاط و یالکز جنوب غربی طرفندن طاغه مربوطدر. مذکور دره-نک جنوبی گوشه-سنده درینکی 60 متره ایسه-ده، شهرک موقعی کینتکجه کسب ارتفاع ایتمکله، %القصبه\$ تعبیر اولنان قلعه-سنک بولندیغی شمالی گوشه-سنده درینکی 200 متره-یه بالغ اولور. جنوبدن کلن %وادی الرمل\$ نهی بو دره-نک ایچنده آقار. دره-نک اوستنده ایکی کوپری بولنوب، %القنطره\$ دینمکله معروف اولان بری متین و کوزلدر. بوندن بشقه نهی اوزرنده قیادن اولمش درت طبیعی کوپریسی دخی واردر. جامعلرندن

برينك مناره-سى سگز ضلعلى اولوب، 25 متره يوكسكدر. شهرك خارجنده دخى صيفيه-لرى حاوى بر قاچ محله واردر. روماليلر قسنطينه-يه خيلى اوزاقدن صو كثير مشلرديسه-ده، ياپمى اولدقلى صو بندلرى خرابه حالنده بولنيور. اخيراً فرانسزلر مقدار كافي صو آقېتمشلدردر. وادى الرمل صويى دخى آريقلرله يوكسلديله-رك، پك بيوك بر دكرمن جويرر. شهرك جوارنده كوكوردلى و چليكى مياھ معدنيه چيقوب، مكممل قابليجه-لرى واردر. اهالى اسكيدن برى معمولات دباغيه و سراجيه ايله احرام و برونوس و كلیم كبی منسوجات ياپارلر. قسنطينه پك اسكى بر شهر اولوب، فنيكه-ليلر زماننده %كرته\$ اسميله معروف ايدى. بعده خراب اولوب، روما ايمپراطورلردن قسنطينيه-نك بانيسى اولان بيوك قسنطينين زماننده يكيدين بنا و تعمير اولمغله، بونك اسمنه نسبتله %قونستانتينه\$ تسميه اولمش؛ و عربلر ك الينه كچنجه، بو اسم قسنطينه صورتنده ضبط اولمشدر. اسكله-سى اولان فيليپوپيله و جزاير و تونس و بيسكره-يه دمير يول خطريله مربوط اولوب، تجارتي خيلى ايشلكدر.

1-3668-5

قسنينه

ايالتى. جزايرك فرانسه-نك اداره-سنه كچدكن صكره تقسيم اولنديغى اوچ ايالتك برى و اك شريقيسى اولوب، ديكر ايكيى نفس جزاير و وهران ايالتلريدر. قسنطينه ايالتى غرباً جزاير ايالتيله، جنوباً صحراى كبيرله، شرقاً تونس امارتيله، شمالاً دخى آق دكيزله محاطدر. مساحه سطحيه-سى 191527 مربع كيلومتره و اهاليى 1561488 كشى اولوب، بونلر مياننده-كى فرانسزلرله سائر اجنيلر آنجق 100000 و يرلى يهوديلر 10000 راده-لرنده اولمغله، بر بچق مليونه قريپ اولان ديكر اهاليى عرب و بربردن مركب مسلمدرلر. ساحلى تقريباً 374 كيلومتره طولنده اولوب، بجايه، فيليپوپيل و بونه كورفلرى اسملريله اوچ كورفى و باشليجه بش اسكله-سى واردر. اراضيسى عموم جزايرك كينه توفيقاً اوچ طبقه تشكيل ايدوب، ساحل، تل و صحرا طبقه-لرى شمالدن جنوبه بربريني تعقيب ايدر. ساحله قريپ اولان يرلى آز چوق عارضه-لى و انواع نباتات و محصولاته مساعدر. ايكنجى طبقه-يى تشكيل ايدن جبال جهتلرى مرتفع و سرت هوالى اولوب، حله اولتريك كثرته بيتديكى يردر. صحرا جهتي ايسه خرما آغاجلريني حاوى و بر مقدار آرپه و سائر حاصل ايدر واحلرله صوسز چوللردن عبارتدر. اك يوكسك جبالى %اورس\$ طاغلريدر، كه آق دكيز مائه-سنى صحراى كبير جهتنده-كى كوللر مائه-سندن آيربور. بو سلسله-نك اك يوكسك ذروه-سى اولان %شليه\$ طاغى بتون جزايرك اك يوكسك نقطه-سى اولوب، 2328 متره ارتفاعى واردر. بو سلسله ايله ساحل آره-سند بيلرنده بيوك انهارك واديلريله آيرلمش بر ايكنجى صره طاغلر بولنوب، بونلردن %بابور\$ طاغك 2000 و ديكرلرينك دخى 1800 متره و اوندن آشاغى ارتفاعلى واردر. مياھ جاريه-سى چوق اولوب، آق دكيزه دوكلنلردن اوچى بيوكدر، كه بونلر دخى غربدن باشلايه-رق وادى الساحل، الوادى الكبير و وادى سيوس در. شرق جهتنك مياهندن چوغى-ده تونس كيروب، مجرد ايرماغنه دوكيلور. جنوبه طوغرى آقان صولرى يالكز ياغمور موسملرنده آقوب، بر طاقم كوللره دوكلديكندن، بونلر مياننده بيوك ايرماق يوقدر. مذكور كوللر اك بيوكلى بربرينه مربوط اولان %شط مروان\$ و %شط ملكير\$در، كه دها كوچك بر صره كوللر و بطاقلرله تونسك جنوبنده-كى %شط الجريد\$ ايله اختلاط ايدوب، بونلر ك موقعلى سطح بوردن آلچق اولمغله، قابس كورفلردن بر جدول حفريله دكيزه تحويللرلى ممكندر. ايالتك غرب جهتنده %شط الهذن\$ اسميله ديكر بر بيوك كول واردر، كه هر طرفدن طاغلرله محاط

اولوب، بونلردن و على الخصوص شمال طرفنده-كى جبال هدنه-دن اينن بر چوق انهارك صولرینی جمع ايدر. %اورس\$ سلسله-سیله شمالده-كى جبال آره-سنده واقع تلال قسمنده دخی بر چوق انهار بولنوب، اك بیوكلری: شط الطرف، شط الكلیف، شط مروری، شط الصابون، شط البيضاء و سائر-در. بونه اسكله-سی قرینده %فزاره\$ اسمیله بیوجك برکول واردر. هواسی جزایرك سائر طرفلرندن دها معتدل و طوپراغی دها مساعد اولمغله، 600 ایله 1300 متره-لك ارتفاعلری آره-لرنده بولنان جهتلرنده بغدای و سائر ذخایر يك ایی یتیشیر. اورمانلری هر نه قدر وقتیلله اتلاف اولنمش ایسه-ده، فرانسیز حكومتی یكیدن اورمانلر یتیشدیرمكه چوق جهد ایدوب، بتون اورمانلرینك مساحه سطحیه-سی بر ملیون یكى دونمدن زیاده-در. مملكتك كرك محصولات ارضیه و كرك حیوانات و سائر-جه ثروتتك تزیادی اهالیسنك تكثیریلله وسعت و استعدادی نسبتنده اسكاننه متوققدر. بو ایالنده دخی جزایرك بعض طرفلرنده اولدیغی كبی ایكى درلو اداره اولوب، بعض یرلری اداره ملكیه و بعضلری اداره عسكریه تحتنده بولنیور. تاممیله انضباط آلتنه آنونب یرلی و آروپالی اهالی ایله مسكون اولان یرلری مأمورین ملكیه ایله اداره اولنه-رق، 6 قضا ایله 67 ناحیه-یه منقسمدر. صرف اهالی مسلمه ایله مسكون اولوب هنوز تاممیله رام اولمیان یرلری ایسه اداره عسكریه تحتنده اولوب، 4 قضا ایله 21 ناحیه-یی حاویدر. بو ایكنجی قسم كرك وسعت اراضیجه و كرك نفوسجه دها زیاده-در.

1-3669-5

قسونغراد

1#

مجارستانده هنامی اولان ایالنده و سجدینك 60 کیلومتره شمالنده اوله-رق %تیسسه\$ نهری اوزرنده قضا مرکزی بر قصبه اولوب، 17350 اهالیسی واردر. *- قسونغراد ایالتنك مساحه سطحیه-سی 3410 مربع کیلومتره و اهالیسی 207585 كشی اولوب، مرکزی %سجدین\$-در. اراضیسی آلچق و بطاقلقی اولوب، هواسی آغیر لکن محصولاتی چوقدر.

2-3669-5

قسیم الدوله

[(آق سنقر)) ماده-سنه مراجعت بیوریلله.]

3-3669-5

قشیره

اندلسده طلیطله مضافاتندن بر قصبه اولدیغی و بعض مشاهیر علمانك منشی بولندیغی ((معجم البلدان))ده مسطوردر.

4-3669-5

قَشْتَالَه

عربلرك اندلسده يعنى اسپانياده-كى قاستيله خطه واسعه-سنه ويردكلرى اسمدر. [(قاستيله)) ماده-سنه مراجعت بيوريله.]

5-3669-5

قَشْتَلِيُون

اندلسده شنتبريه اعمالندن بر حصن اولديغى جغرافيون عرب آثارنده محرردر.

6-3669-5

قَشْمِير

كشميرك معربيدر. [(كشمير)) ماده-سنه مراجعت بيوريله.]

7-3669-5

قَصَّاب، سعيد

ايران شعراسندن اولوب، كاشانليدر. شو ايكي بيت جمله اشعارندندر:

@@@

قطره تا از مى شوق تو باشد در ايغ
كافريم ار آرزوى جام جم داريم ما
هست تا اشك ندامت ايمنيم از سوختى
بيم ز اتش نيست تادرديده نم داريم ما
\$

8-3669-5

قَصَّابَات

مغربده بلاد بر بردن بر قصبه اولدیغی یاقوت حموی بیان ایدیور.

9-3669-5

قصبه

[(طوغودلی)) ماده-سنه مراجعت بیوریله.]- * - خداوندکار ولایتک قره حصار صاحب سنجاق و قضااسنده و قره حصارک 25 کیلومتره جنوبده دخی بر کوچک قصبه-در. - * - قونیه ولایتک قونیه سنجاغنه تابع قره-مان قضااسنده و تکه سنجاغنک المالو قضااسنده دخی بو اسمله ایکی کوچک قصبه ویا بیوک قریه وارد. - * - عرب ممالکنده بو اسم شهرلرک حصار ایچنده اولان قسملرینه و ایچ قلعه-لرینه ویریلیر.

10-3669-5

قصر

بلاد عربده بر چوق قصبه-لره علی الخصوص چول ایچنده-کی واحلرده بولنان قلاعه و آز چوق مستحکم معموره-لره و بعض بلدان عتیقه خرابه-لرینه ویریلن اسم اولوب، بعضلری قصر کلمه-سنگ بشقه بر اسمه اضافتیله و بعضلری ساده %القصر\$ دینلمکله معروفدر. - * - اک معروفی مصرک بحریه واحنده و ابو جرجه-نک 200 کیلومتره غربنده واقع و 3500 اهالی-یی جامع اولانیدر، که رومالیرلر زمانندن قالمه بعض خرابه-لری و اطرافنده پورتقال نار، موز و زیتون آغاجلرینی حاوی باغچه-لرینه باغلری وارد.

1-3670-5

قصر شیرین

ایرانک آردلان یاخود کردستان ایالتنده و کرمانشاهک 160 کیلومتره و غربنده اوله-رق حدود عثمانیه قربنده و دیاله نهرینه تابع حلوان نهری اوزرنده و حلوان خرابه-لرینک غربنده بر قصبه اولوب، اطرافنده ساسانیانندن قالمه بر چوق خرابه-لری و بعض ابنیه مصنعه و هیکل و سائر آثاری وارد.

2-3670-5

قصر عبد الکریم

سبته قربنده و اندلسده-کی جزیره الخضراء قارشیسینده بر قصبه اولوب، شمدیکی حالده %القصر الصغیر\$ دینلیر.

3-3670-5

قصر العقبة

[((عقبه)) ماده-سنه مراجعت بيوريله.]

4-3670-5

قصر الفلوس

مغربده يعنى %جزاير\$ده و هران قربنده بر قصبه ايدى.

5-3670-5

قصر قارون

مصرك فيوم مديريتنده و مدينة الفيومك 47 كيلومتره غربنده بركة قارونك ساحل غربيسندن 2 كيلومتره-لك مسافه-ده بر ويرانه اولوب، اسكى مصريلردن و روماليلردن قالمه ايكي معبدك خرابه-لرى واردر. اطرافى و قتبيله باغ و باغچه-لرله مستور اولوب، اليوم عربلر كوكلرينى اخراج ايدرلر.

6-3670-5

قصر قيروان

افريقيه-ده قيروانك 4 ميل جنوبنده بر شهر اولوب، بيوك جامع شريفى، دائروى الشكل 7 قاتلى و چوق ستونلى بر صومعه-سى، بيوك چارشيسى و چوق حماملريله صهرنجلى وار ايدى. جوارنده %رصافه\$ اسميله بر قصبه دخی وار ايدى. ايكيسى برلكده خراب اولوب، انقاضلريله %رقاده\$ شهرى ياپلمشدى. قصر قيروان 184 تاريخنده ابراهيم بن اغلب طرفندن تأسيس اولنوب، بنى اغلب طرفندن كرسى حكومت اتخاذا اولنمشدى.

7-3670-5

قصر كبير

%القصر الكبير\$ مغرب اقصاده %العريش\$ اسكله-سنگ 45 كيلومتره شرق جنوبيسنده و طنجه-نك 100 كيلومتره جنوبنده اوله-رق %وادی القوس\$ك ساحل شمالييسنده بر شهر اولوب، 25000 اهاليسى، متعدد مصنع و ظريف مناره-لى جوامع شريفه-سى، كوزل منظره-سى و مشهور پورتقال و زيتونى واردر. اسكى بر شهر اولوب، روماليلرجه %اوپيدوم نووم\$ اسميله معروف ايدى. بو شهر ايله عريش اسكله-سى آره-سنده-كى اووه-ده

1578 تاریخ میلادیسندہ مغرب مسلمانلری پورنکیزلیلری کلیاً منہزم و پریشان ایدوب، قراللری (سیاستیان)ی دخی قتل ایتمشلردر.

8-3670-5

قصر کتکور

همدان ایله قرمیسین یعنی %کرمانشاه\$ آره-سندہ بر قصبہ ویا همدان ایله دینور بینندہ بر ناحیہ اولوب، بر چوق مشاہیرک مسقط رأسی بولنمشدر. عربیہ %قصر اللصوص\$ دخی دینلیردی. قصر شیرین ایله بر اولدیغی دخی مروی و مظنوندر.

9-3670-5

قصر الملح

کرمانده بر قصبہ اولدیغی جغرافیون اسلام آثارنده مذکوردر.

10-3670-5

قصر نمرود

بغداد ولایت و سنجاغنده و بغدادک 30 کیلومتره غربنده 40 متره ارتفاعی اولان بر تپه اولوب، اسکی کلدانیلردن قالمه خرابه-لری حاویدر.

11-3670-5

قصر یانه

صقلیه یعنی %سیچلیه\$ آطه-سندہ بر طاغک اتکنده واقع بیوک بر شهر اولدیغی کتب عربیہ-ده مذکور اولوب، شمدی ایتالیانجه قاسترو جوانی دینلن قصبہ اولدیغی اکلاشیلیر.

12-3670-5

قصرین

% یعنی ایکو كوشك\$ قاهره مصرده ملوك فاطميه طرفندن ياپلمش ايكى بيوك و مصنع سراى اولوب، برى چارشينك صاغنده و ديكرى صولنده بولنيوردى؛ و قاهره-نك ايكى سراى آره-سنده-كى قسمنه %بين القصرين\$ نامى ويريليردى.

13-3670-5

قصى

قريشدين هاشمیلرله امویلرک برلشدکلری عبد منافک پدری اولوب، فخر کائنات (صلعم) افندمک بشنجی بطنده جدلریدر.

14-3670-5

قُصیر

بحر احمرک ساحل غربیسنده صعید مصرک فنا مدیریتنده و قناتک 192 کیلومتره شرقنده بر قصبه و اسکله اولوب، 1500 اهالیسی، 4 جامع شریفی، طار لکن دوز و طوغری سوقاقرى و اورته جسامتده سفاننک دخولنه مساعد طبیعی لیمانی واردر. سويش جدولنک کشادنن اول مصر اسکله-لرندن اولوب، مصر ایله حجاز آره-سنده ایشلک بر تجارتک محل اجراسی ایدی. او وقت اهالیسی 8000ی متجاوز ایدی. سورینک خارجنده و غرب شمالی جهتده یاوز سلطان سلیم خانک بنا کرده-سی اولان بر قلعه-سی واردر. *- وقت سعادتده بو اسمله ویا %قصیر موسی\$ اسمیله معروف بولنمش اولان قصبه-نک خرابه-لری شمديکنک 6 کیلومتره شمالنده-در.

1-3671-5

قَصیم

جزیره العربک وسطلرنده بر یر اولوب، غرباً حجازله، شمالاً شمر ایله، شرقاً نجد ایله؛ جنوباً دخى دهننا چوليله محاطدر. ايكی-یه منقسم اولوب، آلچق و دوز اولان جنوب قسمی نجد حکومتته تابع مشایخی معرفتیله اداره اولنور. یوکسکجه اولان شمال قسمی ایسه شمر امارتنه تابعدر. برنجیسی مدینه منوره قرینده-كى %منیفه\$ و %دمار\$ تپه-لرندن تویق جبالنه-دک 200 کیلومتره-لک محله ممتد اولوب، اکی 100 کیلومتره راده-لرنده در. اسمی ((منبت قوملق یر)) ديمک اولمغله، مسماسی دخى بوکا ماصدق اولوب، درت بش قصبه-سی، اللی آلتمش بیوک قریه-سی و پک چوق کوچک کویلیرى واردر. طوپراق بر ايكی متره حفر اولنمغله، هر یرنده صو چیقوب، قویولری چوقدر، و اراضیسی سقى اولنه-رق، هر طرفی زرع اولنور، و خیلی ذخایر ایله اوزوم، زیتون، قیصی، نار، قاثون، قارپوز و سائر میوه-لر و بر مقدار پاموق و سائره حاصل اولور. خرما ایسه محصولاتنک اک بولی و جزیره العربده بیتیشن اجناسنک اک اییسیدر. قصبه-لریله قریه-لری بیننده یوللر آغ کبی اولوب، خیلی تجارت دخى اجرا اولنور. عمومیت اوزره اراضیسی دوز ایسه-ده، اوتوز قرق متره ارتقاغنده

بعض تپه‌لری دخی و اردر، که اورایه مخصوص و یاپراقلری دوه‌لری بسلکه میوه‌لری دخی دباغته یاران بعض کوچک آغاجلرله مستور اولوب، مملکته کوزل بر منظره پیدا ایتدیر. مسکون اولان اهالیسی بعض سیاحلر طرفندن 300000 راده‌لرنده تخمین اولنوب، بونلردن بشقه بعض خیمه‌نشین عشیرتلی‌ده و اردر. یوکسک اولان قسم شمالیسی ایسه برنجیسندن 50 متره قدر مرتفع لکن ینه دوز بر یر اولوب، بونک دخی قویو صولری پک بول اولدقدن بشقه، یاغموور موسملرنده آقار بعض وادیلری و یاغموور صولرینی یازک اورت‌لرینه قدر محافظه ایدر بعض چقور یرلری و اردر. بونک دخی اراضیسی منبت اولوب، ذخایر و میوه‌لرک انوعی و کلینتی خرما یتیشدکن بشقه، طوپراغی اکثر موسملرده زمرد کیی اوتلرله و تپه‌لری طلح، نیق، سدر کیی اشجارله مستور اولوب، قویون و دوه سوریلری چوقدر. قرق قدر کویلی و 30000 قدر اهالیسی اولوب، خیلی واسع اولان اراضیسنگ بوندن چوق زیاده اهالی بسلکه استعدادی و اردر. قصیم اهالیسی نجد و شمرده‌کیلر قدر تناسب اعضا و حسن اندامه مالک دکلرسه‌ده، اونلردن ده‌ا چالیشقان و ده‌ا ساکن آدملردر. آنجق حسب القریبه حجاز لیلرک حیلله و منفعت پرستک کیی خصایسی دخی کندیلرینه تأثیر ایتمشدر. وقتیلله شام ایله خیلی تجارت ایتمکه و بوندن چوق مستفید اولمقده بولنمش ایکن، و هابیلک تعصبی بو اختلاط و مناسبتلرینه ختام ویرمشدر. قصیمیلر خیلی وقت نجد و شمر جهتلرینه دخی حاکم اولوب، دائرة حکم و نفوذلرینی یمن حدودینه‌دک توسیع ایتمش ایکن، بعده بو یرلری غائب ایده‌رک، کندی باشلرینه قالمش؛ و نهایت و هابیلر طرفندن رام ایدیله‌رک، نجد امامنه تابع اولمغه مجبور اولمشلردی. مصرلی ابراهیم پاشا و هابیلره قارشی عسکر سوق ایتدیکنده، قصیمیلر عساکر عثمانیه ایله برلشه‌رک، و هابیلره قارشی یوریمشلسه‌ده، بعده ده‌ا مستقل یاشایه بیلیمک امیدیه، و هابیلرله برلشه‌رک، نجده تابع اولمشلر؛ و آنجق و هابیلرک تحکمنه تحمل ایده‌مدکلرندن، بو یقین زمانلرده شمالده‌کیلر شمر شیخنه عرض اطاعت ایتمش؛ و جنوبده‌کیلر دخی ینه نجده تابع اولمق شرطیلله بر نوع اداره مختاره‌یه نائل اولوب، مشایخ محلیه‌دن مرکب بر هیئت متفقه تشکیل ایتمشلردر. بر اداره منتظمه تحتنه آنسه‌لر، کرک مملکتاری و کرک کندیلری خیلی تمدن و ترقی‌یه مستعدرلر.

1-3672-5

قُضاعی

[[ابو عبد الله قضاعی]] و ((ابن الابار)) ماده‌لرینه مراجعت بیوریله.]

2-3672-5

قَضِيبُ الْبَانِ

خلافت عباسیه زماننده یتیشن مشاهیر مغنیاتدن شاعره بر قیز اولوب، تجاردن ابو الحسن اسمنده برینک جاریه‌سی ایدی، و هارون الرشیدک حضورنده تغنی ایتمش اولدیغی مرویدر. شو قطعه بداهه سولیدیکی اشعار جمله‌سندندر:

@@@

یا مقیماً لدی الزمان بقلبی

وبعيد بشخصه عن عياني
انت روجي اذ كنت لست اراها
وهي ادنى الي من كل دان
\$

3-3672-5

قطايه

%ياخود قطانيه\$ عربلك صقليه %يعني سيجليه\$ جزيره-سنده-كي %قاتانيه\$ شهريه ويردكلى اسمدر.
[[قاتانيه]] ماده-سنه مراجعت بيوريله.]

4-3672-5

قطام، بنت سخنه

كوفه اهاليسندن و خوارجدن بر خاتون اولوب، حسن و جمال و ذكاوتيله مشهوره ايدى. پدر و برادري نهروانده
خوارج مياننده مقتول اولمغله، حضرت على المرتضى (رضه)ه كين باغلايوب، كنديسنه طالب اولان عبد الرحمن
ابن ملجمه، كابين اولمق اوزره، ايتديكي تكاليف مياننده حضرت علينك قتلنى دخى شرط قومش ايدى.

5-3672-5

قطب الدين ازنيقى

سلطان بايزيد خان اول دورى مشاهير مشايخ و علماسندن اولوب، علوم شرعيه و تصوفده يد طولاً صاحبي ايدى.
ازنيقده دنيايه كلوب، 821 تاريخنده اوراده وفات ايتمشدر. صلاته متعلق مسائل شرعيه-يى حاوى بر كتابى
واردر. تيمورلنك ايله كوريشوب، كنديسنه طوغرى و آجى بعض سوزلر سويلديكى مرويدر.

6-3672-5

قطب الدين ايبك

دهليده حكومت سورن سلاله غوريه دولتنك مؤسسى اولوب، كنديسى مشهور شهاب الدين غورينك كوله-لرندن
تركى الاصل بر آدم ايكن، مشار البهك هندستان سفرنده آجمير راجه-سنه غلبه و ملكنى ضبط ايتمسى اوزرينه،
588 تاريخنده صاحب ترجمه ممالك مفتوحه-يه والى تعيين اولنمش؛ و ميرات و دهلى-يى دخى ضبطله، الكاسنى
بنكاله-يه قدر توسيع ايتديكندن، شهاب الدين غورينك وفاتنده 602 تاريخنده خلفى غياث الدين محمود طرفندن

کندیسنه بر تاج و تخت ایله برابر سلطان عنوانی ویرلمش؛ و قطب الدین او سنه اعلان سلطنت ایدوب، 5 سنه حکومت سوردکن صکره، 607ده لاهورده آتندن دوشوب، وفات ایتمش؛ و اوغلغی آرامشاه خلفی اولمشدر. دهلینک اک بیوک جوامعدن اولان %جامع مسجدی بتخانه-دن معبد مسلمینه تحویل ایله (قوة الاسلام) تسمیه ایدن بو ذات اولوب، بعده شمس الدین آلمش ایله علاء الدین خلجی توسیع و تزیین ایتمشلردر. دهلیده حکومت سورن سلاله-سی ذوات آتیه-دن مرکبدر:

1 قطب الدین ایبک

602

2 آرامشاه

607

3 شمس الدین آلمش

607

4 رکن الدین فیروز بن آلمش

633

5 سلطان رضیه بنت آلمش

634

6 بهرام شاه بن آلمش

637

7 علاء الدین مسعود بن فیروز

639

8 ناصر الدین محمود بن آلمش

644

9 غیاث الدین بلبان بنده آلمش

664

10 کیقباد حفید آلمش

685

11 جلال الدین فیروز شاه خلجی

688

(که سلاله خلجیه-نک باشیدر.)

\$

7-3672-5

قطب الدین بختیار، خواجه -*- کاکى

هندستانك كبار مشايخندن و شعرا دن اولوب، عن اصل ايرانك اندجان جهتندن اولديغي حالده، 633 تاريخنده دهليده وفات ايتمشدر. تربه-سى زيارتگاه اتامدر. شيخ فريد الدين شكر كنج جمله تلامذه-سندن ايدى. مرتب ديوانى واردر.

8-3672-5

قطب الدين خوارزمشاه، محمد بن نوشتكين

خوارزمشاهان سلاله-سنگ برنجيسى و بو دولتك مؤسسى اولوب، پدرى ملكشاه سلجوقى كوله-لرندن ايكن، خوارزم واليلكنه نصب اولنمش، و 491 تاريخنده اونك وفاتى اوزرينه، صاحب ترجمه اونك بيرينه سلطان سنجر ك منشوريله والى خوارزم اولمش ايدى. كنديسى حسن اخلاق ايله متصف اولمغله، نعمته قارشى شكر كذارلقده مبالغه ايدوب، دولت سلجوقيه-نك اطاعتندن نره-جه ايرلمديغندن، سلطان سنجر مشار اليه طرفندن كنديسنه (خوارزمشاه) عنوانى و (قطب الدين) لقبى و يرلمشيدى. اوتوز سنه حكومت سوردكدن صكره، ينه سلطان سنجر زماننده 521 تاريخنده وفات ايتمشدر. تورونى خوارزمشاه ايل آرسلان بسبتون استقلال قزانمشدر. ((خوارزمشاهيان)) ماده-سنه مراجعت بيوريله.]

1-3673-5

قطب الدين شارعى، عمر بن عوض بن قليله

شعرا دن اولوب، 700 تاريخندن صكره-جه وفات ايتمشدر. شو قطعه اشعارندندر:

@@@

ايا سائراً فى قفر عمر يقاسى فى السرى حزنا و سهلا
بلغت نقا المشيب وجزت عنه وما بعد النقا الا المصلى

\$

2-3673-5

قطب الدين شاهجهان

كرمانده حكومت سورن قره ختائيان سلاله-سنگ سكرنجى و صوك حكمدارى اولوب، سلطان جلال الدين سيورغمشك اوغليدر. 703 تاريخنده عم زاده-سى مظفر الدين محمد شاهه خلف اولوب، الجايتوخان فرمانيله ايكى سنه حكومت سوردكدن صكره، عزل و اخراج اولنه-رق، كرمان طوغريدن طوغرى-يه مغوللرك تحت اداره-سنه آنمشدى. كنديسى اموال كثيره صاحبى اولمغله، شيرازه چكيلوب، اوراده خيلى وقت دهيا ياشامش؛ و قيزينى امير مبارز الدينه تزويج ايتمكله، شاه شجاع و شاه محمود و سلطان احمد بوندىن متولد اولمشلردر.

3-3673-5

قطب الدين عبد الكريم، بن عبد النور

بخاری شریف شارحلرندن اولوب، خطه مصریه-نک دخی تاریخی یازمش؛ و 733 تاریخنده وفات ایتمشدر.

4-3673-5

قطب الدين علامه

مشاهیر علمادن اولوب، شیخ سعدی شیرازی ایله معاصر بولنمش؛ و 710 تاریخنده تبریزده وفات ایتمشدر.
(تحفه شاهیه) عنوانیله بر اثری و ((کلیات قانون)) ایله ((مفتاح العلوم))ه شرحلری وارد.

5-3673-5

قطب الدين قسطلانی، محمد بن احمد

مصر مشاهیر علماسندن و شعرادن اولوب، قاهره-ده حدیث تدریسيله مشغول بولنمش؛ و 686 تاریخنده وفات ایتمشدر. شو قطعه جمله اشعارندندر:

@@@

اذا كان انسى فى التزامى لخلوتى

و قلبى عن كل البرية خالى

فما حزنى من كان لى الدهر قاليا

وما سرنى من كان فى موالى

\$

6-3673-5

قطب الدين محمد

خوارزمشاهان سلاله-سنه منسوب ایکی حکمدارک اسمی اولوب، برنجیسی ((قطب الدين خوارزمشاه)) ماده-سنده ذکر اولنمشدر. ایکنجیسی ملوک مذکور-نک آلتنجیسی اولوب، سلطان تکشک اوغلیدر. 596 تاریخنده، پدینک وفاتی اوزرینه، تخت موروثنه جلوسله، خراسان، زابلستان، ماوراء النهر، عراق و فارس جهتلرینی تامامیله تحت اطاعتنه آله-رق، خوارزمشاهیان دولتنی چوق توسیع و قوتنی تزبید ایتمش ایسه-ده، 21 سنه حکومت سوردکن صکره، چنکیز خان خروج ایدوب، صاحب ترجمه مغول عسکرینه قارشى طوره-مامغله، فرار ایدو-رک، بحر خزرده آبسکون آله-سنه چکلمش، و اوراده وفات ایتمشدر. اوچ اوغلی دخی برر مدت حکومت سور-رک، ملک

موروثلرینی مغوللرک الندن قورتارمغه چالیشمشلر سه-ده، مقتدر اوله-مدققرندن، بونکله خوارزمشاهان دولتنه ختام بولمش نظریله باقیله-بیلیر.

7-3673-5

قطب الدین محمد، بن حمید تابنکو

کرمانده مغوللرک تحت اطاعتنده اوله-رق حکومت سورن قره ختائیان سلاله-سنک اوچنجی حکمداری اولوب، عم زاده-سی رکن الدین مبارکدن صکره 650 تاریخنده منکوقان فرمانیله موقع اقتداره کلمش؛ و اجرای عدل و حقانیتله بر چوق ابنیه خیریه تأسیس ایده-رک، 5 سنه حکومت سوردکن صکره 655ده وفات ایتمشدر.

1-3674-5

قطب الدین مودود

موصل و شام جهتلرنده حکومت سورن اتابکان ملوکنک اوچنجیسی اولوب، دولت مذکوره-نک مؤسسی اولان عماد الدین زکینک اوچنجی اوغلیدر. برادری سیف الدین غازینک وفاتی اوزرینه، 544 تاریخنده شامده حکومت سورن بیوک برادری نور الدین محمودک فرمانیله موصل و دیاربکر و جزیره حاکمی اولوب، 21 سنه کمال عدالت و حقانته حکم سوردکن صکره، 565ده 40 یاشلرنده وفات ایتمشدر. بر قاج اوغلی اولوب، بونلردن سیف الدین غازی کندیسنه و عز الدین مسعود بوکا موصل حکومتنده خلف اولمش ایدی.

2-3674-5

قطب الدین یزدی، مولانا

مشاهیر خطاطیندن اولوب، بغدادده یاشامشدر. 994 تاریخنده 52 مشهور خطاطینک تراجم احوالی شامل بر رساله یازمش؛ و دفتردار عالی افندی بو رساله-یی سلطان مراد خان رابع امریله ترکجه-یه ترجمه ایتمشدر.

3-3674-5

قطب شاه، سلطان قطب الدین بن محمد شاه

هندستانده کجرات خطه-سی ملوکندن اولوب، 851 تاریخنده پدرینه خلف اولمش؛ و 8 سنه اجرای حکومتدن صکره 859ده وفات ایتمشدر.

4-3674-5

قطب عالم

هندستانده مظنه-دن ايکي ذاتک لقبی اولوب، بری (سید برهان الدین حفید مخدوم جهانیان سید جلال بخاری) 857 تاریخنده وفات اید-رک، کجراتده احمد آباد قربنده مدفوندر. *- دیکری (شیخ نور الدین احمد) لاهورلی اولوب، 848ده %بهار\$ده وفات ایتمشدر.

5-3674-5

قطب عبادی، امیر قطب الدین ابو منصور مظفر بن ابی الحسن

مشاهیر واعظیندن و ارباب فصاحت و بلاغتن اولوب، مرو قراسندن %سنج عبادی قریه-سنده 491 تاریخندن طوغمش؛ و تحصیل علوم ایله، اکتساب شهرت ایتدکن صکره، بغداده کیده-رک، اوچ سنه و عطا ایله اشتغال ایتمش؛ و عمومک حسن قبولنه مظهر اولوب، خلیفه زمان مقتفی لامراللهک توجهنی دخی قزانمش؛ و جانب خلیفه-دن ایچیلکله خراسانه سلطان سنجر سلجوقینک نزدینه اعزام اولنوب، بعد العوده مأموریت مخصوصه ایله خوزستانه کوندرلیدی حالد، 547 تاریخنده اوراده وفات ایدوب، تابوتی بغداده نقل ایله، جنیدک تربه-سی جوارنده دفن اولنمشدی. امور دینی-ده مبالاتسزلی مروی اولوب، حتی شرب خمرک اباحه-سی حقتده بر رساله-سی وار ایتمش.

6-3674-5

قطبه

صحابه-دن ايکي ذاتک اسميدر: (ابو الحوصله قطبه بن جزى ياخود بن قتادة السدوسي) که نزد جناب نبوی-یه کله-رک، شرف اسلامه مشرف اولمش؛ و 12نجی سال هجریده خالد بن ولید (رضه)ک معیتنده بولنوب، جانب مشار الیهدن بصره-ده وکیل براغلمش، و عتبه بن غزان نصب اولنجه-یه قدر بصره والیکنده قالمش ایدی. کندیسندن بعض احادیث شریفه منقولدر. *- (ابو زید قطبه بن عامر الانصاری الخزرجی) که عقبه اولی و ثانیه-ده و بدر، احد، خندق و سائر غزواتده حاضر بولنوب، احد وقعه-سنده طقوز یاره آلمش؛ و فتح مکه محاربه-سنده بنی سلمه رایتنی حامل بولنمشدر.

7-3674-5

قطبی

ایران شعراسندن اولوب، خراسانک جنابد قصبه-سندن ایدی. شو بیت اونکدر:

@@@

اگر صد ره روم از کوی اوندیده دیدارش
دگر ره باز میگردم که شاید بینم این بارش
\$

8-3674-5

قطر

[[سيف الدين قطر]] ماده-سنه مراجعت بيوريلاه.

9-3674-5

قطر

جزيرة العربك شرق شمالى ساحلنده و بحر فارسك جنوب غربيسنده بر شبه جزيره اولوب، بحرین ایله بحر البنات کورفلری آرہ-سنده شماله طوغری ممتد اولور. الحسا و بحرین خطه-لرندن عبارت اولان و بصره و لایتنه ملحق بولنان نجد سنجاغناک اک جنوبی قسمی اولوب، لواء مذکورى ترکیب ایدن اوچ قضانک بریدر، و جنوباً مسقط امامتيله همحدوددر. مساحه سطحیه-سی 43500 مربع کیلومتره اولوب، 100000 اهالی ایله مسکوندر. قصبه و قریه اوله-رق 35 معموره-سی اولوب، اکثرى ساحل بحرده-در. مرکزی ساحل جنوبیسنده واقع %البداغ\$ قصبه-سی اولوب، %وکره\$ اسمنده بر اسکله-سی دخی واردر. اراضیسی قوری و صوسز اولوب، آنجق طاشلرک آرہ-لرنده بعض سیرک اوتلرله اکری بوکری بر طاقم آغاجلر بیتر. قیولری پک دریندر، و صولری ایی دکلدر. کویلرک اطرافنده اولوب، چوق زحمتله اروا اولنان باغچه-لری پک آز محصولات ویرر. اصل اهالینک مدار معیشتی اینجی صیدی اولوب، سواحلی قایقلرله مستورددر. بو جهتله کندیلری اولدقجه ثروت صاحبی اولوب، چول بدویلرینک تجاوزندن امین اولمق ایچون، بتون قریه-لرینی سورله احاطه و بعض اوفق قلعه-لرله دخی تحکیم ایتمشلرددر. وقتيله قطرک بر نوع قرمزی قماش و اثوابلری مشهور ایدی. بو شبه جزیره-یه بعضاً بحرین نامی دخی ویریلیر. هواسی صیجاج و پک یابس اولوب، صاغلام دکلدر.

1-3675-5

قطر الندی

مصر والیسی ابو الجیش خمارویه بن احمد بن طولونک قیزی و خلیفه عباسی معتضد باللهک زوجه-سی اولوب، اسمی (اسماء)در. حسن و جمالده و عقل و ذکا و ادبده فریده العصر ایدی. کابین اوله-رق پدری حضور خلیفه-یه کایتلی اموال و اشیا تقدیم ایتمشدی. 287 تاریخنده وفات ایتمشدر.

2-3675-5

قطران، بن منصور اجلی

ایران مشاهیر شعرا سندن اولوب، تبریزی اولدیغی بعض تذاکرده محرر ایسه-ده، عن اصل ترمذلی اولوب، تبریزده خیلی وقت اقامت ایتمش اولدیغی آکلاشلیبور. تبریزده 438 تاریخنده ناصر خسرو له کوریشمش؛ بر مدت-ده بلخده بولنوب، سلطان سنجر طرفندن بلخ حاکمی بولنان امیر قمقاج نامنه ((قوسنامه)) عنوانیله بر منظومه یازمشدر. رشید الدین و طواط صاحب ترجمه-نک اشعارینی زیاده تقدیر ایدرمش. کلیات اشعاری 9000 بیته بالغ اولیور. شو بر ایکی بیت بر قصیده-سندندر:

@@@

یافت زین دریا دکر بار ابر کوهر بار بار
باغ و بوستان یافت دیگر ز ابر کوهر بار بار
هر کجا کلزار بود اندر جهان کلزار شد
مرغ شب کیران سرایان بر کل کلزار زار
باد بفشاند همی برسنبل و عنبر عبیر
ابر بفروزد همی بر لاله و کلنار نار
\$

3-3675-5

قُطْرُب، ابو علی محمد بن المستنیر

مشاهیر ادباند اولوب، نحو و لغت و تفسیرده ید طولی صاحبی ایدی. بصره-لی اولوب، سیبویهدن و سائر علمای بصریوندن اخذ و استفاده ایتمشدی. لغتده اک اول مثلثی وضع ایدن بو ذاتدر. ابو دلف عجلینک اولادینک مربیسی ایدی. تألیفاتی بر وجه آتیدر: ((کتاب معانی القرآن))، ((کتاب الاشتقاق))، ((کتاب القوافی))، ((کتاب النوادر))، ((کتاب الازمنة))، ((کتاب الفرق))، ((کتاب الاصوات))، ((کتاب الصفات))، نحوه دائر ((کتاب العلل))، ((کتاب الاضداد))، ((کتاب خلق الفرس))، ((کتاب خلق الانسان))، ((کتاب غریب الحدیث))، ((کتاب الهمزة))، ((کتاب فعل و افعال))، ((کتاب الرد علی الملحدین فی تشابه القرآن)) و سائر. 206 تاریخنده وفات ایتمشدر. شو قطعهُ مشهوره جمله اشعارندن اولمق اوزره مذکوردر:

@@@

ان کنت لست معی فالذکر منک معی
یراک قلبی اذا ما غبت عن بصری
والعین تبصر من تهوی وتفقد
وباطن القلب لا یخلو من النظر
\$

4-3675-5

قُطْرِبَلْ

بغداد ایله عکبرا بیننده بر قریه اولوب شرابنك نفاستيله مشهور و بغدادك نزهتگاهلرنندن معدود اولمغله، شعراء عربك اشعار و غزلیاتنده ذكری چوق كچر. -* - دیار بکرده دخی آمد شهرینك قارشیسنده بو اسمله مسمی و ینه شرابیله مشهور بر قریه وار ایدی.

5-3675-5

قطر سانیه

اندلسده اشبیلیه اعمالندن بر قصبه اولدیغنی یاقوت حموی بیان ایدیور.

6-3675-5

قطر سی

[[نقیس قطر سی]] ماده-سنه مراجعت بیور یله.]

7-3675-5

قُطْرَى، ابو نعامه جعونه بن الفجأة المازنی

خوارجدن اولوب، مصعب بن الزبیرك برادری عبد الله بن الزبیرك نامنه عراق والیسی بولندیغی زمان خروجله، خلافت دعواسنده بولنمش؛ و یکر می سنه قدر قتال و مقاومتده دوام ایدوب، حجاج بن یوسف ثقفینك سوق ایتدیکی عسکرله دفعاتله محاربه ایتمش، و نهایت 78 تاریخنده سفیان بن الابر الکلبی طرفندن مغلوب و مقتول اولمش؛ و بر روایتده آتندن دوشوب، آیاغی قیرلمغله، مومی الیه طرفندن کله-سی آله-رق حجاجه کوتورلمشدی. عمان ایله بحرین آره-سندده-کی %قطر\$ شبه جزیره-سندن اولوب، اورایه نسبتله قطری تلقیب اولندیغی مظنوندر.

1-3676-5

قطر، ملك مظفر سيف الدين المعز

مصرده حکومت سورن غلامان اتراكك اوچنجیسی اولوب، اصل اسمی محمود بن مودود اولدیغی و خوارزمشاهك همشیره زاده-سی بولندیغی کندیسندن مرویدر. ملك معز ایبکك کوله-سی اولوب، کندیسنك و بعده اوغلی ملك منصور علینك مدبر اموری ایدی. بونك زماننده مغوللر شام جهتنه هجوم ایتمکله، صبی بولنان مومی

اليهك اويله بر زمانه مناسب اولمديغنى آكلايه-رق، 657 تاريخنده امور حكومتى كندى يدينه اخد ايله، شامه
عسكر سوق ايدوب، عموم طرفندن كنديسنه بيعت اولنمش؛ و عين جالوت نام محله مغوللرى كلياً مغلوب
وپريشان ايدو-رك، مصره عودت ايتمشدى. امرادن (بيبرس)ى تاتارلرك تعقيبنه مأمور ايدوب، بو خدمته مقابل
حلب واليلكنى و عد ايتمش ايكن، ولايت مذكوره-يه ديكرينى نصب ايتمكله، كنديسى دلكير ايتديكندن، مصره
عودتى متعاقب، مومى اليه ديكر بعض امرا ايله بالاتفاق، 658ده صيدكاهده كنديسنى قتل، و مصر تختنى ضبط
ايتمشدر.

2-3676-5

قُطور

ايرانك آذربيجان ايلتنده و %خوى\$ك 40 كيلومتره غرب جنوبيسنده و خويدن كچه-رك آراس نهرينه دوكيلن
قطور چايى اوزرنده اوله-رق حدود عثمانيه قرينده بر قصبه اولوب، مقدا ممالك عثمانيه-دن ايكن، برلين
معاهده-سيله ايرانه ترك اولنمشدر. برلكده ترك اولنان جوارلريله برابر 8000 اهالييسى واردر.

3-3676-5

قُطور

خطه مصريه-نك غريبه جهتنده بر قصبه اولديغى ((معجم البلدان))ده مذكوردر.

4-3676-5

قُطورا

حضرت ابراهيم (عم)ك هاجر و سائره-نك وفاتلرندن صكره تزوج ايتمش اولديغى بر خاتون اولمق اوزره،
تواريخده مذكور اولوب، بعض اقوامك بونك اولادندن متولد اولدقلى دخى درمیان اولنيور.

5-3676-5

قُطيعه

((مالكانه)) ديمك اولان بو اسم بعض اسماء خاصه-يه اضافتله بغداد شهرينك خلافت عباسيه زماننده-كى
محله-لرندن بر چوغنه علم اولمشدر.

6-3676-5

قَطِيف

جزیره العربك شرق شمالی ساحلنده و بحر فارسده الحسا خطه-سنده و بصره و لایتنك نجد سنجاغنده قضا مرکزی بر قصبه و اسکله اولوب، مرکز لوا اولان هفوفك 150 کیلومتره شمال شرقیسنده بحرین جزیره-سنگ شمال غربیسنده کائن بر قویك ایچنده واقع و 6000 اهالی-یی جامعدر. وقتيله قرامطه-نك مرکزی بولنمش اولمغله، او وقتلردن قالمه بر قلعه-سی و سکز کیلومتره-لك خراب بر صو یولی واردر. بولندیغی قویك ایکی اوجنده برر قلعه و اوکنده %تاروت\$ و %سولق\$ اسملریله ایکی آطه بولوب، کوزل بر لیمان ایسه-ده، اهمال اولنوب طولمش اولدیغندن، یالکز کوچك کمیلرک دخولنه مساعددر. او جهتك سائر طرفلری خلافته اوله-رق هواسی پک رطیب اولوب، اطرافنده-کی باغچه-لرده لیمون و پورتقال ایله سبزه-لرک انواعی حاصل اولور، و بر ملیون ایکیوز بیک خرما آغاجی واردر. اطرافنده بغدای دخی حاصل اولیورسه-ده، اهالی عمومیت اوزره هنددن کلن پرنجله بسلیئر. هواسی صیجاق و آغیردر. *- قضاسی قصبه ایله 22 قریه-دن مرکب اولوب، 92000 اهالیسی واردر. اهالیسی عمومیت اوزره شیعی المذهب اولوب، صنایع و تجارته استعداد-لری زیاده ایسه-ده، سائر عربلرک خلافته اوله-رق مهمانوزلقلری یوقدر.

7-3676-5

قعرته

یاخود %کعرته\$-*. #1 سودان غربیده سنغال ایرماغنك ساحل شمالیسیله صحرای کبیر آره- سنده منبیت بر یر اولوب، قسم شرقیسی %نیجر\$ و سائر طرفلری مذکور سنغال ایرماقلرینك حوضه-سنه داخلدر. مساحه سطحیه-سی 45500 مربع کیلومتره اولوب، تقریباً 300000 اهالی ایله مسکوندر، اهالیسی زنجی اولوب، بامباره و سودینکه و سائر جنسیتلره منسوبدر. قرن سابق اواسطنده (فول) قومندن %سغو\$ حکمداری مشهور الحاج عمر بو مملکتی ضبطله، بتون اهالی-یی دین اسلامه ادخال ایتمشددر. شمديکی حالدہ مملکتک مرکزی اولان %نیورو\$ قصبه-سنده اقامت ایدن امام رسماً سغو حاکمنه تابع ایسه-ده، حقیقته مستقندر. سنغالک او بر ساحلنده حکمفرما اولان فرانسزلرک بو مملکته آیاق باصمه-لری دخی ممنوعدر. اراضیسی پک منبیت اولوب، داری، مصر، پرنج، آمریکا فستیغی، پاموق، چیبوید، توتون و سبزه-لرک انواعی حاصل اولور.

1-3677-5

قعطبه

یمن ولایتک تعز سنجاغنده و تعزک 110 کیلومتره شرق شمالیسنده و عدنک 180 کیلومتره شمالنده اوله-رق لحج امامتک حدودی قریبده طاغلق محلده واقع قضا مرکزی بر کوچك قصبه اولوب، آنجق 600 قدر اهالیسی و صو ایله تدویر اولنور بر عسکری دکرمی واردر. *- قعطبه قضاسی یمن ولایتک منتهای جنوب شرقیسنده اولوب، جنوباً مذکور لحج امامتیه، شرقاً حضر موتله، شمال شرقی جهتندن صنعا سنجاغنك رداغ قضاسیله، شمال غربی

طرفندن اب، غرباً دخی حجریه قضاالرله محاط و محدوددر. نادره، حشا و مریس اسملریله 3 ناحیه و 52 قریه-یی حاویدر. اراضیسی طاغلق و مرتفع اولوب، میاه جاریه-سی بر طرفدن تعزه طوغری بحر احمره، بر طرفدن عدن کورفرینه و بر طرفدن دخی حضر موته طوغری آقار. هواسی معتدل و طوپراغی منبت اولوب، کلینتلی دوره ایله آرپه، بغدای و سائر حیوبات و آز مقدارده قهوه حاصل اولور. مرکز قضانک ایکی ساعت غربنده بعض امراضه نافع بر قاپلیجه موجوددر.

2-3677-5

قعقاع

صحابه-دن بر قاچ ذاتک اسمی اولوب، اک معروفلری (قعقاع بن عمر التمیمی)در، که ارتحال حضرت نبویده حاضر بولنوب، قادسیه محاربه-سنده ابراز شجاعت و جسارت ایتمش؛ و جمل وقعه-سنده معیت جناب مرتضویده بولنوب، حضرت مشار الیهدن طلحه و زبیر (رضهما)یه اجرای نصابله تکلیف صلحه مأمور اولمش؛ و سائر محارباتده دخی معیت حیدریده بولنوب، کوفه-ده ساکن اولمشیدی. حضرت ابا بکر صدیق (رضه) بو ذات حقتده ((صوت القعقاع فی الجیش خیر من الف رجل)) بیورمشدر.

3-3677-5

قعنبی

[((عبد الله بن مسلمه)) ماده-سنه مراجعت بیوریله.]

4-3677-5

قغزمان

روسیه-یه تابع قارص ایالتنده و قارصک 50 کیلومتره جنوبنده اوله-رق آراس نهرینک صاغ کنارنده بر کوچک قصبه-در.

5-3677-5

ققال، ابو بکر عبد الله بن احمد المروزی

مشاهیر فقهاء شافعیه-دن اولوب، کنجکنده وطنی اولان مروده چلنکیرلکه مشغول ایکن، اوتوز یاشندن صکره تحصیل علمه قویله-رق، فقهده زماننک فریدی اولمش؛ و تدریس و افاده-سندن پک چوق آدملر استفاده ایلوب، طلبه-سی میاننده شیخ ابو علی سنجی و قاضی حسین بن محمد و امام الحرمینک پدری شیخ ابو محمد جوینی کی

مشاهیر علما یتیشمشدر. ابو بکر محمد بن الحداد المصرینک ((فروعنی)) مکمل صورتده شرح ایتمشدر. 417
تاریخده 90 یاشلرنده سجستانده وفات ایدوب، مرقدی اوراده زیارتگاه ایدی.

6-3677-5

قُفره

یاخود حفره 1# صحرای کبیرک قسم شرقیسنده برقه ایله سودان آرہ-سندہ 24° ایله 26° عرض شمالی و
40' 18° ایله 40' 21° طول شرقی آرہ-لرنده بر صره واحلر اولوب، جنوب شرقیدن شمال غربی-یه طوغری
ممتد اولورلر. بونلرک اک جنوبیسی طرابلس غربک 1350 کیلومتره جنوب شرقیسنده و بنغازینک 900 کیلومتره
جنوبنده واقعدر. بو واحلرک موقعلری اطرافلرنده-کی چولدن آلق اولوب، اک جنوبیسنک حذای بحردن ارتفاعی
400 و اک شمالیسنک 250 متره-در. مجموعنک بوی 360 کیلومتره اولوب، مساحه سطحیه-لری 17824 مربع
کیلومتره-در. جمله-سی 5 واح اولوب، جنوبدن باشلایه-رق: کبابو، ابوسیما، جزیره، سیفی، تاپسربو اسملریله
معروفدر. اوچی یعنی برنجیسیله صوک ایکیسی بیوک و دیکرلری کوچکدر. آرہ-لری چول ایله آیرلمشدر. هولری
صیجاق اولوب، یازین میزان الحراره 46 درجه-یه قدر چیقار. یاغمولری پک سیرک اولوب، بعض سنه-لر
بستون قوراققله کچر. آقار صولری و وادیلری اولمیوب، آنجق بعض طوزلی کوللری واردر، و ایکی اوچ متره
قازیلنجه هر یرده صو چیقار. خرما آعاجلری بر ملیون قدر اولوب، آنجق پک قیصه اولور. پورتقال، لیمون،
زیتون، انجیر، نار، قیصی، شفتالی، بادم آعاجلری و ضمغ آعاجی دخی یتیشیر. بعض باغلی-ده واردر. آرپه،
بغدای، دوره و سائر حبوباتله سبزه-لرک انواعی و قانون، قارپوز و سائره دخی حاصل اولور. دوه-لری بسلمکه
یارایان بر طاقم قبا وتلر و چالیلر دخی بولنور. کبابو واحنده طریق سنوسی-یه منسوب مرابطلره مخصوص
جسیم بر زاویه بولنوب، ایچنده 500 مرابط، بر جامع شریف و بیوک بر مدرسه و مکتب بولنیور. آفریقاده نشر
علوم اسلامییه خصوصنده سنوسیلرک خدمتی مسلم اولمغله، بو زاویه-نک وجودی مذکور واحلرک اهمیت
ذاتیه-سنی بر قات دها تزئید ایدیور. اهالیسی بش آلتی بیوک کشی راده-لرنده و جمله-سی بنغازی عربلرندن
عبارتدر. مقدما بو واحلر (تیبو) جنسیته منسوب زنجیلرله مسکون ایکن، بوندن ایکی قرن اول بنغازی جهتندن بر
طاقم عربلر هجرتله واحلرک جمله-سنی ضبط ایتمشدر. هر نه قدر آروپا خریطه-لرنده ققره واحلری هیچ بر
دولتک مالی کوسترلمیورسه-ده، (ویوین دوست مارتن) بونلرک اهالیسی بنغازیلی و دولت عثمانیه-یه تابع
بولندقلرینی درمیانه، ممالک عثمانیه-دن عد اولنملری اقتضا ایندیکنی اعتراف ایدیور. بنغازی ایله سودان طریقنک
اورته-سندہ بولنملری و طوپراقلرینک منبت و محصولدار بولنمسی و الحاصل صحرای کبیرک اورته-سندہ واسع
بر مدنیت منزلی ابراز ایلملری جهتلریله، اهمیتلری پک زیاده-در.

1-3678-5

قُفس

(یاخود قفص) کرمان و مکران طاغلرنده ساکن وحشی و قطاع طریقدن بر قوم اولوب، ینه بو حالده بولنان
(بلومی) قومیه قومشو اولدقلری جغرافیون عرب آثارنده مذکوردر. بلوص قومنک ایوم بلوجستانک باشلیجه

اهالیسی اولان (بلوج) لرله بر اولدیغی اسملرک قریبتندن و مکانلرینک اشتراکندن اکلاشیلوب، (قفس) قومی دخی بلکه اولرک بر شعبه-سی ایدی.

2-3678-5

قفصه

افریقیه-ده % یعنی تونس امارتنده\$ و قیرواندن اوچ کونلک مسافه-ده بلاد % جریده\$ زاب کبیره ملحق کوزل بر قصبه اولدیغی، و ایچنده جریان ایدن نهرک صولریله اروا اولنان باغچه-لرنده پک کوزل میوه-لر و ایری دانه-لی خرما حاصل اولوب، تا اندلسه قدر کوتوردیکی جغرافیون عرب آثارنده مسطور اولوب، الیوم دخی قصبه مذکوره صفاقسک 200 کیلومتره غرب جنوبیسنده و % شط الجریده\$ دینلن بیوک کولک ساحل شمالیسنک 50 کیلومتره شمالنده موجوددر. اوست طرفنده ایکی نهر % وادی الملح\$ اسمیله برلشوب، قصبه-نک غربنده بر کول تشکیل ایله، % توزر\$ قصبه-سنک شمالنده % شط قفصه\$ دینلن کوله دوکیلور.

3-3678-5

قفط

صعید مصرک % قفنا\$ مدیریتنده و قفناک 20 کیلومتره جنوبنده و % قفوس\$ ک 12 کیلومتره شمالنده اوله-رق نیلک ساحل یمینی یعنی شرقیسی قریبده بر قصبه اولوب، مصر قدیم تاریخنده % قفوتوس\$ اسمیله مذکوردر. بطالسه زماننده و رومالیلرک اوائل حکومتنده % برنیکه\$ طریقله هند تجارتتک مرکزی اولوب، پک معمور ایدی. بعده اهالیسی روما حکومتنه قارشى عصیان ایتمکله، اوچجی قرن میلادی اوخرنده (دیوقلتیان) زماننده روما عسکری طرفندن یغما و تخریب اولنمش؛ و بعد الاسلام یکیدن اعمار اولنوب، بر خیلی مدت % قفصیر\$ اسکله-سندن هند تجارتتک بر انباری حکمنده بولنمش؛ و بعده بو اهمیت % قفوس\$ شهرینه و ازمنه اخیره-ده % قفنا\$ یه انتقال ایتمکله، فقط قصبه-سی اهمیتندن دوشمشدر. مشاهیر مؤرخیندن وزیر جمال الدین بن القفطی ایله سائر مشاهیر اسلامک مسقط رأسی بولنمشدر. [(قفط)] ماده-سنه-ده مراجعت بیوریله.

1-3679-5

قلاپروت

مارتن هنری #1 آلمانیا مشاهیر کیمیا کرانندن اولوب، 1743 ده % ورنیکروده\$ ده طوغمش، و 1817 ده وفات ایتمشدر. برلینده کیمیا معلمی و آقادمیا اعضاسندن اولوب، بو فنده و علی الخصوص علم معاندنه پک چوق کشفیاته موفق اولمش؛ و بر چوق کتابلر و فنی و رسائل موقوته-ده بر طاقم نافع مقالات فنیه یازمشدر. *- بونک اوغلی (ژول هنری قلاپروت) مشاهیر مستشرقیندن اولوب، 1783 ده برلینده طوغمش، و 1835 ده پارسده وفات ایتمشدر. 1805 ده روسیه طرفندن چینه کوندربلن هیئت سفارت معینته کیروب، عودتنده چین،

مانچو، مغول و جاپون لسانلرنده بر چوق كتب مهمه كتيرمش؛ و 1808دن 1810 تاريخنه-دك روسيه حكومتى طرفندن بلاد قفقاسده تحقيقات علميه اجراسنه مأمور اولوب، 1812ده %ويلنه\$ده آسيا لسانلرى تدريسنه مأمور اولمش ايسه-ده، او صره-ده آچيلان محاربه بو مأموريتى اجرا ايتمسنه مانع اولمغله، 1815ده پارسه كیده-رك، اوراسنى وطن اتخاذا ايتمشدى. آسيانك السنه-سنه و احوال تاريخيه-سنه دائر بر قاچ مهم اثرى اولوب، قفقاسيه سياحتنامه-سى-ده آلمانجه و بعده فرانسزجه نشر اولنمشدر.

2-3677-5

قلاپهام

1#

انكلتره-نك %سورى\$ ايلتنده و %سنت پول\$ك 6 كيلومتره جنوب عربيسنده اوله-رق %تاميسه\$ نهري ساحل يمينى قرينده 27350 اهالى-يى جامع بر قصبه اولوب، لوندره شهرى اقسامندن معدوددر.

3-3679-5

قلاتاؤ

1#

چهنانك %پيلسن\$ ايلتنده و پيلسنك 42 كيلومتره جنوبه قضا مركزى بر قصبه اولوب، 8985 اهالييسى، مكتب اعداديسى و قرينده مياھ معدنيه-سى وارددر.

4-3679-5

قلادنو

1#

چهستانده پراغه ايلتنك %اسميشوو\$ قضااسنده و اسميشووك 22 كيلومتره شمال غربيسنده بر قصبه اولوب، 14085 اهالييسى، اطرافنده واسع كمور و دمير معدنلرى، جسيم دميرخانه-لرى و جوارنده ايمپراطورك بر سرايى وارددر.

5-3679-5

قلارانسه

1#

یونانده موره شبه جزیره-سنگ ساحل غربیسنده و %الیده\$ ایالتنده پیر غوسك 40 کیلومتره شمال غربیسنده بر قصبه و اسکله اولوب، شمذیکی حالدده هر اهمیتندن عاری ایسه-ده، فتوحات عثمانیه-دن اول خیلی مهم و تجارتگاه اولوب، بر چوق وقت مستقل بر دوقه-لق صورتنده اداره اولنمشدی.

6-3679-5

قلار انسه

1#

أوسترالیانك %یکی جنوبی والس\$ مهجرنده بر نهردر، كه مهجر مذكورك حدود شمالیه-سنده نیعانله، ابتدا جنوبه و بعده شرقه طوغری آقه-رق، طولاشیقلی بر خلیجندن بحر محیط كبیره دوکیلور. همانانی اولان قصبه-یه قدر اولان مجراسنك قسم اسفلی 800 متره کنیشلکنده اولوب، بو قسمنده بیوجك کمیلر و اوندن 50 کیلومتره یوقاری-یه دخی دها کوچکلری ایشلیه-بیلپور. حوضه-سی 10700 مربع کیلومتره وسعتنده اولوب، منبت و معادن و مرعاری چوق بر یردر. *- یکی زلنده-ده دخی بو اسمله بر نهردر بولنوب، مجراسی 250 کیلومتره اوزوندر.

7-3677-5

قلارکس فورق

1#

آمریقای شمالیده ممالک مجتمع-نك شمال غربی جهتنده %قولومبیه\$ ایرماغنه تابع بر نهردر، كه قیالی طاغردن اینن ایکی چایدن بالتشکل، طار و درین بر وادی ایچنده شمال غربی-یه طوغری جریانله %ایداهو\$ و %واشینغتون\$ جمهوریتلرینی شق ایده-رك، ایکی کولك ایچندن کچدکن صکره، دومینیون حدودینك براز ایچریسنده صولدن مذکور قولومبیه ایرماغنه دوکیلور. مجراسی 700 کیلومتره-دن اوزوندر.

1-3680-5

قلاروس

1#

یونیه خطه قدیمه-سنده کرید مهاجرلری طرفندن تأسیس اولنمش شهر قدیم اولوب، شمسدن کنایه اولان (آبولون)ك عبادتنه مخصوص جسیم معبدیله و کهانخانه-سیله مشهور ایدی. خرابه-لری از میر سنجاغنگ سیوریحصار قضاسنده و ساحلده واقع زیله قریه-سی اطرافنده مشهوددر.

2-3680-5

قلازومن

1#

يونيه خطه قديمه-سى داخنده بر شهر قديم اولوب، اليوم %اورله\$نك بولنديغي موقعده واقع ايدى.

3-3680-5

قلاقمانان

1#

اسقوچيه-ده اديمبورغك 40 كيلومتره شمال غربيينده قونتلق مركزى بر قصبه اولوب، 8000 اهالييسى و دميرخانه-لرى وارد.

4-3680-5

قلاكنفورت

1#

اوستريا و مجارستان دولتنده ويانه-نك 232 كيلومتره جنوب غربيينده و %دراوه\$يه تابع غلان نهري اوزرنده %فارينتيا\$ خطه و ابلتنك مركزى بر قصبه اولوب، 18750 اهالييسى، داخلى مكتب اعداديسى و بوكا مربوط كتبخانه-سى، صاغر و ديلسزله مخصوص مكتبي، موزه-سى، تاريخ محلى جمعيتى و سائر مؤسسات علميه-سيه چوخه و ايبك قماش و قوردله فابريقه-لرى، مصنع كليسالرى و كوزل ابنيه-سى وارد.

5-3680-5

قلامات

1#

امريقاي شماليده ممالك مجتمعه-نك اورغون و كاليفورنيه جمهوريتلرنده اوچ كول ايله بر نهر اولوب، %قاسقاد رانجه\$ سلسله-سى اوزرنده بولنان مذكور كوللرك برى بطاقلق، برى بالا و ديكرى زير صفتلريله تفريق اولنور، و برينك فضله مياهي ديكرينه دوكلوب، نهايت اشاغيكى كولك منتهاي جنوبندن قلامات نهري چيقه-رق، جنوب غربى طوغرى جريانه، كاليفورنيه جمهوريته كيير؛ و ((ساحل سلسله-سى)) دينان جبالك بر بوغازندن بعد المرور، غرب شمالي-يه طوغرى دونه-رك، 30' 41° عرض شماليده بحر محيط معتدله دوكيلور. مجراسى 500 كيلومتره-دن اوزون و حوضه-سى 36000 مربع كيلو متره ايسه-ده، صويى آزاد.

6-3680-5

قلامسی

1#

فرانسه-نك نيارده ايلتنده و %نور\$ك 68 كيلومتره شمال شرقيسنده اوله-رق %يونه\$ نهري اوزرنده قضا مركزى بر قصبه اولوب، 5092 اهاليلى، داخلى مكاتبى و زراعت جمعيتى واردر.

7-3680-5

قلاودبوس

1#

روما ايمپراطورلرندن ايكي كشينك اسميدر:

برنجيسى روما ايمپراطورلرينك درنجيسى اولوب، آلمانیه و انكلتره-ده-كى فتوحاتى سببيله (جرمانيقوس) و (بريتانيقوس) لقبيله ملقبدر. تيبريك برادري (دروسوس)ك اوغلى اولوب، ميلاد عيسادن 10 سنه اول طوغمش؛ و 40 تاريخ ميلاديسنده، يكنى قاليفولاتك قتلى اوزرينه، عسكر طرفندن ايمپراطور انتخاب اولوب، متعاقباً تراكيه خطه-سى و انكلتره-نك قسم جنوبيسى فتح اولنمش ايسه-ده، كنديسى حكم و نفوذى زوجه-سى (مسالينه) ايله بر قاچ آزاد ليسنك اينه براقوب، بونلر انواع سفاهات و سوء استعمالاتى ارتكاب ايتمشلردى. نهايت 48 تاريخنده زوجه-سنى قتل ايتمش ايسه-ده، تزوج ايتديكى يكنى (آغريبينه) ده زياده قوت و نفوذ قزانوب، قوجه-سنك اوغلى وراثندن تحريمله، ايلك زوجندن اولان كندى اوغلى (نرون)ى ولى عهد طانيتمشدى. قلاودبوس ميلادك 54 تاريخنده، ظن اولنديغنه كوره، زوجه-سى طرفندن مسموماً وفات ايتمشدر. غايتله كوشك و احمقجه ايديسه-ده، اقتدار ادبيسى اولوب، كنجلكنده اتروسقلرك و قارتاجليلرك تاريخلرينى يازمشدى.

*- ايكنجيسى، غوتلره قارشى اولان فتوحاتنه مبنى، (غوتيقوس) لقبيله ملقبدر. 215 تاريخلرنده دالماچيه-ده طوغوب، 268ده، غاليانوسك وفاتى اوزرينه، عسكر طرفندن ايمپراطورلغه انتخاب اولنمشدى. عاصى (اورئولوس)ى تنكيل، و سلفنك طرح ايتمش اولديغى بر طاقم ويركيلرى لغو، افراددن ضبط اولنمش املاكى اعاده، و 269ده صربيه-نك نيسا %يعنى نيش\$ قصبه-سنده غوتلرى مغلوب ايتمشدى. ايكي سنه حكومت سوردكدن صكره، %پانونيه\$نك %سيرميوم\$ شهرنده و بادن وفات ايتمشدر. جسارت و عدالت و مرحمتندن طولايى بحق ايكنجى ترايان تسميه اولنمشدى.

1-3681-5

قلاؤس

1#

روسيه-نك قافقاسيه ايلاتندن استاوروپول ايلتنده بر نهردر، كه قافقاس سلسله جبالنك شمالنده بولنان ايكنجى درجه-ده-كى طاغلردن نبعانله، شماله طوغرى آقه-رق، اووه-يه دوشدكدن صكره، بر قاچ قوله بالانقسام، بونلرك

بر قاچی، بحر خزره منتهی اولمق اوزره، شرقه طوغری جریان ایدر؛ و بر قاچی آراق دکیزینه دوکلمک اوزره، %مانیچ کولنه قاریشیر. یالکز ایلك بهارده قارلر اریدیکنده و صوک بهار یاغمورلری یاغدیغنده بو قوللرک جمله-سی آقوب، بحر سیاهله بحر خزر آره-سنده بر نوع اختلاط پیدا ایدرلر؛ و سائر موسملرده چوغی قوملرده قورور. مجراسی 256 کیلومتره طولنده و حوضه-سی 10424 مربع کیلومتره وسعتنده-در.

2-3681-5

قلاوستال

1#

پروسبه-ده %هانوره \$ ایالتنک %هیلدسهایم \$ سناغنده و هیلدسهایمک 60 کیلومتره جنوب شرقیسنده قضا مرکزی بر قصبه اولوب، 9200 اهالیسی، معادن مکتبی و مکمل معادن نمونه خانه-سی، اطرافنده دمیر، قورشون و کومش معدنلری و بیوک دوکمخانه-لری واردر.

3-3681-5

قلاوون، الملك المنصور ابو المعالی سیف الدین -*- الصالحی

مصر و شامده حکومت سورن ممالیک بحریه یعنی غلامان اتراکک یینجیسی اولوب، عن اصل ملوک ایوبیه-نک یینجیسی اولان ملک صالح نجم الدین ایوبک کوله-لرندن ایدی. بیک آلتونه صاتین آلمش اولمغله، ((الفی)) لقبیله دخی ملقب ایدی. ملک ظاهر بیبرسک اوغلی ملک سعید ناصر الدین محمدک اسقاطیله یدی یاشنده بولنان برادری ملک عادل بدر الدین سلامشک اقعادنده اک زیاده اعمال نفوذ ایدنلردن اولوب، صبی مشار البهک و صیسی و مدبر اموری اولمشیدی. اوچ بچق آیدن صکره 678ده، احوالک اهمیت و وخامتنی و سلامشک صباوتنی وسیله اتخاذ ایده-رک، کندی سلطنتنی اعلان، و ولایت و سائر مهم مأموریتلردن ملک ظاهرک کوله و اعواننی قالدیروب، کندی توابعنی نصب ایتمش؛ و 680ده شام جهتنه تجاوز ایدن مغوللره قارشی عسکر سوق ایده-رک، حمص جوارنده بیوک بر مظفریته نائل اولوب، تاتارلری کلیاً منهزم ایلمش؛ و 684ده اهل صلیبیه محاربه-یه طونیشوب، مرقب و طرابلسی فتح ایله، طرابلسک ساحل بحرده اولان استحکاماتنی هدم ایده-رک، قصبه-یی شمدی بولندیغی محله نقل ایتمش ایدی. جسور، مدبر، عادل و محب معارف بر حکمدار اولوب، قاهره-ده بین القصرینده جسیم بر مدرسه و مثلی کورلمه-مش بر بیمارستان یعنی خسته-خانه و سائر مبائی خیرییه تأسیسنه موفق اولمشدر. 686ده نوبه جهتنه عسکر کوندروب، اوراجه-ده توسیع دائره حکومت ایتمشدی. 689ده اهل صلیب لندن عکایی اخذ و استرداد نیتیه عزم سفر ایتمکده، قاهره-نک خارجنده وفات ایدوب، مدرسه-سی خطیره-سندده دفن اولمشدر. اولادینک صباوتنده توابعندن اوچ کشی دخی موقتاً حکم سورمشلرسه-ده، اساساً سلطنت بونک نسلنده قالوب، ایکی اوغلیله سکر تورونی و بعده اولنرک اولادی ملوک چراکسه-نک ظهورینه-دک مصر و شامده حکم سورمشلردر.

4-3681-5

قلایلی، قوز احمد پاشا

[[احمد پاشا قلایلی قوز - * -]] ماده-سنه مراجعت بیوریله.]

5-3681-5

قلبر

1#

فرانسه-نك اك مشهور جنراللرندن اولوب، 1753ده استراسبورغده طوغمش؛ و پدري ديوارجی اولمغله، فن معمارى-یى تحصیل ایتمش ایسه-ده، بعده عسکرلکه میل ایده-رك، بر مدت اوستریانك خدمت عسکریه-سنده بولنمش؛ و 1785ده فرانسه-یه عودتله، (بفور)ده ابنیه مفتشی اولمش، و 1792ده بر کوکلی طابورینه التحاق ایدوب، متعدد محاربه-لرده کوستردیکی جسارت و اقتداره بناء، آز مدتده قطع مراتب ایده-رك، میرلوالق رتبه-سنی احراز ایتمش اولدیغی حالده، 1793ده حکومتنه قارشى قیام ایتمش اولان یکر می بیك و انده-لیلره قارشى درت بیك عسکرله محاربه ایدوب، غالب کلمش، و بو قیامی باصدیرمش ایدی. آنجق بوغالبیتدن صکره اله کچن مغلوبین حقتده اجرا اولنان شدتلی مجازاتی تقدیر ایتمدیکیچون، نفيه کوندریلوب، متعاقباً اقتدارینه کوریلن احتیاج اوزرینه، جلب و اعاده ایله، فریقلک رتبه-سنه ترفیع اولنه-رق، آلمانیه-ده بر چوق غالبیتلره نائل اولمش؛ و مع هذا او وقتکی حکومتک نظر توجهنی قزانه-مامغله، 1797ده بالاستعفا، گوشه عزلته چکلمش ایدی. بوناپارت مصر سفرینه عزیمت ایتمدیکنده، کندیسنى معیتنه آله-رق، مصرده فرانسزلرك غالبیتنه باشلیجه سبب اولمش؛ 1799ده بوناپارت فرانسه-یه عودت ایتمدیکنده، کندیسنى مصرده وکیل و باش قوماندان بر اقمش ایدی. 1800 تاریخنده مصرده ظهور ایدن قیامی باصدیردقن صکره، بر شخص طرفندن مقتولاً وفات ایتمشدر. استراسبورغده بر هیکلی رکز اولنمشدر.

1-3682-5

قلرکنول

1#

انکلتره-نك میدلسکس ایالتنه ملحق و (سنت پول) کلیساسنك 1½ کیلومتره شمالنده واقع بر قصبه اولوب، 65380 اهالیسی و بر چوق ساعت فابریقه-لری وارددر. لوندره شهری اقسامندن معدوددر.

2-3682-5

قلرمونت

1#

فرانسه-نك % اوآزه\$ ايالتنده و پارسك 62 كيلومتره شمالنده اوله-رق % برشه\$ نهرينك ساحل يمينده قضا
مرکزی بر قصبه اولوب، 6100 اهالیسی، داخلی مکتبی و بز فابریقه-لری واردر. وقتيله بر قونتلغك مرکزی
ایدی.

3-3682-5

قلرمونت فراند

1#

فرانسه-ده پارسك 382 كيلومتره جنوبنده % پوی دودوم\$ ايالتنك مرکزی بر شهر اولوب، 41800 اهالیسی، دار
الفنونی، داخلی مکتب اعدادیسی، اعدادیه طبیه-سی، مکاتب ابتدایه دار المعلمینی، کتبخانه-سی، متعدد جمعیات
فنیه و ادبیه-سی، پاموق و کنویردن بعض منسوجات فابریقه-لری، دباغخانه-لری، پینیر و شکرلمه-لری و بر قاچ
کوزل میدانی واردر.

4-3682-5

قلرمونت لودو

1#

فرانسه-ده % هرولت\$ ايالتنك % لودو\$ قضاسنده و مرکز قضانك 14 كيلومتره جنوب شرقیسنده ناحیه مرکزی بر
قصبه اولوب، 6000 اهالیسی، چوخه و قونیاق فابریقه-لری و دباغخانه-لری واردر.

5-3682-5

قلزم

بحر احمرک منتهای شمال غربیسنده و سویشك قریبده قدیمأ بر قصبه و اسکله اولوب، بو مناسبتله بحر احمره
دخی جغرافیون عرب آثارنده % بحر قلزم\$ نامی ویریلپور. مذکور قصبه-نك صویی و اودونی و باغچه و
مزروعاتی و الحاصل هیچ بر نعمت طبیعیه-سی اولمیوب، آنجق مصرک اسکله-سی اولمغله، تجارتی پك ایشلك و
اهالیسنك ثروت و سامانی پك زیاده اولدیغی، و حتی ایچه-جك صویی سویش قصبه-سندن کنیردکلری جغرافیون
عرب آثارنده مسطوردر. یاقوت حموی کندی زماننده یعنی یدنجی قرن هجری اوائلنده قلزمك خراب اولدیغی، و
اونك اهمیتی سویش قصبه-سنه انتقال ایتمش ایسه-ده، بونك اهالیسی پك آز بولندیغی بیان ایدیور. [بحر قلزم
ایچون ((بحر احمر)) ماده-سنه مراجعت بیوریله.]

6-3682-5

قَلْسَانَه

اندلسده شذونه اعمالندن و شذونه-دن فرسخلق مسافه-ده و %بيطه\$ ايله %لكه\$ نهرلرينك مجمعهده بر ناحيه ايدى.

7-3682-5

قَلْسَانَه

افريقيه-ده ويا اوكا قريپ بر يرده بر قصبه اولديغى ((معجم البلدان))ده مذكوردر.

8-3682-5

قلعه

وقتيله قلايك (قلعى) دينلن اك ابي جنسك چيقيديغى بر محل اولوب، جغرافيون عربك بعضلى شامده بر طاغ، بعضلى هندده بر معموره، بعضلى-ده اندلسده بر قصبه اولديغنى التزامله، موقعى حقنده بينلرنده اختلاف وقوع بولمشدر.

1-3683-5

قلعه، ياخود %قلعه بنى رشيد\$

جزايرك وهران ايالتنده و مسكره-نك 28 كيلومتره شمال شرقيسنده %وادي القلعه\$ دينلن نهرك كنارنده و غريب الشكل بر قيانك اوزرنده بر قصبه اولوب، 3560 اهالييسى و كلیم، احرام و حصير معمولاتى واردر. *---- وادي القلعه ياغور موسمنده حد وسطى اوزره ثانيه-ده 22 و قورافلئ موسمنده 12 مكعب متره صو دوكر.

2-3683-5

قلعة ابي الحسن

ساحل شامده صيدا قريبنده بيوك بر قلعه اولوب، سلطان صلاح الدين ايوبي طرفندن اهل صليب الندن استخلاص اولنمشدى.

3-3683-5

قلعة ابي طويل

افريقيه-ده صنهاجه قبيله-سنگ مركزى مستحکم بر قصبه اولوب، قيروانك خرابندن صكره اكثر اهاليسنگ اورايه انتقاليله خيلى معمور و تجار تكاه اولديغى ياقوت حموى بيان ايديور.

4-3683-5

قلعة ايوب

اندلسك شمال جهتنده سرقسطه-يى ملحق بيوك بر شهر اولوب، مشاهير علماء اسلامدن بر قاچ ذاتك مسقط رأسى بولنمشدر. اليوم اسپانيوللر بو اسم عربيدن غلط اوله-رق %قالاتايدو\$ ديرلر.

5-3683-5

قلعة بانياس

%ياخود قلعة السببيه\$ فلسطينده نابلس سنجاغنده بانياسك 3 كيلومتره شرق شماليسنده خراب بر قلعه اولوب، او جهتك خرابه-لرينك اك كوزليدر. اوچ جهتن اوچوروملى و قصبه-دن 300 متره يوكسك بر قيانك اوزرنده مؤسس اولوب، ديوارلرى و برج و قله-لرى پك متيندر. اهل صليب ابنيه-سندن اولوب، دفعاتله اخذ و استرداد اولنمغله، بعض قيو و ديوارلرنده بر طاقم خطوط عربيه-سى دخى واردر. دمشق شام طريقي اوزرنده بولنمغله، وقتيله پك مهم عد اولنورديسه-ده، ايكيز سنه-يى متجاوز زماندن برى متروكدر.

6-3683-5

قلعة بسر

افريقيه-ده قسنطينه جوارنده-كى مجانه اووه-سى اوستنده و بر كوش معدنى قربنده واقع بر قلعه اولوب، عقبه بن نافع ويا موسى بن نصير طرفندن مأمور اولان بسر بن ارطاة طرفندن فتح اولنمشدى.

7-3683-5

قلعة بنى عباس

جزايرك قسنطينه اياتنده و مجانه اووه-سنگ اوستنده و دمير قيو دنيلن بوغازك قربنده بنى عباس قبيله بر بريه-سنگ استناد كاهى اولان اسكى بر قلعه اولوب، يوللرى پك صرب، ديك و يوكسك بر طاغاك اوستنده واقعدر. بنى عباس قبيله-سى بو قلعه سايه-سنده مذکور دمير قيو بوغازينه و جزاير ايله قسنطينه بيننده-كى طريق اختلاطه حاكم

بولنمشلردر. بونلردن مخرانیلر فرانسزلره طول مدت مقاومت ایتمشلردر؛ و حربده اوریلان رئیسلی قلعہ-نک ایچنده-کی عتیق جامع شریف حولیسنده مدفون اولوب، مرقدلری اورا قبائلنجه زیارتکاهدن. مادهٔ آنفه-ده مذکور %قلعة بسر\$ک بونک عینی اولمسی محتملدر.

8-3683-5

قلعة الجص

فارسده ارجان جهتنده غایتله صرب و متین بر محلده اولوب، اسکی ایرانیلردن قالمه بر چوق آثاری اولدیغنی یاقوت حموی بیان ایدیور.

9-3683-5

قلعة جعبر

[[جعبر]] ماده-سنه مراجعت بیوریله.]

10-3683-5

قلعة البیضا

جزیره العربده عسیرک شرق جهتنده و وادی دواسیرک یوقاری طرفنده مکة مکرمه-نک تخمیناً 400 کیلومتره جنوب سرقیسنده بر قصبه اولوب، خیلی معمور و اهالیسی چوق اولدیغی مرویدر.

11-3677-5

قلعة حارم

حلب ولایت و سنجاغنده و انطاکیه-نک سرای جهتنده مرکز قضا اولان حارم قصبه-سی قریبده یوکسک و اطرافه حاکم بر تپه-نک اوزرنده متین بر قلعه اولوب، اساساً عربلر طرفندن یاپلمش، و اهل صلیب طرفندن تعمیر و تحکیم اولنمش ایدی. الیوم خرابدر.

12-3683-5

قلعة الحصن

بو اسمله شام دیارنده ایکی اسکی قلعه واردر: بری دمشقك 100 کیلومتره جنوب غربیسنده و طبریہ کولی اوزرنده اوچ طرفی اوچوروملی و یالکزجنوبدن طار بر یول ایله طاغه مربوط بر قیانك اوزرنده واقع اولوب، شمدی ویرانه حالنده اولدیغی حالده، وقتیلہ خیلی معمور اولدیغی آکلاشیلان بر شهرک انقاضنی یعنی بر چوق ستونلر، هیكللر، مزارلر و سائر آثار عتیقه-یی حاویدر. ظن اولندیغنه کوره، قدیم مورخلردن عبرانی یوسفك تعریف ایتدیکی جمل #1 شهر قدیمك خرابه-سیدر، که شهر مذکور موقعك دوه بیوننه مشابهنندن طولایی بو اسم عبرانی ایله تسمیه اولنمشدی. *- دیگر ی حمانك 60 کیلومتره جنوب غربیسنده متین بر قلعه-نك اوزرنده واقع اولوب، الیوم قائمدر. اهل صلیب وقوعاتنده شام حاکمی بولنان ذات طرفندن محافظه-سنه بر طاقم کردلر مأمور اولمغله، %حصن الاکراد\$ اسمیله شهرت بولمشدر. بعده اهل صلیبک ایله کچوب، بونلرجه بیوک بر اهمیت آلمش؛ و نهایت صلاح الدین ایوبی طرفندن استخلاص اولنمشدر. اداره عثمانیه زماننده مرکز قضا اتخاذ اولنوب، بعده موقعك صربلغی سببیلہ ترک اولنمش ایسه-ده، قضا ینه بو اسمله مسمی اولوب، بیروت ولایتك طرابلس شام سنجاغنه ملحقدر.

1-3684-5

قلعه حماد

%یاخود قلعه بنی حماد\$ جزایرک قسنطینه ایالتنده و جبل کانیه-نك جنوبی اتکنده پک یوکسک و صرب و قیشین قارله مستور بر موقعده واقع بر قلعه و قصبه خرابه-سیدر. بو قلعه و قصبه-یی 370 تاریخ هجریسنده حماد بن یوسف بن زیری الصنهاجی تأسیس، و تخریب ایتدیکی بر قاچ قصبه-نك اهاالیسنی اورایه نقل ایده-رک، صنهاجه قبیله-سنک قسم غربیسنه مرکز اتخاذ ایتمشدی. بر چوق وقت صنهاجه قبیله-سندن بنی حمادک مرکزی قالوب، خیلی توسع و کسب عمران ایتمشدی. آلتنجی قرن هجری اواسطنده موحدینک ایکنجیسی اولان یوسف بن عبد المؤمن طرفندن تخریب اولنمشدر. شمدیکی حالده بر مناره-سی قائم اولوب، قلعه و شهرک خرابه-لری طور یور. آنجق یاقوت حموی تاریخ مذکور دن صکره یازدیغی حالده، خرابندن بحث ایتمیوب، یوک منسوجاتنک نفاستنی و یوک ایلیکلرینک ابریشم کی صیرمه ایله ایشلنه-جک قدر اینجه اولدیغنی بیان ایدیور.

2-3684-5

قلعه-جک

آنقره ولایت و سنجاغنده و آنقره-نك تقریباً 65 کیلومتره شرق شمالیسنده و قزیل ایرماق مجراسنک یاریم ساعت شمال غربیسنده واقع قضا مرکزی بر قصبه اولوب، 4677 اهاالیسی، 5 جامع شریفی، 12 مسجدی، 1 کلیسای، بر رشدییه و بر ابتدائییه ایله بر قاچ صبیان و بر ارمنی مکتبی، 4 مدرسه-سی، 200 دکانی، 2 خانی، 2 حمامی و بر کارکیر کوپریسی واردر. رومالیلردن قالمه %مشران\$ اسمیله خراب بر قلعه-سی دخی اولوب، بو قلعه-دن کچی چاپنه-دک تحت الارض اسکی بر صویولی دخی بولنیور. قصبه ایله نهر کناری آره-سنده نهرک صوییلہ اروا اولنور کوزل باغچه-لر و باغلر بولنوب، اوزوم، ویشنه، آرمود، آیوه، طوت و سائر میوه-لرک اعلاسی حاصل اولور. قصبه دروننده دوشمه-لک و آلاجه نسج اولنور. هواسی معتدل و صاغلامدر.

-* - قلعه-جك قزاسى آنقره سناغنگ منتهای شرق شمالیسنده مثلث الشكل بر بردن عبارت، اولوب، غرباً چبق آباد و بالا قزالیله، جنوباً و شرقاً قبر شهری سناغیله، شمالاً دخی قسطمونی ولایتنگ کنغری سناغیله محاط و محدوددر. اراضیسی عارضه-لیجه اولوب، قزلی ایرماق جنوب غربیدن شمال شرقی-یه طوغری جریانه قضایی شق ایده-رک، صاغ و سولدن بر قاچ چای اخذ ایدر. قضا ایناللو باللو و قوکیر ناحیه-لریله برابر 149 قریه-یی حاوی اولوب، 35162 اهالی ایله مسکوندر، که مرکز قزاده بولنان 479 ارنیدن ماعداسی کاملاً مسلمدر. طوپراغی منبت اولوب، بغدای، آریه و سائر حبوباتله، پاموق، کوک بویا، جهری، آفیون و سائر حاصل اولور. مرعالی-ده کوزل اولوب، قیون، صیغیر، کچی، تفتیک کچیسی و سائر حیواناتی واردر. سنوی اعشار بدلی تقریباً 8500 و اغنام رسمی 5000 لیرایه بالغ اولور.

3-3684-5

قلعه الریض

فلسطینده قدس شریفک 80 کیلومتره شمال شرقیسنده و اردنه دوکیلن وادی عجلونک یوقاری طرفنده بر قلعه اولوب، قیاده اولمش بر خندقله محاطدر. دیوارلری پک قالین و متین اولوب، صلاح الدین ایوبی طرفندن یاپلدیغی بر لوحه-سنده محرر ایسه-ده، چوق دهاسکی اولوب، مشار الیه طرفندن تعمیر ایدلمش اولمسی ملحوظدر. اوستندن اردن وادیسنه و بحر لوطه طوغری کوزل منظره-سی واردر.

1-3685-5

قلعه الروم

[((روم قلعه)) ماده-سنه مراجعت بیوریله.]

2-3685-5

قلعه سلطانیه

و بین العوام چناق قلعه-سی #1 اق دکیز بوغازی مدخلنده أناطولی ساحلنده و کلیبولینک 32 کیلومتره غرب جنوبیسنده 24° 30' عرض شمالی ایله 40° 56' طول شرقیده بیغا مستقل سناغنگ مرکزی بر قصبه اولوب، 11062 اهالیسی، 8 جامع شریفی، 3 مسجدی، جماعات مختلفه-یه مخصوص 4 کلیسایسی، 3 حاوره-سی، بر رشدییه و بر ابتدائییه ایله متعدد صبیان و جماعات غیر مسلمه-یه مخصوص متعدد ابتدائی مکتبلری، 6 حمامی، 4 خانی، 3 مسافرخانه-سی، 52 دکان و مغازه-سی، بر دباغخانه-سی، 2 یل و بر بخار دکرمی، 26 فرونی، 12 چناق چوملک فرونی، 13 چشمه-سی، اجنبیلره مخصوص بر قلوبی و جوارلرنده بوغازک مدخلنی محافظه ایدر جسیم استحکاماتیله متعدد قشله-لری واردر. اهالیسی اسلام، روم، ارمنی، اسرائیلی و اجنبیدن مرکب اولوب، هر بر جماعتک محله-سی آیریدر. دفعاتله حریقه اوغرایوب، بو صوک زمانلرده خیلی توسع دخی ایتمش اولدیغندن،

اکثر خانه‌لری مجدد و کارکیر اولوب، سوقاقلری دخی دوز و کنیش ایسه‌ده، قالدیرملی دکلدن. قصبه‌نک اطرافنده‌کی بطاقلنر قوردلمغله، هواسی تصحیح اولنمشدر. هر کون واپورلر اوغرایوب، هر طرفله وارداتی مکمل ایسه‌ده، تجارتی جزئیات قبیلندندر. قلعه سلطانیه استحکاماتی اک اول ابو الفتح سلطان محمد خان ثانی زماننده یاپیلوب، بعده کوپریلی محمد پاشا 1070 تاریخنده کلید بحر و سد البحر استحکاملرینی یاپدیغی وقت قلعه سلطانیه استحکاماتی‌ده او نسبتده تحکیم و تقویه ایده‌رک، موضعی اقتضاسنجه اوراسنی بحر سفید بوغازی استحکاماتنه مرکز اتخاذ ایتمش؛ و او وقتدن اوراسی %قلعه سلطانیه\$ نامیله تسمیه اولنوب، بر چوق وقت قلعه‌ده اقامت ایدن محافظه عسکرندن بشقه اهالیسی یوغیکن، تدریجاً ضابطان عائله‌لرینه مخصوص خانه‌لر و کیده‌رک بر طاقم دکانلر یاییله‌رق، بر قصبه هیئتته کیرمشدر. اوروپالیلر بو قصبه‌یه بوغازه مخصوص اولان %داردانه\$ اسمنی ویرمشلردن.

*- قلعه سلطانیه قضاسی بیغاسناغنک مرکز قضاسی اولوب، شمال غربی جهنتدن بحر سفید بوغازیله، جنوباً ازینه، شرقاً بیغا، شمالاً دخی لاپسکی قضالریله محاط و محدود اولدیغی حالده، 39 قریه و 19494 اهالی‌یی جامعدن. اهالیسنک 9059 ی مسلم، 5501 ی روم، 1805 ی اسرائیلی، 956 سی ارمنی، 2173 ی اجنبی تبعه‌سی اوله‌رق فرنگ و سائره‌در. اراضیسی آز عارضه‌لی اولوب، طاغلی تپه‌لر حالنده‌در، و هیچ بری 500 متره ارتفاعنی تجاوز ایتمز. میاه جاریه‌سی باشلیجه اوچ نهردن عبارت اولوب، اوچی‌ده قضانک حدودنده نبعان ایدر. اک بیوکی اولان صاری قوجه چایی قلعه سلطانیه قصبه‌سنک یاننده بوغازه منصب اولور. بوکا بر چوق دره‌لر دوکیلور. ایکنجیسی %دکرمن دره\$در، که برنجینک غرب طرفنده کفز برونی یاننده دوکیلور. اوچنجیسی اولان اورته کچی دره‌سنک ایسه مجراسنک یالکز یوقاری قسمی بو قصاده اولوب، بعده ازینه قضاسنه کیرر. تارله و باغ و باغچه اوله‌رق مزروع اراضیسی 93175 و مرعی، اورمان، چایر، زیتونلق و پلاموطلق اوله‌رق اراضی غیر مزروعه‌سی‌ده 93473 دونمدن عبارت اولوب، باشلیجه محصولاتی بغدادی، آرپه، یولاف، چافدار، مصر، بورچق، داری، ملز و سائر حیویاتله پاموق، پلاموط، زیتون و سیزه و میوه‌لرک انواعدن عبارتدر. مرکز قضانک 25 کیلومتره جنوب شرقیسنده بر آلتون معدنی بولنوب، امتیازی بر انکلیز قومپانیه‌سنه ویرلشدن. بو معدن ازمنه قدیمه‌ده دخی تروالیلر طرفندن چیقارلمقده ایدی. حیواناتی‌ده چوقجه اولوب، سنوی تولداتی تقریباً 26000 قویون و کچی 43000 صیغیر، 1650 مرکب، 500 آت و سائره‌دن عبارتدر. قضا داخلنده 28 جامع و مسجد، 34 مکتب، 5 تکیه، 1 عمارت، 1 خسته‌خانه، 778 دکان و مغازه، 47 فرون، 3 خان، 3 حمام، 38 دکرمن و 2 اون فابریقه‌سی موجوددر.

1-3686-5

قلعه سمعان

حلبک 30 کیلومتره غرب شمالیسنده و عفرین و ادیسی اوزرنده یوکسک و درین دره‌لرله محاط بر محلده واقع خراب بر قلعه و قصبه اولوب، خرسنیانلرک عزیزلرندن بشنجی قرن میلادیده یاشامش اولان مشهور %شمعون عمودی\$نک سنه‌لرجه اوستنده طورمش اولدیغی ستون ایله بر کلیسا و مناسترک و بعض خانه‌لرک خرابه‌لری موجوددر. یاننده دیر السمعان اسمنده بر قریه دخی واردن. سمعان اسمنک شمعوندن محرف اولدیغی آکلاشیلپور.

2-3686-5

قلعة السنان

تونسك غرب جهتندة و جزاير حدودى قربنده موقعنك ارتفاعيله و صربلغيله مشهور بر اسكى قلعه-در.

3-3686-5

قلعة السيجار

شامده حمانك 9 كيلومتره شمال غربيسنده عاصى نهري مجراسنك اوستنده واقع بر تپه-نك اوزرنده اسكى بر شهر و قلعه-نك خرابه-سيدر. بو شهر سلفقوس نيقاتور طرفندن %لاريسا\$ اسميله بنا اولنمش، و بعده دور اسلامده توسيع و تجديد اولنمشدى. خرابه-لرك اكثرى عربلرك ايشى اولوب، ايجلرنده مكدونيه-ليلرله روماليلردن قالمه بعض آثاره دخى تصادف اولنور. خرابه-لرك ايجنده كوچك بر كوى دخى وارد.

4-3686-5

قلعة شرغات

جزيره-ده موصلك 90 كيلومتره جنوبنده و دجله-نك ساحل غربيسنده بر خراب قلعه اولوب، موسيو لايارد طرفندن بو موقعده بر طاقم آثار عتيقه و بر هيكل بولنمش اولمغله، نينويدن اول آثوريلرك مركزى بولنمش اولان %آثور\$ شهر قديمك محلى اولديغى مظنوندر. بوكا تركجه طوپراق قلعه دخى ديرلر.

5-3686-5

قلعة شكيف

ساحل شامده صورك 30 كيلومتره شرق شماليسنده مرتفع و شرقه طوغرى ناظر مشهور بر قلعه اولوب، بر خيلى وقت اهل صليب يدنده بولنمش؛ و صلاح الدين ايوبى طرفندن استخلاص اولندقدن صكره يكيدين اولنلرك اليه كچمشيدى. فرنكلر بوكا ((كوزل قلعه)) معناسيله %بوفور\$ ديرلردى.

6-3686-5

قلعة قرين

عكانك 17 كيلومتره شمال شرقيسنده اهل صليب زمانندن قالمه بر قلعه خرابه-سى اولوب، فرنكلر طرفندن %موننفور\$ و آمانجه %استاركنبرغ\$ تسميه اولنوردى.

7-3686-5

قلعه كبيره

تونسك ساحل جهتندہ سوسه-نك 12 كيلومتره شمال غربيسنده وادى ليه كنارنده بر قصبه اولوب، 8000 اهالييسى و يك مقبول بر ياغ ويرر كلينتلى زيتونى واردر. نهر ك اوبر كنارنده-ده قلعه صغيره اسميله بر قلعه و محله-سى واردر.

8-3686-5

قلعه مضيق

حلب ولايت و سناغناك جسر شغور قضااسنده واقع افاميه شهر قديمك خرابه-سنه ويرلين اسمدر. [((افاميه))]
ماده-سنه مراجعت بيوريله.]

9-3686-5

قلعه النجم

حلب ولايت و سناغناك منيج قضااسنده و منجيدن 4 فرسخلق محله واقع اسكى بر قلعه خرابه-سيدر.

10-3686-5

قلعه النخل

سينا شبه جزيره-سنده عقبه-نك 150 كيلومتره غرب شماليسنده و سويشك 120 كيلومتره شرق جنوبيسنده و مصردن مكه-يه كيدن طريقك اوزرنده طاشلق بر قيانك اوزرنده بر قلعه اولوب، ايچنده بر جامع، ايكى چشمه، بر قاچ خرما آغاجى و حجاجك استراحتته مخصوص بعض كولكه-لكلى واردر.

11-3686-5

قلعه نور

هندستانك شمال غربى جهتندہ پنجابك %امريچار\$ ايلتندہ بر قصبه اولوب، 5090 اهالييسى واردر. اكبر شاه بو قصبه-ده ايكن همايون شاهك وفاتى خير آلوب، اعلان سلطنت ايتمشدى.

12-3686-5

قلفات

1#

رومانیه-ده افلاق قراپووه ایالتنده و قراپووه-نک 80 کیلومتره جنوب غربیسنده و طونه-نک ساحل یسارنده اوله-رق و دینک قارشیسنده ناحیه مرکزی بر قصبه اولوب، 3000 اهالیسی و مهم لیمانی وارد. وقتیله انشآت بحریه-سیله مشهور ایدی. عثمانلی عسکری بو محله 1268ده روسیه عسکرینه قارشی شانلی بر غالبیته نائل اولمشلردر.

1-3687-5

قلفات محمد پاشا

[((محمد پاشا (قلفات-*)-)) ماده-سنه مراجعت بیوریله.]

2-3687-5

قلم الاندلسیه

مشاهیر مغنیاتدن ادیبه و شاعره بر قیز اولوب، عن اصل اسپانیول اولدیغی حالده، سبایا میاننده جاریه اولوب، شرقه نقل اولنمش؛ و بغدادده تربیه کوروب، علوم ادبیة عربیه-یی بعد التحصیل، حازه دخی عزیمتله، مدینه منوره-ده فن موسیقی-یی تحصیل ایتمش؛ و صکره اندلسه اعاده اولنه-رق، اورا ملوک امویه-سندن عبد الرحمن ثالثه صاتلمش ایدی.

3-3687-5

قلم الصالحیه

بو دخی مشاهیر مغنیاتدن ادیبه بر قیز اولوب، امرای عباسیه-دن صالح بن عبد الوهابك جاریه-سی ایکن، بر بسته-سنی ایشیدوب کندیسنه طالب اولان خلیفه عباسی واثق باللهه اون بیک آلتون مقابلنده صاتلمش ایدی.

4-3687-5

قلمان

اسکندریه-لی بر حکیم یونانی اولوب، ایکنجی قرن میلادیده خرسیتیانلغی قبول ایتمش، و بو مذهبی فلسفه-یه تطبیقه چالیشوب، بو افکارینی تدریسه مخصوص اولمق اوزره، شهر مذکورده بر مدرسه آچمشیدی. بعده بونی ترکه اجبار، و اسکندریه-دن طرد اولنه-رق، بر مدت قبادوقیه و قدس و آنطاکیه-ده تدریس و وعظه مشغول اولمش؛ و 217 تاریخده وفات ایتمشدر. بعض تألیفاتی موجوددر.

5-3687-5

قلمان

1#

بو اسمله اون درت پایا کلمشدر:

برنجیسی میلادک 67 ویا 19 تاریخده پایا اولوب، 100 تاریخده وفات ایتمشدر. حواریوندن پطروسک شاکردانندن ایدی. دینندن طولایی اشکنجه تحتنده اولدیکی مروی اولوب، قتولیکر عدنده اعزه-دن عد، و تشرین ثانیکن 23نده یورطیسی اجرا اولنور. موعظه-یه متعلق بعض آثاری واردر.

*- ایکنجیسی صاقسونیه-لی اولوب، 1046 تاریخ میلادیسنده قره هنری طرفندن عقد اولنان مجلس روحانی طرفندن پاپالغه انتخاب اولنمش؛ و 1047ده وفات ایتمشدر.

*- اوچنجیسی 1187ده انتخاب اولنوب، مسلمانلره قارشی بر اهل صلیب سفری آچمش؛ و 1191ده وفات ایتمشدر.

*- درنجیسی 1265ده پروژه-ده انتخاب اولنوب، 1271ده و تیربه-ده وفات ایتمشدر. کندیسی فرانسز اولمغله، فرانسه ایله پاپالق مقامی بیننده-کی اختلافاتی تسویه ایتمشدر.

*- بشنجیسی 1305ده پروژه-ده انتخاب اولنوب، پاپالق مقامی آوینیونه نقل ایتمش؛ و بو دخی فرانسز اولوب، فرانسه قرالی کوزل فیلیپک یاردمیله انتخاب اولندیغندن، بو قراله مساعد معامله-ده بولنمش؛ و ویانه-ده عمومی بر مجلس روحانی عقد ایدوب، بر چوق نظامات و قوانین وضع ایتمشدر. 1314 تاریخده وفات ایتمشدر. سفاهت و طمعکارلقه اتهام اولنیور.

*- آلتنجیسی ینه فرانسز اولوب، 1342ده آوینیونده انتخاب اولنمش؛ و 1352ده وفات ایتمشدر. رومایه نقل مقر ایتمسی تکلیف و رجا اولنمش ایسه-ده، قبول ایتمه-مش؛ و انکلتره قرالی اوچنجی ادوآردله و آلمانیه ایمپراطوری باویره-لی لویی ایله چوق اوغراشوب، بونک یرینه لوکسنبور غلی شارلی انتخاب ایتمشیدی. پک عالم و فوق العاده قوه حافظه-یه مالک ایدی.

*- یدنجیسی مدیچیس خانداننه منسوب اولوب، اونجی لیونک عم زاده-سی ایدی. 1523ده پایا انتخاب اولنوب، 1534ده وفات ایتمشدر. ایمپراطور شارل کینته قارشی فرانسه قرالی برنجی فرانسوا ایله و انکلتره قرالی و ایتالیا پرنسزلیله کندی ریاستی تحتنده بر هیئت اتقاقیه تشکیل ایتمش ایسه-ده، باشه چیقہ-میوب، روماده بالمحاصره، اسیر طوتیله-رق، 7 آی محبوس قالدقن صکره، تبدیل قیافته قورتیله-بیلمش؛ و مودنه ایله رجویی غائب ایتمشیدی، مع هذا خاندانی فلورانس حکومتده اعاده خصوصنده شارل کینتدن معاونت کورمشیدی. 1534ده انکلتره

قرالی سکرنجی هنری-یی، زوجہ-سنی تطلیقندن طولایی، تحریم (یعنی آفوروز) ایتمکله، انکلتره-ده پروتستانلغک اعلاننه سببیت ویرمشدر.

-* - سکرنجیسی 1592ده انتخاب اولنوب، 1605ده وفات ایتمشدر. راهبلا بیننده علومک و پرهیز و تقوانک انتشارینه خدمت ایدوب، اکثریا عفو ایله معامله ایدردی.

-* - طقورنجیسی 1667ده انتخاب اولنوب، 1669ده 71 یاشنده وفات ایتمشدر.

-* - اوننجیسی 1670ده، 80 یاشنده ایکن، پایا انتخاب اولنوب، 1676ده وفات ایتمشدر. کبر سننه مبنی قاردینال انتوان پالوچی اداره امور ایدردی.

-* - اون برنجیسی آناؤد جنسیتنه منسوب اولوب، اسکندر بکدن صکره ایٹالیایه هجرت ایدن آناؤدلردن مشهور %آلبانی\$ خانداننه منسوب اییدی. اصل اسمی (جوان فرانچسکو آلبانی)در. 1700 تاریخنده پایا انتخاب اولنوب، 1721ده وفات ایتمشدر. اسپانیه وراثتی مسئله-سنده اون درنجی لویی-یه طرفدارلق ایتمش، و%سیچیلہ\$ قرالی و یقتور آمده ایله خیلی وقت اوغراشمشدر.

-* - اون ایکنجیسی 1730ده انتخاب اولنوب، 1740ده 88 یاشنده وفات ایتمش؛ و ویرکیلری تنزیل ایله محفانه حرکتده بولنمشدر.

-* - اون اوچنجیسی وندیکی اولوب، 1758ده انتخاب اولنمش، و 1769ده وفات ایتمشدر. زماننده جزویتلر فرانسه، اسپانیا، پورتکیز و ناپولیدن طرد و اخراج اولنمغله، کندیلرینی صحابته چالیشمش ایسه-ده، مقتدر اوله-مامش؛ و پارمه دوقه-سیله اولان منازعاتی نتیجه-سنده آوینیون قونتلغیله بنوانت دوقه-لغی لندن چیقمش اییدی. -* - اون درنجیسی 1769ده فرانسه-نک سعیلله پایا انتخاب اولنوب، افکار صلح پرورانده صاحبی اولمغله، پارمه دوقه-سیله اویشوب، سلفنک غائب ایتمش اولدیغی آوینیون و بنوانتی استرداد اولنمش؛ و آوروپا دولنک اصراری اوزرینه جزویت طریقنک رفع و لغوی حقتده بر قرارنامه رسمی اصدار ایتمشدی. چوق کچمه-دن 1774ده، ظن اولندیغنه کوره، مسموماً وفات ایتمشدر.

1-3688-5

قلمریه

اندلسده بر قصبه اولوب، کندی زماننده فرنکلرک النده بولندیغنی یاقوت حموی بیان ایدیور.

2-3688-5

قلمنوز

یاخود قلمیوز #1 جزایر بحر سفید ولایتک ساقز سنجاغنده و استانکوی ایله لریوز آره-سنده اوله-رق بودروم برونی قارشیسنده بر جزیره اولوب، آچیقده بولنان و بر ناحیه صورتنده اداره اولنان آستروپالیه جزیره-سیله برابر بر قضا تشکیل ایدیور. قلمنوز جزیره-سی ساقزک ساحل جنوبیسندن 76، استانکویدن 5؛ آناتولی ساحلندن دخی 10 میل بحری بعدنده اولوب، 686 متره ارتفاعی اولان مرکزنده-کی تپه-سی "48' 58' 36° عرض شمالی ایله "50' 39' 24° طول شرقیده واقعدر. جنوب شرقیدن شمال غربی-یه اولان بوی 25 و اکی 15 کیلومتره اولوب،

مساحه سطحه-سی 109 مربع کیلومتره-در. سواحلی خیلی کیرینتیلی چیقتلی اولوب، اک ایی لیمانی جنوب شرقی ساحلنده و همنامی اولان قصبه-سی اوکنده-در. لطافتیله مشهور اولان لریوزدن طار وصیغ بر بوغازله آیرلمشدر. آستروپالیه ناحیه-سیله برابر اهالیسی 9000 کشی راده-لرنده اولوب، همان جمله-سی روم و باشلیجه سونکر صیدیه مشغولدرلر. فقرا طاقمی، مرابحه-جیلک بلاسیله، زنکینلره مدیوندر و طالغیلق کبی تهله-لی و مشقتلی بر صنعته حصر عمر ایدوب، داینلریچون چالیشیورلر؛ بونلر ایسه مارسلیه و سائر آوروپا اسکله-لریله سونکر تجارتي ایدوب، او بیچاره-لرک صیرتندن خیلی استفاده ایدیورلر. اراضیسی وقتیه اورمانلرله مستور ایکن، شمدی چبلاقدر. یالکز آچق یرلرنده بر مقدار زیتون و انجیر آغاجلریله باغلی و وارد. آطه-نک بالی اسکیدن بری مشهوردر. حیوانات اهلیه-دن کچیلری و طوموزلری چوقدر.

1-3689-5

قلمون

%القلمون\$ شام ساحلنده بیروت ولایتنک طرابلس شام سنجاق و قضااسنده و طرابلسک 9 کیلومتره جنوب غربیسنده و بیروتدن طرابلسه کیدن طریق اوزرنده باغچه-لرله محاط کوزل بر قریه اولوب، %قالاموس\$ شهر قدیمی محلنده واقعدر.

2-3689-5

قلمیه

آناتولینک جنوبنده و طرسوسک غربنده واسع بر خطه اولدیغی جغرافیون عرب آثارنده محرر اولوب، %کیلکیه\$دن غلط اولمسی محتملدر.

3-3689-5

قلسوه

فلسطینده رمله قربنده بر قلعه اولوب، مصرده طوتیلان عبد العزیز بن مروان احفادنن بر قاچ ذات اوراده قتل اولنمشلردی.

4-3689-5

قلوبطره

مصرده حكومت سورن بطالسه-نك ملكة اخيره-سى اولان (قليوپاتره)نك اسم معربيدر. [(قليوپاتره)) ماده-سنه
مراجعت بيوريله.]

5-3689-5

قلوپستوق

1#

آلمانيه-نك اك مشهور شاعرلرندن اولوب، 1724 تاريخنده صاقسه-نك %كلديمبورغ قصبه-سنده طوغمش، و
1803ده وفات ايتمشدر. سير حضرت عيسى (عم) ى حاوى (مسياده) يعنى (مسيح نامه) عنوانيله بيوك بر
منظومه-سى و بر چوق غزليات و سائر اشعارى واردر.

6-3689-5

قلوتر

1#

فرانق حكمدارلرندن درت كشينك اسميدر:

برنجيسى قلوويسك اوغلى اولوب، 501 تاريخنده نوستريا قرالى اولدقن صكره، ايكي برادرينك بربريني متعاقب
وفاتلرى اوزرينه، اونلرك دخى حصه-لرينى آله-رق، 558ده بتون فرانسه-نك حكمدارى اولمشدى. برادري
قلودوميرك اوغللرينى اتلاف ايتدكن صكره، بو آره-لق عصيان ايتمش اولان كندى اوغلنى دخى قتل ايتمش؛ و
فسق و سفاخته طالمش ايدى. مع هذا جسور آدم اولوب، پيرنه-نك اوته-سنده بعض محاربه-لر قزانمشدى. 561ده
وفات ايتمشدر.

*- ايكنجيسى شيلپريقك اوغلى اولوب، 584 تاريخنده، 4 ايلق ايكن، سواسون حكومتنده پدرينه خلف اولمغله،
اوستراسيا قرالى اولان عم زاده-سى ايكنجى شيلدبرته قارشى والده-سى فردغونده طرفندن مدافعه اولمش؛ و
613ده، ايكنجى (تيرى)نك وفاتى اوزرينه، اوستراسيايى دخى ضبطله، بتون فرانسه-يى الده ايتمش؛ و
صاقسونلره قارشى حرب ايدى-رك، دوقه-لرينى كندى اليه تپه-لمش ايدى. بعده مملكتنى عدالتله اداره ايدى-رك،
توسيع رفاه و معموريتنه چالشمش؛ و 628ده وفات ايتمشدر.

*- اوچنجيسى ايكنجى قلوويسك بيوك اوغلى اولوب، 656 تاريخنده، 4 ياشنده اولديغى حالده، والده-سى
ماتيلده-نك وصايتى و (ابروئن)ك اتاكلكى آلتنده اسماً حكومت سورمكه باشلامش؛ و بالاخره مرقوم (ابروئن)
بستون حكومتى ضبط ايتمش؛ و صاحب ترجمه 670 تاريخنده وفات ايلمشدر.
-- درنجيسى 717ده اتابك شارل مارتل طرفندن تخته اعقاد اولنه-رق، ايكي سنه صكره وفات ايتمشدر.

7-3689-5

قلوتيله

سننه -* -# 1 قتلولكلرك عزيزه-لرندن اولوب، بور غونيه قرالى شيلپرېقك قیزی و فرانق حکمدارلرندن قلوویسك زوجه-سی ایدی. زوجنه خرسنیلانغی قبول ایتدیرمشیدی. بونك وفاتندن صكره اوچ اوغلی قلوتر، قلوومیر و شیلدبرت بینده آتش حربك اویاندیغی کوروب، منع ایده-مدیکندن، %تور\$ده سنت مارتن مزاری یاننه چکلمش؛ و 545ده اوراده وفات ایتمشدر. حزیرانك 3نده یورطیسنی اجرا ایدرلر.

8-3689-5

قَلْوَدِيَه

ملاطیه قرینده بر حصن اولوب، هدم اولنمش ایکن، ابو جعفر منصورك زماننده 141 تاریخنده حسن بن قحطبه معرفتیه تجدید اولندیغی یاقوت حموی بیان ایتدکن صكره، ((مجسطی)) صاحبی بطلمیوسك اورایه منسوب اولدیغی یازیور. واقعا بطلمیوسه عربلر (قلودی) دیرلرسه-ده، بو کلمه اسم ذاتیسی اولان (قلودیوس)دن مأخوذ اولوب، نسبت بیان ایدر لقب دکلدر. ذاتاً بطلمیوس مصرده طوغمشدر. حصن مذکورك اصل اسمی ایسه (قلودیوپولیس) اولوب، ایسانك موقعنده بولنمش اولدیغی مظنوندر.

1-3690-5

قَلْوَرِيَه

عربلرك ایتالیا-ده کی %قالابره\$ خطه-سنه ویردکلی اسمدر. ((قالابره)) ماده-سنه مراجعت بیوریله. [

2-3690-5

قلوسترنایبورغ

1#

اوستریانك آشاغی اوستریا خطه-سنده و ویانه-نك 10 کیلومتره شمالنده و طونه-نك صاغ کنارنده بر قصبه اولوب، 7365 اهالیسی، کتبخانه-سی، عسکری مکتب و موزه-سی، مقبول شرابی، چمنتوسی، تل و چیبوی فابریقه-سی، ایپلیکخانه-سی و پک چوق آثاری حاوی مشهور بر مناستری واردر.

3-3690-5

قلولاند

1#

آمریقای شمالیده ممالک مجتمعه-نک % او هیو\$ حکومتده و %اریه\$ کولنک ساحل جنوبیسنده اوله-رق %کویاهوغه\$ نهرینک منصبی اوزرنده بولنان بر تپه-ده واقع قونتلوق مرکزی بیوک بر شهر اولوب، 265000 اهالیسی، مذکور کولده کوزل لیمانی، ذخایر و سائر-یه متعلق ایشلک تجارتی، دمیر دوکخانه-لری، ماکینه فابریقه-لری، بیره-خانه-لری و طاش یاغی تصفیه خانه-لری وارد. یوز سنه اول تأسیس اولنوب، اللی سنه اول آنجق 6000 اهالیسی وار ایدی.

4-3690-5

قلونمل

1#

ایرلانده-نک جنوب جهتده و دوبلینک 167 کیلومتره جنوب غربیسنده اوله-رق %سویرر\$ نهرینک ایکی کنارنده %تپیاری\$ قونتلغنک مرکزی بر قصبه اولوب، 12865 اهالیسی، متعدد دکرمنلری، اون، حبوبات، حیوانات، یاغ و سائره اخراجاتی و بعض پاموق منسوجات فابریقه-لری وارد.

5-3690-5

قلونی

1#

فرانسه-ده %ساؤنه مع لوآره\$ ایالتنک %ماقون\$ قضااسنده و ماقونک 23 کیلومتره شمال غربیسنده ناحیه مرکزی بر قصبه اولوب، 5000 اهالیسی، صنایع مکتبی، کتبخانه-سی، کاغد فابریقه-سی، دباغخانه-لری، دکرمنلری و یوک ایپلیکخانه-سی وارد. وقتیله مشهور بولنمش اولان مناستری مکتب صنایع و کتبخانه اتخاذا اولنمشدر.

6-3690-5

قلوویس

1#

فرانق حکمدارلرندن بو اسمله اوچ کشی کلمشدر:

برنجیسی برنجی شیلدریقک اوغلی اولوب، 481 تاریخنده پدرینه خلف اولمش؛ و 486ده روما دولتی طرفندن %سواسون\$ والیسی بولنان سیاغریوسی مغلوب ایتمکله، بو ایالتی، و 493ده پارسی دخی ضبطله، بو شهری پایتخت اتخاذا ایده-رک، ملکنی توسیع ایتمش؛ و 496ده آلمانره غالب کلدکن صکره، زوجه-سی قلویتیلده-نک ابرامی اوزرینه، 3000 کشی ایله برابر تنصر ایتمشدی. بعده فرانسه-نک جنوبنه طوغری توسیع ممالک ایدوب، ویسیغوتلر حکمداری (آلاریق)ی محاربه-ده کندی ایله قتل ایتمسی اوزرینه، آکیتانه-یی دخی ضبط ایتمش؛ و بونک اوزرینه روما ایمپراطوری آناستاس طرفندن قونسلوس و پطریق عنوانرینه نائل اولمشدی. اواخر

عمرنده و سوسه-سنى موجب اولاننه رؤساسندن بر قاچ كشى-يى قتل ايتمكله، نامنى لكه-دار ايتمشدى. 511 تاريخنده وفات ايدوب، ممالكنى تيرى، قلودومير، شيلدبرت و قلوتر نام درت اوغلى بيننده تقسيم ايتمشدى. *- ايكنجيسى داغوبرتك ايكنجى اوغلى اولوب، پدرندن صكره 638دن 656 تاريخنه-دك نوسترياده اسماً حكومت سورمشدر.

-* اوچنجيسى اوچنجى تيرينك اوغلى اولوب، 691 تاريخنده، 9 ياشنده ايكن، پدرينه خلف اولمش، و درت سنه حكومت بونك نامنه اولدقن صكره، 695ده وفات ايتمشدر.

5-3690-7

قلوه

1#

و المانجه 2# پروسياه-نك رين ايالتنده %دوسلدورف\$ سنجاغنه تابع و دوسلدورفك 78 كيلومتره شمال غربيسنده و رين ايرماغنك صول كنارندن 6 كيلومتره-لك مسافه-ده و فلمنك حدودى قرينده واقع قضا مركزى بر قصبه اولوب، 9250 اهالييسى، پاموق و كتن منسوجات، بويولى كاغد، شاپقه، چوراب، توتون، ياغ و سائره فابريقه-لرى، دباغخانه-لرى و بوياخانه-لرى وارد. اسكى بر قصبه اولوب، پك چوق آثار عتيقه-يى حاوى بر سرايى و جوارنده ايمپراطوره مخصوص مكممل بر باغچه-سيله بر قابليجه-سى وارد. وقتيله بر دوقه-لق مركزى ايدى. جوارلرى پك فرح فزادر.

5-3691-1

قلهات

جزيرة العربك ساحل شرقيسنده عمان كورفرزنده و مسقطك 126 كيلومتره جنوب شرقيسنده شمديكى سور قصبه-سى جوارنده اسكى بر قصبه خرابه-سى اولوب، ياقوت حموى كندى زماننده عمانك اك ايشلك و اك معمور اسكله اولديغنى، و هند سفائنك اورايه يناشديغنى، و كثير المقدار اولان اهاليسنك اباضيه خوارجندن اولوب، بو مذهبلرينى كتم و اخفا ايتمكلرينى، و يكي بر قصبه اولوب، بشنجى قرن هجریدن صكره اعمار اولنديغنى بيان ايدبور.

5-3691-2

قلهه

اندلسده تطيله اعمالندن بر قصبه اولديغى جغرافيون عرب ائارنده مذكور اولوب، اسكى قاستيله-نك لوغرونيو ايالتنده و %تودله\$نك شمال غربيسنده واقع %قالاهوره\$ قصبه-سيير.

3-3691-5

قلیارق

یاخود قلیارخوس#1 یونان قدیمده اسپارته قوماندانلرندن اولوب، متفق صورتیله کوندرلدیکی حالدده، بیزانسه مدینه قدیمه-سنده انواع مظالم اجرا ایتدیکیچون، اعدامله محکوم اولمغله، ایرانه فرار ایده-رک، آردشیر بهمنک آناتولی جهتده والی بولنان برادری خسروی (؟) عصیانده قاندرمش؛ اون بیک یونانلی عسکرله بوکا یاردم ایوب، مرقوم خسروک قتلندن صکره، ایران عسکرینک قوماندانی طرفندن بالاغفال، یاننه جلب، و قبل المیلاد 401 تاریخنده قتل اولنمش. و معیتنده-کی یونان عسکرینک قوماندانه-سی مشهور حکیم و مورخ (اکسنوفون)ه قالمش ایدی. اکسنوفون بو وقوعاتی ضبط و تحریر ایتمشدر.

-* - دیکر بر قلیارق دخی قره دکیزده هر اقلیا (یعنی ارکلی) مهجرنده حکمدار اولوب، 12 سنه انواع مظالم اجرا ایتدکن صکره، میلاددن 352 سنه اول حکماء افلاطونیه-دن (خبون) طرفندن قتل اولنمشدی.

4-3691-3

قلیازمه

1#

روسیه-ده بر نهردر که مسقوه ایالتنده نیغانله، شمال شرقی-یه و بعده شرقه طوغری آقه-رق، % ولادمیر\$-دن کچدکن صکره، % نیژنی نووگورد\$ ایالتنده % غورباتوف\$ک آلت طرفنده % ولغه\$-یه تابع % قامه\$ نهرینه دوکیلور. مجراسی 570 کیلومتره طولنده-در.

5-3691-5

1#

یونان قدیم حکماء رواقیونندن اولوب، قبل الملاد 300 تاریخنده % ائولیه\$-نک % آسوس\$ قصبه-سنده طوغمش؛ و رواقیون مذهبک موجدی اولان حکیم (زنون)ک تلامذه-سی زمره-سنه داخل اولوب، 264 تاریخنده تدریسده خلفی اولمش ایدی. کندیسی فقراء صابریندن اولوب، روایتده کوره زنونک درسنه دوام ایبرکن، معیشتتی قزانمق ایچون، کیجه-لری صو طاشیرمش. چوق معمر اولوب، نهایت کندی اختیاریه آچ قاله-رق تلف اولمشدر. آثارندن ابو الالهه زعم اولنان مشترییه خطاباً بر مناجاتی باقیدر.

6-3691-5

قلیتروئه

1#

انكلتره-نك لانقاستر ابلتنده و لانقاسترك 43 كيلومتره جنوب شرقيسنده بر قصبه اولوب، 8200 اهاليسى، بر فابريقه-سى و كوكوردلى قابليجه-سى واردر.

7-3691-5

قليتمنستره

1#

يونان قديمه اسپارته حكمدارى (تیندار) قیزی و آرغوس حكمدارى (آغامنون)ك زوجة-سى اولوب، بونك %تروا\$ سفرنده بولنديغى مدتده %اكيست\$ اسمنده بريله مناسبات غير مشروعه-ده بولنمغله، بونكله بالاتفاق، زوجنى عودتنده قتل ايتمش؛ و بر مدت دوستيله مشتركاً آرغوسده حكومت سوردكدن صكره، اكيسى-ده آغامنونك اوغلى (اورست) طرفندن قتل اولنمشدى. بو وقعه يونان قديم و أوروبا شعراسى طرفندن عائله صورتنده سلک نظمه چكلمشدر.

1-3692-5

قليج آرسلان

رومده يعنى قونيه-ده حكومت سورن سلاجقه-دن اوچ ذاتك اسميدر:

برنجيسى ملوك مذكوره-نك اوچنجيسى اولوب، سليمان بن قتلمشك ايكنجى اوغليدر، برادري داودك وفاتنده 500 تاريخنده تخت سلطنته كچمش؛ و 40 سنه-يه قريپ مدت كمال اسايشله حكومت سوردكدن صكره، 539ده خليفه عباسى مقتفى باللهك دعوتيله ايران سلاجقه-سندن سلطان مسعوده قارشى عسكر سوق ايتمكده ايكن، ميفارقين قريبنده خابور نهرنده مغروقاً وفات ايتمشدر.

-* - ايكنجيسى (عز الدين -*)- ملوك مذكوره-نك بشنجيسى اولوب، برنجى قليج آرسلانك تورونى و مسعود شاهك اوغليدر. 558 تاريخنده پدرينه خلف اولوب، سيواس و قيصر-يه-يى دانشمندیلر لندن ضبط ايتمش؛ و روم امپراطوريله آلمانيه امپراطورى فردريق باربروسه قارشى خيلى وقت حرب ايدوب، 20 سنه كمال شكوهله حكومت سوردكدن صكره، 578ده وفات ايتمشدر. اون اوغلى وار ايدى.

-* - اوچنجيسى (عز الدين -*)- ملوك مذكوره-نك سكرنجيسى اولوب، ايكنجيسى قليج آرسلانك تورونى و ركن الدين سليمان شاهك اوغليدر. 602 تاريخنده پدرينه خلف اولمش ايسه-ده، صغیر السن اولديغندن، آلتى آي صكره اتفاق امرا ايله اسقاط اولنه-رق، عم زاده-سى عز الدين كيكاس اقعاد اولنمشدى.

2-3692-5

قليج على پاشا

عثمانلی بحریوننك مشهورلرندن اولوب، سلطان سلیمان خان ثانی و مراد خان ثالث دورلرنده 16 سنه قپودان پاشا بولنمشدر. ابتدا اسمی (اولوج علی) اولوب، بعض آوروپا مؤرخلری و از آن جمله هامر کسدیسنك عن اصل قالابره-لی و مهتدی اولدیغنی، و اسم اصلیبسی %اوکیالی\$ اولوب، اوندن غلظ اوله-رق، (اولوج علی) دینلدیکنی التزام ایتمشلسره-ده، کندیسنك ترك اوغلی ترك و آناتولیلی اولوب، (مؤذن زاده) دینمکله دخی متعارف اولدیغی معلومدر. امراء بحریه-دن اولمغله، جزایر محافظلغنه نصب اولنه-رق، اوراده ایکن تونسسی ضبط ایتمش اولان اسپانیوللری بو شهردن اخراج، و مملکتی محافظه ایده-میه-جک درجه-ده ضعف و کوشکلکه دوچار اولان بنی حفص ملوکنك اخیرینی دفع ایده-رك، تونسسی تحت اداره عثمانیه-یه آلمش؛ و اسپانیوللردن آدیغی بیر اقلرله مالطه شوالیه-لرینك دونماسندن ضبط ایتمدیکی آلتی سفینه-یی، متفقلری اولان وندیکلیرله کوسترلمک اوزره تحت محاصره-ده بولنان ماغوسه اوکنه کوندرمش ایدی. او آراقده یعنی 977 تاریخ هجریسنده وندیکلیرله پاپا، اسپانیه، مالطه و سائر دول نصرانیه بیننده عثمانیلیرله قارشسی بر اتفاق عقد اولنه-رق، قپودان دریا علی پاشا عثمانلی دونماسیله آق دکیزه چیقه-رق، دول متفقّه مذکوره دونماسنه قارشسی شدتلی محاربه-یه کیریشدیکنده، صاحب ترجمه دخی حاضر بولنوب، قپودان پاشانك شهید و دونمای همایونك خیلی ضایعاته دوچار اولمسی اوزرینه، قالان سفائن عثمانیه-یی جمع ایله، فوق العاده بر مهارت و اقتدار کوستره-رك، بر قاچ شانلی غالبیته نائل اولمش؛ و بر قاچ دشمن کمیسیله بر چوق اسرا آله-رق، در سعادتّه کلمش ایدی، بو خدمتته مکافآه قپودان دریا اولوب، (اولوج) لقبی جانب سلطان سلیم خانین (قلیج)ه تحویل بیورلمشیدی. صدر اعظم بولنان صقوللی محمد پاشانك معاونتیه بر سنه ظرفنده دونمای همایونی اسکی حالندن بالاتر بر صورتده اکمال ایدوب، 982ده بر قوه مکمله بحریه ایله و سر عسکر تعیین اولنان یمن فاتحی سنان پاشا ایله ایتمش اولان اسپانیوللری اورادن مقهوراً طرد و اخراجله، تونس خطه-سنی قطعاً ممالک عثمانیه-یه الحاق ایتمش؛ و دول متفقّه دونماسنی بر قاچ مغلوبیته اوغراده-رق، بر دهها عثمانلی دونماسنه قارشسی چیقه-میه-جق حاله کتیرمش؛ و بو موفقیات سایه-سنده وندیك جمهوریتندن بر چوق برلر ضبط اولنه-رق، پک فائده-لی معاهده-لر عقد اولنمش ایدی. او سنه جلوس ایدن سلطان مراد خان ثالث جانیندن دخی مقامنده ایقا بیوریه-رق، 995 تاریخنده فجآه وفات ایتمشدر. کلیتلی اموال و املاک و نقود بر اقمشدی. طوپخانه-ده و بشکطاشده نامیله مسمی ایکی جامع شریف ایله سائر خیراتی واردر.

1-3693-5

قلیده

1#

اسقوچیه-ده بر نهردر، که %غرادفوردر\$ک جنوبنده %الوانفودر\$ قربنده نبعانله، و بعده غرب شمالی-یه طوغری آقه-رق، غلاسقووک ایچندن کچدکن صکره، ساحل غربیده واقع و قره-لرک ایچنه چوق کیرمش اولان قلیده خلیجنه دوکیلور. مجراسی 128 کیلومتره طولنده-در.

2-3693-5

قلیس

قبل الاسلام يمنية مستولى اولان حبشيليرك اميرى ابرهه طرفندن صنعا قرينده ياپلمش غايته مصنع و مزين بر معبدك اسمى اولوب، حبشيليرك خريستيان بولندقلرى معلوم اولمغله، بو اسمك كليسا ديمك اولان %اقليسيا\$ اسم يونانيسندن مأخوذ اولديغى نماياندر. مرقوم ابرهه معبدى كعبه معظمه-نك يرينى طوتمق مقصديله ياپديرمش اولديغى مشهور اولوب، فيل وقعه معروفه-سى دخى بوندى تولد ايتمشدى.

3-3693-5

قليسوره

آرناؤلقدده يانيه ولايته تابع اركرى سنجاغنك پرمى قضااسنده و پرمدينك 18 كيلومتره شمال غربيسنده %ويوسه\$ نهري كنارنده و طار بر بوغازده واقع بر بيوك قريه اولوب، دشنيچه ناحيه-سنگ مركزيدر. قرينده %ترق\$ اسميله هفته-ده بر اجتماع ايدر بازارى واردر.

4-3693-5

قليفتون

1#

انكلتره-نك قلوچستر ايالتنده و بريستولك 7 كيلومتره غربنده كوزل و بيوك بر قريه اولوب، 12400 اهاليسى، مياه معدنيه-سى، معتدل و صاغلام هواسى و پك فرح فزا يرلىرى واردر.

5-3963-5

قليو

1#

اساطير يونانيه-ده علوم و صنايع نفيسه مريبه-لرى زعم اولنان و (موسه) اسميله معروف اولان طقوز پرينك برى اولوب، فن تاريخك مريبه-سى عد اولنور؛ و باشنده تفنه داللردن بر تاج، صاغ النده بر بورى وصول النده بر طومار كاغد اولديغى حالده تصوير ايديليردى.

6-3693-5

قليوب

مصر سفلانك قليوبيه مديرينده و قاهره-نك 17 كيلومتره جنوبنده و قاهره-دن اسكندريه-يه كيدن دمير يول خطى اوزرنده اوله-رق، نيلك صاغ كنارندن 4 كيلومتره-لك مسافه-ده واقع قضا مركزى بر قصبه اولوب، 10 كيلومتره

جنوب شرقیسنده بولنمش اولان %هلیوپولیس\$ شهر قدیمی انقاضیله اعمار ایدلمش اولدیغندن، اونك اسمندن غلط اولدیغی آکلاشیلان بو اسمله تسمیه اولنمشدر. وقتیله مدیرینك مرکزی بولنمغله، مدیریت بونك اسمنه نسبتله تسمیه اولنمش؛ و بعده %بنها\$ قصبه-سی مرکز اتحاد اولنمشدر.

7-3693-5

قلئوبول

1#

یونان حکماء سبعة-سندن اولوب، ردوس جزیره-سنده %لندوس\$ قصبه-سنگ حکمرانی (اواغوراس)ك اوغلی ایدی. پدیرینه خلف اولدقن صکره، مصره سیاحت ایتمشیدی. قبل المیلاد 560 تاریخلرنده 70 یاشنده وفات ایتمشدر.

8-3693-5

قلیوبیه

مصر سفلی مدیرینك اك جنوبیسی و اك کوچکی اولوب، جنوباً قاهره محافظلیغیله، غرباً منوفیه، شمالاً و شمال شرقی جهتندن شرقیه مدیرینلریله، شرقاً دخی جبل شرقی ایله محاط و محدوددر. نیل مجراسی حدود جنوبیه و غربیه-سنی تشکیل ایدوب، بحر مویس قولی دخی قسم شرقیسنده جریان ایدر؛ و فم بحر مویس دینلن جدول حدود شمالیه-سنی تشکیل ایدر. مساحه سطحیه-سی 172400 فدان اولوب، 371610 اهالیسی واردر. طبیعت اراضی و محصولاتجه مصر سفلانك سائر طرفلرندن فرقی اولدیغندن، ((مصر)) ماده-سنه مراجعت اولنق اقتضا ایدر. مرکزی منتهای شمالنده واقع و بالنك نفاستی حسبیه %بنها العسل\$ دینمکله مشهور اولان بنها قصبه-سی اولوب، مدیریت: قلیوب، شبری، طوخ اسملریله 3 قضایه منقسمدر.

9-3693-5

قلئوپاتره

1#

بیوک اسکندرک همشیره-سی اولوب، میلاددن 337 سنه اول اپیر یعنی طوسقه-لق حکمداری آلکساندره وارمش؛ و کنج ایکن بوندن طول قالوب، اسکندرک وفاتندن صکره، بوکا خلف اولمق حقنی قزانق طمعیه سردارلرینك اکثری طرفندن طلب اولندیغی حالدده، پردیقاسه وارمش؛ و بونك ده وفاتندن صکره، مصر حکمداری بطلمیوس لاغوسه وارمق اوزره ایکن، قبل المیلاد 308 تاریخنده آنتیغون طرفندن قتل ایتدیرلمشدر.

1-3694-5

قلئوپاتره

مصر بطالسہ-سندن بطلمیوس فیلمیتورک قیزی اولوب، قبل المیلاد 149 تاریخده آکساندر بالایه و بعده سوریه حکمداری دمتریوس نیقاتوره وارمش ایدی. دمتریوس اشکانیاله ایتدیکی محاربه-ده اسپر دوشوب، اشکانیان حکمدارینک قیزینی تزوج ایتمکله، صاحبه ترجمه فاینی آنطیوخس سیدتسه وارمش ایکن، مؤخرأ دمتریوسک عودتی اوزرینه، یکیدن بوکا وارمش ایسه-ده، متعاقباً بونی قتل ایتدیره-رک، کندی حکمدار لغنی اعلان ایتمشدی. بیوک اوغلی سلفقوس سن رشده واصل اولنجه، ادعای حکومته قالدیشدیغندن، بونی دخی قتل ایتدیرمش؛ و بو جنایتی اوزرینه تبعه-سنگ تهیجی کورنجه، ایکینجی اوغلی آنطیوخسی تخته اقعاد ایتمش ایسه-ده، چوق کچمه-دن بونی دخی اتلاف ایتمکه قرار ویرمش؛ و آنجق آنطیوخس خبر آلوب، والده-سنگ حاضر لامش اولدیغی زهری بوله-رق، کندیسه ایچیرمکله، قبل المیلاد 120 نتاریخنده جزای سزاسنی بوله-رق، وفات ایتمشدر.

2-3694-5

قلئوپاتره

مصرده حکومت سورنن بطالسہ-نک اخیره-سی اولوب، حسن و آنیله شهرت بولمش بر ملکه-در. بطلمیوس اولنک قیزی اولوب، برادری (بطلمیوس دنیس)ه وارمش، و ابتدا اونکله مشترکاً قبل المیلاد 52 تاریخندن اعتباراً حکم سورمکه باشلامش؛ متعاقباً بو اشتراکدن چیقارلمش ایسه-ده، کندیسه تعشق ایدن مشهور قیصر طرفندن قبل المیلاد 47 تاریخنده تخته اقعاد اولنمشدی. قیصرک وفاتندن صکره، بعض سؤالر ضمننده، آنطونیوس طرفندن طرسوسه جلب اولنه-رق، فوق العاده زینت و دبدبه ایله اورایه کیتمش؛ و آنطونیوس بوکا تعشق ایتمکله، زوجه-سی اولان اوقتاوک همشیره-سی اوقتاویه-یی بالتطلیق قبل المیلاد 33 تاریخنده کندیسنی تزوج، و روما ممالک شرقیه-سندن بعض یرلر دخی کندیسنه ترک ایتمشدی. بو حرکت آنطونیوس ایله اوقتاوک آره-سندده آتش حربک اشعالنی موجب اولوب، بینلرنده وقوع بولان %0 آقتیوم\$ محاربه بحریه-سندده قلئوپاتره دخی حاضر بولندیغی حالده، معیننده کی مصر دونماسنی آله-رق، قاچمغله، آنطونیوس مغلوب و قتل نفسه مجبور اولمش؛ و صاحبه ترجمه اوقتاوی دخی دام عشقه شکار ایتمکه چالیشوب، موفق اوله-مینجه، ایله اسپر دوشمه-مک ایچون، بر بیلاننه ممه-سنی ایصیرته-رق، 39 یاشنده اولدیغی حالده، اتلاف نفس ایتمشدر. بونکله بطالسہ حکومتی و مصرک استقلاللی ختام بولوب، خطه مصریه رومالیرک ایله کچمشدر. بو قادینک عقل و ذکاوتی دخی حسنیه متناسب ایدی.

3-3694-5

قلئومد

1#

یونان قدیم مشاهیر منجمیندن اولوب، میلاددن بر قرن اول یاشامش اولدیغی مذنوندر. هیئته دائر یازدیغی بر کتابده شمسی مرکز عالم اتحاد ایتمسی شایان دقتدر.

4-3694-5

قلئومن

1#

یونان قدیمک اسپارته خطه-سنده بو اسمله اوچ حکمدار کلمشدر: برنجیسی قبل المیلاد 519 تاریخندن 491 تاریخنه-دک؛ ایکنجیسی 370دن 309 تاریخنه قدر؛ اوچنجیسی-ده 236دن 219 تاریخنه-دک حکم سورمشلردر. اک مشهورلری اولان اوچنجی قلئومن (لیقور غوس)ک قوانین و نظاماتنی یکیدن موقع اجرایه وضعله، اخلاق عمومی-یی اسکی ساده-لک حالنه ارجاع، و دارات و زینتی منع ایتمش؛ و آرغوسی ضبطله، مغالوپولیس شهرینی تخریب ایلمش ایسه-ده، بونلرک رئیسلری (آراتوس) انتیغوندن استمداد ایتمکله، قلئومن مغلوب اولوب، استمداد ایچون مصره کیتمش؛ و بطلمیوس اورجت طرفندن حسن قبول کورمش ایسه-ده، خلفی بطلمیوس قینوپاتور کندیسنی حبس ایتمکله، محبسده مایوسیتندن اتلاف نفس ایتمشدر.

1-3695-5

قُم

ایرانک عراق اعجمی خطه-سنده طهرانک 120 کیلومتره جنوب غربیسنده و کاشانک 90 کیلومتره شمال غربیسنده 1058 متره ارتفاعی اولان بر محله واقع سنجاک مرکزی بر شهر اولوب، 20000 اهالیسی، صویبی صوئودر دستیلر عملخانه-لری، صویبی پک صوئوق و طاتلی قیلری و یاقیو شکننده صهرنجلری، پک لذیذ انجیر، قارپوز، نار، فستیق و سائر میوه-لری واردر. بو شهرده امام موسی کاظمک قیزی و امام علی رضانک همشیره-سی سیده فاطمه (رضها) مدفونه اولمغله، مشهددن صکره ایرانده اک مقدس عد اولنان بر شهر اولوب، تریبه مذکور-نک اطرافنده پک چوق کبار و صلحا مدفوندرلر. حتی فتح علی شاه و سائر ملوک ایرانک مدفونلری دخی اوراده-در. وقتیله و حتی ملوک صفویه زماننده دخی پک معمور و واسع اولوب، بعده بسبتون خرابه یوز طوتمش؛ و نهایت مشار الیه فتح علیشاه طرفندن یکیدن اعمار اولنمشدر. مع هذا ویرانه-لری مسکون خانه-لرندن چوق زیاده-در. جغرافیون اسلامک بعضلری بو شهرک میانی اسلامیه-دن اولوب، حجاج بن یوسف زماننده طلحه بن الاحوص الاشعری طرفندن بنا اولندیغنی التزام ایدیورلر-سه-ده، آکلاشلدیغنه کوره، شهر اسکی اولوب، او وقت بلکه اعمار اولنمشدر. اهالیسی اسکیدن بری شیعیلکله مشهوردر.

2-3695-5

قَمَار

هندده بر مملکت اولوب، عودینک نفاستیله مشهور اولدیغی کتب عربیه-ده مذکوردر.

3-3695-5

قَمَر

مشاهیر مغنیاتدن ادیبه و شاعره بر قیز اولوب، عن اصل بغداد جاریه-لرندن اولدیغی حالده، اشبیلیه صاحبی ابراهیم بن حجاج اللخمی طرفندن بالاشترا، اندلسه نقل اولنمشدی. بغداد حقنده تحسری مبین اولان شو بر ایکی بیت زاده طبعیدر:

@@@

آها علی بغدادها و عراقها
و ضبابها و السحر فی احد اقها
نفسی الفداء لها فای محاسن
فی الدهر تشرق من سنا اشرقها
\$

4-3695-5

قَمَر، منثی حسن

هندستان مشاهیر شعراسندن اولوب، شو بیت اونکدر:

@@@

جرس آسا قمر نالان بهجر یار سرکردان
لب پرکف کریبان پاره دیوانه میگرد
\$

5-3695-5

قَمَر

مصرده بر قصبه اولوب، بعض مشاهیرک مسقط رأسی اولدیغنی یاقوت حموی بیان ایدیورسه-ده، موقعنی ذکر ایتمیور.

-* - بحر زنجک یعنی بحر محیط هندینک اورتیه-لرنده دخی بو اسمله بیوک بر جزیره اولوب، متعدد قصبه-لری و بری برینه مخالف بر قاچ حاکمی بولندیغی و سواحلنده عنبر بولندیغی کبی، ایچنده (تانبیل) دینلن نبات دخی حاصل اولدیغی، و بال مومی چیقدیغی دخی ((معجم البلدان)) ده مذکوردر. بحر مذکورده-کی جزایرک اسامیسی

آروپاليلر طرفندن تغيير اولنديغندن ، بو جزيره-لك شمديكى اسامى-يه كوره خانغى جزيره اولديغنى كسديره-مدك.

6-3695-5

قمران

بحر احمرده يمن ساحلى قربنده و لحيه-نك 30 كيلوكتره قدر جنوب غربيينده اوله-مرق %الراس الابيض\$ دينلن برونك قارشيسنده كوچك بر جزيره اولوب، حديد سناغتك مركز قواسنه ملحق بر ناحيه صورتنده اداره اولنور؛ و باب المنبدن كلن حجاج ايچون قرانتنه بحفظخانه-سى اتخاذا اولنمشدر. بويى 25 و اكى 8 كيلومتره اولوب، اراضيسى آلچق و قورودر. آنچق جنوب شرقى ساحلنده همنامى اولان قريه-نك اوكنده پك صاغلام بر ليمانى واردر.

7-3695-5

قمر او

حورانده بر قريه اولوب، فقها و ابدان (موسى القمر اوى) و حكمان (نجم الدين القمر اوى)نك مسقط رأسيدر.

8-3695-5

قمرى، ابو المنصور حسن بن نوح

مشاهير اطباء اسلامدن اولوب، حكيم شهير ابو على ابن سينانك اوخر عمرنده درسندن استفاده ايتمش؛ و طبك علمى و عملى جهتنده فوق العاده مهارت و حذاقت حاصل ايتمش ايدى. ((كتاب غنى و منى)) عنوانيله كافة امراضك احوالى و اصول مداواتى مابين بيوك بر تآليفى و ((كتاب علل العلل)) عنوانيله بر اثرى واردر.

9-3695-5

قمرى

[[سراج الدين قمرى]] ماده-سنه مراجعت بيوريله.]

1-3696-5

قموله

صعيد مصرك يوقاريلرنده و نيلك ساحل غربيينده خرما آغالري و يشيللكي چوق بر قصبه-جق اولديغنى ياقوت حموى بيان ايديور.

2-3696-5

قَمُونِيَه

افريقيه-ده قيروانك بنا اولديغى محله و بر روينده سوسه-نك موقعنده بولنمش بر شهر قديم ايدي. قبل الاسلام خراب اولمشدى.

3-3696-5

قَمِي، قاسم بيك

ايران شعراسندن و افشار عشيرتى رؤساسندن اولوب، شو بيت اونكدر:

@@@

نه بخانه رل قرار و نه بكوى يار كيرد

چه كنم مكر يميرم كه دلم قرار كيرد

\$

4-3696-5

قَنَا

ياخود افنا #1 صعيد مصرده سيوطك 263 و قاهره-نك 653 كيلومتره جنوب شرقيينده و نيلك ساحل شرقيينده اوله-رق "36' 9' 26° عرض شمالى ايله "29' 20' 30° طول شرقيده واقع مديريت مركزى بر قصبه اولوب، 15000 اهاليسى، متعدد جوامع شريفه-سى، نيلىده اسكله-سى و كرك نيلىدن و كرك بحر احمرده-ده اسكله-سى اولان قصيردن ايشلك تجارتي، نيل جهتندن كوزل منظره-سى و اطرافنده منبت و زمرد آسا يرلرى وارد. وادى قنا دينلن و سويشه قدر ممتد اولان واديه چيقان بر نوع طوپراقدن صويى صوتومتغه مخصوص دستيلر و سائر كوزل اوانى ياپيلوب، مصرك هر طرفنه و سائر جهتلره دخى سوق اخراج اولنور. هر نه قدر بطالسه زماننده-كى %قنوپوليس\$ شهر قديمك محلنده واقع ايسه-ده، بر كونه آثار عتيقه-سى يوقدر. قارشيسنده نيلك ايچنده بر جزيره بولنيور؛ و نيلىدن آيريلان بر قاچ جدول اراضيسى سقى و احيا ايديور.

-* - قنا مديريتي صعيد مصرك منقسم اولديغى 7 مديريتك برى اولوب، شمالاً جرجا مديريتيه و جنوباً حدود محافظليغه محدود اولديغى حالده، چوله و شرقاً دخى بحر احمر ساحلنه-دك ممتد اولور. مساحه سطحيه-سى 87075 مربع كيلومتره و اهاليسى 70581 كشيدير. مديريت: قرشوط، دشنا، قنا، قومي، اسنا اسملريله 5 قضايه

منقسمدر. قضا مرکز لری اولان مذکور قصبه-لردن بشقه مدیریت داخلنده %نقاده\$ و %اقصر\$ قصبه-لری دخی بولنوب، اقصرک قربنده %طیه\$ شهر شهید قدیمک خرابه-لری و بر چوق آثار عتیقه بولنیور.

5-3696-5

قنا

فلسطینده ناصره ایله طبرییه آره-سندده-کی طریق اوزرنده بر قریه اولوب، حضرت عیسی (عم)ک ایله معجزه-سنی اجرا ایتدیکی محل اولدیغی مروی ایسه-ده، اصل محل مذکورک عکا ایله ناصره آره-سندده %قنا الجلیل\$ اسمیله معروف خراب بر قریه اولمسی احتمالده ده قریبدر.

6-3696-5

قنارسیوروغ

1#

انکلتره-نک %یورق\$ اباتنده و یورقک 26 کیلومتره غرب شمالیسندده اوله-رق %اوسه\$یه تابع %نید\$ نهری اوزرنده واقع بر قصبه اولوب، 5065 اهالیسی، اسکی بر کلیسایی، خراب بر سرایی، فابریقه-لری و جوارلرنده شایان تماشا واقعی واردر.

7-3696-5

قناریه

آطه-لری. [(قناریه)) ماده-سنه مراجعت بیوریه].

8-3696-5

قناطر

اندلسده روطه قربنده بر قصبه اولدیغنی یاقوت حموی بیان ایدیور. -* بو اسم بعض اسماء خاصه-یه اضافتله بلاد عربده دیگر بر طاقم محلله-ده علم اولنمشدر.

9-3696-5

قنالی زاده، مولانا علی چلبی بن امر الله بن عبد القدر الحمیدی

مشاهیر علماء عثمانیہ-دن اولوب، 916 تاریخده اسپارته-ده طوغمشدر. جدی سلطان محمد خان ثانی
حضرتلرینک معلملرندن ایدی. صاحب ترجمه، قرابتی مناسبتیله، صدوردن قدری افندیکنک دائره-سندہ تربیه
اولنه-رق، اکمال تحصیلدن صکره، علی الاصول دور مدارسله، خیلی مدت بروسه-ده حمزه بک مدرسه-سندہ
مدرسک ایتمش؛ و بعده شام، مصر، حلب، بروسه، ادرنه و نهایت استانبول قاضیسی و 979ده آناتولی
قاضیعیسگری اولمش؛ و او سنه موکب سلطان سلیم خانی ایله ادرنه-یه عزیمت ایدوب، او اثناده مبتلا اولدیغی
علت مقریسک شدت شتادن کسب اشتداد ایتمسیله، در سعادتہ عودتندہ، ینه او سنه وفات ایتمشدر. علوم شرعیہ و
ادبیہ-ده و السنه ثلثه-ده ید طولاسی اولوب، بعض کتب علمیه-یه حواشی و تعلیقاتی، ((اخلاق علائیه)) عنوانیلہ
مشهور بر کتابی و السنه ثلثه-ده کوزل اشعاری واردر. ((تذکره الشعرا)) صاحبی قنالی زاده حسن چلبینک
پدریدر. السنه ثلثه-ده برر شعرینک ایرادیلہ اکتفا اولنور:

عربی

@@@

قالوا لهيب الهوى من اين جاء الى

احشاك حتى رأينا القلب و هاجا

و مادروا انه سحر مقلته

القي سبيلا الى قلبي و منهاجا

\$

فارسی

@@@

بشر جهای فراوان که تیغ هجران کرد

بحالتیست تن من که شرح نتوان کرد

\$

ترکی

@@@

هر تیر غمزه کیم قاشک آندی کمان اولوب

قالدی دل شکسته-ده خاطر نشان اولوب

\$

1-3697-5

قنالی زاده، حسن چلبی

آنف الترجمه قنالی زاده علی چلبینک اوغلی اولوب، 953 تاریخده بروسه-ده طوغمش؛ و طریق علمی-یه انتسابله،
تحصیل علوم ایدوب، ابو السعود افندی درسنه دخی دوام ایتمش؛ و علی الاصول دور مدارس ایدو-رک، 999ده
حلب، بعده مصر، ادرنه، بروسه قاضیلغنده و سائر قضالرده بولنوب، 1011 تاریخده زغره قاضیسی ایکن،
بعض امراضه دوچار اولمغله، آرپه-لق صورتیلہ رشید قضاسنی طلب ایدوب، 1012ده اوراده وفات ایتمشدر.

بعض كتب عاليه-يه حواشي و تعليقاتي و مشهور بر ((تذكرة الشعراء))سي و اردر. طبيعت شعريه-سي دخي اولوب، شو بيت جمله اشعار ننددر:

@@@

كرك سنك سياه اولسون كركسه اطلس و دييا
غرض بر بالش راحت بولنمقدر سر آلتنده
\$

2-3697-5

قنبر

حضرت علي المرتضى (رضه) افندمرك كوله-سي اولوب، حضرت مشار اليه اولان صداقت و محبتيله مشهوردر. زمان خلافتارنده حاجلري ايدى. حجاج بن يوسف زماننده شهيد اولنمشدر.

3-3697-5

قنبر نيشاپورى

ايرانك طقوزنجى قرن هجرى شعرا سندن اولوب، سلطان بابر ك مدحنده بولنمشدر. عوام ناسدن اولديغى حالده، اشعارى يك متيندر. شو مطلع اونكدر:

@@@

اين كرها بين كه در درياى اخضر كرده اند
زين مشاعل آتش خود بين كه چون پر كرده اند
\$

4-3697-5

قنابيل

سندده %ندهه \$ خطه-سنك مركزى بر قصبه اولوب، منصوره-دن 8 و ملتاندن 10 مرحله-لك مسافه-ده بولنديغى جغرافيون عرب آثارنده مسطوردر.

5-3697-5

قندهار

افغانستانده كابلک 300 كيلومتره جنوب غربيسنده و %هنډمند \$ ایرماغنه تابع %ارکندآب \$ک ساحل یسارندن بر ساعتلق مسافه-ده 37° 31 عرض شمالي ايله 8' 63° طول شرقیده و منبیت بر محله واقع ایالت مرکزی بر شهر اولوب، 50000 اهالیسی، خلی صنایعی، طوپراقدن بر سور و خندغی، شهر اورته-سنده خاچ و اری تقاطع ایدن چارشی حالنده ایکی کنیش سوقاغی و محل تقاطعرانده %چارسوق \$ اسمیله مکمل بر چارشیسی، و ایران ايله هند آره-سنده-کی طریق کبیر اوزرنده واقع اولمغله، بیوک اهمیت تجاریه و حربیه-سی واردر. اسکی بر شهر اولوب، میلاد عیسی (عم)دن 330 سنه اول اسکندر ذو القرنین طرفندن تأسیس، و آلکساندریه %یعنی اسکندریه \$ تسمیه اولنمشدی. دفعاتله تخریب و یکیدن اعمار اولنوب، نهایت نادر شاهه قارشی مقاومت ایتمش اولمغله، بونک طرفندن تخریب اولنه-رق، قربنده %نادر آباد \$ اسمیله دیگر بر شهر تأسیس ایتمش ایسه-ده، متعاقباً افغان دولتی تأسیس ایدن احمد شاه آبدالی نادر آبادی تخریبله، یکیدن قندهاری احیا ایدوب، (احمد شاهی) تسمیه و پایتخت اتخاذ ایتمش، و آنجق ینه اسکی اسمی غلبه چالمشدر. بو وجهله قندهار خلی وقت افغانستانک پایتختی قالمش، و بعده مرکز کابله نقل اولنمشدر. قندهار اسمی %آلکساندریه \$دن محرفدر. زباندری (ق) و (د)ک فتحیله اولوب، یاقوت حموی ایسه بو ایکی حرفک ضمیله قید ایتمشدر. انکلیزلر 1839 ده قندهاری ضبط ایدوب، 1842 یه قدر تحت حکمرانده طوتمش؛ و 1879 تاریخرانده یکیدن استیلا ایتمشدردی.

1-3698-5

قندی

اونجی قرن هجری عثمانلی شعراسندن اولوب، بروسه-لیدر. تاریخ سویلمه-ده مهارتی وار ایدی. 962 ده وفات ایتمشدر. شو بیت اونکدر:

@@@

فنده قندم دلبرا جلاب لعلک قندینه

کیم بکا قندی دیو بهتان ایدرسک هر زمان

\$

2-3698-5

قندی

1#

هندستانده بنکاله مملکتک راجها دی ایالتنده و مرشد آبادک جنوب غربیسنده بر قصبه اولوب، 12015 اهالیسی واردر.

3-3698-5

قندی

1#

سرنديب جزيره-سندھ قولومبونك 115 كيلومتره شمال شرقيسنده 21' 7° عرض شمالى ايله 28' 78° طول شرقيه بر قصبه اولوب، 17405 اهاليسى واردر. طاغرله محاط بر كولك كنارنده اولوب، پك كوزل منظره-سى واردر. قولومبويه بر دمير يول خطيله مربوطدر.

4-3698-5

قندیل طاغی

روسیه-یه تابع ترکستانده بر طاغدر، که الا طاغدن آیریله-رق %ایلی\$ ايله %چو\$ حوضه-لری آره-سندھ شمال غربیه طوغری ممتد اولور. اک یوکسک ذروه-سى اولان %سونوک تپه\$نك 3050 متره ارتفاعی واردر. بوغازلری سهل المروردر.

5-3698-5

قندیللی

استانبول بوغازینک آناتولی ساحلنده و اسکندرک 8 کیلومتره شمال شرقیسنده بر قریه اولوب، ساحلده بر خیلی یایلیری، ایکی سلطان سرابی، دره-نك ایچنده یوقاری-یه طوغری خانه-لری و اوستنده انکلیز و سائر آوروپالیلرله مسکون بر یوکسک محله-سى واردر. آقندی-یه معروض بر برونده بولنمغله، هواسی سرت و یازین پک لطیفدر. آقندی بروننک اوستنده کمیلر ایچون بر فنار وار ایسه-ده، اسمی بوندن ایلری کلمیوب، سلطان مراد خان رابعک بو محله پک کوزل بر باغچه-سى وار ایدی، که کیجه-لری قندیلرله طونادلیغندن، قندیللی باغچه اسمیله شهرت بولمش؛ و کویه دخی قندیللی نامی ویرلمشدر. جامعی سلطان محمود خان اول جانیندن یاپلمشدر.

6-3698-5

قندیه

1#

کرید جزیره-سنگ اک بیوک شهری و اسکیدن مرکزی اولوب، شمديکی حالده لوا مرکزیدر. جزیره-نك ساحلی شمالیسی وسطنده و مرکز ولایت اولان حانیه-نك 130 کیلومتره شرقنده اوله-رق 21' 35° عرض شمالی ايله 45" 47' 22° طول شرقیه واقع و، قسم اعظمی مسلم اولمق اوزره، 12000 اهالی-یی جامعدر. شهر مثلث الشكل بر سورله محاط اولوب، متعدد جوامع شریفه-سى، ایشلک چارشی و بازاری، صاغلام و محفوظ لکن صیغ و قومله طولمش لیمانی، زیتون یاغی و سائره اخراجاتی واردر. قندیه طقوزنجی قرن میلادیده کریدک %اقریطس\$ اسمیله عربلرک ضبطنده بولندیغی زمان %خندق\$ اسمیله مسلمانلر طرفندن جزیره-نك

مرکز قدیمی اولان %قنوسوس\$ قربنده تأسیس اولنمش؛ و بعده کریده حاکم اولان وندیکلیلر %خندق\$ اسمنی %قندیه\$یه تحویل ایده-رک، مرکزیتی حسبیله، کرید جزیره-سنه دخی بو اسمی ویرمشلردی. وندیکلیلر قندیه-یی تحکیم ایدوب، طول مدت عثمانلی دونماسنه مقاومت ایتمشله، و 1009 تاریخ هجریسنده سلطان محمد خان ثالث دورنده فتح اولندقدن صکره، ینه وندیکلیلرک الینه کچوب، نهایت سلطان محمد خان رابع زماننده 1080 تاریخنده قطعاً ممالک عثمانیه-یه الحاق اولنمشدر.

7-3698-5

قنسرین

شامده حلبک 25 کیلومتره جنوب غربیسنده و قوطق نهری ساحل غربیسی قربنده بولنمش بر اسکی قصبه اولوب، 17نجی سال هجریسنده ابو عبیده بن الجراح (رضه) معرفتیله فتح اولنمش؛ و درنجی قرن هجری اواسطنده سیف الدوله بن حمدان زماننده خراب اولوب، بر ده اعمار اولنه-مامشدر.

8-3698-5

قنطرة خُرّزاد

اصفهان قربنده %ایندج\$ ایله %رباط\$ آره-سنده یاغموور موسمنده صویبی پک چوق و سائر وقتلرده قورو اولان بر وادینک اوزرنده عجائب عالمدن معدود مشهور بر کوپری اولوب، بوی 1000 و ارتفاعی 150 ذراع اولدیگی و دمیر و قالای و باقیردن معمول بولندیگی کتب عربیه-ده مسطوردر. شمدي اثری اولمسه کرکدر.

1-3699-5

قنطره النعمان

کرمانشاه قربنده مشهور بر کپری اولوب، ملوک عربدن نعمان بن منذر طرفندن تأسیس ایدلمش اولدیگی مرویدر.

2-3699-5

قنطوراء

[[(قنطورا) ماده-سنه مراجعت بیوریلله.]]

3-3699-5

قنغال

سیواس ولایت و سنجاغنده مرکز قزاسنه ملحق و 23 قریه-دن مرکب بر ناحیه-نک مرکزی بر بیوک قریه اولوب، بغداد جاده-سی اوزرنده مرتفع بر محله واقعدر.

4-3699-5

قنقدی، بن عمیر التمیمی

صحابه-دن اولوب، حضرت عمر بن الخطاب (رضه) جانیندن مکه والیلکنه نصب بیورلمشیدی.

5-3699-5

قُنْفُدَه

یمن ولایتک عسیر سنجاغنده و بحر احمر ساحلنده جده-نک تقریباً 350 کیلومتره جنوب شرقیسنده و حدیده-نک 550 کیلومتره شمال غربیسنده عسیر خطه-سنگ اسکله-سی و قضا مرکزی قصبه اولوب، اولدقجه تجارتی وار ایسه-ده، هواسی پک آغیردر. قزاسی 2 ناحطه و 51 قبیله-یی حاویدر.

6-3699-5

قَنّوَج

هندستانده آکره ایالتنده و فرح آبادک 50 کیلومتره جنوب شرقیسنده اوله-رق %کالی نادی\$ نهری اوزرنده و بونک کنک ایرماغنه دوکلدیکی محلدن 8 کیلومتره-لک مسافه-ده بر قصبه اولوب، 17090 اهالیسی، اسکی بر همنی معبدلری انقاضیله یاپلمش جسیم و مصنع بر جامع شریفی و بر چوق تره-لریله زیرتکاهلری واردر. هندک اک قدیم شهری اولوب، وقتیله پک بیوک ایدی. سلطان محمود غزنوی طرفندن امحا اولنان بر هندو دولتتک پایتختی ایدی. پادشاه مشار الیهک فتوحاتندن بری ممالک اسلامیه عدادینه داخل اولوب، مرکزیتی غائب ایتمکله، تندی اطمشدر. اسکی شهرک خرابه-لری شمدیکی قصبه-نک اطر افنده بر بیوک مسافه ضبط ایدیور.

7-6993-5

قنوسه

1#

كريد جزيره-سنك مركز قديمى بر شهر عتيق اولوب، شمديكى قنديه-نك جوارنده واقع ايدى. كريدك مشهور كرادى بونك قرينده ايدى.

8-3699-5

قنوقسويل

1#

آمريقاي شماليينده ممالك مجتمعه-نك %تنسه\$ جمهوريتنده و %ناشويل\$ك 260 كيلومتره شرقنده سنجاق مركزى بر قصبه اولوب، 9700 اهاليى واردر. جمهوريت مذكوره-نك اسكى مركزيدر. *- ممالك مذكوره-نك سائر طرفلرنده دخى بو اسمله بر قاچ كوچك قصبه واردر.

9-3699-5

قنديه

ياخود قنيدوس 1# اناتولينك ساحل غربيينده %قاريه\$ مملكت قديمه-سنك %دوريده\$ خطه-سنده دكيزك ايچنه اوزانان شبه جزيره-نك اوجنده بر شهر قديم اولوب، بعض حكمانك مسقط رأسى بولنمشدر. عشق الهه-سى زعم اولنان زهره-يه منسوب عد اولنوب، بونك عبادتته مخصوص جسيم بر معبدى و بونك نامنه مصنع بر هيكلى وار ايدى.

10-3699-5

قنيوسكوروده

1#

نوروجك شمالنده واقع %ماكرو\$ جزيره-نك ساحل شماليينده بر برون اولوب، "15" 10" 71° عرض شماليده واقع اولمغله، أوروبا قطعه-سنك اك شمالي نقطه-سيدير.

11-3699-5

قو

ياخود قوس 1# استانكوى جزيره-سنك اسم اصليسيدير. ((استانكوى)) ماده-سنه مراجعت بيوريله.

12-3699-5

قوآ

1#

آفریقای وسطیده %قونگو\$ ایرماغنك صول تابعلرندن %قاسایی\$ نهر عظیمك منصبه قریب اولان قسم اسفله ویریلن اسم اولوب، %استانلی پول\$ك 115 کیلومتره یوقاریسندده 11° 3° عرض جنوبی ایله 52' 13° طول شرقیده مذکور ایرماغه منصب اولور. اورادن 120 کیلومتره یوقاری-یه قدر بو اسمله یاد اولنور. منصبده اکی 410 متره ایسه-ده، عمقی زیاده-در. آنجق مجراسنك آلت طرفنده قیالر و شلاله-لری و یوقاریده قوم سدلری و بطقلاری اولدیغندن، سیر سفائنه صالح دکلر.

1-3700-5

قوآنبریج

1#

اسقوچیه-نك لانارق ایالتنده و لانارقك 30 کیلوکتره شمال غربیسندده و غلاسقووک 16 کیلومتره شرقنده بر قصبه اولوب، 15800 اهالیسی و دمیر معدنیله دمیر خانه-لری واردر.

2-3700-5

قوآتی

1#

آمریقای جنوبیده بولیونیه-نك %تیتیقاهه\$ کولنده بر کوچك آطه اولوب، آمریقانك کشفندن اول اهالی اصلیه عندنده کونشك همشیره-سی و زوجه-سی زعم اولنان قمره منسوب عد اولنور. و قمرک عبادتنه مخصوص معبدلری اولوب، پك اوزاقلردن زیارتنه کیدیلیردی. بر خیلی آثار عتیقه-سی واردر.

3-3700-5

قوآچنو

1#

چینك %قان سو\$ ایالتنده %انسیفان\$ سنجاغنده و آنسیفانك 600 کیلومتره جنوب غربیسندده اوله-رق %قره نور\$ کولنه دوکیلن بر نهرک اوزرنده بر شهر اولوب، مقدما جسیم بر شهر ایکن، اخیراً تونغان اختلالی اوزرینه، چینلیلر طرفندن اکثر طرفلری احراق، و همان بتون اهالیسی قتل ایدلمش اولمغله، شمیدیکی حالدده خرابدر.

4-3700-5

قواره

1#

اسویچرہ-ده غریزون ناحیہ-سنک مرکزی بر قصبہ اولوب، %زوریخ\$ك 94 کیلومترہ جنوب شرقیسنده واقع و 8000 اہالی پی جامعدر. مکتب اعدادیسی، بعض بیوک ابنیہ-سی و بر طاقم آثار عتیقہ-سی واردر.

5-3700-5

قوانتامپو

1#

آفریقانک ساحل غربیسنده یوقاری کینہ-نک آسانتی مملکتندہ بر بیوک قصبہ اولوب، 40000 قدر اہالیسی و تمبکتو و سودان وسطی ایلہ خیلی ایشلک تجارتی واردر. سودان کاروانلرینک منتهی اولدقلری اسکله-لرک اک ایشلکلرندندر. متعدد جوامع شریفہ-سی اولوب، یالکز بونلرلہ رؤسانک خانہ-لری کارکیر و سائر خانہ-لری صمان قلبہ-سی حالندہ-در.

6-3700-5

قوانتان

1#

سوماترہ جزیرہ-سنک وسطلرندہ و ایچ طرفندہ بر حکومت اسلامیہ اولوب، مرکزی %لوبو جامبی\$ قصبہ-سیدر. اراضیسی منبت اولوب، قہوہ و سائر محصولاتی چوق و تجارتی خیلی ایشلکدر. فلمنک حاکمیتی پک اعتباریدر.

7-3700-5

قوانزہ

1#

آفریقای غربیدہ پورتکیزک مستملکاتندن عد اولنان آنغولہ مملکتندہ بر ایرماقدر، کہ $13^{\circ} 32'$ عرض جنوبی ایلہ $14^{\circ} 48'$ طول شرقیدہ و %موزامبیق\$ ایرماغی منابعنک قربندہ اولہ-رق 1650 مترہ ارتفاعی اولان بر محلدہ %موسومبو\$ کولندن خروجلہ، ابتدا شمال شرقی-یہ، بعدہ شمالہ و نہایت غربہ طوغری آقہ-رق، $19^{\circ} 9'$ عرض جنوبیدہ بحر محیط اطلاسی-یہ دوکیلور. مجراسنک طولی 900 کیلومترہ-دن زیادہ-در. مجراسنک یوقاری و آشاغی قسمی سیر سفائنه صالح اولہ-بیلیر-سہ-دہ، اورتہ جہتندہ شلالہ-لری و سرعتلی آقینتیلری چوقدر.

8-3700-5

قوانغ تری

1#

هند چینیک %آنم \$ مملکتنده و %هونه \$ نك 50 كيلومتره شمال غربیسنده بر قصبه اولوب، سورله محاطدر، و اطرافى پك منبت و مسكون اولوب، كلینتلى پاموق و سائره حاصل ایدر.

9-3700-5

قوانغ تونغ

1#

چینك اك جنوبى ایالتى اولوب، جنوباً و جنوب شرقى جهتندن چین دكزیله، شرق شمالى طرفندن %فوكن \$، شمالاً %كانغ سی \$ و %هونان \$، شمال غربى جهتندن قوانغ سی ایالتزیه، غرباً دخى فرانسه-یه تابع تونکین مملکتیله محاط و محدوددر. سواحلى 1330 كيلومتره اوزونلغنده اولوب، قسم غربیسی طار ایسه-ده، قسم شرقیسی ایجرى-یه یعنی شماله طوغرى خیلى توسع ایدر. سواحلى خیلى کیرینتیلی چیقینتیلی اولوب، بربرینی تعقیب ایدن كوچك قوی و برونلردن بشقه قسم غربیسنده %های نان \$ جزیره کبیره-سی قارشیسنده اوزون بر شبه جزیره اوزانیر؛ و اورته طرفنده بیوجك بر کورفز و خلیج قره-لرک ایچنه خیلى درین کوروب، %سی کانغ \$ ایرماغیله دیگر بر ایکی نهرک منصبنه و مرکز ایالت اولان مشهور %قانتون \$ شهرینه منتهی اولور. بونك مدخلنده %هونغ قونغ \$ جزیره-سیله دیگر بر قاچ آطه بولنیور. ایالته ملحق اولان مذکور %های نان \$ جزیره-سیله ایالتك مساحه سطحیه-سی 259100 مربع كيلومتره و اهالیسی 29700000 کشیدر، که بهر مربع كيلومتره باشنه 133 کشی دوشمکله، آروپانك همان هر یرندن زیاده مسكون اولدیغی آکلاشیلیر. بر بیوک دولت وسعتنده اولان بر جسیم ایالت 6 دائره-یه منقسم اولوب، 15 سنجاغی حاویدر. غرب شمالیسنده واقع %قوانغ سی \$ ایالتیله برابر ایکی ((قوانغزر)) نامیله بر نوع خدیویت تشکیل ایدوب، ایکیسنگ والی عمومیسى قانتونده اقامت ایدر. مرکزی اولان قانتونك بر بچق میلیون اهالیسی اولدیغی کبی، سائر شهرلرندن %قاچان \$ك 400000، %چوکینگ \$ك 200000، %تونغ قونغ \$ك 120000 اهالیسی واردر. اسکله-لرندن شانتو و (نام دیگر اسواتو)، هیونغ چئو، هوی هو، پاق هوی اسکله-لری آروپا تجارتته آچیقدر. %هونغ قونغ \$ جزیره-سنی انکلیزلر و %ماقائو \$ قصبه-سنی پورتکیزلیلر اشغال ایتمشلردر.

اراضیسی عمومیت اوزره طاغلق اولوب، بربرلرینه کرفت بر چوق طاغلق و تپه-لر سواحله قدر ممتد اولورلر؛ و بونلرک آره-لرنده و انهارک مجرالری اوزرنده بر طاقم اووه-لر و وادی و بایرلر دخى واردر. مع هذا طاغلقینک ارتفاعی 1500 متره-یی تجاوز ایتمز. میاه جاریه-سی پك چوق اولوب، همان جمله-سی سیر سفاننه طالع اولدیغی کبی، آره-لرنده طبیعی و صنعی بر چوق جدوللر دخى بولنمغله، ایالتك باشلیجه وسائط اختلاطی اشبو طرق مائیه-سیدر. اوچ بیوک ایرماغی واردر. بونلرک اك بیوکی همنامی اولان ایالتدن یعنی غربدن کلن %سی کانغ \$، ایکینجیسی شرقدن کلن %تونغ کانغ \$ و اوچنجیسی شمالدن اطمن %په کانغ \$ ایرماغیدر.

بونلرك اوچى ده قانتون جوارنده بينلرنده جدوللرله اختلاط و بر چوق قوللره انقسام ايده-رك، قانتون كورفرينك شمال غربنده نيلك داليه-سندن واسع بر داليه تشكيل ايدرلر. بو اوچ ايرماقدن بشقه سواحلده قريپ طاغلردن اينه-رك طوغريدن طوغريه دكيزه منصب اولور بر چوق انهاري دخى واردر. هواسى يازين پك صيجاق اولوب، ميزان الحراره سانتىغراد حسابيله 50 درجه-يه قدر چيقدىغي اولور. قيشين ايسه خيلى صونوق اولوب، بعضاً قيراغى ياغار، و كيجه-لين صولرك طوندىغي اولور. مايسدن ايلوله قدر جنوب غربى ملتلمرى اسوب، كلينتى ياغمور ياغار. تشرين اولدن نيسانه قدر ايسه شمال شرقى روزكارى اسوب، قوراقلق حكم سورر. ياغمور موسملرينك اوخرنده صيتمه و ديزانترى كى خسته-لقار ظهور ايدر. اووه-لريله واديلرينك طوپراغى پك منبت اولوب، اقليم و هواسنك دخى مساعده-سيله محصولاتك انواعى حاصل اولور. بغدادين سنه-ده ايكى اوچ دفعه حاصلات اولنورسه-ده، ينه احتياجات محليه-يه كفايت ايتيمور. پرنج دخى اك زياده يتيشديريلن محصولاتنددر. توتون، كنوير، چيويد، چاي، شكر قامشى، زنجفيل، اقاليم معتدله و حاره-يه مخصوص ميوه-لرك انواعى و ازان جمله اعلا پورتقال، ليمون، موز، هندستان جوزى و سائر ميوه-لرله سبزه-لرك انواعى و صنايعده مستعمل ياغ و سائر و برر بر چوق محصولاتله نباتات طبيه و سائر و اوروپاده صوبه ايله يتيشديريلن چيچك و اشجارك انواعى حاصل اولور. طوت آغاجلريده چوق اولوب، كلينتى ايپك چيقاريلير. حيواناتى هند و هند چينينك كيلرله مشترك ايسه-ده، فيل و كركدان كى حيوانات جسيمه يوقدر. قپلانلرى و طيور و حشراتك انواعى چوقدر. حيوانات اهليه-دن اهاليسى باشليجه طوموز، صيغير و طيور بيتيه-يه رغبت ايدوب، صيغيرلرى زراعتده و نقلباتده قوللانمى-رق، سولترندن استفاده ايتكى بيلمورلر. آريلريده چوق اولوب، خيلى مقدار بال چيقاريلر. سواحلنده و نهرلرنده باليق چوق اولوب، باليقچيلىق دخى مدار تعيشلرنددر. سواحلده جسيم قابلومباغه-لر صيد ايدوب، باغه-لرندن بعض شيلر اعمال ايدرلر. كلينتى استريديه و بر مقدار اينجى و مرجان دخى صيد ايدرلر. مملحه-لرى چوقدر. طاغلرنده باقير، دمير، جيوه، كوش، قلاى و قورشون معدنلرى بولنوب، اهالى طرفندن چيقاريلور. ذى قيمت طاشلرله مرمر و كمور معدنى دخى بولنور. صنايع محليه كندى چيقاريلر ايپكندن و پاموق و يوكدن اقمشه و منسوجاتله يلكن بزلرى و سائر نسجندن، چينى و امثالى شيلرله كاغد، دميردن انواع آلات و ادوات، باغه و فيل ديشى و آبنوسدن اويمه-لى شيلر اعمالندن، و اخراجاتى محصولات ارضيه ايله اشبو معمولات صنايعه-دن عبارتدر. اهاليسى عموميت اوزره چينلى اولوب، بر قاچ قومه منقسمدر. طاغلرده هنوز مجهول لسان مخصوصلرله متكلم نيم وحشى و غير مطيع بعض اقوام دخى بولنور. قانتون شهريله بعض ملحقاتنده ينه چينلى اوله-رق، خيلى اهالى اسلاميه دخى بولنوب، بونلر تاوقت سمعادتده اورايه هجرت ايتمش صحابه-دن بر ذات طرفندن دين اسلامه ادخال اولندقلرى ادعاسنده بولنورلر. حتى مشار اليه قانتونده مدفوندر. بو ايلتك اهاليسى پك چوق چاليشقان اولوب، وطنلرنده زراعت و صنايعله مشغول اولدقدن بشقه، جاوه و سائر جزايرله هند چينى طرفلرينه دخى كيدوب عمه-لك ايدرلر. ايلتك تجارتي پك ايشلكدر. بو ايالتله ملحق و ايكى مليون اهالى ايله مسكون اولان %هاى نان\$ جزيره-سيچون اسمنه مراجعت اولنمق اقتضا ايدر.

1-3702-5

قو آنگ چنگ چه

1#

چینگ مانچو خطه-سنده %و کیرین\$ک 116 کیلومتره غرب شمالیسنده اوله-رق مغولستان حدودندن 55 کیلومتره-لك مسافه-ده و %آمور\$ ایرماغنه تابع سونخاری نهرینه دوکیلن %ای تونغ هو\$ چایی اوزرنده بر شهر اولوب، 70000 اهالیسی واردر. مغول عشیرتلرینک مرجعی اولوب، چای و چپوید و سائره متعلق ایشلک تجارتی واردر.

2-3702-5

قوانغ سی

1#

چینگ ایالات جنوبیه-سندن اولوب، جنوباً و شرقاً قوانغ تونغ، شمالاً هونان و قوئی چئو، غرباً یوننان ایالتلریله، غرب جنوبی جهتندن دخی فرانسه-یه تابع تونکین مملکتیله محدوددر. شرقدن غربه بویی 700 کیلومتره اولوب، مساحه سطحیه-سی 200000 مربع کیلومتره و اهالیسی 5200000 کشیدر، که بهر مربع کیلومتره باشنه 26 کشی دوشیور. مرکزی %قوئی لین\$ شهری اولوب، ایالت 11 سنجاق ایله 5 اداره مختاره-یه منقسمدر. اراضیسی عمومیت اوزره و علی الخصوص غرب و شمال جهتنده طاغلق اولوب، اکثر جبالی غرب جنوبیدن شرق شمالیه طوغری ممتد اولورلر. بو طاغلرندن یالکز برینک یازین دخی ذروه-لری قارله مستور اولوب، سائرلرینک ارتفاعی 400 متره-یی تجاوز ایتمز. همنامی اولان بیوک بر نهر ایالتی غربدن شرقه شق ایده-رک، قوانغ تونغ ایالتنه دخول ایله قانتون شهری یاننده دکیزه منصب اولور. منصبندن 650 کیلومتره یوقاری-یه قدر سیر سفائنه و حتی کوچک و اپورلرک دخی ایشلمسنه مساعد اولان بو ایرماق ایالتک ایچنده بر چوق انهار یعنی بتون ایالتک میاه جاریه-سنی طوپلایوب، بونلرک اک بیوکلری صاغدن %یوقو آنغ\$ و صولدن %لوبی\$ ایله %قوئی کانغ\$در. اشبو نهر اخیر بر جدول واسطه-سیله %یانغ-جه\$ ایرماغنه تابع %کانغ کانغ\$ نهریله اختلاط ایدوب، اشبو ایکی ایرماق آره-سنده پک مهم بر طریق مائی تشکیل ایدیور.

هوایی صیجاق و رطوبتلی اولوب، سریع التحولدر. اراضیسی آز منبت اولوب، دوز یرلری انهارک طار وادیلرندن عبارت اولمغله، علی الخصوص قسم غربیسنده قابل زراعت یرلری آزدر. برنجی محصولی پرنج اولوب، بونک فضلہ-سی قوانغ تونغ ایالتنه اخراج اولنور. ایکنجی درجه-ده مصر و بعده بغدای، بقله، آمریقان فستیقی و سائر حبوباتله چوید، آنیسون، شکر قامشی و میوه-لرک انواعی دخی حاصل اولور. حدود غربیه-سی قریبده خشخاش دخی اکیلوب، آفیون چیقار. طاغلی اورمانلرله مستور اولوب، کراسته آغاجلری چوقدر. پک قیمتلی بر طار چین آغاجیله ایلیکندن بر نوع اکمک یاپیلان بر جنس آغاج دخی بولنور. حیواناتجه هند و هند چینی-یه مشابه اولوب، اورمانلرنده فیل، کرکدان، میمونلرک انواعی، پاپاغان و سائر حیوانات کلیتله بولنور. حیوانات اهلیه-سی میاننده مانده-لر و کوچک جئه-لی بیکییرلر چوقدر. طاغلرنده آلتون، کومش، باقیر، قورشون، قلائی و سائر معدنلر واریسه-ده، پک آزی چیقارلمقده-در. صنایع محلیه باشلیجه اییک قماشلرله پاموقدن بزله نسجندن عبارتدر. تجارتی پک کریدر. قصبه-لرله دوز یرلرینک اهالیسی چینلی و طاغلق یرلرینک سکانی نیم وحشی اقوام مختلفه-دن عبارتدر.

1-3703-5

قوانغ سى چئو

1#

چينك %يوننان\$ ايلتندە و %يوننان\$ك 120 كيلومترە شرق جنوبيسندە ايالت مركزى بر شەردر.

2-3703-5

قوانغ سين

1#

چينك ايالات شرقيه-سندن %كانغ سى\$ ايلتندە و %نانغ چانغ\$ك 220 كيلومترە شرقندە اولە-رق %پويانغ\$ كولنە تابع %كين كانغ\$ نەرى اوزرندە بيوك بر شەر اولوب، سور ايله محاطدر.

3-3703-5

قوانغ نام

1#

هند چينينك انام مملكتندە و %هونە\$ك 110 كيلومترە جنوب شرقيسندە اولە-رق همنامى اولان نەرك اوزرندە ايالت مركزى بر قصبه اولوب، 5000 قدر اهاليسى واردر.

4-3703-5

قوانغ نان

1#

چينك %يوننان\$ ايلتندە و يوننانك 280 كيلومترە شرق جنوبيسندە %سى كانغ\$ ايرماغنە تابع %يوقوانغ\$ نەرينك منابعى قربندە بيوك و واسع بر شەردر.

5-3703-5

قوانغو

1#

آفريقاى غربيندە بيوك بر نەردر، كه $11^{\circ} 30'$ عرض جنوبى ايله $16^{\circ} 50'$ طول شرقيدە آفريقاى جنوبينك تقسيم مياہ نقاطدن بولنان و 1600 مترە ارتفاعى اولان %موسامبه\$ طاغندن نبعانلە، غربە آز ميلانلە جنوبدن شمالە

آقە-رق، و صولدن بر قاچ نهرک صولرینی طویلایه-رق، 1200 کیلومتره-لک مسافه قطع ایتدکن صکره، 30° 30' 12" عرض جنوبی ایله 10° 15' طول شرقیده %قاسایی نهریله و براز دها آشایده %مفینی ایله برلشه-رک %قوآ نهرینی تشکیل ایدر، که بوده %قونغو ایرماغنه دوکیلور. %قاسایی نهرینه دوکلدیکی محله اکی 650 و درینلکی 3 متره-در. مجراسنک یالکز آشایکی 400 کیلومتره-لک قسمی سیر سفائنه صالح اولوب، یوقاریلرینک جریانی پک سرعتلی و شلاله-لری چوقدر.

6-3703-5

قوآنغ بین

1#

تونکینده %هانوی ک 115 کیلومتره شرقنده و ساحلدن 10 کیلومتره قدر ایچریده ایالت مرکزی بر شهر اولوب، 43000 اهالیسی، شهره قدر سیر سفائنه صالح نهری، محکم بر قلعه-سی، اهمیت تجاریه-سی، قرینده کمور معدنی و صاغلام هواسی واردر.

7-3703-5

قوآهوئیلا

1#

آمریقای شمالیده مکسیقه ممالک مجتمعه-سنی ترکیب ایدن جمهوریتلرک بری اولوب، جهت شمالیه-ده اولدیغی حالده، شمالاً ممالک مجتمعه-نک %تکزاس جمهوریتیله، شرقاً نوئوولئون، جنوباً سان لویی پوتوزی و زاقاتاس، غرباً دخی دورانغو و شیهوآهوا جمهوریتلریله محدوددر. 25° ایله 50' 29° عرض شمالی و 28' 102° ایله 57' 105° طول غربی آره-لرنده ممتد اولوب، مساحه سطحیه-سی 156731 و اهالیسی 150622 کشیدر. قسم اعظمی یوکسک بر یایله-دن عبارت اولوب، ارتفاعی 1400 ایله 1300 متره آرهلرنده-در. یالکز قسم شرقیسی بو یایله-نک مائه-سندده واقع اولوب، اورادن جمهوریتک حدود شمالیه-سنی ایران %ریو غرانده دل نورته %ایرماغنه دوکلکم اوزره، بر قاچ چای اینره نصفندن زیاده اولان قسم شرقیسی کوزل بایرلر و وادیلری حاوی اولوب، مکسیقه-نک اک منبت یریدر. قسم غربیسی ایسه قورو و چول حالنده-در. بناء علیه مسکون و معمور اولان یری یالکز قسم شرقیسی اولوب، بو جهنده اوزون تلی کوزل بر جنس پاموق، اوزوم و سائر محصولات کوزل یتیشیورسه-ده، غرب شمالی جهتلرنده بولنان یرلی وحشیلر ایکیده برده هجومله، اهالی مسکونه-یی راحت بر اقمقلرندن، بو امنیتسزک اورانک بحق اسکان و اعمارینه مانع اولمقده-در. معادن موجوده-نک اخراجی خصوصنه دخی الآن اهمیت ویرلمه-مشدر. مرکزی یالکز 2280 اهالیسی اولان %سالتیلو قصبه-سی اولوب، 4 قضایه و هر قضا بر قاچ ناحیه-یه منقسمدر. 2 قصبه-سیله 14 بیوک و 5 کوچک قریه-سی اولوب، سائر اهالیسی چفتکلرده ساکندر. اهالیسی ایچنده صرف اسپانیوللر و خالص یرلیلر پک آز اولوب، اکثری بو یکی جنسیتک اختلاطندن متولد ملزلردر. لسان محلی و تحریری اسپانیولجه-در.

1-3704-5

قَوادِيان

1#

جيحون كنارنده و ترمذك اوست طرفنده اوله-رق ترمذ ايله ختل بيننده قصبه و ايالت ايدى.

2-3704-5

قُوَار

صحراء كبرى فزان ايله سودان آره-سندھ و %تیبو\$ قبائلى محلنده اوله-رق توارق بربرلرينك جولانكاهلرينك منتهای شرقنده و 20° عرض شمالی خطنك برآز جنوبنده بيوك برواح اولوب، شمالدن جنوبه بويى 80 كيلومتره و اكي 8 ايله 10 كيلومتره آره-سندھ-در. مساحه سطحيه-سى 2750 مربع كيلومتره و حذای بحردن ارتفاعى شمال جهتنده 350 و جنوب طرفنده 300 متره-در. شرق طرفنده چولدن بر صره قبالرله آيرلمشدر. طوپراق بر متره قدر قازيلنجه، هر يرنده صو چيقار، و بناءً عليه پك منبت اولوب، واسع بر خرما آغاجى اورمانى كيبى كورينور. بعض اوفق تپه-لرى و قورو واديلرى واردر. صوبى بول اولمغله، هر نوع ذخائر و سائر محصولات يتيشه-بيليرسه-ده، توارقلردن امنيتلرى اولمديغندن، اهالى يالكز خرما ايله اكتفا ايدرلر. طوزلى كوللرى اولوب، خيلى طوز دخى چيقار. بو واح فزان و غات كاروانلرينك طريقي اوزرنده بولنمغله، اهاليسى تجارته مشغولدرلر. مملكت حاكمنك مقرى غرب جهتنده بولنان %دركى\$ قصبه-سى اولوب، واحك دها اون معموره-سى واردر. بونلردن %شيمدرو\$ده بر سنوسى تكيه-سى اولوب، شيخنك اهالى اوزرنده 6000 قدر اولوب، عرب و بربر و بورنوليدن مركبدر. هر قريه-نك ياننده بر قلعه اولوب، تهلكه حالنده اهالى اورايه التجا ايدر.

3-3704-5

قُوَارَه

جزيرة العربده شمره تابع يوقارى قصيم خطه-سندھ و خيلى 70 كيلومتره جنوب شرقيسنده اوله-رق جبل سلمانك منتهای غربنده بر قصبه اولوب، 2000 اهاليسى واردر. مياھ جاريه-سى اولوب، اشجار مثمره و اراضئ مزروعه ايله محاطدر.

4-3704-5

قُوَارِير

يمنده زييده ملحق بر حصن ايدى.

5-3704-5

قواس، جویان بن مسعود الدنيسرى التوزى

مشاهير شعرا و اذكيادن اولوب، خطاط اولمديغى حالده، اك كوزل يازيلرى، اصللرندن فرق اولنه-ميه-حق صورتده، تقليد ايتمه-ده-كى مهارتيله شهرت بولمشدر. دمشق شامده ياشايوب، 680 تاريخلرنده وفات ايتمشدر. شو ايكي بيت جمله اشعارندندر:

@@@

لاح الهلال ابن يومية فذكرنى
شرب المدامة تجلى فى يد الساقى
كأن سقاه الكأس قد نقضت له
بالميل و الخمر شفاف عن الباقي
\$

6-3704-5

قواله

سلانيك ولايتنك درامه سنجاغنده و درامه-نك 24 كيلومتره جنوب شرقيسنده و اطهرلر دكيزينك ساحل شماليسنده طاشوز جزيره-سنگ قارشيسنده واقع بر قويك ايچنده قضا مركزى بر قصبه و اسكله اولوب، 5357 اهاليسى، رشديه مكاتبى، محمد على پاشا مرحوم طرفندن ياپلمش ((مهند سخانه خيرييه)) اسميله بر مكاتبى، ((مدرسه خيرييه)) اسميله منتظم بر مدرسه-سى، بر جامع شريفى، بر كتيبخانه و عمارتخانه-سى، ديكر 5 جامع شريفى و 3 تكيه-سى، 4 مدرسه-سى، 8 مسلم و 4 غير مسلم مكاتبى، و 3 كليساسى، 1 حاوره-سى، قديم بر صويولى، متعدد توتون فابريقه-لرى، كوچك ليمانى و خيلى ايشلك تجارتى واردر. مذكور مهندسخانه خيرييه-ده مكاتب ابتدائيه و رشديه درسلى تدريس اولنوب، 107 شاگرد و 6 معلم و مدرسه خيرييه-ده دخى 500ى متجاوز طلبه و 4 مدرس بولنيور. محمد على پاشا مرحوم بو مؤسسات علميه و خيرييه-نك اداره-سنة طاشوز جزيره-سنگ وارداتنى ترك و تخصيص ايتمشدر. مشار اليه عن اصل آرناؤد اولوب، كوريجه جوارنده بر كويدن ايسه-ده، قواله-ده طوغمش، ويا اوراده بيومش اولديغندن، بو قصبه-يه وطنى نظريه باقمشدر. قواله جوارلرينك توتونى مشهور اولمغله، قصبه-نك اك برنجى صنعتى توتونك استحضارى اولوب، سنه-ده بش آلتى آى درت بش بيك عمله بو ايشله اشتغال ايدرلر. قصبه سورله محاط ايسه-ده، سورك خارجنده دخى خانه-لر ياپيلوب، توسع ايتمكده-در. قواله اسكى بر قصبه اولوب، اسم قديمى %تئاپوليس\$ يعنى ((يكيشهر)) ايدى. وقتيله %فيليبه\$ شهرينك اسكله-سى ايدى. بعده روم ايمپراطورلغى زماننده پوسته يدك آتارينه مركز اتخاذ اولنديغى مناسبته، بوزوق لاتينجه-ده ((آت)) ديمك اولان %قواله\$ اسميله تسميه اولنمشدر.

*- قواله قضاسى شرقاً صارى شعبان، شمالاً درامه، غرباً پراوشته قضالريه، جنوباً دخى اطه-لر دكيزيله محاط و محدود اولوب، شرق شمالى جهتى طاغلق و سائر طرفلرى اووه-در. قضا 25 قريه-يى حاوى اولوب، 15097

اهالیسی وارد، که بونلردن 12075 ی مسلم، 1700 ی روم، 1075 ی چنکانه، 212 سی یهودی و 35 ی ارمنیدر. قابل زراعت اراضیسی تقریباً 3277 دونم اولوب، باشلیجه محصولاتی: بغدای، چاودار، یولاف، آریه، درای، مصر، سیسام، توتون، پاموق و سائره-دن عبارتدر. باغلی آز اولوب، محلنده صرف اولنان شراب دخی خارجدن کیرر. مرعی و چاپرلری چوق اولوب، قضا داخلنده 35000 قیون، 55000 کچی، 9000 صیغیر، 9000 دوه، آت و استر و مرکب بولنیور. سنوی 25000 قیه پیاغی، 15000 قیه کچی قیلی و 10000 قیه طوک پیاغی آلیور. صنایع محلیه باشلیجه توتونجیلکله پاموقدن بز اعمالندن عبارتدر.

1-3705-5

قوام الدین، حاجی- *- حسن

فارسده حکومت سورون انجویاندن سلطان شیخ ابو اسحاقک وزیر ی اولوب، کرم و سخاوتیله و ارباب علم و هنره اولان حرمت و احسانلریله مشهوردر. شاعر شهیر حافظ شیرازی دخی جمله لطف دیده-لرندن اولوب، دیواننده اسمنی دفعاتله ذکر ایتمشدر. آل مظفر دولتتک مؤسسی اولان امیر مبارز الدینک شیرازی ضبط ایلدیکی صره-ده 745 تاریخنده وفات ایتمشدر.

2-3705-5

قوام الدین، خواجه - *- صاحب ایار

فارسده حکومت سورون آل مظفرک ایکنجیسی اولان شاه شجاعک وزیر ی اولوب، 764 تاریخنده مشار الیهک امریله اعدام اولنمشدر.

3-3705-5

قوام الدین، صاحب - *- حسن بن الطراح

مشاهیر شعرا و ادباندن اولوب، اکثر اعوام و فنوندن دخی بهره-سی وار ایدی. بیوک بر عائله-یه منسوب اولوب، برادری فخر الدین مظفرک تاتار عندنده قدر و پایه-سی عالی ایدی. صاحب ترجمه مصر و شامه رحلت و بعده عراقه عودت ایتمشدی. شو ایکی بیت جمله اشعارنددر:

@@@

لقد جمعت فی وجهه لمحبه

بدائع لم یجمعن فی الشمس و البدر

حباب و خمر فی عتیق و نرجس

و آس و ریحان و لیل علی فجر

\$

4-3705-5

قوام الدين يوسف

[[قاضي بغداد]] ماده-سنه مراجعت بيوريله.]

5-3705-5

قوامي

ايران شعرا سندن بر قاچ ذاتك مخلصيدر:

برنجيسي (مير قوام الدين) ساداتدن واجله علماء اصفهانندن اولوب، شاه طهماسب صفوي زماننده مسند صدارته كچمش، و 950 تاريخلرنده وفات ايتمشدر. شو بيت اونكدر:

@@@

روز اكر باهمنشينان غم زدل بيرون كنم

شبكة غيراز غم ندارم همنشيني چون كنم

\$

*- ايكنجيسي (مير قوام الدين) شيرازلي اولوب، تقى اوحدي ايله معاصر ايدى. شو بيت اونكدر:

@@@

بووقت كريبه چو برهم زنييم مژكانرا

ز آب چشم حجات دهيم طوفاترا

\$

*- (قوامي مطرزي) اسمنده بر شاعرك نظامي كنجه-نك برادري بولنمش اولديغي و (مظفر قوامي) اسميله ديكر

بر شاعر دخي بولنديغي بعض تذاكرده كوريلوب، آنجق شعرلري كوريله-مه-مشدر

1-3706-5

قوانوز احمد پاشا

[[احمد پاشا(قوانوز-5-)]] ماده-سنه مراجعت بيوريله.]

2-3706-5

قواي

1#

هاوای و نام دیگر له ساندویچ جزایرینک غرب جهتند بولنانلرینک اک بیوکی اولوب، مثلثه قریب بر شکلده اولدیغی حالده، مساحت سطحیه-سی 1418 مربع کیلومتره و اهالیسی 5635 کشیدر. قسم غربیسی مرتفع اولوب، طاغلرینک صرب اتکلری لب دریایه قدر اینر. قسم شرقیسنده دخی 2100 متره ارتفاعی اولان %اوپالئاله\$ برکانی بولنوب، آر-لرنده آلق بر یر بولنیور. سواحلی دوز اولوب، یالکز ساحل شمالیسنده %اویمنا\$ و ساحل جنوبیسنده %هانالی\$ قویلی بولنیور. بوی 43 و اکی 25 کیلومتره ایسه-ده، اراضیسی برکانی الاصل اولوب، پک منبت اولمغله، کلینتی شکر قامشی و اقالیم مختلفه-ده بیتیشن محصولات متنوعه حاصل اولور. مذکور برکاندن بشقه ده بر قاچ ینار طاغی وار ایسه-ده، هیچ بری شمیدیکی حالده آتش افشان دکلدر. تماشایه شایان مواقعی، قیالری، مغاره-لری، کوزل دره-لری، شلاله-لری و سائر محاسن طبیعیه-سی واردر.

5-3706-3

قوایه

آرناؤدلقده اشقودره ولایتینک دراج سنجاغنده و دراجک 17 کیلومتره جنوب شرقیسنده اوله-رق ساحل بحردن 8 کیلومتره-لك مسافه-ده و لب دریایه و اشقومی مجراسنه قدر ممتد بر اووه-نک کنارنده اوله-رق طاغ اتکنده و همنامی بر چایک اوزرنده واقع قضا مرکزی بر قصبه اولوب، بر خمسی خرسنجان اولمق اوزره، 5500 اهالیسی و بر اوفق چارشی و بازاری واردر.

-*- قوایه قضاسی 57 قریه-دن مرکب اولوب، اشقودره ولایتینک منتهای جنوب غربیسنده بولنمقله، غرباً آدریاتیق دکیزیله، شمالاً دراج، شمال شرقی طرفندن تیران قضالریله، شرق جنوبی طرفندن مناستر ولایتینک ایلبصان سنجاغیله، جنوباً دخی یانیه ولایتینک برات سنجاغیله محدوددر. اهالیسی تقریباً 30000 کشیدن عبارت اولوب، قسم کلیسی مسلمدر. اراضیسی پک منبت ایسه-ده، اهالیسی پک چالیشقان اولمدیغی کبی، هواسی دخی آغرجه اولدیغندن، بحق ایشلنمیور. باشلیجه محصولاتی مصر، پرنج، بغدای و سائر حبوباتله زیتون و سائر-دن عبارت اولوب، میشه و سائر آغاجلری حاوی اورمانلری و اشجار مثمره-سی دخی چوقدر.

5-3706-4

قوبان

1#

روسیه-یه تابع قافقاسیه مملکتنده بر بیوک ایرماقدر، که قافقاس سلسله جبالنک شمالی مانله-سندن و %البرز\$ طاغنک 4246 متره ارتفاعی اولان بر محلندن نبعانله، اورمانلره مستور طار بر وادی ایچنده شماله بعده شمال غربیه و نهایت غربی طوغری جریان ایده-رک، %یقاترینودار\$ کچدکن صکره، ایکی قوله آیریلوب، بری %پروتوقه\$ اسمیله شماله طوغری دونه-رک، %آچویف\$ قریبده آراق دکیزینه، و دیگر غربیه طوغری اولان جریاننده دوامله، ده اشاغیده بتکرار ایکی قوله آیریله-رق، بری %طمرق\$ قوی قریبده ینه آراق

دکیزینه، و دیکری %قره قوبان\$ نامیله، یکی قلعه بوغازی خارچنده قره-دکیزک %قزیل طاش\$ قوینه دوکیلور. مجراسی 810 کیلومتره طولنده و حوضه-سی 55657 مربع کیلومتره وسعتنده اولوب، بتونی همنامی اولان ایالت داخلنده-در. یقاترینودارده حد وسطی اوزره ثانیه-ده 250 مکعب متره صو دوکر. فیضانی چوق اولوب، طاشدیغنده مجراسنک آشاغیلرنده 23000 مربه کیلومتره-لک محلی باصار. بناءً علیه اورالری بطاقلق و سازلق اولوب، قورودلسی متصوردر. سیر سفائنه صالح اوله-جق حاله وضعی خیلی مشکل اولدیغی حالده، فوائد منتظره-سی آذر. تابعلری چوق اولوب، باشلیجه-لری صولدن: تبرده، بیوک و کوچک زلنچق، اوروب، لابه، بیلییه، پشچنه، آفیه، آداغوم، پشینچ و پسقوپ؛ صاغدن دخی: جومرد کول، ماره، بورسوقلی، سوپ، خیل، آیین و آداغومدر. ایرماغه ترکلر قوبان، نوغایلر قومان، چرکسلر دخی ((قره صو)) معناسیله %پسینچه\$ نامنی ویریورلر. اسکی یونان جغرافیونی عنندنه %واردانوس\$ اسمیله معروف ایدی.

1-3707-5

قوبان

1#

روسیه-نک قافقاسیه مملکتنده و قافقاس سلسله جبالنک شمالنده بر ایالت اولوب، ایچنده نبعان و جریان ایدن آنف البیان ایرماغه اسمیله مسمادر. شمالاً دون قازاقلری اراضیسلیله، شرق شمالی طرفندن استاوروپول، شرقاً ترک ایالتلریله، جنوباً و جنوب غربی جهتندن قافقاس سلسله جبالنک صرتیله ابرلمش اولان صخوم قلعه و قره دکیز مستقل سنجاقلریله، غرباً دخی قره دکیز، یکی قلعه بوغازی و آزوف دکیزلیه محاط و محدوددر. $43^{\circ} 7'$ ایله $45^{\circ} 46'$ عرض شمالی و $15^{\circ} 34'$ ایله $6^{\circ} 40'$ طول شرقی آره-لرنده ممتد اولوب، مساحه سطحیه-سی 94376 مربع کیلومتره و اهالیسی 1241363 کشیدر. همان اورته-سندن جریان ایدن قوبان نهری ایالتی بسبتون مخالف ایکی قسمه آیروب، قسم جنوبیسی قافقاس سلسله-سی اتکلرندن و سلسله مذکوره-یه متوازناً اوزانان قره یایله-دن عبارت اولمغله، طاغلق و اورمانلرله مستورددر؛ و بو طاغلرک آره-لرنده نهر مذکوره دوکیلن بر چوق چاپلر آقار. بو قسمک اهالیسی مقدار عمومینک نصفندن زیاده اولوب، چرکس جنسیتنه منسوبدرلر. ایالتک قسم شمالیسی ایسه دوز و آچق اولوب، آنچق بعض تپه-لری و طوزلی کوللرله بطاقلق لری حاویدر. بو جهته دخی قوبان ایرماغنه و طوغریدن طوغری-یه آزاق دکیزینه دوکیلور بر چوق انهار واردر. بو جهته 70000 قدر نوغای اولوب، اهالیسنک مقدار متباقیسی روسیه حکومتی طرفندن نقل و اسکان ایدلمش قازاقلردن و بر مقدار روم، ارمنی، یهودی و آلماندن عبارتدر. ایالتک هر ایکی قسمی زراعته او قدر الویریشلی اولمیوب، اهالی اک زیاده حیوانات یتیشدیرمکله مشغولدرلر. مع هذا حیواناتک فیاتی دخی پک دوندر. باشلیجه اخراجاتلری بییای و محلنده دباغت ایتدکلری دریدن عبارتدر. مرکز ایالت %یقاترینودار\$ شهری اولوب، ایالت 7 قضایه منقسمدر.

2-3707-5

قوبان

1#

آمریقای وسطینک غواتماله جمهوریتنه و غواتماله-نک تقریباً 200 کیلومتره شمالنده %اوراقروز\$ ایالتنک مرکزی بر قصبه اولوب، همان جمله-سی اصل یرلیردن اولمق اوزره، 14000 اهالیسی واردر.

3-3707-5

قوبچی

یاخود قوباچی -* -# 1 روسیه-یه تابع داغستانده و دریندک 49 کیلومتره شمال غربیسنده قضا مرکزی بر قصبه اولوب، 4000 اهالیسی، بر قاچ جامع شریفی و چوخه، بشال و اسلحه فابریقه-لری واردر.

4-3707-5

قوبرین

1#

روسیه-نک غروندنو ایالتنده و غروندنو 196 کیلومتره جنوبنده قضا مرکزی بر قصبه اولوب، 8730 اهالیسی واردر. اون آلتنجی قرن میلادی-یه قدر مستقل بر پرنسلکک مرکزی ایدی.

5-3707-5

قوبلاکی

1#

روسیه-نک پولتاوه ایالتنده و پولتاوه-نک 66 کیلومتره جنوب غربیسنده قضا مرکزی بر قصبه اولوب، 13150 اهالیسی، بیوک بر پنایری و بز ایله یوک منسوجات فابریقه-لری واردر.

6-3707-5

قوبلنچ

1#

پروسیه-ده و برلینک 620 کیلومتره غرب جنوبیسنده اوله-رق رین ایرماغنک صول کنارنده و موزله نهرینک منصبنده رین ایالتنک مرکزی بر شهر اولوب، 29290 اهالیسی، کوزل موقع و منظره-سی، موزله نهری اوزرنده 14 کمرلی متین کوپریسی، رین ایرماغی اوزرنده بری دمیر بوله مخصوص و دیکری دوبه-لر اوزرینه مبنی ایکی کوپریسی، جسیم استحکاماتی، مکتب اعدادیسی، تیاتروسی، کنیش و دوز سوقاقلری، مکمل بر صو یولیه

اسالە اولنان خفیف و بول صویى و شراب اخراجاتی وارد. اسکی بر شهردر. میلاد عیسان 9 سنه اول %قونفلونچیا\$ اسمیله بنا اولنمشدی.

1-3708-5

قوبنجان

فارسده بر قصبه اولدیغی ((معجم البلدان))ده مسطوردر.

2-3708-5

قوبوته

1#

جاپونیه-ده نییون جزیره-سنگ شمال جهتده %اوغو\$ ایالتنه ملحق و توکیونک 460 کیلومتره شمالنده واقع سنجاق مرکزی بر شهر اولوب، 31930 اهالیسی، اورته-سنده باغچه-لرله محاط بر سراپی و اطرافنده چای محصولاتى وارد.

3-3708-5

قوبورغ

1#

آلمانیاك تورنیکه خطه-سنده %صاقسه قوبورغ غوته\$ دوقه-لغنده نفس قوبورغ دوقه-لغناك مرکزی بر قصبه اولوب، غوته-نك 103 کیلومتره جنوبنده واقع و 14390 اهالی-پی جامعدر. قصبه-نك سوقاقلری طار اولوب، کوزل دکلسه-ده بولندیغی وادینك لطافتی مشهوردر. بر چوق آثار عتیقه و معمولات نفیسه صنایعه-یی حاوی بر سراپی، بر تیاتروسى و متعدد کلیسالى وارد. [دوقه-لق ایچون ((صاقسه قوبورغ غوته)) ماده-سنه مراجعت بیوریله.]

4-3708-5

قوبورغ

1#

آمریقای شمالیده انکلتره-یه تابع دومینیون قطعە و اسعه-سنگ %اونتاریو\$ ایالتنده و %اوتاوه\$ نك 355 کیلومتره جنوب غربیسنده اوله-رق %اونتاریو\$ کولنك ساحل شمالیسنده سنجاق مرکزی بر قصبه اولوب، 4440 اهالیسی،

دكرمنلری، حزارلری، دباغخانه-لری و دار الفنونی واردر. ممالك مجتمعه-یه قریبیتی سببیله کوندن کونه ترقی و توسع ایتمکده-در.

5-3708-5

قوبه

1#

آمریقای وسطیده-کی آنتیل جزایرینک اک بیوکی و اک معمور و اک مسکونی اولوب، البوم اسپانیانک تحت تابعیتنده ایسه-ده، بو تابعیتک دها چوق دوام ایتمیه-جکی آکلاشیلپور. شرق جنوبیدن غرب شمالی-یه طوغری ممتد اوزون و بوینه نسبتاً طار بر آطه اولوب، "30' 48' 19° ایله 13' 23° عرض شمالی و 32' 76° ایله 19' 87° طول غربی آره-لرنده واقع اولمغله، بویی 1300 کیلومتره و اکی 40 ایله 160 کیلومتره آره-لرنده-در. مساحه سطحیه-سی، پینوس آطه-سیله و سائر جزایر صغیره ملحقه-سیله برابر، 118833 مربع کیلومتره و اهالیسی 1521684 کشیدر. ممالك مجتمعه-نک فلوریده شبه جزیره-سندن 230، مکسیقه-نک یوقاتان خطه-سندن 200، انکلتره-یه تابع باهامه جزایرندن وسطی اوله-رق 260، هایتی جزیره-سندن 90، جامایقه جزیره-سندن 145 کیلومتره وسعتنده دکیز قوللریله آیرلمشدر.

جزیره-نک اک کنیش یری اولان منتهای شرق جنوبیسنده ساحل جنوبیسه متوازیاً غربدن شرقه %سیرامائستره\$ یاخود %سیرادل قوبره\$ یعنی ((باقیر طاغلی)) اسمیله بر طاغ ممتد اولوب، اک یوکسک ذروه-سی اولان %تورکینو\$ نک 2562 متره ارتفاعی واردر. سائر طرفلرینک ارتفاعی دخی 1500 ایله 2000 متره آره-سندده-در. جزیره-نک سائر طرفلری دوز و 100 متره-دن زیاده ارتفاعی اولمیان تپه-لری حاوی اولوب، اکثر جهتلری چایرلق و سواحله قریب محللرنده بطاقلقدر. میاه جاریه-سی چوق ایسه-ده، بالطبع پک بیوک اولمیوب، منتهای جنوبنده مذکور طاغلردن نبعانله ساحل غربیسنه دوکیلن و جمله-سنگ اک بیوکی اولان %قائوتو\$ ایرماغنک آنجق 200 کیلومتره بویی واردر. دیکرلرینک باشلیجه-لری: سازه، ساغوا، هانیغوانیقو و سائره-در. سواحل خیلی کیرینتیلی چیقنتلی اولوب، بر چوق قویلری و بعض کوزل لیمانلری وار ایسه-ده، بو جزیره-نک ایکی بیوک عیبی واردر: بری سواحلک ایکی اوچ کیلومتره-لک آچیقلمه قدر صیغ و صویک آلتنده ویا اوستنده بولنان بر چوق قبالرله مملو اوله-رق سفاننک حرکت و تقریبه الویریشلی اولماسی، و دیکری ساحله قریب یرلرک یاغموور موسملرنده صو آلتنده قالوب سائر موسملرده دخی آمد شده مانع اوله-جق درجه-ده بطاقلقلری حاوی اولمسیدر. اک کوزل لیمانی قسم غربیسنک ساحل شمالیسنده واقع و جزیره-نک مرکزی اولان %هاوانه\$ شهرینک لیمانیدر. جزایر ملحقه-سندن یالکز قسم غربیسنک 60 کیلومتره قدر جنوبنده بولنان %پینوس\$ جزیره-سی بیوجک اولوب، 3145 کیلومتره-لک مساحه سطحیه-سی واردر. دیکرلری پک کوچک اولوب، باشلیجه-لری: ساحل جنوبی قارشیسندن: سان فلیپه، قایاماس، جار، دینس؛ ساحل شمالیسی قارشیسندن دخی: قایورومانه، قراغوزو و سائره-در.

دوز و آچق یرلرنده هواسی پک صیجاق اولوب، میزان الحراره 20 درجه-دن آشاغی اینمز. حزیران و تموز و اغستوس آیلری یاغموور موسمی اولوب، بو موسمه هوا پک صیجاق اولدیغی حالده، هر کون یاغموور دخی یاغار. تشرین اولدن شباطه قدر هوا قورو و صوو قجه-در. اک کوزل موسمی ایلك بهاردر. بر مدتدن بری زراعته پک زیاده اهمیت ویرلمکده ایسه-ده، اهالینک وسعت اراضیه-یه نسبتاً آزغی جهتیله اکثر اراضیسی هنوز غیر مزروع

حالنده اولوب، بالظه كورمه-مش و اسع اورمانلرندن دخى استفاده اولنه-ميور. اك باشلى محصولاتي: مصر، پرنج، توتون، شكر قامشى، پاموق، قهوه، قاقائو، چيويد و سائره-در. توتونى پك مشهور اولوب، هاوانه-نك صيغاره-لرى هر يره كيديور. مصر سنه-ده ايكي دفعه اكيلوب بيچيلير. اورمانلرنده كراسته-لك اشجار مختلفه-دن بشقه آقاژو و آبنوس كبي ذى قيمت آعاجلرى دخى بولنيور. حيوانات اهليه-سى و على الخصوص طوموزلرى پك چوقدر. آرى قوغانلرى ده چوق اولوب، كلينتلى بال چيقار. طاغلرنده آلتون، باقير، دمير، كمور و سائر معدنلر وار ايسه-ده چيقاريلانلرى پك آزد. مرمر و يازى طاشى اوجاقلرى و مياه معدنيه-سيله طوزلى بطاقلقلرى ده چوقدر. صنايع محليه باشليجه شكر، قهوه، توتون و سائر محصولات ارضيه-نك استحضارندن و فرنك صيغاره-سى و روم اعماليله بال مومك تصفيه-سندن عبارت اولوب، اصل معمولات صنايعيه فابريقه-لرى يوق حكمنده-در. اخراجات سنويه-سى 1415 مليون فرانك راده-لرنده اولوب، ادخالاتي ده همان او مقداره بالغدر. تجارتنك قسم اعظمى %هاوانه\$ اسكله-سنده اجرا اولنوب، اوندن صكره-كى اسكله-لرى ساحل شماليه: ماتانزاس، قاردناس، ساغوا، رمديوس؛ ساحل جنوبيسندده: سانتياغوده قوبه، ترينيداد، سينفونغوس اسكله-لريدر. تجارتي برنجى درجه-ده ممالك مجتعه ايله و ايكنجى درجه-ده اسپانيه ايله اولور. طرق و معابره بو صوك زمانلرنده پك چوق اعتنا اولنوب، على الخصوص قسم غربيسندده دمير يول خطلرى پك چوغاله-رق، سواحل جنوبيه و شماليه-ده-كى اسكله-لرى داخله-كى قصبه-لره و بربرلرينه ربط ايتمشلردر. اداره-جه ايكي ايالته منقسم اولوب، قسم غربيسندده عبارت اولان برنجى ايالتك و بتون آطه-نك مركزى %هاوانه\$، و قسم شرقيسندده عبارت ايكنجى ايالتك مركزى ساحل جنوبيسندده واقع %سانتياغوده قوبه\$ اسكله-سيدر. وسعتجه ايكي ايالت آره-سندده چوق فرق يوغيسه-ده، معموريتجه فرقلرى اولوب، سانتياغو ايالتك اهاليسى عموم اهالينك بر ريعندن آزد. قصبه و اسكله-لريله دمير يوللرى دخى آزد. جزيره-نك اهالى اصلية قديمه-سى اولان (آراواقوس)لر، ساكن و مطيع آدملر اولدقلرى حالده، اسپانيوللر طرفندن اما اولنوب، هيچ بر فردلرى قالمامشدر. آنجق اسپانيوللر ك چوغى اورايه بكار كيتدكلرندن، قادين و قيزلرينى تزوجه احتياج كوروب، بو مناسبتله، شمديكى اهالينك طاملرلرنده آراواقوس قانى دخى اكسيك دكلدر. آروپاليلر صرف قاسنتييلان اولميوب، اسپانيه-نك هر طرفندن كيتمش اقوام مختلفه-يه منسوب و پورتكيزلى، باسق، فرانسز و سائر جنسيترلر مركب اولدقلرى كبي، آفريقادن كتيريلن يوز بيكلرجه زنجى اسراسى دخى قاريشه-رق، مختلف رنگلرده ملزلر وجوده كلدكدن بشقه، آز چوق بياض اولان اهالى دخى حقيقتده اجناس مختلفه اختلاطندن متولددرلر. زنجيلر ك بر قاچ يوز بيكى الان اسارت تحتنده چاليشديرلمقده-در. جمله-سى اسپانيولجه-نك بر نوع غلطيله متكلم و قتوليك دينيله متدين اولوب، لسان رسمى و ادبيلرى اسپانيولجه-در. قوبه جزيره-سى قريستوف قولومب ك كنديسى طرفندن 1492ده كشف اولنوب، 1501ده 300 كشيدن مركب بر اسپانيول هيئت مهاجريني بو جزيره-نك ساحل شماليسندده ابتدا %قارناس\$ و بعده %سنت قريستوف ده هاوانه\$ تسميه ايتدكلرى شمديكى هاوانه قصبه-سنى تاسيس ايتمشلرى. بعده چوغاله-رق، جزيره-نك سائر طرفلرينى الده ايتمه، و اهالى اصليه-سنى اتلاف ويا آطه-دن اخراج ايتمه باشلامشلردى. 1660 و 1762ده انكلتره جزيره-يى ضبط ايدوب، 1763ده اسپانيه-يه اعاده ايتمش؛ و 1805ده يكيدن استيلا ايلمش ايدى. قوبه-ليلر انكلتره-نك النده بولندقلرى مدتده اسپانيوللر ك وضع ايتمش اولدقلرى تجارتنك انحصارندن قورتيلوب، اسكله-لرينه هر دولتك سفاننى ياشمغه باشلامغه، سربست اجرائى تجارتنك ايدوب، استحصال ثروت ايتدكلرندن، اسپانيه يكيدن بو جزيره-يه مالك اولدقه و بيركى و رسومندن پك چوق مستفيد اولمغه باشلامشدر. آنجق اسپانيه دولتى بو جزيره-يى اداره عرفيه تحتنده بولنديروب، جزيره-ده واسع اراضيه مالك اولان اسپانيول اغنياسى دخى بيچاره اهالى-يى حيوان كبي قوللانمقده اولدقلرندن، قوبه-ليلر 1869ده عصيانه مجبور اولوب، طقوز سنه عصيانده دوام

ایتدکن صکره، بر طاقم مواعد کاذبه ایله ترک سلاح ایتمشلر ایسه-ده، چوق کچمه-دن ینه سلاحه صاریلوب،
الیوم اسپانیه عسکريله اورشمدقه-درلر.

1-3710-5

قوبه استارایا

1#

روسیه-نک ماورای قافقاسده-کی ایلاتندن باکو ایالتنده و باکونک 135 کیلومتره غرب شمالیسنده اوله-رق قافقاس
شعباتندن شاه طاغک اتکنده و قودیال چایی اوزرنده قضا مرکزی بر قصبه اولوب، نصفندن زیاده-سی زردشتی
اولمق اوزره، 13060 اهالیسی، ایپک و یوک منسوجات دستکاهلری و دباغخانه-لری واردر.-* - قزاسنک
اهالیسی 145778 کشی اولوب، قسم اعظمی تاتار و ایرانی و لزکی اوله-رق مسلمدر.

2-3710-5

قوپال

1#

روسیه-یه تابع ترکستانده سمیریچنسک ایالتنده، "12' 8' 45° عرض شمالی ایله" 27' 43' 20° طول شرقیده
روسلر طرفندن تأسیس اولنمش قضا مرکزی بر قصبه اولوب، 5000 ی قزاق و 400 ی مسلم اولمق اوزره
5400 اهالیسی واردر.-* - قزاسنک اهالیسی یوز بیکه قریب اولوب، قیرغیز و قزاقدن مرکبدر.

3-3710-5

قویانغ

1#

آسیا جزایرنندن %تیمور\$ جزیره-سنگ جنوب غربی گوشه-سنده بر قصبه و اسکله اولوب، 5000 اهالیسی و
صاغلام لیمانی واردر. فلمنک مأمورینک مقریدر.

4-3710-5

قویاییس

1#

يونانك اڪ بيوڪ كولى اولوب، بيونيا خطه-سنك قسم شماليپسندہ واقعدر. اورته-سى 30' 38° عرض شماليده واقع اولوب، شرقه طوغرى اوزانان بر كورفى آغريبوز جزيره-سنى ايران %آتالانتى\$ بوغازندن يالكز 6، و ساحل غربيسى قورننه كورفزيندن 24 كيلومتره-لك مسافه-ده-در. محيط دائره-سى 90 كيلومتره اولوب، قوراقلق موسمنده مساحه سطحه-سى 130 و ياغمرلر موسمنده 230 مربع كيلومتره-در. اڪ درين محلنك عمقى 12 متره-در. كنارلرى بطاقلق و سازلق اولوب، سولوكلرى چوقدر. خطه مذكوره-نك بتون قسم غربيسنك مياہ جاريه-سى بو كوله دوكيلور. فضله مياہى تحت الاض برقاچ يولدن دكيزه دوكيلور. جوارلرينك اھالييسى آرنأود بولندقلرندن محلنجه كوله آرنأودجه ((كول)) ديمك اولان %توپيله\$دن غلط اوله-رق %توپولياس\$ اسمى ويريليور.

5-3710-5

قوپر

1#

انكلتره-نك اڪ مشهور جراحلرندن و تشریح علماسندن اولوب، بو فنلرده بر چوق كشفياته و بيوك عملياته موفق اوله-رق، كلينلى ثروت استحصال ايتمشدى. 1768ده طوغوب 1841ده وفات ايتمشدر. *- آمريقادہ دخى بو اسمله مشهور بر حكاية نويس اولوب، 1789ده ممالك مجتمعه-نك %پورلينغتون\$ شهرنده طوغمش، و 1851ده وفات ايتمشدر. ممالك مجتمعه-نك بحريه خدمتنده بولنمش؛ و بر خيلى وقت آروپاده سياحت ايتمشدر.

1-3711-5

قوپرس قريق

1#

أوسترلياده بيوك بر نهردر، كه %فوينس لاند\$ مهجرنده 10' 25° عرض جنوبيده بر قاچ چايك اجتماعندن بالتشكل، جنوبه و بعده غربه طوغرى جريانله، جنوبى أوستراليه مهجرينه دخول ايدر؛ و %اينامينقه\$ قصبه-سندہ ايكى قوله تشعبله، برى جنوبه طوغرى دونه-رك، %استرزلكى\$ اسميله %غرورى\$ كولنه، ديكرى غرب شمالييه و بعده غرب جنوبييه طوغرى آقه-رق بارقو اسميله، %ايره\$ نام بيوك كوله منصب اولور. اورانك اعمارينه خدمت ايدہ-جك وسائلك باشليجه-لرندندر.

2-3711-5

قوپرنيق

1#

مشاهیر ریاضیون و هیئت شناساندن اولوب، اصول جدیده هیئتک موجد و کاشفیدر. 1473 تاریخنده
پروسیه-نک %تورن\$ قصبه-سندھ طوغمش، و 1543ده وفات ایتمشدر. مشاهیر هیئت شناسان عصرندن استفادہ
ایتمک اوزره، ایتالیا یایه کیدوب، بر مدت رومادہ علوم ریاضیہ معلملکی ایتمش؛ و بعدہ وطننه عودت ایدوب،
فراینبورغده بر رتبه روحانیہ ییہ نائل اولمش ایدی. هیئت حقندہ کندیندن اول درمیان اولنان اصوللرک جملہ-سنی
نظر تدقیق و مطالعہ-دن کچیره-رک، نہایت کره شمسک مرکز عالم اولمسی و کره ارضک هم کندی محوری
اوزرنده هم-ده کونشک اطرافنده دونمسی و سائر سیاراتک-ده بو حرکتده بولنملری طریقنی ترجیح و اختیار
ایتمش؛ و هر نو قدر بو فکری متقدمیندن بعضیلرینک و علی الخصوص (فیلولوؤس)ک اثارنده کورمش ایسه-ده،
کندیسی دلائل مقنعہ ایله اثباتنه موفق اولدیغیچون، بو اصول جدیدہ ییہ بحق ((قوپرنیق اصولی)) دینلمشدر. او
وقتک تعصبندن فکرینی نشره جسارت ایدہ-میوب، بو بابده یازدیغی کتابی اواخر عمرینه دک سر صاقلامش؛ و
نہایت %نورمبرغ\$ده باصلمغه ویرمکه جرأت ایدوب، مطبوع نسخہ-سنی کوردیکی کون وفات ایتمشدر. وطننده
ووارسویہ-ده هیکلری رکز اولنمشدر.

3-3711-5

قوپنہاغ

1#

دانیمارقه دولتک پایتختی بر شهر اولوب، %سلاند\$ جزیره-سنک ساحل شرقیسیله قارشیسندہ
بولنان %آماکر\$ جزیره صغیره-سنک شمالی گوشہ-سندہ وقتاعات ایله بالطریق دکیزلری
آره-سندہ-کی %سوند\$ بوغازنده و اسوج ساحلی قارشیسندہ اوله-رق "53' 40' 55° عرض شمالی ایله "48
'14° 10° طول شرقیده واقعدر. کوزل و بیوک بر شهر اولوب، 312387 اهالیسی، ایکی قسمی آره-سندہ-کی
بوغازده آچیلوب قبانیر ایکی کوپریسی، اطرافنده متین سوری و دکیز صویبله طولدیریلیر خندگی، بر قاچ
قلعہ-سی، اقدامیاسی، دار الفونوی، 400000 جلدی حاوی بر کتبخانہ-سیله 120000 جلدی شامل دار الفونوه
مربوط کتبخانہ-سی، نباتات باغچه-سی، رصدخانہ-سی، بر قاچ موزه-سی، حربیہ و بحریہ و سائر مختلف
مکتبلری، متعدد جمعیات علمیه-سی، بر قاچ خسته-خانہ و دار العجزه و سائر مؤسسات خیریہ-سی، باغچه-لریله
مشهور رسملری و سائر آثاری، سالونلری عمومہ آچیق اولان قرال سرائلری، السنه شرقیہ ییہ مخصوص
جمعیت و مکتبی، متعدد مصنع کلیسالی، سفائن تجاریہ و حربیہ ییہ مخصوص آیری آیری لیمان و حوض و
دستگاهلری، واسع میدانلری، کنیش و دوز سوقاقلری و کوزل ابنیہ-سی واردر. صنایع محلیہ-سی یالکز
احتیاجات محلیہ یی کوره اولوب، کتن و یوک منسوجات، یلکن بزی، توتون، غانت، چینی و سائرہ فابریقه-لریله
دباغخانہ-لری واردر. تجاری موقع بحریسنک اهمیتی نسبتندہ دکلدر. شهر اوچ قسمه منقسم اولوبف سلاند
جزیره-سندہ-کی یکی و اسکی شهر اسملریله ایکی قسمه منقسمدر. آماکر آطہ-سندہ-کی اوچنجی قسمی تشکیل
ایدیور. لکن ابنیہ و سوقاقلر و سائر آثارجہ بربرلرندن آز فرقلری واردر. جوارنده قرالک صیفیہ-سی اولان کوزل
بر سرائیلہ اطرافنده عمومہ آچیق باغچه-سی و حکومتہ عائد بر حاراسی واردر. قوپنہاغ یکی بر شهر اولوب،
اون ایکنجی قرن میلادیده تأسیس، و اون دردنجی قرندہ پایتخت اتخاذ اولنمشدر. دانیمارقه لسانندہ
اسمی %کوبنہاون\$ اولوب، ((تجار لیمانی)) دیمکدر؛ آلمانر %قوپنہاکن\$ دیرلر؛ لاتینجه اسمی %ہافنیا\$در.

ابتدا بتون خانه-لری اخشاب اولوب، قرن سابق میلادیده بربرینی متعاقب اوچ بیوک حریق وقوع بولمغله، بعده کارکیر و طرز جدید اوزره بنا اولنمشدر.

1-3712-5

قوپنیق

1#

پروسیه-نک براندبورغ ایالتنده پوچدام سناغناک %تلتوو\$ قضااسنده و تلتووک 22 کیلومتره شرق شمالیسنده بر قصبه اولوب، 8925 اهالیسی و پاموق ایپلیکی ایله کلیم و اجزای کیمیویه فابریقه-لری واردر.

2-3712-5

قوپیاپو

1#

آمریقای جنوبیده %شیلی\$نک شمال جهتنده %آتاقامه\$ ایالتنک مرکزی بر قصبه اولوب، 11430 اهالیسی، داخلی مکتب اعدادیسی، معادن مکتبی و کومش معدننک تصفییه-سیچون متعدد فابریقه-لری واردر.

3-3712-5

قوت

1#

فرانسجه ساحل دیمک اولان بو کلمه دیگر اسملره اضافتله بعض اسماء جغرافییه تشکیل ایدیور. بونلردن %قوت دور\$ و %قوت دزاسلاقو\$ ایچون ((آلتون ساحل)) و ((اسرا ساحلی)) ماده-لرینه مراجعت بیوریه.

4-3712-5

قوتانسه

1#

فرانسه-نک مانسه ایالتنده و %سنت لو\$نک 28 کیلومتره جنوب غربیسنده قضا مرکزی بر قصبه اولوب، 8206 اهالیسی، داخلی مکتب اعدادیسی، نباتات باغچه-سی، بعض منسوجاتی و خیلی تجارتی واردر.

5-3712-5

قوتاییس

1#

روسیه-یه تابع ماوراء قافقاسده و تفلیسک 243 کیلومتره غرب شمالیسنده و ریون نهری اوزرنده همنامی اولان ایالتک مرکزی بر قصبه اولوب، 12740 اهالیسی، زراعت مکتبی، ایکی عمومی باغچه-سی، دوز و کنیش سوقاقلری، کوزل ابنیه و مغازه-لری و اطرافنده اشجار مثمره باغچه-لریله و باغلری وارد. اسکی بر قصبه اولوب، وقتیلہ کرجستانک مرکزی ایدر.

-* - قوتاییس ایالتی غرباً قره دکیزله، غرب شمالی طرفندن سخوم قلعه اداره عسکریه-سیله، شمالاً ترک ایالتیلہ ویا بو ایالتی ایران قافقاس سلسله جبالی صرتیلہ، شرقاً تفلیس و قارص ایالتلریله، جنوباً دخی حدود عثمانیه ایله محدوددر. مساحه سطحیه-سی 36478 مربع کیلومتره اولوب، 925564 اهالیسی وارد. اراضیسی طاغلق اولوب، قافقاس و کوچک قافقاس سلسله-لرینک اتک و قوللری ایالتک هر طرفنه ممتد اولور؛ و بو ایکی سلسله-یی ربط ایله بحر خزر حوضه-سنی قره دکیز حوضه-سندن ایران سورام طاغلقی حدود شرقیه-سنی تشکیل ایدیور. ساحله قریب یرلرنده و طاغلقی اره-لرنده بعض اووه-لری و وادی و بایرلری دخی وارد. بتون ایالت قره دکیز مائله-سنده اولوب، باشلیجه انهاری شمالده باشلایه-رق: اینغور، ریون و چورک صودر. ایلتک ایکیسی ایالت داخلنده نبعان ایدر، و اوچنجیسی ممالک عثمانیه-دن کیرر. طوغریدن طوغری-یه دکیزه منصب اولور بعض کوچک انهاری-ده وارد. طوپراغی پک منبت ایسه-ده، زراعت اسکی اصولده و ناقص آلاتله اجرا اولنمقده-در. باشلیجه محصولات: مصر، داری، بغدای و سائر حبوباتله بر مقدار پاموق و چیوید و میوه-لرک انواعندن عبارتدر. کمور معدنیله میاه معدنیه-سی و نفت قویولری وارد. اورمانلری چوق ایسه-ده، استفاده اولنه-میور. هواسی مختلف اولوب، یوکسک محللرنده صوتوق و صاعلام و آلچق یرلرنده معتدل ایسه-ده، اکثر محللرنده صیتمه-لیدر. قره دکیز ساحلنده پوتی و باطومدن بدأ ایله باکویه منتهی اولان دمیر یول خطی ایالتی شق ایدیور. ایالت 7 قضایه منقسمدر.

6-3712-5

قوتبوس

1#

پروسیه-نک براندبورغ ایالتنده % اودر \$ اوزرنده-کی فرانقفورت سنجاغنده و بو شهرک 72 کیلومتره جنوب غربیسنده بر قاچ دمیر یول خطنک محل تقاطعنده قضا مرکزی بر شهر اولوب، 25585 اهالیسی، بیوک چوخه فابریقه-لری و لنکیت معدنی وارد.

1-3713-5

قوت دور

1#

يعنى ((التون ساحل)) فرانسه-نك وسطلرنده و ساؤنه، لوآره و سینه حوضه-لری آرہ-سندہ بر طاغ و دھا طوغریسی مرتفعجه بر یر اولوب، اك يوكسك محلنك آنجق 636 و سائر طرفلرينك آشاعی یوقاری 400 متره ارتفاعی واردر. اكثر طرفلری یاغلرله مستور اولوب، دمیر و کمور معدنلری دخی واردر.

2-3713-5

قوت دور

1#

فرانسه-نك ایالات وسطیه-سندن اولوب، شمالاً اوبه، شمال شرقی طرفندن یوقاری مارنه، شرقاً یوقاری ساؤنه و ژوره، جنوباً ساؤنه مع لوآره، غرباً دخی نیوره و یونه ایالتلریله محدوددر. مساحه سطحیه-سی 8761 مربع کیلومتره و اهالیسی 381574 کشیدر. مرکزی %دیژون\$ شهیدر. همنامی اولان طاغ و دھا طوغریسی تپه-لر ایچنده اولوب، موقعی پك مرتفع اولمديغی حالده، آق دکیزه و بحر محیط آطلاسی ایله مانشه دکیزینه دوکیلن روئه، لوآره و سینه ایرماقلرینه تابع بر چوق انهارك منابعی بو ایالنده اولوب، بر تقسیم میاه خطی تشکیل ایدر. اراضیسی طاشلق ایسه-ده، حبوبات و سبزه ایله میوه-لرک انواعی و کلیتلی اوزوم حاصل اولوب، مشهور شرابلر یاپیلیر. اورمانلری چوقدر. آتترینک جنسی کوچک ایسه-ده، صیغیرلری چوق و اییدر. دمیر و کمور معدنلریله مرمر، آلچی، یاپی طاشی و سائره اوجاقلری چوقدر. صنایع محلیه باشلیجه دمیر جیلکه متعلق شیلرله چینی، کاغذ، بز و سائره اعمالندن عبارتدر. ایالت 4 قضایه منقسم اولوب، 36 ناحیه و 717 دائره بلدییه-یی حاویدر.

3-3713-5

قوت دونور

1#

يعنى ((سواحل شمالیه)) فرانسه-نك شمال غربی ایالاتندن اولوب، برتانیه خطه قديمه-سنگ قسم شمالیسنده و مانشه دکیزی ساحلنده-در. شمالاً بحر مذکورله، شرقاً ایله مع وینه، جنوباً موریبهان، غرباً دخی فینستره ایالتلریله محدوددر. مساحه سطحیه-سی 6885 مربع کیلومتره اولوب، 628556 اهالی ایله مسکوندر. مرکزی %سنت بریو\$ شهیدر. قسم جنوبیسنده %برتانیه طاغری\$ نامیله آچق بر طاقم طاغ و دھا طوغریسی تپه-لر غربدن شرقه ممتد اولوب، بونلردن آقان بر طاقم کوچک چایلر اراضیسی سقی و اروا ایله مانشه دکیزینه دوکیلور. حبوبات و سائر محصولات و ار ایسه-ده، اكثر طرفلری اراضی خالیه و چاللیق اولوب، مرعاری زیاده-در. بر نوع شراب اعمال ایتدکلری بیان المالی-ده چوقدر. آتلی کوچک ایسه-ده، پك قوتلی و صیغیر و قیونلری چوق و جنسلری اییدر. بز و سائره فابریقه-لریله دباغخانه-لری چوقدر. تجارتی پك ایشلکدر. ایالت 5 قضایه منقسم اولوب 48 ناحیه و 389 دائره-یی حاویدر.

4-3713-5

قوترونه

1#

ایتالیاده قلابره خطه-سنگ قاتانجارو ایالتنده و قاتانجارونک 68 کیلومتره شمال شرقیسنده اوله-رق یونان دکیزی ساحلنده بر قصبه اولوب، 5760 اهالیسی، صاغلام و کنیش لیمانی و ایشلک تجارتی واردر. اسکی بر قصبه اولوب، اسم قیدمی %قروتونه\$در. حکیم شهیر فیثاغوراس بو قصبه-ده تدریس ایتمشدی.

5-3713-5

قوتزه

1#

فرانسه-ده ((یوقاری پیرنه)) ایالتنک %آرژلس\$ قضااسنده و 16 کیلومتره جنوبنده بر قریه اولوب، میاه معدنیه-سی و قابلیجه-لری واردر. حاملرینه سنه-ده 16000 کشی قدر کیدر.

6-3713-5

قوتلمش

[[قوتلمش]] ماده-سنه مراجعت بیوریله.

7-3713-5

قوتلینی اوستروف

1#

بحر منجمد شمالیده یکی سیبرییه جزایر مجتمعه-سنگ اک بیوکی اولوب، $74^{\circ} 37'$ ایله $76^{\circ} 10'$ عرض شمالی و 137° ایله $20^{\circ} 138$ طول شرقی آره-لرنده واقعدر. جنوبدن شماله بویی 170 و اکی 90 کیلومتره و مساحه سطحیه-سی 20805 مربع کیلومتره-در. اراضیسی طاغلق اولوب، 15 کیلومتره قطری اولان بر کولی واردر. بر قاچ نهری اولوب، اک بیوکی اولان %چاروه\$نک 100 کیلومتره بویی واردر. غیر مسکون اولوب، سیبرییه آوجی و بالیقجیلری مناسب موسملرده کیدوب، آو اولارلر. رن دینلن صیغین جنسیله بیاض آبی، مائی تیلکی و طیور بحریه و بالیقلری چوقدر. ماموت دینلن منقرض الجنس جسیم فیل ایله سائر حیوانات مستحائنه-لری-ده چوقدر. بو جزیره 1770ده کشف اولنمشدر.

1-3714-5

قوتتای

1#

آمریقای شمالیده انکلتره-یه تابع دومینیون قطعه-سنگ %قولومبیا\$ حکومتده %قولومبیا\$ ایرماغنه تابع بر نهر و بو نهرک شق ایتدیکی بر کولدر. نهرک مجراسی 750 و کولک بویی 100 کیلومتره-در.

2-3714-5

قوتوپافسی

1#

آمریقای جنوبینک %اقوادور\$ جمهوریتنده و کیتونک 70 کیلومتره جنوب شرقیسنده %اند\$ سلسله جبالنک اک مرتفع ذروه-لرندن بر ینار طاغ اولوب، 5992 متره ارتفاعی واردر. بو برکان 1851 تاریخندن بری دفعاتله آتش افشان اولوب، هله 1877ده-کی پاتلامه-سندہ بتون آمریقای جنوبی-یی صارصان دهشتلی بر حرکت ارضی موجب اولمشیدی.

3-3714-5

قوتوروست

1#

روسیه-نک یاروسلاو ایالتنده %ولغا\$ ایرماغنه تابع بر نهر اولوب، ابتدا %ساره\$ اسمیله آقه-رق، %نرو\$ کولنه دوکیلور، و کولدن چیققدن صکره بو اسمی آلیر. ساره منبعندن مجراسی 267 و کولدن چیقدیگی بردن اعتباراً 170 کیلومتره اوزوندر.

4-3714-5

قوتوس

یاخود قوتیس 1# تراکیه یعنی ادرنه جهتنک اسکی حکمدارلرندن بر قاچنک اسمی اولوب، اک معروفلری ایکنجی قوتوسدر، که رومالیرله قارشلی ماکدونیه حکمداری پرسوسه امداد ایتمش؛ و قبل المیلاد 167ده صلح طلبنه مجبور اولمشدی.

5-3714-5

قوتى

1#

آسيا جزايرندن بورنئو جزيره-سندھ بر ايرماقدر، كه %سارواوق\$ حكومت مستقله-سى حدودىنى ايران طاغردن %ماهامقام\$ اسميله نبعان ايدوب، اسماً فلمنكه تابع اراضى ايچنده شرق جنوبى-يه طوغرى جريان، و صاغ و صولدن بر چوق انهار ايله بعض كوللك آياقلىرىنى اخذ ايدو-رك، تنغارونغ، سامارينده، پالارانغ و سسانغه قصبه-لرى ايچندن بعد المرور، بر چوق قوللره انقسامله، بيوك بر داليه تشكيل ايدو-رك، جزيره-نك ساحل شرقىسندھ دكيزه دوكيلور. مجراسنك بويى 650 كيلومتره-دن زياده اولوب، 300 كيلومتره-لكى بيوجك كميلرك دخی سيرينه صالحدر. بو نهرک حوضه-سى اسماً فلمنكه تابع بر حكومت اسلاميه اولوب، طاغرنده داياق اسميله نيم وحشى بعض اهالى بولنيورسه-ده، دوز يرلريله سواحلنك اهاليلى ملايى جنسنه منسوب مسلمانلر اولوب، پك منبت اولان اراضيسندھ پرنج و سائره زرعيه و كميجيلكله مشغولدرلر. بو مملكت 81000 مربع كيلومتره وسعتنده اولوب، 235000 اهاليلى واردر.

6-3714-5

قوجه ايلي

آناتولينك شمال غربى كوشه-سندھ اليوم از ميد مستقل متصرفليغه اسكدار متصرفلغنى تشكيل ايدن خطه-نك اسمى اولوب، بيتينيه خطه قديمه-سنگ بر قسمندن عبارت اولديغى حالده، شمالاً قره دكيزله، غرباً استانبول بوغازيله و مرمره دكيزيله، جنوباً خداوندكارله، شرقاً دخی سفاربه ايرماغى مجراسيله محدوددر. مركزى از ميددر. بو كونكى كونده استعمالدن ساقطدر. غازى سلطان عثمان خانك امراسندن اولوب، اورالرينى فتح ايدن غزاتدن بر ذاتك اسميله تسميه اولنمشدر. [تفصيل احواليچون ((ازميد)) ماده-سنه مراجعت بيوريله.]

7-3714-5

قوجه چاي

بيغا سناغنده بر نهردر، كه قاز طاغى اتكلرندن نبعانله شمال شرقى-يه طوغرى آقه-رق، صاغ و صولدن بر قاچ دره اخذ، و بيغا قصبه-سى يانندن مرور ايتدكدن صكره، قره بيغانك شرق طرفنده مرمره-يه دوكيلور. مجراسنك بويى 100 كيلومتره-يه قرييدر. قوراللق موسمنده صويى آز ايسه-ده، ياغمورلر و قارلرك اريمسى موسملرنده صويى چوق و بولانيق اولوب، كچلمسى مخاطره-ليدر. اسم قديمى %غرانيق\$ اولوب، بيوك اسكندر ايرانيلره قارشى ايلك محاربه-سنى بو نهرک کنارنده ايتمشدى.

*- آيدين ولايتنك منتشا سناغنده دخی بو اسمله بر نهر اولوب، بوردور سناغنك جنوب جهتنده نبعانله، جنوب غربى-يه طوغرى جريان ايدو-رك، منتشا سناغنه كيپر، و بر قاچ دره-نك صولرينى طوپلايه-رق، آق دكيزه دوكيلور. بونك دخی مجراسى 100 كيلومتره-دن زياده اولوب، اسم قديمى %اكسانتوس\$در.

1-3715-5

قوجه مصطفی پاشا

سلطان بایزید خان ثانی و سلیم خانیده مسند صدارته کچمش وزرادن اولوب، افرنجی الاصل اولدیغی مرویدر. مشار الیه سلطان بایزید خانک خاص بندکانندن اولمغله، قیوجی باشی اولدیغی حالده، روماده بولنان جم سلطانی تسمیمه مأمور اولوب، بو خدمتنه مکافأة عودتنده رتبه وزارته روم ایلی ایالتنه نصب اولنمش؛ و 917 تاریخنده هر سگ زاده احمد پاشا یرینه مسند صدارت عظمایه کچیرلمش ایدی. یاوز سلطان سلیم خانک جلوسنده ایقا اولنمش ایسه-ده، متعاقباً شهزاده احمد خان ایله خفياً مخابره و مناسبتی اولدیغی آکلاشلمغله، 918 ده بروسه-ده قتل اولنمشدر. استانبولده نامیله مسمی محله-ده بیوک جامع شریفی و مدرسه-سی واردر.

2-3715-5

قوچان

ایرانک خراسان ایالتنده و مشهدک 140 کیلومتره شمال غربیسنده اوله-مرق کستان طاغیله الا طاغ آره-سنده و کربان نهری اوزرنده 1255 متره-لک ارتفاعده قضا مرکزی بر قصبه اولوب، اکثری کرد اولمق اوزره، 12000 اهالیسی و ذخایر، حیوانات و بیاغی تجارتی واردر. جوارلری پک منبت اولوب، باغ و باغچه-لری چوقدر. موقع عسکریسی پک مهم اولوب، نادر شاه بو قصبه-نک محاصره-سنده قتل اولنمشدر. قضا سنک اهالیسی یوز بیک راده-لرنده-در.

3-3715-5

قوچانه

قوصوه ولایتک اسکوب یعنی مرکز سنجاغنده و اسکوبک 80 کیلومتره شرقنده اوله-مرق % بر غالنچه\$ نهینه تابع بر چایک اوزرنده و واسع بر اووه-نک کنارنده اوله-مرق طاغ اتکنده قضا مرکزی بر قصبه اولوب، 3500 اهالیسی، 3 جوامع شریفی، بر کلیسایی، بر رشديه و بر ابتدائیه ایله ایکی مسلم و بر خرسنجان صبیان مکتبی، بر مدرسه-سی، ساعت قله-سی و جوارنده چلیکی بر قاپلیجه-سی واردر.

*- قوچانه قضاسی ولایتک منتهای شرق جنوبیسنده اولوب، غرباً و غرب شمالی جهتندن اشتب و قرطوه قضالریله، شمال شرقی طرفندن بلغارستان حدودیله، شرقاً و جنوباً دخی سلانیک ولایتیله محدوددر. بیانچه و مالش ناحیه-لریله برابر 92 قریه-دن مرکب اولوب، 37436 اهالیسی واردر. اراضیسی یوکسک طاغلرله بونلرک آره-لرنده بعض اووه-لردن عبارت اولوب، عمومیت اوزره منبت و محصولداردر. اک برنجی محصولی پرنج اولوب، اهالی بو محصولک اخراجاتندن چوق استفاده ایدرلر. مذکور بر غالنچه نهیرنک اروا ابتدیکی اووه-نک هر

طرفنده پرنج زرع اولنور. سائر ذخايرله ميوه و سبزه-لرک انواعی دخی حاصل اولوب، اوزومی و قارپوزی دخی مقبولدر. پرنج تارله-لرندن طولایی هواسی آغیرجه-در.

4-3715-5

قوچحصار

قونیه ولایت و سناغنده و قونیه-نک 140 کیلومتره شرق شمالیسنده قیصریه-نکده 180 کیلومتره غربنده و همنامی اولان واسع طوز کولنک ساحل شرقیسنده قضا مرکزی بر قصبه اولوب، 1924 اهالیسی، اطرافنده کوزل باغ و باغچه-لری و کلیم و سجاده قیلندن معمولات صناعیه-سی واردر.

-* - قوچحصار قضاسی قونیه سناغنک منتهای شرق شمالیسنده واقع اولوب، غرب جنوبی جهتندن نفس قونیه، غرب شمالی طرفندن آقشهر قضالریله، شمالاً و شرقاً آنقره ولایتیله، جنوباً دخی نیکده سناغی و قره بیکار قضاسیله محدوددر. بو قضا مقدا %اسبکشان\$ اسمیله یاد اولنوب، مرکزی %این اوی\$ ایدی، و قوچحصار قصبه-سی بو قضایه ملحق بر ناحیه-نک مرکزی بولنوردی. اخیراً قوچحصار مرکز قضا اتخاذ اولنوب، ناحیه لغو اولنمشدر. قضا 80 قریه-یی حاوی اولوب، پک کنیش ایسه-ده، اکثر طرفلری چول حالنده و صوسز و آغاجسز اولوب، باشلیجه کولک شرق و طرفی معموردر. احتیاجات محلیه-یه کفایت ایده-جک قدر ذخاير و سائر محصولاتیه مبدول ميوه و سبزه-لری واردر.

-* - قوچحصار کولی 64 ساعتده دور اولنه-بیله-جک درجه-ده واسع اولوب، صوی پک صیغ اولمغله، یاز موسمنده تبخر ایدوب، بر طوز اووه-سی صورتنده قالیر. بو طوز بیاض و پک لذتلی اولمغله، آناتولینک اکثر طرفلریه نقل اولندیگی حالده، موجودینک آنجق یوز بیکده بری نسبتنده بر مقدار صرف اولنور.

1-3716-5

قوچحصار

دیار بکر ولایتک ماردین سناق و قضاسنده و ماردینک 16 کیلومتره جنوب غربیسنده ناحیه مرکزی بر قریه اولوب،

وقتیه بیوجک بر قصبه بولنمش اولدیگی اطرافنده-کی ویرانه-لرندن آکلاشیلپور. بونلر میاننده عرب آثار معماریه-سندن مصنع بر جامع شریف خرابه-سی دخی مشهوردر.

2-3716-5

قوچحصار

قسطنونی ولایتک کنغری سناق و قضاسنده و کنغرینک 40 کیلومتره شمالنده اوله-رق دورک چاپی اوزرنده ناحیه مرکزی بر قصبه اولوب، ناحیه-سی 50 قریه-دن مرکبدر.

3-3716-5

قوچە

1#

چينە تابع تركستان شرفينك %۱۰ اق صو \$ سناغندە و اق صويك 254 كيلومتره شرفندە اولە-رق بابا كولنە دوكيلن %۱۰ كوك صو \$ نهرى اوزرنده 976 متره-لك ارتفاعه بر قصبه اولوب، 14000 قدر اهاليسى واردر. موقعى تجارت و سوق الجيش نقطه نظر نجه مهم اولمغله، مقدا اتالق غازى يعقوب خان طرفندن تحكيم اولنمشيدى.

4-3716-5

قوچينغ

1#

بورنو جزيره كبيره-سناك ساحل شماليينده انكلتره-ميه تابع %۱۰ سار اواق \$ حكومت اسلاميه-سندە سار اواق نهرى منصبندن 30 كيلومتره يوقاريدە بر قصبه و اسكله اولوب، 12000 اهاليسى و ايشلك تجارتي واردر. نهرك ايچندە قصبه-نك اوكنه دك بيوك كميلر دخى چيقار.

5-3716-5

قودانوس

1#

بالطيق دكيزينك لاتينجه اسم قديميدر.

6-3716-5

قودبك

1#

فرانسە-نك آشاغى سینه اياتتندە و سینه-نك صاغ کنارندە اولە-رق همنامى اولان نهرك منصبنده و %۱۰ اوتوت \$ ك 11 كيلومتره جنوبنده ناحیه مرکزی بر قصبه اولوب، 5295 اهاليسى واردر. وقتيله چوق دها بيوك اولوب، خطه-نك مرکزی ایدی، و معمولات صناعیه-سى مشهور ایدی.

7-3716-5

قودونيو

1#

ایتالیانك لومبارديه خطه-سنده ميلان ايتتنك %لودى\$ قضا سنده. و لودينك 23 كيلومتره جنوب شرق قيسنده و %پو\$ ايله %آدا\$ نهرلری آرہ-سنده بر قصبه اولوب، 8590 اهالیسی و اییکله پنیر اخراجاتی واردر.

8-3716-5

قوراتو

1#

ایتالیانك %بارى\$ ايتتنده و بارينك 40 كيلومتره غربنده بر قصبه اولوب، 26220 اهالیسی و اسكى بر مکتبی واردر.

9-3716-5

قوراق چای

روسیه-نك ماوراء قافقاس ايتتندن %بيليساوتوپول\$ ايتتنده کور ایرماغنه تابع بر نهر اولوب، عمر طاغندن نبعانله، شمال غربیه طوغری آقه-رق، 110 كيلومتره-لك جريانندن صکره، صاغدن مذکور ایرماغه دوکیلور.

10-3716-5

قورانغامیت

1#

اوسترايه-ده %ويقتوريه\$ مهجرينك اك بيوكى كولى اولوب، بویى 29 و اكى 7 كيلومتره-در. قيشين خيلى توسع ايدوب، يازين طارلاشير. ياز موسمنده صويى تبخر ايدوب، حاوی اولديغی طوز تيلر ایتمکله، کليتیلى طوز چيقار.

11-3716-5

قورانه

1#

آفریقای جنوبی (هنتوت) اقوامندن بر قومدر.

12-3716-5

قوربووآ

1#

فرانسه-ده سینه ایالتنک سنت دنیس قضااسنده و سنت دنیسک 11 کیلومتره جنوب غربیسنده و پارسدن 8 کیلومتره-لك مسافه-ده اوله-رق سینه ایرماغی اوزرنده ناخیه مرکزی بر قصبه اولوب، 11140 اهالیسی، و اغون و سائره فابریقه-لری و بعض کوشکلری واردر.

13-3716-5

قوربی

1#

فرانسه-نک سینه مع اوازه ایالتنده و پارسک 31 کیلومتره جنوبنده اوله-رق سینه نهری اوزرنده و %اسونه\$ چاینک ملتقاسنده قضا مرکزی بر قصبه اولوب، 6392 اهالیسی، کتبخانه-سی، زراعت جمعیتی، ایلیکخانه-لری و دکرمنلری واردر.

14-3716-5

قوربیره

1#

فرانسه ایله اسپانیه آرہ-سنده-کی پیرنه سلسله جبالنه مربوط بر طاغ اولوب، اوده ایله شرقی پیرنه ایالتلرنده واقعدر. طاشلق، چپلاق و پک صرب بر طاغلردر.

1-3717-5

قورپو

1#

فینلانده-یه تابع و فینلانده کورفزی مدخلنده اوله-رق %آبو\$ قصبه-سنک 50 کیلومتره جنوب غربیسنده واقع بر آطه اولوب، محیط دائره-سی 30 کیلومتره-در. ینه بو اسمله بر کوچک قصبه-سی و بر قاچ قریه-سی واردر.

2-3717-5

قورتزه

1#

و فلانجه قورتزخت 2# بلجیقه-نك غربی فلاندره ایالتنده و %بروژه نك 54 کیلومتره جنوبنده و اسقویه تابع %لیس چایی اوزرنده اوله-رق بر قاچ دمیر یول خطنك محل تقاطعنده قضا مرکزی بر شهر اولوب، 22950 اهالیسی، کوزل منظره-سی، کنیش، و دوز سوقاقلری، بز، شکر، تولبند و سائر منسوجات مختلفه ایله صابون، شکر، یاغ، و سائره فابریقه-لری، داخلی مکتبی، فن معماری و رسم آقادیاسی، موزه-سی، کتبخانه-سی، صنایع مکتبی، ارکک و قادینلر ایچون آیری آیری دار العجزه-لری و خسته-خانه-سی وارد. اسکی بر شهر اولوب، رومانلیلر زماننده %قورتوریا قوم اسمطله معروف ایدی.

3-3717-5

قورتزیال

1#

پورتکیز مشاهیر بحریونندن اولوب، 1500 تاریخنده آمریقانك شمال جهتلرنده بر چوق یرلر کشف و سیر ایتمش؛ و ایرتسی سنه آمریقانك شمالنده آسیایه بر طریق بولمق امیدیه، کمی ایله ینه او طرفه کیدوب، بر دها کورینه-مش؛ و 1502ده برادری تحریسنه کیتمش ایسه-ده، اوده نابدید اولمشدر.

4-3717-5

قورتز

1#

اسپانیه مشاهیر بحریونندن اولوب، مکسیقه-نك فاتحی و قالیفورنیه-نك کاشفیدر. او جهتنده اکثر یرلری صلحاً ضبط ایتمش ایکن، اهالی حقنده اجرا ایتدیردیکی مظالم اوزرینه وقمع بولان عصیانی باصدیررکن، پک خونریزانه معاملاتده بولنمش؛ و شارل کینت طرفندن مکسیقه والیسی اولدقندن صکره، اسپانیه-یه جلب اولنه-رق، 1547ده منکوب و فقیر اوله-رق وفات ایتمشدر.

5-3717-5

قورتونه

1#

ایتالیاده طوسقانه خطه-سنگ %آرچو\$ ایالتنده و آرچونك 30 كيلومتره جنوب شرقیسنده بر قصبه اولوب، جواريله برابر 26260 اهالیسی، اسکی بر سور و قلعه-سی، بر قاچ مصنع کلیساسی و بر چوق آثار عتیقه-سی واردر.

6-3717-5

قورته

1#

قورسیقه جزیره-سنگ و سطلرنده و آیاچونك 60 كيلومتره شمال شرقیسنده قضا مرکزی بر قصبه اولوب، 5762 اهالیسی، استحکاماتی، داخلی مکتبی، کتبخانه-سی، زراعت جمعیتی و بعض فابریقه-لری واردر.

7-3717-5

قورج

بغداد جوارنده بر جدول اولوب، همنامی اولان ناحیه-نك اراضیسنی سقی ایچون کسری طرفندن حفر ایلمش اولدیغنی، و آنجق صوی اکتزیا بغدادی باصدیغنی یاقوت حموی بیان ایدیور.

8-3717-5

قورج

1#

ایتالیانك اك مشهور رساملرندن اولوب، 1494ده قورجوده طوغمش، و 1534ده وفات ایتمشدر بعض آثاری موجوددر.

9-3717-5

قورجو

1#

ایتالیای شمالیده امیلیه خطه-سنگ رجو ایالت و قضاسنده و رجونك 15 كيلومتره شمال شرقیسنده بر قصبه اولوب، آنف الترجمه رسامك و طنیدر.

10-3717-5

قورچين

1#

مغول طوائفندن اولوب، مغولستانك شرق جهتنده ساكندر لر، و 200000 كشي راده-لرنده تخمين اولنيورلر.

11-3717-5

قوردو

1#

اسپانيه-ده اليوم اسپانيوللر طرفندن %قوردووه\$ ويا %قوردوبه\$ و عربلر طرفندن %قرطبه\$ دينلن شهرک فرانسجه اسميدر. [(قوردوبه)] ماده-سنه مراجعت بيوريله.

12-3717-5

قوردوان

1#

فرانسه-نك ساحل غربيسنده %ژيرونده\$ ايرماغي منصبي قارشينده و بوردونك 110 كيلومتره شمال غربيسنده بر كوچك آطه اولوب، اوزرنده يوكسك بر قله اوزرنده بيوك بر فنار واردر.

1-3718-5

قوردوبه

ياخود قوردووه 1# اسپانيانك آندالوسيه خطه-سنده مادريدك 442 كيلومتره جنوب غربيسنده غوادالكويور %يعنى الوادى الكبير\$ ايرماغنك صاغ يعنى شمالى ساحلنده و %مورنه\$ سلسله جبالنك بر شعبه-سى اتكنده "15 37° 25' عرض شمالى ايله 10' 7° طول غربيه ايالت مركزى قديم و مشهور بر شهر اولوب، 55614 اهاليسى، جامع شريفدن مبدل جسيم و مصنع بر كليساسى، نهرک اوزرنده عربلر دن قالمه 16 كمرلى كوزل بر كوپريسى، %پلاسه مايور\$ يعنى ((بيوك ميدان)) اسميله واسع و كوزل بر ميدانى، مذکور كليسانك ياننده 15000 جلدی حاوی کتبخانه-سى، شهرى احاطه ايدر. سوری و برج و قلعه-لری، اطرافنده پورتقال و نار آغاجلریله سائر اشجار مثمره-یی حاوی كوزل باغچه-لری و بيوك قريه-لری، عربلر زمانندن قالمه بر چوق ابنيه مصنعه-سيله خرابه-لری و سائر آثار عتيقه-سى و سختيان ايله قيومجبلغه متعلق معمولات و سائر فابريقه-لری واردر.

بو شهر ميلاددن 152 سنه اول روماليلر طرفندن بنا ويا توسيع اولنوب، 572 تاريخ ميلاديسنده غوتلر طرفندن ضبط اولنمش؛ و يدنجی قرن ميلاديه موسى بن نصير و طارق بن زياد جانبندن فتح ايله، ممالک اسلاميه-يه

الحاق اولنه-رق، عربلجه %قرطبه\$ اسميله شهرت بولمشدر. دولت امويه زماننده اندلسك يعنى اسپانيه-نك مركزى اتخاڭ اولنه-رق، خلافت عباسيه-نك تاسيسنده اندلسده تشكول ايدن دولت امويه-نك پايتختى اولمش؛ و بو دورده قرطبه بيودكجه بيويه-رك، كثرت نفوسجه، كرك اينييه و سائر مؤسساتنك زينت و مكملينتجه و كرك معارف و صنايع و سائر اسباب مدنيتجه بغداددن صكره دنيا نك ايكنجى شهرى اولمشيدى. دولت امويه زماننده قرطبه-نك بر مليوندن زياده اهاليسى، 200000 خانه-سى، 80000 سراى و قوناغى، 900 حمامى، 600 خانى، 300 جامع شريفى، اطرافنده شهره مربوط 12000 قريه-سى وار ايدى. علوم و فنون درجه عليابه واصل اولديغى كى، صنايع مختلفه دخی پك ايلرى كيدوب، هله سختيانى نفاستيله بتون عالمده مشهور ايدى. حتى سختيانك اوجنسى حالا بوكون آروپا لسانلرنده شهرك اسمنه نسبتله %قوردوان\$ دينلير. اليوم %آقازار\$ دينلن مشهور بر قصرى وار ايدى، كه كرك بناسنك بقيه-سى و كرك باغچه-سى ناظرينك نظر استغرابنى جلب ايتكمده-در. شهرك قارشيسنده %مدينه الزهرا\$ اسميله ينه شهره مربوط بر قصبه ويا محله ياپلمشيدى، كه جغرافيون و شعراء عرب اوصافنى يازمغله بيتيره-ميورلر.

حكومت امويه منقرض اولوب، اندلسده طوائف ملوك ظهور ايتديكنده، بونلرك هر برى كندى مركزينى اعماره چالشمغله، مركزيت عموميه-دن دوشن قرطبه كريلمكه، و اونك يرينه اشبيليه و غرناطه و سائر شهرلر ايلريلمكه باشلامشدى. اندلسده دولت اسلاميه بسبتون منقرض اولوب، اسپانيوللر غلبه چالدقارنده، مادريدى پايتخت اتخاڭ ايتميريله، قوردوبه بر عادى ايالت مركزى قالمش؛ و شهر اهاليسنك قسم كليسى بولنان و ارباب فن و حرفت دخی ايلچلرندن اولان مسلمانلرك بقية السيو فى دخی آفريقايه كچمكه اجبار اولنمغله، قوردوبه دخی سائر اندلس شهرلرى كى خالى و خراب حالنده قالوب، جهل و تعصب حكم سورمكه، و ابن رشد كى مشاهير علما و حكمانك تدريس فنونله اشتغال ايتدكلرى او مصنع اينييه-ده انكيزيسيون محكمه دهشت ناماسى اجراى خباثت ايتكمه باشلامشدى. شمديكى حالده اسپانيه حكومت و اهاليسنك طريق مدنيتيه كيرمكه اولان سعى و غيرتليله برابر، قوردوبه عربلرك زماننده-كى قرطبه-نك بر محله-سى حالنه بيله كله-مه-مشدر.

-*- قوردوبه ايالته آندالوسيه خطه-سنك منقسم بولنديغى 8 ايالتك برى اولوب، شمال شرقى طرفندن يكي قاستيله-نك چودادريال ايالتيله، شمال غربى جهتندن استرمادوره-نك بادابوز ايالتيله، غرباً و غرب جنوبى طرفندن سويله، جنوباً مالقه و غرناده، شرقاً دخی جاين ايالتليله محاط و محدوددر. مساحه سطحيه-سى 13727 مربع كيلومتره و اهاليسى 420728 كشيدين عبارتدر. 38° عرض شمالى ايله 7° طول غربى خطلرى ايالتك اورته-سنده تقاطع ايديور. غوادالكيوير ايرماغى ايالتى شرقدن غربه شق ايدو-رك، ايكي-يه تقسيم ايديور. قسم شماليسى طاغلق اولوب، %مورنه\$ سلسله جبالنى و بونك شعبه-لرينى حاويدر. قسم جنوبيسى ايسه اووه-لق اولوب، آنجق بعض آلچق تپه-لرى واردر. طاغلق قسمى چبلاقجه اولوب، مرعالىرى چوق ايسه-ده، حيوانات اهليه-سى آزدر. اووه-لق طرفى پك منبت ايسه-ده، هواسى پك صيچاق و يابس اولوب، انهارى سقى اراضيه مستعد اولدقلى حالده، جدول و آريقلرى يوقدر. بو اسبابه مبنى وقتيله دنيا نك اك معمور يرى اولان بو ايالت هر جهتجه پك كرى و اهاليسى فقيردر. بو حالك دخی اهل اسلامك اندلسدن اخراجندن برى ظهور ايدوب، سبب مجردى او ذكى و چاليشقان عربلرك اكسيك اولمسندن عبارت اولديغى اسپانيول ارباب تحقيقي دخی تسليم ايتكمده-در. ايالتك باشليجه محصولات و اخراجاتى: ذخيره، زيتون ياغى و شرابدن عبارتدر. صنايع لاشى حكمنده-در. ايالت 16 قضا و 74 ناحيه-يه منقسمدر.

قوردوبه

1#

آمریقای جنوبیده آرچنتین حکومتنده و بوئنوس آیرسك 700 كيلومتره شمال غربيسنده 19° 16 عرض جنوبي ايله 25° 31 طول غربیده ايلت ويا حكومت مركزی بر شهر اولوب، 66247 اهالیسی، دوز و كنیش سوقاقلری، مصنع كليسالریله سائر ابلنه-سی و مكمل بر رصدخانه-سی واردر، كه كره سمانك نصف جنوبيسی نجومك فهرستی اكمله موفق اولمشدر.

*- قوردوبه ايلتی ويا حكومتی آرچنتین حكومتی ويا ممالك مجتمعه-سني تركيب ایدن حكوماتك وسطده-كيلرندن اولوب، غرباً سان لویی ايلتيله، غرب شمالی طرفندن رنویا و قاتامارقه ايلتیرینی ایران واسع طوزلی چوللره، شمالاً سانتیاگو، شرقاً سانتیه-فه، جنوباً دخی پامیه ايلتیريله محاطدر. مساحه سطحیه-سی رسمی استاتستیقه كوره 216267 مربع كيلومتره اولوب، 427600 اهالیسی واردر. سیرا قوردوبه اسميله اورته-لرنده شمالدن جنوبه بر صره تپه-لر اوزانوب، بونك هر ايکی طرفنده واسع اووه-لر ممتد اوليور. قسم غربيسی طوزلی چوللردن و قسم شرقیسی اوزون و قباحه اولتری حاوی پایانسز چاپرلردن عبارتدر. احتیاجات محلیه-یه كوره بعض ذخایر دخی يتيشديریلیورسه-ده، اصل مملكتك ثروتی و اهالینك مدار اشتغال و تعیشی حیوانات اولوب، صیغیر و قیون و سائر حیوانات اهلیه-لری چوقدر. صنایع محلیه دخی باصدیرمه احضاریله دریلرك قورولمسی و بیاغیلرك تطهیری كبی حیواناته متعلق شیلردر. دمیر یوللرك تمديد و تكثیرندن بری اورپادن مهاجرلر كیتمكده اولوب، اهالی و معموریتی آرتمقده-در. اهالی اصلیه-دن همان كیمسه قالمیوب، شمديکی اهالی اسپانیول و اسپانیوللشمش سائر اورپالی اولادندن مركبدر. مركزندن بشقه قصبه-لری آز اولوب، اهالی كویلرده ساكندر. قورشون، كوش و باقیر معدنلری چوقجه-در.

2-3719-5

قوردوبه

1#

مكسیقه ممالك مجتمعه-سنيك %وراقروز\$ حكومتنده و وراقروزك 115 كيلومتره غربنده قضا مركزی بر قصبه اولوب، 6000 اهالیسی و اطرافنده كلینلی توتون محصولاتی واردر. وقتيله خلی بیوك اولوب، تدنی ایتمشدر.

3-3719-5

قوردون

1#

آمریقای جنوبیده %اوروغوای\$ حكومتك %مونتیویدنو\$ ايلتنده و منتویدنونك 10 كيلومتره شمال شرقیسنده بر قصبه اولوب، 5000 اهالیسی واردر.

4-3719-5

قوردووه

[[قوردوبه]] ماده-لرینه مراجعت بیوریله.]

5-3719-5

قوردیلره

1#

اسپانیولجه-ده ((سلسله جبال)) دیمک اولان بو اسم %آند\$ه اضافتله و کثرت استعماله مینی یالکز اوله-رق دخی آمریقای جنوبیده بحر محیط معتدل ساحلنه متوازیاً ممتد اولان بیوک سلسله جباله و علی الخصوص بو سلسله-نک ساحله قریب اولان قولنه اطلاق اولنور. [(آند)) و ((آمریقا)) ماده-لرینه مراجعت بیوریله.]

6-3719-5

قورزه

1#

فرانسه-ده بر چایدر، که همنامی اولان ایالتده نیعانه، غرب جنوبی-یه طوغری جریان ایدره-ک، %توله\$ و %بریوه\$ قصبه-لری ایچندن بعد المرور، دوردونیه ایالتنه دخول ایدر؛ و 90 کیلومتره-ک جریانندن صکره، %دوردونیه\$ نه ریینه منصب اولور.

1-3720-5

قورزه

ایالتی 1# فرانسه-نک ایالات وسطیه-سندن اولوب، ایچندن جریان ایدن نهرک اسمیله مسمادر. شمالاً قورزه و ویانه، غرباً دوردونیه، جنوباً لوت، جنوب شرقی طرفندن قانتال، شرقاً دخی پوی دودوم ایالتلریله محاطدر. مساحه سطحیه-سی 5887 مربع کیلومتره و اهالیسی 326494 کشیدر. اراضیسی عارضه-لی و علی الخصوص قسم شمالیسی طاغلق اولوب، طوپراغی آز منبتدر. باشلیجه محصولاتی چاودار، یولاف، آریه، مصر، آز مقدارده بغدادی و کلیتلی کستانه، جوز و سائر میوه-لردن عبارتدر. صنعی چاپلری ده چوقدر. حیواناتی چوقجه اولوب، بیکیر و استرلرینک جنسی پک اییدر. کمور، سیملی قورشون، باقیر معدنلریله مرمر، آلچی، یاپی طاشی و سائره اوجاقلری وارددر. صنایعی دمیرجیلکله بز و دانتله و سائره اعمالندن عبارت اولوب، تجارتی پک کریدر.

اهالیسندن هجرت ایدنلر و سائر یرلرده دیوارجیلق ایله کچیننلر چوقدر. ایالت 3 قضایه منقسم اولوب، 29 ناحیه و 287 دائره-یی حاویدر.

2-3720-5

قورزوله

1#

آدیاتیق دکزنده دالماچییه ملحق جزایرک بری اولوب، راغوزه-نک شمال غربیسنده و %سابیونچلو\$ شبه جزیره-سنگ قارشیسنده واقعدر. بویی 48 کیلومتره اولوب، سواحلنده بر چوق قوی و لیمانلری واردر اراضیسی طاغلق اولوب، اورمانلریله باغلری و کوزل منظره-لری چوقدر. اهالیسی 7000 راده-لرنده اولوب، مرکزی ینه بو اسمله مسمی بر کوچک قصبه-در.

3-3720-5

قورس

حلب ولایتنده و کلیسک 20 کیلومتره شمال غربیسنده اوله-رق عفرین نهرینک صاغ یعنی شمال غربی ساحلنده قدیم بر قصبه اولوب، الیوم خرابدر. بر طاقم ابنیه جسیمه ویرانه-لره و بعض آثار عتیقه-سی و اوریا بن خانانک قیری موجوددر. اهل صلیب وقایعی دورینه-دک معمور اولوب، او صره-ده خراب اولمشدر. تواریخ اجنبیه-ده 1# اسمیله مذکوردر.

4-3720-5

قورسوق

1#

روسیه-ده و موسقوه-نک 520 کیلومتره جنوبنده ایالت مرکزی بر شهر اولوب، 43755 اهالیسی، 22 کلیساسی مکتب اعدادیسی، رهبانه مخصوص مدرسه-سی، متعدد مکاتب سائر-سی و طوغله، آرابه، موسیقی آلاتی، کنویردن ایپلیک، توتون و سائر فابریقه-لریله بال مومی تصفییه-خانه-لری و دباغخانه-لری واردر. *- قورسوق ایالتی شمالاً اورل، شرقاً وورونر، جنوباً خارقوق، جنوب غربی طرفندن پولاتاوه، غرباً دخی جرنیقوف ایالتلریله محدود اولوب، مساحه سطحیه-سی 46456 مربع کیلومتره و اهالیسی 235480 کشیدر. اراضیسی دوز و اووه-لق اولوب، قسم اعظمک میاه جاریه-سی غربه طوغری جریانه %دنپیر\$ ایرماغنه و یالکز جنوب شرقی جهنتک کیلر جنوبه طوغری آقه-رق %دون\$ ایرماغنه دوکیلور. بغدادی و سائره حبوباتی چوق اولوب، احتیاجات محلییه-یه تقابل ایتدکن صکره، کلینتی مقدارده اخراج اولنور. اورمانلری آذر. هواسی معتدلدر. آت جنسیله سائر حیوانلری-ده چوقدر. آری قوغانلری پک کثرتلی اولوب، کلینتی بال و بال مومی چیقار.

صنایعی دخی پک ایلری و کیتدکجه ایلریلمکده اولوب، دمیرخانه-لری، دوکمانه-لری، منسوجات مختلفه و شکر، طوغله، چینی و سائره فابریقه-لریله دباغانه-لری پک چوق و تجارتی ایشلکدر. ایالت 15 قضایه منقسم اولوب، 18 قصبه-سی 937 بیوک و 1564 کوچک قریه-سی و 487 چفتلکی واردر.

5-3720-5

قورسیقه

1#

بحر سفیدک اک بیوک جزایردن اولوب، جنوو کورفری آچیلرند طوسقانه-نک قارشیسند و ساردنیه جزیره-سنگ شمالنده واقع اولمغله، موقعا و احوال سائره-جه ایالتیا ایله مناسبتی زیاده ایکن، بر عصردن بری فرانسه-یه تابع اوله-رق، بر ایالت تشکیل ایدیور. فرانسه-نک اک قریب ساحلندن 170 کیلومتره-لک مسافه-ده 21' 41° ایله 0' 43° عرض شمالی و 47' 11' 6° ایله 6' 11' 7° طول شرقی آرهلرند ممتد اولوب، شمالدن جنوبه بوی 183 و اک کنیش محلنده و اکی 85 کیلومتره، مساحه سطحیه-سی 8722 مربع کیلومتره و اهالیسی 278500 کشیدر، که بهر مربع کیلومتره باشنه 32 کشی دوشیور.

اراضیسی پک عارضه-لی و عمومیت اوزره طاغلق اولوب، پک کیرنتیلی چیقتیلی و بر چوق قوی و برولری حاوی اولان سواحلک اوستنده باغلرله و زیتون، پورتقال و لیمون آغاجلریله مستور تپه-لر، بونلرک اوستنده کستانه آغاجلرینی حاوی صیرتئر، بونلرک دها یوقاریلرند ایدی آخور کورمه-مش سوریلرله مملو مرعالر، بونلرک اوستنده چام و میشه آغاجلریله سائر اشجاری و چاللیق و اوچوروملی برلری حاوی یوکسک برلر بولنیور، که بونلر وقتیله خیدولرک و قان دعواسندن قاچان فرایلرک ملجی ایدی. شمالدن جنوبه طوغری ممتد اولان بر سلسله جبال بر تقسیم میاه خطی تشکیل ایدوب، جزیره-یی شرقی و غربی اوله-رق ایکی مائله-یه آیریور، و بو سلسله-نک شرق و غربه طوغری اوزانان قوللری هر مائله-یی بر طاقم حوضه-لره تقسیم ایدیور. سلسله مذکوره-نک اک یوکسک ذروه-سی و سطلرند بولنان و 2625 متره ارتفاعی اولان %روتونده\$ طاغیدر. میاه جاریه-سی چوق اولوب، مذکور سلسله جبالک هر ایکی طرفندن بر چوق انهار و هر ایکی قولک آرهلرند بر نهر آقیورسه-ده، موقعک صربلغی حسیبله جمله-سی منصلرینه-دک سیل حالنده اولوب، هیچ بری سیر سفائنه صالح اولمدیگی کبی، هیچ برینک منصبی-ده لیمان اتخادینه یارامیور. بو انهارک اک بیوکی جزیره-نک قسم شمالیسنگ میاهنی جمع ایله ساحل شرفیسندن دکیزه دوکیلور. ساحل مذکورک و سطلرند منصوب اولان %توینیانو\$ و %قیوموربه\$ و ساحل غربیده تاراهه، پرونله، غراوانه، فانغو و سائر نهرلر دخی ایکنجی درجه-ده-در.

هواسی موقعک ارتفاعه تابع اولوب، ساحلندن 600 متره ارتفاعه قدر اولان برلری صیجاقدر؛ و ساحل شرفیسند اولان بعض بطاقلر مستتتا اولدیگی حالده، بو طبقه-نک هواسی پک صاغلام اولوب، قاز و بوز بسبتون مجهولدر. 600دن 1800 متره ارتفاعه قدر اولان برلرده موسم اریعه حکملرینی تامیله اجرا ایدوب، اک مسکون برلری دخی بو طبقه-ده-در. 1800 متره-دن یوکسک اولان برلری یازین صوتوق و قیشین قار و بوزلرله مستور اولوب، قابل سکنی دکلدر. طوپراغی منبیت و هوانک اختلافی هر نوع محصولاتک یتیشمه-سنه مساعد ایسه-ده، اهالیسی تنبل و قناعتکار اولدقارندن، آنجق اراضیسنگ بر خمسی ایشلنمکده و اوچ خمسی چاللیق و اورمان حالنده بولنمقده-در. ایشلنیلن 80000 یکی دونمده اهالینک احتیاجنه کافی اوله-جق قدر بغدادی و مصر ایله

سائر ذخائر حاصل اولور. بو آطه-نك اك مبذول محصولی كستانه اولوب، هر يرنده زحمتسزجه و خدایی نابت اوله-رق يتيشن بو میوه-یی قوروده-رق و اوکوده-رك لذتلی و مغدی بر نوع اكمك ياپارلر، كه بو اكمكله قورو و یوان بر پینیر قورسیقه کویلیرینك مدار تعیشیدر. كستانه-دن صكره زيتون مبذول اولوب، جزیره-نك زيتونلقلری 10000 یکی دونمه بالغ اولور. جوز، بادم، طوت، انجیر، پورتقال، لیمون، الما، آرمود، عناب و سائر میوه-لری-ده چوقدر. صنعی چاپرلر سنه-ده سکز دفعه-یه قدر بیچیلیورسه-ده، مرعاری پك چوق اولدیغندن، اهالی بویله چاپرلر زرعه احتیاج کورمیور. بالعكس مرعالك استعدادینه كوره حیوانات يتيشدیرمكه دخی اوزنمیوب، اسکی طرز و اصولده سوریلرینی یازین مرتفع یرلره چیقاریر، و قیشین صیتمه-لی ساحلره ایندیره-رك، هم کندیلری هم حیوانلری تلف اولور. مرعاری 250000 یکی دونم وسعتنده اولوب، باشلیجه حیوانات اهلیه-سی 300000 قیون، 200000 كچی و 100000 طوموزدن عبارتدر. بیکیلری قوتلی ایسه-ده پك كوچك جئه-لیدر. بیرتیجی حیوانات وحشه-سی اولمیوب، یالكز تیلکی بولنیور. او حیوانلری ایسه چوقدر. درت و بعضاً آلتی بوینوزلی بر جنس یبانی قیون دخی واردر. باغلی 14000 یکی دونم وسعتنده ایسه-ده، شراب اعمالنده اهالینك مهارتی اولمیوب، یاپدقلری شرابلر. بحرأ نقل اولنمغه كلمز. آری قوغانلری پك چوق اولوب، خیلی مقدار بال و بال مومی چیقار. اورمانلری پك چوق اولوب، 130000 یکی دونمدن زیاده اورمانلق طاغلرنده كراسته-یه و سفائن اعمالنه مساعد اشجار مختلفه وار ایسه-ده، بونلردن دخی استفاده اولنه-میور. طاغلرنده دمیر، قورشون، كوش، باقیر، آنتیمون و سائر معادنله مرمر و سماقیلرك انواعی و پك ایی جنسلری موجود ایسه-ده، چیقاریلانلری آزدر. میاه معدنیه-سی چوق اولوب، متعدد قابلیجه-لری واردر. صنایع محلیه پك ایلری دكسله-ده، محصولات زرعیه و طبیعی محلیه-نك استحضارینه و احتیاجات محلیه-یه كوره خیلی صنعتلر دخی اهالی-یی اشغال ایتمكده-در. دمیرخانه، دباغخانه، حزار، دكرمن، یاغخانه، صابون، پینیر، عطریات، مقارنه، قبا چوخه و بز و سائره فابریقه-لری متعدددر. بالقجیلق و مرجان و صدف صیدی دخی اهالینك مدار تعیش و اشتغاللری جمله-سندندر. محلك صربلغی جهتیه طرق و معابری نقصان اولوب، یالكز بری ساحل شرقیسی بوینجه و دیکری مرکزی اولان آياچو اسكله-سندن اورته طرفنه طوغری ایکی دمیر یول خطی واردر. بو حال محصولات ارضیه-سنگ تكثر و رواجنه و تجارتنك ترقیسنه دخی مانع اولمقده-در. قورسیقه-لیلر اسکیدن بری اخلاق خصوصیه-لرینی محافظه ایده-رك، هنوز آوروپانك دائره مدینتندن خارج بولنمقده، و مع هذا او مدینتك رفقاسی حالنده بولنان سفاهت و سوء اخلاقدن دخی سالم اولوب، مهمانوازلق، عهد و فاء، ناموس، جسارت کیی فضائل ایله آوروپالیلردن آیریله-رق، آرنأدلره و عربلره بکزه-مكده-درلر. علی الخصوص اخذثار حسی کندیرلنده پك زیاده اولوب، (وندتا) تعبیر ایتدكلری قان دعالری یقین وقته كلنجه-یه قدر جزیره-ده هر کون تلفاتی موجب اولمقده بولنمش، و البوم تمامیله اوکی آله-مامشدر. اوته-دن بری ایتالیاده ساکن بولنمش اقوام احفادیله مملکنده حکم سورمش اجناس مختلفه اولادندن مرکب اولوب، غرب جنوبی جهتنده کیلرك طمارلرنده عرب قانی دخی بولندیغی نمایان اولمقده-در. شمال شرقی طرفنده-کیلر ایسه ایتالیانلره ده قریبدرلر. بر نوع غلط ایتالیانجه ایله متکلم اولدقلری حالده، بعضلری فرانسزلق ادعاسنده بولنمقده، و علی الخصوص شهر و قصبه و اسكله-لرده فرانسز لسانی دخی ترقی و تعمیم ایتمكده-در. معارف و هنوز پك کری اولوب، اهالینك نصفندن زیاده-سی اوقویوب یازمق بیلمز.

جزیره بر ایالت اتخاذ اولنوب، 5 قضایه منقسم و 62 ناحیه ایله 353 دائره-یی شاملدر. اعیان مجلسنه 2 اعضا مجلس عمومی-یه 2 مبعوث کوندرمك حقتی حائزدر.

قورسیقه جزیره-سی اسکی یونانیلر عندنده %کیرنوس\$ یاخود %قورنوس\$ و %تراینه\$ اسملریله معروف اولوب، اك اسکی اهالیسنگ اسپانیه و پورتکیز اهالی قدیمه-سیله همجنس اوله-رق (ایبر) قومنه منسوب بولنمش

اولدقلرى مزنوندر. ابتدا فنيكه-ليلىر و بعده %فوكيه-ليلىر يعنى از مير جوارنده-كى فوچه اهالى قديمه-سى بوجزيره-ده بر طاقم مهجرلر تاسيس ايتمش؛ و ميلاد عيسادن بش قرن اول قارتاجليلر جزيره-يى ضبط ايلمشلىدى. روماليلر قارتاجليلرله ايتدكلرى اوچ مشهور محاربه-نك برنجيسنده قورسيقه-يى ضبط ايتمشلىدى. بونلرك زمانده جزيره خيلى معمور اولوب، 33 قصبه-سى و 300000 اهالى وار ايدى. بعده روم ايمپراطورلغى زمانده مأمورينك ظلمندن و دها صكره (واندال)لرك تجاوزاتندن خرابه يوز طوتوب، عربلر آفريقا سواحليله سيجليه و اسپانيه-يى فتح ايتدكدن صكره، بو جزيره-يى كلياً فتح ايتمديلر سه-ده، ايكيدده برده سواحله ياشه-رق، نهب و غارت ايتمكدن خالى طورمقارندن، قورسيقه-ليلىر قرون وسطاده باش قالديره-مامشلىدى. اوندن صكره آروپانك هر طرفيله برابر سپاهيلك و تيمار اصولنه تابع اولوب، بر چوق دره بلكلرينه منقسم اولمشدى. 1347 تاريخ ميلاديسنده جنووه حكومتك ضبطنه كچوب، بونلرك ظلم و سؤ اداره-سنه قارشى اهالييسى دفعاتله قيام ايتمش ايسه-ده، 1768 تاريخنه-دك بو حال دوام ايدوب، تاريخ مذكوره جنووه حكومتي آطه-يى فرانسه-يه تركه مجبور اولمش؛ و 1794ده فرانسه اختلال كيبيرى اثناسنده انكليزلر طرفندن اشغال اولنش؛ و 1814 تاريخندن 1816 تاريخنه-دك قورسيقه-ليلىر بوربون خانداننه قارشى عصيانده بولنوب، بعده دائره اطاعته اعاده ايله، الى يومنا هذا فرانسه-نك تحت تابعيتنده بولنمقده-درلر. بيوك ناپوليون ايله رجانك چوغى قورسيقه-لى ايدى.

1-3722-5

قورشونجى زاده، احمد افندى

مشاهير خطاطيندن اولوب، استانبولده ايوب محله-سنددر. صو بولجى زاده-نك شاكردى اولوب، 1121ده وفات ايتمشدر. ايوب جامع شريفنده بولنان مصحف شريف استادى طرفندن حلول موتيله نا تمام براغيله-رق، صاحب ترجمه طرفندن اتمام اولمشدر.

1-3723-5

قورشونلى

1#

صربيه-نك يليبازار و آرنؤدلق حدودى قرينده نيشك غرب و لسقواچك غرب شمالى جهتنده موراوه-يه تابع %طوبليجه\$ نهري واديلرنده بر ناحيه و مركزى اولان بيوك بر قريه اولوب، اهالييسى كاملاً آرنؤد و مسلم و جسارتلريله مشهور اولدقلرى حالده، برلين قونغر-سى طرفندن صربيه-يه ترك اولنه-رق، اهالييسى آرنؤدلغه هجرت ايتمشلىدى.

2-3723-5

قورغوس

آطنه ولایتتک ایچ ایل سناغی ساحلنده و کوکسویک منصبی قربنده بر قلعه خرابه-سی اولوب، %قوریقوس\$ شهر قدیمک ویرانه-لریله محاطدر. بو شهر ازمنه قدیمه-ده پرلره مخصوص عد اولنان غریب بر مغاره-سیله مشهور و اهل صلیب محارباتی زماننده دخی لیمانک صاغلاملغیله معروف ایدی.

3-3723-5

قورقه

یاخود قورفو ویا قورفوز #1 آرنأدلق ساحلی قارشیسنده یونان دولتنه تابع بیوجک بر آطه اولوب، جزایر سبعة-نک اک بیوکلرندن بری و جمله-نک اک شمالیسی اولدیغی حالده، اوترانتته بوغازینک خارجنده و ایتالیا ساحلندن 100 و آرنأدلق ساحلندن اک یقین محله 4 و اک اوزاغنده 12 کیلومتره-لك مسافه-ده واقعدر. شمالدن جنوب شرقی-یه ممتد اوزون بر آطه اولوب، بوی 70 کیلومتره-در. پک طار اولوب، یالکز منتهای شمالیسنده بر درجه-یه قدر کسب وسعت ایدیور. اراضیسی عارضه-لی و طاغلق اولوب، شمال غریبی جهتنده بولنان و اک مرتفع نقطه-سی اولان %پاندو قراتور\$ طاغنک 908 متره ارتفاعی واردر. همان هر طرفی باغلرله و زیتون، پورتقال، لیمون آغاجلریله مستور اولوب، شایان تصویر مواقعی واردر. دره-لری چوق اولوب، هر نه قدر اکثری یازین قورورسه-ده، طوپراغی منبیت اولوب، کوزل دخی ایشلندیکندن، مذکور میوه-لردن بشقه خیلی مقدار بغدای دخی حاصل اولور. مرمر اوجاقلری و جنسی عادی کمور معدنی واردر. هواسی یازین صیجاچه ایسه-ده، قیشین پک ملایم و صاغلام اولوب، شباط آیندن اورته-لق زمردآسا اولور، و چیچکلرک قوقوسی اورته-لغه فوق العاده بر لطافت ویرر. اهالیسی 72000 کشی راده-لرنده اولوب، اساسی روم ایسه-لرده، سویلدکلری لسان ایتالیانجه ایله قاریشیق اولوب، صرف ایتالیانجه سویلینلری-ده واردر، و اخلاق و عاداتجه یونانیلردن زیاده ایتالیانلره مشابهتلی واردر. مرکزی همنامی اولان شهر اولوب، دیکر قصبه-سی یوقدر. قورقه جزیره-سی بر عصردن زیاده زمان ناپولی قرالغنک تحت حکمنده بولندقدن صکره، 1386 تاریخنده وندیك حکومتنه تسلیم اولنمش؛ 1797ده فرانسه طرفندن ضبط اولنمش؛ 1814ده برنجی ناپولیونک اسقاطنده انکلتره-نک تحت حمایه-سنه کیروب، 1863ده دولت مشار ایها طرفندن جزایر سبعة-نک دیکرلریله برابر یونانه ترک اولنمشدر. الیوم 3 قضایه منقسم اولوب، پاقسوس و لوقاده جزیره-لریله برابر 5 قضادن مرکب بر ایالت تشکیل ایدیور، که مساحه سطحیه-سی 1092 مربع کیلومتره اولوب، 114535 اهالیسی واردر.

4-3723-5

قورقه

و رومجه کرکیرا #1 همنامی اولان جزیره-نک ساحل شرقیسنک و سطلرنده ایالت مرکزی بر شهر اولوب، 25000 اهالیسی، قراله مخصوص سرایی، قلعه-سی، اسپیناده اسمنده کوزل بر میدانی، کوزل پورتقال و لیمون باغچه-لری، قیشین پک لطیف هواسی، صاغلام و سربست لیمانی و ایشلک تجارتي واردر.

5-3723-5

قورق

1#

ايرلانده-نك مونستر ايالتنده و دولينك 265 كيلومتره جنوب غربيسنده اوله-رق، %لى\$ نهرينك منصبنده و همنامى اولان خليجك ايچنده قونتلق يعنى سنجاق مركزى بر شهر اولوب، 78640 و جوارلريله برابر 100520 اهاليسى، كوزل ليامانى، پك ايشلك تجارتي، سفائن اعمالنه مخصوص حوض و دستكاهلرى، يوك منسوجات، بز، كاغد، جام، و سائره فابريقه-لرى، داخلى مكتب اعداديسى، متعدد جمعيات و مؤسسات عاليه و خيريه-سى و نهرك اوزرنده بر قاچ كوپريسى واردر.
*- سنجاغنك مساحه سطحه-سى 7472 مربع كيلومتره و اهاليسى 517070 كشيدير.

1-3724-5

قورقود

سلطان بايزيد خان ثانى حضرتلرينك ايكنجى اوغلى اولوب، پدرلرينك حياتنده تكه متصرفى ايكن، بلا اذن مصره قاچوب، ينه انطاليه-يه عودت ايتمشدى. كندندن سنا كوچك اولان ياوز سلطان سليم خانك جلوسنده طريق مخالفتده بولنمغله، 919 تاريخنده اكبر اولاد بايزيد خان اولان شهزاده احمده قارشى عسكر سوق اولنه-رق، بروسه-ده بولنديغى صره-ده اله كچيريله-رك، فرمان سلطان سليم خانى ايله شهيد اولمشدر. پك عالم و معارفپورور بر شهزاده ايدى.

2-3724-5

قورقووادو

1#

آمريقاي جنوبيده شيلي ايله آرجنتين دولتلى آره-سنده %اند\$ سلسله جبالى اوزرنده بر ينار طاغ اولوب، 16' 43° عرض جنوبيده واقعدر. ارتفاعى 2300 متره اولوب، دكيزدن كوزيكور.

3-3724-5

قوركيهره

1#

قورفه جزيره-سنگ اسم قديميدر. [(قورفه)] ماده-سنه مراجعت بيوريله.

روسیه-نک شمال غربیسنده بالطبق ممالکندن بر خطه و ایالت اولوب، $40^{\circ} 55'$ ایله $57^{\circ} 45'$ عرض شمالی و $45^{\circ} 18'$ ایله $10^{\circ} 25'$ طول شرقی آرہ-لرنده ممتد اولدیغی حالده، غرباً و شمال غربی طرفندن بالطبق دکیزیله، شمال شرقی جهتندن ریغا کورفزیه و لیوونیه و ویٹپسه ایالتزیه، جنوباً دخی قوونو ایالتیه محاط و محدوددر. اوزون بر مثلث شکلنده اولوب، مساحه سطحیه-سی 27286 مربع کیلومتره و اهالیسی 682792 کشیدر. اراضیسی آز متموج اولوب، حذای بحردن 150 و نهایت 200 متره ارتفاعی اولان بعضی آچق تپه و صرتلری واردر. شمال غربی جهتده-کی شبه جزیره-سی دها آچق اولوب، بطاقلق و اورمانلق بر اووه-دن عبارتدر. اک بیوک نهری شمال شرقی حدودینی آیران %10 دوینه\$ اولوب، ایکنجی درحه-ده بونک غرب جهتده ینه جنوب شرقیدن شمال غربی-یه طوغری آقان %11 و بسیتون قسم غربیسنده ینه بو استقامتده جریان ایدن %وینداؤ\$ نه رلریدر. ایلك ایکیسی ریغا کورفزیه و اوچنجیسی طوغریدن بالطبق دکیزیله دوکیلور. حدودینک بر ربعی سواحلدن عبارت ایسه-ده، بوندن چوق استفاده ایده-میور؛ چونکه دکیز پک سرت و مخاطره-لی اولدیغی حالده، لیمانلری پک آزدر. ریغا کورفزیه-کی 100 کیلومتره-ک ساحلده یالکز بر، و 240 کیلومتره طولنده اولان بالطبق سواحلنده دخی وینداؤ، لیباؤ و پولانکن اسملریله یالکز اوچ لیمانی واردر. سواحلک اکثر طرفلری صیغ و قوملق سدلرله مسدوددر. کوللری پک چوق اولوب، 300 عددینه بالغ اولورسه-ده، جمله-سی کوچک اولوب، اکثرینک کوچک انهار صورتنده آیقلری واردر؛ و بر طاقملری سواحلده اولوب، دکیزدن آچق قوم سدلریله آیرلمشدر. بطاقلق-ده چوق اولوب، بو صوک زمانلرده بونلری قورومتغہ سعی اولنمقده-در. هواسی عمومیت اوزره معتدل و صاغلام ایسه-ده، علی الخصوص ایلك و صوک بهارده پک رطوبتلی و سیسلیدر. یازین حرارت نهایت 22 درجه-یه قدر چیقار. و قیشین تحت الصفر 12 درکه-یه قدر اینر. قیشلری اوزون اولوب، ایلولده باشلار، و نیسانده ختام بولور. فرطونه-لری چوقدر، اکثریا شمال و غرب روزکارلری اسر. طوپراغی اولدقجه منبت ایسه-ده، اراضیسنک یالکز یوزده 22 سی مزروع اولوب، باشلیجه چاودار، یولاف، آرپه، نخود و بر الماسیله بر مقدار کتن، کنویر و توتون حاصل اولور. مملکتک نصفندن زیاده-سی و علی الخصوص قورودیلان کول و بطاقلق-لر یرلری چایرلق اولوب، حیوانات اهلیه یئتیشدیرمکه چوق سعی اولنیور؛ و هر نه قدر جنسلری کوچک ایسه-ده، مقدارلری چوق اولوب، صیغیر و قیونلری یاریمشر ملیوندن زیاده و آتلری ایکیوز بیکه قریبدر. حیوانات وحشیه-سی-ده باشلیجه قورت، طوموز و بر نوع صیغیندن عبارتدر. اورمانلری اراضی عمومیه-سنک بر خمسنی ضبط ایدوب، شمال جهتده قیشین یاپراقلرینی محافظه ایدن چام و امثالندن و جنوب جهتده قیشین یاپراقلرینی دوشورن میشه کورکن، سکود و سائره-دن عبارت اولمغله، بر مدتدن بری بونلردن قطع اولنان کراسته-دن خیلی استفاده اولنمقده-در. کرک سواحلنده و کرک انهارنده بالیقلری چوق اولوب، صید ماهی دخی اهالینک مدار تعیشلری اولان مشاغل جمله-سندندر. صنایعی هنوز کری اولوب، یالکز احتیاجات محلیه-یه کوره-در. حیوباتدن اسپرتو و بیره ایله طوغوله و کره-میت فابریقه-لری و دباغخانه-لری واردر. تجارتی دخی کری اولوب، باشلیجه اسکله-لرینی روسیه-نک ایچ طرفلرینه ربط ایدر. بر ایکی دمیر یول خطی وار ایسه-ده، بونلرک عدم کفایتی و علی الخصوص لیمانلرینک قیشین طوکمیسی تجارتک ترقیسنه مانع اولیور. اسمی ((قور مملکتی)) دیمک اولوب، اهالی اصلیه-سی اولان (قور)لر تاتار زمره-سنه منسوب (فینوا) جنسندن ایدیلرسه-ده،

شمديكى حالده بونلردن اثر اولمىوب، اهالى اصليه اسلاو جنسيتنه منسوب (ليتوانيان) قومندردلر. آلمان، لهلى، روس، يهودى و سائره-دن دخى بر چوق اهاليسى وارد. شهر و قصبه-لر ينيك باشليجه اهاليسى اولان آلمانلر ك همتيله معارفى روسيه-نك سائر طرفلردن زياده منتشردر. بو خطه لهستانه تابع بر دوقه-لق ايكن، 1794ده كندى اختيارلريله روسيه-يه التحاق ايتمشلردر. ايالت 10 قضايه منقسم اولوب، مركزى %ميتاؤ\$در. 11 شهر، 13 قصبه 370 قريه و 162 چقتلكى حاويدر.

1-3725-5

قورله

چينه تابع تركستان شرقيده و كاشغرك 50 كيلومتره جنوب غربيسنده اوله-رق %قوروق طاغ\$ك بر بوغازى قرينده و %تونج دريا\$ دينلن نهر ك اوزرنده قضا مركزى بر قصبه اولوب، 6000 اهاليسى، سوري، طرفيني دكانلر و خانلرله مزين كنيش بر جاده-سى، اهميت عسكريه و تجاربه-سى و قرينده بر قلعه-سى وارد. قضااسنده كلينتى پرنج و بغداديله قاؤن و سائر ميوه-لر حاصل اولور.

2-3725-5

قورلئونه

1#

سيچليه-نك پالرمو ايالتنده و پالرمونك 43 كيلومتره جنوبده قضا مركزى بر قصبه اولوب، 16000 اهاليسى و ذى قيمت آتارى حاوى بر كليساسى وارد.

3-3725-5

قورنتو

1#

ايتالياده روما ايالتنك %چيوپته و كيا\$ قضااسنده و چيوپته و كيآنك 19 كيلومتره شمالنده بر قصبه اولوب، يازين 4550 و قيشين چوق زياده اهاليسى و اطرافنده اتروسقلر ك آثارندن يك قديم بر طاقم مزار و سائر آثار عتيقه-سى وارد.

4-3725-5

قورننه

1#

یونانده موره شبه جزیره-سنگ %قورنتیا مع آرغولیده\$ ایالتنده و آتته-نک 80 کیلومتره غربنده اوله-رق همنامی اولان برزخ و کورفک قربنده و ساحلدن یاریم ساعتلق ایچریده قضا مرکزی بر قصبه اولوب، 15450 اهالیسی واردر. قدیماً مشهور اولان اسکی قورنته شهری شمدیکی قصبه-نک 7 کیلومتره شمال شرقیسنده اولوب، الیوم بعض خرابه-لری موجوددر. *- اسکی قورنته شهری ملحقاتیله برابر آیریجه بر حکومت تشکیل ایدوب، مدنیت و قوه بریه و بحریه-ده خیلی ایلیلمش، و بر چوق مهجرلر دخی ایدنمش ایدی. حتی فن معماریده الیوم (قورنته اصولی) نامیله معروف بر اصول مخصوصه-سی وار ایدی. بو شهر میلاد عسادن 7900 سنه اول بنا اولنمشدی.

5-3725-5

قورنته برزخی

1#

یونانده نفس یونانله موره شبه جزیره-سی و قورنته ایله اکینه کورفلری آره-سنده بر برزخ اولوب، اخیراً حفر اولنمغله، جدول حالنه کیرمش، و بو جدول موره-یی نفس یونانندن آیره-رق، مذکور ایکی کورفزی و یونان ایله آطه-لر دکیزینی بربرینه ربط ایتمشدر. برزخ شرق شمالیدن غرب جنوبی-یه طوغری ممتد اولوب، بویی 40 و اک طار محلنده اکی 5 کیلومتره-در. اصل برزخک شمال شرقیسنده کنیش بر برزخ بولنوب، اوراسی طاغلق اولمغله، حذای بحردن 550 متره-یه قدر ارتفاعی وار ایسه-ده، اصل برزخده ارتفاع 24 متره-یه قدر اینر. بو برزخک کشادینه اسکیدن بری دفعاتله تشبث اولنمش ایکن، مظهر بدایع اولان عصرمزده موقع فعله وضعی ممکن اوله-بیلمشدر.

6-3725-5

قورنته کورفزی

[[لپانته کورفزی]] ماده-سنده مراجعت.]

7-3725-5

قورنته مع آرغولیده

[[آرغولیده]] ماده-سنه مراجعت بیوریله.]

1-3726-5

قورنلیوس

1#

بو اسمله روما مشاهیرندن ایکی ذات اولوب، بری (قورلنیوس نیوس) مورخ و دیکری (قورنلیوس سوروس) شاعر ایدی. برنجیسی میلاد عیسادن اول کی قرنده یاشامش، و تاریخه متعلق بر چوق آثار معتبره بر اقمش ایسه-ده، یالکز بر تراجم احوال کتابی ویا اونک مختصری باقیدر. *- آلمانیه-ده دخی بو اسمله بر مشهور رسام کلوب، 1787ده %دوسلدورف\$ده طوغمش، و 1867ده وفات ایتمشدر.

2-3726-5

قورنلیه

1#

اسکی روماده حسن اخلاقیه و اولادینه ویردیکی تربیه ایله اشتهار ایتمش بر قادین اولوب، آفریقا فاتحی (اسکیپیون)ک قیزی و (سمپرونیوس قراقوس)ک زوجه-سی ایدی. کنج ایکن طول قالب، اولادینک تربیه-سنه حصر عمر ایتمش؛ و مصر حکمدار لرندن بطلمیوس فیسقون کندیسنه طالب اولدیغی حالده، کندی تعبیرنجه بر رومالینک طولی اولمغی بیانجی بر حکمدارک زوجه-سی اولمغه ترجیح ایده-رک تکلیفنی رد ایلمش ایدی. مرویدر که زنکین بر قادین کندیسنه مجوهرات و زینتلرینی اوزون اوزادییه کوستردکن صکره، ((هانی سنک کلیر؟)) دینجه، صاحبه ترجمه اوغلرینی کتیرته-رک: ((ایشته بنم زینتلم!)) دیمش. حال حیاتنده رومالیلر کندیسنه تونجدن بر هیکل رکز ایتمشلردی.

3-3726-5

قورنوال

و فرانسزجه قورنوالی #1 انکلتره-نک منتهای غرب جنوبیسنده-کی شبه جزیره-نک اوجندن عبارت بر قونتلوق یعنی ایالت اولوب، یالکز شرقاً %دوون\$ ایالتیه و سائر طرفلردن دکیزله محدوددر. مذکور ایالتدن اکثر مسافه-ده %تامار\$ نهریله آیرلمشدر. مساحه سطحیه-سی 3584 مربع کیلومتره اولوب، 362340 اهالی ایله مسکوندر. سواحلی پک کیرنتیلی چیقتیلی اولوب، قوی و لیمانلری چوقدر. اراضیسی پک عارضه-لی و چپلاق اولوب، باقیر و قلاهی ایله سائر معادنی چوقدر. بو معدنلرده چالیشان عمله 30000دن زیاده-در. اک برنجی محصولی پتاته-در. سواحنده بالیغی چوقدر. ایالت 9 قضایه منقسم اولوب، مرکزی %بودمین\$در.

4-3726-5

قورنه

عراق عربده بصره ولایت و سنجاغنده و بصره-نك 75 كيلومتره شمال غربیسنده اوله-رق دجله ایله فراتك محل تلاقیسنده و بو تلاقیدن حاصل اولان شط العربك باشنده قضا مركزی بر قصبه اولوب، آنجق 1500 قدر اهالیسی، بر جامع شریفی، بر مکتبی، بر متروك حمامی و 20 قدر دكاندن عبارت سونوك بر چارشیبی واردر. مذکور ایکی عظیم نهرک محل اجتماعنده و پك دلنشین و مهم بر نقطه-ده واقع اولمغله، بو ایکی نهرده سیر سفائنك انتظامی حالنده، بیوک و تجار-تکاه بر شهر اولمسی اقتضا ایدن قورنه فراتده سیر سفائنك متروك اولمسنه، و اهالیسنك منتفك عشیرتنه منسوب بر طاقم بدویلردن مرکب بولنمسنه بناء، بوندن آلتمش یتمش سنه اول-کی اهمیتی دخی غائب ایدوب، اکثر خانه-لری قامش و چاموردن معمول عادی بر کوی حالنده قالمشدر. *-
قضاسی 4 ناحیه و 22 قریه-یی حاوی اولوب، اکثر اهالیسی بدویدر. طبیعت اراضی و محصولاتجه بصره سنجاغنه تابع اولمغله، ((بصره)) ماده-سنه مراجعت اولنمق اقتضا ایدر.

5-3726-5

قورنی

پیر#1 فرانسه-نك اك بیوک هائله-نویس شاعری اولوب، 1606 تاریخند %روئن\$ده طوغمش، و 1684ده وفات ایتمشدر. ابتدا علم حقوقه سلوک ایدوب، بعده شاعرلکه میل ایتمش؛ و اك اول بر طاقم مضحکه-لر یازوب، کسب شهرت ایتمش ایسه-ده، صکره هائله-لر یازمغه باشلابوب، بو سلکده کیمسه طرفندن تقلید اولنه-میة-جق صورته ابراز مهارت ایتمشدر. بر چوق هائله و مضحکه-لریله سائر اشعاری واردر. *- برادری (توماس قورنی) دخی بو مسلکه سلوكله، بر قاچ هائله و سائر تیاترو رساله-سی یازدقن بشقه، بر جغرافیا و تاریخ لغتیه آقادیانك لغتنه ده بر ذیل یازمشدر. آقادیما اعضالغنده برادرینه خلف اولمشدی. 1625ده طوغوب، 1709ده وفات ایتمشدر. *-
بو اسمله اون یدنجی قرن میلادیده فرانسه-ده بابا اوغل اوچ مشهور رسام دخی کلمشدر.

6-3726-5

قورنی

سنت *- #1 بو اسمله خرسیتیانلرک ایکی عزیزلری واردر: برنجیبی رومالی اولوب، شامک قیساریه قصبه-سنده 40 تاریخ میلادیسنده خرسیتیانلغی قبول ایتمشدی. شباطک 2سنده یورطیبی اجرا اولنور. *- ایکنجیبی 250 تاریخ میلادیسنده پاپا انتخاب اولنوب، بر سنه ایله اوچ آی پاپالق ایتمکدن صکره، ایمپراطور غالوس طرفندن %چیویته و کیا\$یه نفی اولنه-رق، اوراده وفات ایتمشدر. ایلولک 16سنده یورطیبی اجرا اولنور.

1-3727-5

قورینچه

1#

آوستریا و مجارستان دولتنه تابع خرواتستان مع اسلاوونیه ایالتنك %زوالیه\$ قضاسنده و زوالیه-نك 11
کیلومتره جنوب غربیسنده بر قصبه اولوب، 8000 اهالیسی واردر.

2-3727-5

قورو

1#

آمریقای جنوبیه ونزوئلا جمهوریتنده و %قاراقاس\$ك 400 کیلومتره قدر غرب شمالیسنده و همنامی اولان
کورفز ساحلندن 2 کیلومتره-لك مسافه-ده واقع %فالقون\$ ایالتنك مرکزی بر قصبه اولوب، 8170 اهالیسی و
مذکور کورفزه اولدقجه ایشلك اسکله-سی واردر.

3-3727-5

قورو

1#

آمریقای جنوبیه فرانسه-یه تابع غویانه مهجرینك وسطلرنده بر ایرماقدر.

4-3727-5

قوروتویاق

1#

روسیه-نك %وورونژ\$ ایالتنده و %وورونژ\$ك 87 کیلومتره جنوبنده و %دون\$ ایرماغنك ساحلنده اوله-رق
همنامی اولان چایك ملتقاسنده واقع قضا مرکزی بر قصبه اولوب، 8620 اهالیسی واردر.

5-3727-5

قوروچه

1#

روسیه-نك %قورسق\$ 4 ایالتنده و قورسقك 156 کیلومتره جنوب شرقیسنده قضا مرکزی بر قصبه اولوب،
6565 اهالیسی و مشهور بالی واردر.

6-3727-5

قوروزال

1#

آمریقای جنوبیبه قولومبیا حکومتنک بولیوار ایالتنده و قارتاجنه-نک 150 کیلومتره جنوب شرقیسنده و مرعالق واسع بر اووه-ده بر قصبه اولوب، 7000 اهالیسی و بز فابریقه-لری واردر. *- آمریقای وسطینک انکلتراهیه تابع %هوندوراس\$ مملکتنک قسم شمالیسنده و %ریوهوندو\$ ایله %توریور\$ آره-سنده دخی بو اسمله یکی بر قصبه اولوب، 5000 اهالیسی واردر.

7-3727-5

قوروسیوو

1#

بر بیوک آفتنیدر، که چین دکیزنده چین سواحلیله فیلیپینه جزایری آره-سنده تحصیل ایدوب، شماله و بعده شمال شرقیه طوغری جریانله، جاپونیه سواحل شرقیه-سنی یالادقن صکره، بحر محیط معتدلک ایچنده شرقه طوغری کیده-رک، آمریقای شمالی سواحلنده ایکی قوله انقسامله، بری شماله و دیگرى جنوبه طوغری کیدر. یزین جنوب غربی جهتندن اسن موسم روز کارینک یاردیميله سرعتی زیاده اولوب، کونده 55دن 75 کیلومتره-یه قدر و بعض محللرده ساعتده 7 کیلومتره قطع ایدر. قیشین ایسه شمال شرقی جهتندن اسن روزکار سرعتنی آزالدیر. کنیشلکی 75 کیلومتره و درینلکی 900 متره قدر اولوب، خط استوا قریبندن بدأ ایتمکله، صویى آدیغی دکیزلرک صویندن اوچ درت و شمالدن کلن دیگر آفتنیلردن سکز اون درجه صیجاقدر؛ و اکثریا 23 ایله 27 درجه آره-لرنده-در. یازین بو آفتنیدن بر قول آیریلوب، جاپونیه ایله قوره آره-سنده اوخوجق دکیزینه و قامچاتقه شبه جزیره-سنه طوغری چیقیورسه-ده، بوکا قارشى شمالدن دخی %اویه سیوو\$ اسميله صوئوق بر آفتنی ایندیکندن، سواحل مذکوره-نک هواسنه قورو سیوونک تأثیرى اولمیور. رنکی قویو اولوب، بحر محیطک صولردن فرق اولندیغندن، جاپونیه-لیلر ((سیاه آفتنی)) دیمک اولان بو اسمله تسمیه اولنمشدر.

8-3727-5

قوروق طاغ

چینه تابع ترکستان شرقیده بر سلسله جبالدر، که %تیان شان\$ سلسله عظیمه-سنه متوازیاً 15' 48° دن 93° طول شرقی-یه-دک غربدن شرقه طوغری و باغراج کولنک جنوبنده ممتد اولور.

9-3727-5

قوروقورو

1#

آمریقای جنوبیده %بولیویه\$ حکومتنك %پاز\$ ایالتنده و پازك 100 کیلومتره قدر جنوب غربیسنده و %تیتیاقه\$ کولنك جنوبنده بر قصبه اولوب، 12000 اهالیسی و باقیر و کموش معدنلری واردر.

1-3728-5

قوروماندل

1#

هندستانك قسم جنوبیسندن عبارت اولان دكن مملكتنك ساحل شرقیسنه آوروپالیلرك ویردكلری اسمدر.

2-3728-5

قورون

یاخود قرون 1# یونانده مورهنك مسینیا ایالتنده و همنامی اولان کورفرك مدخلنك غرب جهتنده اوله-رق قالاته-نك 20 کیلومتره جنوب غربیسنده و مدونك 20 کیلومتره شرقنده بر قصبه اولوب، شمدیکی حالده 1955 اهالیسی وار ایسه-ده، اداره عثمانیه زماننده كرك بونك و كرك مدونك اهمیتی زیاده ایدی.

3-3728-5

قورون

1#

مجارستان قرالردن اولوب، ژان هونیادك اوغلیدر. 1458 تاریخنده، 15 یاشنده ایکن، تخته کچوب، 1490ده وفات ایتمشدر. جسور و معارفیرور اولوب، آوستریا، چهستان، لهستان، ترانسیلوانیه، افلاق و بغداد ایله مخاصماتده بولندیگی حالده، جمله-سنه مقاومت ایتمش؛ و عثمانیلره قارشى طیانہ-بیلمش ایدی. بر طاقم قوانین وضع، و آلمانیه، فرانسه و ایتالیادن معلمر جلب ایله، بوده-ده بر دار الفنون و سائر مکاتب و بر کتبخانه ایله رصدخانه تأسیس، و اصول طباعتی مملکتته ادخال ایتمشدی.

4-3728-5

قورونیه

1#

اسپانیہ-نک غالیچہ خطہ-سندھ و مادریڈ 608 کیلومترہ غرب شمالیسنده بر قویک ایچنده واقع ایالت مرکزی بر شهر و اسکله اولوب، 30000 اھالیسی، استحکاماتی، قشلہ-لری، بیوک بر توتون و برده جام فابریقه-سی، ایشلک لیمانی و جوارنده فنار قله-سی اتخاذ اولنان پک قدیم بر قله-سی وارد.

-* - قورونیه ایالتی غالیچہ خطہ-سندھ منقسم اولدیغی درت ایالتک بری و اک شمال غربیسی اولوب، اسپانیہ و پورتکیز شبه جزیره-سندھ او جهنده-کی کوشه-سندن عبارتدر. غرباً و شمالاً بحر محیط آطلاسی ایله، شرقاً لوغو، جنوباً دخی پونتودره ایالتلریله محاط و محدود اولوب، °43 عرض شمالی و 11 طول غربی خطلری ایالتک ایچنده تقاطع ایدیور. مساحه سطحیه-سی 7903 مربع کیلومتره اولوب، 613881 اھالیسی وارد. مرکزی همنامی اولان شهر اولوب، ایالت 14 قضا و 97 ناحیه-یه منقسمدر. اراضیسی طاغلق و سواحلی پک کیرننیللی چیقنتیلی اولوب، قوی و برونلری چوقدر. میاه جاریه-سی چوق ایسه-ده، چوغی قیصه چاپلردن عبارت اولوب، اک بیوکلری اورته-سندن جریانله ساحل غربیسندن منصب اولان %تامیره\$، حدود جنوبیه-سنی ایران %اولا\$ و قسم شمالیسنده آقان %اون\$ نهرلریدر. هواسی صوتوقجه و رطوبتلی اولوب، یاغمورلری چوقدر. طوپراغی پک منبیت دکلسه-ده، اورمان و چاپرلریله اراضی مزروعہ-سندھ اختلاطندن پک نظرده پک کوزل کورینور. مع هذا اراضی چفتجیلرک مالی اولمغله، زراعتہ اهمیت ویریلوب، اھالیسی پک صیق اولمغله برابر، احتیاجات محلیه-دن فضلہ ذخایر حاصل اولوب، بر مقداری اخراج اولنور. حیوانات اھلیه-سی چوق اولوب، باشلیجه انکترہ-یه کلینتله اخراج اولنور. معادنی پک چوق ایسه-ده، چیقاریلانلری پک آزدر. صنایعی هنوز کری ایسه-ده، ینه بر خیلی فابریقه-لری وارد. اسکله-لری چوق اولمغله، تجارتی ایشلک ایسه-ده، دھا زیاده ترقی ایتمسی ایجری-یه طوغری دمیر یوللرک تکثرینه منوطدر.

5-3728-5

قوروو

1#

آسور جزایرینک اک کوچکی و اک شمال غربیسی اولوب، فلورس جزیره-سندن 17½ کیلومتره اکنده بر بوغازله آیرلمشدر. اورته-سی °42' 39 عرض شمالی ایله °27' 33 طول غربیده واقعدر. شمالدن جنوبه بوی 6½ و اکی 4 کیلومتره-در. اھالیسی 1000 کثی قدر اولوب، زراعت و حیواناتله مشغولدرلر.

6-3728-5

قوروی

1#

پروسیه-نک وستفالیه خطہ-سندھ و %میندن\$ک 65 کیلومتره جنوب شرقیسنده و %وسر\$ نهری اوزرنده بر قصبه اولوب، 6000 اھالیسی وارد.

آسیانک منتهای شرقده چین دولتک مانچوریه قطع-سنه مربوط و رسماً چین دولته تابع بیوک بر شبه جزیره اولوب، حقیقتده مستقل اولوب، بر دولتدر.

حدود و مساحه-سی. -* - قوره شمالدن جنوبه ممتد شبه جزیره اولوب، شرقاً چابون دکیزیله، جنوباً چین دکیزیله، غرباً صاری دکیزله و پجیلی کورفزیله، شمالاً مانچوریه-نک % لائوتونگ\$ و % ژیرنیغ\$ ایالتزیه، منتهای شمال شرقیسنده

برآز یرده دخی روسیه-نک ساحل ایالتیه محاط و محدوددر. حدود شمالیه-سی قسم اعظمده ایکی نهرک مجرالندن عبارت اولوب، بو ایکی نهر بر طاغک ایکی مائله-سندن نبعانله، بری % تومان کانغ\$ شرق شمالیه و دیگر % یالوکانغ\$ غرب جنوبیه طوغری آقار. بو وجهله هر طرفدن حدود طبیعیله ایلرلمشدر. '20° 34° ایله '30° 42° عرض شمالی و '15° 122° ایله '14° 127° طول شرقی آرهلرنده ممتد اولوب، طولی 900 و عرض وسطیسی 220 کیلومتره-در. مساحه سطحیه-سی 218650 مربع کیلومتره اولوب، 10518937 اهالیسی واردر.

حال طبیعیسی، جبال و انهاری. -* - اراضیسی طاغلق و پک عارضه-لی اولوب، هیچ اووه-سی یوقدر، و یالکز طاغلی آرهلر-سندده آز چوق کنیش وادی و بایرلری واردر. اک بیوک طاغلی حدود شمالیه-سی قریبنده اولوب، اوراده-کی سلسله-نک اک یوکسک محلی اولان % پایق توسان\$ طاغندن بر سلسله آیریلوب، ساحل شرقیسی قریبنده جزیره-نک بوینجه جنوبه طوغری اوزانیر، و سواحل غربیه-سنه طوغری بر چوق قوللر اوزادیر. بو سلسله-نک اک یوکسک محلی پایتختدن کچن % هانغ کانغ\$ نهرینک نبعان ایندیکی محلدر. سلسله مذکوره-نک غربی مائله-سندن ده بر چوق انهار نبعان ایدوب، شبه جزیره-نک غربی سواحلنده-کی قویله دوکیلور. شرقی مائله-سی ایسه پک دیک و آز مسافه-لی اولدیغندن، او جهتده جریان ایدن صولر سیل حالنده قیصه انهاردن عبارتدر. سواحل غربیه و جنوبیه-سی پک کیرینتیلی چیقنتیلی اولوب، قویلیله برونلری و قارشیلرنده کوچک آله-لری پک چوقدر. سواحل شرقیه-سی ایسه ده دوز اولوب، اورته-سندده قوره کورفزی دینلن کنیش و آچیق بر کورفز و بونک اورته-سندده روسلرک % لازارف\$ تسمیه ایتدکلری بر لیمان واردر. جزایرینک اک بیوکی منتهای شمالیسی قارشیسندده و آچیلرده بولنان % قالبائرت\$ آله-سیدر. مرتفع و طاغلق بر جزیره-در.

اقلیم و هواسی، محصولات و حیواناتی. -* - قوره-نک هواسی عرضنک اقتضاسنده زیاده صوتوق اولوب، شمال جهتده-کی طاغلق محللرنده برودت پک شدتلی و قار و بوزلر کثرتلی اولدقدن بشقه، منتهای جنوب شرقیسنده و ساحل قریبنده دخی مایس آینه قار کولمشدر. سنه-نک یاریسی جنوب غربی و یاریسی شمال شرقی روزکاری اسوب، بو ایکنجی روزکار دوندیکی وقت یعنی آغستوس ایله ایلوک ایتدالرنده پک چوق یاغور یاغار، و شدتلی فرطونه-لر اولور. شمال شرقی جهتی غیر منبت ایسه-ده، سائر طرفلرنده طوپراغی خیلی منبت اولوب، کلیتلی بغدای، پرنج، کنویر، پاموق، توتون و میه و سبزه-لرک انواعی حاصل اولور. طوت آغاجلری-ده چوق اولوب، ایپک چیقار. بر آغاجدن تحتله-لره آلتون جلا و رنکی ویرر بر نوع ورنیک چیقار. پک مقوی عد اولنان بر کوک آغرلی نسبتنده آلتونله ساتیلیر. طاغلرنده آلتون، کومش و دمیر معدنلری بولنور. حیوانات اهلیه-سی بیکیر، صیغیر، طوموز، کچی، کویک، کدی و طیور بیتیه-نک انواعندن عبارت اولوب، بیکیرلری کوچک ایسه-ده

قولیلدر. اورمانلرده صیغین، طوموز، آبی، کوچک بر جنس قاپلان و کوچک او حیوانلریله زهرلی بیلانلر و بعض انهارنده (آلیغاتور) دینلان تماش جنسی وارد.

اهالیسی، جنسیت و لسان و مذهبلری. -*- قوره حقتده هنوز تحقیقات مکمله اجرا اولنماش ایسه-ده، اهالیسی ایکی جنسیتده و حتی ایکی عرقه منسوب بولندیغی آکلاشیلور. قسم اعظمی چینلیلر کبی مغول عرقه منسوب اولوب، باصیق برونلی، چیقیق یناقلی و کوسه صاقالیدر؛ بر قسمی ایسه عادتاً عرق قافقاسی-یه مشابه دوز برونلی، اوزون و طوپ صقاللی و دوز کون چهره-لی اولوب، مأمورین و زادکان و کبار اهالی بولندر. آکلاشلیغده کوره، بو ایکنجی جنس اهالی مجهول بر وقتده مجهول بر یردن کلوب، شبه جزیره-یی ضبط ایتمش، او وقتدن قوم حاکم حالنده قالمشدر. لسانلری چینجه و جاپونجه-دن فرقلی اولوب، آنجق مکتبلرنده و حکومت ایشلرنده قولاندقلری لسان ادبی و رسمی ینه چینجه لسانیدر، که بونی تحصیل ایده-رک اوکرنیرلر. هجالری تصویر ایدن چین خلندن بشقه حروفله یازیلیر عموم ایچون آیریجه بر خطلری دخی اولدیغی مرویدر. دین و مذهبه چینلیلردن فرقلری اولمیوب، بولنر دخی (بودا) دیننه تابعدرلر، و بونزو عنوانیله رؤساء روحانیلری وارد. چینده اولدیغی کبی، بوراده دخی رؤسا قونفوجیوسک مذهب فلسفینه تابعدرلر. بوندن بشقه عوام اهالینک بعضیسی مملکته مخصوص قبا بر مذهبه بولنیورلر، که بونک اساس اعتقادی هنوز معلوم دکلد. خانهلری آغاچ و چاموردن و یالکز شهر و قصبه-لرده بعضلری طوغله-دن اولوب، جمله-سی بر قاتلی و صمانله مستورد. قیافتلری چینلیلرک کبی اولوب، انتاری و خرکه کبیر، و باشلرینه کنیش سیرلی بر جنس شاپقه قورلر. عادتلرینک غرائبندن اوله-رق اولولرینی سنه-ده ایکی دفعه یعنی ایلک و صوک بهارده دفن ایدوب، بو ایکی موسم اره-سندده اولنر موقتاً درت قازیق اوزرینه طوردیرلمش بر قلبه-ده بولندیرلر. اهالی و زادکان، عوام و اسرا اوله-رق اوچ صنفه منقسم اولوب، بو اوچ صنف بیننده اختلاط و از دواج وقوع بولماز.

صنایع و تجارتی. -*- قوره-ده استعمالی اولنان ایپک قماشلر و سائر سوسه متعلق ظریف شیلر چیندن کلوب، مملکته پاموق و کنویردن قبا بر طاقم منسوجاتله چینی و چناق چوملک کبی شیلر و قبا جنس کاغد یاپیلر. بو کاغد پک طیانقلی اولوب، قوره-لیلر طرفندن هر احتیاجده قولانلیه-رق، بوندن شاپقه، شمسیه و حتی بعض اثواب دخی یاپارلر. زیتون یاغنه باتیره-رق جام مقامنده پنجره-لرده یاپیشدیرلر. اوطه-لرینک قبولری دخی بر چرچوه-یه یاپیشدیرلمش کاغددن عبارتدر. قوره-لیلرک یاپدقلری بو کاغد بو کبی احتیاجات ایچون چینه دخی ادخال اولنور. بیچاق و قلیچ کبی دمیردن بعض آلات جارحیه دخی یاپارلر، که بولنلرده چینده مقبولدر. باشلیجه صنعتلری بوندن و اخراجاتلری دخی بر وجه مذکور کاغد ایله جزئی آلات جارحه-دن عبارتدر. ذاتاً قوره حکومتی چین و جاپوندن پک زیاده قورقوب، بولنرک مملکته یناشامسیچون هر نوع تجارت خارحیه-یی و اهالینک اجنبیلرله مناسباتنی شدیداً و اعدام جزاسیله منع ایدر. جاپونیه-لیلر کوچ حال ایله قوره حکمدارینی کندی تجارتلرینه اوچ اسکله تخصیص ایتمکه اجبار ایده-بیلمشلردر. مع هذا 1882 تاریخندن بری اوروپا دول معظمه-سیله و ممالک مجتمعه ایله تجارت معاهده-لری عقد ایتمشدر. تجارت داخلیه-لری اولدقجه ایشلکدر.

اصول اداره و حکومتی، تقسیمات ملکیه-سی. -*- اصول اداره-سی حکومت مطلقه-دن عبارت اولوب، چینه تابع ظن اولنیورسه-ده، بو تابعیت بهر سنه چین حکمدارینه مخصوص بر هیئت سفارتله بر طاقم هدایا کوندرمکن عبارت اولوب، چین دولتی بو هدایایه ویرکی نامنی ویرر. ذاتاً یکریمی سنه اول ابتدا جاپونیه و بعده اوروپا دولتلری و آمریکا قوره-نک استقلالنی رسماً طانیمشلردر. عساکر منظمه-سی 7000 کشیدن عبارت اولوب، سائر عسکری چینک عسکری اصولنده-در، و الآن فتیلی تفنکرله مسلحدر. واردات سنویه-سی آنجق اون ملیون فرانقدن عبارتدر. قوره-لیلر چینلیلردن ده جاسور و مملکتلرینی مدافعه-یه پک الویریشلی اولدیغی حالده، اصول قدیمه-ده ثباتندن طولایی کچن سنه جاپونیه عسکرینه مقاومت ایده-میوب، پک قولای مغلوب اولمش، و بتون قوره

جاپونیه-نک ضبطنه کچمشدی. پایتختی مائله غربیه-سی و سطرلنده بولنان %سؤل\$ شهری اولوب، مملکت 8 ایالته منقسمدر، که بونلرک اوچی مائله شرقیه-سند و بشی مائله غربیه-سند و اقعدر. ایالتلر قضالره و قضالر دخی ناحیه-لره منقسم اولوب، بونلرک مرکز اداره-لری قصبه عد اولنمغله، بتون قوره-ده 361 قصبه وار ایسه-ده، بونلردن چو غنک کویدن فرقلری یوقدر. پایتختنک 250000 اهالیسی وارد. قوره اسکیدن بری چین ممالکندن معدود اولوب، 935 تاریخ میلادیسند استحصال استقلال ایتمش، و بشیوز سنه-یه قریب مدت بسبتون مستقل بولندقدن صکره، 1392ده قوره حکمداری چین دولتنی طانیه-رق چین ایمپراطورینه تابع اولمغه مجبور اولمش ایسه-ده، بو تابعیت اختیاری اولمغله، کیندیکجه روابط تابعیت و متبوعیت کوشیوب، بسبتون اسمی و اعتباری بر ارتباط حالنده قالمشدر.

1-3731-5

قوره بوغازی

1#

قوره شبه جزیره-سنگ منتهای جنوب شرقیسیله جاپونیه-نک ساحل غربیسی آره-سند کنیش بر بوغاز اولوب، اکی تقریباً 175 کیلومتره-در. اورته-سند جاپونیه-یه تابع %چوسیماس جزیره-سی بولنوب، بو نکلہ قوره ساحلی آره-سند-کی بوغازه یعنی قوره بوغازینک شمال غربی سمنه %بروغتون بوغازی\$ دخی دیرلر.

2-3731-5

قوری

1#

آمریقای شمالیده ممالک مجتمعه-نک پانسیلوانیه حکومتنده %ارییه\$ سنجاغنده و همنامی اولان کولک کنارنده اوله-رق بر قاچ دمیر یول خطنک محل التصاقنده بر قصبه اولوب، 6800 اهالیسی و متعدد طاش یاغی تصفیه خانه-لری وارد.

3-3731-5

قوریاق

سبیریه-نک منتهای شرق شمالیسند و قامچاتقه شبه جزیره-سنگ قسم شمالیسیله اونک شمالنده-کی یرلرده ساکن بر قوم اولوب، شمال غربی جهتنده بولنان (چوقچی) لرله قرابت جنسیه-لری وارد. مغول عرقنه منسوبدرلر.

4-3731-5

قوریب لوغ

1#

ایرلانده-نک %قونوخت\$ ایالتنده بر کول اولوب، %لوغ نیغ\$دن صکره جزیره مذکورہ-نک اک بیوک کولیدر. شمال غربیدن جنوب شرقی یه طوغری بوی 44 کیلومتره اولوب، اکی 1½ دن 10 کیلومتره-یه قدردر. تحت الارض %ماسق و %قلاره\$ نهری واسطه-سیله %قلونکین\$ کولرینک صولرینی آلوب، فضلہ میاهی %غالوی\$ قوینه دوکیلور.

5-3731-5

قوریبوت

1#

لهستان قرالردن اولوب، 1669ده قازیمیره خلف اولمش؛ و 1673 تاریخنه-دک حکم سورمشدر. زادکاندن بر عائله-یه منسوب اولوب، حکمدارلغی کرها قبول ایتمشدی. (سویبسی)نک کندیسی علیهنده قورمش اولدیغی اتفاقی کوچ حال ایله بوزمش؛ و مدت حکومتده عثمانلیارله تاتارلر و قزاقلر لهستانه داخل اولوب، دولت عثمانیه ایله 1672ده (یوساج) معاهده-سنی امضایه مجبور اولمش ایدی.

6-3731-5

قوریتیبیا

1#

برازیلیا ممالک مجتمعه-سنگ جنوب جهتده و %سائوپاولو\$نک 470 کیلومتره جنوب غربیسنده %بارانا\$ حکومتک مرکزی بر قصبه اولوب، 5000 اهالیسی و اشجار مئمره-یی حاوی باغچه-لری واردر.

7-3731-5

قوریقوس

1#

آطنه ولایتک ایچ ایل سنجاغی ساحل شرقیسنده و سلفکه-نک 45 کیلومتره شرق شمالیسنده لاماس صوینک منصبی قریبنده بولنمش بر شهر قدیم اولوب، قارشیسنده-کی بر کوچک آطه اوزرنده حالا موجود اولان بر قلعه-سی الیوم قره حصار و قورغوس نامیله معروفدر. بو قلعه ساحلده و شهره متصل بولنمش اولان دیگر بر قلعه-یه بر کوپری ایله مربوط ایدی. بو شهر قرون وسطاده دخی موجود اولوب، اهل صلیب محارباتی زماننده قلعه-لرینک متانتیله

مشهور ایدی. ایکی لیمانی و ایشلک تجارتی وار ایدی. بعض خرابه‌لری موجوددر. قریبده ازمنه قدیمه‌ده مشهور بولنمش غریب بر مغاره‌ده وار ایدی.

8-3731-5

قوريله

1#

آسیانک منتهای شرقنده سبیرییه مربوط قامچاتقه شبه جزیره-سنگ جنوبی گوشه-سی قارشیسندن جاپونیه-نک اک شمال قسمی اولان %یسو\$ جزیره-سنگ شمال شرقی گوشه-سنگ-دک اوخوچق دکیزیله بحر محیط معتدل آره-سندده ممتد و جاپونیه دولتنه تابع بر صره آله-لر اولوب، $30^{\circ} 43'$ ایله 51° عرض شمالی و 143° ایله 154° طول شرقی آره-لرنده 1200 کیلومتره-لک محله اوزانیرلر. بونلرک دردی بیوک، آلتیسی ایکنجی درجه-ده و قصوری درجات مختلفه-ده کوچک اولمق اوزره، پک کوچک و خالی اولانلری داخل حساب اولدیغی حالده، باشلیجه-لری 16 آله-در. جمله-سنگ مساحه سطحیه-سی 14824 مربع کیلومتره-در. اکثری ینه او استقامتده یعنی جنوب غربیدن شمال شرقییه طوغری اوزون و طاردر. بیوکلری جنوبدن باشلییه-رق: قوناسیری، ایتورپ، اوروب، پاراموسیر؛ ایکنجی درجه-ده-کیلر: سیقوتان، سیموسیر، سیاسقوتان، خاریمقوتان، اونھوتان، سومسودر. قوريله جزایرینک آره-لری اکثر یرلرنده صیغله و قیالرله مسدود ایسه-ده، بعض جهتلرنده-ده درینجه بوغازلر تشکیل ایدرلر؛ و بو صره-نک ایکی طرفنده دکیز پک درین اولوب، حتی بحر محیط معتدلک 8606 متره-دن عبارت اولان اک درین محلی بو جزایرک قریبده-در. اراضیلری کاملاً برکانی اولوب، 52 برکان صایلمشدر، که بونلرک 9 یوم آتش افشاندر، و دیگر 43 ک ده یقینلرده سونمش اولدقلری آکلاشیلیر. بو طاغله خیلی یوکسک اولوب، اک یوکسکی اولان و همنامی بر کوچک جزیره-ده بولنان %آلات\$ برکاننک 2130 متره ارتفاعی واردر. دیگرلرینک ارتفاعی ده 1000 و 1500 متره راده-لرنده-در. حرکت ارض کثیر الوقوعدر. اک جنوبده-کی اوچ بیوک و بر کوچک جزیره-ده بعض اورمانلر و سوکود، قواق، کورکن و میشه آغاجلری و تیلکی، و شق، سمور کبی حیوانات بولنیورسه-ده، اوروب آله-سنى کچدکن صکره شمال جهتنده بولنانلرینک طاغله اکثریا قارله مستور و قارسز اولدقلری وقت دخی چبلاق وسیم سیاه و یالکز ساحللی نباتاتله مستوردر. بو آله-لر اکثریا سیسله محاط اولوب، آره-لرنده-کی بوغازلردن دخی بر طرفدن اوخوچق دکیزینک آفتیلری و بر طرفدن بحر محیطک جسیم طالغه-لری هجوم ایتدیکندن، فرطونه اکسیک اولماز. بتون جزایرک اهالیسی بیک کشیه بالغ اولماز. بولرنده جاپونیه-نک اهالی قدیمه-سی اولان (آینو) جنسیتنه منسوب اولوب، دری ایله کیینیر و یرک ایچنه قازدقلری مغاره-لرده بارینیرلر. باشلیجه مدار معیشتلری-ده بالیق و آو اتیدر.

1-3732-5

قوریلانو

1#

ایتالیانك فالابره خطه-سنده قوزنچه ایالتنك %روسانو\$ قزاسنده و روسانونك 12 كيلومتره جنوب شماليسنده و تارننه كورفزدن 5 كيلومتره-لك مسافه-ده اوله-رق همنامی بر چايك اوزرنده بر قصبه اولوب، 10570 اهالیسی و دمیر یولی واردر.

2-3732-5

قورین

جزیره-ده بر قصبه اولدیغنی یاقوت حموی ذکر ایدیورسه-ده، محلی بیان ایتمیور.

3-3732-5

قورینتس

1#

آمریقای جنوبینك آرچنتین حكومتنده و بوئنوس آیرسك تقریباً 1000 كيلومتره شمالنده اوله-رق %پارانه\$ ایرماغنك صول كناری و پاراغوای نهریله محل تلاقیسی قرینده بر تپه-نك اوزرنده واقع ایالت مرکزی بر قصبه اولوب، 11220 اهالیسی، پورتقال و خرما و انجیر آغاجلرینی حاوی باغچه-لر و باغله محاط كوزل اولری، كوزل ریختمی، بیوك ابنیه امیریة و خیریة-سی، پك ایشلك تجاری، سفائن اعمالنه مخصوص حوض و دستكاهلری، دوكمخانه-لری و باصدیرمه فابریقه-لری واردر. ساحلدن 170 كيلومتره یوقاری اولدیغی حالده، نهرك قصبه-نك اوكنده 30 متره درینلكی اولمغله، سفائن ریخته قدر كیدوب یناشیرلر. *- قورینتس ایالتی آرچنتین حكومتنك اك شمال شرقی ایالتی اولوب، شرقاً اوروغوای، شمالاً پاراغوای، غرباً پارانه انهار عظیمه-سیله محاط اولدیغی حالده، یالكز منتهای شمال شرقی كوشه-سیله جنوب جهندن قره حدودیله آیرلمشدر. شرقاً برازیلیا ممالك مجتمعه-سیله، شمالاً پاراغوای حكومتیله، غرباً شاقو و سانتة-فه، جنوباً دخی انتره-ریوس ایالتریله محدوددر. مساحه سطحیه-سی 123661 مربع كيلومتره اولوب، اهالیسی بوندن بش آلتی سنه اول کی استاتستیقه كوره 200000 كشین عبارت ایدی. اراضیسی دوز اولوب، صویبی دخی بول اولمغله، طوپراغی پك منبتدر. اكثر طرفلری واسع اورمانلرله مستورددر. یالكز شمال جهتنده بعض بطاقللری واردر. آنجق اهالیسی، وسعت اراضیسنه نسبه، پك جزئی اولدیغندن، ایشلنن یرلری پك آزدر. اهالینك ده برنجی مشغولیتی حیوانات یتیشدیرمك ایشی اولوب، كلیتلی سوریلر بسلر، و باصدیرمه اخراج ایدرلر. اهالیسی چوغالقجه، پك معمور بر یر اوله-جقدر.

4-3732-5

قورینه

1#

يونان قديمك مشهور بر شاعر-سى اولوب، بيوتيه-نك %تاناغره\$ قصبه-سنده طوغمشدر. ينه مشاهير نسادن (ميرتيس)ك طالباتندن ايدى. شعردان (بيندار)ك رقيبہ-سى اولوب، بر چوق مسابقتلرده كنديسنى كچمشدى.

1-3733-5

قوريولان

1#

اسكى روما سردارلرندن اولوب، ميلاددن 493 سنه اول (وولسق) قوميله محاربه ايد-مرك، %قوريله\$ شهرينى ضبط ايتمكله، بو لقبه شهرت بولمش؛ و بعده نائل مرام اوله-مديغيجون، روماليله قارشى افكارده بولنمغله، نفى اولنه-رق، (وولسق)لره التجا، و اونلرله واروب، رومايى محاصره ايتمش؛ و آنجق والده-سييله زوجه-سنگ رياسنى اوزرينه، محاصره-يى رفع ايتمشيدى. 488ده مقتولاً وفات ايتمشدر.

2-3733-5

قوريوله

1#

لاتيوم خطه-سنده و رومانك 36 كيلومتره جنوب غربيينده اسكى بر شهر اولوب، (وولسق) قومنگ مركزى ايدى.

3-3733-5

قوريه

اندلسده مارده نواحييندن بر قصبه اولديغى ((معجم البلدان))ده مسطوردر.

4-3733-5

قوز احمد پاشا

[[احمد پاشا (قوز-*)-]] ماده-سنه مراجعت.]

5-3733-5

قوزاق

یاخود قزاق #1 روسیه-ده بر صنف اهلایدر، که اساساً تاتارلردن قالمه اولوب، تاتار خانلری و دشت قپچاق دولتی زمانلرنده آقینجی بر صنف عسکر ایدی. اوزمانلرک قزاقلری مسلمان اولوب، تاتار، چرکس و قیرغیز افراندن ایدیلر. بعده بونلره تقلیداً جنسیتجه ینه تاتار بر صنف خرستیان آقنجیلر تشکل ایدوب، کندیلرینه روس، لهلی و سائر جنسیتلره منسوب افراد دخی التحاق ایتمش؛ و بونلر ابتدا بسبتون مستقل اولدقلری حالده، کندی حسابلریچون آقین و چاپول ایتمکده ایدیلر. اک اول لهستان قراللی بونلردن استفاده ایتمکی دوشونوب، کندیلرینه %دننیر\$ مجراسی اطرافنده یرلر ویرمش، و او جهنلره یرلشنلری (زاپوروغ قزاقلری) نامیله شهرت بولمشلردی. کندی بینلرنده انتخاب ایتدکلری رئیس و قوماندارلرینه (هاتمان) و دها طوغری (آتامان) نامنی ویرلردی. بعده دولت عثمانیه-نک او جهنده توسیع فتوحات ایتمسی اوزرینه، اشبو زاپوروغ قوزاقلری بر مدت دولت مشار البهانک تحت حمایه-سنده بونلر، بوندن طولابی روسیه ایله باب عالی آر-سنده بعض اختلافات وقوع بولمشدی. نهایت روسیه-نک حمایه-سی آنته کیروب، کندی کندیلرینه روسیه-نک متفقلری نامنی ویرلردی. روسلر بونلرک جسارتندن و جنکاورلکلریله آقین و چاپوله اولان میل و استعدادلردن استفاده امیدیه، کندیلردن سپاهی صورتنده سواری آلایلری تشکیل ایده-رک، اک مخاطره-لی حدودلری جوارلرنده و تا سبیرییه و ترکستانک منتهالرینه-دک سوق و اسکان ایتمشدر. بو کونکی کونده اک طولی بولنانلری %دون\$ ایرماغی مجراسنده و قویان جهننده بولنانلریدر. جمله-سی ایکی ملیون نفوسه قریبدرلر.

6-3733-5

قوزان

آطنه ولایتنه تابع و ولایتک شمال شرقیسنده واقع بر سنجاق اولوب، غرب جنوبی طرفندن نفس آطنه، جنوب شرقی جهنندن جبل برکت، شرقاً حلب ولایتنه تابع مرعش سنجاقلریله، شمالاً سیواس، شمال غربی طرفندن دخی آنقره و قونییه ولایتلریله محدوددر. اراضیسی عمومیت اوزره طاغلق ایسه-ده، زراعتیه پک الویریشلی اووه-لری و دوز یرلری دخی چوقدر. سیحان ایرماغی شمالدن کلوب، سنجاقی اورته-سندن شق ایله، اکثر میاه جاریه-سنی جمع ایتدیکی کبی، جیحان نهری دخی جنوب شرقی حدودینی تفریق ایله او جهنده بر قاچ جای آلیر. بو وجهله میاه جاریه-سی چوق اولوب، بونلر جزئی بر همتله اطرافلرنده-کی اراضی-یی اروا ایده-بیلیرسه-ده، اهالی ذاتاً آز اولمغله برابر، تنبل و بر طاقلری خیمه نشین اولدیغندن، نه بوندن و نه-ده طوپراغک قوه انباتیه-سندن استفاده ایتمیوب، وقتیله بر ذخیره انباری حکمنده بولنمش اولان او کوزل یرلر قامشلق و چاللیق حالنه کیرمشدر. شمدیکی محصولاتی احتیاجات محلیه-یه کوره-در. اورمانلری چوق اولوب، چامک انواعیله، میشه، بیانی زیتون آغاجلرینی حاویدر، طاغلرنده معادن مختلفه بولندیغی مروی ایسه-ده، چیقاریلانی یوقدر. اهالیسی آنجق 60000 کشی اولوب، 32000 ی اسلام، 20000 ی ارمنی و 7000 ی ارمنی قتلویکیدر. خیمه-نیشین عشرتلر بو حسابیه داخل دکندر. حیواناتی چوقجه اولوب، صیغیر و قیون و کچیلری مصر بازارلرنده مقبول اولمغله، بونلردن بعض اخراجاتی واردر. مرکزی %سیس\$ قصبه-سی اولوب، سنجاق: سیس، قارص، فکه و حاجین اسملریله 4 قضایه منقسم و 3 ناحیه-یی دخی حاویدر.

1-3734-5

قوزقو

1#

آمریقای جنوبیده پرو حکومتنده و لیمانک 850 کیلومتره شرق جنوبیسنده اوله-رق آند سلسله جبالنک 3468 متره ارتفاعی اولان بر وادیسنده واقع ایالت مرکزی بر قصبه اولوب، اکثری اصل یرلی اولمق اوزره، 18300 اهالیسی، معتدل لکن سریع التحول هواسی، قاقاؤ و قاچوق و سائره تجارتي، یوکنن قالین یورغانلرله تخته-دن اویمه-لی معمولاتی و اینقه-لردن قالمه بر چوق آثاری وارد. اسکی اینقه-لرک مرکز و پایتختی اولوب، یقین وقته کلنجه-یه قدر اللی بیکنن زیاده اهالیسی وار ایکن، کوندن کونه تدنی ایتمکده، و کیشوآ جنسیتته منسوب اولان اهالیسی آزالمقده-در.

2-3734-5

قوزلوف

1#

روسیه-نک تامبوف ایالتنده و تامبوفک 72 کیلومتره غربنده اوله-رق موسقووه-دن ساراتوقه کیکن دمیر یول خطی اوزرنده قضا مرکزی بر شهر اولوب، 35520 اهالیسی، ایچ یاغی، موم، صابون، بیره و طوغله فابریقه-لری و قربنده سنه-ده بر کره قوریلوب یدی کون سورن بر بیوک پنایری وارد.

3-3734-5

قوزما

سنت -* - 1# خرسنیا نلرک عزیزلردن اولوب، جزیره العربدن اولدیغی حالده، برادری (سنت دامیان) ایله برابر، کیلیکیاده جراحلق ایتمکده ایکن، دیوقلتیان زماننده 303 تاریخنده، عیسوی اولدقلرندن طولایی، طوتیلوب اتلاف ایلمشله. ایلولک 27 سنده یورطیلرینی اجرا ایدرلر.

4-3734-5

قوزماس

1#

اسکندریه-لی بر تاجر اولوب، 519 تاریخ میلادیسنده هندستانه سیاحتله، لسان یونانیده بر سیاحتنامه یازمشدر.

5-3734-5

قوزن

ويقتور -* -#1 فرانسه علمای فلسفه-سندن اولوب، 1792ده پارسده طوغمش، و 1867ده وفات ايتمشدر. بر چوق وقت پاریس مکتبده فلسفه معلمکی ایدوب، استادی (رویه قولارد)ک مذهبیه تابع اولدقن صکره، آلمانیه-یه سیاحت ایدوب، عودتنده قانت، فیخت، شلینغ و هکل کبی آلمان حکماسنک ذهابنه سلوک ایتدیکندن، معلمکدن عزل اولنه-رق، مشیر (لانه)نک اوغلنه مربی اولمش؛ و او ائناده یونان قدیم حکماسنک تالیفاتنی بر طاقم حاشیه-لرله نشر ایتمه باشلامش؛ و مؤخرأ آلمانیه-یه بر ایکنجی سیاحت ایدوب، درسده قاربوناریلردن ظن اولنه-رق، توقیفله، آلتی آی برلینده محبوس قالمش؛ و 1827ده خلاص بولوب، فرانسه-یه عودتنده ادبیات مکتبده فلسفه معلمی اولوب، و یلمن و کیزو ایله آرقداش بولنمش؛ و بو ویردیکی درسارله بیوک بر شهرت و شان قزانوب، 1830دن صکره بربرینی متعاقب شورای دولت و هیئت اعیان اعضالغنه و بعده دار المعلمین مدیرینته و دار الفنون مجلسی و متعاقبأ آقادمیا اعضالغنه نصب اولنمش؛ و 1840ده موسیو تیرک تشکیل ایتدیکی هیئت وکلایه داخل اولوب، معارف ناظری اولمش ایدی. زماننده فرانسه-ده فلسفه-نک اک بیوک مروج و حامیسی اولوب، تدریسات و نشریاتله بو طرفدن قنولیکلرک افکار تعصیکارانه-سنه و بر طرفدن مادیونک افکار مفرطه-سنه مقاومت ایتمش؛ و فلسفه-نک تاریخیه مذاهب مختلفه فلسفییه-نک تعریف و ایضاحنه دائر متعدد کتابلر و اخلاق و تربیه-یه متعلق دخی بعض آثار نشر ایلمشدر. اواخر عمرنده اختیار عزلت ایدوب، بعض آثارینی تصحیح و یکیدن نشر ایتمکله اشتغال ایتمشدر.

6-3734-5

قوزن

ژان -* -#1 فرانسه-نک اک مشهور رسام و هیکلتراشلرندن اولوب، بحق ((فرانسه-نک میکل آنجوسی)) لقبه مظهر اولمشدر. 1500 تاریخنده طوغوب، 1590ده وفات ایتمش؛ و برنجی فرانسوا ایله ایکنجی هنری و طقوزنجی شارل زماننده بیوک حرمت و اعتباره نائل اولمش ایدی. بر چوق مشهور رسم و هیکلرله صنعتته دائر بر ایکی تالیفی واردر.

1-3735-5

قوزنچک

#1

روسیه-نک ساراتوف ایالتنده و ساراتوفک 245 کیلومتره شمال شرقیسنده قضا مرکزی بر قصبه اولوب، 17400 اهالیسی، دباغخانه-لری و کودری، عانت و معمولات سراجیه فابریقه-لری واردر. -* - سیبرییه-نک %تومسک ایالتنده و تومسک 678 کیلومتره جنوب شرقیسنده دخی بو اسمله قضا مرکزی بر قصبه اولوب، 7285 اهالیسی واردر. -* - بو قضاده بو اسمله بر طاغ دخی واردر، که آلتون طاغ سلسله-سنه

مربوط اولوب، اوبى ايله ينيى حوضه لرى آره-سندھ جنوبدن شماله طوغرى تقريباً 500 كيلومتره محله ممتد اولور ذروه لرى
1200 و 1500 متره ارتفاعرينه قدر يوكسلير. آلتون ريزه لرى چوقدر. بوكا روسلر %قوزنچك آلاطاعى \$ دخى ديرلر.

2-3735-5

قوزنچه

1#

ايتاليانك قالابره خطه-سندھ و ناپولينك 300 كيلومتره جنوب شرفيسندھ و ساحلدن 18 كيلومتره ايجريده اوله-رق قراتى نهري اوزرنده %قالابره چيتريوره \$ ايلتنك مركزى بر قصبه اولوب، 16000 اهاليى، آقادمياسى، داخلى مكتبى، خسته-خانه-سى، يتيمخانه-سى، چينى و بيچاق فابريقه-لرى و خيلى ايشلك تجارتى واردر. پك اسكى بر قصبه اولوب، بر آره-لقده سيچيليه-ده حكم سورن عربلرڪ ضبطنده بولنمشدر.

-*-%قالابره چيتريوره \$ دخى دليلن قوزنچه ايلتى قالابره-نك قسم شماليىسندن عبارت اولوب،

شمالاً %بازيليقاته \$ خطه و ايلتيله، جنوباً قالابره اولتريوره و نام ديكرله قاتانجارو ايلتيله، شرقاً تارنته كورفيله، غرباً دخى تيرنيان دكيزيله محاط اولديغى حالده، مساحه سطحيه-سى 7358 مربع كيلومتره و اهاليى 440470 كشيدير. اراضيسى غرب جهتده طاغلق و شرق طرفنده دها دوز اولوب، اك بيوك نهري تارنته كورفينه دوكيلن %قراتى \$ در. طوپراغى اولدقجه منبت اولوب، ذخيره، كتن، كنوير، صفران، پاموق، زيتون، اوزوم و سائر محصولاتى واردر. خيلى مقدار زيتون ياغى، شراب، ابيك و بال دخى چيقار. مرعالرى كوزل و حيواناتى چوقدر. صنايعى معمولات دباغيه ايله بز، قباچوخه، پينير و سائر اعمالندن عبارتدر، ايلت 4 قضايه منقسم اولوب، مركزندن بشقه يدى سكر قصبه-سى دخى واردر. اهاليىسنگ بر مقدارى وقتيله هجرت ايتمش آرناولدردر.

3-3735-5

قوزومل

1#

مكسيقه-نك جنوبنده-كى يوقاتان مملكتنك ساحل شرفيسى قارشيسندھ بر آطه اولوب، ساحلدن 14 كيلومتره-لك بر بوغازله آيرلمش اولديغى حالده، بويى 39 و اكى 12 كيلومتره-در. اهالى دائمه-سى يوقدر.

4-3735-5

قوزه

1#

رومانیه مشاهیر رجالندن اولوب، 1820ده غلاصده طوغمش، و 1873ده وفات ایتمشدر. بغداد عسکرنده میرآلای ایکن، 1858ده بغداد ایله افلاق برلشمسی اوزرینه، ایکی جهندن دخی پرنس انتخاب، و جانب باب عالیدن تصدیق اولنمش؛ و سکز سنه حکومت سوردکن صکره، تفرقه-لره غلبه ایده-میوب، 1866ده استعفایه مجبور اولمش؛ و یرینه شمیدیکی قرال شارل هو هنزولرن کلمشدر. قوزه رومانیه-لیلرک حسیات ملیه-لرینی اویاندیروب، او وقته-دک لسانلرینی اسلاو حروفیله یازمقده-لر ایکن، لاتین حروفنی قبول ایتدیرمش؛ و دهها نیجه اجراآته باعث اولمش ایدی. رومانیه-لیلر هیکلنی رکز ایتمشلردر.

5-3735-5

قوزی چایی

آیدین ولایتنده کدیز ایرماغنه تابع بر نهردر، که آلا شهرک اوست طرفنده بوز طاغدن نبعانله آلا شهرک قریبندن کچدکن صکره آطاله-نک آلت طرفنده مذکور ایرماغه دوکیلور.

6-3735-5

قوژانی، یاخود قوزانه

مناستر ولایتنک سرفیجه سنجاغنده و سرفیجه-نک 35 کیلومتره شمال غربیسنده مناسترک ده 90 کیلومتره جنوب شرقیسنده مرتفع بر محلده و اینجه قره صویه دوکلین بر چایک اوزرنده قضا مرکزی بر قصبه اولوب، قسم کلیسی اولاخ اولمق اوزره، 6508 اهالیسی، 487 دکانی، 21 فرونی، 12 خانی و وقتیه مشهور بولنمش قالین بز ایله کوملکک بز و کلیم، سجاده و سائر منسوجات دستکاهلریله دباغخانه-لری واردر.

*- قوژانی قضاسی جنوباً نفس سرفیجه، غرباً کوریجه سنجاغنه تابع کسریه، شمالاً جمعه قضالریله، شرقاً دخی سلانیک ولایت و سنجاغنه تابع قره فریه قضاسیله محاط و محدود اولوب، ونچه ناحیه-سیله برابر 85 قریه-یی حاوی و 26411 اهالی ایله مسکوندر، که بونلرک 14119 ی مسلم و 12302 سی، اکثریت اوزره اولاخ اولمق اوزره، خرستیاندر. اراضیسی عمومیت اوزره طاغلق ایسه-ده، منبت وادی و بایرلری دخی اولوب، بغدای، آرپه، چاودار، یولاف، مصر، بورچق و سائر حبوباتله صفران، اوزوم، بادم و سائر میوه-لردن عبارت محصولاتی و مقبول شرابی واردر. اورمانلری آز ایسه-ده، مرعاری کوزل اولوب، خیلی حیوانات اهلیه یتیشدیریلیر. قضا داخلنده 44 جامع شریف، 30 مکتب، 32 تکیه وزاویه، 49 کلیسا، 65 دکرمن، 14140 باغ، 54376 تارله، 11 چایر، 23 مرعی و 58 چشمه موجوددر. قضانک وارداتی 20000 و مصارف محلیه 2400 عثمانلی لیراسی راده-لرنده-در.

1-3736-5

قوسان

واسط ایله نعمانیه بیننده فرات ایله دجله آره-سنده-کی جدولدن بر جدول اولوب، اوزرنده متعدد قصبه-لر بولندیگی و ناحیه-سنه دخی بو اسم ویرلدیکی ((معجم البلدان))ده مسطوردر.

2-3736-5

قوستروآر

1#

اسوج ساحل جنوبیسی قارشیسنده و قاتغات دکیزی مدخلنده ساحلدن 12 کیلومتره-لک بر بوغازه آیرلمش بر طاقم کوچک آطه-لر اولوب، بر قاج بالیقچی کوینی و 1890 اهالیسی جامعدرلر.

3-3736-5

قوسترومه

1#

روسیه-ده موسقونک 367 کیلومتره شمال شرقیسنده و وولغانک صول کنارنده اوله-رق همنامی اولان نهرک ملتقاسنده ایالت مرکزی بر شهر اولوب، 28140 اهالیسی، مکتب اعدادیسی، طائفه رهبانه مخصوص مدرسه-سی، دیگر مکاتب مختلفه-سی، کتبخانه-سی، تیاتروسی، بیوک بر کلیسایی، ایکیسی-ده سیر سفاننه صالح اولان مذکور ایکی نهرک ملتقاسنده کوزل لیمانی، واپور ماکینه-لری اعمالنه مخصوص فابریقه-سیله دوکخانه و دمیرخانه-لری، دباغخانه-لری، کتن منسوجات و بز فابریقه-لری و پک ایشلک تجارتنی واردر. هر سنه بیوک پاسقالیه-دن صکره بیوک بر پنایر قوریلوب، 15 کون دوام ایدر.

-*- قوسترومه ایالتی شمالاً وولوغده، غرباً یاروسلاو، جنوباً ولادمیرو نیژنی نووگورود، شرقاً دخی ویاتقه ایالتلریله محدود اولوب، مساحه سطحیه-سی 84149 مربع کیلومتره و اهالیسی 1361915 کشیدر. اراضیسی دوز اولوب، وولغا ایرماغی غرب جنوبی قسمنی شق ایندیکی کبی، اوسترومه، اونییه و وتلوغه اسملریله اوچ نهر دخی ایالتی شمالدن جنوبه شق ایده-رک، وولغایه منصب اولورلر. ایالتک تلتانی اورمانلرله مستور اولوب، آنجق بونلره ایی باقلمدیغندن، کوندن کونه آزالمقده-در. هواسی پک سرت و صوتوق اولوب، اراضیسی دخی صولاق اولمغله، آنجق بر خمسی مزروع اولوب، ذخایره متعلق محصولاتنی احتیاجات محلیه-یه کفایت ایتمیور. باشلیجه محصولاتنی کتن، کنویر و پتاته-در. ایالت 12 قضایه منقسمدر. اهالیسی ایچنده بر مقدار مسلم تاتارلر دخی واردر.

-*- قوسترومه نهری و ولودغه ایالتنده نبعانله، جنوب غربی-یه طوغری جریان ایده-رک همنامی اولان ایالتنه بالدخول، 250 کیلومتره-لک جریاندن صکره، همنامی اولان شهرک یاننده وولغا ایرماغنه دوکیلور.

4-3736-5

آمریقای وسطی جماهیر متفقہ-سی ہیئتتی تشکیل ایدن بش حکومتک بری و اک جنوبیسی اولوب، اراضی مسکونه و اھالیسی اک آز اولانیدر. اسمی اسپانطول لسانندہ ((زنکین ساحل)) دیمکدر.

شکل طبیعیسی، حدود و مساحہ-سی. *- قوستہ-ریقہ حکومتی ایکی آمریکا آرہ-سندہ-کی برزخک بر قسمی یعنی اک کنیش اولان قسم شمالیسی اولوب، بر مستطیل ویا معین شکلندہ شمال غربیدن جنوب شرقیہ طوغری آنتیل دکیزیلہ بحر محیط معتدل آرہ-سندہ ممتد اولور. 8° ایلہ 16' 11° عرض شمالی و 48' 84° ایلہ 5' 88° طول غربی آرہ-لرندہ اولوب، حد وسطی اوزرہ بوی 330 و اکی 170 کیلومترہ-در. شمالاً جماہیر متفقہ مذکورہ-دن نیقاراغوا حکومتیلہ، جنوب شرقی طرفدن آمریقای جنوبینک قولومبیبہ حکومتک %پانامہ\$ ایالتیلہ، غرباً و غرب جنوبی جھتندن بحر محیط معتدل ایلہ، شرقاً و شرق شمالی طرفندن دخی آنتیل دکیزیلہ محاط و محدوددر. شمال جھتندن حدودی تمامیلہ معین اولمیوب، قوستہ-ریقہ حکومتی %نیقاراغوا\$ دینان واسع کولک سواحل جنوبیہ-سنی کندینک صایدیغی حالده، نیقاراغوا حکومتی بو کولی تمامیلہ تملک ادعاسندہ بولنہ-رق، حدودی دھا جنوبہ ایتمک ایستیور. کولک شرق طرفندہ ایسہ کولک آیای حکمندہ اولان %سنت جوان\$ مجراسی خط حدودی تشکیل ایدیور. مساحہ سطحیہ-سی 54070 مربع کیلومترہ اولوب، 243000 اھالی ایلہ مسکوندر، کہ بہر مربع کیلومترہ باشنہ 4 کشی دوشر.

سواحلی، جبال و انھاری. *- غرب جھتندہ مملکتک ایکی بیوک شبہ جزیرہ-سی اولوب، ایکیسی-دہ قول کبی ساحلہ قریب اولہ-رق، جنوبہ طوغری اوزانمغلہ، ایکی بیوک کورفز تشکیل ایدرلر، کہ شمالیسنہ %نیقویہ\$ و جنوبیسنہ %دولچہ\$ نامی ویریلیور. بو کورفز لر ذاتاً محفوظ اولمغلہ برابر ایچلرنندہ بر قاچر لیمانی دخی واردر. ساحل شرقیسی دھا دوز اولوب، قویلی آز اولمغلہ برابر، بعض قوم سدلی-دہ وار ایسہ-دہ، ینہ بر قاچ لیمانی اولوب، %لیمون\$ شہرینک کی جملہ-دن واسع و صاغلاندر.

اراضیسی عمومیت اوزرہ طاغلق و مرتفع اولوب، منتهای شمال غربی گوشہ-سندہ نیقاراغوا کولنک غرب جھتندن کلن بر سلسلہ جبال جنوب شرقیہ-طوغری ممتد اولوب، بتون مملکتی شق ایدیور. بو سلسلہ-نک قسم شمالیسی دھا مرتفع اولوب، آتش افشان اولان ذرہ-لری 3000 مترہ-دن یوکسکدر. بونلردن %ایرازو\$ برکاننک 3507 و %توریالیہ\$ نک 3435 مترہ ارتفاعی واردر. مملکتک وسطلرنندہ سلسلہ مذکورہ کسب انحطاط ایدیوب، 1600 و 1250 مترہ ارتفاعلرنندہ بر یایلہ حالنہ کچر، کہ قوستہ-ریقہ-نک باشلیجہ مسکون و معمور بری اوراسی اولوب، مرکزی اولان %سان جوزہ\$ شہری-دہ اورادہ-در. شہر مذکورک چنوبندہ سلسلہ یکیدن کسب ارتفاع ایدیوب، 2400 مترہ-یی متجاوز ارتفاعلردہ ذرہ-لری واردر. بونلرک اک یوکسکی اولان %پیقولانقو\$ نک 3100 مترہ ارتفاعی واردر. بو سلسلہ جبالک صاغ و صولہ طوغری بر طاقم قول و شعبہ-لری واردر.

میاہ جاریہ-سی چوق ایسہ-دہ، اراضیسنک وضعیتی بونلرک برلشوب بیوک ایرماقلر تشکیل ایتلمرینہ مانع اولدیغندن، چوغی سیل صورتندہ و بر طاقم شلالہ-لر تشکیل ایدہ-رک، ایکی دکیزک برینہ دوکیلور. بحر محیط معتدلہ دوکیلنلرینک اک بیوکلی %نیقویہ\$ کورفزینہ منتهی اولان %نپمیسقو\$ و %ریوگرانده\$ در. آنتیل دکیزیلہ منصب اولانلرینک اک مهملری-دہ %روننازون\$ ایلہ %ماتینہ\$ در، کہ بونلرک ایکنجیسی فیضانندہ کلیتلی قاقاؤ محصولاتی ویرن ہمنامی اولان واسع بر اووہ-یی سقی و اروا ایدر. سلسلہ جبالک شمال جھتندن نبعان ایدن انھاردن دخی اوچی بیوک اولوب، او جھتندہ کثرتلہ یاغان یاغومورلرک امدادیلہ مجرالری پک کنیش و سیر سفاننہ

صالحدر. بونلرن % ریوفریو\$ نیقاراغوا کولنه و % سان قارلوس\$ ایله % ساریقویی\$ دخی مذکور کولک آباغی اولان و حدود شمالیه-یی ایران % سان جوان\$ ایرماغنه دوکیله-رک، او دخی آنتیل دکیزینه منصب اولور. اقلیم و هواسی، محصولات و حیوانات و منابع ثروتی. *- قوسته-ریقه-نک هواسی ارتفاعه کوره تخلف ایلوب، مذکور پایله-نک اوزرنده وسطی بایر و وادیلرنده معتدلدر. مرکزی اولان % سان جوزه\$ ده حرارت نهایت 30 درجه-یی تجاویز ایتمز، و صفردن یوقاری اوله-رق 11 درجه-دن آشاغی اینمز، که بوده دائمی بر بهار دیمکدر. آنجق آوروپالیلره بو هوا ایی کلمیوب، کوندوزین بر اویقو و اویقودن صکره بر آغراق و سر سملک کتیرر. سواحله-کی آچق اووه-لرده ایسه هوا چوق دها صیجاق اولوب، درجه وسطیه-سی 20 ایله 30 آر-سند-در. یاغمولری چوق اولوب، بحر محیط آطلاسی مائله-سی ابدی قوراقلق کورمز؛ و هله کانون اولدن مارده قدر هر کون یاغمولر یاغار. پایله و بحر محیط معتدل مائله-سند-ایسه تشرین ثانیدن مایسه قدر قوراقلق حکم سوروب، بو موسمه اوئر قورور، و اسن شمال روزکاری توزلری و طالغ-لری قالدیرر. بو موسمه خسته-لق دخی زیاده اولور. مایسه اورته-لق یشیلنوب سرینلمکه باشلار. فرطونه-لری و زلزله-لری-ده چوقدر. اراضیسی پک منبت و نباتاتی پک چوق اولوب، طاغرینک اکثریله سواحله قریب اووه-لری اشجار مختلفه-یی حاوی اورمانلره مستوردر. نباتات طبیه و سائره-سی-ده چوقدر. آنجق اکثر طرفلری الآن خالی و مجهولدر. شکر قامشی ایله قاقاؤ محصولات طبیعیه محلیه-دن اولوب، خدایی نابت صورده بیتدکلری حالد، اهالی آنجق کندی احتیاجلرینه کوره شکر چیقاریرلر. اک زیاده یشدیرمکه سعی ایتدکلری محصول قهوه اولوب، سنوی آشاغی یوقاری 25 ملیون فرانق قیمتده قهوه اخراج ایدرلر. بغدادی، آرپه، مصر و سائر حیوباتله بتون آوروپا سبزه و میوه-لری-ده حاصل اولور. مرعاری چوق اولمغله، آوروپادن منقول اولان قویون، کچی، صیغیر، بیکیر، مرکب و سائر حیوانات اهلیه چوغالمشدر. آلتون و کومش ایله باقر معدنلری بو مملکتک بر کون سعادتتی موجب اوله-بیله-جک قدر چوق اولدیغی کبی، دمیر و کومر معدنلری دخی بولنمشدر. بو مملکتک نستمسز درجه-ده آز اولان اهالیسندن هر برینک بر مقدار اراضیسی اولوب، کلینتی محصول آلدقارندن، و کندیلری امور سیاسیله ایله اوغراشه-جقارینه زراعته و حیواناته اهمیت ویردکلرندن، جمله-سی اهل ثروتدن اولوب، دینجیلک و فقیرلک کندیلرنجه مجهولدر. صنایع و تجارتی، وسائط نقیه-سی. *- قوسته-ریقه-ده صنایع همان یوق حکمنده اولوب، اهالینک بتون سعی و همتی قهوه زرع و استحضارینه منعطفدر. بو محصول اک اول 1832 تاریخنده بو مملکته ادخال اولنوب، او وقتدن بری چوق ترقی و انتشار ایتمشدر. تجارتی قهوه ایله سائر محصولات ارضیه-نک اخراجیله باشلیجه انکلتره و فرانسه و ممالک مجتمعه-دن کلن معمولات صناعیه و سائره-دن عبارت اولوب، سنوی اخراجاتی 30 و ادخالاتی 15 ملیون فرانق قیمتلرنده-در. قهوه-دن صکره باشلیجه اخراجاتی: موز، شکر، مصر، قاقاؤ، و انیله، کراسته-لک و مرانغوزلغه یارار آغاجلر، دری، باغه، آلتون و کومش کولچه-سی و سائره-در. اک ایشلک اسکله-سی بحر محیط معتدله نیقویه کورفرزنده-کی % پانتاراناس\$ و ایکینجیسی آنتیل دکیزنده-کی % لیمون\$ اسکله-سیدر. بو ایکی اسکله-نک برندن دیکرینه قدر بر دمیر یول خطی تمدید اولنه-رق، بیان جوزه و سائر باشلیجه معموره-لرندن کچر. 198 کیلومتره طولنده اولان بو خط بعض شعبه-لرله برابر 258 کیلومتره-یه بالغ اولور، شوسه-لری دخی مکملدر. تلغراف تللرینک بویی دخی 1000 کیلومتره اولوب، 43 تلغرافخانه-سی واردر. اهالیسی، جنسیت و لسان و مذهبلیری. *- قوسته-ریقه اهالیسی دخی سائر او جوارلرک-کی کبی اسپانیول اولوب، آنجق وقتیه مملکتی ضبط ایدن اسپانیوللرک جمله-سی ارکک اولوب، یرلی قادینلرله ازدواج ایتدکلرندن، بو کونکی احفادلری سیماسنده اصل یرلی آمریقاییلرک سیماسنی آکدیرر حاللر دخی کورلمکده-در. قصبه-لرک اهالیسی بر درجه-یه قدر خالص اسپانیول ایسه-ده، کویلیلر عاداتا مللزدرلر. بونلر اسپانیول لسانیه متکلم اولوب،

قتوليك دينيله متديدرلر. خالص قالمش اصل يرليبر 17000 راده-لرنده اولوب، 5000 قدری اسپانيول مدنيتنه تابع اولمش. و خرستيانلغی قبول ايتمشلردر. قالان 1200 قدری اسکی حاللرنده و متوحش بر صورنده قالوب، کنديلرينه مخصوص درت بش لسانله متکلم و بر جوق قبائله منقسمدرلر. 1200 قدر زنجی و 600 قدر چينلی عمله دخی واردر.

اصول اداره-سی، قوه ماليه و عسکریه-سی تقسیماتی. *- قوسته-ریقه جمهوریت صورتنده اداره اولنوب، درت سنه مدتله انتخاب اولمش بر رئیس جمهور ایله بر هیئت وکلاسی و 12 اعضادن مرکب بر مجلس مبعوثاتی واردر. یکرمی بر یاشنی کچکین اولانلر انتخاب ایتمک حقتی حائزدرلر. یالکز اوقویوب یازمق بيلمیلره ابویینی طانیمیانلر و قاریلینی و اولدلرینی ترک ایدن آدملر بو حقدن محرومدرلر. کرک مبعوثلغه و کرک وکالت مسندینه انتخاب و تعیین اولنه-جق آدملرک 21 یاشنی کچکین اولملریله برابر اقلی 15000 فرانلق ملک و سرمایه-یه مالک ویاخود معلم صفتتی حائز اولملری شرطدر. رئیس جمهور اوله-جق ذاتک 30 یاشنی کچکین، متأهل و اقلی 50000 فرانلق ملک و سرمایه-یه مالک اولمسی اقتضا ایدر. جزوتیلرک مملکته دخوللری ممنوعدر. طوغریدن طوغری-یه اهالیدن آلنیر ویرکیلری اولمیوب، وارداتی: کمرک، انحصار، معادن و سائره-دن آلنان آچه-دن عبارتدر. واردات و مصارفی 20 ملیون فرانلق راده-لرنده-در. عساکر نظامیه-سی 600 کشیدن عبارت اولوب، 12000 عساکر ملیه-سی-ده واردر. جمهوریت: سان جوزه، قارتاغو، آلاجونله، عردیا و غواتا قاسته اسملریله 5 ایالته منقسم اولوب، پونته آرناس اسمیله مستقل بر قضایی دخی حاویدر. احوال تاریخیه-سی. *- قوسته-ریقه-نک ساحل شرقیسی تا 1502 تاریخندن قریستوف قولومبک کندیسی طرفندن کشف اولنوب، اون ایکی سنه صکره سائر طرفلری دخی اسپینوزه طرفندن کشف اولنمش؛ و آز مدت طرفنده مملکتک هر طرفی ضبط اولنه-رق، 1520ده سان جوزه و قارتاغو مهجلری تشکیل اولنمشدی. اسپانیه-نک تحت تابعیتنده بولندقجه، غواتماله خدیویتنه ملحق اولوب، حکم سورن اسپانیوللر یرلی آمریقایلرله پک درشت معامله ایتدکلرندن، بونلر دفعاتله عصیان ایده-رک، اسپانیوللری مملکتدن دفع و اخراج ایتمشلردی. 1821ده آمریقای وسطی اهالیسی عمومیت اوزره قیامله، اسپانیه تابعیتنده چیققدلرنده، قوسته-ریقه ینه آمریقا حکومت مستقله-سنه تابع قالوب، نهایت بو مملکت اهالیسی بیننده داخلی محاربات ظهورنده، قوسته-ریقه اهالیسی آریلوب، کندی باشلرینه بر جمهوریت تشکیل ایله، ایلك دفعه اوله-رق 1824ده سان جوزه-ده قونغره اسمیله مجلس مبعوثانی بالاجتماع، زنجیلرک اسارتتی لغو ایله، قانون اساسیسی وضع ایتمشدی. بو جمهوریت بر وقت آمریقای وسطی حکومت متفقه-سنه داخل اولدقن صکره، 1838ده آریلوب، بسبتون مستقل قالمش؛ و کچن سنه آمریقای وسطینک دیگر درت جمهوریتیه بالاتفاق، بینلرنده یکیدن بر هیئت متفقه تشکیل ایتمشلردر.

1-3739-5

قوسچوسقو

1#

لهستانک اک مشهور قهرمانلرندن اولوب، 1746 تاریخنده لیتوانیه-نک %سیهنویچ\$ قصبه-سندله طوغمش؛ و ابتدا مشهور و اشینگتونک معیتنده آمریقا محاربه ایتمش؛ و 1738ده وطننه عودت ایروب، روسلره قارشى ایتدیکی محاربه-لرله و علی الخصوص 1792ده %لوبین\$ محاربه-سندله اکتساب نام و شهرت ایتمش ایکن، لهستان قرالی استانیلاس او کوست مملکتی روسیه-یه تسلیم ایتمکی منتج بر معاهده امضا ایتدیکندن، صاحب ترجمه لیبسیعه

چکلمش؛ و 1794ده لهلیلر قیام ایتمکله، بتون لهلیلره قوماندان اولوب، قراقویه قرینده روسلره غلبه چالمش ایسه-ده، روسلره معین اولان پروسیه-لیلر طرفندن مغلوب اولوب، %شوقزیم\$ه چکلمکه مجبور اولمشدی. درت آی صکره روسیه-نک پک کلینتی بر عسکری طرفندن مغلوب و اسیر ایدیلوب، پترسبورغه سوق اولنمش؛ و ایکی سنه اوراده موقوف قالدقن صکره، برنجی پاولو طرفندن سینتی تخلیه اولنه-رق، بر مدت انکلتره و آمریقایه سیاحت ایتمکدن صکره، 1798ده پارسه کلمش؛ و بر خیلی مدت اوراده عزلت کزین اولدقن صکره، 1914ده اسویچره-نک %سولوره\$ قصبه-سنه کیدوب، یرلشمش، و 1817ده اوراده وفات ایتمشدر. آمریقایه زنجیلر اولادینک تربیه-سنه مخصوص بر مکتب تأسیسنی وصیت ایدوب، بو وصیتنی (جفرسون) اجرا ایله، %نوراق\$ده صاحب ترجمه-نک اسمیله بر مکتب کشاد ایتمشدر.

2-3739-5

قوسقوسکی

1#

ممالک مجتمعه-نک جماهیر شرقیه-سندن ایداهو حکومتنده بر نهردر، که قیالی طاغیر سلسله-سنک %بیترروت\$ شعبه-سندن نبعانله، جنوبه بعده شمال غربیه-یه و نهایت غربه طوغری آقه-رق، 350 کیلومتره-لک پک طولاشیق بر جریانندن صکره، %لویتون\$ده %لویس\$ نهرینه دوکیلور.

3-3739-5

قوسن دو پرسوال

1#

مشاهیر مستشرقیندن اولوب، 1759ده فرانسه-نک %لونددیه\$ قصبه-سنده طوغمش، و 1835ده وفات ایتمشدر. طول مدت فرانسه مکتبنده عربی معلمی و آقادیما اعضاسندن بولنمش؛ و عربیدن مقامات حریری ایله یونسک ازیاچنی و اهل اسلام النده ایکن سیچلییه-نک تاریخی و ((الف اللیل))ک مابعدینی عربیدن فرانسزجه-یه ترجمه ایندیکی کبی، یونانی قدیم لسانندن دخی بعض کتابلر ترجمه ایتمشدر. *- اوغلی دخی مشاهیر مستشرقیندن اولوب، لسان عربینک فرانسزجه-ده صرف و نحوینی و عربلرک قبل الاسلام تاریخی و هندولرک ادبیاتنه دائر دخی بر کتاب یازمشدر. 1795ده طوغوب، 1878ده وفات ایتمش، و بو دخی آقادیما اعضاسندن بولنمشدر.

1-3740-5

قوسنه

1#

فرانسه-نك %نيوره\$ ايلتنده و %نورس\$ك 53 كيلومتره شمال غربيسنده اوله-رق %لوآره\$نك صول كنارنده
قضا مركزى بر قصبه اولوب، 180 اهالييسى، داخلى مكتبى، كتبخانه-سى، زراعت اوپه-سى و بر خيلى
فابريقه-سى واردر.

2-3740-5

قوسنيا، جزيره *-

مصرده قاهره ايله اسكندريه آر-سنده بر ناحيه اولديغنى ياقوت حموى بيان ايديور.

3-3740-5

قوسوه

1#

روسيه-نك %پرم\$ ايلتنده %قامه\$يه تابع بر نهر اولوب، اورال سلسله جبالندن تبعانله، جنوب غربيه طوغرى
300 كيلومتره-لك مسافه-ده جريان ايدر. مجراسنك يارييسى سبر سفائنه صالحدر.

4-3740-5

قوسى

مشاهير خطاطيندن اولوب، بغدادلى ايدى. 999 تاريخنده وفات ايتمشدر.
*- ايران شعراسندن دخى بو مخلصه متخلص برى اولوب، شو بيت اونكدر:

@@@

جايى كه تو يى كسى را كذر آنجا

از من كه تواند كه رساند خبر آنجا

\$

5-3740-5

قوش آطه-سى

آيدين ولايتنك از مير يعنى مركز سنجاغنده و از ميرك 8 كيلومتره قدر جنوب شرقيسنده اوله-رق همنامى اولان
كورفرك ايچنده و بر تپه-نك اتكنده قضا مركزى بر قصبه اولوب، 6900 اهالييسى، 5 جامعى، بر تكيه-سى، برى
روملره و برى-ده ارمنيلره مخصوص ايكي كليساسى، بر حاوره-سى، بر مدرسه-سى، بر رشديه و بر ابتدائيه
مكتبيله روملره مخصوص ذكور و اناث ايچون آبرى آبرى ايكي مكتبى، برى بلديه و ديكرى روم جماعتنه

مخصوص اولمق اوزره، ایکی خسته-خانه-سی، صاغلام لیمانی و خیلی تجارتی وارد. ازمیردن آیدینه کیدن دمیر یول خطنک آياسلوغ موقفته بر شوسه ایله مربوطدر. السنه اجنبیه-ده ((یکی اسکله)) معناسیله اسقاله نوه #1 دیرلر. قوش آطه-سی اسمی قارشیسنده بولنان و قوشی چوق اولان بر کوچک جزیره-دن مأخوذدر. اهلایسنک 3751 ی مسلم، 2750 سی روم، 59 ی ارمنی، 140 ی اسرائیلی و 200 ی اجنبیدر.

*- قوش آطه-سی قضاسی شمالاً نفس ازمیر، شرقاً تیره قضالریله، جنوب شرقی طرفندن آیدین سنجاغیله، غرباً دخی آطه-لر دکیزیله محاطدر. آياسلوغ ناحیه-سیله برابر 28 قریه-دن مرکب اولوب، نصفندن زیاده-سی مسلم و قصوری روم و سائر اولمق اوزره، 15363 اهلایسی وارد. مساحه سطحه-سی 621 مربع کیلومتره اولوب، بونک نصفی اراضی خالیه-دن، بر ثلثی اراضی مزرعه-دن، 96 ی مربع کیلومتره-لکی اورمان و 10 کیلومتره-لکی مرعادر. محصولات: بغدای، آریه و سائر حبوباتله اوزوم، انجیر، توتون، زیتون و سائر-هدن عبارت اولوب، سنوی 30000 کیله بغدای، 100000 کیله آریه، 44000 قنطار قوری اوزوم، 5000 قنطار قوری انجیر، 235000 کیلو توتون و 565000 کیلو زیتون یاغی حاصل اولور. قوری انجیرک مقدار سنویسی مقدما 50000 قنطار بالغ اولوردی. قوش آطه-سی اسکله-سندن اخراج اولنان محصولات قضا 7 ملیون غروشی متجاوز یعنی 70000 لیرای عثمانی قیمتنده اولوب، ادخالاتی ایسه 20000 لیرادن آغاشیدر. قضانک واردات سنویه-سی 23000 لیرا راده-لرنده-در. قضا داخلنده بر چوق آثار عتیقه و خرابه-لر وارد.

6-3740-5

قوشابامبه

#1

آمریقای جنوبینک بولیویه حکومتنده و شو کیساقه-نک 145 کیلومتره شمال غربیسنده اوله-رق ریو غرانده نهری اوزرنده و 1571 متره-لک ارتفاعده ایالت مرکزی بر شهر اولوب، 40680 اهلایسی، دار القنونی، متعدد مکاتبی، یوک و پاموق منسوجاتله صابون، موم، طوپراقدن اوانی و سائر فابریقه-لری و دباغخانه-لری وارد. هواسی پک لطیف و صاغلام اولوب، سنه-ده طقوز آی جوده اصلا بلوط کورینمز. اطرافی پک منبت و محصولداردر. کلینتی پنینیر یاپیلیر

1-3741-5

قوشجی

[[(علی قوشجی) ماده-سنه مراجعت بیوریله.]]

2-3741-5

قوشنشین

هند چینیک منتهای شرقنده بیوک بر یر اولوب، وقتیله آنام اسمیله مسمی ایدی. شمدیکی حالده بتونی فرانسه دولتنک تحت حمایه-سنده اولدیغی حالده، یوقاری و آشاغی قوشنشین یاخود آنام و فرانسز قوشنشینی اسملریله ایکی یه منقسمدر.

3-3741-5

قوشنشین، آنام - * - ی

یاخود آنام 1# هند چینیک منتهای شرقنده تونکینی دخی حاوی بر دولت اولوب، آنجق تونکینک فرانسز لر طرفندن ضبطی اوزرینه، 1874 تاریخندن بری فرانسه-نک حمایه-سی تحتنه کیرمشد.

موقعی، حدود و مساحه-سی. - * - اصل قوشنشین یاخود آنام قوشنشینی ویا آنام دینلن مملکت هند چینی شبه جزیره-سنگ ساحل شرقیسنده طار و اوزون بر یر اولوب، شمالاً تونکین، غرباً سیام و قامبوج، جنوب غربی طرفندن آشاغی قوشنشین یعنی فرانسز قوشنشینی، جنوب شرقی جهتندن و شرقاً دخی چین دکیزیله محدود و محاطدر. 10° 30' ایله 17° 40' عرض شمالی و 104° ایله 107° 10' طول شرقی آره-لرنده ممتد اولور.

مساحه سطحیه-سی تقریباً و تخمیناً 235000 مربع کیلومتره واهالیسی تخمیناً 6 ملیون کشیدر. سواحلی برچوق کوچک کیرنتی چیقتیلری حاوی اولوب، بونلر داخل حساب اولمدیغی حالده، 1100 کیلومتره طولنده-در.

حال طبیعیسی، جبال و انهار. - * - اراضیسی عراضه-لی اولوب، ساحل بوینجه بر صره طاغلا ممتد اولور، که لب دریایه قدر سطح مائلر ویا باصمقلر تشکیل ایدوب، ایچ طرفه طوغری ایسه بر طاقم قوللر و یوکسک یایله-لر بو صرتی تعقیب ایدر. هر نه قدر بو طاغلاک ارتفاعی وسطی حالده ایسه-ده، بوغاز و کچیدلری خیلی صعب المروردر. مملکنده هنوز تحقیقات فنیه اجرا اولنمدیغندن، جبالک درجه ارتفاعی و حتی اسملری بیله مجهولدر. بو طاغلاک دکیز جهتنده-کی مائله-سندن بر چوق انهار نبعان ایدوب، شایان تصویر بایرلر و وادیلر ایچندن مرورله، صاغلام لیمانلری حاوی اولان کوزل قوللرک ایچنه دوکیلور. بونلرک جمله-سی قیصه و اهمیتسز اولوب، باشلیجه-لری شمالدن باشلایه-رق: تونکینک حدودینی ایران %جیان کیانغ\$، کرسی مملکت اولان %هوه\$نک بر آز اوستنده منصب اولان ترونغ تیان، سونغ وه، سونغ دالانغ، سونغ لوئونغ و سونغ قامتان نهرلریدر. جبال مذکور-نک داخلی مائله-سندن نبعان ایدن صولر ایسه ده اوزون و لکن ده سیرک بر طاقم انهار تشکیل ایدیور، که واسع یایله-لر ایچندن غرب و غرب جنوبی-یه طوغری آقه-رق، قامبوج و آشاغی قوشنشینک نهر عظیمی اولان مقونغ ایرماغنه دوکیلورلر.

اقلیم و هواسی، محصولات و حیوانات و منبع ثروتی. - * - هواسی بالطبع عرض ارتفاعه تابع اولوب، مختلف ایسه-ده، عمومیت اوزره صیجاق اولوب، هیچ بر طرفنده قار یاغماز، و صولر طوکماز. مع هذا شمال جهتنده شمال روزکاری اسدیکنده برودت خیلی مؤثردر. عمومیت اوزره هوا صاغلام اولوب، یالکز بطاقلق اولان بعض محللرنده صیتمه-لیدر. %هوه\$ شهرنده قیشین میزان الحراره صفرندن یوقاری نهایت 14 درجه-یه قدر اینر، و یازین 39 درجه-یه قدر چیقار. صوک بهارده یاغمر کثرتله یاغوب، نهرلر طاشیر؛ و بو طغیانلر بعض خساراتی دخی موجب اولورسه-ده، اراضینک قوه انباتیه-سنی تزبید ایدرلر. سواحلنده شمال شرقی موسم روزکارلری تشرین ثانیده و جنوب غربی ملتملری دخی مایسده باشلار.

زراعت قابل ایکی نوع اراضیسی اولوب، بری سواحلنده کی آچق اووه لری و دیگر سلسله جبالک ایچ طرفلرند کی یوکسک یایله لردر. بو یایله لرك طوپراغی منبت و هواسی پک صاغلام اولوب، شکر قامشی، پاموق، مصر، دارچین، بوبر، چبوید، طاتلی پتاته، قوری پرنج، نخود و سائر ذی قیمت محصولاتله میوه لرك انواعی و علی الخصوص هندستان جوزیله بر جنس خرما حاصل اولور. چای دخی یتیشرسه ده، چینگ کندن دوندر. محلنجه %چای\$ تعبیر اولنان بر نبات دخی حاصل اولور، که چوید کیی قوللانیلوب، کوزل بر زمرد رنگی ویرر. سواحلده کی آچق اووه لرك ایسه باشلیجه محصول اهالینک اصل مدار تعیشی اولان پرنج اولوب، سنه ده ایکی کره زرع اولنور. طاغرینک اکثری اورمانلرله مستور اولوب، حاوی اولدقلری اشجار مختلفه میاننده صندال و آبنوس آغاجلری دخی واردر. طاغرنده آلتون، کومش، باقر، دمیر، فالای، قورشون، چنقو، کمور معدنلری بولنوب، آلتونک یالکز قوملرده بولنان ریزه لری اهالی طرفندن طوپلاننیور. طاغرده و اورمانلرده فیل، کرکدان، قیلان، طوموز، آبی، مانده و صیغیری، کیک، میمونلرک انواعی و سائر حیوانات وحشیه بولنیور. حیوانات اهلیه دن مانده و صیغیر یالکز نقلیاتده قوللانیلوب، سوت کندیلرنجه مجهولدر. بیکیرلری کوچک و قوتسزدر. مرکزک اطرافنده بر مقدار قویون وار ایسه ده، برلیلر نه اتنی نه ده سودینی یرلر. کچی بر آز دها شایعدر. طیور بیته لری چوق و سواحلنده بالیق بولدر.

صنایع و تجارتی . - * - اناملیلرک صنعت و تجارته چوق استعدادلری اولمیوب، صنایع محلیه محصولات ارضیه نك استحضاریله بر مقدار اییک اخرجی و اییک و پاموقدن بعض منسوجات اعمالی کیی شیلردن عبارتدر. آنجق بو منسوجات چینده یاپیلانلردن چوق آشاعیدر. دمیر جیلکه و تونج اذابه سنه متعلق بعض مصنوعاتلری دخی وار ایسه ده. بونلر دخی مهارتلیرینه دلالت ایتمیور. تجارت ایسه کرک داخل مملکتده و کرک خارج ایله اک زیاده چینلیلر طرفندن اجرا اولنور. اهالیسی، جنسیت و لسان مذهبلری . - * - اناملیلر هند چینی اهالیسی اولان اقوام مختلفه نك اک قبا و چرکینلری اولوب، سیمالری صرف مغول سیماسی، رنگلری زیاده اسمر و صاری و بدنلری بتون و قیادر. کرک قادین و کرک ارککلری صاچلرینی اوزادیرلر. دیشلرینی قرارتمق عادتلری جمله سننددر. لسانلری چینجه یه مشابه اولوب، چین خطیله یازارلر. فرانسز حکومتی لاتین حرفنی قبول ایبتدیرمکه چالیشیور. مذهبلری بودا دینک چینده مرعی مذهبی اولوب، کبار طاقمی قونفوجیوسک مذهبه تابعدر. اصل اناملیلردن بشقه خیلی چینلی و مالایی اهالی ایله طاغرده نیم وحشی و مستقل بر قوم واردر، که (مویس) اسمیله معروفدرلر.

اصول حکومتی، تقسیمات ملکیه سی . - * - اصول اداره سی حکومت مطلقه اولوب، آلتی کشیدن مرکب بر هیئت وکلاسی و باش قوماندان و مفتش عمومی کیی عنوانلرله بش کشیدن مرکب بر هیئت ارکانی واردر. حکمدار معیننده بر چوق یاوران و سائر مأمورین و محافظه سنه مخصوص اللی بییک عساکر موظفه واردر. حرب زماننده ایکیوز بییک عسکر چیقاره بیلیدیکی مرویدر. مملکت اوچ قسمه منقسم اولوب، قسم شمالیسی 3، قسم وسطیسی 4 و قسم جنوبیسی 2 ایالتی حاوی اولمغله، بتن مملکت 9 ایالته منقسمدر. بو ایالتلر ساحلندن سلسله جبالک صرتنه قدر اوزانوب، جبال مذکوره نك ایچ طرفی ایسه غیر مضبوط بر حالده بولنیور. بو مملکت اصل شهر و قصبه لری اولمیوب، مرکزی اولان %هونه\$ حکمدارک سراییله وکلا اعظم دولتک قوناقلرینی حاوی بر قلعه ایله بونک اطرافنده بولنان بر قاچ قریه دن عبارتدر. ایالت مرکزلری دخی برر بیوک قریه در. آنجق قراسی و بازار محللری چوقدر.

احوال تاریخیه سی . - * - چین مورخلرینک روایتنه کوره، هند چینینک او جهتی اسکیدن نیم وحشی بر طاقم اقوامله مسکون اولوب، میلاددن 214 سنه اول چن حکمدارلردن (چین شی لو آنگ) عسکر سوقیله، بو مملکتی ضبط ایبتدکن صکره، چیندن اهالی نقل ایله، تونکینی و قوشنشینک %هونه\$ موقعنه دک اولان قسم شمالیسنی اسکان

ایتمش؛ و اهالی قدیمه موقع مذکورک جنوب جهتنه چکیلوب، %چامپه\$ اسمیله معروف قالمشدر ایدی. بو مملکتک تونکینک جنوبده کی قسمنه چینلیلر %قوئه چین چینغ\$ نامنی ویرمشلردی، که بو اسم مؤخراً فرنکلر طرفندن تحریف اولنه-رق، %قوشنشین\$ صورتتی آلمشدر. بر چوق زمان چینلیلرک تحت حکمنده قالدقن صکره، تونکین ایله قوشنشین 1428ده مختاریت اداره-یه نائل اولوب، جنوب دیمک اولان %آنام\$ اسمیله بر حکومت تشکیل ایتمشلردر. بعده تونکین بسیتون استقلاله نائل اولوب، بو مملکت حکمداری 1471ده قوشنشینی دخی ضبط ایتمکله، اون آلتنجی قرن میلادی-یه دک قوشنشین تونکینک تحت حکمنده قالمش؛ و قرن مذکورده حاکمیت قوشنشینلیله کچوب، بونلر (چامپه)لری دخی سواحدن ایجری-یه طوغری پوسکورده-رک، تدریجاً قامبوج و آشاغی قوشنشینی دخی ضبط ایتمشلردر. 1774 تاریخ میلادیسنده مملکتده بر انقلاب عظیم وقاع بولوب، حکمدار اسقاط اولنش؛ و فرومایه اوچ قرداش مملکتی ضبط، و بینلرنده تقسیم ایتمشلردر. اسقاط اولنان اوغلی %جاؤلونغ\$ی اوراده بولنان فرانسز میسیونلرندن برینه تسلیم ایتمش اولمغله، بونک طرفندن فرانسه-یه کوتوریله-رک، فرانسه دولتیه بر مقاوله عقد ایتمش؛ و فرانسز عسکر و دونماسنک معاونتیه پدیرینک تختنی استرداد ایده-رک، موقع اقتدارده بولندقجه، فرانسزلره و خرسیتیانلره مساعد بولنوب، زماننده خرسیانلق خیلی انتشار ایتمشدی. بونک اوغلی و توروئی ایسه فرانسزلرک نفوذندن توهمه باشلایوب، دفعاتله میسیونلری و خرسیانلری قتل ایتمشدرکنندن، فرانسه دولتی 1858ده بونلری حمایه ایچون بر فیلو کوندروب، %تایغون\$ شهرینی و دیگر بر قاچ موقعی ضبطله، آشاغی قوشنشینی تحت استیلایه آلمشدر. مؤخراً قامبوجی دخی تحت حمایه-یه آلمغله، %مقونغ\$ ایرماغنک آشاغی قسمنه مالک اولنجه، بو نهر واسطه-سیله چینک ایچنه طوغری بر طریق آچمق امدیله بر هیئت فنیه کوندرمکله، بو هیئت %تونکین\$ ایرماغنک بو ایشه یارایه-بیله-جکنی کشف ایتمسی اوزرینه، آنام حکمداری بوکا اولدیغندن، فرانسزلر بوندن استفاده ایله، عسکر سوق ایده-رک، تونکینی ضبط ایتمشلردر. بو وجهله آنام فرانسه-نک ضبیطی آلتنده بولنان آشاغی قوشنشین ایله تونکین آره-سندنه قالنجه، تأمین استقبالیچون دولت مشار الیهانک حمایه-سی آلتنه کیرمکه مجبور اولوب، 1874ده فرانسزلرک تکلیفاتنی قبول ایتمشدر.

1-3743-5

قوشنشین

آشاغی -*- یاخود فرانسز -*- ی #1 هند چینینک منتهای جنوب شرقیسند بر مملکت اولوب، 1867 تاریخندن بری تاممیله فرانسه-نک ضبیطی آلتنده بولنیور.

موقعی، حدود و مساحه-سی. -*- هند چینینک قسم شرقیسی اولان بیوک بر شبه جزیره-نک منتهای جنوبیسندن عبارت اولان بو مملکت جنوباً و جنوب شرقی طرفندن چین دکیزیله، شرق شمالی جهتندن یوقاری آنام مملکتک %چامپه\$ خطه-سیله، شمالاً و شمال غربی طرفندن ینه فرانسه-نک حمایه-سی آلتنده بولنان قامبوج مملکتیه، غرباً دخی سیام کورفزیه محاط و محدوددر. 25' 8° ایله 30' 11° عرض شمالی و 30' 102° ایله 11' 105° طول شرقی آره-لرنده ممتد اولوب، شمال شرقیدن جنوب غربی-یه طوغری بویی 450 و وسطی اکی 150 کیلومتره-در. مساحه سطحیه-سی 59500 مربع کیلومتره اولوب، 1876689 اهالی ایله مسکوندر.

شکل طبیعیسی، جبال و انهار و سواحلی. -*- آشاغی قوشنشین آچق و دوز بر یر اولوب، مقونغ ایرماغیله %دوتابی\$ نهرینک تشکیل ایتمشدرکی واسع دالیله-ر قسم اعظم شرقیسی ضبط ایتمش اولمغله، او جهتی

بو ایکی نهرک دکیزه دوکلمزدن اول ایرلدقلری حسابسز قوللر و بونلر آره-سندده-کی جدوللرله بر چوق آلچق و طغیان میاه مخاطره-سنه معروض آطه-لره منقسمدر. قسم غربیسی %قامائو\$ اسمیله بیوک بر شبه جزیره-دن عبارت اولوب، بونک ساحل غربیسنک قسم شمالیسنده بیوجک بر کورفرز بولنیور. قامبوج ایله یوقاری قوشنشین یعنی آنام حدودنده-کی طاغلردن بر ایکی صره تیه-لر آشای قوشنشینه کیروب، جنوبه طوغری اوزانیورسه-ده، بونلرک اک یوکسکی 500 متره-یی متجاوز دکلدر. سائر طرفلری آلچق و انهارک ایندیردکلری چامورلردن متشکل اراضی مترسبه-دن عبارتدر. باشلیجه ایکی بیوک نهری واردر، که بونلرک بری تاجینک یوننان خطه-سندن کله-رک سیامک حدود شرقیه-سنی بعد التفریق بو دولتک لائوس مملکتی و بعده قامبوجی شق ایله آشای قوشنشینه کیرن %مقونغ\$ ایرماغیدر. بو ایرماغک اک آشای و بناءً علیه اک کنیش قسمی مملکتی شمال غربیدن جنوب شرقیه طوغری شق ایله، مملکتک وسطنه کلنجه قوللره انقسامه باشلابوب، نیل کیی واسع بر دالیه تشکیل ایده-رک، بونلر بینلرنده بر چوق طبیعی و صنعی جدوللرله اختلاط ایده-رک، اراضی-یی بر چوق آطه-لره تقسیم ایدیور. مقونغ دالیه-سنک شرق جهتنده قوشنشینک ایکنجی نهری اولان %دونای\$ک دالیه-سی بولنیور. بو نهر مملکتک حدود شمالیه-سنک بر آز اوته-سندده قامبوجه نبعان ایدوب، مجراسی قیصه اولدیغی حالده، تابعلری و صوبی پک چوق اولوب، مملکتک کرسی اداره-سی اولان %سایغون\$ شهرینی کچدکن صکره پک چوق قوللره انقسامله، عادتاً مقونغک دالیه-سندن دهها بیوک و دهها واسع بر دالیه تشکیل ایدیور، که بونکده بعض قوللری مقونغک قوللریله برلشهرک بر تک دالیه کیی کورینور. مملکتک قسم غربیسنی تشکیل ایدن %قامائو\$ شبه جزیره-سندده بر چوق نهرلر نبعان و بینلرنده اختلاط ایده-رک، سواحلنه دوکیلور. بو وجهله آشای قوشنشینک میاه جاریه-سی پک چوق اولوب، ایچنده انهار عادتاً بر آغ شکلنی ابراز ایدر. بو نهرلرک جمله-سی منصلرندن 250 و 260 کیلومتره یوقاریلره قدر سیر سفائنه صالح اولوب، اختلاط و مواردته خدمت ایندکلری کیی، سائر موسملرده صولری بر آز آجی ایسه-ده، فیضان میاه موسمنده صولری طاتلیلاشوب، اراضی-یی اروایه دخی یارارلر. سواحلک قارشیسندده بر قاچ آطه بولنوب، اک بیوکلی %قندور\$ و %پهوقوق\$ آطه-لریدر.

اقلیم و هواسی. *- آشای قوشنشینک هواسی پک آغر اولوب، ایکی موسمی واردر. بری قوراقلق موسمیدر، که تشرطن اولدن مارده قدر دوام ایدوب، بو موسمه حرارت کوندوزین 35 درجه-یه قدر چیقدیغی حالده، کیجه-لری 18 و حتی 17 درجه-یه قدر اینر. یاغمور موسمی مایسندن باشلابوب، تشرین اوله قدر دوام ایدر. بو موسمه یاغمور کثرتله یاغوب، فرطونه-لر دخی چوق و پک شدتلی اولور. بو موسمه میزان الحراره 20 ایله 30 درجه-لری آره-لرنده-در. بو ایکی موسم آره-سندده اولان مارت و نیسان و مایس آیلرنده ایسه حرارت پک زیاده اولوب، و هوا پک آغیر اولوب، بر طاقم امراض جلدیه ایله برابر دیزانتیری و سائر مهلك خسته-لقلر ظهور ایدر.

محصولات و حیوانات و منابع ثروتی. *- محصولاتجه آشای قوشنشینک اراضیسی اوچ طبقه-یه تقسیم اولنه-بیلییر: برنجیسی اک آلچق اووه-لردر، که پرنج ایله مزروع اولوب، مملکتک اک برنجی محصولی و اهالیسنک باشلیجه مدارتعیشی پرنجدر. بو طبقه-نک مزروع اولمیان یرلری سازلق و اوزون اوتلرله مستورددر. ایکنجی طبقه سایغون شهرندن یوقاری و نهرلرک یئاقلرندن بر ایکی و نهایت اوچ متره یوکسک اولان یرلردن عبارتدر، که بونلرده چوید، توتون، پاموق، سیسام، کنویر، انواع سبزه-لر، آمریقان فستیغی انواعی، شکر قامشی، مصر و سائر ایله طوت آغاجی، موز، آناناس، تمر هندی کیی میوه-لر حاصل اولور. اوچنجی طبقه اورمانلرله مستور اولوب، بو اورمانلرده کراسته-یه و علی الخصوص سفائن اعمالنه و مرانغوزلق و طاوشانلغه یارار آغاجلر بولنیور. باغ بیانی حالنده بولنوب، اکشیجه بر جنس اوزوم حاصل اولور، که بوندن عادی شراب ایله بر جنس قونیاق چیقاریرلر. الحاصل اراضیسی پک منبت و محصولاتی متنوع ایسه-ده، پک آز یری مزروع اولوب، اکثر طرفلری بیوم خالی و متروکدر.

ایچ طرفلرنده فیل و قیلان ایله سائر حیوانات وحشیه کثرت اوزره بولنیور. بطاقلق محللرنده مانده-لر پک بیوک آزغین اولور، صیغیرلری دخی بیوک و اور کوجیلدر. آروپادن ادخال اولنان حیواناتدن کچیلر چوغالامش ایسه-ده، قویون خیر ایته-مش، و مرکب و بیکیر دخی پک طیانه-مامشدر. یرلی بیکیرلر پک کوچک و قوتسزدر. نهرلرنده تمساخلر و بیلان، عقرب و سائر حشرات پک چوق اولدیغی کبی، سینک و قارینجه کبی حیوانات معجزه دخی پک چوقدر. اهالی ایپک بوجکی یتشدیروب، بر مقدار ایپک چیقاریرلر. سواحله و بیوک نهرلرده بالیغک انواعی کثرتله چیقار. واسع مملحه-لری اولوب، سنوی 23 ملیون ملیون کیلو قدر طوز چیقار. صنایع و تجارتی، وسائط نقلیه-سی. -* - آشاغی قوشنشین زراعت یری اولدیغندن، صنایعی هیچ حکمنده-در. تجارتی باشلیجه پرنج و طوز اخراجیله مملکنده چیقیمان مواد مختلفه-نک ادخالندن عبارت اولوب، پرنج و طوزدن صکره اخراج اولنان مواد: پاموق، بوبر، شکر، ایپک و سائر-در. سنوی اخراجاتی 88 و ادخالاتی 67 ملیون فرانک راده-لرنده-در. پرنجی یالکز سیام و آسیا جزایریله جاپونیه-یه کیتمیوب، آمریکا و آروپایه دخی کلینتله اخراج اولنور. پرنج اخراجاتی سنوی تقریباً 35 ملیون فرانک قیمتند-در. برنجی اسکله-سی مرکزی اولان سایغون اولوب، سیام کورفزنده بر ایکی کوچک اسکله-سی دخی وارد. وسائط نقل و اختلاطی انهاردن عبارت اولوب، مد و جذرک دخی یاردیمیه کمیلر و حتی بیوجک و اپورلر دخی مملکتک هر طرفنه کیررلر. بوندن بشقه، فرانسزلرک دخولندن صکره شهر و قصبه-لر بیننده مکمل آراهه شوسه-لری دخی یاپلمشدر. اصول اداره-سی، تقسیماتی، شهر و قصبه-لری. -* - آشاغی قوشنشین قرق سنه-دن بری طوغریدن طوغری-یه فرانسه-نک تحت اداره-سنده اولوب، پارسدن تعیین اولنان و سایغونده اقامت ایدن ارکان بحریه-دن بر آمیرال معرفتیله اداره اولنور. مملکت: سایغون، میتو، وین لونگ، باساق اسملریله 4 ایالته منقسم اولوب، بهر ایالت درت بش و جمعاً قوشنشین 17 قضایی حاویدر. مملکت 6 شهر ایله یکرمی یکرمی بش قصبه-یی و 2400 قریه-یی شاملدر.

اهالیسی، جنسیت و لسان مذهبلری. -* - قوشنشین اهالیسنک قسم اعظمی آناملی و قصورینک قسم کلیسی قامبوجلی اولوب، بونلر حقنده ماده آنفه-ده و قامبوج ماده-سنده تفصیلات ویرلدیکندن، تکرارینه حاجت یوقدر. اهالینک بر مقداری-ده ملایی، چینلی، هندلی و سائر-در. قوشنشین اهالیسی اسکیدن بری چین مدنیتته تابع اولوب، لسانلرینی دخی چین خطیله یازمقده ایدیه-لرده، فرانسز حکومتی کندیلرینه لاتین حروفنی قبول ایتدیروب، بو حروفله تدریسه مخصوص اولمق اوزره، بر چوق مکتبلر کشاد، و بر طاقم کتابلر طبع ایتمشدر. کندیلری الآن اسکی مذهبیلنده یعنی بودا دیننده ثبات ایتمکده-درلر. احوال تاریخیه-سی. -* - آشاغی قوشنشین اوت-دن بری قامبوجه تابع ایکن، 1689ده آناملیلرک ضبطنه کچمشیدی. ماده آنفه-ده بیان اولنان تفصیلات اوزره، آنام دولتی فرانسه ایله معاهداته کیرشدکن صکره، داخل مملکنده-کی میسیونرلرله خرسیانلغی قبول ایدن اهالی حقنده اجرای مظالم ایتدیکندن، فرانسز دولتی، بونلری حمایه ایتمک بهانه-سیله، 1858ده بر فیلو کوندروب، او وقتدن اعتباراً پارچه پارچه بتون آشاغی قوشنشینی ضبط ایله، کندی اداره-سی آلتنه آلمشدر.

1-3745-5

قوشوم

1#

روسیه-نک اورال قزاقلری اراضیسینده بر نهردر، که اورال ایرماغنک صول کناری قرینده نبعانله، جنوب غربی-یه طوغری چوراق برلر ایچنده 160 کیلومتره-لک جریانندن صکره، %چالدير \$ کولنه دوکیلور.

2-3745-5

قوشیلا غرنده

1#

آمریقای جنوبینک %اوروغوای \$ حکومتنی شق ایدن، و %قوشیلا \$ یعنی ((بیچاق)) دینلن طاغرك اك بیوکی اولوب، شمال شرقیدن جنوب غربی-یه طوغری مملکتی شق ایله، 34° عرض جنوبیده واقع اوروغوای ایرماغنک منصبنه واصل اولور؛ و حکومتك اك بیوکی نهری اولان، %ریونغرو \$ حوضه-سنی بحر محیط آطلاسی مائله-سندن آبرر. بر قاچ شعبه-سی دخی اولوب، اك یوکسك محلی 600 متره-یی تجاوز ایتمیور.

3-3745-5

قوشین

یاخود قوچین و لسان محلیده کاچی 1# هندستانك مدراس اداره-سنده ملابار ایالتنده و هندستانك ساحل غربیسنده اوله-رق، %قانیقوت \$ك 153 کیلومتره جنوب شرقیسنده بر قصبه اولوب، 13840 اهالیسی، لیمانی و ایشلك تجارتی وار ایسه-ده، هواسی پك آغر و امراض جلدیه-یی مؤیدر. وقتيله همانمی اولان حکومت ممتازه-نك مرکزی ایدی. پورتکیزلرک، بعده فلمنکلیرک و نهایت انکلیزلرک الینه کچمشدر.

1-3746-5

قوشین

حکومت ممتازه-سی 1# هندستانك %ملابار \$ دینلن ساحل غربیسنده انکلتره حکومتنه تابع بر یر اولوب، شمالاً و شرقاً مدراس اداره-سیله و جنوباً %تراونقور \$ حکومت ممتازه-سیله محدودر. مساحه سطحیه-سی 3525 مربع کیلومتره اولوب، 598353 اهالیسی واردر، که بونلرک ایچنده اسکیدن بری موجود بر طاقم اسرائیلیر و سریانی خرسیتیانلر بولنیور. ساحل طرفی آلق اولوب، دکیزله اختلاط ایدر بر طاقم کوللری و کلینتی پرنج و بهارت محصولی واردر. ایچ طرفی ایسه طاغلق و اورمانلق اولوب، قهوه محصولی واردر. مرکزی %قوشین \$دن 65 کیلومتره-لک مسافه-ده بر کولک ساحل شرقیسنده واقع %تریچور \$ شهریدر. راجه-سی انکلتره حکومتنه سنوی 240000 روبیه یعنی 600000 فرانق جزیه ویرر.

2-3746-5

قوص

صعيد مصر ك قنا مدبريتنده و قنانك 29 كيلومتره جنوبنده اوله-رق نيلك ساحل يمينيله سنهور جدولی آره-سنده قضا مرکزی بر قصبه اولوب، 10280 اهالیسی، نیلده ایشلك اسكله-سی و خیلی تجارتی واردر. پك اسکی بر قصبه اولوب، آثار عتیقه مصریه-ده %قوصی\$ اسمیله مذکور اولدیغی حالده، بطالسه زماننده %آپولینوپولیس پارده\$ اسمیله شهرت بولمشدی. دور اسلامده دخی صعيد مصر ك اك تجار تكاه بلده-سی اولوب، نیل واسطه-سیله تاسودان و آق دكیز و %قصیر\$ اسكله-سی واسطه-سیله بحر احمر و یمن و هند مواد تجاریه-سنگ محل مبادلده-سی و بو تجار تك بر بیوك انباری حکمنده ایدی. فقط قصبه-سندن صكره اهمیت تجاریه قوصه و قوصدن صكره قنایه كچمشدر. انجق سویش جدولك كشادی بو طریقك اهمیتنی از اله ایتمشدر. *- قواسی 130000 قدر اهالی-بی حاوی اولوب، بونلرك 10000 قدری بدوی و خیمه نشیندیر.

3-3746-5

قوصره ، یاخود قوصرا

آق دكیزده تونسك مهدیه اسكله-سیله سیچلیه جزیره-سی آره-سنده بر آطه اولوب، حضرت معاویه رضی الله عنه زماننده غزاة مسلمین طرفندن فتح اولندیغی، و عبدالملك بن مروان زماننده خراب اولدیغی جغرافیون عرب آثارنده مذکور اولوب، یاقوت حموی کندی زماننده خوارج مهدیه ایله مسكون اولدیغنی علاوه ایدیور. الیوم سیچلیه جزیره-سنه ملحق و ایتالیا دولتته تابع اولان %پاندلریه\$ آطه-سی اولسه کرکدر. شكلك معروف قوصره-یه مشابهنندن طولایی عربلر طرفندن بو اسمله تسمیه اولنمشدر.

4-3746-5

قوصوه

اووه-سی #1 روم ایلینك یعنی بالقان شبه جزیره-سنگ قسم غربیسی وسطلرنده واسع و مرتفع بر اووه اولوب، اسمیله تسمیه اولنان ولایتده و قچانیق پرشتنه، یکیپازار، اییک، یاقوره و پرزرین آره-لرنده واقعدر. حدای بحردن حد وسطی اوزره 500 ایله 600 متره آره-لرنده بر ارتفاعده اولوب، میاه جاریه-سی بر طرفندن %درین\$ واسطه-سیله آطه-لردكیزینه، بر طرفدن %واردار\$ واسطه-سیله آطه-لر دكیزینه، بر طرفدن دخی مور اووه-یه تابع %ایبار\$ واسطه-سیله طونه-یه یعنی قره دكیزه دوکیلور، که بو حال بالقان شبه جزیره-سنگ مرتفع بر محلنده واقع اولدیغنه دلالت ایدیور. اطرافی یوکسك طاغرله محاط ایسه-ده، بو طاغلا قوصووه اووه-سی صولرینك جریانه کچید ویره-جك صورتده بربرلرندن آیریدر. تامیله اووه دینلمکه شایان برلری از اولوب، اکثر طرفلری از چوق مرتفع تپه-لردن عبارتدر. اراضیسی منبت اولوب، حبوبات متنوعه ایله صوئوق هوالره مخصوص میوه-لرك انواعی و علی الخصوص الماء، آرمود، اریک و سائر اثمارك پك اعلااری حاصل اولور. مع هذا شمیدیکی حالده اهالی موجوده-سی هر طرفنی ایشلمکه کافی اولمدیغندن، اکثر برلری خالیدر. بو اووه ایکی بیوك وقوعاتله شهرت کیر عالم اولمشدر. بو وقعه-لرك برنجیسی خداوندكار سلطان مراد اول حضرتلرینك صربلیلره

قارشی 791 تاریخ هجریسنده قزاندیغی مظفریت عظیمه ایله صرب قرالغنه ختام ویرمسی؛ و ایکینجیسی سلطان مراد خان ثانی حضرتلرینک مجار قرالی هونیداک قوماندہ-سی تحتندہ اولان مجار، آوستریا و آفلاق عساکر متفقہ-سنی 852 تاریخندہ کلیاً مغلوب و پریشان ایتمسیدر.

5-3746-5

قوصوه

ولایتی. روم ایلنده-کی ولایتک شمال جهتندہ بولنانلرندن اولوب، آرناودلغک شمال شرقی قسمیله یکپیارار خطه-سنی و ماکدونیه-نک قسم شمالیسی یعنی قدیماً %داردانیه\$ دینلن خطه-یی شاملدر. قوصوه ولایتی شمالاً صربیه و بوسنه، شمال غربی طرفندن قره طاغ ایله، غرباً شقودره، جنوب غربی جهتندن مناستر، جنوب شرقی طرفندن سلانیک ولایتلریله، شرقاً دخی بلغارستان امارتیه محدوددر. اراضیسی عمومیت اوزره طاغلق و مرتفع اولوب، آف البطان قوصوه اووه-سیله اسکوب اووه-سنی حاویدر. روم ایلینک اک یوکسک طاغی اولان شار سلسله-سی ولایتک جنوب غربی جهتندن کله-رک شمال شرقییه طوغری ممتد اولور، و قچانیق بوغازنده ختام بولوب، قارشیسندہ بونک مابعدی حکمنده اولان %قره طاغ\$ ینه او استقامتده صربیه حدودی داخلنه قدر اوزانیر. بوندن ماعدا ولایتک حدود و کنارلرنده و علی الخصوص قره طاغ و صربیه ایله بلغارستان حدودنده یوکسک طاغلی و اردر. بو طاغلرندن بعضلری قوری و طاشلق و بر طاقمی اورمانلرله مستورددر. شار طاغنک غربی مائله-سی نه قدر صرب و چبلاق ایسه، شرقی مائله-سی او قدر کوزل بایرو وادیلری و اشجار مختلفه-یی حاویدر. بلغارستان حدودی جهتندہ-کی طاغلرینک چوغی-ده اورمانلندر. میاه جاریه-سی چوق اولوب، بو جهتجه، یوقاریده دینلن یکی کبی، ولایت اوچ حوضه-یه منقسم و اوچ ایرماغک منابعی شاملدر. بونلرک برنجیسی %واردار\$ حوضه-سیدر، که ولایتک بتون قسم جنوبیسندن عبارت اولوب، بو نهر شار طاغنک قسم جنوبیسی مائله شرقیه-سندن نبعانله، شمال شرقییه طوغری کوزل بر وادی ایچندن بالمرور، مرکز ولایت اولان اسکوبه کلنجه، قوصوه اووه-سنک جنوب جهتندن نبعانله قچانیق بوغازندن کچن %اپنچه\$ نهرینی و دیگر بر چوق چاپلر اخذ ایده-رک، جنوبه طوغری دونر، و آطه-لر دکیزینه دوکلمک اوزره، سلانیک ولایتنه کیرر. ولایت داخلنده-کی تابعلرینک اک بیوکی بلغارستان حدودندن و اکری پلانغه-دن کلن %اکری صو\$در. ایکینجیسی %مور اووه\$ نهریدر، که ولایتک شمال شرقی جهتی صولرینی جمع ایله صربیه-یه داخل اولور. اوچنجیسی %ایبار\$ نهریدر، که ولایتک قسم شمالیسندہ جریان یدن بر چوق چاپلرک اجتماعندن بالتشکل، ینه مور اووه-یه قاریشمق اوزره، صربیه-یه کیرر. درنجیسی درین ایرماغیدر، که بونک مرکب اولدیغی ایکی شعبه-دن قره درین دبره سنجاغندن کله-رک، ولایتک منتهای غربنده آق درین ایله برلشیر. و آق درین ایسه ایپک و یاقوه جهتندن کله-رک، ولایتک بتون قسم غربیسی میاهنی طوپلار. هواسی قیشین زیاده صوئوق ایسه-ده، یزین پک لطیف و عمومیت اوزره صاغلام اولوب، صیتمه-لی و بطاقلق برلری پک آزدر. شمال و غرب جهتندہ یعنی یکپیارار ایله یاقوه جهتندہ و شارک غرب طرفنده اراضی عمومیت اوزره طاشلق و آز منبت ایسه-ده، سائر طرفلری و علی الخصوص قوصوه اووه-سیله ولایتک جنوب شرقی جهتی پک منبتدر. محصولاتی: بغدادی، آرپه، چاودار، یولاف، نخود، فاصولیه و سائر حبوباتله توتون، کنویر، اوزوم، سبزه و میوه-لرک انواعندن عبارتدر. اسکوب سنجاغنده آپریجه پاموق، آفیون و پرنج دخی حاصل اولور. میوه-لری و علی الخصوص قالفاندلن جهتنک آرناؤد الماسی دینمکله مشهور الماسی، قوصوه اووه-سنک و

يکيپياز اړک اشليوه اړيکي و اسکوب جوارلرينک هر نوع ميوه-سي پک منقسمدر. قوچانه-نک پرنجی و اسکوبک فاصوليه-سي دخی اعلادر. شمال غربي جهتک ذخايري احتياجات محليه-يه کفايت ايتمز-سه-ده، سائر طرفلرينک محصولاتي زياده اولوب، خيلي مقدار اخراجاتي دخی واردر. حيوانات اهليه-سي دخی چوق اولوب، مرعا و يايله-لرينک مساعده-سيه صيغير، قويون، کچی، خرکله کبی حیواناتی کثرتلی و جنسلیری پک ایی اولمغله، ولایتک هر طرفندن خيلي حیوانات يتيشديريلوب، ممالک اجنبيه-يه اخراج اولنور. حیوانات محصولاتندن اوله-رق پياغی، دری، یاغ، پينير کبی شيلر دخی احتياجات محليه-دن چوق زياده اولوب، فضله-سي اخراج اولنور. اورمانلری پک چوق اولوب، مختلف اشجاری حاوی ايسه-ده، يوللرک فقداندن و مملکتک سواحلدن پک اوزاق بولنمسندن طولايی، بولرندن يالکز محلنجه اقتضا ايدن کراسته و اودون قطع اولنوب، بحق استفاده اولنميور. طاغرده مختلف معدنلر وار ايسه-ده، هنوز هيچ بری اخراج اولنمامقده-در. معدن صولری و ايليجه-لری چوقدر. حیوانات وحشيه قورت، آبی، طوموز، تيلکی طاوشان و سائر اولوب، او حیواناتی-ده چوقدر؛ و دريلرندن کورک ياپيلوب، بوندن خيلي اخراجاتي واردر. صنايع محليه دميرجیلک، قيومحيلق، دباغلق، سراجلق و منسوجات مختلفه نسجي کبی احتياجات محليه-يه کوره شيلر اعمالندن عبارت اولوب، پرزرينده دميردن اسلحه و آلات متنوعه ايله تلکاری شيلر ياپارلر. ولایتک هر طرفنده کلیم، سجاده، پيشکیر، خاولی، بز کبی شيلر نسج اولنور.

يوقاریده دينلديکی کبی، قوصوه ولایتی آرناؤدلغک بر قسمله بوسنه-نک بر مقدارندن و ماكدونيه-نک اوست طرفندن مرکب اولمغله، اهالیسی دها اوکا کوره مختلف الجنسدر. ولایتک هنوز هر طرفنده تحرير اجرا اولنمديغندن، مقدار نفوسی حقنده بر شی دینله-مز ايسه-ده، بعض طرفلرينک پک مسكون اولديغنه نظرأ، بر مليونه قریب اولمسی ملحوظدر. قسم اعظمک اهالیسی آرناؤد اولوب، يالکز اسکوب سنجاغک جنوب شرقی جهتنده مسلمانلر ترک و خرستیانلر بلغار و سائر-در. يکيپياز خطه-سنده دخی يکيپياز سنجاغک اهالیسی آرناؤد و بوشناق اوله-رق مختلط و طاشليجه سنجاغک کيلر همان کاملاً بوشناقدر. آرناؤدلقدن معدود اولان پرزرين، ايپک، پرشتنه سنجاقلریله اسکوب سنجاغک شمال و غرب طرفلرنده ايسه اکثریت اوزره اولان مسلمانلر و اورالرجه لاتین تعبير اولنان قوتولیکلر کاملاً آرناؤد اولوب، اقلیتده بولنان اورتودوقسلرک بر قسم جزئیی بلغار ویا صربلی اوله-رق اسلاودر، ویا مکتب و کلیسا قوتيله اسلاولاشمشدر. اسکوب و پرزرين و پرشتنه کبی بعض شهرلرده عمومیت اوزره ترکجه سويلنور. مذهبجه اهالینک اوچ ربعندن زياده-سي مسلم و آنجق بر ربعی خرستیان و سائر-در.

سلانیکدن بدأ ايله صربيه-دن اوروپايه کيدن دمير يول خط کيیری بو ولایتک مرکزی یعنی اسکوب سنجاغنی شق اينديکی کبی، اسکوبدن آیریلان بر شعبه-سي دخی پرشتنه سنجاغندن بالمرور متروپچه-يه واصل اولديغندن، ولایتک تجارتتی خيلي تسهيل ايتمش ايسه-ده، سائر طرق و وسائط موارد-سي هنوز پک کریدر. قوصوه ولایتی، زيرده-کی جدولدن آکلاشدیغی کبی، 6 سنجاغه منقسم اولوب، مرکزله برابر 27 قضا، 16 ناحیه و سنجاق و قضا مرکزلی اولان شهر و قصبه-لرله 3120 قریه-یی حاویدر.

###

سنجاق

قضا

ناحیه

اسکوب

اسکوب

اورخانیه

اشتب
قوچانه
عثمانیه
قره-طوه
قومانوه
رادویشته
پلنقه
برکتلی
بیانجه
مزرعه
پرشته
پرشته
کیلان
پره-شوه
ولچترین
مترویچه
پرزرین
پرزرین
قالقاندلن
لومه
راخوفچه
غستوار
قالیس
ایپک
ایپک
یاقوه
غوسینه
برانه
ترغویشتنه
یکیازار
یکیازار
یکی واروش
قولاشین
ویرانش
مویقواج
روانه-ریقه

آقوه
بشترچه
بهور
قمرات
بزاوه
طاشلیجه
طاشلیجه
پره پول
پریبوی
\$

قوصوه ولایتی روسیه محاربه اخیره-سندن اولجه، مرکزی صوفیه اولمق و نیش و پرشتنه جهتلرینی دخی جامع بولنمق اوزره، تشکیل اولنه-رق محاربه-دن صکره پرشتنه مرکز اتخاذیله یکیبازار جهتی دخی علاوه اولنمش؛ و مؤخرأ پرزرین سنجاغی دخی مناستر ولایتندن فك ایله بو ولایتیه الحاق، و ایپک دخی جوارلریله بر سنجاغ اولوب، اسکوب مرکز ولایت اتخاذ اولنمشدر.

1-3748-5

قوصی

[((ضیاء الدین قوصی)) و ((عبد الرحمن ابن اسنائی)) ماده-لرینه مراجعت بیوریله.]

1-3749-5

قوق

قپودان جامس -*-# 1 انکلتره مشاهیر بحریون و سیاحینندن اولوب، 1728ده یورکشیر ایالتنک %مارتون\$ قصبه-سندده طوغمش؛ و کندیسسی بر چفتنک رنجبرینک اوغلی اولدیغی حالده، بحریه نفری یازیلوب، کمجیلک ایچون لازم اولان علوم ریاضیه و هیئتیی معلمسز اوله-رق کندی کندینه اوکرنه-رک، تدریجاً کمی قپودانی اولمش ایدی. اوزاق دکیزلره سیاحت ایتمکه دولتی طرفندن مأمور اولوب، اوچ دفعه کره ارضی دور ایتمشدر. برنجی سیاحتتی %تاهیتی\$ جزیره-سندن زهره-نک کره شمسک اوکندن مروری سیر و معاینه ایتمک مأموریتیله و ارباب فندن (بانقس) و (سولاندر)ک رفاقتیله 1768 تاریخنده اجرا ایدوب، بو سیاحتنده یکی زلاندنک سواحلی فناً تعیین، و بو اسمله معروف اولان ایکی جزیره-نک آره-سندده-کی بوغازی (یعنی قوق بوغازینی) کشف ایتمشدر. 1772ده (رزولوسیون) و (آونتور) سفینه-لریله قطب جنوبیده قره-لر بولنوب بولنمدیغنی کشفه مأمور اوله-رق، اوچ سنه بحر محیط کبیرده سیاحت ایتمش؛ و قطب جنوبیده شایان اهمیت قره-لر بولنمدیغنه کسب اطمئنان ایدوب، اثنای سیرنده یکی قالدونیه جزیره-سنی دخی کشف ایلمشدی. 1776ده، آمریکانک شمالندن آروپا ایله آسیا آره-سندده بر طریق بحری ممکن اولوب اوله-مییه-جغنی تحقیق مأموریتیله، بر

اوجنچى سياحت عظيمه-يه چيقوب، بهرنك بوغازندن بحر منجمد شمالي-يه صوقلمغه زياده جهد ايتدكدن صكره، مأيوس اولوب، جنوبه طوغرى دونديكنده، كمپسنى تعمير ايچون، ساندويچ جزايرندن %هاواى\$ جزيره-سنه اوغرامغله، 1779ده بو آطه-نك اهالى وحشيه-سى طرفندن پاره-لانه-رق وفات ايتمشدر. قپودان قوق مهالكي استخفاف ايدير جسور و محب و فنون بر آدم اولوب، كرك معيتى طائفه-سنه و كرك اوغراديغى يرلرك اهالى وحشيه-سنه ايتديكى معامله انسانيتكارانه ايله اقران و امثالى بيننده تميز، جغرافيا و سائر فنونه خيلى خدمت ايتمشدر. سياحتنامه-لرى كنديسى و معيتى طرفندن ضبط اولنوب، دفعاتله نشر، و السنه سائره-يه دخى ترجمه اولنمشدر. اسمى آوستراليا آمريكا و سائر طرفلرده بر چوق يرلره علم اولمشدر.

2-3749-5

قوق

پول-دو -* -#1 فرانسه مشاهير حكايه-نويسانندن اولوب، 1794ده %پاسى\$ قصبه-سنده طوغمش، و 1871ده وفات ايتمشدر. پدى عن اصل فلمنكى بر صراف اولوب، كنديسنك تولدندن اولجه اعدام اولنمش؛ و كنديسى 15 ياشنده ايكن، تجارته سلوك ايتمش ايسه-ده، ايكي سنه صكره بو مسلكى تركله، ادبياته انتساب ايدوب، بر قاچ تياترو و ايكيوزى متجاوز حكايه كتابى يازمشدر، كه اصل بادي شهرتى اولان بو حكايه كتابلى اولوب، بعضلرى بر آز آچيقجه ايسه-ده، پك اكلنجه-لى اولمغله برابر، اخلاق عموميه-يى تنقيد يولنده يازلدیغندن، بحق عمومك فوق العاده مظهر رغبتى اولمشلدر.

3-3749-5

قوق آطه-لرى

1#

و نام ديكرله هروى #2 بحر محيط كبيرك پولينسيا قسمنده ساموا ايله شركت جزاير مجتمعه-لرى آره-سنده بر جزاير مجتمعه هيئتى اولوب، باشليجه 9 آطه ايله بر طاقم كوچك جزايردن مركب اولديغى حالده، '48° 18 ايه '49° 21 عرض جنوبى و '38° 197 ايله '26° 200 طول شرقى آره-لرنده 333 كيلومتره اوزون و 289 كيلومتره كنيش بر محله ممتد اولور. قابل سكنى اولانلرينك مساحه سطحه-سى 800 مربع كيلومتره و اهالييسى 7745 كشيدير. اك بيوكلى اولان %اروتونغه\$نك بويى 37 كيلومتره اولوب، يالكز بر ايكيسى مرتفعجه اولوب، قصورى پك آچق و جمله-سى صيغلو و قيالرله محاطدر. قپودان قوق طرفندن اوجنچى سياحتنده يعنى 1777ده كشف اولنمشلدر.

4-3749-5

قوق بوغازى

1#

يکى ز لانده-نک مرکب اولديغى ايکى بيوک جزيره-يى بربرندن ايران درين بر بوغاز اولوب، بويى 240 و اکى 80 كيلومتره-در. ساحل شماليسنده مهجرك مرکزی اولان %ولينغتون\$ شهرى و ساحل جنوبيسنده %بلنهييم\$ قصبه-سى بولنيور. اوندن اول يکى ز لانده برتک جزيره ظن اولنورکن، بو بوغاز 1770 تاريخنده قيودان قوق طرفندن کشف اولنمشدر.

1-3750-5

قوسواق

1#

آمرىقاي شماليده دومينيون قطعه واسعه-سنگ شمال شرقى اراضيسنده بر نهردر، که %قانيا پوسقاو\$ کولندن خروجله، غير مسکون يرلر ايچنده شمال غربى-يه طوغرى آقه-رق، بر چوق کوللرک آياقلارينى دخى اخذ ايله، 650 كيلومتره-لک جريانندن صکره هودسون بوغازينک %اونغاوه\$ قوينه دوکيلور. منبعندن 150 كيلومتره آشاغيده اکى 1500 متره و منصبنده 5 كيلومتره-در.

2-3750-5

قوق کورفى

1#

آمرىقاي شماليده آلاسقه شبه جزيره-کبيره-نک ساحل جنوبيسنده °59 ايله °16 عرض شمالى آره-سنده بر قويدر.

3-3750-5

قوقله

قيريس جزيره-سنگ جنوب غربى ساحلنده واقع باف قصبه-سنگ نام ديکريدر. [(باف)) ماده-سنه مراجعت بيوريله.]

4-3750-5

قوقو

و نام ديكر سفويه #1 آمريقای وسطينك %نيقار اغوا\$ حكومتنده بر ايرماقدر، كه بحر محيط معتدل ساحلی
قربنده يعنى قونسقه كورفزيناك 50 كيلومتره قدر شرفنده نبعانله، غرب شماليه طوغری آقه-رق، بر مدت
جریاندن صكره %هوندوراس\$ حكومتی حدودينه واصل اولور؛ و او استقامتده جرياننده دوامله، ايكي حكومتك
حدودینی آیره-رق، 650 كيلومتره-لك جريانندن صكره، منصبده %غراسياس آديوس\$ برونی تشكيل ايده-رك،
آنتیل دكيزينه دوكيلور. منصبندن اعتباراً 250 كيلومتره-لك محلی درين و واپور ايشلمسنه مساعد اولوب، اوندن
يوقاریسی دخی كوچك سفانك سیرينه صالح ایسه-ده، بر طاقم سرعتلی اینشلیری واردر. منصبده-کی قوم سدينك
دخی عمقی آنجق ایکی اوچ متره اولوب، بيوك كميلارك كير مسنه مانعدر.

5-3750-5

قووقو خوتو

1#

چينك ايالات شماليه-سندن %شانسی\$ ايالتنده و %تای یوان\$ك 320 كيلومتره شمالنده"5' 48' 40° عرض
شمالی
"37' 18' 100° طول شرقیده بر شهر اولوب، 200000 قدر اهالیسی، مغولستان و تيببت و تركستان شرقی ایله
ایشلك تجارتي و مغوللارك رؤساء روحانيه-سنه مخصوص مدرسه-لریله بر چوق مناسترلری واردر.

6-3750-5

قووقوزه

1#

آناتوليناك قبادوقيه خطه قديمه-سنده بر قصبه اولوب، اليوم مرعش سنجاغناك زيتون قضااسنده و زيتونك 50
كيلومتره شمال غربيسنده واقع%كوكسون\$ قريه-سيدر.

7-3750-5

قووقونور

1#

يعنى ((كوك كول)) مغولستانك هنامی اولان واسع ايالتك شرق شمالي گوشه-سنده و چين حدودی قربنده بر
بيوك كول اولوب، اورته-سی"3' 58' 36° عرض ایله شمالي 35' 97° طول شرقیده واقعدر. سطحی حدای
بحردن 3050 متره مرتفع اولوب، هر طرفندن يوكسك طاغرله محاطدر. شمال غربيدن جنوب شرقییه بویي
107 و اك كنيش پرنده اکی 63 متره-در. درينلکی آز اولوب، صویي طوزلیدر، و کيتدکجه آز الوب، طوزی
آتمقده-در. ایچنده بش آطه اولوب، بری اوزرنده بر لامه مناستری واردر، كه بونده اقامت ایدن لامه-لر يالكز

قیشین کول طوکیدغنده، خارجله اختلاط ایدوب، قایق بولنمدیغندن، سائر موسملرده اختلاطاری مفقوددر. کولک بالیغی چوق ایسه-ده، جوارنده-کی اهالی بالیقجیلق صنعتی بیلمیورلر. %بوخاین کول\$ و %خره کول\$ اسملریله ایکی قیصه نهر ایله بر طاقم دره-لر بو کوله دوکیلور.

8-3750-5

قوقونور

ایالتی #1 چینه تابع بر ایالت تشکیل ایدر و مغولستاندن معدود واسع بر یر اولوب، شمالاً مغولستانله و ترکستان شرقی-ی-ده حاوی اولان %قان سو\$ ایالتیله، جنوب غربی طرفندن تیبت، شرقاً دخی نفس چین ایله محدوددر. منتهای غربنده بر زاویه حاده تشکیل ایده-جک صورتده شرقدن غربه ممتد اوزون بر یر اولوب، شمالاً آلتون طاغ و %نان-شان\$ جبال مرتفعه-سیله، جنوباً دخی بر صره یوکسک طاغلرله آیرلمش اولدیغی حاده، جبال و انهار ی نفس چینه طوغری اینیور. ایچنده ممتد اولان جبال مرتفه-نک اک بیوکی اورته-سندده اوزانان %قوئن لوئن\$ سلسله-سیدر. احوال موقعیه و طبیعت ارضیه-جه اوچ قسمه منقسم اولوب، برنجیسی شرق شمالی قسمده-کی %قوقونور\$ کولنک حوضه-سی، ایکنجیسی شمال غربی جهته-کی %زایدام\$ خطه-سی، اوچنجیسی-ده جنوب شرقی طرفنده-کی %اودون توله\$ یایله-سیدر. زایدام خطه-سی حد وسطی اوزره 2800 متره ارتفاعی اولان بر یایله-دن عبارت اولوب، تینتک ارتفاعی آلتنده بر ایکنجی باصمق تشکیل ایدیور. بر چوق طوزلی کولری حاوی اولوب، قابل زراعت اراضیسی پک آز و معمور یرلری پک سیرکدر. قوئن لوئن سلسله-سیله دیگر بر چوق طاغلر بو خطه-یی شق ایدوب، بونلرک چوغی قارله مستورددر. میاه جاریه-سنی آز و سیرک اولوب، چورافلرده نابدید ویا کوللره منصب اولور. قوقونور حوضه-سی هر طرفدن طاغلرله محاط اولوب، 5 کوله منصب اولان مذکور ایکی نهرک و سائر دره-لرک وادیلرینی حاویدر. اودون تاله یایله-سی ایسه 3500 ارتفاعلرنده یوکسک بر یر اولوب، چینگ انهار عظیمه-سندن %هو آغ هو\$نک منابعی و بر چوق کوللری حاویدر. 35° عرض شمالیدن آشاغی اولدیغی حاده، ارتفاعی حسبیله برودتی فوق العاده اولوب، تموزده میزان الحرارة تحت الصفر 25 درکه-یه قدر اینر. مع هذا (تانغوت) جنسیتنه منسوب بر قاچ یوز اهالیسی واردر. علی العموم %قوقونور\$ مملکتک و علی الخصوص اسبو اوچنجی قسمیله جهت غربیه-سنگ هنوز هر طرفی کشف اولنمیوب، احوالی مجهولدر. بتون او مملکت واسعه-نک اهالیسی 150000 ی متجاوز اولمیوب، قالموق، تانغوت، قره تانغوت و سائر قباثلندن عبارت اولدقاری حاده، 29 عشیرته منقسمدرلر؛ و هر قبیله-نک کندی رئیس اولوب، بونلر صورتا چین دولتی طانیورلر. اکثر اهالیسی کوجه و یغما کردلر. چینلیر مملکتک شرق جهته-ده بعض یرلره هجرت ایدوب یرلشمکه باشلامشدر.

مغول لساننده کوله %نور\$ و نهره %کول\$ دینلیدیکی آکلاشیلور. آنجق کول یعنی مائی دیمک اولان صفتی مغوللر دخی %قوقو\$ می تلفظ ایدرلر، یوقسه (کوک) کلمه-سنی آوروپالیر عادتلی اوزره قالینلاشدیره-رق می بو حاله قویمشلدر؟ کسدیر یله-مدی.

1-3751-5

قوقه

ياخود قوقاهه #1 سودان وسطیده چاد كولنك ساحل غریبسنده بورنو حكومتك مركزی بر شهر اولوب، بری كوك كنارنده و دیگرى بونك بر کیلومتره قدر غریبده اولمق اوزره ایکی قسمدن مركب اولدیغی حالده، هر برینك آیری برر سوری و برر بیوك جاده-سی، چارشیلری، بر قاچ جامع شریفی، بورنو حاکمنه مخصوص جسیم سراپی، تخمیناً 60000 اهالیسی و ایشلك تجارتی واردر. آفریقای وسطینك اك تجارتکاه و ایشلك شهری اولوب، بازار و چارشیسینده طرابلس غرب، فزان، مصر، مغرب و آفریقانك سائر طرفندن كلوب طویلانمش تجار و سیاحین کوریلور. خانه-لری سودان اصولی اوزره صمان قلبه-لرندن عبارت المیوب، دولمش طویلانمش یاپلمش و سوقاق تشکیل ایده-جك صورتده صره-لنمش اولدقلری حالده، عادتاً بر شهر صورتتی ابراز ایدیور. سورلرك خارجنده و شهرک ایکی قسمی آره-سنده دخی طاغنیق و سیرک بر طاقم اولر واردر.

*- بو اسمله چاد كولنك شرق طرفنده و قائم مملکتنده دخی بر زنجی قومی اولوب، قاریلری و دایجه حسن و لطافتلریله مشهوردر.

2-3751-5

قوقه آطه-لری

1#

بو اسم بحریون طرفندن بحر محیط هندى و بحر محیط کبیرده و بر چوق منفرد ویا مجتمع آطه-لره ویریلوب، باشلیجه-لری بر وجه آتیدر:

بنکاله کورفزنده %آندامان\$ جزایرینك شمالنده بر طاقم جزایر مجتمع اولوب، اك بیوکلری اولان بیوك قوقه آطه-سنگ اورته-سی '6° 14 عرض شمالیده واقعدر. بویى 10 و اکى 3 کیلومتره اولوب، قوقه آغاجلریله مستوردر.

*- دها جنوبنده بحر محیط هندیده و %سونده\$ بوغازینك 1200 کیلومتره جنوب غریبسنده بر جزایر مجتمع طاقمی اولوب، الیوم %کیلینغ\$ اسمیله دها معروفدرلر [بو اسمه مراجعت بیوریله].

*- بحر محیط کبیرک قسم جنوبیسنده %تونغه\$ جزایر مجتمع-سنگ شمالنده دخی بر آطه اولوب، %نیوها\$ اسمیله دها معروفدر. *- دیگر بر جزایر مجتمع طاقمی-ده اولوب، %مورتلوق\$ دخی دینلیر.

*- بحر محیط معتدلک قسم شمالیسنده و آمریکا برزخنك ساحل غریبسی قارشیسینده اوله-رق "12' 35° 5 عرض شمالی ایله "34' 45° 270 طول شرقیده و غالاپاغوس جزایرینك 800 کیلومتره شمال شرقیسنده بر آطه اولوب، 50 کیلومتره محیط دائره-سی و بالینه آجیلرینك مراجعتکاهی اولان صاغلام بر لیمانی واردر. اطه-یه اسمی قزاندیران قوقه (یعنی هندستان جوزی) آغاجلرینك چوغی تلف اولمشدر.

1-3752-5

قوکار

1#

چینه تابع کردستان شرقینک یارقند قزاسنده و یارقندک 105 کیلومتره جنوبده اوله-رق 1967 متره ارتفاعی اولان بر وادیده واقع بر قصبه اولوب، 5500 اهالیسی و جوارنده قیلندن کوزل کشمیر شاللی یاپیلان بر جنس واردر.

2-3752-5

قوکر موت

1#

انکلتره-نک کومبر لاند ایالتنده و %قارلیسله\$نک 40 کیلومتره جنوب غربیسنده اوله-رق %قوکر\$ ایله %دروننت\$ نهرلرینک محل تلاقیسنده بر قصبه اولوب، 5115 اهالیسی، دمیر یول موقفی، دباغخانه-لری و یوک و پاموق منسوجاتله فانیله و چوارب و سائره فابریقه-لری واردر.

3-3752-5

قوکلبورغ

1#

اوستریا و مجارستان دولتتک %ترانسیلوانیه\$ خطه-سنده و %ایسفالوه\$نک 24 کیلومتره شمال غربیسنده و %قوکل\$ نهری اوزرنده بر کوچک قصبه اولوب، داخل بولندیغی ایالت بونک اسمیله مسامدر.

4-3752-5

قوکیمبو

1#

آمریقای جنوبیده شیلی حکومتک همنامی اولان ایالتنده و مرکز ایالت اولان %سرنال\$نک 8 کیلومتره جنوبده اوله-رق 29° 54' عرض جنوبی ایله 73° 39' طول غربیده و %الکی\$ نهرینک دوکلدیکی بر خلیجک ساحل جنوبیسنده واقع ایالت مرکزی بر قصبه اولوب، 7140 اهالیسی، پک صاغلام لیمانی، ایشلک تجارتی و علی الخصوص باقر اخراجاتی و اسکله-سی اولدیغی %سرنال\$یه قدر دمیر یول خطی واردر. *- قوکیمبو ایالتی شمالاً آتاقامه و جنوباً قونعاغوا ایالتلریله محدود اولوب، مساحه سطحیه-سی 33423 مربع کیلومتره و اهالیسی 189524 کشیدر. مرکزی %سرنال\$ قصبه-سی اولوب، 5 قضایه منقسمدر.

5-3752-5

قول

1#

اسقوجيه-يه تابع هيريد آه-لرينك اك جنوبيلرندن اولوب، بويى 20، اكي 4 كيلومتره و اهاليسى، كافة باليقجى و غاليق لسانيله متكلم اولمق اوزره 725، كشيدير.

6-3752-5

قولا

1#

روسيه-نك شمال غربييسنده و بحر منجمد شمالى ايله شمالى اق دكيز آره-سنده لاپونيه-نك قسم شرفيسندن عبارت بر بيوك شبه جزيره اولوب، غرب جهتندن دخى قره-دن بر يرينه دوكيلور بر صره كوللرله آيرلمشدر. $66^{\circ} 6'$ ايله $18^{\circ} 69'$ عرض شمالى و $30^{\circ} 9'$ ايله $9^{\circ} 39'$ طول شرقى آره-لرندده ممتد اولوب، غربدن شرقه بويى 380 كيلومتره-در. غرب جهتى طاغلق و قبالق اولوب، اك يوكسك محلى 900 متره ارتفاعنده-در. شرقه طوغرى اوزاندقجه، كسب انحطاط ايدر. قسم جنوبييسنده سרمدى قارلرله مملو دره-لرى و چام آغاچلرينى حاوى اورمانلرى واردر. كوللريله چايلرى پك چوقدر. انهارينك اك بيوكى 240 كيلومتره بويى اولان %پونوى\$در. انهارينك جمله-سى سنه-ده 8 آى منجمد بولنور. همان هر طرفى خالى اولوب، يالكز بعض سواحلنده باليقجىقله و رن سوريلرله كوجبه حالنده ياشار بر مقدار لاپونلر بولنور. سواحل شماليه-سنه يازين 3000 قدر روس و اسفاندينا و باليقجى طوپلانوب، مورينه باليغى و سائر اسماك صيد ايدرلر. شبه جزيره آرخانكل ايلتنه ملحق بر قضا صورتنده اداره اولنوب، مركزى 770 اهالى-يى جامع اولان همانى بر كوچك قصبه-در.

7-3752-5

قولات طاغى

طربزون ولايتنده بر طاغدر، كه پونت آلپلرى ناميله ولايتك حدود جنوبيه-سنى تحديد ايدن سلسله جباله مربوط اولوب، طربزون ايله كومشخانه و بعده طربزون ايله جاننيك سنجاقلرى آره-سنده شمال غربيه طوغرى ممتد اولوب، تيره بولينك شرق طرفنده واقع %كره-لى\$ بروننه منتهى اولور. اك يوكسك محلى طربزون شهرندن 50 كيلومتره-لك مسافه-ده اولوب، 2900 متره-لك ارتفاعه قدر چيقار. اراضى بركانيه-دن متشكل و پك صريدر.

1-3753-5

قولاشين

1#

اخيراً قره طاغه الحاق اولنمش قضا مركزى بر قصبه اولوب، چتته-نك 62 كيلومتره شمال شرق قيسنده و %تاره\$ نهرينك منابعى قريبنده واقعدر. قضاى 432 مربع كيلومتره-دن عبارت اولوب، 6000 اهالىسى واردر.

2-3753-5

قولاشين، ياخود قولاشين زير

قوصوه ولايتنك يكيياز سنجاغنده و سنجاغك منتهاي غريبنده اوله-رق قره طاغه حدودى قريبنده بر قضا اولوب، مركزينك قره طاغه تركى اوزرينه، قالان قراسندن بر قضا تشكيل اولنه-رق، %شاهويك\$ قريه-سى مركز اتخاذ اولنمشدر. ويرانس، مويقواچ و روانه-ريقه ناحيه-لريله برابر 32 قريه-دن مركب اولوب، اراضيسنك قسم اعظمى طاغلق و اورمانلق اوله-رق، كوزل صولرى و بر مقدار اراضى مزروعه-سى-ده واردر. باشليجه محصولاتى آرپه و مصر ايله بر مقدار بقدای و زياده-جه هلده و قومپيردن عبارتدر. هواسى صاغلام و اهالىسى تندرست و جسور آدملدر. مقدار اهالىسى حقنده بر قيد محيحه دسترس اولنه-مدى. قسم اعظمى مسلم و بوشناق لسانيله متكلدر.

3-3753-5

قول اوغلى

مغرب اوجاقلرنده و على الخصوص طرابلس غريبه شهرلرك اطرافنده ساكن بر صنف اهاليدر، كه اسكى يكيچرى افرادينك يرلى قاريلرله ازدواجندن متولد اولوب، بونلر ويركيدن معافيتلرى مقابلنده برر حيوان بسلمكه تحصيلدارلق و ضبطيه وظائفنى ايفايه مجبوردرلر. رئيسلرينه باش آغا ديرلر.

4-3753-5

قولبرت

فرانسه مشاهير رجالندن اولوب، 1619ده %ريمس\$ده طوغمش، و 1783ده وفات ايتمشدر. اون دردنجى لوبى زماننده كنديسنه بر قاچ نظارت احاله اولنه-رق، امور ماليه-جه، زراعتجه، تجارته، قوه بحريه-جه، عدليه-جه، و معارف و صنايعجه پك چوق اصلاحات اساسيه-يه موفق اولمش؛ و شمديكى اصول اداره-نك اساسنى قويوب، و على الخصوص بودجه اصولنى كنديسى ايجاد ايتمشدر.

5-3753-5

قولبرغ

1#

پروسپه-ده پومرانيه خطه-سنده كوسلين سنجاغنده و كوسلينك 40 كيلومتره غربنده اوله-رق %پرسانته\$ نهري اوزرنده و بونك منصبندن 3 كيلومتره يوقارنده قضا مركزى بر قصبه اولوب، 16025 اهاليسى، بحريه مكنتى، مملحه-لرى، منسوجات مختلفه، توتون و طوغله فابريقه-لرى، دوكمخانه-لرى و ايشلك تجارتي واردر.

6-3753-5

قولبروق

1#

انكلتره-نك مشاهير مستشرقينندن اولوب، 1765 تاريخنده لوندره-ده طوغمش، و 1837ده وفات ايتمشدر. مأموريتله هندستانه كوندريلوب، كلكته-ده عدليه مفتشى اولمش؛ و 30 سنه اوراده قالبوب، السنه شرقيه-يى و على الخصوص اسكى سانسكرى لسانيله هندستانك السنه جديده-سنى مكل صورتده اوكرندكن صكره، لوندره-يه عودتله، برنجى اوله-رق، آوروپايه هندك احوال تاريخيه و ادبيه و حكميه-سنى اوكرته-جك كتب و رسائل و مقالات مهمه نشر، لوندره-ده-كى مستشرقين جمعيتتى تاسيس ايتمشدر. بر چوق كتب و سائر آثار شرقيه دخی جمع ايدوب، وفاتنده هند شركتنه ترك و تبرع ايلمشدر.

7-3753-5

قولتيس

1#

يونانك استقلالنه و يونانده حكومت مشروطه-نك تاسيسنه اك زياده خدمت ايدنلردن اولوب، عن اصل تپه-دلنلى على پاشانك اوغلى مختار پاشانك طبيبي ايدى. تپه-دلنليارك سقوطندن صكره يونان ارباب عصياننه قاريشوب، حكومت موقته اعضاسندن بولنمش، اوتونك قراللى زماننده بر قاچ اولمش؛ و 1848ده وفات ايتمشدر.

8-3753-5

قولجه

1#

چينك شمال غربى جهتنده واقع %جونغاريه\$ خطه-سنده قولجه و نام ديكرله ايلي ايلتنك مركزى بر قصبه اولوب، بالغاش كولنه دوكيلن ايكي بر نهر اوزرنده و روسيه حدودينك 60 كيلومتره شرقنده واقع و 12060 اهالى-يى جامعدر. سائر چين بلادى كبي مستطيل الشكل بر سورله محاط اولوب، بك ايشلك بازار و چارشيسى، ايكيسى چين حكومت طرفندن ياپديرلمش متعدد جوامع شريفه-يسله بر ايكي تبخانه-سى، ايكي كليساسى و

خارجنده واسع باغچه-لری وارد. اهالیسنك قسم اعظمی مسلم و ترك و قصوری مانچو و چینلی و روس و سائر-در.

-* - قولجه نام دیکرله ایلی ایالتی شمالاً و غرباً روسیه حدودیله یعنی ترکستانله، جنوباً ترکستان شرقی ایله شرق شمالی طرفندن دخی جونغاریه ایله محدود اولوب، غیر منتظم بر مثلث شکلنده-در. مقدا بو ایالت دها بیوک اولوب، مساحه سطحیه-سی 71213 مربع کیلومتره و اهالیسی 140000 کشی ایدی. آنجق یکرمی اوتوز سنه اول چینک بتون شمال غربی قسمنده وقوع بولان قیام صره-سنده زیونکشلکده امثالسز اولان چینلیلر دهشتلی صورتده قتل عامه باشلاقلرندن، روسیه دولتی 1871ده مملکتی اشغاله مجبور اولمش؛ و 1881ده مملکتی چینه اعاده ایندیکنده، 70000 اهالی ایله مسکون اولان 11288 مربع کیلومتره-ک محلی آلیقومشدر. اراضیسی طاغلق و یوکسک اولوب، حدود شمالیه-سنده %الا طاغ و حدود جنوبیه-سنده %خان تگری سلسله جبالی ممتد اولور، و بونلرک ذروه-لری 6000 متره-یی متجاوزدر. شرقدن غربه آقان %ایلی ایله بونک تابعی اولان %قاش و %تکش نهرلری کوزل اوچ وادی تشکیل ایدیور. قسم شمالیسنده %سیران نور اسمیله بیوجک بر کول وارد. هواسی معتدل و اراضیسی پک منبت اولوب، بغدای، آریه، پرنج، داری، پاموق، اوزوم و سائر حاصل اولور. مرعاری کوزل اولوب، قیون، صیغیر، خرکله، دوه و سائر حیوانات اهلیه سوریلری پک چوقدر. حیوانات وحشیه-سی-ده متنوعدر. طاغلرند کومش، باقیر، دمیر، کوررد و کلیتلی کومر ایله سائر معدنلری وارد. و اهالیسی اکثریت اوزره مسلم اولوب، ترک، قیرقیز، قالموق و سائر اجناسدن مرکبدر. وقتیله تجارتی پک ایلری ایدیسه-ده، چین حکومتی اهالی-یی روسیه ایله مناسبات تجاریه-ده بولنمقدن منع ایتدکندن، کریمشدر.

1-3754-5

قولچستر

1#

انکلتره-نک %اسکس ایالتنده و لوندرونک 80 کیلومتره شمال شرقیسنده اوله-رق %قولنه نهری اوزرنده و بونک منصبندن 11 کیلومتره یوقاریده بر شهر اولوب، 26340 اهالیسی، بیوجک کمیلرک دخلونه مساعد اولان نهرده ایشلک اسکله-سی، ذخایر و سائر-یه متعلق بیوک تجارتی، اسکی اعتبارندن بر آز دوشمش اییک قماشلری، 2000 عمله استخدام ایدر بیوک بر البسه فابریقه-سی و استحکاماتی وارد. پک اسکی بر شهر اولوب، بر چوق ابنیه غربیه و آثار عتیقه-سی وارد.

2-3754-5

قولخیده

1#

قافقاسیه-نک غرب جهتنده الیوم قوتایی ایالتی تشکیل ایدن %ایمرتیه ایله %منکرلیه خطه-لرینک یعنی باطوم و پوتی جهنلرینک اسم قدیمی اولوب، اساطیر یونانیه-ده کویا صیرمه بیاغیلی قیونلری اولمسيله و (آر غونات)

اسمیلہ معروف کمپیلرک اور ایہ سیاحتلریلہ مشهور ایدی۔ اہالی قديمہ-سی پک جسور لکن نیم وحشی و یغما کرایدیلر۔ یونانیلر بو خطہ-نک سواحلندہ بر طاقم مہجرلر تأسیس ایتمشلردی۔ مشهور مہرداد بو خطہ-یی ضبط ایتمشدی۔ اوندن صکرہ رومالیرک الینہ کچوب، پونت ایالتنہ الحاق اولنمشدی۔ بو خطہ-نک شمڈیکی اہالیسی باشلیجہ لازلردن عبارت اولوب، اہالی قديمہ-سی-دہ بونلرک اجدادی اولمق احتمالی واردر۔

3-3754-5

قولر نہ

1#

ایرلانده-دہ %اولستر\$ ایالتنک %لونوندی\$ سنجاغنده و 55 کیلومترہ جنوب غربیسنده اولہ-رق %بان\$ نہری اوزرنده و سالحدن 6 کیلومترہ-لک مسافہ-دہ بر قصبہ اولوب، 6080 اہالیسی، ایشلک تجارتی و دباغخانہ-لریلہ بعض فابریقہ-لری واردر۔

4-3754-5

قولرہ

1#

اسپانیہ-دہ و النسه ایالتنک %سوئقہ\$ قضااسنده و 7 کیلومترہ جنوب شرقیسنده اولہ-رق %جوقار\$ نہرینک صول کنارنده و منصبی قربنده بر قصبہ اولوب، 7800 اہالیسی، عربلردن قالمہ سور و قلعه-سی، کوزل ہواسی و پرنجلہ پورتنال، فستیق و سائرہ اخراجاتی واردر۔

5-3754-5

قولشاغوا

1#

آمریقای جنوبیہ شیلی حکومتی ایالتندن اولوب، شمالاً سانتیاگو و جنوباً قوریقو ایالتلریلہ محدوددر۔ مساحہ سطحیہ-سی 9989 مربع کیلومترہ و اہالیسی 146900 کشیدر۔ کومش و آلتون معدنلری و کچی ایلہ استرلری چوقدر۔ مرکزی %سان فرناندو\$ قصبہ-سیدر۔

1-3755-5

قولم

1#

پروسیه-ده غربی پروسیه ایالتنک %0مارینورد \$ سناغانده و 53 کیلومتره جنوب غربیسنده قضا مرکزی بر قصبه اولوب، 9940 اهالیسی و چوخه و فانله فابریقه-لری واردر.

2-3755-5

قولمار

1#

آلساس لورنده استراسبورگك 70 کیلومتره جنوب غربیسنده یوقاری آلساسك مرکزی بر شهر اولوب، 23800 اهالیسی، بعض منسوجات ایله بیره و سائره فابریقه-لری، دباغانه-لری، دوکمانه-لری و اطرافنده منبت و کوزل اراضیسی واردر.

3-3755-5

قولمباخ

1#

باویره-نك یوقاری ماینه ایالتنده و %باویروت \$ك 24 کیلومتره شمال غربیسنده بر قصبه اولوب، 5500 اهالیسی و دمیر بول موقفی واردر.

4-3755-5

قولمنار

1#

اسپانیه-نك %مالقه \$ ایالتنده و مالقه-نك 30 کیلومتره شمالنده قضا مرکزی بر قصبه اولوب، 5900 اهالیسی واردر. *- مادرید ایالتنده دخی بری مادریدك 42 کیلومتره جنوب شرقیسنده و دیگرى مادریدك 33 کیلومتره شمالنده اولمق اوزره، ایکی قصبه اولوب، برنجیسنك 5000 و ایکنجیسنك 3700 اهالیسی واردر. تفریق ایچون برنجیسنه %قولمنار ده اوریبا \$ و ایکنجیسنه %قولمنار ویمو \$ یعنی ((اسکی قولمنار)) دیرلر.

5-3755-5

قولنه

1#

انكلتره-نك لانقاستر ايالتنده و 46 كيلومتره شرق جنوبيسنده بر قصبه اولوب، 7335 اهالييسى و بعض منسوجات فابريقه-لرى واردر.

6-3755-5

قولو

1#

لهستانك %قاليج\$ ايالتنده قاين قضااسنده و 26 شرفينده بر قصبه اولوب، 9710 اهالييسى واردر.

7-3755-5

قولورادو

1#

آمريقاي شماليده ممالك مجتمعه-نك غرب جهتنده بيوك بر ايرماقدر، كه همنامى اولان حكومتله %اوتاه\$ حكومتى آره-سنده قبالى طاغرله %واهساچ\$ طاغرلندن اينن بر چوق انهاردن بالتشكل، %اوتاه\$ حكومتى ايچنده جنوب غربى-يه طوغرى آقه-رق، %آريزونه\$ حكومتته دخول ايله، شرقه طوغرى دونر، و مذكور حكومتك حدود غربيه-سنه واصل اولدقن صكره، جنوبه طوغرى دونه-رك، مذكور حكومتله %نواده\$ و بعده قاليفورنيه حكومتلى آره-سنده جريان، و نهايت مكسيقه ممالكنه دخول ايدر. و بر آز آشاغيده قاليفورنيه كورفيزينك منتهاسنه دوكيلور. اوفق تفك طولامباجلرى داخل حساب اولمقسزين مجراسى تقريباً 1800 كيلومتره اوزونلغنده-در. ايرماغى تشكيل ايدن %غرين ريور\$ يامپاه و ريوگرانده-دن بشقه قولورادونك بر چوق تابعلى اولوب، باشليجه-لرى شرفدن كلن %قولورادو شيكيتو\$ يعنى ((كوجك قولورادو))، شمالدن كلن %ويرجن\$ و ينه شرفدن اينن %جيلا\$ نه رلريدر. هر نه قدر بعض قورو و ياغمرسز يرلردن كچرسه-ده، صوبى چوقدر. مجراسنك اكثر طرفلى پك صرب اولوب، بعض محللرنده يتاغى پك درين و ايكى طرفى يالچين قيا وديم ديك اوله-رق 1500 متره-يه قدر يوكسكدر.

-* - ينه ممالك مجتمعه-نك %تكزاس\$ حكومتنده دخى بو اسمله بر ايرماق اولوب، حكومت مذكور-ه نك غرب جهتنده %لانواستاقادو\$ يايلاه-سندن نبعانله، حكومت مذكور-ه نك سائر انهاريله متوازيأ شمال غريبن جنوب شرقيه طوغرى جريان، و صاغدن %ريله-فورق\$ صولدن دهى %لانو\$ نه رلريني و ديكر بعض چاپلر اخذ ايدنه-رك، تقريباً 1400 كيلومتره-لك جريانن صكره، مكسيقه كورفيزينه متصل %ماتاغورده\$ كولنه دوكيلور. صوبى آز اولوب، يالكز ياغمر موسمنده سفاين منصبندن 500 كيلومتره يوقارى-يه قدر ايشليه-بيليرلر.

-* - آمريقاي وسطينك قوسته-ريقه حكومتنده دخى بو اسمله بر نهر واردر، كه %ايرازو\$ بركانندن نبعانله شماله طوغرى آقه-رق، '30 10° عرض شمالي-يه واصل اولنجه، ايكى قوله آيريلير، غربى قولى استقامتنده دوامله، سان جوان ايرماغنه، و شرقى قولى شرقه طوغرى دونوب، دها آشاغيده كندى قدر بيوك و ينه قولورادو اسميله معروف ديكر بر نهرله بعد الاجتماع، طوغريدن آنتيل دكيزينه دوكيلور. مجراسى 170 كيلومتره طولنده-در.

-* - آریقای جنوبینک آر جنتین حکومتده دخی بو اسمله بر ایرماق واردر، که 35° عرض جنوبیده %آند\$ سلسله جبالنک شرقی مائله-سندن نبعانله، جنوب شرقی-یه طوغری آقار. بونک مجراسی الیوم مجهول اولوب، یالکز منبعندن 228 کیلومتره آشاغی-یه قدر سیاحک بری مجرای تعقیب ایده-بیلمشدر. مجراسنک اطرافی چبلاق و یانمش کبی بر حالد-در.

1-3756-5

قولورادو

حکومتی #1 آریقای شمالیده ممالک مجتمعه-نک حکومت غربیه-سندن بر حکومت اولوب، قیالی طاغیر سلسله-سنک ایکی مائله-سندده واقع همنامی اولان ایرماغک بعض منابعنی جامعدر. حدودی اراضی خالیه-ده ذهنأ چیزلمش خطوط مستقیمه-دن اولوب، شرقدن غربه ممتد بر مستطیل شکلنی ابراز ایدر. شرقاً قانساس و نبراسقه، شمالاً ینه نبراسقه و ویونینگ، غرباً اوتاه، جنوباً دخی یکی مکسیقه حکومتلریله و ممالک مجتمعه-نک اراضی مشترکه-سیله محدوددر. 37° ایله 41° عرض شمالی و 102° ایله 109° طول غربی آر-هرلنده ممتد اولوب، مساحه سطحیه-سی 269150 مربع کیلومتره و اهالیسی 412198 کشیدر. قیالی طاغیر سلسله-سی مملکتی شمالدن جنوبه شق ایدرکن ایکی قوله آیریلوب، بونلرک آر-ه-سندده پارق یعنی چایر اسمیله بر طاقم یایله-لر بولنیور. مذکور طاغیرک ارتفاعی 4000 ایله 4500 متره آر-هرلنده-در. مذکور طاغیرک اتکلری منتهاسندده و علی الخصوص شرق جهتنده بر طاقم واسع اووه-لر ممتد اولیور، که بونلرک اراضیسنک یدیده اوچی نسبتنده ایسه-ده، شرق جهتنده-کی واسع اووه-نک قسم اعظمی چول حالنده اولوب، یالکز آلتیده بری قابل زراعتدر. مایسندن تموزه قدر یاغموور موسمی سورپورسه-ده، سائر موسملرده قوراقلق حکم سوروب، یاغمووری پک آز اولدیغندن، اشجاری دخی یوقدر. هواسی پک صاغلام ایسه-ده، زیاده یابسدر. جبال مذکوره-نک غربی مائله-سندن قولورادویی تشکیل انهارک بر قاچی نبعان ایندیکی کبی، شرقی مائله-سندن %سوت پلاته\$ ایله %ریو غرانده دوسود\$ نهرلری اینر. منابع ثروتی معادنن عبارت اولوب، آلتون، کومش، باقر، قورشون، دمیر، آنتیمون و سائر معدنلره قیا طوزی، کمور و پترولی چوقدر. زراعت دخی کوندن کونه ترقیده-در. بحر محیط آطلاسی ساحلندن بحر محیط معتدل ساحلنه ممتد بیوک دمیر یول خطنک ایکی قولی بو حکومتک ایچندن کچه-رک، مکسیقه-یه دخی بر شعبه ایله مربوط اولمغله، تجارت نقطه نظرندن اهمیتی زیاده-در. مرکزی دنور قصبه-سی اولوب، دیکر بر قاچ قصبه-سی دخی واردر.

2-3756-5

قولوری

#1

یونانک سلامینه جزیره-سنک اسم جدیدیر. ((سالامینه)) ماده-سنه مراجعت بیوریله.

3-3756-5

قولوسوار

1#

مجارستانك ترانسيلوانيه خطه-سنده و تاكى سبنك 180 كيلومتره شمال غربيسنده قولوس سناغتك مركزى بر شهر اولوب، 29925 اهالييسى، مكممل مکتبلىرى، موزه-سى، سورى، قلعه-لرى، و خارجنده كوشكلرى واردر. اسكى بر شهر اولوب، داچيا خطه قديمه-سنك اك مهم شهرلردن اولان %قولوسك عينيدير. %وار\$ لفظى ايسه مجارجه-ده حصار ديمكدر.

4-3756-5

قولوسه

1#

آسيای صغیره-ده فريجيا خطه قديمه-سنك جنوب غربى كوشه-سنده و مندرس نهري اوزرنده بر بلده قديمه اولوب، خرستيانلغك اك اول داخل اولديغى بلاددن ايدي. ميلادك 56نجى سالنده حرکت ارضدن خراب اولمشدر. خرابه-لرى خوناسك بر آز شمالنده مشاهده اولنيور.

5-3756-5

قولوسئوم

و قوليزه 1# روما شهرنده قديمياً پك واسع و مصنع بر تياترو اولوب، و سپاسيان طرفندن بناسنه بدأ و تيتوس طرفندن اتمام اولنمشدى. اوكنده نرونك جسيم بر هيكلى ركزايدلمش اولمغله، بو معنايه دلالت ايدن بو اسمله تسميه اولنمشدى. سكسان صره-سى اولوب، 80000 سيرجى استيعاب ايدردي. قسماً حرکت ارضدن و قسماً رومايى ضبط و غارت ايدن اقوام وحشيه طرفندن خراب اولوب، قالان ويرانه-لرى-ده جسامت و مكمليتته شاهدر.

1-3757-5

قولوفون

1#

آناتولينك ساحل غربيسنده يونيه خطه قديمه-سنده و افسك (يعنى آياسلوغك) غرب شماليسنده اوله-رق قوش آطه-سى كورفزينك شمال شرقى ساحلنده بر شهر قديم اولوب، يونان مدنيت قديمه-سنك اك پارلاق مراكزندن ايدي. بر چوق مشاهيرك مسقط رأسى اولوب، حتى شاعر شهير اوميروسك دخى اورالى اولديغى مرويدر.

ماكدونيه حكمدارلرندن ليسيماخوس طرفندن تخريب اولنوب، ميدانده اثرى قالماشدر. موقعى قريبنده %كاور كويى\$ اسميله بر روم قريه-سى واردر.

2-3757-5

قولومان

1#

مجارستان قراللرندن اولوب، 1095دن 1114 تاريخنه-دك حكم سورمش؛ و دالماچيه-يى مجارستانه الحاق ايتمش ايدى.

3-3757-5

قولومب، قريستوف - * - 1#

مشاهير بحريوندن اولوب، خلقتدن برى كره ارضك نصف معلومى اهاليسنجه مجهول قالمش اولان نصف ديكرينك كاشف شهپيردر. 1436 تاريخلرندن ايتاليانك جنوه شهرنده ويا جوارنده طوغوب، بر چوخه-جينك اوغلى ايدى. علوم رياضيه ايله هيئت، جغرافيه و نجوم علملرينى تحصيل، و كره ارضك او وقت معلوم اولون اكثر طرفلرينه بحراً اجراى سياحت ايتدكدن صكره، اوروپانك غرب طرفنده يعنى كره ارضك او بر نصفنده اراضى مجهوله بولنمق احتمالى، و اولمديغى، يعنى نصف ديكرى صرف دكيزدن عبارت اولديغى حالده، او طرفله هند سواحلنه كيتمق امكاننى تصور ايدوب، بو بابده اجراى تحريات و تحقيقات ايچون وسائط لازمه-يى ايدنمك ضممنده، ابتدا جنوه حكومتنه و بعده پورتكيز قرالنه مراجعت ايتمش ايسه-ده، كنديسنه خيالات پرست بر مجذوب نظريله باقيله-رق، تكليفى قبول اولنمديغندن، اسپانيا قرال و قرالجه-سى فرديناند ايله ايزابله-يه مراجعته مجبور اولوب، سكر سنه پيايى قانديرمغه چاليشدقن صكره، عاقبت كنديسنه اوچ كمى تسليم اولنه-رق، بونلرله 1492 سنه-سى آغستوسنك اوچنجى كوني آندالوسيه-نك %پالوس\$ اسكله-سندن بادبان كشاى عزيمت اولمشدى. آلتمش بش كون مجهول دكيزلرده سياحت ايدو-رك، و كميلر طائفه-سنگ كوستردكلرى مأيوسيت و دهشت و عدم اطاعتله او غراشوب، كوچ حال ايله يولنه دوامه قانديره-رق، نهايت سنه مذكوره تشرين اولنك 8نده قره كشفنه موفق اولمش؛ و هندك ساحل شرفيسنه واصل اولمق اعتقاديله، كشف ايتديكى بره هند شرقى نامنى ويرمش ايدى. بو سببه مبنيدر كه حالا بو كون اوروپاليلر آمريكا يرليرنه %هنديان\$ نامنى ويريورلر. اك اول كشف ايتديكى قره %لوقاى\$ جزايرندن برى اولوب، بوكا %سان سالوادور\$ نامنى ويرمش؛ و بعده قوبه و هايتى جزيره-لرلىنى كشف ايدوب، %اسپانيوله\$ تسميه ايتمش ايدى. 1493 ماردنده اسپانيايه عودت ايدوب، كشف ايتديكى يرلره خديو تعيين اولنمش؛ و سنه مذكوره ايلولنده بر ايكنجى سياحت ايدوب، كوچك آنتيل جزايرينك چوغنى كشف، و هايتى آطه-سنى ضبط ايله، %سنت دومينغ\$ قصبه-سنى تأسيس ايتمشدى. 1498ده بر اوچنجى سياحت ايدوب، آمريقاى جنوبى ساحلىنى كشف ايله، %اورنوق\$ مجراسندن %قاراقاس\$ه قدر اولان يرلرى كزمش؛ و نهايت 1502ده ايتديكى اوچنجى و صوك سياحتنده %درايان\$ كورفيزينه قدر ايلريلمش ايدى. ايلك و ايكنجى سياحتندن عودتنده اسپانياده قرال و قرالجه طرفندن حكمدارلره مخصوص بر استقباله نائل اولديغى حالده، معيتى حسد ايدوب،

دفعاتله کندیسى عليهه قالقیشمشلر سه-ده، قولومب شدت و ملایمتی قاریشدییره-رق، بونلرک عصیانلرینه غبله چالمش؛ و قرال نژدنده اولان افترا الینی دفع ایده-بیلیمش ایسه-ده، اوچنجی سیاحتنده علیهه-کی افترا لر تاثیر ایدوب، کندیسى عزل، ویرینه نصب اولنان (بووادیللا) طرفندن زنجیر بند اوله-رق، اسپانیایه اعزام اولنمش؛ و چوق سورمه-دن سبیلی تخلیه اولنمش ایسه-ده، اسکی اعتبارینی بر دها بوله-میوب، کشف ایتدیکی یرلره بر درنجی سیاحت ایتدکدن، و زواللی آمریقالیلرک اسپانیولر طرفندن او کبی تعقیب و تلف ایدلدکلرینی کوروب، بوکا کندیسى سبب اولدیغنه دلخون اوله-رق، اسپانیایه عودتندن صکره، آرتق قرال یوزینه باقماز اولمغله، 1506 تاریخنده منکوب و مایوس اوله-رق ضجرت و سفالت ایچنده تلف اولمشدر. بیچاره-نک اسمی ببله کشف ایتدیکی یره ویرلمیوب، اصل قره-یی 1499 تاریخنده رفاسندن برینک معیتنده بولنمش اولان (وسپوس آمریقان)ک کشف ایتدیکنه ذاهب اولمغله، بو قطعۀ واسعه-یه بونک اسمی ویرلمشدر. قولومب فن بحریده دخی بعض ترقیاته موفق اولوب، سفینه اوزرنده طول و عرض تعیینی ایچون اک اول اسطرلاب قوللانان کندیسیدر. برادری بارتملی قولومب دخی معیتنده بولنوب، کندیسنه خیلی خدمت و معاونت ایتمشدر. اوغلی فرناند قولومب پدینک ترجمۀ حالی یازمشدر. قریستوف قولومبک کمیکلری 1536ده هایتی جزیره-سنه نقل ایه، کندی تأسیس ایتمش اولدیغی %سنت دومینغ\$ده دفن، و 1795ده قوبه جزیره-سنک هاوانه شهرینه نقل اولنمشدر. آمریقاده متعدد هیکللی اولدیغی کبی، اخیراً وطنی اولان جنوه-ده دخی کندیسنه بر بیوک هیکل رکز اولنمشدر.

1-3758-5

قولومبو

1#

سرندیپ جزیره-سنک مرکز اداره-سی بر شهر اولوب، جزیره مذکوره-نک ساحل غربیسنده %کلانی کوکه\$ نهری منصبنده و 57° 6' عرض شمالی ایله 36' 77° طول شرقیده واقع و 100240 اهالی-یی جامعدر. بری اروپالیلره و دیکری یرلیلره مخصوص ایکی قسمدن مرکب اولوب، اروپالیلره مخصوص قسمنک سوقاقلری پک واسع و دوز و ابنیه-سی کوزلدر. صنعی لیمانیله ریختمی، ایکی کتبخانه-سی، موزه-سی و خارجنده مفرح کوشکلری واردر. لسان محلیده ((کلانی نهړینک کچیدی)) دیمک اولان %کلانی توتۀ\$ دینلوب، شهرده کثرتلی بولنان و هر وقت کیدوب کلن عربلر طرفندن بو اسم %کلنبو\$ صورتنده تلفظ اولنه-رق، ابن بطوطه-نک سیاحتنده دخی بو اسمله مذکوردر. پورتکیز لیلر بو اسم عربی-یی کندی شیوه-لرینه کوره تلفظه %قولومبو\$ صورتته تحویل ایتدکلرندن، اروپالیلرجه بو اسمله شهرت بولمشدر.

2-3758-5

قولومبوس

1#

ممالك مجتمعه-ده % او هیو \$ حکومتنك مرکزی بر شهر اولوب، واشینگتونك 645 کیلومتره غرب شالیسنده و او هیو نه رینه تابع % سیوتو \$ چایی اوزرنده واقع و 32000 اهالی-یی جامعدر. بر قاچ دمیر یول خطنك محل تقاطعنده اولوب، کلینتی ذخایر تجارتي وارد. 1812 ده بو شهرك محلی دها بالطه کورمه-مش بر اورمان ایدی. *- ینه ممالك مجتمعه-نك % جورجیه \$ حکومتنده و آتلانته-نك 160 کیلومتره جنوب غربیسنده اوله-رق حکومت مذکور-یی آلابامه-دن ایران % قاتا هوچی \$ نه ری اوزرنده دخی بو اسمله سنجاق مرکزی بر قصبه اولوب، 7400 اهالیسی، نهر مذکور اوزرنده کوزل بر کوپریسی، مذکور نهرك اوراده-کی شلاله-لری طرفندن چویریلیر. متعدد فابریقه-لری دکر منلری و اوراده تقاطع ایدر بر چوق دمیر طول خطلری وارد. نهر دخی منصبندن قصبه-نك اوکنه-دك سیر سفائنه صالح اولمغله، کوندن کونه اهالی و معموریتی چو غالمقده اولوب، بر بیوک شهر اولمق یولنی طوتمشدر. *- ممالك مجتمعه-نك سائر حکومتلرنده دخی بو اسمله بر قاچ کوچك قصبه واوردر.

3-3758-5

قولومبیا

1#

آمریقای شمالیده بیوک بر ایرماقدر. ((اورغون)) ماده-سنه مراجعت بیوریله.]

4-3758-5

قولومبیا

یاخود قولومبیه 1# آمریقای شمالیده ممالك مجتمعه-نك هیئت مجموع-سنه عائد بر قضا اولوب، طوغریدن طوغری-یه قونغرہ تعبیر اولنان مجلس عمومینك تحت اداره-سنده بولنیور. بو قضا ممالك مذکور-نك شرق شمالی قسمنده ویرجینیا ایله ماربلاند حکومتلری آرہ-سنده و پوتوماق نه رینك صول کنارنده واقعدر. مساحه سطحیه-سی 180 مربع کیلومتره اولوب، ممالك مجتمعه-نك مرکزی اولان واشینگتون ایله جورجیتون دائرة بلدیہ-لرینی و 230392 اهالی-یی جامعدر.

5-3758-5

قولومبیا

1#

آمریقای شمالیده ممالك مجتمعه-نك جنوبی قارولینه حکومتنك مرکزی بر قصبه اولوب، % جارلنون \$ 208 کیلومتره شمال غربیسنده و % بریه-ریور \$ ایله % سالوده \$ نك محل تلاقیسنده واقع و 15000 اهالی-یی جامعدر. بیوک بر پاموق فابریقه-سی-ده وارد. *- بو اسمله ممالك مجتمعه-ده دیگر بر قاچ قصبه دخی بولنوب، اك

بیوکی پانسیلوانیه حکومتک لانفاستر سناغانده و هاریسبورگ 45 کیلومتره جنوب شرقیسنده واقع و 6500 اهالی-یی جامعدر.

1-3759-5

قولومبیه

1#

آمریقای جنوبینک منتهای شمال غربیسنده بر حکومت اولوب، مقدما %یکی غرناده\$ اسمیله دخی معروف ایدی. موقعی، حدود و مساحه-سی. *- بو حکومت آمریقای جنوبینک شمال غربی گوشه-سنده قسم شمالیسی غیر منتظم و صانکه قیریق بر مربع تشکیل ایدوب، ایکی آمریقای بربرینه ربط ایدن بیوک برزخک دخی دوه بیونی شکلنده اولان و اک طار بولنان قسم جنوبیسی و جدوله تحویلی دردست اولان %پانامه\$ برزخی حاویدر. بو وجهله بر اوجدن آمریقای وسطینک %قوسته-ریقه\$ حکومتنه مربوط اولدیغی حالده، شمالاً آنتیل دکیزیله، شرقاً ونزولا و برازیلیا، جنوباً اقووادور دولتریله، غرباً دخی بحر محیط معتدل ایله محاطدر. ایچ طرفلرنده حدودی تمامیله معین اولمیوب، اراضی واسعه داخلیه دول متجاوره بیننده منازع فیها اولدیغندن، هر طرفدن درجه امتدادینی تمامیله تعیین ایتمک متعسر ایسه-ده، تقریباً خط استوا جوارندن 12° عرض شمالیه قدر و 72° ایله 85° طول غربی آرهلرنده ممتد اولور. مساحه سطحیه-سی 1230870 مربع کیلومتره و اهالیسی 1870 استاتستیفته کوره 3320530 کشی اولوب، تاریخ مذکوردن بری خیلی تزايد ایتمش اوله-جغی ملحوظدر.

حال طبیعیسی، جبال و انهاری، سواحل و جزایری. *- قولومبیه طبیعت اراضیجه اوچ قسمه منقسم اولوب، بری آند سلسله-سنگ شعبه و قوللریله آرهلرنده-کی یوکسک یایله-لردن عبارت اولان واصل یکی غرناده دینلن یردر، که رأسی جنوبده اولمق اوزره، بر مثلث صورتنده-در؛ ایکنجیسی بونک شرق جنوبی جهتنده واقع اولوب، اورنوق و آمازون ایرماقیرینه تابع انهار کشیره-نک جریانکاهیدر؛ اوچنجیسی %پانامه\$ برزخی و داریان سواحلنی حاوی اولان و آمریقای وسطیدن عد اولنمسی اقتضا ایدن طار و اوزون یردر.

آمریقای جنوبی-یی طولاً شق و بشقه اسملرله آمریقای شمالیده دخی دوام و امتداد ایدن %آند\$ سلسله جبالنی ذاتاً بربرینه قریب و یوکسک بر یایله ایله ایرلمش ایکی صره طاغردن مرکب اولدیغی حالده، قولومبیه حکومتنه داخل اولنجه، بو ایکی قولک آره-سی آچلمغه باشلادقندن ماعدا، بروسطی قول دخی شکل، و بر چوق شعبه-لره انقسام ایدیور. مملکتک غرب جهتنده بحر محیط معتدل بویچه ممتد اولان و آمریقای وسطی جبالیه ارتباطی بولنان غربی قولک ارتفاع وسطیسی 2500 متره اولوب، اک مرتفع ذروه-سی اولان %فروننتینو\$ نک 3400، پارامپلونک 3370 و سائر بعض ذروه-لرک-ده 3000 متره-دن زیاده ارتفاعلری وارددر. شرقی قول شمال شرقی-یه طوغری امتدادله یاپانسز لانوسلره طوغری میلانی آز اتکلر اوزاده-رق، مملکتی شق اینتکدن صکره، و نزوله حکومتنه کیرر، و آنتیل دکیزی اوزانه-رق، تا %ترینیداد\$ جزیره-سی قارشیسنده و بحر محیط آطلاسیده %پاریا\$ بروننه منتهی اولور. بونک اک یوکسک محلی %نوادو ده سومه-پاز\$ طاغیدر، که 4810 متره ارتفاعی اولوب، او عرضده سنه-نک قسم اعظمنده قارله مستورددر. %قوتانغه\$ طاغنک دخی 4600 و سائر محللرینک 4000-دن زیاده متره ارتفاعلری وارددر. بو ایکی قولک آره-سنده اولان وسطی سلسله هپسندن یوکسک و بر چوق برکانلری شامل اولدیغی حالده، بر چوق شعبه-لره انقسامله شماله طوغری امتداد، و کیتدکجه انحطاط ایده-رک، نهایت اتکلری بولیوار اووه-لرینه منتهی اولور. بونک وسطی ارتفاعی 3000 متره اولوب، اک یوکسک یری

اولان %هوبیلا\$ طاغنك 5700، %تولیماسا بركاننك 5616، %مزاده هرئوئو\$نك 5590، %رویز\$ك 5300، %نواده دوقویندیو\$نك 5150 و %سانته ایزابله\$ك 5100 متره ارتفاعی وارد. بونلردن بشقه بر طاقم منفرد طاغلر دخی بولنوب، بونلرك اك مهمی مملكتك شمال شرقیسندھ ساحل قریبندھ و سائر جبالدن واسع اووه-لرله آپرلمش اولان %نواده-ده سانته مارتھ\$ جبالیدر، كه 6000 متره-یه قریب ارتفاعی اولوب، قولومیانك اك یوكسك محلیدر، و تپه-لری سردی قارلر و بوزلرله مستورد. آند سلسله-سنگ قوللری آره-لرندھ یوكسك و كنیش یایله-لر بولنوب، بونلرك زمینی حذای بوردن 3000 متره-یه قدر یوكسكد. مملكتك اك معمور و مسكون قسمی-ده بو یایله-لر اولوب، اك بیوك شهر و قصبه-لری اوراده-در. مذکور یایله-لر ایچنده سونمش ویا الآن آتش افشان بر چوق بركانلر دخی بولنیور.

قولومییه حكومتی، وضعیت طبیعی-سی حسبیلله، بحر محیط آطلاسی-یه معروض اولوب، یاغمورلری چوق اولدیغندن، میاه جاریه-سی-ده بول اولوب، اك بیوك ایرماغی %ماغدالنه\$در، كه آمازون ایله اورنوق و لاپلاته-دن صكره آمریقای جنوبینك اك بیوك نهیریدر. بو ایرماق مملكتك قسم جنوبیسندھ %لاس پاپاس\$ طاغندن نیعانه آند سلسله-سنگ قوللری آره-سندھ-کی یایله-لرده شماله طوغری جریان، و صاغ و صولدن بر چوق نهیرلر اخذ ایده-رك، بولیوار اووه-لرینه دوشر؛ و اوراده نواده جبال منفرد-سندن اینن بر قاچ جای دخی اخذ ایله، بر طاقم بتاققلر تشکیل ایدر؛ و تقریباً 1800 کیلومتره-لك جریاندن صكره، بر قاچ آغزدن آنتیل دكیزینه دوکیلور. منبعندن 200 کیلومتره آشاغیده كوچك سفائن ایچون، و 775 کیلومتره آشاغیده صوك شلاله-لرینی بعد المرور بیوكلریچون سیره صالح اولوب، 1000 کیلومتره-لك مجراسنده بیوك كمیلر دخی سیر و حرکت ایدر. بو ایرماغه دوکیلن انهارك عددی 500ی متجاوز اولوب، باشلیجه-لری صاغدن: بوغون، سوغاموزو، لبریجو، ریوسزار؛ صولدن دخی %قاوقه\$ نهیریدر، كه 1350 کیلومتره طولنده مجراسی اولوب، قسم وسطیسی سیر سفائنه صالحدر. مذکور ماغدالنه-دن صكره %آراتو\$ ایرماغیدر، كه مملكتك غرب جهتنده آند سلسله-سنگ ایکی شعبه-سی آره-سندھ ینه جنوبدن شماله طوغری آقه-رق، 700 کیلومتره-لك جریاندن صكره 15 آغزدن %اورابه\$ كورفزینه دوکیلور. مجراسنك 500 کیلومتره-لكی بیوجك واپورلرك سیرینه صالح ایسه-ده، آغزلری مسدود اولوب، دكیزله اختلاطی یوقدر. آند سلسله-سنگ اك شرقی قولندن نیعانه، اورنوق و آمازون ایرماقلرینه دوكلمك اوزره، واسع و اكثر طرفلری هنوز مجهول اولان لانوسلرده شرقه و شرق شمالی-یه طوغری آقان انهار دخی چوق اولوب، باشلیجه-لری: قاقوئته، غواویاره، متا، آراوقه و سائره-در، كه جمله-سی اووه-لرك كنارندن اعتباراً سیر سفائنه صالحدر. یایله-لرده بعض كوچك كوللر و سواحده واسعجه بر طاقم كول و بتاققلر وارد.

قولومییه موقع و جبال و انهارجه طبیعتك نه قدر مساعده-سنه نائل ایسه، سواحله دخی او حالده اولوب، بحر محیط آطلاسی-یه تابع آنتیل دكیزنده و 2250 و بحر محیط معتدلده 2390 کیلومتره ساحلی و هر ایکی طرفده متعدد كوزل لیمانلری وارد. پانامه برزخنك ساحل شمالیسندھ بولنان قوللردن %شیریکی\$ قوینده تقریباً 400 و %سان بلاس\$ قوینده 227 كوچك آطه-لر بولنوب، جمله-سی هندستان جوزی آغاجلردن عبارت اورمانلره مستورد. پانامه برزخنك جنوبنده واقع پانامه كورفزنده %قوئیبلا\$ و %لاس پارلاس\$ اسمیله بیوجك ایکی آطه-سی وارد. نیقاراغوا ساحل شرقیسنك آچیقارنده واقع %سانت آندره\$ ایله %پروویدنسیا\$ جزایر مجتمعه-سی-ده قولومییه-یه تابعدر.

اقلیم و هواسی. *- قولومییه خط استوايه متصل اولوب، حد ذاتنده اقالیم حاره-دن اولدیغی حالده، ارتفاع و وضعیت اراضیجه اولان اختلافات كثیره-سی هواسنك دخی اوكا كوره تخلفنی موجب اولیور. درت متره ارتفاعی متجاوز اولان طاغلری سردی قارلرله مستور اولوب، یوكسك یایله-لرده ارتفاعه كوره درجه حرارت

آرته-رق، میزان الحرارة حد وسطی اوزره 10 ایله 25 درجه آره-لرنده بولنور. بو یایله-لرده دائمی بر بهار حکم سورر. سواحلده و بعض قبالی وادیلرده ایسه حرارت کولکه-ده 40 درجه-یه قدر چیقار. قولومبیه-ده حرارتجه مواسم اولمیوب، یالکز یاغمور موسمی واردر. بحر محید آطلاسی مائله-سنده واقع اولان قسم اعظمنده یاغمور موسمی کونش ایله برابر کزوب، شمس سمت الرأسده اولدیغی وقت یاغمور کثرتله یاغار، و کوك کورلمسیله فرطونه-لر چوق اولور. بر بلوط منطقه-سی کونش ایله برابر کزوب، ایکی یاغمور موسمی پیدا ایدر. بو مائله-ده شمال شرقیدن اسن روز کارلر هو سرینلک هم رطوبت کتیرمکله، هوانک جیادتنه چوق خدمت ایدر. بحر محیط معتدل مائله-سنده-کی قسم اصغرنده ایسه هوا دائماً راکد و پک رطوبتلی و صیجاق اولوب، انواع امراضی مولدر. پانامه برزخنک سواحلده بولیوار و ماغلنده ایالتلرینک آچق و بناقلقلری حاوی اولان بعض طرفلرنده دخی صیتمه و امراض جلدیه-نک انواعی و داء الفیل و برص علتلری حکم سوریور. عمومیت اوزره قولومبیه-نک هواسی صاغلام و لطیف اولدیغندن، بو مستثنی یرلرده حکم سورن امراض مذکوره دخی یالکز هوانک ایجاباتندن اولمیوب، اهالینک قواعد صحته رعایت ایته-ملریله هر نصلسه بعض علل ساریه-نک اختلاطله وارثاً قانلرینه کچمش اولمسنک-ده تأثیری واردر. ایچ طرفده-کی واسع اووه-لرده ایسه چیچک و قزاموق علتلری هر دائم اهالینک برر مقدارینی آلوب کوتورمکده-در.

محصولات و حیوانات و منابع و ثروتی. *- قولومبیه-ده هنوز سائر آمریکا دولنده کوریلن ترقیات حاصل اوله-میوب، اراضیسيله اقلیم و هواسنک تخلفاتندن و بناءً علیه هر نوع محصولات یتیشدیرمکه اولان استعداد فوق العاده-سندن بحق استفاده اولنمامقده، و حالا بو کون برنجی درجه-ده منابع ثروتی معادنن عبارت بولنمقده-در. حبوبات مختلفه آنجق احتیاجات داخلیه-یه کوره اولوب، شکر قامشی، قهوه، وانيله، توتون، قرمز، چیبوت، پاموق و سائر بو کیی محصولاتندن ایسه خیلی اخراجاتی دخی وار ایسه-ده، بو بایده قومشولری اولان سائر آمریکا دولندن کری بولنمقده-در. اورمانلری چوق اولوب، کراسته-یه، مرانغوزلق و اویمه-جیلغه، بویاجیلغه و سائر صنعتلره یارار اشجاری و نباتات طبیه-سی و علی الخصوص قینه-قینه قبوغی چوق اولوب، بولنردن-ده بعض اخراجات اولیور. صیغیر و سائر حیوانات اهلیه-سی متوسط حالده اولوب، خام و سپیلنمش خیلی دریلر دخی چیقار. معادنی چوق اولوب، برنجی درجه-ده آلتون معدنی کرک طمار اوله-رق و کرک قولمرده چوق بولندیغی کیی، دنیاده صرف اولنان پلاتینک همان کافه-سیله زمردلرک اک اییلری دخی بو مملکتدن چیقار. کومش یالکز بر یرده چیقیورسه-ده، دمیر، قورشون و کمور معدنلری هر طرفده موجوددر. قیا طوزی معدنلری ده سنه-ده درت ملیون فرانک قیمتده حاصلات ویریور. الحاصل مملکت حد ذاتنده پک محصولدار و زنکین و اهالیسی-ده اولدقجه چالیشقان ایسه-ده، هنوز وسعت اراضیسيله متناسب صورتده مسکون اولمامسی، و محال مسکونه-سنک ارتفاعیله بر یرلرندن بعد مسافه-سی و آره-لرنده وسائط نقلیه و موارداتک نقصانی الآن ترقیاتنه مانع اولمقده-در.

صنایع و تجارتی، وسائط نقلیه-سی. *- قولومبیه-ده صنایع الیوم پک کری اولوب، اهالیسی باشلیجه معدنک اخراجیله و محصولات ارضیه-نک استحضاریله مشغولدر. آنجق احتیاجات محلیه-یه کوره بعض قبا منسوجاتله اوفق تفک صنعتلر اجرا اولنمقده-در. معمولات قبیلندن اوله-رق مملکتدن اخراج اولنان شی یالکز (جیبیچاپه) تعبیر اولنان بر نباتدن یاپدقلری حصیر شاپقه-دن عبارت اولوب، پانامه شاپقه-سی دینمکله معروفدر. تجارتی معادن ایله محصولات ارضیه مذکوره-نک اخراجندن و معمولات صناعیه و سائره ادخالندن عبارت اولوب، سنوی اخراجاتی 100 و ادخالاتی 65 ملیون فرانک راده-لرنده-در. تجارتنک آنجق اونده بر قسمی بحر محیط معتدل اسکله-لرندن اولوب، قسم کلیسی بحر محیط آطلاسی یعنی آنتیل دکیزی اسکله-لرندن اجرا اولنور. برأ دخی قومشولری اولان اقوآدور و ونزوئلا حکومتلریله بر آز تجارتی واردر. طرق و معابری هنوز پک کری اولوب، پانامه برزخنده قولون ایله پانامه اسکله-لری آره-سنده ممالک مجتمعه-دن بر شرکت طرفندن یاپلمش 77 کیلومتره

طولنده بر دمير يول خطى واردر. داخله دخی 347 كيلومتره طولنده دمير يوللر در دست انشادر. آرابه ايشلر شوسه-لری بيله آز اولوب، نقلیات پك كوچ و كلینتی مصرفله اجرا اولنور. پانامه جدولنك كشادی ایسه نیجه زماندن بری تصویرده قالدقن صكره، بوندن مقدم حفرياته مباشرت اولندیغی حالده دخی، شركتی اداره ایدنلرك معلوم اولان سو استعمالاتیله سكته-دار اولمشدر.

اهالیسی، جنسیت و لسان و مذهبلیرى. *- قولومبیه-نك باشلیجه مسكون یرلری یایله-لری یعنی 800 ایله 3100 متره ارتفاعلری آره-سندده اولان یرلری اولوب، سواحلی، هوانك و خامتندن طولایی، همان خالیدر؛ و یالكز تجارتكاه اولان اسكله-لرده بالضرور تجار طائفه-سی و منبت اولان آلق اووه-لرده باشلیجه زنجیلر اسكان ایدر. شمديكى اهالیسی اساساً اسكى یرلیلرله اسپانیوللردن و اسیر اوله-رق آفریقادن کنترلمش بر مقدار زنجیلردن مرکب اولوب، 4 صنفه منقسمدر؛ برنجی صنفی آز چوق خالص قالمش اولان اسپانیوللر، ایکنجیسی اسپانیول ایله یرلیلرك و بعضاً ده زنجیلرك اختلاط و ازدواجندن متولد ملزلر، اوچنجیسی حال اصلیلرنده قالمش یرلیلر، دردنجیسی-ده خالص حالنده اولان زنجیلردر. خالص حالنده قالمش اولان یرلیلر 200000 راده-لرنده تخمین اولنوب، بونلرك 80000 ی خرسیتیانلغی قبول و حكومته عرض اطاعت ایتمش، و 120000 ی یوكسك طاغرده، واسع اووه-لرك منتهالرنده و هواسی آغر ساحلرده الیوم اسكى حاللرنده و مستقل و سرکش اوله-رق طیانمقده-در. زنجیلر خالص ویا ملز حالنده اوله-رق سواحله و بیوك ایرماقلرك وادیلرنده هوانك و خامتنه تحمل ایله، زراعتله مشغول اولوب، بونلر اسارتك لغوندن بری كیتدكجه آز المقده-در. لسان عمومی و رسمی اسپانیولجه اولوب، یالكز خالص حالنده قالمش یرلیلر كندی لسانلریله متكلمدرلر. معارف هنوز پك كری اولوب، حكومتك جهدیله برابر، مکتبلر لزومی درجه-ده تكثیر اولنه-مامشدر.

آمریقانك كشفنده قولومبیه 8 ملیون اهالی ایله مسكون معمور بر یر ایدی. بو اهالی-یی تشكیل ایدن اقوامنك برنجیسی (شیشا) قومی ایدی، كه مدنیتده پرونك اینقه-لریله مكسیقه-نك آز تكلرندن پكده كری قالمیوب، قالدیرملی یوللر، آصمه كوپریلر، ستونلی معبدلر یاپمق، هیکلر تراش، منسوجات نسج، طاش اوزرینه هیر و غلیف خطرلك، اكثر معدنلری اعمال و اوزان و اکیال استعمال ایتمك صنعتلرینی ببیلرلردی. بونلر بر ملیوندن زیاده اولوب، مغلوب اولدقن صكره، اسپانیوللره قاریشوب، كندی لسانلرینی ترك و فراموش ایتمشدرلر. اقوام مذكوره-نك ایکنجیسی (غوآنه) قومی ایدی، كه شیشالرك شمالنده ساكن اولوب، اونلر قدر متمدن دكل ایدیلسه-ده، ذكاوتده اونلردن كری اولمیوب، ایکی اوچ آیده اسپانیولجه تكلمه آلیشقلری مشهوردر. بونلر استقلاللرینه پك مربوط اولوب، اسپانیوللره قارشى چوق وقت مصرانه مقاومت ایتمشدر، و بقیه-لری الیوم مستقل حالنده یاشامقده-درلر. شیشالرك جنوبنده-ده (بانش)، (پاس) و (آنداکی) قوملری بونلر، بونلر دخی بر چوق وقت اسپانیوللره مقاومت ایتمش، و بر چوق آثار بر اقمشدرلر. نهایت ساحل جنوبیده ونزویلا حدودنده الیوم دخی موجود اولان غوآجیرلر بولنیوردی. ((غوآجیر)) ماده-سنه مراجعت بیوریله.]

اصول اداره-سی، قوه مالییه و عسکریه-سی، تقسیمات ملكیه-سی. *- قولومبیه یقین و قتلره كلنجه-یه قدر حكومات متفقده صورتنده اداره اولنوب، 1886 ده برتلك حكومته تحول ایتمشدر. بر رئیس حكومت ایله سكر و كلا و بر شورای دولت طرفندن اداره اولنوب، 33 اعضادن مركب بر هیئت اعیانی و 68 اعضادن مركب مجلس پارلمنتوسی واردر. اعیانك 27

سی 6 سنه مدتله ایکنجی درجه-ده و اعضا 4 سنه مدتله برنجی درجه-ده انتخاب اولنور. انتخاب ایتمك حقتی حائز اولمق ایچون 21 یاشنی اكمال ایتمش اولمق و او قویوب یازمق بیلمك یاخود معین بر سرمایه ویا ایراده مالك بولنمق، و اعضا اولمق ایچون 25، اعیاندن اولمق ایچون دخی 30 یاشنی اكمال ایتمش اولمق شرطدر. واردات و مصارفی 30 ملیون فرائق راده-لرنده-در. حال حضریده عسکری 5500 كشیدن عبارت اولوب، حرب زماننده

سلاح طاشيغمه مقتدر اھالينك جملہ-سى عسكردر. مركزى بوغوتہ شھرى اولوب، مملكت 9 ايالتہ منقسمدر، كہ
اساميسيله مساحۂ سطحیہ-لرى و مركزلریلہ مقدار نفوسلرى بر وجه آتيدر:

###

ايالت

مربع كيلومتره

اھاليسى

مركزى

اھاليسى

آنتيوكيا

59025

464887

مودلين

37237

بوليوار

70000

245234

قارتاجنه

9681

بوياقه

86300

516940

تونجه

8000

قاۋقہ

666800

460078

پوپايان

8485

قوندينامارقه

206400

537658

بوغوتا

95813

ماغدالنه

69800

137318

سانته-مارقه

6000

پانامه

82600

221052

پانامه

25000

سانتاندر

42200

432178

بوفامارانغه

11255

تولیم

47750

305185

ایباغوئه

18000

جمعاً

1330875

3320530

\$

احوال تاریخیه-سی. -* - قولومبیه جهتی آمریقانک کشفنی متعاقب (رودریغو باستیدا) ایله معیننده بولنان (جوان دالاقوزه) طرفندن کشف اولنه-رق، %ولا\$ بروننک غرب جهتنده-کی یرلری کزلمش؛ و ایکی سنه صکره قریستوف قولومب کندیسی دخی داریان کورفرزینه یناشوب، بتون ساحل شمالیسنی کورمش ایدی. بعده 1530 تاریخنه-دک اسپانیولر هر طرفندن مملکتک ایچنه دخول ایدوب، بیچاره اهالی اصلیه-یی انواع مظالمه دوچار، و بر طاقمنی قتل، بر طاقمنی اسپر ایتمشلردی. اسپانیولر بعض وادیلرینی غرناطه-نک جوارلرینه بکز ته-رک، بو مملکتک %یکی غرناطه\$ نامنی ویرمشلردی. هر طرفی ضبط ایتدکلرنده، اوراسنی-ده بر ایالت ویا خدیویت اتخاذ ایدوب، تجارتنی بسبتون تحت انحصاره آلمشلردی. بو حال یالکز اهالی اصلیه-یه دکل، مملکتک یرلشمش اولان اسپانیولرله دخی آغر کلوب، 1781 تاریخندن بری ایکیده برده قیامه باشلامشلردی. 1810 تاریخنده قیام دهها بیوک و جدی و عمومی اولوب، اون بر سنه پیایی اسپانیه عسکريله اوغراشدقن صکره، بولیوارک 1819ده قزاندیغی %بویاقه\$ غالبیتی اوزرینه 1821ده مملکتک مختاریت اداره-سی تأمین اولنمشدی. آنجق او وقت قولومبیه ویا یکی غرناده شمدیکی حدوده منحصر اولمیوب، بتون ونزوئلا و اقوآدور حکومتلرینی دخی شامل یعنی شمدیکی اراضیسنک ایکی مثلنی جامع ایدی. یدی سنه بو حالدده قالدقن صکره، 1828ده مذکور ایکی حکومت آیرلمش؛ 1861ده یکی غرناده شمدیکی ایالاتندن عبارت طقوز کوچک حکومتدن مرکب ممالک مجتمعه صورتته قونمش؛ و 1886ده حکومت مذکوره ایالاته تحول ایله ، برتک حکومت صورتنده اداره اولنمغه باشلامشدر.

انکلیز - *سی 1# آمریقای شمالیده انکلتزه-یه تابع اولان %دومینیون\$ ممالک مجتمعه-سنی ترکیب ایدن حکومتک اگ غربیسی اولوب، وقتیله %یکی قالدونیه\$ تسمیه اولنوردی. واسع بر بر اولوب، °49 ایله °60 عرض شمالی و °117 ایله °137 طول غربی آره-لرنده ممتد اولور. جنوباً ممالک مجتمعه ایله شرقاً ینه دومینیون آلبرته و آتاباسقه حکومتلریله، شمالاً ((شمال غربی)) اراضی واسعه-سیله، غرباً دخی بحر محیط معتدل ایله و قسم شمالیسنده ممالک مجتمعه-نک آلاسقه اراضیسنه تابع ساحل ایله محاط و محدوددر. حدود شمالیه و جنوبیه-سیله حدود شرقیه-سنک نصف شمالیسی اراضی خالیه ایچنده خطوط مستقیمه مفروضه-دن عبارت اولوب، حدود شرقیه-سنک نصف جنوبیسی ایسه قیالی طاغر سلسله-سنک صرتی تشکیل ایدیور. شمالدن جنوبه بوی 800 کیلومتره-دن زیاده و اکی 650 ایله 700 کیلومتره آره-سنده اولوب، مساحه سطحیه-سی تقریباً 900000 مربع کیلومتره یعنی فرانسه-دن بیوک اولدیغی حالده، اهالیسی 100000 کشی-یه بالغ اولمیور. ساحلی پک کیرنتیلی چیقنتیلی و بر چوق برون و قویلر ایله آله-لری حاوی اولوب، قسم جنوبیسنده %وانقور\$ اسمیله بیوک و اوزون بر جزیره-سی و قسم شمالیسنده قرالیچه شارلوت جزایر مجتمعه-سی بولنیور. انکلیز قولومبیه-سی غیر مساوی ایکی قسمدن مرکب اولوب، بری مذکور %وانقور\$ جزیره-سی و دیگر قره جهتیدر. بونلر آیری آیری برر مهجر ایکن، 1688ده انکلیز قولومبیه-سی نامیله بالتوحید، دومینیون حکومتات مجتمعه-سنه الحاق اولنمشلدر.

مملکت طاغلق اولوب، شمالدن جنوبه بویجه ایکی صره طاغر ممتد اولور. بونلرک بری ساحله قریب اولان %قاسقادر رانجه\$ یعنی ((شلاله-لر سلسله-سی))در، که 1800 متره-یه قدر یوکسلوب، صرب اتکلرینی لب دریاه قدر اوزاتیر، و جنوبه طوغری ممتد اولوب، ممالک مجتمعه-یه داخل اولور. دیگر قرق جهتنده ممتد اولان ((قیالی طاغلق)) سلسله-سیدر، که ده یوکسک و اسمندن-ده آکلاشدیغی اوزره، ده صرب و چتین اولوب، بوغاز و کچیدلری 2000 متره-یه قریب ارتفاعلرده-در، و اگ یوکسک محلی اولان %بروون\$ طاغلق 4877 متره ارتفاعی واردر. بو ایکی صره طاغلق آره-سنده واسع و یوکسک بر یایله اولوب، بونک ایچنده دخی مذکور طاغلق بعض قوللری اوزانیر. مذکور ایکی سلسله-دن یایله-نک ایچنده آقان و بحر محیط معتدله دوکلمک ایچون برر کچید بولان انهار کثیره-نک اگ بیوکلی %فراسر\$ و %قولومبیا\$ ایرماقلیدر. بونلرک برنجیسی یایله-نک اکثر طرفلرینی طولاشه-رق، حدود جنوبیه-سنده و انقور جزیره-سی قارشیسنده بحر محیط معتدله دوکیلور.

ایکنجیسی ایسه یایله-نک جنوب قسمنده تحصیل ایدوب، ممالک مجتمعه-یه داخل اولور. مملکتک قسم شمالیسی میاه جاریه-سی شماله طوغری آقوب، بحر منجمد شمالی-یه منصب اولان %ماکنزیه\$ ایرماغنه دوکیلور. یایله-ده قوللری پک چوق، و اکثری طار و اوزوندر.

هواسی افراط و تفریط بیننده اولوب، ایلولک ابتداسندن مایسک نهایتنه-دک سورن قیشلری صوثوق و سرت و اوچ آی سورن یازلری دخی پک صیجاقدر. قیشین یالکز سواحلیله بعض آچق وادیلری معتدلجه اولوب، یایله و طاغلق هر طرفی قارلر و بوزلرله اورتیلور. ساحل بویجه ممتد اولان طاغلق بحر محیطدن کلن بلوطلری طوردیرمغله، بو طاغلق غربی اتکلرنده یاغموور زیاده یاغوب، سائر طرفلرده ده آز و سیرک یاغار. بو مملکت واسعه-نک همان هر طرفی اورمانلرله مستور اولوب، چام، میشه، قواق، کورکن، بیانی کراز، فندق، آردیچ و سائر آغاچلری حاویدر. 100 متره-یی متجاوز اوزون چاملر دخی بولنیور. کراسته-یه و سفائن اعمالنه الویریشلی

اولان بو اورمانلرک آغاجلری بتون کره ارضی اداره ایده-بیله-جک مقدارده اولوب، مملکتک اعمارى حالنده، بر کون جهندن چوق استفاده اولنه-جغی شبهه-سزدر. اسکان و اعمارده صالح یرلری 65، قابل زراعت اراضیسی 40 و آریه و سائر حبوباتله صنعی چاپره الویریشلی اولانلری-ده 25 ملیون یکی دونم تخمین اولنمشدر. آنجق اکثر یرلری، قابل زراعت اوله-بیلیمک ایچون، سقی و اروا اولنمغه محتاجدر. مملکتک بر سدسنی کوللر و بر خیلی مقدارینی-ده قیالر و صرب یرلر ضبط ایتمشدر. شمдіکی حالده برنجی محصولی پتاته ایله یرلیلرجه پک مقبول اولان صوغان کبی بر کوکدر. حیوانات وحشیه-سی چوق اولوب، بیاض و سیاه و بوز آیی ایله قورت، قیلان، ییانی کدی، بیان اوکوزی و زردوا و وشق ایله پوستلری کورک اعمالنه یاریبان سائر حیوانلرک انواعی و کوللرله نهرلرده و سواحله بالیقلر پک چوقدر. شمдіکی حالده انکلیز قولومییه-سنگ برنجی منبع ثروتی آلتون معدنی اولوب، بوذی قیمت معدنک قوملرده و سطح ارضده بولنلاری بیتمکده ایسه-ده، قیا طمارلرنده بولنلرک الان اخراجنه باشلانمشدر. کومش، باقر، قورشون، دمیر، چنقو، جیوه و سائر معدنلریله آچی و سائره اوجاقلری چوقدر. کمور معدنی-ده چوق اولوب، وانقور جزیره-سنده کلیت اوزره چیقارلمقده-در.

اهالیسندن 35000 قدری قیائل و اجناس مختلفه-یه منسوب و آز چوق وحشی حالنده یاشار اصل یرلیلردن و قصوری آروپالی، چینلی و زنجیدن عبارتدر. بونلر کیتدکجه چوغالمقده، و بونلر چوغالدقجه بیچاره یرلیلر آزلمقده-در. مملکت هنوز معموریت درجه-سنه وارمیوب، قصبه دینله-بیله-جک یالکز وانقور جزیره-سنده بولنان و مرکز حکومت اتخاذ اولنان %ویقتوریه\$ قصبه-سیدر. قره جهتنده ایسه %فور\$ یعنی ((قلعه)) ویا ((قله)) نامیله پک سیرک بر طاقم کویلر واردر، که باشلیجه کورک آوینک مرکز لیدر. معادن قرینده دخی معدنجلرک و اک زیاده قابلزراعت یرلرده دخی معدنجلرله بعض زراعتک خانه-لری بولنیور، مع هذا فراسر ایله قولومییا ایرماقلری مجرالرنده-کی قریه-لر کیتدکجه بیومکده اولوب، هر بری بر قصبه اولمق استعدادینی کوستریر. انکلتره دولتنک دومینیون ممالک واسعه-سی ایچنده بحر محیط اطلاسی کنارندن بحر محیط معتدل ساحلنه-دک تمدید ایندیکی بیوک دمیر طول خطی انکلیز قولومییه-سنگ قسم جنوبیسی شق ایله، بو مملکتک منتهای جنوب غربیسنده و فراسر ایرماغی منصبنده واقع %بورار داینلت\$ لیماننه واصل اولور، که کنارنده %نیووستمینستر\$ ایله %وانقور\$ اسکله-لری بولنیور. بو لیمان پک واسع و صاغلام اولوب، ایلریده بر مرکز تجارت و معموریت اوله-جغنده شبهه یوقدر. او ساحلده دهها بر چوق مکمل لیمانلر واردر. مملکت، ایکیسی وانقور جزیره-سنده و اوچی قره-ده اولمق اوزره، بش قضایه منقسم اولوب، انکلیز حکومتک وکیلی مقامنده بر متصرف ایله 5 اعضادن مرکب بر مجلس اداره طرفندن اداره اولنور، و 25 اعضادن مرکب بر مجلس مبعوثان خصوصیسی واردر. دومینیون مجلس عمومیسنه 5 و هیئت اعیانه 3 اعضا کوندرمک حقنی حائزدر.

1-3765-5

قولومنه

1#

روسیه-نک موسقوه ایالتنده و موسقوه-نک 106 کیلومتره جنوب شرقیسنده و %موسقوقه\$ ایله %اوقه\$ نهرلری ملتقاسنک برآز یوقاریسنده قضا مرکزی بر قصبه اولوب، 28500 اهالیسی و ایپک و پاموق منسوجات ایله توتون فابریقه-لری واردر.

2-3765-5

قولوميا

1#

آوستريانك غاليجيا خطه-سنده و لميرغك 170 كيلومتره جنوب شرقيسنده اوله-رق %پروت\$ نهرينك صول كنارنده قضا مركزى بر قصبه اولوب، 23110 اهالييسى، بيوك چينى فابريقه-سى و كراسته ايله توتون تجارتي واردر.

3-3765-5

قولون

1#

آمريقاي جنوبيينك قولوميه حكومتته تابع پانامه ايالت و برزخنك شمال شرقى ساحلنده و پانامه اسكله-سنگ 77 كيلومتره شمال غربيسنده %مانز انيلو\$ اسمنده بر كوچك آطه اوزرنده بر قصبه و اسكله اولوب، 3500 اهالييسى واردر. يكي بر قصبه اولوب، اورادن پانامه-يه قدر اولان دمير يول خطنك انشاسى صره-سنده تاسيس اولنمشدر. در دست حفر اولان پانامه جدولنك دخى آغزنده بولنه-جغندن، چابق بيويه-جكى مأمولدر.

4-3765-5

قولوندى

1#

سييريه-ده %تومسق 4 ايالتنك بارناؤل قزاسنده و 232 كيلومتره جنوب غربيسنده بر آجى كول اولوب، بويى 38، اكي 34 كيلومتره و مساحه سطحيه-سى 446 مربع كيلومتره-در. همنامى اولان و 200 كيلومتره-لك مجراسى بولنان بر نهر بو كوله دوكيلور.

5-3765-5

قولونيدال ساقرامنتو

1#

آمريقاي جنوبيينك %اوروغواى\$ حكومتته و %مونتويديو\$نگ 140 كيلومتره غرب شماليسنده اوله-رق %لاپلاته\$ خليجنك ساحل شماليسنده و بو ئوس آيرسك قارشيسنده سنجاق مركزى بر قصبه و اسكله اولوب، 5000 اهالييسى واردر.

6-3765-5

قولونيه

1#

پروسپه-نك رين ايالتنده و برلينك 590 كيلومتره غرب جنوبيسنده و مركز ايالت اولان قولونچك 85 كيلومتره شمال غربيسنده اوله-رق رين ايرماغنك صول كنارنده سنجاق مركزى بر شهر اولوب، 281273 اهاليسى، مكممل استحكاماتى، متعدد جسيم و مصنع معابدى، اوچ اعداديه، بر صنايع و بر تجارت مكنبى، موزه-سى، تاريخ طبيعى نمونه خانه-سى، نباتات و حيوانات باغچه-سى، بيوك كتبخانه-سى، طرز قديم اوزره دائره شكلنده تياتروسى، نهرك اوزرنده اورتيلى بر كوپريسى، سربست ليمانى، پك ايشلك تجارتي، اقمشه و منسوجات مختلفه ايله توتون فابريقه-لرى و شهرك اسمنه اضافتله %قولونيه صوبى\$ دينمكله مشهور چيچك صوينك تقطيرنه مخصوص 40 فابريقه-سى وارد. خارجدن منظره-سى پك كوزل اولوب، آنجق داخلنك بعض طرفلرنده سوقاقلرى طار و خانه-لرى اخشابدر. بو شهرده 1248 تاريخ ميلاديسنده انشاسنه بدأ اولنان جسيم كليسا آلان اتمام اولنه-ميوب، حالا انشآتته دوام اولنمقده-در. اهاليسنك قسم اعظمى قتوليكدر. پك اسكى بر شهر اولوب، دفعاتله پايخت بولنمش؛ و يقين وقتلرده رين ايالتنك مركزى ايكن، اخيراً مركزيت قولونچه نقل اولنمشدر. آنجق بو حال بيومسه خلل كتيرميوب، سنه-دن سنه-يه اهاليسى آرتقمقده-در.

1-3766-5

قولونيه

مناستر ولايتنك كوريجه سنجاغنده و ولايتنك منتهاي جنوب غربيسنده بر قضا اولوب، شمالاً نفس كوريجه، شرقاً كسريه قضالريه، جنوباً و غرباً دخى يانيه ولايتيله محدوددر. 54 قريه-دن مركب اولوب، ولايت سالنامه-سنك بياننه كوره يالكز 15325 اهاليسى وارد، كه بونلرك قسم اعظمى مسلم و بر آز مقدارى آرنأؤد و اولاخ اوله-رق خريستياندر. مركز قضا %هرسقه\$ قريه-سيدير. اراضيسى مرتفع بر ياييله-دن عبارت اولوب، طوپراغى آز منبت، و مرعاه دهالويريشليدير. مع هذا احتياجات محليه-يه كفايت ايده-جك قدر بغدادى، آرپه، مصر و سائر حيوباتله بعض ميوه و سبزه-لر حاصل اوليور. قيونلريه كچى و سائر حيواناتى زياده-جه اولوب، قويون سودندن معروف آرنأؤد بينيرى كله-لرى ياپيلير. اهاليسى جسارتله و محنتكشلكله مشهوردرلر. مركز قضاده بر رشديه و بتون قضاده 11 ابتدائيه مكنبى و 4 جامع ايله 2 تكيه موجوددر. قولونيه اسمنك لاتينجه ((مهجر)) ديمك اولديغى معلوم اولمغله، اسكى روماليلردن قالمه اوله-جغى آكلاشيليور، و بونلر طرفندن بو محله اهالى نقل و اسكان ايدلمش اولمىي محتملدر.

2-3766-5

قولورى

ياخود قولاً #1 روسيه-نك آر خانكل ايالت شماليه-سنده بر نهر در، كه پينغه قضا سنده نبعانله، ابتدا شرقه طوغرى آقه-رق، %دوينه\$ ايرماغيله بر جدول ايله اختلاط ايتدكن و بر قاچ چاي آلوب سبر سفائنه صالح اولدقن صكره، شماله طوغرى دونر؛ و 320 كيلومتره-لك مسافه قطع ايتدكن صكره، شمال آق دكيزك %قرن\$ خليجنه دو كيلور.

3-3766-5

قوله

مادام -*#1 فرانسه-نك مشهور محرر-لرندن اولوب، 1810ده طوغمش، و 1876ده وفات ايتمشدر. ((او)) عنوانلى اثريله شهرت بولمشدر. دائره-سى مجمع ادبا ايدى.

4-3766-5

قوله

آيدين ولايتنك صاروخان سناغنده و مغنيسانك 180 كيلومتره شرقنده اوله-رق %دويت طاغى\$ دينلن سونمش بر بركانك اتكنده قضا مركزى بر قصبه اولوب، 10041 اهاليلى، بر رشديه و بر قاچ ابتدائيه ايله بر ايكي روم و راهبه-لر طرفندن اداره اولنور اطفال متروكه-يه مخصوص بر فرنك مكتبي، جنوبه طوغرى پك منبت و محصولدار بر اووه-سى، كلیم و سائره معمولاتى، ايشلك تجارتى، 30 جامع و مسجدى، 2 كليساسى، 3 حمامى، 2 خانى، 15 چشمه-سى، كنيش سوقاقلرى، مجدد چارشيسى و خانلرك اطرافنده باغچه-لريله آغاجلرى واردر. پك اسكى بر قصبه اولوب، بعض آثار عتيقه-سى وار ايسه-ده، اسم قديمى نه ايدوكى آكلاشيله-مامشدر.

-*#- قوله قضاى شمالاً خداوندكار ولايتى و كوردوس قضاىيله، غرباً دميرجى و كوردوس و صالحلى، جنوباً آلاشهر، شرقاً دخى اشمه قضاىيله محدود اولوب، سلندى و منده-خوره ناحيه-لريله برابر 98 قريه و 29111 اهالى-يى جامعدر، كه بونلرك يالكز 2144ى جماعات مختلفه-يه منسوب غير مسلم و قصورى كاملاً مسلمدر.

مساحة سطحيه-سى 1681 مربع كيلومتره اولوب، 400 كيلومتره-لكى اراضى مزروعه، 1251 كيلومتره-لكى طاغلق و اراضى خاليه، 20 كيلومتره-لكى مرعى و 10 كيلومتره-لكى اورماندر. محصولاتى ذخاير متنوعه ايله پاموق و ميوه وسبزه-لرك انواعندن عبارت اولوب، خيلى مقدار پلاموط دخى چيقار. قيونلرى چوق اولوب، بياغيسندن محلنده خالى و كلیم ياپلدقن صكره بر خيلى مقدارى-ده از ميره اينديريله-رك اخراج اولنور. قوله قصبه-سى از مير و مغنيسادن كلن دمير يول خطنك موافقندن اولان الاشهره شوسه ايله مربوط اولوب، بو واسطه قضانك اخراجاتنى و تجارتنى تسهيل ايدبور. بو قضانك بياغيسى كوزل اولمغله، خياليلرى ده مقبول اولوب، سنوى 36000 متره قدر و 865000 فراتق قيمتنده خالى چيقار. اكثر اراضيسى بركانى اولوب، ازمنه قديمه-ده ((يانمش)) معناىيله %قاتا كقاونى\$ تسميه اولنوردى. و شرابنك نفاستيله مشهور ايدى. استرابون طرفندن تعريف اولنان اوچ بركان آغزى اليوم موجوددر. مركز قضا قديم اولديغى كبي، %منه\$ قريه-سى دخى اسكى %موانيه\$، %سلندى\$ قريه-سى اسكى %سيلانوس\$، %طاؤلله\$ قريه-سى-ده %تاباله\$ مدينه قديمه-سنگ

محلندہ واقعدر۔ قولہ قصبہ-سی جوارندہ %امیر حمای\$ اسمیلہ نافع بر قاپلیجہ موجوددر۔ مرمر اوجاگی حکمندہ اولان %یلدیز\$ موقعندہ دخی بر چوق هیکلر و سائر آثار مشهوددر۔ کدیز نہری قضایی شرقن غربہ شق ایدوب، شمالدن کلن سلندی صوی صوی دخی بوکا منصب اولور۔

1-3767-5

قولیاقان

1#

مکسیقه ممالک مجتمعه-سندہ سینالوا حکومتک مرکزی بر قصبہ اولوب، مکسیقونک 1642 کیلومتره شمال غربیسندہ اوله-رق قالیفورنیہ کورفرزینہ دوکیلن همنامی بر نهرک اوزرندہ واقع و 10000 اهالی-یی جامعدر۔

2-3767-5

قولیما

1#

مکسیقه ممالک مجتمعه-سنگ غرب جهتندہ و مکسیقونک 476 کیلومتره غربندہ و بحر محیط معتدل ساحلندن 65 کیلومتره-لک مسافه-ده همنامی اولان حکومتک مرکزی بر شهر اولوب، 25125 اهالیسی، پاموق ایلیکخانه-سی و اطرافندہ قهوه مزرعاتی واردر۔
*- قولیما حکومتی مکسیقه ممالک مجتمعه-سنی ترکیب ایدن حکومتک اک کوچکلرندن اولوب، بحر محیط معتدل ساحلندہ اولدیغی حالده، شمالاً و شرقاً جالیسکو، شرق جنوبی طرفندن میشوآقان حکومتلریله محدوددر۔ بحر مذکورده 168 کیلومتره-لک ساحلی واردر۔ مساحه سطحیه-سی 5418 مربع کیلومتره اولوب، 75591 اهالیسی واردر۔ اراضیسی طاغردن و اووه-لردن مرکب اولوب، اک یوکسک طاغی 3350 متره ارتفاعی اولان %قولیما\$ برکانیدر۔ و نهرلرینک اک بیوکی %آمریا\$در۔ هواسی ساحلده و اووه-ده صیجاق اولوب، یوکسک برلرینه چیلدقجه سرینشیر۔ اقالیم حاره و معتدله-یه مخصوص محصولات متنوعه-سی و طاغردن کومش، باقر، دمیر و قورشون معدنلری واردر۔

3-3767-5

قولیما

1#

سیریه-نک قسم شرقیسندہ تومسق ایالتندہ بر ایرماقدر، که او خوجق دکیزینک ساحل شمالیسندہ واقع %استانووی\$ طاغردن نبعانله، شمال شرقی-یه طوغری آقه-رق، %لاودون\$ و %قورقودون\$ نهرلرینی آلدقن @1 صکره، شماله طوغری دونر، و صولدن %یاساخنه\$ و %سیریانقه\$-بی ده آوب، بعده ینه شمال

شرقی-یہ رجوع، و %قدوتینحه\$ ایله %اومولوا\$ نہر لرینی دخی اخذ ایله 1600 کیلومتره-لك جریانندن صکره 70° عرض شمالی و 159° طول شرقیده بحر منجمد شمالی-یہ دوکیلور.

4-3767-5

قولین

1#

چہستانک %اقزاسلاؤ\$ سنجاغنده و 20 کیلومتره شمال غربیسنده اوله-رق %البه\$ نہرینک صول کنارنده قضا مرکزی بر قصبه اولوب، 11640 اہالیسی، پاتیسقه و مسکرات فابریقه-لری و بعض اسکی ابنیہ-سی واردر. چہستانده-کی یہودیلاک مرکزی حکمنده-در.

5-3767-5

قولیوان

1#

سیبریہ-نک تومسک ایالتنده و 200 کیلومتره جنوب غربیسنده %اوبی\$ نہرینک و بونک توسعلہ تشکیل ایندیکی واسع کولک صول کنارنده بر قصبه اولوب، 12250 اہالیسی و ذخیرہ بازاریلہ صید ماہیسی واردر.

6-3767-5

قوم

1#

قره طاغ ایله ممالک عثمانیہ حدودنده و پلاوه کولی حوضه-سنگ اوستنده منفرد و مرتفع بر طاغ اولوب، 3850 متره ارتفاعی واردر. لدوسه معروض اولمسی جہتیلہ چوق قار طوتماز. -* - صربیہ ایله قره طاغ حدودنده دخی بو اسمله بر طاغ اولوب، یاننده-کی ہمنامی بوغازک 1919 متره ارتفاعی واردر.

7-3767-5

قوما

1#

قافقاسیه-ده بر ایرماقدر، که قافقاس سلسله جبالنده البرز طاغنگ شمالی اتکلرندن %سوغالش طاغندن نبعانله، قوبان و ترک ایالتلری آره-سنده شمال شرقی-یه و بعده ترک ایله استاوروپول ایالتلری بیننده شرقه طوغری آقه-رق، و نهایت ترک ایالتنه کیره-رک، 540 کیلومتره-لک جریانندن صکره بحر خزره منصب اولور.

1-3768-5

قوماجنه

1#

مرعش جهتندن عبارت بر خطه قدیمه اولوب، مرکزی %سمیساط اییدی. میلاددن 65 سنه اول بر حکومت صغیره شکلنه کیروب، بعده %اوفر اتریه %یعنی %فرا تیه %نامیله روما دولتنک ایالاتی عدادینه داخل اولمشیدی.

2-3768-5

قوماروم

مجارستانده پشته-نک 88 کیلومتره شمال غربیسنده و طونه-نک بر قولنک صول کنارنده سنجاق مرکزی بر قصبه اولوب، 12110 اهالیسی، جسیم و استحکاماتی و خیلی فابریقه-لریله ایشلک تجارتی وارد. بو قصبه 1543 و 1594 تاریخ میلادیسنده ایکی دفعه عثمانلیلرک ضبطنه کچمشدر.

3-3768-5

قوماسیه

یاخود قوماسی #1 آفریقانک ساحل غربیسنده یوقاری کینه-ده %آشانتی %دوله زنجیه-سنگ مرکزی بر شهر اولوب، 6° 30' عرض شمالی ایله 4° 30' طول غربیده واقع و 70000 اهالی-یی جامعدر. سوقاقلری واسع و اشجارله مظل اولوب، اورته-سنده کنیش بر میدان وارد، که هفته-ده بر بازار قوریلور. انکلیز 1871ده بو شهری ضبطله، حکمدارک مقرینی احراق ایتمشلردر.

4-3768-5

قوماکیو

1#

ایتالیانک امیلیه خطه-سندھ واقع قراره ایالتندھ و قراره-نک 45 کیلومتره شرق جنوبیسنده اوله-رق آدریاتیق ساحلندن 5 کیلومتره-لک مسافه-ده بر بطاقلغک ایچنده واقع و بربرلرینه بر چوق کوپرلرله مربوط 13 کوچک آله اوزرنده مؤسس بر قصبه اولوب، 6820 اهالیسی وارد.

5-3768-5

قوماموتو

1#

جاپونیه-ده %کیوسو\$ جزیره-سنگ %هیغو\$ ایالتندھ و توکیونک 880 کیلومتره غرب جنوبیسنده بر شهر اولوب، 45895 اهالیسی و اسکی استحاماتی وارد.

6-3768-5

قومان

1#

ترك اقوامندن بر کوچك قومدر، كه اون برنجی قرن میلادی اواسطنده پچنكلری دفع ایله، روسیه-نك جنوب جهتنه یرلشمشلردی. بعده مغوللرك اورالری استیلالرنده بر طاقملری مجارستانه هجرتله، مجارلرك و یردكلری یرلرده یرلشوب، مرور زمانله مجارلشمشلسه-ده، الیوم کندیلری و مملکتلری قومان اسمیله تقریق اولنمقده-در. بر طاقملری دخی مغوللر طرفندن کوله کبی صاتیلوب، مصدره حکومته نائل اولان ممالیک اترک دخی بونلردن ایدی.

7-3768-5

قومانوه

قوصوه ولایتک اسکوب سناغنده و اسکوبک 30 کیلومتره قدر شرق شمالیسنده اوله-رق %غولمه\$ چایی کنارنده قضا مرکزی بر قصبه اولوب، 4500 اهالیسی، 2 جامع شریفی، بر رشدییه و بر ابتدائییه ایله برده خرستیان مکتبی، بر مدرسه-سی، 2 تکیه-سی، نهرک اوزرنده بر کوپریسیله بر قاچ دکرمی و هفته-ده بر قوریلور بازاری وارد. اسکوبدن صربییه-یه کیدن التصاق خطی بو قصبه-دن کچوب، اوراده موقی اولمغله، کیتدکجه اهمیت تجاریه-سی آرتقمقده-در.

*- قومانوه قضاسی 109 قریه-دن مرکب اولوب، اسکوب، اشتب، قرطوه، پلنقه و پرشوه قضالریله محاطدر. اراضیسی عارضه-لی و مختلف اولوب، قابل زراعت منبت یرلریله مرعا و اورمانلری وارد. محصولاتی حبوبات متنوعه ایله کنویر و سیاه بر نوع عادی توتون و سبزه و میوه-لرک انواعندن عبارتدر. حیواناتی و علی

الخصوص قویونلری چوق اولوب، بیاغی و یاغ و سائرہ-دن خیلی اخراجاتی واردر. اہالیسی 30000 رادہ-لرنده اولوب، قسم اعظمی مسلم و آرنؤد و قصوری بلغار و سائرہ-در.

8-3768-5

قومانہ

1#

مرعش سنجاغندہ-کی البستان قصبہ-سنگ اسم قدیمی اولوب، بو شهر قدیم %۹۰ بلونہ-نگ عبادتنہ مخصوص جسیم معبدیلہ مشہور ایدی.

9-3768-5

قومانہ

1#

آمریقای جنوبینک %۹۰ ونزوئلا\$ حکومتندہ و %۹۰ قوریاقو\$ قوینک مدخلندہ ایالت مرکزی بر قصبہ و اسکله اولوب، 9430 اہالیسی و پک صیجاق لکن صاغلام ہواسی واردر. مقدا دہا بیوک اولوب، حرکت ارضدن دفعاتلہ منہدم اولمشدر.

10-3768-5

قوما یاغوا

1#

آمریقای وسطیدہ %۹۰ ہوندوراس\$ حکومتندہ و غواتمالہ-نگ 320 کیلومترہ شرقندہ اولہ-رق منبت اووہ ایچندہ واقع ایالت مرکزی بر قصبہ اولوب، 8000 اہالیسی واردر. وقتیلہ حکومتک مرکزی ایدی.

1-3769-5

قومینیہ

1#

فرانسہ-نگ آوزہ ایالتندہ و پارسک 101 کیلومترہ جنوب شرقیسندہ قضا مرکزی بر قصبہ اولوب، 13393 اہالیسی، کوزل بر قلعہ-سی، واسع بر اورمانی، داخلی مکتبی، کتبخانہ-سی و بعض فابریقہ-لری واردر.

2-3769-5

قومرسی

1#

فرانسه-نك موزه ایالتنده و %بارلدوق\$ك 39 کیلومتره شرقنده و موزه نهري اوزرنده قضا مرکزی بر قصبه اولوب، 5150 اهالیسی، کوزل بر قلعه-سی و دباغخانه-لریله متعدد فابریقه-لری واردر.

3-3769-5

قومس، واصل فارسیسی کومس

ایرانك شمال جهتنده طبرستان جبالنك اتکلرنده وری ایله نیسابور آرہ-سندہ بر خطہ اولوب، مرکزی دامغان شهری اولدیغی حالده، بسطام دخی اک مشهور معموره-لرندن ایدی. بعضلری سمناتی دخی بو خطہ-دن عد ایتمشلردر.

4-3769-5

قومسان

همه-دان قریبنده بر ناحیه اولوب، مشاهیر علمادن بر چوق ذواتك مسقط رأسی بولنمشدر.

5-3769-5

قوم طاغی

چینه تابع ترکستان شرقینك شرق جهتنده و مغولستان جهتنده %لوب نور\$ ایله %قره نور\$ کوللری آرہ-سندہ بر اووه اولوب، ایچنده بیانی حالنده دوه-لر بولنیور.

6-3769-5

قوم قلعه

بحر سفید بوغازینك آسیا جهتنده و قلعه سلطانیه-نك 26 کیلومتره جنوب غربیسندہ مندرس چایی منصبنك صول کنارنده و سد البحرک قارشیسندہ مستحکم بر قصبه اولوب، 2000 اهالیسی واردر.

7-3769-5

قومنوس

1#

بیزانتیون دولتنده مشهور بر خانداندر، که بیوک قسطنطینک اقرباسندن برینک نسلندن اولمق ادعاسیله، حق وراثت طلبنده بولنوب، افرادندن آلتی کشی قسطنطینییه-ده، بر کشی ارکلیده و اون کشی طریزونده حکم سورمشلردر. قسطنطینییه-ده حکم سورنلرینک تاریخ قعود و انفصاللری بر وجه آتیدر:

##

ایساق قومنوس

عن

1057

الی

1059

برنجی آکسیس قومنوس

عن

1081

الی

1118

یانی قومنوس

عن

1118

الی

1143

مانوئل قمنوس

عن

1143

الی

1180

ایکنجی آکسیس قومنوس

عن

1180

الی

1183

آندرونیک قومنوس

عن

1183

الی

1185

\$

بونلرك اخیری اولان آندرونیک (ایساق آنکلو) طرفندن اسقاط اولنمغله، تورونی داوید بعده پافلاغونیه یعنی قسطنونی جهتی حکمداری اولوب، ارکلی-یی مقر اتخاذ ایتمش؛ و اوچنجی آکسیس قومنوس 1204 تاریخده %پونت\$ دولتی تأسیس ایدوب، نسلندن کندیسيله برابر اون کشی تاریخ مذکور دن 1462 تاریخنه-دک، یعنی ابو الفتح سلطان محمد خان ثانی حضرتلری اوراسنی-ده فتح ایدنجه-یه قدر، طریزونده حکم سورمشلردر. [بو خاندان افرادینک هر بری حقنده اسم ذاتیسی صره-سندده معلومات لازمه ویرلمشدر.]

8-3769-5

قومودوس

1#

روما ایمپراطورلردن اولوب، مارق آورک اوغلیدر. 180 تاریخ میلادیسنده، 20 یاشنده ایکن، پدرینه خلف اولوب، سفاهته طالمش؛ همشیره-سنی و زوجه-سنی قتل ایتمش ایدی. نهایت معشوقه-سی (مارسیا)یی قتل ایتمک تشبثنده ایکن 192 تاریخده بونک طرفندن تسمیم اولنمشدر. بک ایری و قوتلی آدم اولوب، جانبازخانه-ده خلقک اوکنده کولشیر، و سلاحسز آدملری کندی الیله اوراده طوپوزله اولدیرمکن خوشلانیردی

9-3769-5

قوموره

1#

آفریقانک ساحل شرقیسی قارشیسنده و بو ساحل ایله مداغسفار جزیره کبیره-سی آره-سندده-کی %موزامبیق\$ بوغازینک شمال جهتنده درت آطه-دن مرکب بر جزایر مجتمعه هیئتی اولوب، جنوب شرقیدن شمال غربی-یه طوغری 345 کیلومتره اوزونلغنده بر صره تشکیل ایدرلر. بو درت آطه-نک اسملریله مساحه سطحیه-لری و نفوسلری بر وجه آتیدر:

##

جزیره

مربع کیلومتره

اهالیسی

بیوک قوموره

1102

35000

موهلی

291

6000

آنژوان

375

12000

مایوته

356

12000

جمعاً

2124

65000

\$

بو آطه-لردن هر برینک سواحله بر ایکیشر قصبه-سی واردر، و کرك قصبه کرك قریه-لری سورله محاطدر. اهالی اصلیه-لری آفریقادن کچمه زنجیلر ایسه-ده، بوندن اوچ قرن اول بحر احمر جهتلرندن بر طاقم عربلر او طرفه کچوب، بو جزایری ضبطله، بر طاقم حکومت صغیره اسلامیة تشکیل ایتمش؛ و بولدقلری یرلی زنجیلرله عقد روابط صهریت ایدوب، قاریشه-رق، بر قوم اولمشلدر. شمذیکی حالده جمله-سی مسلم و لسان عربی ایله متکلمدرلر. کندیلری مونس و تجارتله مألوف آدملر اولوب، اسکله-لرینه اوغرایان آروپا سفاینیله اخذ و اعطا ایدرلر. بو جزیره-لر اسماً فرانسه دولتتک مستملکاتندن معدوددر. اک بیوکنک ماء جاریسی اولمیوب، صهرنج صوینی قوللانیرلر. اورته-سنده بر برکان اولوب، 1865ده دخی اشتغال علائمی کوسترمشدر.

1-3770-5

قومورین

برونی #1 هندستان شبه جزیره-سنگ منتهای جنوبنده-کی برون اولوب، کات سلسله جبالنک اوجندن عبارت اولمغله، ساحل قرینده 1400 متره یوکسک و انکیندن دهشتلی بر صورتده مشهود بر مسله تشکیل ایدبور. 8° 5' عرض شمالی و 75° 10' 51" طول شرقیده واقعدر. بونک اساسیله لب دریا آره-سنده 2 کیلومتره کنیش و قوملق بر میدان ممتد اولوب، بونک بر کنارنده آغاجلرله مستور بر کوی و بر قلعه واردر. قدیماً بوراده %قوماری\$ اسمیله مشهور بر شهر و پک اوزاقلردن زیارتته کیدیلن بر معبد وار ایدی.

2-3770-5

قوموس

1#

اساطير يونانيه-ده سوينچ، دوكون، رقص و سوس الهی زعم اولنوب، سمیز و شادان و کلرله طونادلمش بر دلیقانلی صورتنده تصویر، و کولمه-نک الهی زعم ایتدکلری %مومس\$ ایله ترفیق ایدرلردی.

3-3770-5

قوموق

ترك اقوامندن كوچوك بر قوم اولوب، بحر خرزك ساحل غربيسنده ترك مناصبيله دربند آره-سنده ساكن و حیوانات يتيشديرمكله مشغولدرلر. مقدارلری 15000 راده-لرنده اولوب، بولندقلری بر بطاقلق ایسه-ده مرعاری چوق اییدر. کندیلریله برابر 6000 نوغای و 4000 چچن دخی ساكن اولوب، قضانك اهالیسی 25000 نفوسه بالغ اولور. جمله-سی مسلمدر. بولنره %غازی قوموق\$ دخی دیرلر.

4-3770-5

قومه

یاخود کومه #1 آسیای صغیرک %ائولیا\$ خطه قدیمه-سنده و شمیدکی چاندارلی کورفزینک ساحل شمالیسنده اوله-رق باقر چاینک منصبی قریبده بولنمش بر شهر قدیم اولوب، یونان قدماى شعرا سندن هسیودک و بر روایتده اومیروسک دخی وطنی بولنمشدر. - -
ایتالیانک قامپانیه خطه-سی ساحلنده و ناپولینک شمالنده دخی بو اسمله بر مدینه قدیمه اولوب، آسیاده-کی قومه مهاجرلری طرفندن میلاددن 1130 سنه اول تأسیس اولنمش؛ بونک اهالیسی ناپولی ایله مسینه شهرلرینی دخی بنا ایتمشلردی. میلاددن 419 سنه اول قامپانیه-لیلرک ضبطنه کچمش، و بولردن رومالیلره انتقال ایتمش ایدی. آنجق فرق اولنور بعض ویرانه-لری باقیدر.

5-3770-5

قومه

یاخود قومو #1 ایتالیانک لومباردییه خطه-سنده و میلانک 40 کیلومتره شمال غربیسنده و همنامی اولان کولک جنوب غربی ساحلنده ایالت مرکزی بر قصبه اولوب، 10930 و جوارلریله برابر 24350 اهالیسی، کنیش و دوز سوقاقلری، کوزل ابنیه-سی، متعدد مصنع و کوزل آثاری حاوی کلیسالری، بیوک بر تیاتروسى، اطرافنده کوزل باغ و باغچه-لریله کوشکلری، کتبخانه-سی، تاریخ طبیعی و حکمت طبیعییه نمونه-خانه-لریله عملیاتخانه-لری و ایپک اقمشه ایله صابون و سائره فابریقه-لری و دوکخانه-لری واردر. اسکی بر شهر اولوب، وقتيله بیوک و بر چوق مشاهیرک مسقط رأسی بولنمشدر.

-* - قومه ايبالتى اسويچره حدودينه قدر ممتد اولوب، مساحه سطحه-سى 2717 مربع كيلومتره و اهاليى 477640 كشيدير. اراضيسى عارضه-لى اولوب، پك كوزل وادى و تپه-لرى و منبت طوپراغى و اردر. باشليجه محصولاتى ذخاير، پك لذىذ ميوه-لر، كوزل شراب و سائره اولوب، خيلى مقدار ايبك-ده چيقار. صنايع تجارتي پك ايلريدير. هواسى غايئله صاغلام و لطيف اولوب، يازين تيديل هوا ايچون كيدينلر چوقدر.

- - قومه كولى ايتاليانك اك كوزل كولى اولوب، آلپ طاغلرينك بوكسك اتكلرى آلتنده شمالدن جنوبه 22 كيلومتره-لك مسافه-ده ممتد اولدقن صكره، ايكى قوله آيريلوب، برى غرب جنوبى-يه طوغرى 27 كيلومتره دها اوزانه-رق قومه قصبه-سنه منتهى اولور؛ ديكر قولى شرق جنوبى-يه طوغرى 18 كيلومتره ممتد اولوب، لقو قصبه-سنده واصل اولور. اكى ايسه اك كنيش يرنده 4650 متره-در. باليغى و طيور مائيه-سى چوقدر. كنارلرند-كى تپه-لر ك اوزرند بولنان باغچه-لرله كوشكلر و ميوه و چيچكلر ك لطافت و لذتى امثالسزدر.

1-3771-5

قومی

1#

يونانده آغرييوز جزيره-سنگ ساحل شرقيسنده اوله-رق %خالكيس%ك 50 كيلومتره شمال شرقيسنده بر قصبه و اسكله اولوب، 3220 اهاليى ليمانى و كوزل باغچه و باغلى و اردر.

2-3771-5

قوميتان

1#

مكسيقه-نك شاپاس حكومتنده و %سان قريستووال%ك 84 كيلومتره جنوبنده اوله-رق غريجالوه نهري اوزرند بر قصبه اولوب، 10000 اهاليى و اردر. اليوم بسبتون منقرض بر قوم اصلينك مركزى بولنمشدر.

3-3771-5

قوميزو

1#

سيچليه-ده سيرا قوزه ايبالتنك موديقه قضااسنده و موديقه-نك 33 كيلومتره شمال غربيسنده بر قصبه اولوب، 16700 اهاليى، صابون فابريقه-سى و ((ديانه چشمه-سى)) ناميله كوزل بر چشمه-سى و اردر.

4-3771-5

قومیشه

ایرانك عراق عجمی خطه-سی منتهای جنوب غربیسنده و اصفهانك 100 کیلومتره جنوب شرقیسنده اوله-رق دها آشاغیده چولده قورویان بر كوچك چایك اوزرنده و 1769 متره ارتفاعنده بر قصبه اولوب، 4000 اهالیسی، زمردآسا بر اووه-سی و كوزل باغ و باغچه-لری واردر. (معجم البلدان))ده، اصفهان قراسندن اولمق اوزره، بر %قوسه\$ مذکور اولوب، عینی اولسه كرکدر.

5-3771-5

قوناسیری

یاخود قوناشیر #1 جاپونیه-یه تابع و جاپونیه-نك شمالنده واقع %قوریله\$ جزایرینك اك بیوکلرندن بری و اك جنوبیسی اولوب، بویی 110 کیلومتره و مساحه سطحیه-سی 1994 مربع کیلومتره-در. جنوباً نفس جاپونیه-نك %یزو\$ جزیره کبیره-سندن 20 و نهایت 30 کیلومتره کنیش اولان %یزو بوغازی\$ ایله و شمالاً %ایتوروب\$ آله-سندن %پیقو\$ بوغزیه آیرلمشدر. قوناسیری پك طار اولدیغی حالده، یوکسك و برکانی الاصل طاغلی اولوب، 2254 متره-یه قدر ارتفاعلی اولدیغی مرویدر. اکثریا قار و بوزلرله مستور اولوب، آنجق 6 متره-یه قدر یوکسلیرر و اکثریا روزکاردن قیریلوب سوکیلور آغاجلری واردر. آینوس جنسیتنه منسوب بر آز اهالیسی و ساحل جنوبیسنده %توماری\$ اسمیله قوریله جزایرینك مرکزی بر قصبه-سی واردر.

6-3771-5

قومانه

یاخود بازه #1 نوبه-نك یوقاری طرفلرنده نیله تابع و مارب و تقازه وادیلرنده ساکن بر قوم اولوب، 150000 قدر افراددن مرکب اولدقلى حالده، الیوم دین قدیملرنده ثبات ایتمکده و زراعتله اشتغال ایلمکده-درلر، مع هذا بوندن صکره دها چوق وقت طیانه-میوب، دین اسلامی و لسان عربی-یی قبوله مجبور اوله-جقغلی آکلاشیلیرور.

7-3771-5

قونبو

#1

روسیه-نك شمالنده آرخانکل ایالتنك %قولا\$ شبه جزیره-سنده بر کول اولوب، 326 مربع کیلومتره مساحه سطحیه-سی و شمالی آق دکیزه دوکیلور آیاعی واردر.

1-3772-5

قونت

اوکوست -* -# 1 فرانسه-نک متأخرین حکما سندن اولوب، (حکمت مثبتہ) مسلکنک موجدیدر. 1798 ده مونتیلیه-ده طوغوب، 1857 ده پرسده وفات ایتمشدر. پولیتکنیک مکتبنده تحصیل ایتمکدن صکره، معاونک و معلمک وظیفه-سیله مکتب مذکورده قالوب، ابتدا سنت سیمونک مسلکنی تعقیب ایتمش ایسه-ده، بعده بو استادندن آیریلوب، 1824 تاریخنده ((اصول سیاسیہ مثبتہ)) عنوانلی بر تالیفله فکر و مسلک مخصوصنی میدانہ قویمش؛ و 1839 ده نشر ایتمکی ((فلسفہ مثبتہ)) عنوانلی کتابیلہ مسلکنی تامیلہ ایضاح و اثبات ایتمش؛ و بعده بو بابده ده بر قاچ کتاب یازوب، فلسفه-یی فنون مثبتہ و حقیقیه-یه تطبیق ایده-رک، و فلسفہ مخصوصه-سنه تدریجاً بر دین و مذهب جدید رکنی ویر-رک، ((سیاست مثبتہ)) عنوانیلہ یازدیگی کتابده بوکا %انسانیت مذهبی\$ نامنی ویرمشدر. -* - (شارل قونت) اسمنده بری-ده حقوق و علم معاشرت بشر علماسندن اولوب، بوکا متعلق بعض مسائل مهمه حقنده یازدیگی کتابلرله شهرت بولمشدر. 1782 ده %سنته امینیہ\$ده طوغوب، 1837 ده وفات ایتمشدر.

2-3772-5

قونتو

1#

روسیه-نک شمالنده آرخانکل ایالتنک %کم\$ قضا سنده اوچ قسمدن مرکب بر کول اولوب، 921 مربع متره مساحه سطحیه-سی واردر. کم نهری اوچنی دخی شق ایدر. بو کوللرک ایچنده بر چوق آطه-لر واردر.

3-3772-5

قون چانغ

1#

چینگ شمال غربی جهتنده-کی %قانسو\$ ایالتنده و %لان چئو\$نک 200 کیلومتره جنوب شرقیسنده اوله-رق %هوانغ هو\$ ایرماغنه تابع %هوئی هو\$ نهری اوزرنده سنجاق مرکزی بر شهر اولوب، 50000 اهالیسی واردر. سوری پک واسع ایسه-ده، تونغان قیامی صره-سنده شهر تخریب اولندیغندن، ایچنک اکثر طرفلری خراب و خالیدر.

4-3772-5

قوندور

1#

هند چینیده فرانسه-یه تابع قوشنشینه ملحق و مقونغ ایرماغی منصبنک آچیقفلرنده 8° عرض شمالی ایله 104° طول شرقیده واقع بر طاقم جزایر اولوب، اک بیوکنک بویی 16 و اکی 3 کیلومتره-در. طاغلق، برکانی الاصل و اورمانلرله مستور اولوب، ساحللی قیالرله محاطدر. فرانسه حکومتی طرفندن منفی اتخاذ اولنمغله، بر مقدار عسکر اقامه اولنمشدر. باشلیجه محصوللری پرنجدر.

5-3772-5

قوندورسه

1#

فرانسه مشاهیر مؤلفیندن اولوب، 1743ده رینمویتده طوغمش؛ و زادکاندن بر خاندانه منسوب اولوب، مارکی عنوانی حائز بولنمشدر. علوم ریاضیه-یه انتساب ایدوب، 26 یاشنده ایکن فنون آقادیاسی اعضالغنه و بعده کتابت دائمه-سنه نصب اولنمشدی. او صره-ده دالمبر، ولتر، تورغو و سائر حکما ایله عقد مناسبات ایدوب، بونلرک افکارینی قبول، و بعده فرانسه-نک انقلاب عظیمه خدمت ایده-رک، (ژیروندون)لرله رأی ویرمش؛ و بونلرله برابر 1793 تاریخنده محکوم اولوب، سکز آی احبابندن بر قادینک خانه-سنده مختفی قالدقن صکره، بونی-ده نارینه یاقمامق ایچون طیشاری-یه چیقوب، توقیف و حبس اولنه-رق، 1794ده محبسده کندینی تسمیم ایده-رک وفات ایتمشدر. علوم ریاضیه-نک تطبیقاتنه و احوال نوع بشره دائر بر قاچ کتابی اولوب، اک مشهور اثری ((ترقیات افکار بشر)) عنوانلی تألیفیدر، که احوال تاریخیه-دن بحث ایتدیکی حالده محبسده و یاننده مراجعت ایده-جک هیچ بر کتابی اولمدیغی حالده یازمشدر. ولتر و تورغونک ترجمه حاللیرینی-ده یازمشدر.

6-3772-5

قوندوز

افغانستانده کابلک 270 کیلومتره شمالنده افغانستان امیرینه تابع بر اوزبک خاننک مرکزی بر قصبه اولوب، 15000 اهالیسی و آغر هواسی واردر.

-* - قوندوز خانلغی جیحون مجراسیله هندو کوه آره-سنده واقع اولوب، شرقاً بدخشان، غرباً بلخ، شمالاً حصار و درواز مملکتلریله محاطدر. دوز و بطاللق بر پر اولوب، هواسی آغیر و پازین پک صیجاق قیشین دخی پک صوئوقدر. شرق جنوبی جهتنده هندو کوهک اتکلری بولنوب، اک یوکسک محلی اولان %کوه عنبرک 762 متره ارتفاعی واردر. اهالیسی 400000 راده-لرنده اولوب، تاجیک و اوزبکدن مرکبدر. تاجیکلر متمکن اولوب، لسان فارسی ایله متکلم، و اوزبکلر چغتایجه لسانیه متکلم وخیمه نشیندر. اوزبکلردن بری مقدما بو خانلغی تشکیل ایدوب، اخلاقی افغانستان امیرینک تحت اطاعتنه کیرمکه مجبور اولمشلردر. برنجی محصولی پرنج اولوب، مرعالی-ده چوقدر.

1-3773-5

قوندوم

1#

فرانسه-نك%ژرس\$ ايالتنده و %اوش\$ك 43 كيلومتره شمال غربيسنده قضا مركزى بر قصبه اولوب، 8280 اهاليسى، بر كوچك موزه-يى حاوى مناسترى، بر قاچ فابريقه-سى و ايشلك تجارتي وارد.

2-3773-5

قونده

1#

سييريه-نك توبولسق ايالتنده اوبى ايرماغنه تابع ايرتيج نهرينه دوكيلور بر چاي اولوب، مجراسى 600 كيلومتره اوزونلغنده-در.

3-3773-5

قونده

1#

فرانسه-ده ((شمال)) ايالتنك و النسيانه قزاسنده و والنسيانه-نك 12 كيلومتره شمال شرقيسنده اوله-رق اسقو نهرى اوزرنده ناحيه مركزى مستحكم بر قصبه اولوب، يالكز 2820 اهاليسى وار ايسه-ده، اسكى و مشهور بر بلده اولوب،

وقتيله پرنسلك مركزى ايدى، و بوربون خانداننك بر شعبه-سى افرادى قونده پرنسلى عنوانيله شهرت بولمشردر.

*- فرانسه-ده بو اسمله دها بر قاچ قصبه اولوب، اك بيوكلى قاوادو ايالتنك %ويره\$ قزاسنده و %ويره\$نك 25 كيلومتره شرقنده واقع و 6870 اهالى-يى جامع اولانيدر.

4-3773-5

قوندينا مارقه

1#

آمريقاي جنوبيه قولومبيه جمهوريتى ايالتندن اولوب، ماباغدانله ايرماغنك شرق جهتنده واقعدر. مساحه سطحيه-سى 206400 مربع كيلومتره و اهاليسى 537658 كشيردر. اصل مسكون و معموريرلرى آند سلسله-سى

يايله-لرى اولوب، بو سلسله-نك شرق جهتنده اورتوق مجراسنه طوغرى ممتد اولان پايانسز اووه-لرى ايسه يالكز 16000 قدر وحشى يرليارك جولانكاھيدر. ايالتك مركزى كرسى حكومت اولان بوغوته شهريدر.

5-3773-5

قونرادر

1#

جرمانيه قرالرييه آلمانيه ايمپراطورلرندن يش كشينك اسميدر:

برنجيسى فرانقونيه دوقه-سى ايكن 912ده جرمانيه قرالغنه انتخاب اولنه-رق، قرالغنى طانيميان صاقسه و باويره دوقه-لرييه محاربه ايتمش؛ و 918ده مجارلرله ايتديكى محاربه-ده آلدیغى ياره-دن متأثراً وفات ايتمشدر. دشمني 1@ اولان صاقسه دوقه-سى (اوتون)ك اوغلى (هنرى)بى ولى عهد براقمشدى.
*- ايكنجيسى (ساليق) لقبيله ملقب اولوب، فرانقونيه دوقه-سى هنرينك اوغلى اولديغى حالده، 1024ده جرمانيه قرالغنه انتخاب اولنه-رق، صاقسه پرنسلييه غاوغا ايتمش؛ و چهستان ايله مجارستان و لهستانده اعاده اسايش ايتدكن صكره، ايتالييايه سفر ايده-رك، غالب كلمسى اوزرينه، 1027ده روماده آلمانيه ايمپراطورلغنه نصب اولنمش؛ و 1039ده اوترختده وفات ايتمشدر.

*- اوچنجيسى سوابه دوقه-سى فردريك اوغلى و ايمپراطور بشنجى هنرينك همشيره زاده-سى اولوب، ايكنجى لوترك يرينه انتخاب اولنمغله چالشمش ايسه-ده، موفق اوله-ميوب، بونك وفاتى اوزرينه، 1138ده آلمانيا ايمپراطورى اولمش؛ و رقيبى بولنان صاقسه و باويره دوقه-سى هنرى ايله محاربه ايدوب، بونك يرلرينى دخی آلمش؛ و 1147ده ينجى لويى ايله برلكده اهل صليب محاربه-سنه كيدوب، بر مدت دمشقى محاصره ايتمش ايسه-ده، بر نتيجه استحصال ايده-ميه-رك، عودت، و 1152ده وفات ايتمشدر.

*- درنجيسى ايمپراطور ايكنجى فردريك اوغلى و سوابه دوقه-سى اولديغى حالده، 1250ده ايمپراطورلغنه انتخاب اولنمش ايسه-ده، پاپا درنجى اينوسان بونى تصديق ايتميوب، فلمنكلى كوييومى التزام، و صاحب ترجمه عليهنده بر اهل صليب حربى اعلان ايتمشدى. بونك اوزرينه قونراد، سيچلنيتين قرالى اولمق ايچون، ايتالييايه كچوب، ناپولى و قاپووه ايله آکينويى ضبط ايتمش ايسه-ده، بو فتوحاتى صره-سنده 1254ده وفات ايتمشدر. وراثتنه كوزى اولان برادرى (منفرواً) طرفندن تسميم اولنديغى مظنوندر.

*- بشنجيسى (قونرادين) دينمكله معروف اولوب، درنجى قونراذك اوغليدر. پدريتك وفاتنده 3 ياشنده اولوب، ارثاً آلمانيه ايمپراطورلغيله ناپولى و سيچليه قرالغنه حقى اولديغى حالده، محروم ايدلمش؛ و (آنزولى شارل)دن ناپولى قرالغنى آلمق ايتديكنده، 1268ده مغلوب و اسير اولوب، صورتى بر محاكمه-دن صكره، 16 ياشنده اولديغى حالده، اعدام اولنمشدر.

1-3774-5

قونسپسيون

1#

آمریقای جنوبینک شیلی حکومتده و سانتیاغونک 435 کیلومتره جنوب غربیسنده اوله-رق %بیویو \$ نهرینک صاغ کنارنده و بحر محیط معتدل ساحلنده 12 کیلومتره ایچریده ایالت مرکزی بر قصبه اولوب، 18280 اهالیسی و داخلی مکتب اعدادیسی واردر.

*- قونسپیون ایالتنک مساحه سطحیه-سی 9155 مربع کیلومتره و اهالیسی 218215 کشیدر. بغدادی و سائر حبوباتیله شرابی آمریقایه برنجی اولوب، هواسی صاغلام و لیمانلری چوقدر.

*- آرجنتین حکومتنک %انترریوس \$ ایالتنده و پارانک 245 کیلومتره شرق جنوبیسنده اوله-رق اوروغای نهرینک صول ساحلنده دخی بو اسمله بر قصبه اولوب، 6515 اهالیسی واردر. مقدا مذکور ایالتنک مرکزی ایدی. *- بو اسمله آمریقایه دهها بر قاچ کوچک قصبه واردر.

2-3774-5

قونستان

1#

روما ایمپراطورلرندن بو اسمله ایکی کشی کلمشدر:

برنجیسی بیوک قسطنطینک اوچنجی اوغلی اولوب، 337 تاریخ میلادیسنده ایکی برادری قسطنطین و قونستانس ایله برلکده پدرینه وارث اوله-رق، ملک مقاسمه-سنده کندیسنک حصه-سنه ایتالیا ایله آفریقا دوشمش؛ و بعده برادری قسطنطین ایله محاربه ایده-رک، بونک %اکیله\$ده مقتول اولمسی اوزرینه، صاحب ترجمه 340ده بتون غربک ایمپراطوری اولمشدر.

*- ایکنجیسی شرق ایمپراطوری اولوب ایکنجی هراقلیوسک اوغلیدر. 641 تاریخنده، هنوز 12 یاشنده ایکن، تخته اعداد اولمش، و بونک زماننده روم ایمپراطورلغنک بر چوق یرلری معاویه طرفندن ضبط ایدلمش ایدی. نهایت قسطنطینییه-یی ترکه، سیچلییه-ده اقامت ایتمکده ایکن، 668ده وفات ایلمشدر.

3-3774-5

قونستانیا

1#

فرانسه-ده کی %قوتانسه \$ و سویچره-ده کی قونستانسه شهریلرینک اسم قدیمیدر.

4-3774-5

قونستانین

1#

[[قسطنطین]] ماده-سنه مراجعت بیوریله.

5-3774-5

قونستانتینوپولیس

1#

استانبولك اسم اصلئ یونانیسیدر. [(قسطنطینیة) و ((استانبول)) ماده-لرینه مراجعت بیوریلہ.]

6-3774-5

قونستانس

1#

روما ایمپراطورلرندن ایکی کشینک اسمیدر:

برنجیسی (قلور) یعنی ((صاری)) لقبیلہ ملقب اولوب، 292 تاریخنده ماقسیمیان طرفندن اوغلغہ قبول، و قیصر عنوانیلہ غالباً و اسپانیہ ایله بیوک برتانیہ والیلکنه نصب اولنمش؛ و 292ده قیام ایتمش اولان برتونلری رام، و فرانقلری دفع ایده-رک، اوتون شهرینی یکیدن تأسیس ایتمش ایدی. 305ده غالریوس ایله برابر آوغوست عنواننی آلوب، ملکنی رفق و ملایمتله اداره ایتمش؛ و خرسیتیانلره قارشی اولان تعقیباته ختام ویرمش ایدی. 306 تاریخنده پیقتلرله قالدونیہ-لیلره قارشی حربہ حاضرلنمقده ایکن، یورق شهرنده وفات ایتمشدر.

*- ایکنجیسی قسطنطینک ایکنجی اوغلی اولوب، 337 تاریخنده، پدینک وفاتی اوزرینه برادرلری ایکنجی قسطنطین و قونستان ایله مقاسمه ملک ایده-رک، حصه-سنه شرق و یونان دوشمس؛ و برادرلری غریبه بربرینی متعاقب مقتول اولنجه، بونلرک حصه-سنی غصب ایتمش اولان (مانیانس) ایله (وترانیون)ی دفع و تنکیل ایده-رک، 350 تاریخنده بتون روما ممالکنه صاحب اولمش ایسه-ده، 361 تاریخنده وفات ایتمشدر. زمانی ایرانیلره قارشی محاربه-لرله و التزام ایئدیکی آریوس مذهبی اصحابیلہ اورتودوقسلر آره-سنده-کی مجادله-لرله کچمشدر.

*- ایمپراطور هونوریوسک سردارلرندن بر قونستانس دخی واردر، که 411 تاریخنده %آرله\$ده تحصن ایتمش اولان غاصب قسطنطینی مغلوب، و ویسیغوتلر حکمداری آتولفی غالبادن اخراج ایتمسی اوزرینه، ایمپراطور کندیسنی 421ده داماد و آوغوست عنوانیلہ تلطیف ایئدیکنه بناءً، بعض مورخلر طرفندن ایمپراطورلر صره-سنه قونیلہ-رق، اوچنجی قونستانس نامیلہ ذکر اولنمشدر.

1-3775-5

قونستانسه

1#

سیچلیتین قر ایچه-لرندن ایکی قادینک اسمیدر:

برنجیسی ایکنجی روجرک قیزی اولوب، پدینک وفاتندن صکره دنیایه کلمش؛ و میراث حقنده یکنی (تانقرد) ایله منازعه ایدوب، 1194ده قرالیچه طانینمش؛ و ایمپراطور آلتنجی هنری-یه واروب، بونک اداره-سی سیچلیه-لیلره پک آغر کلمکله، کندیسسی دخی قوجه-سه قارشى تبعه-سنی مدافعه-یه مجبور اولمش؛ و 1198ده، اوغلی ایکنجی فردریق پاپانک تحت وصایتنه قودقدن صکره، وفات ایتمشدر.

-* ایکنجیسی منفروآنک قیزی اولوب، 1261ده آراغولی اوچنجی پدرویه وارمش؛ و قوجه-سنک یاردیمیله، مشهور سیچلیه ایکندیلمی قتل عامندن صکره، آنزولی شارلن سیچلیه-یی ضبط ایتمش؛ و 1283دن 1297 تاریخنه-دک اوغللری نامنه پالموده حکم سورمشدر.

2-3775-5

قونستانسه

1#

باده بیوک دوقه-لغنده قارلسروه-ه-نک 340 کیلومتره جنوب شرقیسنده و همنامی اولان کرلک غرب جنوبی کوشه-سنده رین ایرماغنک بو کولدن چیقدیغی محلده واقع قضا مرکزی بر قصبه اولوب، 12095 اهالیسی، ساعت و منسوجات فابریقه-لری و باشلیجه اسویچره ایله ایشلک تجارتي واردر. بر محله-سی رینک اوبرقایه-سنده و اسویچره طوپراغنده-در. اسکی بر قصبه اولوب، اسم قدیمی %قوتستانتیا\$در.

3-3775-5

قونستانسه کولی

1#

و آلمانجه بوندزئه #2 اسویچره ایله اوستریا و آلمانیه آره-سنده بیوک بر کول اولوب، جنوب غربی ساحلی اسویچره-یه، شرق جنوبی ساحلی اوستریایه و سائر طرفلری آلمانیه-نک باویره، وورتمبرغ و باده حکومتلرینه عاندر. شرق جنوبیدن غرب شمالی-یه طوغری بوی 72 کیلومتره، اکی 2 ایله 14 کیلومتره آره-سنده و درینلکی 210 ایله 315 متره بیننده-در. سطحی حذای بحردن 398 متره یوکسکدر. مساحه سطحیه-سی 53900 یکی دونم اولوب، جنو کولندن آز کوچکدر. منتهای غرب شمالیسنده چتالاشوب، بر اوجی طار و اوزون بر کورفز صورتنده باده طوپراغی ایچنه کیپر؛ و دیکری قونستانسه بوغازندن مرورله %اونترزئه\$ کولنی تشکیل ایدر. اسویچره و اوستریا جهتلرنده سواحلی طاغلق اولوب، آلمانی طرفنده ایسه بعض تپه-لری حاوی اووه-لردن عبارتدر. بو کوله بر قاچ نهر دوکیلوب، اک بیوکلی %رین\$ ایرماغیدر، که اسویچره-دن کلوب، اسویچره ایله اوستریا حدودنده جنوبدن کوله دوکیلور، و کولی بوینه سق ایله، قونستانسه قصبه-سی اوکنده کولدن خروج ایدره-ک، غربه طوغری آقار. کولک صوی قیشین طونماز، و بعضا شدتلی فرطونه-لر دخی اولورسه-ده، سیر سفاننه مانع اولمیوب، بر چوق واپورلر و یلکن کمیلری ایشلر.

-* امید بروننده و %قاپنتون\$ک 19 کیلومتره جنوبنده دخی بو اسمله بر کوچک قصبه بولنوب، چپوقلری شیرازدن نقل اولنمش مشهور باغلریله مقبول شرابلری واردر.

1-3776-5

قونستيتوسيون

1#

آمريقاي جنوبيده شيلينك %ماوله\$ ايالتنده و %واليارزو\$نك 266 كيلومتره جنوب غربيسنده اوله-رق ماوله نهري اوزرنده و منصبى قريبنده سنجاق مركزى بر قصبه اولوب، 6540 اهاليسى و جوارلرنده كليتلى قهوه محصولاتى واردر.

2-3776-5

قونسكيه

1#

روسيه-ده لهستانك رادوم ايالتنده و رادومك 55 كيلومتره جنوب غربيسنده قضا مركزى بر قصبه اولوب، 14290 اهاليسى واردر.

3-3776-5

قونسوس

1#

اسكى روماليلرده مشورتك الهى زعم اولنان بر معبود موهوم اولوب، كتم اسراره دال اولمق اوزره، ضمنك نصفنى يره كومر، و بونك نامنه بر چوق آيينلر اجرا ايدرلر ايدى.

4-3776-5

قونسوئغره

1#

اسپانيه-ده تولده ايالتنده %مادر جوس\$ قضا سنده و مادر جوسك 6 كيلومتره غربنده و اسكى بر قلعه-نك آلتنده بر قصبه اولوب، 5000 اهاليسى و روماليلردن قالمه بعض آثاري واردر.

5-3776-5

قونشاغوا

1#

آمریقای وسطینک %سالوادور \$ حکومتنده و فونسقه کورفزی مدخلنک صول کنارنده بر برکان اولوب، 1059 متره ارتفاعی وارد.

6-3776-5

قونخ

1#

آریقای غربیده یوقاری کینه-نک شمالنده شرقدن غربه ممتد سلسله جبال اولوب، کینه سواحله اینن انهاری سودان غربی-یه طوغری آقان %نیجر \$ حوضه-سندن آیریور. بو طاغله هنوز کشف اولنه-میوب، 800 و نهایت 1000 کیلومتره-لک محله پک مرتفع بر سلسله کوستریلیورسه-ده، بعض طرفلرینی کورن سیاحلر 750 متره-دن زیاده ارتفاع بولمامشلردر. بعض محللرنده آنجق بر تقسیم میاه خطی تشکیل ایده-جک صورتده آلجق تپه-لردن عبارت اولمسی-ده ملحوظدر.

-* بو طاغله جنوبی اتکلرنده و %قوماسه \$ نک 270 کیلومتره شمال شرقیسنده بو اسمله بر زنجی شهری اولوب، هنوز هیچ بر آروپالی طرفندن زیارت اولنماش ایسه-ده، پک بیوک و تجارتگاه بر شهر اولدیغی مروی، و ایچنده یاپیلان پاموق منسوجات سودان غربیجه پک مقبولدر.

7-3776-5

قونخ فوجئو

1#

[[قونفوجیوس)) ماده-سنه مراجعت بیوریله.]

8-3776-5

قونخلتون

1#

انکلتره-نک چستر ایالتنده و ماقلسفیلدک 22 کیلومتره جنوب غربیسنده بر قصبه اولوب، 11350 اهالیسی و پاموق منسوجاتله ایپک اقمشه و قوردله فابریقه-لری وارد.

ياخود زابير #1 آفريقانك اك بيوك ايرماقرندن اولوب، قطعه مذكوره-نك خط استوا اوزرنده و خط مذكورك جنوبنده و تا 13° عرض جنوبى-يه قدر اولان اراضى واسعه وسطيه-سنگ صولرىنى جمع ايله، بحر محيط اطلاسى-يه دكور. بو نهر عظيم %نياسه\$ كولنك غرب و %تانغانيقه\$نك جنوب جهتنده واقع %بانغولو\$ كولنك جنوب غربى كوشه-سندن %لوآپوله\$ اسميله خروجله، ابتدا غرب جنوبى-يه و در عقب دونوب شماله طوغرى آقه-رق، %قازمبه\$ مملكتنك حدود غربيه-سنى بعد التشكيل، اراضى مجهوله ايچنده جريانله، %لانجى\$ كولنه واصل اولور؛ و بو كلده بر چوق انهار و على الخصوص جنوب غربيدن كلن و بربرينى متعاقب بر چوق كوللرك آياغى حكمنده اولان %لوآلامبه\$يى آدقندن صكره، كاه شماله و كاه شمال غربى-يه طوغرى آقه-رق، صاغدن اراضى مجهوله-دن كلن بر طاقم انهار و صولدن مجراسى كندى مجراسيله متوازي اولان %لومانى\$يى آير؛ و اوندن آشاغى يتاغى پك زياده توسع اينديكى، و بر چوق آله-لرى حاوى اولديغى حالده، غربه طوغرى آقار؛ و صاغدن %ريمبيرى\$ و %مونغاله\$يى دخى بعدالآخذ، بر قوس تشكيل ايده-جك صورتده جنوب غربى-يه طوغرى دونر؛ و صولدن %لوپورى\$ و %چوآپه\$ نهرلرينى آلوب، %مانتومبه\$ كوليله-ده اختلاط ايدر، و بونك قارشيسنده صاغدن %اوبانكى\$ نهر عظيمى و دها آشاغنده %سانغه\$ و %ليقواله\$يى آير؛ و تدريجاً جنوبه طوغرى دونوب، صولدن %موآته ياموو\$ اراضى واسعه مجهوله-سنگ حسابسز انهارى اجتماعندن متشكل اولان %قوآ\$ نهر عظيمى دخى ايله، دها بر خيلى مسافه-ده فرانسز قونغوسى ديتلن غامبو مهجرينك حدودينى بعد التفريق، ينه سربست قونغو اراضيسنى شق ايله پورتكيزك %آنغوله\$ مهجرى حدود شماليه-سنة واصل اولنجه، غربه طوغرى دونوب، 6° عرض جنوبيه كنيشجه و اوزون بر خليجدن بحر محيط اطلاسى-يه دوكيلور. قونغو نيل و نيجردن صكره آفريقا قطعه-سنگ اوچنجى ايرماغى اولوب، مجراسى 4800 كيلومتره و حوضه-سى 2478000 مربع كيلومتره-در. منصبدن ماتادى-يه قدر 150 كيلومتره-لكى سبير سفانته صالح اولوب، محل مذكوره بر طاقم شلاله-لر سفاننك دوامنه مانع اوليورسه-ده، بو شلاله-لردن يوقارى دخى استانليپولدن %استانليفالس\$ه قدر اولان قسى و تابعليله دخى 1500 كيلومتره محلى سبير سفانته صالحدر. قونغونك منصبى 1484 تاريخنده پورتكيز بحريونندن %ديغوقام\$ طرفندن كشف اولنه-رق، مجراسنك اكثر طرفلى اخيراً انكليز سياحينندن ليونجستون و قامرون و بعده استانلى طرفندن كزلمشدر.

دولت مستقله-سى #1 آفريقاى وسطيه آنف البيان قونغو ايرماغى حوضه-سنگ قسم اعظمى حاوى اولمق اوزره، اخيراً آروپا دولنك اتفاقيه تشكيل، و بلجيقه قرالنك حكمدارلغى تحتنه وضع اولنمش بيطرف بر دولت اولوب، ساحلده همنامى اولان ايرماغك منصبى شمالنده يالكز 37 كيلومتره-لك وسعتى اولديغى حالده، ايچريلرده بو ايرماغك و بعده بوكا تابع %اوبانكى\$نك مجراسى تعقيب اولنه-رق، 5° عرض شمالى-يه قريب محله قدر چيقار؛ و جنوبده 22° طول شرقى-يه قدر 6° و $30'$ عرض جنوبى خط مستقيمى حدود عد اولندقدن صكره، جنوبه

طوغری توسع ایده-رک، نهرک منابعه یعنی 13° عرض جنوبی-یه قدر واصل اولور. منتهای غربیسی بحر محیط آتلاسیده 10° طول شرقیده اولدیغی حالده، حدود شرقیه-سی تانغانیقه کولنه یعنی 28° طول شرقی-یه قدر واریر. اکثر طرفلری هنوز غیر مکشوف اولان بو اراضی واسعه-نک مساحه سطحیه-سی تقریباً 2241250 مربع کیلومتره و اهالیسی 14000000 راده-لرنده-در. ایچلرنده آروپالیلر 1000 کشتی قدر اولوب، بونلرک نصفی بلجیقه-لیدر. ساحلی آچق اولوب، لب دریادن بر آز کری چکلنجه، 250 متره ارتفاعی اولان برسه تصادف اولنور، که اورادن ایچری-یه طوغری اراضی آشاغی یوقاری او ارتفاعده دوام ایده-رک، آچقجه بر یایله تشکیل ایدر، که بونک اوتیه بریسنده و علی الخصوص منتهای شرق و جنوبده هنوز درجه ارتفاعلری مجهول بر طاقم جبال بولنیور. میاه جاریه-سی چوق اولوب، جمله-سی قونغو ایرماغنه دوکیلور؛ و بونلرک مچرلرنده آز چوق کنیش بر چوق کوللر دخی تشکل ایدیور. خط استوا ایچندن مرور ایتدیکی جهته، هواسی بالطبع صیجاق اولوب، ساحله رطوبتی-ده زیاده اولمغله، آغر، و ایچ طرفلرده دها یابس و دها صاغلاندر. اهالیسی زنجی اولوب، اکثریت اوزره (بانگو) جنسیتته منسوبدر. سواحلده قریب اولانلری الان بت پرست ایسه-ده شرق و شمال طرفلرنده-کیلرک اکثری مسلم اولوب، ایچلرنده زنکیاردن اورالره کیمرش بیاض عربلر دخی چوقدر. اصل مرکز اداره-سی بروکسلده اولوب، محلنده بر اجرا هییتی و قرالک وکیلی صفتیله بر والی قونغو ایرماغنک اک شمالی مجراسی اوزرنده واقع %قونغو\$ بلده-سنده اقامت ایدر. ساحله قریب اولان %بومه\$ قصبه-سی-ده ایکنجی مرکزی حکمنده-در. مملکت 11 ایالت ویا سنجاغه منقسمدر. وارداتی باشلیجه اخراجادن آلمان کمرک ایله سائر بعض رسومدن عبارت اولوب، یدی سکز میلیون فرانقه بالغ اولور؛ و مصارفنک بر قسمی بلجیقه قرالی و خزینه-سی طرفندن تسویه اولنور. اخراجاتی باشلیجه فیل دیشی، قهوه، قاوچوق، پالمه دینلن بر نوع جوز و بونک یاغی کیبی شیلردن عبارت اولوب، سنه-ده 14 میلیون فرانغی متجاوزدر. شمیدیکی حالده وسائط اختلاطی انهاردن عبارت اولوب، بر قاچ دمیر یول خطی دخی در دست انشادر. بریلردن بری کوللی و دیکری قرعه ایله جمع اولنور ایکی نوع عسکری وارددر.

1-3778-5

قونغو

فرانسز - - سی #1 آفریقای عربیده جنوبی کینه مملکتنده فرانسه مستملکاتندن کنیش بر بر اولوب، شمالاً آلمانیه-نک کامرون مهجریله و اراضی غیر مضبوطه ایله، شرقاً و جنوباً مستقل قونغو ایله، غرباً دخی بحر محیط آتلاسی ایله محدوددر. حدود شرقیه-سنی %قونغو\$ و دها یوقاریده بوکا تابع، %اوبانکی\$ مجراسی تشکیل ایدوب، آنجق جنوبا قونگونک مجراسنه قدر ممتد اولمیور. 2° عرض شمالیدن 5° عرض جنوبی-یه و 30° 6° 30° طول شرقی-یه قدر اعتبار اولنور. هنوز اکثر طرفلری مجهول ویا بر ایکی سیاح طرفندن کوریلوب پک سطحی صورتنده معلوم اولمغله، فرانسه-نک بو مملکت واسعه-یه اولان ادعای متبوعیتی-ده صرف سیاست عالمنجه معتبر اولوب، محلنده ساحله قریب بر قاچ نقطه-دن بشقه بر یرده حکم و نفوذی اولمدیغندن، و شمدی-یه قدر بر کونه قید و تحقیق اجرا اولنمدیغندن، مساحه سطحیه-سیله مقدار اهالیسی حقنده برشی دینله-مز؛ یالکز فرانسه-یه قریب بر وسعت و جسامتنده اولدیغنی سویلیه-بیلیرز. سواحلدن بر آز ایچری-یه کیدیلنجه، طاغله تصادف اولنوب، بو طاغله کیتدکجه یوکسله-رک، نهایت داخلی مرتفع بر یایله-یه چیقیلیر، که پایانسز بالطه کورمه-مش اورمانلرله مستور اولوب، میاه جاریه-سی و کوللری دخی چوق و اکثر یرلری حقیقه شایان

تصويردر. سنه-ده ايكي ياغمور موسمی اولوب، بری شباظدن مایسه و دیکری ایلودن کانون اوله قدر دوام ایدر. بو ایکی موسمه پک چوق یاغمور یاغوب، بتون نهرلری طاشیر. انهارینک اک بیوکی % اوغوه \$ اولوب، اوندن صکره طوغریدن بحر محیط آطلاسی-یه دوکیلن نهرلری: ریوسانتوا، غابون، نغانغه، قوالودر. شرق جهتنک صولری ایسه قونغو ایرماغنه دوکیلوب، بونلرک اک بیوکلری: سانغه، لیقواله، آلیما، مبه و سائره-در. غابون نهری سائرلرینه نسبتله کوچک ایسه-ده، منصبده پک اوزون و بحریه-جه پک مهم بر خلیج تشکیل ایتمکندن، فرانسزلر اک اول اوراسنی ضبط ایدوب، ساحل شمالیسنده الیبرویل، اسمیله بر قصبه تأسیس، و مهجره مرکز اتخاذ ایتمشدر. بو سببه مبنی مهجرک بتوننه-ده % غابون \$ اسمی دخی ویریلیر. سواحللیله آچق برلرینک هواسی پک صیجاق و آغیر اولوب، آوروپالیلر بو هوا ایله اصلا امتزاج ایتمزله؛ و صیتمه-یه و انواع امراض جلدیه-یه دوچار اولوب، اکثری آز مدنده تلف اولورلر. یوقاری طرفلرینک هواجه دهها مساعد اولمسی مأمول ایسه-ده، اهالی ایله موانست امکانی مشکوکر. اهالیسی زنجی اولوب، اقوام و قبائل مختلفه-یه منقسم ایسه-ده، جمله-سی (بانتو) جنسیتنه منسوب اولوب، لسانلری-ده بربرینه قریب و مشابهدر.

2-3778-5

قونغور

1#

روسیه-نک پرم، ایالتنده و پرمک 94 کیلومتره جنوب شرقیسنده قضا مرکزی بر قصبه اولوب، 10805 اهالیسی، دباغانه-لری، قوندره و سائر مواد سراجیه ایله بخار ماکینه-سی فابریقه-لری، سنه-ده بر قوریلور بیوک پنایری و جوارنده 6 کیلومتره قدر طولی اولان 100 قدر غریب مغاره-سی واردر. قزاسنده 2000 تاتار اهالی اسلامیه بولنیور.

3-3778-5

قونغوچیوس

1#

چینگ اک مشهور حکیمی اولوب، اصل اسمی (قونغ فوچئو)در. میلاد عیسی (عم)دن 551 سنه اول (لو) حکومت ممتازه-سنک بر شهرنده دنیایه کلمشدر. پدری شهر مذکورک حاکمی اولوب، چین شاعرلرندن (هو آنگ تی)نک نسلندن اولدیغی مرویدر. کنج ایکن، امور دولته استخدام اولنوب، 24 یاشنه کلنجه، هر شیندن ال چکه-رک، مملکتک اخلاقنی اصلاح ایتمک مقصدیله مطالعات و ملاحظاته قویلمش؛ و بو مقصدله چینگ بر چوق برلرینی کزوب، بر خیلی تلامذه پیدا ایلمش ایدی. عقل و حکمتک اشتھاری اوزرینه، (لو) حکمداری کندیسنی نزدینه جلبله، وزیر نصب اینجه، قونغوچیوس منوی ضمیرینی اجرا ایله، اخلاق عمومیه-یی و محاکمی اصلاح ایتمش؛ و صنایع و تجارتی خیل ایلری-یه کوتورمش ایسه-ده، چوق کچمه-دن استعفا ایدوب، چکلمکه مجبور اولمش؛ و یکیدن سیاحته چیقوب، خلقه حسن اخلاق درسلی ویرمکه، و بعده نامنی تأبید ایند کتابلری یازمغه باشلامش ایدی. قبل میلاد 479 تاریخنده 70 یاشنده وفات ایتمشدر. تلامذه-سی کندیسنی پک زیاده بیوده-رک، اقوال و

افغانی یازمشلردر. سلاله-سی الی یومنا هذا چینده باقی اولوب، حرمت عمومیه-یه و بر چوق امتیازاته نائلدرلر. قونفوجیوس عملی بر فلسفه تدریس ایدوب، انسانک حسن اخلاقه و حسناتله کمال بوله-بیله- جکنی و انسان کاملک عالم لاهوتله مناسبتی اولدیغنی التزام ایتمکله، دیانتته تعلق ایدر مسئله-لره دخی قاریشدیغندن، فلسفه-سی بالتدریج مذهب یرینه کچوب، حالا بو کون مذهبی باقیدر. هر نه قدر چینده و اوکا قریب ممالک کثیره-ده (بودا) دینک قبا بت پرستک حلنی آلان بر صورتی دین عمومی حکمنده ایسه-ده، کبار و خواص طاقمی آلان قونفوجیوسک مذهبنه تابعدرلر. تألیفاتی اخلاق و فلسفه و تاریخه دائر اولوب، اکثر آروپا السنه-سنه ترجمه اولمشدر. قونفوجیوس خارق عاده شیلردن اصلا بحث ایتمز.

1-3779-5

قونقورد

1#

آمریقای شمالیده ممالک مجتمعه-نک %نیوهامپشیر\$ حکومتک مرکزی بر قصبه اولوب، بوستونک 100 کیلومتره شمال غربیسنده و %مریماق\$ نهرینک ایکی کنارنده و بر چوق دمیر یول خطرینک محل تقاطعنده واقع و 12300 اهالی-یی جامعدر. نهرک شلاله-سیله ایشلر بر چوق فابریقه-لری و مشهور آرابه و آلات موسیقیه ایله دمیره متعلق آلات و ادوات متنوعه-س واردر. *- بو اسمله ممالک مذکور-ده بر قاچ کوچک قصبه دها واردر.

2-3779-5

قونقورده

1#

اسکی رومالیلر عنندنه وفاق و محبت الهه-سی زعم اولنوب، روماده بیوک بر معبدی وار ایدی، که سناتو دخی بعض دفعه ایچنده اجتماع ایدردی.

3-3779-5

قونقوردیا

1#

آمریقای جنوبیده آرچنتین حکومتک انترریوس ایالتنده و اوروغوای نهری ساحل یمینندن 1 کیلومتره-لک مسافه-ده بر قصبه اولوب، 5500 اهالیسی واردر.

4-3779-5

قونكه

اندلسده شنترين اعمالندن بر قصبه اولديغنى ياقوت حموى بيان ايديور.

5-3779-5

قونكتيقوت

1#

آمريقاي شماليده ممالك مجتمعه-نك شمال شرقى جهتنده بر نهردر، كه قاناده حدودنده نبعانله، %ورمونت\$ و %نيوهامپشير\$ حكومتلى آر-سندھ آقہ-رق، و بعده %ماساچوست\$ حكومتى و همنامى اولان حكومتى شق ايده-رك، جنوبه طوغرى 150 كيلومتره-لك جريانندن صكره، %لونگ ايسلاند\$ قوينه دو كيلور. بر قسمى سير سفائنه صالحدر؛ و صويى بر چوق ماكينه-لر چويرر.

6-3779-5

قونكتيقوت

1#

آمريقاي شماليده ممالك مجتمعه-نك شرقى شمالي جهتنده اك اول تشكل ايدين اون اوچ حكومات متفقہ-نك و يكى انكلتره خطه-سك منقسم بولنديغى آلتى حكومتك برى اولوب، جنوباً %لونگ ايسلاند\$ كورفزيله، غرباً نيويورق، شمالاً ماساچوست، شرقاً دخى رود ايسلاند حكومتلىله محاط و محدوددر. قره-دن يعنى اوچ جهتن حدودى خطوط مستقيمه مفروضه-دن عبارت اولوب، شرقدن غربه ممتد بر مستطيل شكلنى ابراز ايدير. °41 ايله °42 عرض شمالي آر-سندھ واقع اولوب، مساحه سطحيه-سى 12925 مربع كيلومتره و اهاليسى 820000 كشيدير، كه بونلرك ايچنده 10000 قدر زنجى و 250 قدر اصل يرلى بولنيور. همنامى اولان نهر مملكتى شمالدن جنوبه شق ايدير. اراضيسى آلچق و آز متموج اولوب، يالكز شمال غربى گوشه-سندھ %غرين مونت\$ يعنى ((يشيل طاغ)) سلسله-سك اتكلرى بولنيور. هواسى هر نه قدر سريع التحول و فيشين زياده-جه صوئوق ايسه-ده، پك صاغلامدر. زراعت، معدنيك، صنايع مختلفه، باليقچيلق و الحاصل هر نوع عمليات پك ايلرى اولوب، معمور و متمدن بر يردير. جمهوريت 8 قونتلق يعنى سنجاهه منقسمدر. مركزى كاه %نيو هاون\$ و كاه %هارتفورد\$ قصبه-سيدير.

7-3779-5

قونليانو

1#

ایتالیاده وندیک خطه-سنگ ترویزه ایالتنده و ترویزه-نک 27 کیلومتره شمالنده بر قصبه اولوب، 5000 اهالیسی و چوخه-ایله ایپک قماشلر فابریقه-لری واردر.

1-3780-5

قونوتوپ

1#

روسیه-نک چرنیفوف ایالتنده چرنیقوفک 122 کیلومتره شرقنده و موسقوه-دن کیفه کیدن دمیر یول خطی اوزرنده قضا مرکزی بر قصبه اولوب، 19270 اهالیسی واردر.

2-3780-5

قونوخت

1#

ایرلانده-نک منقسم اولدیغی درت ایالتک اک کوچکی اولوب، جزیره-نک قسم وسطیسنگ غرب جهتندن عبارتدر. شبه جزیره-یه مماثل بر یر اولوب، اوچ جهتدن دکیزله محاط اولدیغی حالده، شمال شرقی طرفندن اولستر، شرقاً لینستر، شرق جنوبی جهتندن دخی مونستر ایالتلریله محدوددر. شمالدن جنوبه بویی 137 و اکی 70 کیلومتره مساحه سطحیه-سی و 846000 اهالیسی واردر. اراضیسی غرب و شمال جهتنده عارضه-لی اولوب، طاغری آنجق 800 کیلومتره اولوب، 17600 مربع کیلومتره مساحه سطحیه-سی و 846000 اهالیسی واردر. اراضیسی غرب و شمال جهتنده عارضه-لی اولوب، طاغری آنجق 800 متره ارتفاعه قدر چیقار، و اتکلرنده کوزللکلریله عالمده مشهور کوللری واردر، که بونلرک اک بیوکلری : قون، ماسق، قوریب و سائره-در. اک بیوک نهری حدود شرقیه-سنی ایران %شاتون\$ نهری اولوب، %بویله\$ و %سوق\$ نهرلری دخی بوکا دوکیلور. %مویریور\$ نهری %قون\$ کولنک آیاغی اولوب، %قلاره\$ نهری دخی %قوریب\$ کولنه و %دوکرته\$ نهری-ده %غالوای\$ قوینه دوکیلور. سواحلی پک کیرنتیلی چیقنتیلی اولوب، قره-لرک ایچنه زیاده صوقلمش بر چوق قوی و خلیجلی واردر، که باشلیجه-لری شمالده: %اسلیغو\$ و %کیلاله\$: غرب شمالی جهتنده: %برودهاور\$ و %قلاقسود\$؛ غربده غلو، کیلری هاون، بیرتربوی-بی، کیلکران-بی، جنوب غربیده دخی %غالوای\$ اسمیله بیوک بر کورفزددر. غلو قوینک مدخلنده %آچیل\$ و %فلاره\$ جزیره-لری و غالوای کورفزینک آچیققرنده %آران\$ جزایری بولنیور. اراضیسنگ قوه انباتیه-سی پک آز اولوب، یالکز بر مقدار پتاته ایله یولاف حاصل اولور. وقتیه حکومت سبعة متفقه-نک تشکیل ایدوب، الیوم 5 قونتلق یعنی سنجاعه منقسمدر، که بونلرده: لیتزیم، اسلیغو، مایو، روسقومون و غالوای قونتلقلریدر. اهالیسی پک فقیر و جاهل اولوب، یالکز ایرلانده یعنی کلت لسانیه متکلمدرلر.

3-3780-5

قونورسانو

1#

ایتالیانک باری ایالتنده و بارینک 30 کیلومتره جنوب شرقیسنده بر قصبه اولوب، 11000 اهالیسی وارد. اسکی اتروسقلردن قالمه قدیمی بر قصبه اولوب، نورمانلر زماننده بر آره-لق بر حکومت مستقله-نک مرکزی اولمشدی.

4-3780-5

قونون

1#

اسکی آتته حکومتی سردارلردن اولوب، قبل المیلاد 406 تاریخنده مدلی جزیره-سندده اسپارته دونماسی طرفندن محاصره اولنه-رق، بعد المغلوبیه قورتاره بیلدیکی 6 کمی ایله قبریسه قاچمش؛ و ایرانیلری اسپارته-لیله قارشی تحریک ایدوب، قوماندده-سنه تسلیم اولنان ایران دونماسیله 394 تاریخنده قنیده اوکنده اسپارته دونماسی محو ایدیه-رک، کیقلاده جزایرینی آتته حکومتنه قزاندیرمش؛ و آتته-یه دعوت ایدوب، سور و قلعه-لرینی تحکیم ایتمش ایدی. بعده ایران شاهی نزدنده یوینه و ائولیه-یی آياقلاندیرمغه چالیشمغله اتهام اولنه-رق، آسیای صغیر والیسی تیرباز طرفندن جلب و توقیف اولنمش ایسه-ده، متعاقباً سبیلی تخلیه اولنه-رق، قبریسه چکلمش؛ و 390ده اوراده وفات ایتمشدر.

-* بو اسمله یونان قدیم مشاهیر مهندسین و منجمیندن دخی بری اولوب، سیساملی اولدیغی حالده، قبل المیلاد 300 تاریخندن 260 تاریخنه-دک اسکندریه-ده پاشامشدر.

5-3780-5

قونی

ایتالیانجه قونو 1# ایتالیانک پیامونته خطه-سندده و تورینونک 87 کیلومتره جنوبنده ایالت مرکزی بر قصبه اولوب، 11425 اهالیسی، اییک قماشلرله بعض یوک منسوجات فابریقه-لری، ذخیره ایله اییک و کنویره متعلق ایشلک تجارتی و سنه-ده ایکی دفعه قوریلور پنایری وارد. وقتیلله پک مستحکم ایکن، اخیراً استحکاماتی هدم اولنمشدر. -* قونی ایالتنک مساحه سطحیه-سی 7136 مربع کیلومتره اولوب، 618230 اهالیسی وارد. 4 قضایه منقسم اولوب، 263 ناحیه-یی حاویدر. اراضیسی طاغلق اولوب، دکیز آلپلرینک اتکلرینی حاویدر. مرعالی و کوزلدر. باشلیجه محصولات حبوبات متنوعه ایله کنویر، میوه و طوت اولوب، صنایعنک برنجیسی-ده اییک اخراجی و اییک، پاموق و کنویردن منسوجات اعمالیدر. بعض دمیر خانه-لری-ده وارد. کومش، قورشون و دمیر معدنلریله مرمر اوجاقلری و معدن صولری-ده چوقدر.

1-3781-5

قونیاق

1#

فرانسه-نك شارننه ایالتنده و آنغولمك 51 کیلومتره غربنده و شارننه نهری اوزرنده قضا مرکزی بر قصبه اولوب، 13680 اهالیسی، اسمیله مسمی و بتون عالمده مشهور مسکرات ایله فوچی و شیشه فابریقه-لری و کوزل تفرجگاهلری وارد. قصبه ایله جوارلرنده سنوی 200 ملیون فرانق قیمتنده قونیاق چیقار.

2-3781-5

قونیبرت

یاخود کونیبرت 1# لومبارد حکمدارلرندن اولوب، 678 تاریخ میلادیسنده پدیری (پرتاریت) طرفندن حکومته تشریک اولنمش؛ و 687ده پدیرینه خلف اولوب، 690ده ترننه و برشه دوقه-سی %آلاشیس\$ طرفندن اسقاط اولنمش ایسه-ده، متعاقباً تبعه-سی طرفندن دعوت اولنه-رق، آلاشیس طرف ایله، کمال آسایشله حکومت سوروب، 700 تاریخنده وفات ایتمشدر.

3-3781-5

قونیچ

1#

پروسیه-ده غربی پروسیه ایالتنك %مارینوردردر\$ سنجاغنده و مارینوردردر 90 کیلومتره غربنده قضا مرکزی بر قصبه اولوب، 9093 اهالیسی و فورچه فابریقه-سیله دمیر کمخانه-لری وارد.

4-3781-5

قونیچه

1#

یانیه ولایت و سنجاغنده و یانیه-نك 45 کیلومتره شمالنده اوله-رق %ویوسه\$ نهری اوزرنده و بر اووه-نك کنارنده اوله-رق طاغ اتکنده واقع قضا مرکزی بر قصبه اولوب، 5500 اهالیسی وارد. اطرافنده مرعاری چوق اولوب، قیونلری کثرتلی اولمغله، مشهور آرنآؤد پینیری اورادن چیقار. اهالیسی و فرت ذکا و فطانتله مشهوردر.

*- قونیچه قضاسی جنوباً نفس یانیه قضاسیله، غرباً ارگری سنجاغیله، شمالاً لسقویک قضاسیله، شرقاً دخی

مناسنر

ولایتیله محاط اولوب، 34 قریه-دن مرکب اولدیغی حالده تقریباً 25000 اهالیسی وارد، که بونلرکده نصفی قدر مسلم و آرنأؤد و قصوری ینه آرنأؤد خرسنتیان ایله اولاخن مرکبدر. اراضیسی طاغلق اولوب، قابل زراعت یرلری آز ایسه-ده، مرعاری چوق اولوب، خیلی مقدار قیون و سائر حیواناتی وارد. قونیچه اووه-سنده و ویوسه وادیسنده خیلی طوت آغاجلری ده بولنوب بر مقدار اییک چیقار. کویلرده قادینلر طرفندن یوکدن چوراب و فانله و ولنجه و سائر اعمال اولنور. ویوسه نهری قضایی شق ایدوب، درون قضاده %وویدماتی\$ و %سارانوپوری\$ چاپلرینی دخی آلیر. بو قضاده فائده-سی مجرب و درجه حرارتی زیاده بر کورکوردلی ایلیجه بولنیور. %پازاروپولو\$ اسمیله سنه-ده بر کره بر پنایر دخی قوریلوب، حیوانات و یوک معمولاتیله سائر-یه دائر خیلی آلیش ویریش اولور.

5-3781-5

قونیغسبرغ

و سائرہ ((کونیکسبرغ)) و سائرہ ماده-لرینه مراجعت بیوریلہ.

6-3781-5

قونین

1#

لهستانک قالیس ایالتنده و قالیسک 53 کیلومتره شمال شرقیسنده قضا مرکزی بر قصبه اولوب، 8010 اهالیسی و چوخه فابریقه-لری وارد.

7-3781-5

قونیه

اناطولینک وسطلارنده 533 متره ارتفاعی اولان چولمییسی واسع بر اووه-نک کنارنده و غرب جهتنده بر کوچک کولده ختام بولان بر چایک اوزرنده اوله-رق استانبولک تقریباً 450 کیلومتره جنوب شرقیسنده واقع ولایت مرکزی مشهور بر شهر اولوب، 44000 اهالیسی، 44 جامع شریفی، 147 مسجدی، 42 مدرسه-سی، جمعاً 1890 کتبی حاوی بش کتبخانه-سی، 2 کلیساسی، ملکیه اعدادیه-سیله ذکور و اناث ایچون بر رشدییه-لری و متعدد ابتدائییه و صبیان مکتبلری، 314 دکانی، 2 بدستانی، 7 خانی، 8 حمامی، 81 چشمه-سی و سلچوقیلردن قالمه جامع و سرای و قلعه و سائرہ کی بر چوق ابنیه مصنعه خرابه-لری وارد. شهر شمالدن جنوبه ممتد و ایکی اوجی سیوری اولوب، بر بالیق شکلنی ابراز ایدیور. اورته-سنده ایچ قلعه نامیله هراب بر قلعه-سی اولوب، بونک ایچنده بولنمش اولان ملوک سلچوقیه سراینک بعض طرفلری الیوم باقیدر، و صنعت ماهرانه-لری جالب انظار دقت اولمقده-در. سلچوقیلردن قالمه جوامع شریفه-نک اک جسیم و اک مصنعی سلطان علاء الدینک جامعی اولوب اخیراً تعمیر

اولنمشدر. قونیه-نك بادئ شهرتی اولان اسبابك بری-ده مولانا جلال الدین رومی حضرتلرینك منشی اولمسی اولوب، ولی مشار البهك درون شهرده-کی تریه شریفه-سی ودرکاهی پك معمور و مزیدر. شهرک اوچ طرفی چول حالنده قورو و خالی ایسه-ده، غرب جهتنده و بر ساعتق مسافه-ده %مرام باغلی\$ نامیله باغ و باغچه-لك و اشجار مثمره و غیر مثمره-یی حاوی مفرح و کوزل هوالی بر یر واردر، که اهالینك صیفیه-لرینی شامل اولوب، اغنیا طاقمی یازین اورایه چیقار. شهرده یالکز ابنیه امیرییه و معابد و سائر ایله بر قاچ یوزخانه کارکیر اولوب، دیکرلری طوپراقدن و سازله اورتیلی اولدیغندن، شهرک خارجدن منظره-سی کوزل دکلدن. شهر داخلنده کلیم، خالی، سجاده، یوگدن عبا و قوشاق و کتن و پاموقدن بز اعمالنه مخصوص متعدد دستکاهلر و حکومت عائد بر کهرچله ایله بر توتون فابریقه-سی و دباغخانه-لری واردر. قاؤن و قارپوزیله سائر میوه-لری پك لذیدر.

قونیه شهری پك اسکی بر زمانده بر طاقم یونان مهاجرلری طرفندن %دانایه\$ اسمیله انشا اولنه-رق %ایقاؤنییه\$ خطه قدیمه-سنگ مرکزی اولمشیدی. اساطیر قدیمه-یه کوره، کویا بو شهره بر اژدرها مسلط اولوب، ایکیده برده هجومه، قادین و قیزلرینی بیدیکی حالده، ژوپیتراک اوغلی (پرسیوس) اژدرهای قتل ایله، شهری بو بلادن قورتاردیغیچون، اهالیسی شهرک بر قپوسی اوزرنده بونک رسمنی وضع ایتدکلرندن، ((رسم)) ویا ((صنم)) دیمک اولان %ایقون\$دن مشتق اولمق اوزره، شهره %ایقونیوم\$ نامی ویرلمشیدی. رومالیلر و روملر زمانده دخی بو اسمله یاد اولنوب، بعده سلجوقیلرک ید ضبطنه کچنجه، اختصاراً قونیه تسمیه اولنمشدر. روم سلجوقیلری بو شهری پایتخت اتخاذ ایدوب، بونلردن علاء الدین اول شهری سور و خندقله احاطه و قله و قلعه-لرله تحکیم ایدوب، خلفلری دخی جوامع و مدارس و سرائلر و سائر ابنیه و خیراتله قونیه-یی زیاده توسع و تزیین ایتمشلردی. دولت سلجوقیه زمانده قونیه شمديکنک بر قاچ مثلی بیوککلکنده ایدی. دولت سلجوقیه-نك ختامنده قره-مان اوغلرینك الینه کچوب، بعده بونلرک عساکر عثمانیه-یه مقاومتلری صره-سندده وقوع بولان محارباتدن خیلی خراب اولمش؛ و نهایت ممالک عثمانیه-یه دائره-سنه داخل اولمشدر. آثار عتیقه-سی زمان ایله آزممشدر. لکن بو صوک زمانلرده بیویوب کسب عمران ایتمکه باشلامش؛ و هله حیدر پاشا و ازمیردن بدأ ایدن ایکی دمیر بول خطنک اورایه منتهی اولمسی آز زمان ظرفنده شهرک چوق ترقیسنی موجب اوله-جغی طبیعی بولنمشدر.

قونیه قضاسی سنجاغک و سطنده واسع بر یر ضبط ایدوب، صو درهمی، خاتون سرای، سعید ایللی و این اوکی ناحیه-لریله برابر 86 قریه-دن مرکب و 61028 اهالی ایله مسکوندر. اراضیسی منبت و هواسی معتدل اولوب، حبوبات متنوعه ایله میوه-لرک اعلا لری و آفیون، جهری و سائر حاصل اولور. قیونلری چوق اولوب، خیلی پیایغی اخراج اولنور.

1-3782-5

قونیه

ولایتی. آناتولینک اک واسع ولایتی اولوب، شبه جزیره-نك ساحل جنوبیسندن و سطرلینه و شرق طرفلرینه قدر واصل اولور. غرباً آیدین، شمال غربی جهتندن خداوندکار، شمالاً و شمال شرقی طرفندن آنقره، شرق جنوبی جهتندن آطنه و لایتلریله، جنوباً دخی ینه آطنه و لایتنک ایچ ایل سنجاغیله و آق دکیزله محاط و محدوددر. تقسیمات قدیمه-ده لیکه-نك بر قسمیله، پیسیدییه، لیاؤنییه، پامفیلییه، الیسورییه خطه-لرینی و قاپادوقیه خطه-سنگ بر مقدارینی حاویدر. تاریخ عثمانییه اکثریا ولایت قره-مان ایللی اسملریله مذکوردر. بو ولایت واسعه 36° ایله 39° عرض

شمالی و 27° ایله 33° طول شرقی آره-لرنده ممتد اولوب، مساحتی سطحیه-سی 91600 مربع کیلومتره و اهالیسی 1588000 کشیدر، که بونلردن 989200 ی مسلم، 73000 ی ترکجه لسانله متکلم روم (؟)، 9700 ارمنی، 400 ی قتلک، 100 ی پروتستان، و 600 ی اسرائیلی و 15000 ی چنکانه-در. ولایتک قسم غربیسیله حدود جنوبیه-سی طاغلق و پک عارضه-لی اولوب، شرق شمالی جهتلری حد وسطی اوزره 1000 متره یکسکلکنده بر یایله-دن عبارتدر. طاوروس یعنی بوغا و غلط اوله-رق بلغار طاغی دینلن سلسله جبال ولایتک جنوب شرقیسنده ممتد اولوب، آطنه ولایتی آیردیغی کبی، بوز طاغ دخی حدود غربیه-سنی یعنی منتشا سنجاغی آیریور. غرب جهتنده تکه سنجاغنده قیزلجه طاغ، آق طاغ، اووه-جق طاغی، دیگر بوز طاغ، بوردور سنجاغنده یان طاغ، اسپارته ایله قونیه سنجاغلی آره-سندنه سلطان طاغی، قونیه سنجاغی داخلنده دخی شیخ طاغی، حاجی بابا طاغی، قره طاغ، قره-جه طاغ و سائر بعض منفرد طاغلر بولنیور. بوغا طاغی سلسله-سنگ اک یوکسک بری 3477 متره ارتفاعنده اولوب، دیگر جبالک-کی 2500 متره-دن آشاغی و یالکز شیخ طاغک یوکسکلکی تقریباً 3000 متره-در. ولایتک غرب جنوبی قسمنی تشکیل ایدن، تکه سنجاغک میاه جاریه-سی آق دکیزه، و منتهای شرقنده بولنان نیکده سنجاغی قسم شمالیسنک صولری قزیل ایرماق واسطه-سیله قره دکیزه دوکیلوب، سائر طرفلریک یعنی نفس قونیه ایله اسپارته و بوردور سنجاغلریک و نیکده سنجاغی نصف جنوبیسنک دکیزه مخرجلری یوقدر؛ و ولایتک بو قسم اعظمی داخلی بر حوضه تشکیل ایدوب، بونک صولری کوللره دوکیلوب، و یا یولده قوملرده و بطاقلرده قورو یوب محو اولور. آق دکیزه دوکیلن چایلریک باشلیجه-لری غربدن باشلايه-رق: دمیر چایی، قوجه چای، آق صو، کوپری صوی، منوغات، قارپوز، ایرماغی، آلان صو و سائر-در. قزیل ایرماغک تابعلری کوچک بر طاقم چایلردن عبارتدر. داخلی حوضه انهاریک باشلیجه-لری-ده: قوچحصار کولنه دوکیلن بیاض صو و این صوی، ارکلی کولنه دوکیلن قزیلجه صو و قره-مان چایی، همنامی اولان کوله دوکیلن بکشهر چایی، بوردور کولنه دوکیلن کورن صو و اکردير آقشهر کوللرینه دوکیلن متعدد چایلردن. کوللری دخی چوق اولوب، اک بیوکلری قوچحصار کولیدر، که یازین قورو یوب، پک واسع بر طوز اووه-سی حالنده قالیر. ایکنجی درجه-ده بکشهری و اکردير، اوچنجی درجه-ده بوردور، آقشهر، بوزقیر، و دردنجی درجه-ده خاتون سرای، ارکلی قره-بیکار کوللریدر.

ولایتک یایله جهتیله طاغلق محللریک یعنی بتون شمال و شرق طرفلریک هواسی صولوق و قیشلری شدتلی اولوب، یالکز آق دکیز مائله-سندنه اولان تکه سنجاغک آشاغی طرفلرنده و سواحلنده هوا قیشین معتدل و یازین خیلی صیجاقدن. یایله جهتنک هر طرفی طاغلرله محاط اولوب، بوطاغلر بلوطلری جنبله رطوبتی چکدکلردن، ولایتک ایچ طرفلرنده آز یاغموور یاغار، و دائماً قوراقلقدن قورقیلور. او طرفک اورمانلری-ده آز اولوب، هله نفس قونیه سنجاغی تشکیل ایدن واسع یایله بسبتون چیلاق و اکثر طرفلری عادتاً چول حالنده-در. غرب جهتنده و علی الخصوص تکه سنجاغنده ایسه اورمانلر پک چوق اولوب، استانبوله و اسکندریه-یه نقل اولنمق اوزره، کلیتلی کراسته قطع اولنه-رق، انهار واسطه-سیله ساحله ایندیریلیر. طوپراغی مختلف اولوب، یایله-نک صو آلتنده بولنان یرلریله طاغلر آره-لرنده-کی وادی و بایرلری خیلی منبیت ایسه-ده، زراعت هنوز طرز قدیمده اجرا اولنوب، اهالیکنک مقداری دخی او قدر واسع اراضی-یی اداره ایده-میه-جک درجه-ده اولدیغندن و سائر موانعدن، ایشلنن یرلری پک آزدر. بتون اراضی مزرعه-سی 9 ملین اسکی دونمه بالغ اوله-میور. اک برنجی محصولی بغدای و ایکنجی درجه-ده آریه، داری، ملز، مصر، یولاف، چاودار، نخود، مرجمک، فاصولیه، آفیون، توتون، کنتن، سیسام، پاموق، اوزوم، بادم، جوز، فندق، زیتون، طوت و سائر-در. سواحلنده پورتقال و لیمون دخی حاصل اولور. قروم و منغانز و سائر معدنلر بولنیورسه-ده، چیقاریلانی یالکز بلغار % بوغا\$ طاغی معدنیدر، که سیملی قورشون و آلتون معدنی اولوب، حکومت طرفندن ایشلنیور؛ و 7378 عمله چالیشدیریلوب، بر بچق ملیون

غروشی متجاوز قیمتده معدن چیقور، و 400000 غروشه قریب تمتع اولبور. قوچحصار کولنک طوزی پک نفیس و پک کلپتلی اولوب، سنوی 15 ملیون قیه راده-لرنده طوز اناطولینک اکثر طرفلرینه نقل اولندیغی حالده، موجودینک آنجق بیگده بری آلمش اولور. قره بیکار کولندن دخی مقدار طوز چیقدیغی کبی، حاجی بکتاش نامیله نفیس بر قیا طوزی معدنی دخی واردر. ولایتک مرعاری چوق اولوب، قیون، کچی، تفتیک کچیسی، صیغیر، خرکله و سائر حیوانات اهلیه-سی کثرتلیدر؛ و خیلی پیاغی، تفتیک، دری، یاغ و سائره اخراج اولنور. قیونلر ینک مقداری بر ملیونی متجاوزدر. کوللرینک اکثرنده بالیق چوق ایسه-ده، اهالی بوندن استفاده یولنی بیلیمور. صنایع محلیه نفیس خالی، سجاده، کلیم، آلاجه، بز و سائره نسجیله قبا و اینجه حصیر اعمالندن و سیسام یاغیله نانه صوی و سائره اخراجندن و احتیاجات محلیه-یه کوره اوفق تفک صنعتلردن عبارتدر. صو ایله چویریلیر بر چوق دکرمنلری و تکه سنجاغنده حرزلری دخی واردر. تجارتنی محصولات ارضیه ایله حیوانات و بونلرک محصولی و ذکر اولنان منسوجات کبی شیلرک اخراجیله ولایتده اولمیان ماکولات و معمولات اجنبیه-نک ادخالندن عبارت اولوب، اناطالیه ایله تکه سنجاغنده-کی سائر اسکله-لردن وقوع بولان اخراجات سنویه بر ملیون عثمانلی لیراسندن زیاده-جه و اخراجاتی بر بچق ملیون راده-لرنده-در. اخراجاتنک یزده 46سی ذخیره، 20سی سیسام و 17سی کراسته-در. آنجق اخیراً حیدر پاشا و ازمیر دمیر یول خطلرینک ولایتده وصول و دخولی ولایتک اخراجاتی اخراجاتی آرتیره-رق، ترقی تجارت و معموریتته چوق خدمت ایده-جکی شبهه-سزدر. ولایتک دیون عمومی و رژی ایله برابر واردات سنویه-سی 600000، و مصارف محلیه 110000 عثمانلی لیراسی راده-لرنده-در. داخل ولایتده 1507 جامع شریف، 1141 مسجد، 418 مدرسه، 24 کتبخانه، 1564 مکاتب اسلامی، 47 روم و 10 ارمنی مکتبی، 52 روم و 9 ارمنی کلیسای، 22 تکیه، 10112 دکان، 655 مغازه، 175 خان، 67 حمام، 1096 دکرمن، 601 یاغخانه، 170 دباغخانه و 51 کرمید فرونی موجوددر. ولایت بر وجه زیر 5 سنجاغه منقسم اولوب، مرکزله برابر 30 قضا، 32 ناحیه ایله 1939 قریه-یی حاویدر.

###

سنجاق

قضا

ناحیه

قونیه

قونیه

آقشهر

بکشهری

سیدی شهری

ایلغین

بوزقیر

قره-مان

خادم

ارکلی

قره-بیکار

قوچحصار

صودرهمی

خاتون سرای
سعید ایلی
ابن اوکی
طوغان حصار
جهانبکلی
قیر ایلی
آرغید خانی
بیلویران
آلا طاغ
عفریاد
دیوله
نیکده
نیکده
نوشهر
ارکوب
آفسرای
بور
معدن
عربسون
مئلی
فرتک
حمید آباد
اسپارطه
اولوبورلی
اکردیر
قره آغاج
یلواج
کچیورلی
سکرکند
بارله
بادلو
افشار
خویران
بور دور
بور دور
تفنی

کمر
آغلاصون
کولحصار
تکه
آنطالیه
المالو
علائیه
آفسکی
قاش
استانوس
سریک
میللو
قریل قیا
فنکه
اکدیر قاردیج
دوشنبه
منوعات
ابرداری
\$

قونیه ولایتینک منقسم اولدیغی سنجاقلرک تقریباً مساحه سطحیه لریله مقدار نفوسلری دخی بر وجه آتیدر.

###

سنجاق

مربع کیلومتره

اهالی

قونیه

38000

324000

تکه

20000

224000

نیکده

19000

193000

حمید آباد

8000

192000

بوردور
6000
155000
جمعاً
91000
1088000
\$

1-3785-5
قونيه

سنجاغى. همنامى اولان ولايتك مركز سنجاغى اولوب، ماده آنفه-ده-كى جدوللردن آكلاشلايدىغى اوزره، ولايتى تركيب ايدن بش سنجاغك اك بيوكى اولديغى حالده، ولايتك بتون قسم وسطيسنى و مرتفع يايله جهنتى جامعدر. اك زياده غرب و جنوب جهنلرى مسكون و معمور اولوب، نصفى مقدارينه قريب اولان شمال و شرق طرفى آغاجسز و صوسز بر چول حكمنده-در. مع هذا معمور و مسكون اولان يرلرينك ذخاير متنوعه ايله ميوه، آفيون، جهرى، پاموق و سائر محصولاتى چوق ايسه-ده، ساحلدىن بعديتى بونلردن چوغنك آنجق احتياج محلى نسبتنده يتشديرلمسنى منتج اوليور. هواسى صوئوق و سرتجه ايسه-ده، پك صاغلاندر. قيشين ميزان الحراره صفردىن آشاغى 8 دركه-يه قدر اينر، و يازين نادراً 24 درجه-دىن يوقارى چيقار. سنجاغك كنارلرنده يعنى غرب و جنوب جهنلرنده اورمانلرى چوق ايسه-ده، سواهلك بعدى و وسائط نقليه-نك فقدانى حسبيله بو يوزدىن هيچ بر استفاده اولنه-ميور. حيوانات اهليه-سى و على الخصوص قيونلرى ولايتك سائر طرفلردن زياده-در. هله-يوروك عشيرتلرينك يكتا مشغوليتلرى چوبانلقدرد. بو سنجاغك بولنديغى محل قديماً ليقاؤنيه و پيسيديه اسمريله ايكى خطه-دىن عبارت و شمال شرقى كوشه-سى قاپادوقيه-دىن معدود ايدى. اوائل دور عثمانيده ديار قره-مان ديتلن ير دخى اصل قونيه سنجاغى ايدى. تقسيماتيله مساحه و اهاليسى ماده آنفه-ده بيان اولنديغندن، تكرارينه لزوم كورميوپ، بو قدرله اكتفا ايدرز.

2-3785-5
قون هوى اوئه
1#

چينك %چه كانغ \$ ايلتنده %تبنغ پو \$ سنجاغنده و مركز لوانك 40 كيلومتره غرب جنوبيسندده اوله-رق %هانغ چئو \$ كورفزينك جنوبى ساحلنده بر قصبه اولوب، 20000 قدر اهاليسى واردر.

3-3785-5

قووان دریا، یاخود قوغان دریا

روسیه-یه تابع ترکستانده سیر دریا یعنی سیحون ایرماغنک بر قولیدر، که روسلرک %پر ووسق\$ قلعه-سندھ مذکور ایرماقدن آیریلہ-رق، 5 کیلومتره قدر جنوبه طوغری کیتدکدن صکره، ینہ غربه طوغری دونه-رک، 60 کیلومتره جریاندن صکره بر قاچ شعبه-یه و بونلر دخی دھا آشاغیده بر طاقم قوللره بالانقسام، قامشلق کنیش بر یر احاطه ایدر، و بو بطاقلقرده محو اولور. مجراسی 300 کیلومتره اوزوندر. کنارلرنده بر چوق خرابه-لر و جدوللر آتاری بولنمغله، وقتیلہ اورالرینک پک معمور و مسکون بولنمش اولدیغی آکلاشیلپور.

4-3785-5

قووانه

1#

جاپونیه-نک %نیپون\$ جزیره کبیره-سندھ %میہ\$ ایالتنده و %چو\$نک 40 کیلومتره شمال شرقیسنده اولہ-رق %اوواری\$ کورفی ایچنده و %کیسوگاوه\$ منصبنک صاغ کنارنده بر قصبه و اسکله اولوب، 18065 اھالیسی واردر.

5-3785-5

قوول

1#

روسیه-نک ولینیه غرب ایالتنده و ژیتومیرک 335 کیلومتره غرب شمالیسنده قضا مرکزی بر قصبه اولوب، 13510 اھالیسی واردر.

6-3785-5

قوونتری

1#

انکلتره-نک %وارویق\$ ایالتنده و وارویقک 18 کیلومتره شمالنده اولہ-رق لوندردن بیر مینغھامه کیدن دمیر یول خطی اوزرنده بر شهر اولوب، 37670 اھالیسی، 30000 عمله استخدام ایدر بیوک بر قوردله و 2000 عمله قوللانیر مشهور بر ساعت فابریقه-سی و چوخه، فانله و سائر یوکللی منسوجات فابریقه-لری واردر. پک اسکی بر شهر اولوب، اساساً بر مناستردن عبارت ایدی.

روسیه-نک غرب جهتده و پترسبورغك 809 كيلومتره جنوب غربیسنده اوله-رق %ینمن\$ نهریله %ویلیا\$نك محل تلاقیسنده و بونك ایکی کنارنده واقع ایالت مرکزی بر شهر اولوب، 50493 اهالیسی، ایکی اعدادی مکتبیله متعدد مکتب سائره-سی، صابون، ایپ، چینی، باصمه و سائره فابریقه-لریله دباغخانه و دمیر دوکخانه-لری، پروسیه و لهستانله ایشلك تجارتي و سنه-ده بر قوریلوب ایکی هفته سورن پنایری وارد. اهالیسنك بر بیوک قسمی اسرائیلی و 350 سی مسلماندر.

-* قوونو ایالتی لیتوانیه@1 خطه-سنده واقع اولوب، شمالاً و شمال شرقی جهتندن قورلانده، غرباً ینه قورلانده ایالتیله و بروسیه ایله، جنوباً %سووالیکی\$ و %ویلنو\$، شرق جنوبی طرفندن دخی ینه ویلنو ایالتلیله محدوددر. مساحه سطحیه-سی 40641 مربع کیلومتره اولوب، 1551635 اهالیسی وارد. اراضیسی دوز و آجق اولوب، 250 متره-یه واره-میان بعض تپه-لری وارد. %ینمن\$ ایرماغی حدود جنوبیه-سنی آبروب، مرکز ایالت اولان %قوونو\$ شهرنده شرقدن کلن %ویلیا\$ نهری و دها آشاغیده ایالتك و سطلرندن کلن نويا، دوبسه و دیگر بر قاچ جای دخی بو ایرماغه دوکیلور. %آ\$ ایرماغنی تشکیل ایدن بر قاچ جای دخی ایالتك قسم شرقیسنده و %دینداؤ\$ ایرماغنه تابع بر قاچ نهری دخی قسم غربیسنده شماله طوغری آقار؛ ایالتك قسم غربیسنده طوغریدن بالطیق دکیزینه منصب بر قاچ نهری وارد. الحاصل میاه جاریه-سی چوقدر. طوپراغی منبت و هواسی معتدل و رطیب اولوب، اراضیسنك یوزده 60 ی یعنی 2752000 یکی دونمی اراضی مزرعه-دن، یوزده 14 ی اورماندن و یوزده 13 ی چاپردن عبارتدر. محصولات ارضیه-سی برنجی درجه-ده چاودار و بعده آرپه، بغدای، یولاف، مصر، پتاته و حبوباتك چوغی اسپیرتو اخراجنده قوللانیلیر. کورود و دمیر معدنلریله میاه معدنیه-سی-ده چوقدر. حیواناتی و علی الخصوص صیغیر و بیکیرلریله قویون، کچی و طوموزلری چوق اولوب، آنجق بیکیرلری پک عادیدر. وقتیله آریلری چوق ایدیسه-ده، اورمانلرله برابر ازالمشدر. 452 مربع کیلومتره وسعتنده اولان کوللرنده و نهر و ساحلرنده کلینتی بالیق صید اولنور. صنایعی هنوز کری اولوب، آنجق اسپیرتو و مسکرات ایله طوغله و سائره چیقاریر بعض فابریقه-لری و دباغخانه-لری وارد؛ و قادینلر احتیاجات محلیه ایچون ال ایله بعض منسوجات یاپارلر. تجارتي باشلیجه یهودیلرک ننده اولوب، خرستیانلری تنبل و قیدسز آدملردر. اخراجاتی کراسته، اودون، ذخایر، اسپرتو، دری، پیاغی، کتن، طوموز قیلی و سائره-دن عبارتدر. وقتیله (لیتوان)لرله مسکون اولوب، 1569 ده لهستانه الحاق اولنمش، و لهستانك ایلك مقاسمه-سنده بتون لیتوانیه ایله برابر روسیه-نك ضبطنه کچوب، 1842 ده آیریجه بر ایالت اتخاذ ایدلمشدر. شمديکی حالده دخی اهالیسنك اوچ ربعی لیتوان اولوب، قصوری اسرائیلی، روس، آلمان و تاتارد. ثلثانی قتلویک و بر ثلثی پروتستان، موسوی، اورتودوقس و مسلماندن عبارت اولوب تاتار جنسیتنه منسوب اولان اهالی اسلامیه-سی 665 کشیدن عبارتدر، و ویجی قصبه-سنده بر جامعلری وارد. ایالت داخلنده 5 مکتب اعدادی و بر خیلی مکتب سائره وار ایسه-ده، معارف پک کری اولوب، 200 کشیده آنجق بر مکتب شاکردی بولنیور. ایالت 7 قضایه منقسم اولوب، 11 شهری 249 قصبه و چارشیلی بیوک قریه-سی، 1209 کوی و 9073 چفتلك و مزرعه-سی وارد.

1-3786-5

قووه

1#

انكلتره-نك %ويخت\$ آطه-سندھ و %سوتامپتون\$ ايلتندھ اوله-رق %نيوپورت\$ك 7 كيلومتره شمالندھ و %مدينا\$ خليجك ايكى كنارندھ بر قصبه اولوب، 7790 اھاليسى، ايشلك ليماى و جوارندھ قراليجھ-يھ مخصوص بر كوشكى واردر.

2-3786-5

قووه

1#

ايرلانده-نك %قورق\$ ايلتندھ و %غریت قووه\$ جزيره-سنگ ساحل جنوبيسندھ اوله-رق %قورق\$ك 16 كيلومتره جنوب شرقيسندھ بر قصبه و اسكله اولوب، 7000 اھاليسى، واسع ليماى، كوزل ريختملى و دكيز حماملى واردر.

3-3786-5

قوويله

1#

پورتكيزك %بيرا\$ ايلتندھ و %غورده\$نك 35 كيلومتره غرب جنوبيسندھ %قاستلورائقو\$ قزاسنه ملحق بر قصبه اولوب، 8840 اھاليسى، جوارندھ ايليجه-لى و چوخه و سائره فابريقه-لى واردر.

1-3787-5

قوھاھوئيله

1#

[[قوآھوئيله]](ماده-سنه مراجعت).

2-3787-5

قوھذ

رى جوارنده عليى و سفلى صفتلريله ايكى بيوك قريه اولوب، چارشيلرى و خيراتى اولديغنى ياقوت حموى بيان ايديور.

3-3787-5

قوهستان، ياخود قهستان

فارسى كورهستاندن معرب اولوب، خراسانك قسم شماليسييله مازندران و طبرستان جهتلرينه و نهاوند و همدانه قدر اولان يوكسك و طاغلق يرلره ويريلن اسمدر. آنجق بو يرلرك يالكز يوكسك محللرينه تخصييص اولنمغله، اتكلرنده بولنان معمور يرلره بو اسم اطلاق اولنمازدى. قوهستانك اكثر اهالييسى كرد عشيرتلرندن عبارت ايدى.

4-3787-5

قوهوئس

1#

آمريقاي شماليده ممالك مجتمعه-نك %نيويورق\$ حكومتنده %البانى\$ قونتلغنده و آلبانينك 13 كيلومتره شمالنده اوله-رق %هودسون\$ كورفزينه دوكيلن %موهاون\$ نهري اوزرنده بر قصبه اولوب، 15360 اهالييسى و چوخه ايله كاغد و سائره فابريقه-لرى واردر.

5-3786-5

قۇيق

حلب شهرى ايجندن كچن نهري اولوب، عيتتابك جنوبنده نبعانله، جنوبه طوغرى جريان ايدى-رك، شهر مذكورك باغچه-لرينى اروا ايندكدن صكره، قنسرين خرابه-لرى يانندن كچه-رك، %المرج الاحمر\$ دينلن بر بطاقلده محو اولور. قيشين صويى چوق اولوب، بو بطاقلق بر كول صورتتى آليز؛ يازين ايسه اولانجه صويى-ده باغچه-لرك سقينده قوللانيلوب، يولده قورور. صويى پك لذىذ و خوشكواردر.

6-3787-5

قويلحصار

سيواس ولاينك قره-حصار شرقى سناغنده و قره-حصارك 55 كيلومتره غربنده اوله-رق كلكىت نهرينك صاغ كنارنده بر قريه اولوب، قديمأ %قولونيا\$ اسميله بتون سناغى تشكيل ايدن خطه-نك مركزى مستحكم بر شهر

ایدی. شمیدیکی حالدی خراب اولوب، قضانك مركزی دخی اولمدیغی حالدی، داخل اولدیغی قضا بونك اسمیلدی مسمادر.

-* - قولیحصار قضاسی شرقاً نفس قره-حصار و صو شهری، غرباً حمیدییه قضالریله، جنوباً سیواس سنجاغیله، شمالاً دخی طریزون ولایتیله محدود اولدیغی حالدی، 9 ناحیه و 29 قریه ایله 14500 اهالی-یی جامعدر. مركزی %میشاز قریه-سیدر. اراضیسی طاغلق و یوکسك اولوب، اورمانلری چوق و مرعالی کوزلدر. اراضی مزرعه-سی 178886 دونمدن عبارت اولوب، محصولاتی: بغدای، آرپه و سائر حبوباتله طوت، الما، اوزوم، آرمود، ویشنه، کراز، زردالی، اریک و سائر میوه-لرله و سبزه-لرک انواعندن عبارتدر. حیوانات اهلیه-سی: قیون، کچی، صیغیر و سائر-در. قضا داخلنده بر ایکی یرده باقییر معدنی وار ایسه-ده، چیقارلاماقده-در. مرکز قضاده هفته-ده بر کره بازار قوریلور. درون قضاده 53 جامع و مسجد و بر رشدییه ایله 65 صبیان مکتبی واردر. اهالیسنك نصفندن زیاده-سی مسلم و قصوری لسان ترکی ایله متکلم روم (?) و مذاهب ثلثه-یه منقسم ارمنیدر.

7-3787-5

قوینستون

1#

ایرلانده-ده مونستر ایالتنك قورق سنجاغنده و قورقك 14 کیلومتره شرق جنوبیسنده اوله-رق %غربیت اسلاند& جزیره-سنك جنوبی ساحلنده بر قصبه اولوب، 9755 اهالیسی، کوزل لیمانی، استحکاماتی، کوزل منظره-سی، دکیزبانیه-لری و کوشکلریله تفرجگاهلری واردر. و قتیله %قووه اوف قورق\$ اسمیله مسمی اولوب، 1849ده، قرالیچه-نك بر زیارتی اوزرینه ((قرالیچه قصبه-سی)) دیمک اولان بو اسمله تسمیه اولنمشدر.

-* - انکلیز مهجرلرنده بو اسمله بر قاچ کوچك قصبه دخی واردر.

8-3787-5

قوینسلاند

1#

اوسترایانك منقسم اولدیغی بش مهجرک بری و اک شمال شرقیسنی اولوب، جنوباً جنوبی یکی والس ایله، غرباً جنوبی اوسترایا مهجریله و بوکا ملحق اراضی شمالیه ایله، شمالاً %قارینتاریه\$ کورفرزی و تورس بوغازیله شرقاً و شمال شرقی طرفندن دهی بحر محیط معتدل ایله محاط و محدوددر. منتهای شمالیسی %یورق\$ اسمیله مثلث الشکل بیوک بر شبه جزیره-دن عبارت اولوب، اوجی یکی کینه-نك قارشیسنه قدر چیقار. حدود غربیه-سیله حدود جنوبیه-سنك قسم اعظمی خطوط مستقیمه مفروضه-دن عبارتدر. منتهای شمالیسی قارشیسنده-کی جزایر ملحقه-سیله برابر 10° عرض جنوبیدن 29° عرض جنوبی-یه و تقریباً 136° طول شرقیدن 151° طول شرقی-یه قدر ممتد اولوب، شمالدن جنوبه بویی 2290 و 25° عرض جنوبیده اولان اک کنیش یرنده اکی تقریباً 1500 کیلومتره-در. مساحه سطحیه-سی 1730721 مربع کیلومتره و اهالیسی تقریباً 460000 کشیدر.

بو مهجرک ساحل شرقیسی پک کیرینتیلی چیقتیلی اوله-رق جنوب شرقیدن شمال غربیه ممتد بر قوس تشکیل ایدوب، بو ساحله متوازیاً بر صره طاغیر اوزانیور، که بونلر بربرلرینه مربوط اوله-رق مختلف استقامتلرده ممتد، و بر طاقم قول و شعبه-لری ایچ طرفلره قدر اصل اولور. بونلر مملکتک جنوب جهتده دها یوکسک اولوب، اک یوکسکلی 1737 متره ارتفاعده-در. شماله طوغری کیدلکجه، ارتفاعلی آزالوب، آنجق %یورق\$ شبه جزیره-سنگ مبدآنده یکیدن یوکسله-رک، 1658 متره ارتفاعی بولور. بو طاغیرک انکلیزلر طرفندن موضوع اسامیسنی تعداده حاجت یوقدر. بو سلاسل جبالک شرقنده تا حدود غربیه-یه قدر سطح مائل حالنده و یالکز تک توك تپه صره-لرینی و آز یوکسک منفرد طاغیری حاوی واسع اووه-لر ممتد اولوب، دنیانک اک کوزل مرعالرینی تشکیل ایدرلر. بو طاغیردن بد چوق انهار نبعان ایدوب، بر طاغیرلی سلاسل جبالک آره-لرنده طولاشه-رق، و بر طاقم بوغازلردن کچه-رک، بحر محیط معتدله دوکیلور؛ و بر طاغیرلرده ایچ طرفه طوغری جریانله، واسع یایله و اووه-لری شق ایده-رک، بحر محیط جنوبیه ویا شمالده-کی قارپنتاریه کورفری منتهی اولورلر. توصیف میاهجه مملکت 4 حوضه-یه منقسم اولوب، برنجیسی بحر محیط معتدل مائله-سیدر، که سلسله جبالدن اینوب بحر مذکور حوضه-سیدر، که شماله طوغری جریانله مذکور کورفره دوکلین انهارک حوضه-لرندن عبارتدر؛ اوچنجیسی %دارلینگ\$ نهر عظیمه و اوندن %موری\$ ایرماغنه دوکلمک اوزره جنوبه طوغری آقان انهارک یئاقلرینی حاوی اولان قسمی جنوبیسیدر؛ درنجیسی دخی %ایره\$ کولنه دوکلمک اوزره غرب جنوبی-یه آقان انهاری جامع اولان قسم غربیسیدر. صولرینک بو وجهله هر طرفه آقمسی قوینسلانک اوسترایایه کوره یوکسک بر یر اولدیغنی انهاری جنوبدن کوستریور. برنجی مائله-نک اک بیوک انهاری جنوبدن باشلایه-رق: لوغان، بریسبانه، ماری، بورتت، قولان، باقله، بونیه، قالیوپه، هپسندن، بیوک اولان و ماکنزیه ایله دواسوندن ترکیب ایدن %فیچروی\$، پیونیر، بوردکین، بلیاندو، هربرت، کندی بر قاق قیصه چاپلردن عبارتدر. ایکنجی حوضه-ده-کیلرک اک بیوکلی: میچل، استاتن ریور، وان دیمن، نورمان، فلیندرس، لیچهارد، آلبرت، جورجی و سائر-در. دارلینگ نهرینک قوینسلاند مهجرنده-کی تابعلرینک باشلیجه-لری: قوندامینه، وارغو، ولام، مونغاله، نییه، پارو، بولو و سائر-در. نهایت %ایره\$ کولنه منتهی اولانلرینک باشلیجه-لری: دیامانتینه، بارقو، (و نام دیگرله ویقتوریه)، هامیلتون، قاقوری، مولیغان و سائر-در. بونلردن بشقه بو حوضه-لرک درنده دخی مملکتک ایچنده کوچک کوللر و بطاقلر تشکیل ایده-رک هیچ بر طرفه آقیمان انهار دخی واردر. قوینسلانک ساحل شرقیسنک بر حال مخصوصی واردر، که اوده ساحل شرقیسنده بوینه بر صره صیغیر و قیالر بولنمیسیدر. بک سیرک یرلرده کمیلره کچید ویرن و ((بیوک سد)) تعبیر اولنان بو صیغیر صره-سی بحر محیط کبیرک جسیم طالغه-لرینک کیرمسنه مانع اولمغله، بو سدله ساحل آره-سندده-کی دکیز دائما ساکن و سیر سفانته پک صالحدر. قیالردن ینه خالی دکل ایسه-ده، صوی پک براق اولدیغندن، کمجیلر صویک 9 متره آلتنده بولنان قیالری دخی کمینک اوستندن کوره بیلیرلر. مذکور سددن بشقه ساحلک قربنده بر چوق آطه-لر و قیالر بولنوب، بونلر ساحلک کیرنتی و چیقتیلرله برلشه-رک، بر چوق کوزل لیمانلر تشکیل ایدیورلر. سد ایله ساحل آره-سندده-کی سفاین یولی بر چوق فنارلرله تنویر اولمشدر. جزایر مذکور-نک اک بیوکلی: حدود جنوبیه قربنده-کی استرابروق و مورترن و شماله طوغری صره ایله فرازر، قورتیسی، کومبرلاند، هینچینبروک، لیزارده آطه-لری و دها بر چوق آطه-لر و منتهای شمالنده تورس بوغازینک ایچ طرفنده مولغراو و پرنس دوغال جزیره-لری بولنیور. قارپنتاریه کورفرینک بو مهجره عائد اولان سواحل شرقیه و جنوبیه-سی ایسه دوز اولوب، کیرنتی و چیقتیلری یوق کبیرد. کورفرک منتهالا جنوبنده %ولسلی\$ جزایر مجتمعه-سی بولنیور، که اک بیوکلی %مورنینغتون\$ آطه-سیدر.

هواسی شمالدن جنوبه و ساحلدن ایچ طرفله طوغری تخلف ایدرسه-ده، عمومیت اوزره معتدل و صاعلام اولوب، عرضنک اقتضاسی درجه-ده حرارت یوقدر. مرکزی اولان و ساحلنک جنوب جهتنده بولنان %بریسبته\$ده میزان الحراره-نک وسطی درجه-سی 21در. شماله و داخله طوغری کیدلدکجه، بالطبع حرارت آرتار. سواحلده یاغورلری زیاده اولوب، ساحل بوینجه ممتد اولان طاغلرک غربی مائله-سند و داخلی اووه-لر نادراً یاغور یاغار. اورانک قیشی اولان حزیران و تموز و اغستوس آیلرنده جنوب شرقیدن، و اورانک یازی اولان کانولرله شباطده شمال غربیدن موسم روزکارلری اسر، آوسترالیانک سائر طرفلرنده داخلی چوللردن کلن قیزغین روزکارلر بو مهجرده اسمیور. اک زیاده مستولی اولان خسته-لقتر قره جکر و باغرساق امراضیدر. اشجار و نباتاتی چوق و متنوع اولوب، آوسترالیا و هند و مالزی نباتاتنک اکثری بو مملکتده حاصل اولور. علی الخصوص یاغوری چوق اولان ساحل جهتنده اوقالیبتوسلر 90 متره قدر یوکسک اولور. حرما جنسندن اولان اشجاری شماله طوغری کیدلدکجه چوغالوب، آقاسیا اشجارینک انواعی دخی چوقدر. آغاج ایله اوت آره-سند اولوب، قالین صاپلری و بیوک یاپراقلری اولان نباتات انواعی-ده کثیردر. مرانغوزلغه یارار اشجاری چوق اولوب، علی الخصوص قزمیری رنکده بر نوع سدروس چوق مقبول اولمغله، نقلی قولای اولان یرلرده جنسی منقرض اوله-جق درجه-ده کسیلوب اخراج اولنمشدر. انهارک و ادیلرنده و صو آلتنده بولنان اووه-لرده طوپراق منبت اولوب، هوا و اقلیمک اختلافی جهتیله ممالک حاره و معتدله محصولات مختلفه-سی یتشدیریله-بیلیر. شمعی-یه قدر پتاته، مصر، پرنج، قهوه، شکر قامشی، توتون، پاموق، چیویت، قاؤن، قاقاو، امکک آغاجی، آراروت، زنجفیل، هندستان جوزی و آوروپانک اکثر میوه و سبزه-لری یتشدیرلمشدر. باغلر دخی یتشدیریلوب، یمکه و شراب اعمالنه پک الویریشلی کوزل اوزوملر حاصل اولمشدر. ذخایردن صکره اک زیاده اهمیت ویریلن محصول شکر قامشی اولوب، بونک زراعی کندیلری شکر فابریقه-لری اداره، ویا بر قاچی بر شرکت تشکیلیه بر فابریقه انشا، ویا محصوللرینی فابریقه تورلره فروخت ایدرلر. مقدا شکردن صکره پاموغه اهمیت ویریلیورسه-ده، آمریقایه قارشلی رقابت ممکن اوله-مدیغندن، بونک یتشدیرلمسی اهمال اولنمشدر. اراضی مزروعه-سی 85000 یکی دونم قدر اولوب، بونک 21000 دونملکی شکر قامشی، 30000 دونملکی مصر، 3500 دونملکی بغدادی تارله-سی 510 دونملکی باغ، 401 دونملکی پورتقال، 828 دونملکی موز و 229 دونملکی-ده آناناس باغچه-لرندن و قالانی صنعی چاپرلرله سبزه باغچه-لرندن عبارتدر. لکن مملکتک قسم اعظمی و علی الخصوص ایچ طرفلری مرعالق اولوب، اهالیسی چوغالدقجه، برنجی مدار تعشیلری اولان حیوانات اهلیه-سی-ده تکز، ایدیور. طقوز سنه اول-کی استاتیقه کوره بو مهجرده 13444005 قیون، 4654932 صیغیر، 324326 خرکله، و 68944 طوموز وار ایدی. حیوانات وحشیه-سی آوسترالیا په مخصوص حیوانلرک انواعیله آسیا جزایرینه و علی الخصوص یکی کینه-یه مخصوص بعض اجناسدن مرکب اولوب، هله قوشلری تولیدرینک کوزللیکله مشهوردر. قانغورونک انواعی و کومسلره مسلط صاکسار کبی حیوانلرده چوقدر. معادنجه بو مملکت بتون آوسترالیانک اک زکین یری اولوب، برنجی درجه-ده آلتون معدنلریدر. بونلرک چوغی %۱۰ روقها مپتون \$ اسکله-سنگ ایچ طرفلرنده اولوب، اک بیوکلری %۱۰ مونت مورغان \$ معدنیدر. کومش، باقیر، قورشون، دمیر، قلا، نیکل، آنتیمون و سائر معدنلر دخی کثرت اوزره بولنوب، بیکلرجه عمله اخراجرینه چالشمقده-در. لکن مملکتک اصل ثروتتی و استقبال ایچون معموریتتی تأمین ایدن کمور معدنیدر. بو مهجرک کموری هر یردن زیاده اولوب، شمیدکی حالد چیقار یلانی موجودینی نسبةً لا شی حکمنده ایکن، ینه مملکتده-کی فابریقه-لرله معدن قالخانه-لرینی و دمیر یول و واپورلری اداره ایدوب، بر کون بتون کره ارضک قسم جنوبیسنک کمور انباری حکمنه کچه-جکدر.

اهالیئیک قسم اعظمی انکلیز اولوب، بونلر تولداتله آرتدقلردن بشقه، سنه-دن سنه-یه بر چوق یکی مهاجرلر دخی کیدوب، یرلشمکده-در. بر قاچ بیک چیلنی و بحر محیط جزایری یرلیرلردن معادن و زراعت و سائر ایشلرده استخدام اولنمقده ایسه-ده، بونلر جزئی بر اجرته چالیسوب، آروپالی عمله-یه ایش بر اقمکلرندن، حکومت چینلیریله جزایر مذکوره اهالیسنک مهجره دخوللرینی منع ایتمک چاره-لرینی دوشونمشدر. اصل یرلیرلر ایسه 20000 کشی قدر تخمین اولنوب، ایچ طرفلرده-کی واسع اووه-لرده جولان ایدرلر. بونلر تاممیله وحشی حالنده یاشایوب، بالیق، بیلان، بوجک کبی اللرینه کچن شیلرله و حتی لاشه ایله دخی بسنیرلر، و بولدقلرنده آدم اتی دخی یرلر. هر نه قدر نکاوت فطریه-لری اولوب، اوقویوب یازمق و بعض ایشلر و صنعتلر اوکرنمکده استعداد کوستر مشلرسه-ده، آروپالیلر بو مملکت ایله دخوللرنده کندیلرینه حیوان معامله-سی ایدوب، آ اولدیرر کبی و حتی فاره کبی استرقتین ایله دخی اتلاف ایتدکلرندن، امنیترلی قالمیوب، آروپالیلردن قاچیورلر، و اللرندن کلکجه بونلری مرحمتسزجه اولدیرمکده-در قصور ایتمیورلر. مع هذا بعضلری عمله و چوبان صفتیله آروپالیلرک خدمته کیرر، و قاریلری-ده خدمتجیلک ایدرلر. آنجق مقدارلری کوندن کونه آلامقده اولوب، قریباً بسیتون محو اوله-جقلری آکلاشیلیر.

صنایع هنوز کری اولوب، محصولات ارضیه-نک استحضاریله باصدیرمه، توتون، صابون و سائر-یه مخصوص فابریقه-لری و دباغخانه-لری واردر. اخراجاتی بالشیجه بیاغی، باصدیرمه، شکر، معادن، دری، ایچ یاغی، اینجی، صدف و سائر-دن عبارت اولوب، سنوی 200 ملیون فرانغه تقرب ایدر، و اخراجاتی اوندن آشاغیدر. دمیر یوللرک ایچری-یه طوغری تمدید و تکثیرینه حکومتجه زیاده سعی و غیرت اولنمقده اولوب، مرکزی اولان بریسبانه اسکله-سندن بدأ ایدن خطک بر شعبه-سی بونک جنوبنده یکی والس و ویقتوریه دمیر یوللریله التصاق پیدا ایدر، و بر شعبه-سی مملکتک ایچ طرفنه طوغری خیلی ایلری-یه قدر کیدر. روقهامیتون اسکله-سندن بدأ ایدن خط دخی ایچری-یه طوغری او قدر ممتد اولوب، معدن محللرینه-ده شعبه-لری واردر. توونسویل و قوقون اسکله-لرندن بدأ ایدن یکی خط دخی کیتدکجه ایلری کیتمکده-در. قوینسلاند دخی آوسترالیانک دیگر مهجلیری کبی اداره داخلیه-سندده مستقل اولوب، طوغریدن طوغری-یه لوندره قابنتوسندن منصوب بر والینک تحت اداره-سندده-در. حکومت طرفندن قید حیات شرطیله نصب اولنمش 39 اعضادن مرکب بر هیئت اعیانیله 59 کشیدن مرکب بر مجلس مبعوثانی واردر. والی طرفندن نصب اولنور یدی مدیردن مرکب بر هیئت مدیرانی اولوب، اجرات بونلرک النده-در. و بونلر النده-در، و بونلر مجلس مبعوثان نزدنده اجرا آتدن مسئولدرلر. مملکت 12 ایالته منقسم اولوب، بونلرک هر بری قضالره و قضالر ناحیه-لره منقسمدر. اهالی چوغالوب، معمور یرلر توسع ایتدکجه، قضا و ناحیه-لرک عددی آرتار. واردات و مصارف سنویه-سی 90 ملیون فرانغی متجاوز یعنی 4 ملیون عثمانلی لیراسنه قریب اولوب، باشلیجه وارداتی کمرک رسومیله اراضی خالیه-نک فروختندن و دمیر یوللرک تمتعی کبی شیلردن اولوب، اشخاص و املاکدن چوق ویرکی آلمیور. دائمی عسکری 3500 کشیدن عبارت اولوب، بونلرک 2000 عساکر میله، 400 کوللی و 100 نظامیه-در. 18 یاشندن 60 یاشنه-دک اولان ارککلرک جمله-سی عساکر ملیه-دن معدود اولوب، حین حاجنده سلاح آنته آنه-بیلیرلر. مکاتب ابتدائییه حکومتک تحت اداره-سندده اولوب، مکاتب رشدییه و سائر-نک-ده حکومتدن تخصیصاتی واردر. مکاتب ابتدائییه 600 قدر اولوب، سکز اون مکاتب رشدییه و اعدادیه دخی واردر. بریسبانه-ده بر قاچ سنه اول بر دارالفنونک تأسیسی متصور ایدی.

آوسترالیانک قوینسلاندی تشکیل ایدن سواحلی اک اول 1770 تاریخنده قبودان قوق طرفندن کشف و تحقیق اولنوب، بعده بر قاچ سیاح ایچ طرفلرینی-ده کز مشلردر. 1825 ده مجرملر ایچون بر منفا بولمق مقصدیله بر مأمور مخصوص کوندریله-رک، بریسبانه نهری منصبنی انتخاب ایتمس؛ و او سنه-دن بر یکی قافله مجرمین

كوندرلمش؛ 1839ده منفى لغو اولنوب، جنوبى يكي والس مهجرينك بر قضاىنى تشكيل ايدن بو ير ايستين مهاجرلرك اسكاننه سربست براغلمش ايدى. متعاقباً آلتون و كمور معدنلرينك كشفى اوزرينه، بو مملكت شماله طوغرى توسع ايدوب، 1859ده اورالرى يكي جنوبى والسدن بالتفريق، آبريجه بر مهجر اتخاذ اولنمشدر. تفريقنده اهاليسى 25000 كشيدين آشاغى ايدى.

1-3791-5

قونئقه

1#

اسپانيه-نك يكي قاستيله خطه-سندھ و مادريدك 170 كيلومتره شرقى جنوبيسنده اوله-رق %جوقار\$ ايله %هونقار\$ نهرلرى ملتقاسنده صرب بر قيآنك اوزرنده مؤسس ايالت مركزى بر قصبه اولوب، 7375 اهاليسى، عربلردن قالمه سور و قلعه كبي آثارى و مذكور ايكي نهرك اوزرنده متعدد كوپريليله اطرافنده منبت اووه-لرى واردر. وقتيله چوخه و قيومجبلغه متعلق موادله سائر معمولات صنايعيه-سى مشهور ايكن، شمدى سونوك بر حالده-در.

-* - قونئقه ايالتى يكي قاستيله خطه-سندھ شرقى جنوبى قسمندن عبارت اولوب، شمالاً غوآدا لاجاره، شمال شرقى طرفندن تروئل، شرقاً والنسه، جنوباً آلباسته و چوداد ربال، غرباً تولده و مادريد ايالتلريله محاط و محدوددر. مساحه سطحيه-سى 17193 مربع كيلومتره اولوب، 242462 اهاليسى واردر. هر طرفى و على الخصوص شرق و شمال جهتلرى بك طاغلق و غرب و جنوب جهتى مرتفع ياييله-لردن عبارت اولمغله، هر وقت ارباب عصيانك ملجئ اوله-كلمشدر. بحر سفيدھ دوكلين %جوقار\$ ايرماغى ايالتك قسم شرقيسنى شق ايدوب، بوكا تابع %غوآداجاؤن\$ و %غابريل\$ نهرلرى دخى او جهنده آقار. بحر محيط اطلاسى-يه منصب اولان %تاج\$ ايرماغى دخى ايالتك شمال غربى جهتنده خط حدودى تشكيل ايدوب، شمال جهتنده آقان %غوآديله\$ نهرينى آير. جنوب شرقى طرفنده جريان ايدن %زانقاره\$ و %جوديله\$ نهرلرى ايسه %غوآديانه\$ ايرماغنه تابعدر، كه بوده قاديى كورفيزينه دوكيلور. بو وجهله ايالتك اراضيسى اوچ مختلف حوضه داخلنده بولنيور. قيشلرى بك اوزون و صوئوق اولوب، يازلرى-ده صيجاقدر. ياغمورلرى آز هواسى يابسدر. مع هذا هواسى صاغلامدر. قابل زراعت اراضيسى آز اولوب، ذاتاً سيرك اولان اهاليسى باشليجه حيواناتله اشتغال ايدرلر. طاغلرنده باقير، دمير، كمور، قورشون، آلتون، قياطوزى و سائر معدنلر بولنوب، يالكز دمير و باقير معدنلرى چيقارلمقده و بر قاچ دوكمخانه و دميرخانه بولنمقده-در. مادريدن مركز ايالته قدر بر دمير يول خطى بولنوب، سائر طرفى و تجارت و صنايع و معارفى بك كريدر. ايالت 8 قضا و 268 ناحيه-يه منقسمدر.

2-3791-5

قونئقه

1#

آمریقای جنوبیہ اقوآدور حکومتنده و %کیتو\$نک 365 کیلومتره جنوب غربیسنده اوله-رق 2880 متره-لك ارتفاعده واقع ایالت مرکزی بر شهر اولوب، 25000 اهالیسی و پک لطیف هواسی واردر. اسکی آمریقایلرک %تومیامیه\$ شهری موقعنده بولنمغله، اطرافنده بعض آثار عتیقه-سی واردر. *- ایالتی 29288 مربع کیلومتره وسعتنده اولوب، 105000 اهالیسی و قینه قینه ایله شکر اخراجاتی واردر.

3-3791-5

قوئن لون

1#

چین دولتنک غرب جهتنده نیبت ایله ترکستان شرقی آر-سندده غربدن شرقه ممتد بیوک بر سلسله جبال اولوب، بو ایکی خطه-یی بربرندن ایردقدن صکره، چینک ایچنده %هوانغ هو\$ ایله %یانغ چه کانغ\$ ایرماقرینک حوضه-لری آر-سندده شرقه طوغری ممتد اولور، 42 درجه جغرافییه یعنی تقریباً 3835 کیلومتره-لك محله اوزانیر، بر چوق قول و شعبه-لرردن مرکب اولوب، اورته-ده-کی اک یوکسکی 35° عرض شمالی خط موهمندن چوق ایرلمیور. هر نه قدر هیمالایه سلسله مشهوره-سینک یوکسک ذروه-لری بو سلسله-نک ذروه-لرندن یوکسک ایسه-ده، عمومیت اوزره حساب اولنوب، وسطی ارتفاعنه اعتبار اولنورسه، قوئن لون سلسله-سی هیمالایه-دن مرتفع اولوب، وسطی ارتفاعی 6000 متره-در.

1-3792-5

قوئواس

1#

اسپانیه-نک آندالوسیه خطه-سندده %المریه\$ ایالتنک %ورا\$ قزاسنده و %ورا\$نک 7 کیلومتره شمال غربیسنده اوله-رق %المنصوره\$ نهری اوزرنده بر قصبه اولوب، 7500 اهالیسی و اطرافنده پک منبت بر اووه-سی واردر. *- ینه آندالوسیه-ده مالفه ایالتنک %آرشیدونه\$ قزاسنده و آرشیدونه-نک 18 کیلومتره شمالنده اوله-رق شنیل نهری اوزرنده دخی بو اسمله بر قصبه اولوب، 4000 اهالیسی و قربنده غریب مغاره-لری واردر.

2-3792-5

قویوتپک

1#

آمریقای وسطینک سالوادور حکومتنده و سان سالوادورک 35 کیلومتره شرق شمالیسنده 1560 متره ارتفاعی اولان همنامی برکانک شمالی اتکنده و همنامی بر کولک قربنده بر قصبه اولوب، 15000 اهالیسی واردر. 1854ده، سان سالوادورک زلزله-دن خراب اولمسی اوزرینه، موقتاً مرکز حکومت اتخاذا اولنمشدی.

3-3792-5

قویوچی مراد پاشا

سلطان احمد خان اول دورنده مسند صدارت عظمایه کچن وزرادن اولوب، خرواتی الاصلدر. حرم همایونده تربیه اولنه-رق، 965 تاریخنده والی مصر محمود پاشایه کنخدا اولمش، و 975ده وزرای مصر سلکنه التحاقله، 979ده مشهور سنان پاشا معیننده یمنک فتحنده بولنمغله، ایکی سنه قدر یمن بکلر بکیسی اولمشیدی. بعده در سعادتله کله-رک، قره-حصار شرقی سناغنه و صکره دیکر سناقلره و اوچ دفعه دیاربکر والیلکینه نصب اولنمشیدی. ایران سفرنده قره-مان ایلی والیسی اولدیغی حالده، اردوی همایونه التحاق ایده-رک، اسیر دوشمش؛ و قید اسارتدن رها بولوب در سعادتله عودت ایندیکنده، قبریس و بعده حلب و ینه دیکر بکر ایالتلرینه نصب اولنمشیدی. مجار سفرنده دخی حاضر بولنوب، حسن خدمت و استقامتی کورلمکله، 1015 تاریخنده اردوی همایونه سردار اولمش؛ و ایمپراطورله عقد مصالحه ایده-رک، بلغراد مشتاسنه عودت ایتمشیدی. او سنه درویش پاشا برینه مسند صدارت عظمایه ارقا اولنه-رق، در سعادتله عودتنی متعاقب، آناتولی و عربستان جهتلرنده ظهور ایتمش اولان قزلباش و سائرهدن بر طاقم اشقیانک دفع و تنکیلی ضمننده، اسکاداردن اردوی همایونله عزیمت ایدوب، جان پولاد زاده و عونه-سنی تنکیل اینتدکن صکره، حلب مشتاسنه عودت اینتدکن صکره، 1017ده اوتوز بیگ کشی ایله ظهور ایدن قلندر زاده-نک اوزرینه هجومله، بونی دخی قهر و تدمیر ایتمش؛ و هوادارلری ایرانله قاچمش ایدی. رؤساء اشقیان طویلک برادری میمونی قره-حصار شرقی جوارلرنده تنکیل ایدوب، بو سفرده یوز بیکن زیاده اشقیانک وجودینی قالدیردقن صکره، در سعادتله عودت ایده-رک، مظهر التفات پادشاهی اولمشیدی. 1518ده ایران سفری بهانه-سیله، بتکرار آناتولی-یه عسکر سوقیله، ایرانله طرفدارلق ایدن قزلباش و جلالی طاقمنی تنکیله باشلابوب، ایچ ایل متصرفی مصلی چاوشی و آیدین محصل یوسف پاشایی در دست و اعدام ایده-رک، بونلرک تخم فسادینی قوروتدقن صکره، در سعادتله عودتله برآز مدت اقامتدن صکره، ایرانله قارشی سفر آچلمغله، اسکاداردن اردوی همایونله عزیمت ایده-رک، بر محاربه قزانقدن، و ایران شاهنی طلب صلحه مجبور اینتدکن صکره، 1020ده مشتای آمده اجل مو عودتله وفات ایدوب، نعشی در سعادتله نقل، و بناکرده-سی اولان مدرسه-سی خطیره-سنده دفن اولنمشدر. مدت صدارتی 4 1/2 سنه اولوب، سنی طفسانه قریب ایدی. غیور و متدین بر ذات اولوب، طریق نقشبندییه انتسابی وار ایدی.

4-3792-5

قویونجق

موصلك 3 كيلومتره شرقنده بر ویرانه اولوب، مشهور نینوی شهر قدیمک مؤسس بولنمش اولدیغی اوچ تپه-نک بری و اک بیوکی اولدیغی حالده، خرابه طوغله-لرندن عبارت و بر چوق انقاضی حاویدر.

1-3793-5

قوئىتە

1#

چىنك ايالات وسطىيە-سندن %۹۰ ھونان \$ ايالتىدە و %۱۰ قابىغونگ \$ 140 كىلومىترە شرق جنوبيسندە واسع و پك منبىت بر اوو-نك ايچىندە سىنجاڭ مەركىزى بر شەھىردىر.

2-3793-5

قوئى چئو

1#

چىنك ايالات غەربىيە-سندن %۹۰ سە چوان \$ ايالتىدە %۱۰ ھان قاۋ \$ 450 كىلومىترە غەربىدە اولەرق %۱۰ يان چە كانغ \$ ايرماغىنك سول كىنارندە سىنجاڭ بر شەھىردىر. -* - يىنە چىنك يوننان خىطە-سندە و تونكىن حدودى قەربىدە دىخى بو اسملە بر شەھىر واردىر.

3-3793-5

قوئى چئو

1#

چىنك جنوب غەربىيە ايالاتىدە اولوب، شىمالاً %۹۰ سە چوئىن \$، غەرباً يوننان، جنوباً %۱۰ قوئىغىسى \$، شرقاً دىخى %۱۰ ھونان \$ ايالتىلە محاط و محدوددىر. °25 ايەلە °29 عرض شىمالى آرە-لرندە اولوب، مساحە سطحىيە-سى 174000 مەربەق كىلومەترە و اھالىسى 7700000 كىشىدىر. 13 سىنجاغە مەقسەم اولوب، مەركىزى %۱۰ قوئى يانغ \$ شەھىرىدىر. اراضىسى عومومىت اوزرە طاغلق و مرتفع اولوب، جنوب غەربىدىن شىمال شرقىيە طوغرى ممتد بر قاچ صرە طاغلىرى واردىر، كە بونلر ك بوغاز و كچىدىلر 1500 مەترە ارتقاعلرندە-دىر. بعض جەھتلىرىدە بىوكسىك اوو و يايىلە-لرندە عبارت اولوب، اوتە برىسندە مەفرد تىپە-لرلى واردىر. قىسم شىمالىسىنك مياھ جارىيە-سى شرقە طوغرى آقان %۱۰ يانغ چە كانغ \$ نەھر عظيمەنە، و قىسم جنوبيسىنك سولرلى دىخى قانتون قەربىدە مەنصب اولان %۱۰ سى كانغ \$ ايرماغىنە دو كىلوب، بو ايكىنجى ايرماغىنك اصل مەنابعى بو ايالت داخلىدە-دىر، و بر تابيعى ايالتك حدود غەربىيە-سىنى آيرىيور. ھواسى سرت و سريغ التحول اولوب، يازىن مەيزان الحارە 30 درجە-يە قدر چىقار؛ و قىشىن صفرە قدر اينە-رك قار دىخى ياغار، انھارىنك مىلانى آز اولمغە، مەجرالرنندە بر طاقم بطاققلر تىشكىل ايدوب، ھوايى اخلال ايدىرلر. برنجى درجە-دە مەھصولاتى بىغداى و مصر اولوب، چاى، توتون، كونلك، بر چوق نىباتات طىبىيە، كافور آغاچى، ياپراغى ايبىك بوجكى بىسلكدە مەستعمل بر جنس چىنار، بر جنس كتن و اخيراً ذرى مەتاد اولان آفبون و سائىرە دىخى حاصل اولور. لىكن مەملىتك زراعتدن زىادە حىوانات بىسلكە استىعداد طىبىيىسى اولوب، آتلىرى چىنك ك كوزلرندىن مەدوددىر. غەرب جەھتندە ماندە-لر بىوك سورىلر تىشكىل ايدىر. بر جنس بال مومى وىرر بر نوع بوجكى-دە اولوب، بو مومدىن كلىتلى اخراج اولنور. آلتون، كومش، جىوہ، دىمىر، قلاى، قورشون، باقىر، كىمور و سائىر مەعدنلىرى چوق ايسە-دە، يالكز باقىر و كىمور كلىتلى اخراج اولنوب، دىمىر و

جيوه-دن دخى بر مقدار چيقارلمقده-در. دوز يرلرينك اهاليى چينلى و طاغرد-ه-كيلر مستقل و نيم وحشى حالنده يشايان (مياؤچه) قومنه منسوبدرلر. صنايع محليه پك كرى اولوب، قبا بر جنس كاغد اعماليله اييك قماشلر نسجندن عبارتدر. تجارتي دخى كرى اولوب، باشليجه انهار طريقيه اجرا اولنورسه-ده، بو نهرلرك جمله-سى يالكز ايلتك حدودينه قدر سير سفائنه صالح اولوب، ايچرى-يه سفائن كيره-ميور. ايلتك اهاليى آز مقدارده و تنبل آدملىر اولديغندن، منابع طبيعىه ثروتدن استفاده ايده-ميوب، ايلت داخلنده بر فقر و تدنى حكم سورمكده و بعض اهاليىسده هجرت ايتمكده-در.

4-3793-5

قوئى كانغ

1#

چينك ايلات جنوبيه-سندن %قوانغ-سى\$ ايلتتده %سى كانغ\$ ايرماغنه تابع بر نهر اولوب، قو آنغ-سى ايلتتك حدود شماليه-سند-كى طاغردن نبعانله، جنوبه طوغرى جريان ايده-رك، %اوچئوفو\$ شهرينك اوست طرفنده مذكور ايرماغه دوكيلور. بو نهر تاجينك وسطلرنده بولنان %تونغ تينغ\$ كولنه دوكيلن %سيانغ كانغ\$ نهريله صنعى بر جدول واسطه-سييله اختلاط ايدر. منصبى قربنده اكي 300 متره-در.

5-3793-5

قوئى لين

1#

چينك ايلات جنوبيه-سندن %قوانغ-سى\$ ايلتتك مركزى بر شهر اولوب، آنف البيان قوئى كانغ اوزرنده و بو نهرى %سيانغ كانغ\$ نهرينه ربط ايدن صنعى جدولك مبدئى قربنده و قانتونك 400 كيلومتره شمال غربيسنده واقعدر.

6-3793-5

قوئيمبره

1#

پورتكيزك %بيره\$ خطه-سند و ايشبون-نك 217 كيلومتره شمالنده %موندغو\$ نهرى كنارنده و بر تپه-نك اتكند ايلت مركزى بر قصله اولوب، 18120 اهاليى، معتدل و لطيف هواسى، مكملى بر كتبخانه ايله موزه، رصدخانه تاريخ طبيعى نمونه خانه-سى، كيميا و حكمت عملياتخانه-لرى كبي تفرعاتى حاوى واسع بر دار الفنونى، كوزل بر نباتات باغچه-سى، نهرك اوزرنده بر كاركيور و دمير يوله مخصوص بر دمير كوپريسى و نهرك اوت-سند

كوزل پورتقال باغچه-لريله كوشكلرى واردر. اسكى بر شهر اولوب، اسم قديمى %قوئيميريا\$در. -* ايلتك مساحه سطحه-سى 3883 مربع كيلومتره اولوب، 320000 اهاليلى واردر. ايلت 14 قضايه منقسمدر.

1-3794-5

قوئى يانغ

1#

چينك جنوب غربى ايلاتندن قوئى چئو ايلتنك مركزى بر شهر اولوب، قانتونك 900 كيلومتره غرب شماليسنده و اوچ بيوك نهرك آره-سنده واقع اولمغله، اهميت تجاريه-سى واردر.

1-3794-5

قُهَنْزُ

((اسكى قلعه)) ديمك اولان %كن-دژ\$دن معرب بولنان بو اسم بر چوق قلاعه و على الخصوص بخارا، سمرقند، بلخ و نيشاپور شهرلرينك قلاعه اطلاق اولنوب، مشاهير علمان بر چوق ذوات بولنره نسبةً %قهنذى\$ لقبيله معروفدرلر.

3-3794-5

قياسى

سلطان بايزيد خان ثانى دورى شعراسندن و قضاتدن اولوب، قسطمونيللى اولديغى حالده، بر خيلى وقت اباليوب انصار يده نائب بولنمشيدى.

4-3794-5

قيالر

مناستر ولايتك سرفيجه سناغنده قضا مركزى بر قصبه اولوب، جمعه ويا جمعه بازارى دينمكله دخى معروفدر. ((جمعه)) ماده-سنه مراجعت بيوريله.]

5-3794-5

قيدو، ميرزا -*

تیمورلنک حفید زاده-سی اولوب، (میرزا پیر محمد بن غیاث الدین بن تیمور)ک اوغلیدر. پدری اصل تیمورک ولی عهدی اولدیغی حالده، سلطنته نائل اوله-میوب، مقتولاً وفات ایتمکله، صاحب ترجمه شاهرخ سلطان منشوریله بلخ و غزنه و کابل و قندهار یعنی شمدیکی افغانستان حاکمی اولمشیدی. 12 سنه قدر اجرای حکومتدن صکره، شاهرخک قندهاره سفرنده، فرار ایتمش ایسه-ده، متعاقباً هراتده شاهرخک نزدینه واروب، مظهر عفو و التفاتی اولمش ایکن، بعض مفسدلرک اغفالیه یکیدن فرار ایتمکنده، شهزاده بایسنقر طرفندن تعقیب و توقیفله، شاهرخک فرمانیه هراتده اختیار الدین قلعه-سنه حبس اولنه-رق، حکومتی سیوغتمش بن شاهرخه ویرلمش ایدی.

6-3794-5

قیدی

ایران شعراسندن اولوب، شیرازلیدر. شاه طهماسب صفوی زماننده جایزه امیدیه قزوینه کیدوب، او اثناده شاه مشار الیه وفات ایتمکله، اورادن جانب حجازه عزیمت، و وطنه معاودت ایتمشیدی. شو بیت اونکدر:

###

ای قدم ننهاده هر کز از دل تکم برون

حیرتی دارم که چون در هردلی چاکرده

\$

7-3794-5

قیربون

مکران یعنی بلوچستان ساحلنک اک بیوک معموره-سی اولدیغنی یاقوت حموی بیان ایدیور.

8-3794-5

قیرجه علی

ادرنه ولایت و سنجاغنده و ادرنه-نک 120 کیلومتره قدر عربنده اوله-رق آرده نهری اوزرنده قضا مرکزی بر قصبه اولوب، 2000 قدر اهالیسی، بر جامع شریفی، بر رشدییه و بری نکور بری اناثه مخصوص ایکی ابتدائیه مکتبلری، هفته-ده بر قویلور. پازاری و سنه-ده بر آرچیلیر حیوانات پنایری واردر. قصبه-نک بانسی ویا بادی تسمیه-سی اولان غزاتدن قیرجه علی بابانک تریبه-سی-ده داخل قصبه-ده-در.

*- قیرجه علی قضاسی شرقی روم ایلی حدودینه متصل اولوب، شمالاً ایالت ممتازة مذکوره ایله، شرقاً ینه خط امتیازله و اورته کوی قضاسیله، جنوباً و غرباً دخی دده آغاج سنجاغیله محاط و محدوددر. فخری مدیرلرله اداره اولنور 8 ناحیه و 94 قریه-یی حاوی اولوب، 34070 اهالیسی واردر. اهالیسی کافه مسلم و پوماق یعنی بلغار

لسانیله متکلم اولوب، شجاعت و حمیتله مشهوردرلر. اراضیسی عمومیت اوزره طاغلق اولوب، اورمانلری چوقدر. طوپراغنک قوه انباتیه-سی متوسط حالده اولوب، باشلیجه محصولاتی: بغدای، آریه، چاودار، یولاف، داری، فصولیه، نخود، مرجمک، توتون، اوزوم و میوه و سبزه-لرک انواعندن عبارتدر. اهالیسی آنجق چوراب، بز، تخته قاشیق کبی اوفق-تفک بعض شیلر اعمال ایدرلر. طاغلرنده کمور، طاش یاغی، نفت، آنتیمون، سیملی قورشون، قیرمزی باقیر و سائر معدنلر کشف اولنمش ایسه-ده، هنوزهیچ بری چیقارلمامقده-در. دکرمن و یایی طاشلری-ده چیقار. قضانک واردات سنویه-سی 22000 عثمانلی لیراسی راده-لرنده-در. بو قضانک شرقی روم ایلی خط امتیازی داخلنده قالمسی مقرر ایکن، اهالیسنک مقاومت ثبات کارانه-سی اوزرینه، ادرنه ولایتنه الحاق اولنمشدر.

1-3795-5

قیر شهری

آنقره ولایتنده و آنقره-نک 145 کیلومتره شرق جنوبیسنده اوله-رق قزیل ایرماغنه تابع بر چایک اوزرنده و قزیل ایرماق مجراسنک 10 کیلومتره قدر شرق شمالیسنده سنجاق مرکزی بر قصبه اولوب، 8462 اهالیسی، 25 جامع شریفی، 19 مسجدی، 4 مدرسه-سی، بر اعدادیه و بر رشديه ایله ایکی ابتدائیه و متعدد صبیان مکتبلری، بر ارمنی کلیسایسایله مکتبی، 600 دکانی حاوی چارشییسی، اسکی بر بدستانی، 10 خانی، زیارتگاه اولان بر قاچ تریه-سی و بر چاریک مسافه-ده ترمه اسمیله بر ایلیجه-سی واردر. جوامع شریفه-سندن (ملک غازی) جامعی سلچوقیلر زمانندن قالمه اولدیغی کبی، (خواجه بک) جامع شریفی جوارنده-ده 60 متره یوکسک طوغله-دن مصنع بر مناره واردر. قیزیل ایرماق اوزرنده 13 کمر اوزرنده کارکیر بر کوپری و یاننده بر خان ایله ملوک سلچوقیه-دن کیقبادک بناکرده-سی بر جامع شریف بولنیور. قصبه ایچنده یوک و تفتیکدن کوزل خالی و سجاده ایله دوشمه-لک و پرده-لک کوزل منسوجات و جوز آعاجندن قنایه و صندالیه طاقلری یاییلیر. قصبه بک طاغنیق و خانه-لری باغ و باغچه-لرله محاط اولوب، بویی 10 و اکی 5 کیلومتره-در. اوزومیله انواع میوه-لری بول و پک لذیدر. قیر شهرینک سلچوقیلر زماننده بنا اولدیغی اکلاشیلوب، آنجق مزار طاشلرنده و سائر یونان و لاتین خطرلیله اسکی بر طاقم یازیلر کورلیدیکندن، بعض انقاضنک او جوارلرده بولنمش بر شهر قدیمدن منقول اولملری ملحوظدر.

-* - قیر شهری قضاسی همنامی سنجاق مرکز قضاسی اولوب، شرقاً آوانوس، شمال شرقی جهتندن مجیدییه، شمال غربی طرفندن کسکین قضالریله، غرباً و جنوباً دخی قونیه ولایتیله محدود اولوب، حاجی بکتاش ناحیه-سیله برابر 158 قریه-دن مرکبدر. اهالیسی 52558 کشی اولوب، یالکز 378 ی ارمنی و 94 روم و سائر جمله-سی مسلمدر. اراضیسی منبت و محصولدار اولوب، ذخایر و میوه و سبزه-لرک انواعی حاصل اولور. حیوانات اهلیه-سی 118696 قیون، 12604 کچی، 28107 تفتیک کچیسی، و مقادیر مختلفه-ده صیغیر، مانده، بیکیر، استر، مرکب، دوه و سائر-دن عبارتدر. سنوی 200500 قیه بیاغی، 12000 قیه قیل و 8000 قیه تفتیک آلییر. واردات سنویه-سی 22000 عثمانلی لیراسی راده-لرنده-در. بو قضا داخلنده نام عالیلریله مسمی ناحیه-ده پیران طریقتدن عارف بالله حاجی بکتاش ولی (قدس سره) حضرتلرینک تریه شریفه-لریله چله خانه-لری و مریدانندن بعض ذواتک مرقدلریله مکمل و معمور درگاه و دوائری اولوب، بک اوزاقلردن زوار تردد ایتمکده-در.

سناغى. آنقرە ولايتىك منقسم بولنديغى بش سناغاك برى اولوب، جنوب شرقىدىن شمال غىرى-يە و بعدە شمالە طوغرى ممتد بر دىل شىكلندە اولديغى حالده، غرباً نفس آنقرە سناغى و قونىيە ولايتىلە، غرب جنوبى جەھتندىن و جنوباً يە قونىيە ولايتىلە شرقاً قىصرىيە يوزغاد و چوروم سناغاقلىق، شمالاً دخى قسطنونى ولايتىلە محدوددر. اراضىسى مرتفع و دوز بر يايىلە-دن عبارت اولوب، طاغلىرى يوق حكمنده-در. يالكز شرق جەھتندە %۰ چىچك طاغى، و غرب طرفندە %۰ دنك طاغى، اسملىرىلە آلچق و اورمانلرە مستور ايكى جىلى واردر. مياھ جارىيە-سى چوق اولوب، قزىل ايرماق حدود جنوبىيە و غربىيە-سىلە شمال غىرى طرفنى تحدىلە، سناغى ايكى جەھتندىن احاطە ايتدىكى كىي، مذکور ايرماغە تابع دليجە ايرماق دخى حدود شرقىيە-سنىك قسم اعظم شمالىيىنى تحدىلە ايدە-رك، يالكز قىصرىيە سناغاندن صومجراسىلە ايرلاماشدر؛ و بو و جەھلە بيوك بر شىبە جزىرە حكمنده-در. بو ايكى نەرە دوكلەك اوزرە داخل لوادە بر چوق چايلر اقوب، اراضىيىنى سقى و اروا ايدر. بو و جەھلە سناغاق كاملاً قرە دكىز مائىلە-سندە و قزىل ايرماق حوضە-سى داخلندە بولنىور. مجىدىيە قىضاسندە %۰ يىنار كولى، و قىر شەھر قىضاسندە %۰ دىيىسز كول، اسملىرىلە داخل لوادە ايكى كول دخى بولنوب، ايكىسى-دە پك درىندر. ايكىجىسنىك اياغى اولان چاي بر چوق دكرمنلر چوبىرر.

قىر شەھرى سناغانك همان كافە اراضىسى قابل زراعت اولوب، بتون سناغاق فاصلە سز بر تارلە تشكىل ايدە-جك صورتدە اولديغى حالده، اھالىسنىك عدم كفايتى، زراعتك اصول عتيقە-دە و نقصان آلات و ادواتلە اجراسى و على الخصوص سواحلدن بعد مسافە-سىلە طرق و معابر و وسائىل نقلىيە-نك فقدانى اسبابندن طولايى، اراضىسنىك پك آز مقدارى مزروع اولوب، قسم عظيمى بطالدر. يتيشدىرىلن محصولاتك باشلىجە-لرى: بىغداى، آرپە، چاودار، يولاف، دارى، بورچاق، نخود، فاصولىيە، مرجمك و سائر حبوباتلە اوزوم، الما، آرمود، قىصى، شفتالى، اريك، كراز، آيوه، جوز و سائر ميوه و سبزه-لرەك انواعندىن عبارتدر. توتون دخى سناغاك ھر طرفندە حاصل اولورسە-دە، جنسى پك ايبى اولمىدىغىدن، رژىنىك تشكىلندن برى آزالمقدە-در. ذخاير و توتون و ميوه-لرىنىك اك ايبىلرى حاجى بكتاش ناحىيە-سندە حاصل اولور. سناغاك سنوى بىغداى محصولاتى 750000، آرپە 425000، چاودار 5000، سائر حبوبات دخى 30000 كىلە رادە-لرندە-در. اورمانلرى يوقارىدە ذكر اولنان ايكى قطعە-دن عبارت اولوب، باشلىجە اشجارى محروقات قطعنە مخصوص ميشە-در. محلندە مستعمل كراستە ايسە اوتە برىدە بولنان قواق و سكود آغاچلردىن قطع اولنور. كسكىن قىضاسنىك %۰ دنك، طاغندە زىكىنجە بر سىملى قورشون معدنى بولنوب، مقدما دولتجە اخراج اولنمقدە ايكى، اخيراً بر انكلترە احالە اولنمىشدر. دىكر كشف اولنمىش معدنى يوقدر. (حاجى بكتاش) و (تپە-سى دلىك) اسملىرىلە ايكى قىيا طوزى معدنى اولوب، برنجىسندن سنوى ايكى مليون قىيە طوز چىقار، و لذتى فوق العادە-در. مركز لوانك قوبىندە %۰ ترمە، اسمىلە معتدل حرارتدە بر ايلىجە بولنديغى كىي، قرە قورت نام محلدە دخى پك صىجاق كوركوردلى و يەنە مركز جوارندە چلىكى معدن صولرى بولنوب، امراض جلدىيە و عصبىيە-يە نافعدر. حيوانات اھلىيە-سى قىيون، كچى، تفتىك كچىسى، صىغىر، كرخلە، دوه و سائرە-دن عبارت اولوب، قىيونلرى 290000، تفتىك كچىلرى 200000، عادى كچىلرى 80000، صىغىرلرى 55000، دوه-لرى 5000 رادە-لرندە-در. كوللرلى نەرلرندە چوق و مختلف بالىقار بولنىور. صنایع محللى خالى، كلیم، سجاده و سائر بوکا مائىل منسوجات ایلە بعض معمولات سراجىيە و سائرە-دن عبارت اولوب، خالى و كلیملر باشلىجە كرد و تركمن عشىرتلرى و قادىنلر طرفندىن نسج اولنور. و پك نفسلرى-دە چىقار. تجارتنى بىياغى،

تفتیک، کچی قبلی، خالی، کلیم، سجاده و بر مقدار ذخیره اخراجیله معمولات مختلفه صناعیه و مملکتده اولمیان مآکولات و سائره ادخالندن عبارت اولوب، مرسین و صامسون اسکله-لرندن و بروسه، قونیه، قیصریه کی بیوک شهرلرده اجرا اولنور. نقلیات دوه و بیکیرله و بعضاً اوکوز آرابه-سیله اولیور. آرابه یوللری انشاسنه سعی اولنمقده اولوب، آنقره-دن قیصریه-یه و اورادن مرسین اسکله-سنه کیدن شوسه سنجایی طولاً شق ایله، مرکز لوادن کچر، و اورادن قونیه و لایتک نو شهرینه طوغری بر شعبه آپریلیر. دیگر بر قول دخی یوز غاده طوغری آپریلوب، صامسون اسکله-سنه اینر.

لوانک اهالیسی 113733 کشتی اولوب، یالکز 949 ی ارمنی 600 پروتستان، 890 ی روم و قصوری کاملاً مسلم و جمله-سی لسان ترکی ایله متکلمدر. اهالیسنک بر مقدارده ترکمن و کرد عشایرنددر. سنجاق: قیر شهری، مجیدیه، آوانوس و کسکین اسملریله 4 قضایه منقسم اولوب، 3 ناحیه و 473 قریه-یی حاویدر. سنجاغک هواسی عمومیتله معتدل و صاغلام اولوب، شدتلی حرارت و برودتلسیرکدر. کویلرک و خانه-لرک باغ و باغچه-لرله و قواق و سکود آعاجلریله محاط بولنمسی-ده هوانک تصفیه-سنی موجب اولیورسه-ده، خانه-لرک طوپراقدن معمول و حفظ الصحه قاعده-سنه غیر مطابق صورتده انشاسیله صواقفلرک طار و یازین توزلی، قیشین چامورلی اولمسی و سائر اصول نظافته مغایر حاللر بعض محللرنده هوایی اخلال ایدیور. مرکزده بولنان اعدایه و رشیده-دن بشقه سنجاق داخلنده 100 قدر ابتدائی و صبیان مکتبلی بولنوب، بونلره 7 ایله 15 یاشلری آره-سندده 5420 چوجق دوام ایدیور. اهالینک آنجق بشده بری اوقویوب یازمق بیلیر.

1-3797-5

قیر غیر

ترک اقوامندن بیوک بر قوم بدوی اولوب، آسیانک شمال غربیسنده ترکستان ایله سیبرییه آره-سندده و تعبیر آخرله ترکستانک جهت شمالیه-سندده و ترکستان شرقینک شمالنده اوله-رق روسیه ایله چین حدودنده بولنیورلر. عرب جهتده-کیلره (قیرغیز قزاق) و جین حدودنده کیلر (قره قیرغیز) نامی ویریلیور. قیرغیز اسمی (قیر) کلمه-سندن مرکب اولوب، قیر آدمی یعنی بدوی دیمکدر، برنجیلری یعنی قیرغیز قزاقلر روسیه-ده-کی وولغا مچراسندن ترکستان شرقی حدودینه-دک کنیش و اوزون بر منطقه-ده بولنوب، جولانکاهلری تقریباً 2500000 مربع کیلومتره وسعتنده-در. بو واسع برلرده %۱۰ الاطاغ\$ و %تارباغه طاغی\$ کی بعض جبال بولنوب، بونلرک اتکلری قابل زراعت اولمغله، روسیه دولتی اورالره قیرغیزلری مهما امکن تحت انضباطنده طومتق ایچون، بر طاقم قزاقلر اسکان ایتمشدر. سائر طرفلری ایسه اورمانلره میاه جاریه-نک ندرت ویا فقدانندن چول حالنده و آنجق بعض مرعاری حاوی اولوب، قیرغیزلر اورالرده خیمه قوره-رق طولاشیرلر. بونلر تدریجاً روسیه-نک تابعینی آلتنه کیروب، 1860 تاریخنده عقد اولنان پکین معاهده-سی اوزرینه چین دولتی قیرغیزلری حمایه ادعاسندن صرف نظر ایتمشدر. قیزغیزلرک برلری روسیه دولتتک او جهتده تشکیل ایتمش اولدیغی 6 ایالتیه یعنی غربدن باشلایه-رق: اورالق، تورغالیق، سیر دریا (یعنی سیحون)، آفمولینسک، سیمپا لاتینسک و سمیرچینسک ایالتلرینه تابعدر. قیرغیز اوطاننده وولغا اورالندن بشقه سیبرییه-یه طوغری آقه-رق بحر منجمد شمالی-یه دوکیلن انهار جسیمه-دن توبول، ایشیم، و ایرتیچ نهرلری جنوبدن شماله طوغری آقه-رق، %۱۰ اوب\$ ایرماغنه دوکیلورلر. آرال کولنه دوکیلن سیحون نهری دخی قیرغیزلرک مالکی یانندن کچر. بونلر دن ماعدا ایرغیر، تورغای، صاری صو، نوره، سلتی، چیدیرنی کی مختلف استقامتلرده آقار بر چوق انهار واردر، که بر طاقم کوچک وصیغ کوللره ویا

بطاقلقره منتهی اولوب، یاغموور یاغدیغنده خیلی صولری اولدیغی حالده، قورافلر موسملرنده بسبتون قورورلر؛ و تشکیل ایتدکلری کوللرکده چوغی تبخرله قورویوب، دیبلرنده بیاض بر طوز طبقه-سی قالیر.

بو برلرک هواسی افراط ایله تقریط آرہ-سندہ اولوب میزان الحراره یازین کولکده-ده 40 درجه-یه قدر چیقار، و قیشین صفردن آشاغی 27 و بعضاً 37 درکه-یه قدر اینز. نباتاتی پک آز اولوب، صوسز از لان برلرنده چورافلره مخصوص بر طاقم طوزلی و قبا اولترلہ اگری بو کری چالی و دیکنلر و صو کنارلرنده مرعی دینله-بیله-جک بر طاقم اولتر و چام و قره اغاج ایله دیگر بعض اوفاق آعاجلر حاصل اولور. حیوانات اهلپه-سی صیغیر، دوه، بیکیر، کچی، ایری قویروقلی قیون و سائرہ-دن و حیوانات وحشیہ-سی-ده قورت، تیلکی، بیانی کدی، چقال، آبی، پورسوق، کیرپی، طاوشان، کییکک انواعی، قره-جه و سائرہ-در. طیوری و علی الخصوص آتماجه و شاهین امثالی جوق اولوب، بونلرله قوش اولامق قیرغیزلرک اک بیوک اکلنجه-لریدر. دمیر، کومش، آلتون، باقیر و سائر معدنلرین بعض آثار کورلمش ایسه-ده، هنوز چیقاریلانی اولمیوب، اهالی یالکز طوز اخراجیلہ مشغولدرلر. قیرغیز قزاقلر جنسیتجه و سیما و لسانجه اتراکدن معدود اولوب، سویلدکلری لسان اساساً ترکجه اولدیغی حالده، مغولجه بعض کلماتی و بتون السنه اسلامیه کبی عربی و فارسیدن مستعار تعبیراتی وارد. اوتہ-دن بری مغوللرله اولان اختلاطلرندن سیمالرنده مغوللره مشابهت زیاده-جه-در. بونلر یاز قیش کچه-دن چادیرلر آلتنده اقامت ایدوب، حال بدوینده یاشامقدن وازکچمزلر. جمله-سی مسلم و سنی اولوب، آنجق اسکی آیین و عادتلرینک دخی بعضیسنی محافظه ایله سحر و نظردن محافظه ایچون بر چوق رسملر اجرا ایدرلر. هله اولولرینه عاند پک چوق رسم و آیین مخصوصلری وارد. کندیلری زیاده-سیله ناموسلی، سوز و عهدلرنده ثابت قدم، مهمانواز و وفادار آدملدر. روسیه ایله ترکستان آرہ-سندہ کاروانلر ایشلدوب، بو اخلاقلرینه بناءً تجار طرفندن کندیلرینه امنیت و اعتماد اولنور. ارکک و قادینلری بینجیلکده پک ماهر اولوب، آتلی کوچک جئه-لی ایسه-ده، آتشلیدر. قاریلری اولدقجه کوزل و سویملی ایسه-ده، پک چابق قارتلاشیرلر. ایچلرندن بر قاق بیکی مسکون و زراعتله مشغول اولوب، سائرلری کوجبه-در؛ و خرکله، قیون، دوه و سائر حیوانات سوریلریله کزیرلر. زکینلرینک یکر میشر بیک قدر قیونلری وارد. رؤسالرینه (بیک) و بینلرنده فصل دعاوی ایدن باشلرینه (آق صقال) دیرلر. لسانلرینک اولدقجه ادبیاتی دخی اولوب، اورنبور غده کندیلرینه مخصوص و لسانلرنده محرر بر غزته دخی نشر اولنور.

قیرغیز قزاقلری اولو، اورته و کاجی (یعنی کوچک) اردو ویا یوز اسملریله اوچ طائفه-یه منقسم اولوب، اک آز غلبه-لکی اولان اولو اردو شرق جهتده، اورته اردو وسطلرده و طاشکند جهتده، هپسندن غلبه-لکی اولان کاجی اردو دخی غرب جهتده سیر دریا و اورنبورغ ایالتلرنده بولنور. ایچ اردو دینلن و اورال ایله وولغا آرہ-سندہ اوله-رق آوروپا طوپراغنده یاشایان طائفه دخی کاپی اردودن معدوددرلر. بتون قیرغیزلرک مقداری حقتده صاغلام بر فکر بیان ایتمک کوچ اولوب، بو بابده مختلف تخمینلرده بولنلمش ایسه-ده، صحتہ اک یقین اولان تخمینہ کوره بونلرک مجموعی 3 ملیونی متجاوز اولوب، بولندقلری ایالات اعتباریله بر وجه آتی منقسمدرلر:

###

ایالت

قیرغیز قزاقی

قره قیرغیز

ارنبورغ

37000

-*-

اژدرهان

129465

-*-

ماورای خزر

136000

-*-

اورال

415000

-*-

تورغای

266000

-*-

آقمولینسک

325814

-*-

آمودریا

65000

-*-

سیپالاتینسک

472656

-*-

سمیرچنسک

367000

158000

سیردریا

494800

34600

فرغانه

25000

100000

قولجه

23400

6500

ترکستان شرقی (چین)

-*-

21000

پامیر (مستقل)

-*-

20850

يكون

2737135

340950

جمعاً يكون

3088085

\$

1-3798-5

قَيْرُوان

افريقيه يعنى تونس مملكتنده تونسك 167 كيلومتره جنوبنده و اسكله-سى اولان سوسه-نك 58 كيلومتره غرب جنوبيسنده مشهور بر شهر اولوب، سورك داخليله خارجنده-كى محلاتده 20000 اهاليسى، 3125 متره محيط دائره-سى و 10 متره ارتفاعى اولان بر سوري و هر 20 متره-ده بر برجى، 5 قپوسى، شهرك بانيسى اولان عقبه بن نافع (رضه)ك بناكرده-سى اولان و 450 مرمر و سماقى ستونلر اوزرينه مبنى بولنان جسيم و مصنع بر جامع شريفيله ديكر 20 جوامع شريفه-سى، 30 زاويه-سى، بر چوق خيرات و ميراتى، واسع و ايشلك چارشيسى، پك تميز سوقاقلرى، هوادار خانه-لرى، كوزل منظره-سى و خالى و كلیم دکستگاهلريله معمولات سراجيه-سى واردر. اطرافى قورو بر اووه-دن عبارت اولوب، قرينده ياغمورلر موسمنده خيلى توسع ايدر. بر قاچ سبچه-سى واردر. قيروان شهرى افريقيه-نك فاتحى اولان عقبه بن نافع حضرتلرى طرفندن 55 تاريخ هجريسنده بنا اولنه-رق، بتون بلاد مغر بك مركزى اتخاذ اولنمش؛ و بعده بنى اغلبك و مهديه-نك تاسيسنه-دك فاطميونك و بعده بنى زيرينك پايختى بولنمش؛ و صكره خراب اولمشيدى. ياقوت حموى كندى زماننده يعنى يدنجى قرن هجريده بسبتون خراب اولديغى بيان ايدبور. بعده يكيدين اعمار اولنوب، شمديكى حاله كلمش اولديغى آكلاشيليورسه-ده، بو معموريتى اسكى معموريت و وسعتنه كوره پك كرى قالدیغى شهبه-سزدر. مغربيلر. طرفندن بو شهره مقدس نظريله باقيلوب، فرانسزلرك دخولنه-دك ملل غير مسلمه افرادينه شهره دخول ممنوع ايدى. جغرافيون عرب قيروان اسمك %9كروان \$ اسم فارسيسنك معربى اولديغنى يازيورلرسه-ده، برقه خطه-سنك مركزى بولنمش اولان كيرنه ياخود قورنه #1 شهرينه-ده عربلر %9قيروان قديم \$ ديدكلرندن، شهر خراب مذكورك اسميله تسميه ايدلمش اولديغى آكلاشيليور.

1-3799-5

قيروانى، ابو الحسن على بن عبد الغنى الفهرى حصرى

مشاهیر ادبا و شعرا د اولوب، وطنی اولان قیروانك تخریبندن صکره مائه خامسه اواسطنده اندلسه رحلتله، اورا ملوکنك التفاتنه مظهر اولمش؛ و ملوك طوائفك انقراضنده طنجه-یه انتقال ایتمش، بر مدت دخی سبته-ده بولنمش ایدی. قرائنده ید طولاسی اولوب، بو علمده تدریسه او غراشمش؛ و قرآت مختلفه حقنده بر منظومه یازمشدر. مرتب دیوان اشعاری دخی واردر. ((زهر الآداب)) عنوانلی کتاب معتبرك صاحبی اولان سالف الترجمه (ابو اسحاق حصری)نك تیزه-سی او غلیدر. 488 تاریخنده طنجه-ده وفات ایتمشدر. شو بر ایکی بیت جمله اشعارندندر:

@@@

اقول له و قد حیا بكاس
لها من مسك ریفته ختام
امن خدیك یعصر قال كلا
متی عصرت من الورد المدام
\$

*- [((ابن رشیق)) و ((ابن شرف)) ماده-لرینه مراجعت بیوریله.]

2-3799-5

قیزلر

روسیه قافقاسیه ایالاتندن ترك ایالتنده و استاوروپولك 490 کیلومتره شرق جنوبیسنده اوله-رق ترك نهرینك صول کنارنده و بونك دالیه-سی مبدأنده و بحر خزر ساحلندن 55 کیلومتره-لك مسافه-ده واقع قضا مرکزی بر قصبه اولوب، 9260 اهالیسی واردر. سکنه-سی تاتار، کورجی، ارمنی و روسدن مرکبدر. باغلری و اشجار مثمره-سی چوقدر.

3-3799-5

قیس

صحابه-دن بر قاچ ذاتك اسمی اولوب، اك معروفلری بر وجه آتیدر: (قیس بن حرشه القیسی) كه قیس بن ثعلبه اولادندن اولوب، نزد حضرت نبوی-یه كله-رك، شرف اسلامه مشرف اولمش؛ و فخر كائنات (صلعم) افندمز کندیسنه حقه مستند اولمیان اوامری دیکلمه-مسنی تنبیه بیورمش اولدقلرندن، و بعده عبیدالله بن زیاد شرع شریفه و حقه مغایر اولان اوامر کیفیه-سنی دیکلتدیرمك ایستیوب، جلاذك الینه تسلیم ایتمك ایستدكده، دست مناجاتی جرکاه کبریایه قالدیروب، جلاذك و صولندن اول تسلیم روح ایتمشدر. *- (قیس بن السائب بن عویمر القرشی المخزومی) كه جاهلیتده فخر الرسل (صلعم) افندمزك تجارت شریکلری بولنمش اولدیغی مرویدر. *- (قیس بن سعد بن ثابت الانصاری) كه رسول الله (صلعم) افندمزك علمدارلرندن ایدی. *- (ابو الفضل قیس بن سعد بن عبادة الانصاری الخزرجی) كه فضلاء صحابه-دن و سادات و دهاة عربدن اولوب، شجاعتیله و مکابید حربیه-ده-کی مهارتیله و کرم و سخاوتیله دخی مشهور ایدی. ارتحال جناب نبویدن صکره حضرت علی (رضه) افندمز ه انتساب ایروب، کافه محارباتنده معیتلرنده بولنمش؛ و عهد خلافتلرنده مصر والیلکنه نصب بیوریله-رق،

معاویہ-نک حیل و دسایسنه مقابلہ-یہ اثبات اقتدار ایتمش اولدیغندن، معاویہ صاحب ترجمہ-یی نزد جناب مرتضویده شبہہ-لی و کندی طرفنه مائل کی کی کوسترده-رک، عزل ایتدیرمش ایدی. اورادن مدینه منوره-یہ کیدوب، اوراده مروان بن حکم طرفندن اخافه و تهدید اولنمغله، کوفه-یہ کیدوب، مدت حیاتلرنجه حضرت مرتضانک و بعده امام حسن (رضه)ک معیتلرنده بولنمش، و امام مشار الیهک بیعتندن صکره مدینه منوره-یہ عودت ایلمش ایدی. صفین محاربه-سنده بر قصیده بلیغه سویلمشیدی، که مبدئی شو یولده-در:

@@@

هذا اللواء الذي كنا نحف به

مع النبي و جبريل لنا مدد

ماضر من كانت الانصار عييته

ان لا يكون له من غيرهم احد الخ

\$

*- (ابو علی قیس بن عاصم التمیمی المنقری) که حلمیله مشور اولوب، نزد جناب نبوی-یہ ورودنده حقتده ((هذا سيد اهل الوبر)) بیورلمشیدی. تاجاهلیت زماننده شرب خمری کندی نفسنه حرام ایدوب اجتناب ایدردی. اولادینه اولان وصیتنده بر طاقم نصایح حکیمانہ بیان ایتمشدر. *- (قیس بن عبد المنذر الانصاری) که رفاعه-نک برادری اولوب، بدر غزاسنده شهید اولمش؛ و کندیسيله رفقاسی حقتده ((ولا تقولوا لمن يقتل في سبيل الله اموات)) آیت کریمه-سی نازل اولمشدر. *- (قیس بن قیس) که معیت حضرت مرتضویده صفین محاربه-سنده بولنمشدر. *- (قیس بن مخرمه بن المطلب القرشی المطلبی) که فیل وقعه-سی یعنی مولد جناب نبوی سنه-سی طوغمش؛ و مؤلفه قلوبدن بولنمشدر. *- (قیس بن المكشوخ) که اسود عنسینک قتلنه یارديم ایدنلرندن اولوب، رؤیت نبی (صلعم)ه نائل اولوب اولمدیغی مختلف فیهدر. سعد بن ابی و قاص (رضه) معیتنده ایران سفرنده بولنوب، قادیسه و سائر محارباتده خدمتی کورلمش؛ و نهاونددنه نعمان بن مقرن معیتنده بولندقدن صکره، صفین محاربه-سنده معیت جناب مرتضویده شهید اولمشدر. طبیعت شعریه-سی دخی اولوب، دایبسی بولنان عمرو بن معدی کرب ايله جاهلیتده و کرك اسلامده بینلرنده مهاجاة وقوع بولمشدر.

1-3800-5

قیس

بحر فارسده-کی کیش جزیره-سنک اسم عربیدر ((کیش)) ماده-سنه مراجعت بیوریله.]

2-3800-5

قیساریه

1#

فلسطین ساحلنده یافه-نک 57 کیلومتره شمالنده اسکی و مشهور بر شهر اولوب، الیوم خرابه-لری موجوددر. بو شهر عن اصل %سیاسته\$ اسمیله مسمی اولوب، میلاددن 25 سنه اول فاسطین حاکمی (هرود) طرفندن توسیع و

تزيين اولنه-رق، قيصر آوغتوسك نامنه نسبتله قيساريه تسميه اولنمش؛ و قدسك %تيتوس\$ طرفندن محاصره-سى اثناسنده بو خطه-نك مركزى و كرسى حكومتى اتخاڟ ايدلمش ايدى. فتوح شام صره-سنده معاويه بن ابى سفيان طرفندن طول مدت محاصره-دن صكره فتح اولنمشدى. او وقت 280000 اهالىسى بولنديغى كتب فتوحدن آكلاشليپور. اهل صليب محارباتى صره-سنده دفعاتله فرنكلرك اليه دوشوب استخلاص اولنه-رق، خراب اولمش؛ و ملك اشرف طرفندن استحكاماتى هدم اولنمشدى. مشاهير اسلامدن (قيسرانى) نسبتيله معروف بر چوق ذواتك مسقط راسى بولنمشدر. *- جغرافيون عربجه اناطوليدنه-كى قيصريه-نك دخى املاسى %قيساريه\$در. *- اسپانيه-ده-كى ساراغوسه يعنى سرقسطه، اظنه جهنتنده-كى آنازاربه، اناطوليدنه-كى قيصريه، جزايرده شرشل و فلسطينده-كى بانباس بلده-لرينك دخى اسم قديملىرى قيساريه #2 ايدى.

3-3800-5

قيس بن ذريح، الكنانى

مشاهير شعرا و عشاق عربدن اولوب، حضرت امام حسن (رضه)ك سوت برادريدر. بنى كعب قبيله-سندن (لبنى) اسمنده بر قيزه دلداه اولوب، حضرت مشار اليهك توسطلريله كنديسى تزوجه نائل اولمش ايسه-ده، بر مدت برلكده ياشادقن صكره، اولادى اولمديغندن، رضاسى اولمقسزين، پدى مومى اليهاى تطلق ايتديرمش؛ و آتش هجران ابتدا (لبنى)بى و متعاقباً قيسى تلف ايتمشدر. داستان محبتلى و بربرى حقدنه سويلدكلرى اشعار شهرت كبر اولمشدر. شو ايكي بين (لبنى)نك مزارى اوزرينه سويلديكى اشعاردندر:

@@@

مانت لبني فوتها موتى

هل تنفعن حسره على الفوت

فسوف ابكى بكاء مكنئب

اقضى حباة و جدا على ميت

\$

4-3800-5

قيس بن الملوح، ابن مزاحم العامرى

((ليلى و مجنون)) عنوانيله مشهور افسانه-ده مجنون اسميله ياد اولنان عاشقك اسمى اولديغى و بونك مخيلاندن اولميوب، صحيحدن بولنمش اولديغى مرويدر. حكايه-سى بر طاقم مبالغات عجمانه و خوارق عاده ايله ممزوجدر.

5-3800-5

قيسى

يوليوس -* -# اسكى رومانك اك مشهور سردارلرندن اولوب، بعده مدبر امور صقئيله بتون امور حكومتى اليه
آلمش ايدى. ميلاددن 101 سنه اول طوغوب، والده-سى (ماريوس)ك همشيره-سى ايدى. كنج ايكن، زوجه-سى
بولنان سينانك قيزيني تطلق ايتديرمك ايستين (سيلا) طرفندن تعقيب اولنه-رق، بعض بيوك آدمرك حمايه-سييله
حياتنى كوج حال قورتاره-بيلمش؛ و اناطولىده-كى بيتنيه حكمدارى %نيقومد%ك ياننه التجا ايلمش ايدى. سيلانك
وفاتندن صكره رومايه عودت ايدوب، ادبيات تحصيلنه قويلمش؛ و بليغانه نطقريله عمومك توجهنى قزانوب،
(ترييون)لرك قوتنى استرداد و ماريوسك هيكللرينى يكيدن ركز ايتمشدى. اهالى-يه بر طاقم حقوق قزانديره-رق،
كندى موقعنى تأمين ايتمش؛ و قبل الميلاد 60 تاريخنده اسپانيايه كوندريلوب، بعض فتوحاته موفق اولمغله،
عودتنده قونسولوس تعيين اولنمش؛ و ريفيقى اولان (بيبولوس)ه هيچ بر نفوذ بر اقميه-رق، و (پومپيوس) و
(قراسوس) ايله بالاتفاق، بر حكومت مثلته تشكيل ايدنه-رك، اوچى بتون امور حكومتى اللرينه آلمشردى. 58ده
بش سنه مدتله غالبا يعنى فرانسه جهتى واليلكنه نصب اولنه-رق، بو مدتلك انقضاسنده مأموريتى بش سنه ده
تمديد اولنمش؛ و بو اون سنه طرفنده غاليلانك هر طرفنى ضبط ايتدكدن صكره، بيوك بر تانيه-يه دخى داخل
اولمش ايدى. پومپيوس بو موفقيتاتنه حسد ايدوب، مدتلك ده بر وقت تمددینه مانع اولمش؛ و قوماندانلقدن عزلنى
دخى استحصال ايتمش ايدى. قيصر بوكا حدت ايدوب، عسكريله رومانك اوزرينه يوريمش؛ و پومپيوس هيئت
اعيانله برابر فرار ايتديكندن، قيصر قبل الميلاد 49 تاريخنده بلا محاربه رومايه داخل اولوب، امور حكومتك
عناننى يد استقلالنه آلمش ايدى. بتون ايتالييايى غالبانه كزوب، حكومتى طانيتديرقدن صكره، اسپانيايه كچوب،
اورادن و پومپيوسك طرفدارلرينى طرد و اخراج ايتمش؛ و پومپيوسك كنديسنى دخى تساليه-ده تعقيب ايدوب،
فارساله %يعنى چتالجه%ده قزانديغى بيوك غالبيتله كنديسنى مصره قاچمغه مجبور ايتمش ايدى. قيصر دشمنك
آرقه-سى صره مصرده كچوب، اوراده كنديسنى اتلاف ايتديرمش اولان بطلميوسى موقع اقتداردن اسقاط، و
قليوپاتره-يى اونك يرينه ايجاد ايتمش؛ و اورادن 47 تاريخنده آسياه كچوب، روما دولتته قارشى حركت ايتمش
اولان (پونت) حكمدارى مهردادك اوغلى فارناسى اوچ كونده مغلوب ايتمش؛ و اورادن افريقه-يه كچه-رك،
(ملتوس اسكيبيون) ايله (قاتون)ك قوماندنه-سى آلتنده بولنان عسكره 46ده غلبه چالمش؛ و اورادن اسپانيايه-يه
مرورله، كنج پومپيوسى مونده-ده مغلوب ايدنه-رك، پومپيوس طرفنى بسبتون محو و مضمحل ايتمش ايدى. 45
تاريخنده رومايه عودتنده فوق العاده بر استقباله مظهر اولوب، امور دولت اون سنه مدتله يد ارادتنه تسليم
اولنمش؛ و بو وجهله اقتدار تاما نائل اولنجه، قوتنى حسن استعمال ايدنه-رك، بر چوق اصلاحات و اعماراته و بر
طاقم قوانين و نظامات وضعنه والى الان باقى اولان تقويم رومينك ايجادينه موفق اولمش ايدى. اقتدار سياسى و
عسكريسندن بشقه ادبياتدن دخى بهره-سى اولوب، بر چوق بليغ نطقلى و غالبا ايله جرمانيه-يه دائر بعض
معلومات تاريخيه و جغرافيه-يى حاوى بر اثر معتبرى وارد.

بعده حكومت سورن (اوقتاو)، قيصر ك اوغلى اولمق مناسبيتله، قيصر عنواننى آلدیغى كبی، صكره-كى روما
ايمپراطورلى-ده (قيصر) عنوان عموميسيله ياد اولنمش؛ و بر آره-لق ايمپراطورلره آوغستوس دینلوب، قيصر

عنوانی ایمپراطوردن صکره کلن بر طاقم بیوک سردارلره و ولی عهدلره ویرلمشیدی. السنه شرقیه-ده قیصر روم ایمپراطوری دیمک اولدیغی کبی، آمانلر دخی الیوم کندی ایمپراطورلرینه بو عنوانی ویرمکده-درلر.

1-3801-5

قیصر

اون ایکی -*، قیصره اثنا عشر #1 بو اسمله آنف الترجمه یولیوس قیصر ایله اوندن صکره حکومت سورون اون بر کشی-یه ویریلن عنوان اولوب بونلر دخی: آغستوس، تییر، قالیغولا، قلاودیوس، نرون، غالب، اوتون، ویتلیوس، و سپاسیان، تیتوس و دومیتیاندر.

2-3801-5

قیصری، قیصر بیک

ایران شعرا سندن اولوب، شیرازلی ویا همدانلیدر، و شاهجهان زماننده سیاحت ایدوب، 1022 تاریخنده وفات ایتمشدر. شو رباعی جمله اشعارندندر:

@@@

از وصل تو کس چو بنده مهجور مباد

کس چون من زار زنده در کور مباد

من دامن رنج دوری از خاک درت

جز چشم بد ار تو هیخ کس دور مباد

\$

3-3801-5

قیصریه

آنقره ولایتنده و آنقره-نک 206 کیلومتره جنوب شرقیسنده اوله-رق ارجیش طاغنگ شمالی اتکنده و قزیل ایرماغه تابع قره-صو نهرینه دوکیلن بر کوچک چایک اوزرنده 1095 متره-لک ارتفاعده "52' 43' 38° عرض شمالی ایله "36' 2' 33° طول شرقیده سنجاق مرکزی بر شهر اولوب، 72000 قدر اهالیسی، 150 جامع ومسجدی، 39 مدرسه-سی، بر رشديه و 58 ابتدائیه و صبیان مکتبلری، جمعاً 1290 جلدی حاوی 2 کتبخانه-سی، 31 تکیه و زاویه-سی، 8 کلیسای، بر غربا خسته-خانه-سی، بر کهرچله فابریقه-سی، 3710 دکان و مغازه-سی، 115 فرونی، 30 خانی، 11 حمامی، متعدد مقامات و زیارتگاهلری، شهرک اوزرنده کوزل باغ و باغچه-لریله صیفیه-لری واردر. چارشیشی بیوک و تجارتی اسکله-لردن بعد مسافه-سی و یوللرک عدم انتظامیله برابر پک ایشلک اولوب، بر طرفدن آنقره و قونیه خطلرینک اورایه قدر تمیدی و بر طرفندن-ده مرسین و صامسون

اسکله-لرینه برر دمیر یول خطیله ربطی تجارتنک پک زیاده ترقیسنی و شهرک معموریتتی موجب اوله-جقدر. هواسی قیشین پک صوتوق ایسه-ده، یازین معتدل و صاغلاندر. آنجق خانه-لرینک چوغی یرله برابر و جفظ الصحه قواعدینه غیر موافق اولدیغندن، اهالیسنده روماتیسمه و بوکا مائل رطوبتدن حاصل امراض نادر دکلدر. ارجیش طاغندن اینن صولری بول و پک لطیفدر. شهرده کلینتی باصدیرمه و ججیم، یازمه یمنی، اوطه دوشمه-لری، یورغان یوزلری، چارشف، خاولی و سائر بعض منسوجات و جوز آغاجندن مرانغوزلغه متعلق مواد متنوعه اعمال اولنور. اهالیسندن 45000 ی مسلم، و 9000 ی ارمنی، 14400 ی روم، 800 ی ارمنی قتلویکی و 1200 پروتستان اولوب، جمله-سی لسان ترکی ایله متکلمدرلر. قیصریه-لیلر ذکاو و استعداد فوق العاده ایله ممتاز اولوب، علی الخصوص تجارت و صنعته پک بیوک استعدادلری واردر. بر طاقملری اختیار غربت ایده-رک، استانیولده بایاجیلق، نقاشلق، صیوه-جیلق و سائر صنعتلرله مشغول اولورلر. قیصریه پک اسکی بر شهر اولوب، ازمنه قدیمه-ده %مراقه\$ اسمیله قاپادوقیه خطه واسعه-سنگ مرکزی ایدی. بعده روما ایمپراطورلرندن (تیبیریوس) قاپادوقیه-یی ضبط ایتدکنده، شهری توسیع و تزیینله، آوغستوس قیصرک نامنه نسبتله بو شهره قیصریه #1 اسمنی ویرمشیدی. او وقت شهر شمذیکی قیصریه-نک یکرمی دقیقه قدر جنوب غربیسنده واقع تپه-لرک اوزرنده مؤسس ایدی. میلادک 260 تاریخلرنده ایران حکمدارلرندن شاپورذوالاکتاف قاپادوقیه-یی ضبط ایتدکنده شهری کاملاً تخریب، و اهالیسنی قتل عام ایتمش ایسه-ده، متعاقباً اسکی موقعنک یاننده یعنی تپه-لرک آلتنده بنا اولنمش؛ و بعده بو دخی صیق صیق وقوع بولان زلزله-لردن خراب اولوب، سلجوقیلرک زماننده شمذیکی موقعنده مجدداً بنا اولنمشدر. بو حالدده شمذیکی قیصریه صرف اسلام شهری اولوب، کرک خراب اولان اسکی سورینک ویرانه-لرنده و کرک الیوم باقی اولان ایچ قلعه-ده خطوط عربیه-دن و آثار اسلامی-دن بشقه هیچ بر خط و اثر کورلمیور. شهرک اسکی موقعلرنده، هر نه قدر شهر تجدد ایتدکجه اسکینک انقاضی یکیسنک بنا سنه قوللانلدیغندن، چوق آثار قالماش ایسه-ده، خرسیتیانلغک اوانلندن قالمه بر طاقم کلیسالر تمللریله بر چوق خرسیتیان مزارلری و رومالیلر زمانندن قالمه بر جانبازخانه و سائر بعض آثار موجوددر. شمذیکی شهرک اطرافنده سلجوقیلر دورندن قالمه بر آثار موجوددر. جماع شریفه-سنگ اک اسکیمی اولوب، سلجوقیلر طرفندن بنا ایدلمش اولان عرب طرزنده بیوک بر جامع ایله اتصالنده-کی مدرسه الیوم خراب اولوب، کراسته دپوزیتوسی یرینه قوللانلمقده-در. جوامع معموره-سنگ اک بیوکی ایچ قلعه دورنده اولوب ابو الفتح سلطان محمد خان ثانینک بنا کردسیدر.

*- قیصریه قضاسی لوانک مرکز قضاسی اولوب، قسم شمالیسندن عبارت اولمغله، شمالاً یوز غاد سنجاغیله، غرباً قیر شهری سنجاغی و قونیه و لایتیله جنوباً اینجه صو و دوه-لو قضالریله، شرقاً دخی سیواس و لایتیله محدوددر. قضا شهر ایله 102 قریه-دن مرکب اولوب، 131976 اهالیسی واردر، که بونلرک 85600 ی مسلم، 28767 سی ارمنی، 1322 سی ارمنی پروتستان، 744 ی ارمنی قتلویکی و 15543 ی روم دینلیورسه-ده، جمله-سی لسان ترکی ایله متکلمدر. قضانک قسم جنوبیسی ارجیش طاغنک اتکلرندن عبارت اولوب، شماله طوغری کسب انحطاط ایدر، قره-صو و قزیل ایرماق وادیلرینه طوغری واسع اووه-لر ممتد اولور. قزیل ایرماق شرقدن غربه طوغری جریانله قضانک قسم شمالیسنی شق ایتدیکی کبی، قره-صو دخی بوکا متوازیاً قضانک اورته-سندده آقوب، ارجیش طاغندن اینن بر چوق چاپلر آلدقن صکره، شمال غربی-یه طوغری دونه-رک، قزیل ایرماغه دوکیلور. قیصریه شهرینک غرب جنوبی جهتنده %سازکولی\$ اسمیله کنیشجه بر کول بولنوب، غرب جهتندن کلن %اینجه صو\$ بو کوله دوکیلور. قضا داخلنده قزیل ایرماغک اوزرنده %تک کوز\$ و %چوق کوز\$ اسملریله کارکیر و متیم ایکی کوپری واردر. اراضیسی باشلیجه اراضی برکانیه-دن اولوب، اولدقجه منبت و محصولداردر. محصولاتی حبوبات متنوعه ایله جهری، کتره، اوزوم و میوه و سبزه-لرک انواعندن عبارتدر.

کهرچله ایله آلچی، سونکر طاشی و سائر احجار و اتریه کثرتله بولنوب، معادن دائر هنوز بر شی چیقار-لمامقده-در. قیصریه-دن 2 ساعتق مسافه-ده واقع %حسن اوبه\$ قریه-سندده امراض جلدیه-یه نافع بر معدن صویبی بولندیغی کبی، 6 ساعتق مسافه-ده %پالکز کوز\$ اسمیله کورنولی بر ایلیجه و ینه او مسافه-ده واقع %سازلق\$ ملحنده مسهل کبی قوللانلییر بر معدن صویبی بولنیور. قضا داخنده 81769 قویون، 26224 عادی کچی، 2049 تفتیک کچیسی و دوه و سائر حیوانات اهلیه بولنیور. قضانک واردات سنویه-سی 42000 لیرا راده-لرنده-در. ملحقاتنده طلاس قصبه-سی و کرمیر، اسکلت، زنجی، دره و سائر اسملرله بر قاچ بیوک قریه-سی و بر خیلی ارمنی و روم مناسترلریله آثار عتیقه-یی حاوی بعض ابنیه قدیمه-سی و غریب مغره-لری وارد.

1-3803-5

قیصریه

سنجاغی. آنقره و لاییتی ترکیب ایدن بش سنجاغک بری اولوب، و لایتک منتهای جنوب شرقیسنده واقعدر. شمالاً یوزغاد1@ سنجاغیله، غرباً قیر شهری سنجاغی و قونیه و لایتیله، جنوباً ینه قونیه، جنوب شرقی طرفندن آتیه، شرقاً دخی سیواس و لایتلیله محاط و محدوددر. سنجاغ غیر منتظم بر مربع شکلنده اولوب، همان اورته-سندده 3961 متره ارتفاعی ارجیش طاغی منفرد بر صورتده یوکسلنیور، و هر طرفه اتکلرینی اوزاده-رق، بو اتکلرک اطرافنده 1000 متره-دن ارتفاعی اولان بر یایله بولنیور. بو وجهله سنجاغک موقعی مرتفع اولوب، مذکور ارجیش طاغی سونمش بر برکان اولمغله، بتون سنجاغک اراضیسی برکانی الاصل اولوب، اوتیه بریسنده بر چوق قیالر بولنیور؛ کویلرینک چوغی بو قیالرک آلتنده ویا قیالرله محاط محللرده بولنمغله، اوزاقدن مملکت خالی کبی کورینیور. ارمنه تاریخیه-دن بری ارجیش طاغی اشتعال آثاری کوسترمه-مس ایسه-ده، پک چوق دفعه-لر شدتلی زلزله-لره سببیت ویرمشدر. بو طاغک اتکلری وقتیه اورمانلرله مستور بولنمش ایکن، باقلمامقدن اتلاف اولنوب، شمیدیکی حالده همان هر طرفی چپلاقدر. سنجاغک قسم شمالیسی قزیل ایرماق حوضه-سندده یعنی قره دکیز مائله-سندده اولوب، مذکور ایرماق جهت مذکوره-یی شرقدن غربه شق ایله، ارجیش طاغندن اینن صولردن متشکل قره صویبی آلیر. جنوب شرقی قسمی سیحان حوضه-سندده و آق دکیز مائله-سندده اولوب، سیحانه تابع %ظمانطه\$ چایی سنجاغک شرق جنوبی حدودینی تفریق ایله، او جهنتک بعض چایلرینی آلیر. جنوب غربی قسمنک ایسه مخرجی اولمیوب، میاه جاریه-سی بعض کوللر و بطاقلر تشکیل ایدیور. سنجاغ قیصریه، اینجه صو و دوه-لو اسملریله 3 قضا و کوستره و قره حصار اسملریله 2 ناحیه-یه منقسم اولوب، 181 قرطه-یی حاوی اولدیغی حالده 210732 اهالیسی وارد، که بونلرک 136590 ی مسلم، 45318 ی ارمنی، 1575 ی ارمنی قتلویکی، 1800 ی ارمنی پروتستانی، 25449 ده روم اولوب، جمله-سی لسان ترکی ایله متکلمدر. و سیما و اخلاق عاداتجه بر فرقاری یوقدر. اراضیسی اولدقجه منبیت اولوب، حبوبات متنوعه ایله جهری و سائره حاصل اولور. اشجار مثمره-سیله باغلی-ده چوق اولوب، قوری یش، پستیل، پکمز و سائره یاپلییر. حیوانات اهلیه-سی قیون، کچی، تفتیک کچیسی، صیغیر، خرکله، دوه و سائره-دن عبارت اولوب، متوسط حالده-در. صنایع محلیه باشلیجه خالی، کلیم، سجاده و سائر بعض یوک منسوجاتدن عبارتدر.

1-3804-5

قيصريه-لی

[[احمد پاشا (قيصريه-لی - *-)) ماده-سنه مراجعت بيوريله.]

2-3804-5

قین برونی

و دها طوغریسی قیل برونی #1 روسیه-نک تاوریده اباتتنده و قره دکیز ساحلنده و %دنیر \$ منصبنده-کی خلیجی قره دکیزدن ایران اوزون و طار بر برونک منتهای غربیسنده بر قلعه ایدی، که 1860 تاریخنده هدم اولنه-رق، شمدی یرنده بر کوچک بالیجی کویی واردر.

3-3804-5

قیوجق

آبدین ولایت و سنجاغنک نازلی قضااسنده و نازلینک شرق جهتنده مندرس ایرماغنه دوکیلن بر کوچک چایک اوزرنده ناحیه مرکزی بر کوچک قصبه-سی اولوب، 2715 اهالیسی واردر. *- ناحیه-سی 18 قریه-دن مرکب اولوب، 12100 اهالیسی واردر.

4-3804-5

قیوم زاده، محمد صالح افندی

متأخرین خطاطیندن اولوب، یوز قدر مصحف شریف یازمش؛ و 1293ده وفات ایتمشدر.

(باب القافک صوکی)